

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

子部
第七冊



魯新登字 07 號

責任編輯：孫言誠 賀 偉

ISBN 7-5333-0478-0



EB12/07

四庫全書存目叢書·子部七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 53.75 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第七冊目次

子部·儒家類

文公先生經世大訓十六卷(二)

〔明〕余祐輯
北京大學圖書館藏明嘉靖元年河南按察司刻本

一

近言一卷

〔明〕顧璘撰
北京圖書館藏明繁露堂刻本

五四

傳習則言一卷

〔明〕王守仁撰
中國科學院圖書館藏清道光十一年六安晁氏木活字學海類編本

六八

慎言十三卷

〔明〕王廷相撰
上海圖書館藏明嘉靖刻王浚川所著書本

七三

後渠庸書一卷

〔明〕崔銑撰
北京圖書館藏明萬曆刻百陵學山本

一三三

楊子折衷六卷

〔明〕湛若水撰
浙江圖書館藏明嘉靖刻本

一三七

閑闢錄十卷

〔明〕程瞳輯
清華大學圖書館藏明嘉靖四十三年刻本

二〇一

文公先生經世大訓十六卷

(二)

〔明〕余祐輯

北京大學圖書館藏明嘉靖元年河南

按察司刻本

附《四庫全書總目·文公先生

經世大訓十六卷》提要

文公先生經世大訓卷十四

後學余祐編集

荒政第三十一 三十九條

延和秦剗救荒之務檢放爲先行之及早則民知有所恃賴未
便逃移放之稍寬則民間留得禾米未便缺乏然而州郡多
是文惜財計不以愛民爲念故所差官承望風指已是不敢
從實檢定分數及至申到帳洪州郡又加裁減不肯依分
明除放又早田收割日久檢踏後時致有無根查者乃是州
郡差官遲緩之罪而檢官又謂人違法不爲檢定其有檢
定申到者州郡亦不爲蠲放就中下戶所放不多尤被其害
訪聞本路州縣亦有似此去處欲乞候臣將來到任廣行詢
究更與從實蠲減

又曰應募獻米合格推賞之人多被官吏邀阻乞覓聞有至
今未推賞者近雖已蒙立法約束更乞明詔戶部先具見今
奏到已未推賞名件進呈將未推賞人日下推賞行下諸路
州縣有未申奏者限一月內並到如違許被抑人進狀陳詞
重作行遣又上戶已經去年獻助今年所蓄想已不多若必
依舊格方得推賞則恐無復及格之人可以獻助欲乞檢會
淳熙元年三月二十四日勅戶部勘當到點檢合州措置賑
濟官耿延年所申浙東路賑濟賑糶依湖南江西米數減半
紐計推賞指揮謂如四千石合補承信
勘令減作二千石之類由明行下庶幾應募

者最得濟飢民仍勒所司立定保明狀式及令逐處官司承
受應募理實詞狀文帖並要當日行遣如將來依式奏到省
部却稱文字不圓及諸處故違程限者官員重加降責入吏
並行決配庶幾富者樂輸貧者得食實為兩便

又曰諸郡荒歉人戶日有流移一切官物不堪催理其紹興
府人戶夏稅已蒙聖慈等第免闕催催惟衢州當來失於
申奏致人戶未蒙依例推恩而戶部漕司催督州郡亦如平
日州郡無所從出其勢必取於縣縣無所從出則人戶必有
受其弊者其失聖主惻怛哀憐之意然計戶部漕司所催必
是指定支遣之數有不得已者其勢又不容直行禁止欲

乞朝廷取會戶部漕司合得諸州縣發錢帛之數且於內庫
支撥應副而詔戶部漕司被災州縣所欠新舊官物並且住
催直至明年春麥熟後却將舊欠逐旋催理寬作料次撥還
內庫決然不至敢有欠缺其人戶名下新舊上供官物亦乞
明詔州縣未得催理其紹興府雖已有前件住催指揮竊恐
州縣奉行不虔及將今年檢放外殘零苗米催督嚴峻亦乞
聖慈更賜戒約令其寬限人戶輸納

又曰今年旱地廣闊只有湖南二廣及浙西兩三郡豐熟而
廣東海路至浙東為近臣昨受命之初訪聞彼處米價大賤
低平即嘗印榜遣人散於福建廣東兩路沿海去處招邀米

客許其約束稅錢不得妄收力勝雜物稅錢到日只依市價
出糶更不裁減如有不售者官為依價收糶自此向後必多
有人興販前來但臣元榜約束本路州縣稅場不得妄有邀
阻收稅及力勝一節更乞聖慈嚴行下有違者官吏並
比見行條法各加一等坐罪至來年陸月却依舊法其收糶
本錢乞許行下本路沿海州軍將今年糶過米錢及兌那諸
色軍名支撥應募應募不失信於各人向後易為招誘如或
更蒙朝廷量立賞格召人興販行下諸路曉示勸誘仍先降
空名付身數十道付本司俟有上件販到米斛之人即與書
填給付蓋緣各人難貨了畢便欲歸回元處不能等候即與

土居上戶不同伏乞聖慈

又曰揀荒之政著於令甲及近年節次指揮雖已詳悉然而
全在官吏遵奉施行然後民被實惠况今年荐飢公私匱竭
比之常歲事體不同欲乞聖慈特降指揮戒敕本路守令以
下令其究心奉行悉意推廣其故有違慢不虔之人俾臣奏
劾一二重作施行以警其餘其有老病昏愚不堪驅策者亦
許具名聞奏別與差遣却選本路官吏惻怛愛民材力可仗
者特許不拘文法時暫權差謂如治縣捕盜官不於差出之類仍依富強趙
抃例選差得替待缺官廟持服官員時暫管幹事畢具名申
奏量與推賞如成磨勘陞名次之類庶幾官吏向前人蒙實

利

延和奏劄臣昨任南康軍日適值旱傷深慮檢放搔擾下戶偶有士人陳說乞將五斗以下苗米人戶免檢全放當時即與施行人以爲便本路提舉常平尤袤遂以其法行之諸郡其利甚溥近日經由信州則聞玉山一縣亦得檢官如此措置除上三等戶隨分減放外下二等戶盡行蠲免通計一縣所放亦不過共成五分間之道旁居民莫不稱其平允此最爲法之善者而律令未有明文又今年檢踏已畢行之不及欲乞聖慈詳酌特詔有司定著爲令自今水旱約及三分以上第五等戶並免檢踏具帳先與全戶蠲放如及五分以上即并第四等戶依此施行其州縣差官後時致得旱損田苗不存根查亦乞立法坐罪其所損田即與相度地形高低水源近遠比並隣至分數檢放庶幾貧民永遠利便

又曰臣所居建寧府崇安縣開耀鄉有社倉一所係乾昨道四年鄉民艱食本府給到常平米陸百石委臣與本鄉土居朝奉郎劉如愚同共賑貸至又收到元米次年夏間本府復令依舊管與人戶冬間納還臣等申府措置每石量收息米二斗自後逐年依此欵散或遇小歉即蠲其息之半大飢即盡蠲之至今十有四年具支息米造成倉穀三間收貯已將元米陸百石納還本府其見管三千一百石並是累年人戶

金鑑世宗卷十四

金鑑世宗卷十四

納到息米已申本府照會將不依的欵散更不收息每石只

收耗米三升係臣與本鄉土居官及士人數人同共掌管遇欵散時即申府差縣官一員監視出納以此之故一鄉四五十里之間雖遇凶年人不缺食竊謂其法可以推廣行之他處而法令無文人情難彊妄意欲乞聖慈特依義後體例行下諸路州軍曉諭人戶有願依此置立社倉者州縣量支常平米斛責與本鄉出等人戶主執欵散每石收息二斗仍差本鄉土居或寄居官員主人有行義者與本縣官同共出納收到息米十倍本米之數即送元米還官却將息米欵散每石只收耗米三升其有富家情願出米作本者亦從其便息米及數亦與撥還如有鄉土風俗不同者更許隨宜立約申官遵守實爲久遠之利其不願置立去處官司不得抑勒則亦不至搔擾此在今日言之雖無所濟於目前之急然實公私儲蓄預備久遠之計及今欵歲施行人必願從者最其建寧府社倉見行事目謹錄一通進呈伏望聖慈詳察特賜施行

乞借撥官倉給降度牒及推賞獻助人狀臣昨被館遣備使浙東又蒙聖慈賜以官會三十萬貫以給一路賑糶賑濟自謂遭值聖恩隆厚至於如此其勢必可以救活此道之人伏自入境以來日據紹興府金鑑山陰兩縣人戶投訴抄創漏落

遂將諸縣悉行根括先據兩縣申到比舊計增二十五萬六千一百九十二口其餘諸縣尚未申到計其縣分地理之大小戶口當數倍於此蓋緣當來諸縣抄割不甚子細而又涉日既久向之粗能自給者今皆闕食所以飢民之數日有增加因此數考按本府昨來均定所得錢米撥下諸縣之數其為欠關數目尚多遂將昨來所蒙給降會子等錢除五萬貫諸州申到已無見在更留五萬準備諸州取撥外即計逐縣大小及已得錢米多寡等第均給計已支費十八萬餘貫而會稽山陰兩縣自占九萬餘貫其餘准擬諸縣申到再割人數別行均給者共不過一萬餘貫計可得米三四千石而已事勢危迫不免逐戶於鹽司錢內借撥九萬餘貫聯絡興府措置運糴然亦僅可得米二萬餘石而已以兩縣拜割所添計之則此二萬三千石之米其勢豈足以均及諸縣之人然而兩縣所得一家不過日得一二升一口不過日得一二合而已比皆僅足以苟延喘息而不足以救其死命竊料更加旬月未論不得食者必致殍死而此得食之人亦有羸困不能以自存者矣又况當來計料糴濟止到三月十五日便行住罷已不能給而麥熟猶在四月麥之熟否姑置未論止許住罷至於麥熟猶有半月餘日無以接濟夫以紹興一郡之飢自臣未到已蒙撥賜米十四萬石錢九萬貫至臣

有請又蒙聖恩如此其厚而臣智術淺短不能變通其所施為止於如此竊恐考之於今則徒有賑救之名而無賑救之實要之於後則既已養之數月之久而不免棄之旬日之間徒費陛下軍國之儲數十大萬而不足以稱陛下救民水火之心固臣之無狀死不償責至於減米增賞雖以得旨通行而去年獻助之人至今未蒙推賞度牒換米雖已得旨給降而米數太多度牒一道計當錢千五百緡以此至今皆未聞有應募者則此竊恐陛下憂勞惻怛博施濟衆廣大無窮之心或格於有司拘攣纖審之儀而不得以下究也臣已與帥臣王希呂同狀奏聞欽望聖慈更賜憐憫再行措撥會子三十萬貫及今糴米五六萬石通融接續措置糴濟而復於此詳具其所以然者以聞其去年本路所奏合推賞人則乞特詔有司直與推賞給降告命付之本州令守臣獎上當廳祇受不須更令官司保明徒為文具其度牒亦乞裁減半價只作百五十石仍再給降三百本付紹興府令臣與王希呂同共掌管交到米斛即與書填則人必樂從應募者衆凡此三者儻蒙施行庶幾此郡飢民逐家一日各添得米一二升逐口一日各添得米二三合而逐縣續有割到漏落戶口及流移歸業之人亦得以漸次收拾不至飢死既有以卒究陛下憂勞惻怛博施濟衆廣大無窮之心而草野愚臣亦得以憑

藉威靈不負民之命千萬幸甚如其不能則臣計已窮終必仰孤任使伏自到任以來朝夕憂懼精神耗竭四肢緩弱時復麻痺竊恐一旦溘然無以見百萬饑鬼於地下欲望聖慈赦其罪矣許臣罷免使得脫此冤債歸骨故山亦千萬幸甚披心瀝血干冒宸嚴臣無任恐懼戰栗之至

奏採荒事宜狀臣蒙恩將命浙東奉行救恤到官日夕考究求所以副焦勞之意竊見浙東諸州例皆荒歉台明號為最熟亦不能無少損而紹興府之飢荒昔所未有臣以目所親聞思去歲南康之歉猶謂之樂歲可也賑救既在所急事體宜先奏聞今紹興府八邑餘姚上虞號為稍熟然亦不及半

收新昌山陰會稽所損皆七八分嵊縣旱及九分蕭山諸暨水旱相仍幾全無收今除餘姚上虞稍似可緩外且論蕭山等陸縣約其所收不過十一先次朝廷撥米一十四萬七千石錢九萬貫并本司前官申朝廷於衢婺州通融撥到義倉錢三萬八千七十五貫一百文明州義倉米五千石數目非不多州郡日夕惟賑濟是務官吏稍解事者皆奔走不暇雖寄居士大夫亦不敢寧處不可謂不留意然終未有能救飢殍之實民情數日甚一日不獨下戶乏食而士子宦族第三等入戶有自陳願預乞丐之列者驗其形骸誠非得已燕自秋來賣田折屋斫伐桑柘鬻妻子貨耕牛無所不至不較

小經世大綱卷十四

小經世大綱卷十四

價之甚賤而以得售為幸典有則庫戶無錢舉貸則上戶無力藝業者技無所用營運者貨無所售魚鰕螺蚌久已竭澤野菜草根取掘又盡百萬生齒飢困支離朝不謀夕其尤甚者衣不蓋形面無人色扶老携幼號呼宛轉所在成群見之使人酸辛怵惕不忍正視其死亡者蓋亦不少臣深究其所以然正緣紹興地狹人稠所產不足克用稔歲亦資鄰郡非若浙西米斛之多又以和買偏重無巨富之家連遭水旱兼失糶麥些小積穀春首勸糶無有存者上戶先已匱乏是以細民無所仰給狼狽急迫至於如此大抵荒歉自五分以下猶可措置蓋以五分之粟給十分之人稍行勸分便可苟活今以空虛之郡而荒及九分則一分之粟既不能給十分之人而戶口甚多所關浩瀚亦有非移民移粟所能補助者臣所目見心思兼詢訪士大夫老者既如此復約墾田收租之數以證之除餘姚上虞外今將田畝計其歲入六縣為田度二百萬畝每畝出米二石計歲收四百餘萬又將今并抄割山陰會稽兩縣口數以約六縣之數則山陰會稽丁口半於諸暨嵊縣而比新昌蕭山相去不遠絕長補短兩縣當六縣四分之一今抄割山陰會稽四等五等貧乏之戶計三十四萬口四等之稍自給及上三等者不預焉則統計六縣之貧民約須一百三十萬口并上古當不下百四十萬計稔歲所

欽四百萬石米除上供及州用外美食百四十萬之生齒日計猶不能及二升之數則所謂樂歲無餘者既信而有證矣又約六縣所蠲放分數以計今歲民間所收不過十分之一則所不收之米約計二百六十萬石而所收止四十萬石闕之數目如此浩瀚則所謂補助無策者又信而有證矣今將紹興府先所得錢一十二萬八千七十五貫一百文并臣所得三十萬貫除五萬貫諸州申到已無見在又指留五萬貫均給諸州外不過共折米八萬二千餘石并前項米一十四萬石總而計之不及其田租所闕十分之一今來措置除蕭山僅能口給半月外其餘五縣以戶計之日之所得固不過一

小經世本訓卷中

二升若以口計之則日之所得又不過一二合是僅足以使之皆知聖主憂勞憫恤不忍坐視之意而已若謂如此而便足以救其必死之命則固難指準然遂欲以百三十萬之資民盡仰官司口以升計麥秋之前九十餘日當為粟百萬石則亦非朝廷今日事力之所及也然臣竊謂有司之力誠有限量而聖主天地父母覆載生育之心則無終窮以有限之力言之則救護之切撥賜之多誠若不可以有加於今日然以陛下無窮之心論之則豈不欲使此邦更得數千萬石之粟以必救數十萬人之命其忍直以無可奈何處之而熟視其飢餓顛仆於前乎故臣輒敢歷叙其所見聞考驗之實本

未如此而別具施行事自以干聖聽惟陛下哀憐財救意迫情切言無倫次臣無任皇恐俟罪之至

奏採荒事狀臣自衢婺州復回紹興府界竊見衢婺災傷比之紹興府數殊少而兩州公私本皆富實賑恤之備足至秋成惟紹興府災傷極重所費不貲自今已是非常狼狽而考其後日之備乃不能盡三月而止竊恐新麥未登之際尚有缺乏之患而下田之麥亦有遭雨浸損去處又已無復食新之望其豐熟處常歲所收亦不過可為兩月之計五六月間青黃未接之際此必復有以勞聖慮者若至其時方作處置竊恐復有緩不及事之歎如欲及今講究早為措置則臣昨累

小經世本訓卷中

具奏所乞教事今皆尚可行也其一乞推去年獻助之賞者已蒙節次施行近日遂有婺州進士陳夔諸臣投狀陳乞獻助二千五百石訪聞浦江等縣更有一二家亦欲陳獻此亦可見不吝恩賞之効今若更賜指揮催促省部盡行推賞使無一戶之遺然後鑄板開具頒下諸州廣行曉諭則其慕而效之者當不止此而已也其二乞減度牒米數亦已蒙減五十石此則恐所減太少未足多致米斛蓋度牒本價只四百貫適今之宜更合少損以濟飢民乃為得策不當反高其直使曠日持久卒無所售以誤指準也其三則臣嘗與帥臣王希呂同奏再乞撥賜官倉三千萬貫而未蒙開允也此固無

厭之請宜不足聽然紹興之民不幸罹此非常之災父老相傳以爲數百年所未嘗有而陛下所以扶持救恤恩勤備至亦數百年所未嘗有今其不能免於死亡捐棄者已無可言其幸得延殘息以至今日者豈可不爲終惠之計而使旬月之間頓至闕絕以棄前日之功哉抑官會出於印造非有鼓鑄之勞見今通行輕重之權與見錢等雖使更散三十數萬亦未遑有等於流通也況以陛下之至仁至聖夫豈有愛於此而輕百萬人之命哉且又紹興累年荒歉常平錢米日下支散無復一文一粒可爲將來久遠之備今此所乞若蒙聖慈依數撥賜則亦非惟可救目前之急萬一支遣不盡又足以接續收糴更爲後日之儲其利尤不細也凡此三者乞留聖念早賜施行庶幾緩急不至悞事然臣尚慮麥前急闕收糴未辦獻助不多有失調救竊見本路諸州常平義倉米斛尚有餘剩未支遣處欲乞特降指揮許臣照應移用條法量行取撥尤爲利便

奏保荒事狀臣昨曾具奏乞詔州縣照應省限理納夏稅不得促限追呼已蒙聖慈頒下施行今聞諸州間有不遵稟者公行文移必要七月上旬取足顯屬違奉其奏乞將紹興府去年住催夏稅入戶納過之數依做秋苗所放分數特與比折今年合納之數亦蒙聖慈行下又爲戶部巧爲沮難行下本

府催督愈峻今米既是復有災傷豈是追呼催督稅賦之時欽望聖慈特降指揮令被災州郡將所管縣分被災重處特與寬限勸諭送納其不係被災縣分內有被災鄉分亦各較量輕重依此施行其紹興府理折夏稅亦乞直降指揮依臣所乞施行庶幾遭難遺民稍獲安業

又曰臣昨具奏諸州雨暘次第曾有貼黃奏稟乞詔州郡依條受理早帳及早差官檢放事蓋爲田稻既是乾損及其未獲之際便行檢路即荒熟之狀明白易知非惟官司不得病民亦使姦民無由僥倖所以者令訴旱自有三限夏田四月秋田七月水田八月蓋欲公私兩便近來官吏不曾考究令

文但據傳聞云訴旱至八月二十日斷限遂至九月方檢旱田則非惟田中無稼之可觀至於根查亦不復可得而見矣於是將旱損旱田一切不復檢路蠲放竊民受苦無所告訴而其狡猾有錢賂吏者則乘此暗昧以熟爲荒瞞官作弊皆不可得而稽考去歲本路諸州大率皆然欲乞降指揮劄下轉運司及本司遍牒諸州縣疾速受理早狀日下差人檢路早田荒熟分數其中晚稻田即候八月收狀即次檢路如有奉行違慢後時失實之處許兩司按劾以聞庶幾窮民將來獲實惠目下聞此德音便知朝廷存恤之意不至猖狂別生妄念仰勞宵旰之憂實爲利便

又曰賑恤之備去年諸郡公私猶有蓄積緣今春支用數多
悉已無餘今被害之民既是不可不加接濟則其費皆當出
於朝廷臣本欲遍訪諸郡約見合用實數然後奏請今恐因
循後時失於措置兼聞衢明州守臣皆欲丐祠而去台州
亦申本司乞撥錢糴米數自甚多又見臣寮劄子論衢州等
處見已乏食及有指揮行下閩廣勸諭客米前來温州接濟
可見一路州軍荒歉匱乏事勢已急臣今且約一路之數權
以一百萬貫為率欲望聖慈特賜開許印給度牒官會早賜
給降其度牒數乞就十分錢數之內且納三分依近降指揮
每道且賣五百貫文省或依元價作四百貫文省容臣約度

今經世大綱卷十四

十四

分俵諸州守臣今其多方措置變轉收糴庶幾趁此早穀成
熟之際便於左近有米去處價直尚平之時節次收拾免致
臨時倉卒貴價收糴緩不及事

又曰訪聞諸州府村落已有彊借劫奪之患此在官司固當
禁約然亦須先示存恤之意然後禁其為非庶幾人心懷德
畏威易以彈戢若漫不加省待其生事然後誅鋏則所傷已
多所費又廣况其不勝何患不生乞降指揮早撥上項錢數
使如臣者得以奉承布宣通行曉諭即德意所孚固有以銷
厭禍亂之萌矣然後明詔安撫提刑兩司察其敢有作過唱
亂之人及早檢捕致之典憲庶幾姦民知畏不至生事

又曰伏見州縣之吏不為不多而其間才能忠信可倚仗者
極不易得將來七州糴濟往來督辦用人必廣乞降指揮特
許將得替待闕丁憂致仕及在法不無差出之官權行差使
候結局日如舊庶可集事

又曰臣竊詳在法檢視蠲閣隸轉運司臣今敢以為請者蓋
緣蠲閣賑恤本是一事首尾相須若蠲放後時失實使飢民
已被輸納追呼之擾然後復加賑恤則與割肉啗口無異故
臣妄意欲得參與其事庶幾血脉通貫使聖朝賑卹之恩不
為虛枉伏乞聖照

今經世大綱卷十四

十五

又曰臣所奏請固皆今日所當施行而此項最為急切竊恐
大臣進呈之際謾將一二項不堪緊急事節量行應副却將
此項沉匿不為施行俟臣再請則又費月日致失機會且如
明州糴米一事臣本是四月二十三日以後節次申奏是時
明州船米輻湊正好收糴乃不施行及至六月十一日方得
指揮則所有船米已為上戶收糴殆盡矣今朝廷施行事體
緩慢姦弊百端不稱陛下救焚拯溺之意大率類此臣不敢
越職奏聞惟是此事切乞斷自聖志力賜主張蓋不惟一路
民命所繫實國家休戚所關願陛下獨留聖慮

又曰臣曾募得蘇軾與林希書說熙寧中荒政之弊費多而
無益以救之遲故也其言深切可為後來之龜鑑近已刻石

本司緣是臣下私書不敢容易繳進今有一本急於申奏不及如法標背已申納尚書省或蒙宣索一賜覽觀仍詔大臣常體此意不勝幸甚

巡歷台州奏行事狀臣七月二十三日到台州二十五日準尚書省劄子恭奉聖旨給降度牒三百道官會一十五萬緡臣即時分撥應副諸州外仍於台州刷到常平司及諸州庫眼有管窠名錢八萬貫及於降到錢會內撥錢二萬貫共湊一十萬貫量逐縣災傷輕重地里闊狹均撥應副仍詢訪到土居官員士人誠實練事為衆所服者一縣數人以禮敦請令與台州縣當職官公共措置差募人船前往得熟去處收糴

米斛循環賑糴仍多方敦請上戶說諭或出米穀或出錢物并行運糴添助賑糴仍據本州申到見管常平義倉米伍萬二千餘石已令椿管準備賑濟及一面立式選差都正鄉官等家至戶到從實抄劄法應糴濟大小戶口取見的確數目各隨比近置場以俟將來闕食就行糴濟仍立罪賞約束不得泛濫抄劄枉費官廩外伏乞聖照

又曰臣所經歷去處得雨之後晚稻之米全損者並皆長茂可望收成但民間所種不多僅當早稻十之一二其早稻米全損者亦皆抽莖結實土人謂之二稻或謂之傳稻或謂之孕稻其名不一目今有已熟熟處亦有尚帶青色處村民得

比接濟所益非細但其稻莖希疎粒多穀少其青色者已遍霜露恐難指擬至於粟苴油麻蕎麥之類却並有收次第今冬未至之絕只為荐飢民無蓋藏竊恐來春必至艱食臣已面諭州縣官吏常切體訪不拘早晚但覺民間闕食便行賑糴收錢運糴循環接濟無損於官有益於民實為利便伏乞聖照

又曰臣體訪到本州黃巖縣界分關遠從來出穀最多一州四縣皆所仰給其餘波尚能陸運以濟新昌嵎縣之關然其田皆係邊山瀕海舊有河涇堰閘以時格閉方得灌溉收成無所損失近年以來多有廢壞去處雖累曾開淘脩築又緣

所費浩翰不能周徧臣竊惟水利修則黃巖可無不旱之災黃巖熟則台州可無飢饉之苦其為利害委的非輕遂於降到錢內支一萬貫付本縣及土居官宣教即林鼎承即即蔡錦公共措置給貸食利人戶相度急切要害去處先次興工俟向後豐熟年分却行拘納其林鼎曾任明州定海縣丞敦篤曉練為衆所稱蔡錦曾任武學諭沉審果決可以集事但本縣知縣范直與不甚曉事恐難倚仗故乞依本司已獲降到指揮特與撥廟理作自陳別選清慎官權攝縣事庶幾與役救荒不至闕誤伏候聖旨

臣等執劄上奏昨具劄子奏聞乞撥米三十萬石添貼紹興府

縣將未蒙指撥銀錢所乞上件米數內十四萬三千餘石係收到本府見行指約間日糶濟數目別作逐日糶濟會計合用數目其餘亦係慮恐日後更有增添約度大數若不得已則不惟使費今日渡江無以布宣聖主憂勞憫側之意實恐將來飢民日食半升之米不足充虛接濟力不能作業營生必致殍死流離上貽當宁宵旰之憂或恐豐儲見在米數不多難以盡行支撥即乞且撥十四萬三千石先付喜前去將紹興府諸縣一例作逐日糶濟外所乞餘數却乞細計價錢付喜前去與知明州謝直閣同共措置雇募海船收糶廣米接濟糶濟仍須管除賑濟外所有賑糶到銀令項替管申取朝廷指揮實為利便伏望鈞慈早賜敷奏應副施行

禁止遏糶狀契勘紹興府婺州諸縣皆有災傷見行賑濟合用米斛已承降聖旨指揮給降到本錢三十萬貫接濟賑糶緣本路兩年若遭水旱無處收糶喜今體訪得浙西州軍極有豐稔去處與本路水路相通最為近便已行差官雇船前去收糶及印榜遣人散於浙西福建廣東沿海去處招邀客販竊慮逐州縣不體隣路飢荒之急故行遏糶及客人應募船販亦恐逐州縣稅務循習邀阻名色輕收雜稅力勝買醋錢之數使本路飢民日就狼狽虛微聖主撥賜賑卹之恩事屬不便今檢準淳熙今諸般遇災傷官司不得禁止般

販及今年八月三日聖旨勘會淳熙七年九月二十四日勅兩浙江東湖北旱傷全籍鄰路豐熟去處通放客米訪聞得熟州郡報將客販米斛邀阻禁遏奉聖旨劄付諸路帥漕各檢坐指揮條法通下州軍不得遏糶如敢違戾仰逐司覺察按劾及今年十一月二十九日本路獲降指揮本路州縣稅場邀阻妄收稅錢力勝之類將官吏並於見行條法各加一等坐罪至來年六月却依舊法欵望朝廷特賜敷奏早降指揮將見行遏糶條法剗下兩浙轉運司令行下浙西得熟州縣約束其沿途稅務邀阻收錢亦乞依本路已獲降前件指揮加等坐罪施行庶幾公私般運免致艱阻一路飢民得霽

實惠

乞給借種狀本司準淳熙九年正月二十日尚書省劄子勘會春耕是時深慮江浙兩淮州縣去歲旱傷之後貧民下戶并流移歸業之人艱得稻種却致妨廢農務理宜措置正月十九日三省同奉聖旨令逐路轉運提舉司疾速行下去歲早傷州縣多方措置稻種計量給借務令及時布種俟豐熟却行拘還具已借支數目聞奏仍多行文榜曉諭本司照對紹興府去歲旱傷為甚衢婺州為次遂那撥錢發下紹興府及下衢婺兩州諸縣恭稟聖旨指揮措置給借并錄版曉諭人戶通知元據婺州申本州鄉俗體例並是田主之家給借

今措置欲依鄉俗體例各請田主每一石地借與租戶種穀
三升應副及時布種候收成日帶還不得因而收息如有少
欠官司專與催理不同尋常債負已下諸縣從此施行及紹
興府申支撥官錢委官同與縣官措置給借五縣共給借通
第五等下戶并流移歸業人五萬七千八百戶計錢一萬七
千四百貫五十四文省并衢州申管下屬縣那借官錢伍百貫
文及勸諭上戶將收到抽種共二萬一千六百二十二石四
斗二升二合斟量分借鄉民布種去訖

奏借充上供官錢糶米并乞權行倚閣夏稅錢帛狀臣昨爲本
軍今年災傷至重奏乞截留兩年上半年供米斛內循行妄伏俟

奏經世宗皇帝

誅夷不謂聖恩即垂開允臣與閩郡千里軍民鼓舞相慶仰
戴天地父母再生之恩雖復捐軀隕首誠不足以仰報萬分
之一今來檢放旱傷秋苗通計不止七分除已一面攢具奏
聞外復有危迫之懇須至冒昧以聞竊見本軍今年所理夏
稅緣自省限起催以來即苦旱乾入戶車水救田日不暇給
憂勞愁嘆實與常歲不同遂不敢嚴責諸縣依限催理只令
勸諭入戶自行輸納至今截日方據納到絹九千四百疋錢
一萬六千七百三十五貫二百五十九文省其絹一面支裝
起發所有見錢竊緣本軍別無儲積可備賑糶不克擅行乞
借并未起淳熙六年折帛錢七千三百一十九貫二百九十

六文省通前兩項共錢二萬四千五百五十二貫五百五十五文
省越此米價未起之間收糶米斛約計可得一萬一千五百
七十石賑糶饑民却俟糶畢收錢元錢即次起發其餘入戶
所欠錢絹數目尚多而民間自今以往饑饉寒凍之憂日甚
一日漸次無力可以供輸臣誠不忍更行催督以速其流離
轉死之禍敢冒萬死復以上聞欲望聖慈更賜哀憐許將本
軍今年入戶未納夏稅錢帛權行倚閣令候來年糶麥成熟
却隨新稅帶納庶幾饑饉餘民得保生業不勝萬幸所有臣
輒將上供官錢借充糶米之罪敢不俯伏恭俟朝典伏乞聖
慈併賜施行臣無任瞻天望聖皇懼懇切之至

奏經世宗皇帝

奏勸諭到賑濟入戶狀照得本軍今歲旱傷細民闕食已行下
管屬星子都昌建昌縣勸諭到上戶張世亨等承認米數賑
糶接濟民間食用已行下逐縣告示上戶依所認數目椿管
在家伺候差官審實監糶去後續準行在尚書戶部特九月
十九日辰時準淳熙七年九月十三日勅中書門下省檢會
昨準乾道七年八月一日勅節文訪聞湖南江西間有旱傷
州軍竊慮米價踴貴細民艱食理合委州縣守令勸諭有米
斛富室上戶如有賑濟饑民之人許從州縣審究詣實保明
申朝廷依今來立定格目給降付身補授名目內無官人一
千五百石補進義校尉限將此即施行

進上與免文解一次不係進士
士候到部與免規使一次

四千石補承信即如係進士與

五千石補承信即如係進士與

行下星子都昌建昌縣勸諭承認賑米較之人如願將來

賑濟依今來所降指揮格法推賞去後今據都昌建昌縣狀

中勸諭到元認賑米穀稅戶張世亨張邦獻劉師興黃澄

四名各情願依格法將米穀賑濟饑民乞依今降指揮保奏

推賞本軍已行下逐縣告示張世亨等依數稽管米斛伺候

本軍給曆付飢民及差官前去監轄賑濟饑民請領食用候

見的實賑過米數別行保奏推賞外須至奏聞者

南康任滿奏事狀照會本軍去歲旱傷至重細民闕食雖有椿

管及撥到常平米斛數目不多深恐不能周給遂行勸諭到

管屬上戶承認米數賑接濟民間食用續於去年十一月

十一日準行在尚書戶部九月十六日辰時準淳熙七年九

月十三日勅中書門下省檢準乾道七年八月一日勅節文

訪聞湖南江西間有旱傷州軍竊慮米價踴貴細民艱食理

合委州縣守令勸諭有米斛富室上戶如有賑濟饑民之人

許從州縣審實詣實保明申朝廷依今來立定格目給降付

身補授名目內無官人一千五百石補進義校尉

即二千石補進武校尉

石補承信即如係進士與

軍疾速施行本軍恭稟行下管屬再行勸諭承認賑米數

之人如願將來賑濟切待審究保明申朝廷依今來所降指

揮格法推賞去後據都昌建昌縣申數內勸諭到元認賑米

稅戶張世亨劉師興進士張邦獻黃澄四名各情願承認米

依格法賑濟內建昌縣稅戶張世亨伍千石乞補承節即進

士張邦獻伍千石乞補迪功即稅戶劉師興四千石乞補承

信即并都昌縣待補太學生黃澄伍千石乞補迪功即各乞

依今降指揮保奏施行本軍遵行下告示張世亨等依數稽

米伺候給曆付饑民差官監轄賑濟已於去年十二月二十

八日先具奏聞及申本路諸監司照會去訖續據管屬星子

都昌建昌三縣共抄劄闕食饑民二萬九千五百七十八戶

數內大人一十二萬七千六百七口小兒九萬二百七十六

口本軍各印給曆頭牌面置簿曆發逐縣當職官給散付

人戶預於縣市及諸鄉約定去處共置三十五場分差見任

寄居指使添差監押酒稅務監廟大小使臣共三十五員監

轄賑賑濟及委縣官分場巡察嚴戒戒剋乞覓之弊自淳

熙八年正月初一日為始今抄劄到闕食人戶赴場賑糶其

糶寡孤獨之人即以常平米斛依法賑濟至正月內又緣雪

寒行下屬縣將元係賑糶饑民用上件張世亨黃澄等米及

常平義倉米一例賑濟兩日至三月內又慮飢民艱得錢收

糴米斛再自十一日為頭行下諸縣將已給曆賑糴飢民一例普行賑濟一十三日通作半月及照得都昌縣止有黃澄一名承認賑濟米伍千石奏所管義倉米會計賑濟不用本軍遂於建昌縣張世亨等賑濟米內撥米四千石本軍措置官錢和雇脚夫舟船裝載發送都昌縣交管分於置場去處責令監轄賑濟至閏三月十五日終節次據都昌縣建昌縣申到張世亨張邦獻劉師興黃澄賑濟過米撮并共計一萬九千石星子縣原無勸諭到上戶賑濟米斛即以常平義倉米斛依例普行賑濟外本軍節次行下都昌建昌知縣逐旋審究的實賑濟過張世亨黃澄等米數保明申軍去後據迪功郎監城下酒稅權都昌縣事孫僑通直即知建昌縣事林叔坦狀保明到張世亨張邦獻劉師興黃澄賑濟過米一萬九千石委是節次賑濟飢民食用之數即無冒濫本軍一面差委從政即本軍司法參軍陳祖永前去都昌建昌縣覈實到張世亨張邦獻劉師興黃澄賑濟米一萬九千石委是賑濟過的實之數本軍勘會得張世亨劉師興各係稅戶張邦獻係應舉習詩賦終場士人并黃澄係於淳熙四年秋試應舉習詩賦取中待補太學生第十五名是實其張世亨張邦獻劉師興黃澄賑濟過米數各應得近降指揮賞格數內稅戶張世亨賑濟過米五千石合補承節即稅戶劉師興賑濟

過米四千石合補承信即進士張邦獻賑濟過米五千石合補迪功郎待補太學生黃澄賑濟過米五千石合補迪功郎除已具由本路安撫司轉運司提舉司提刑司照會依條保奏推賞外欲望聖慈下所屬給降合得付身發下以憑給付張世亨張邦獻劉師興黃澄祇受頒至奏聞者
又曰臣昨奉淳熙七年九月十三日聖旨勸諭到本軍人戶黃澄等出備米一萬九千石賑濟飢民已曾累具書三奏聞去訖近緣春初雨雪寒凍及三月以來農功將起已貼諸縣將上件米普行賑濟管內飢民兩次通計二萬九千五百七十八戶數內大人一十二萬七千六百七口小兒九萬二千七十六口大人一斗五升小兒七升五合足為半月之糧今已了畢千里之民既免於飢餓流離殍殍之憂無不歡呼鼓舞感戴聖恩臣亦多方體察詢究委無欺隱漏落誑妄不實之弊已因近降指揮具事狀申本路監司乞行保奏外竊緣當來勸諭並是臣親書榜帖分遣官屬再三往復示以朝廷命令官賞之信其人乃肯欣然聽命今臣秩滿非久解罷若不力為奏陳早乞推賞萬一他日有司視同常事巧為沮卻則不惟使臣得罪於民亦恐朝廷異時命令無以取信於下本軍不克別具狀奏欲望聖慈特詔有司不候諸司保明將本軍所奏黃澄張世亨張邦獻劉師興早賜處分依格推賞

庶幾民間早獲爲善之利日後或有災傷富民易以勸率貧民不至狼狽實爲永久之利臣不勝大願

又曰臣輒有愚見上瀆聖聰臣竊覩本軍去年大旱田畝不收幸蒙聖恩減放秋苗倚閣夏稅而又申詔有司發廩勸分前後丁寧勤勤懇懇凡所以加惠於無告之窮民者至深至厚以故今歲開春以來及今日是七十餘日而閭里細民幸不至於大段闕食又幸自今雨澤以時原野漸潤竊料不過四五十日則二麥可收又四五十日則早稻相繼決不至於復有流離捐瘠之禍以勤陛下宵旰之憂矣竊臣竊以爲採荒之政蠲除賑貸固當汲汲於其始而撫存休養尤在謹之

金鑑世大訓卷十四

五

於其終譬如傷寒大病之人方其病時湯劑砭灸固不可以少緩而其既愈之後飲食起居之間所以將護節宣小失其宜則勞復之證百死一生尤不可以不深畏也今者飢饉之民雖得蒙被聖恩以幸免於死三然亦類皆鳥形鵠面爾然無異於大病之新起若有司加意撫綏寬其財力則一二年間筋骸氣血庶幾可復其舊若遂以爲既愈而不復致其調攝之功但見其尚能耕墾田疇撐拄門戶而遽欲責以累年之逋負與夫去歲倚閣之官物則是人者其必無全理矣竊聞乾道七年之旱夏稅秋苗亦皆蒙聖恩免而流殍甚衆迄今不復者正以次年帶納前料稅物者迫之也然考其實

所謂帶納者初未嘗大段有人納到以佐有司用度之闕而查胥猾吏得以並緣接擾則其害有不可勝言者其後淳熙元年九月四日乃以祥飢始蒙蠲放則三年之間所失已多而無及於事矣今舊逋未除新稅將起斯人懷懼已有狼顧之憂臣愚欲望陛下赦臣之罪察臣之言亟詔有司凡去年被災之郡盡今年毋得催理積年舊欠及將去年倚閣夏稅悉與蠲放其上一等入戶當此凶年細民所從仰食其間亦有出粟減價賑糶而不及資格者欲望聖慈益加恩施許將去年殘欠夏稅多作料數逐年帶納則覆載之間幅員之內當此災旱之餘無有一夫一婦不被先降之澤矣臣愚賤疎

金鑑世大訓卷十四

五

遠不當要有陳奏實以誤膺未寄職在牧民竊於詔令之間有以仰窺陛下子愛黎元之心有加無已大懼無以仰稱萬一是以不敢不盡其愚冒瀆天威臣無任恐懼顛越之至乞除豁經總制錢及月椿錢狀經總制錢年額係於夏秋二稅內收赴緣本軍去年分檢放過苗米三萬七千四百五十石一斗二升三合一勺紐計無收經總制勘合頭子錢六千三百七十二貫一百一十七文省及依準淳熙七年十月二十六日聖旨指揮倚閣本年第三等以下入戶未納畸零夏稅折帛錢二萬三千三百一十五貫四百六十五文本色絹三千八百一十六疋九尺六寸紐計無收經總制勘合頭子錢

二千九百二十五貫八百四十七文二項共合除放經總制錢九千二百九十七貫九百六十四文其苗米上所收經總制頭子勘合等錢遵從淳熙四年戶部轉尚書申明已得指揮並合隨苗除放其夏稅時零錢帛既已倚閣亦無合收經總制勘合頭子錢數目合依例除豁方欵具申乞下總所并憲司照會今會得池州近以旱傷申請已奉聖旨除豁檢放苗米上無收經總制錢况本軍旱傷尤甚既檢放秋苗外又蒙倚閣第三等以下畝夏稅所有上項經總制錢季實無所從出欵望鈞慈察特賜數奏於本軍淳熙七年分合發經總制錢內除豁前項放免無收錢九千二百九十七貫九百六十四文仍乞行下憲司總所及本軍照會

又曰本軍月椿錢係於夏秋二稅并場務出納錢物收到頭子經總制無額錢及酒稅課利分撥椿辦緣去歲旱傷之故苗米放及八分三等夏稅亦復倚閣自九月十二月終月額共合椿辦一萬四千五百三十三貫九百一十二文除已據實收椿到錢將新補舊近互償那共計一萬三千九百一十三貫五百四十七文即次起發外尚有六百一十二貫二百六十五文及今年正月以後合發錢數目合依例除豁無所從出欵望鈞慈察特賜數奏將淳熙七年九月至十二月終收應下錢數必取三分苗米即恐人戶無從輸納必致延移其去年

八年正月以後合發月椿錢數亦乞行下准東總領所照會據本軍每月實椿到錢數起發候向去年歲豐熟民力稍蘇即依舊數發納

申明開羅劄子意縣有迫切之懇仰鈞慈本軍地瘠民貧米穀不多連年雖是豐熟亦仰上流州軍客船販米糶糴食用今年遭此大旱檢放七分以上而上流儘有得就去處顧乃循習舊弊公然逼糶以致米船不通細民缺食本軍竊慮無以賑糶支遣遂逐逐那允諸色官錢差人前去收糶米斛今據差去人申已糶到米而諸處官司出榜禁約不許放行竊慮客販不通官糶又阻境內飢民日就狼狽除已移文諸處官司司請照累降指揮疾速放行又不許阻節客旅外更欵具奏及申尚書省又慮邊失鄰援之驩向後別致邀阻及為深害謹案具此申稟欵望鈞慈特賜矜察早為敷奏俯降旨檢舉舊法遍下諸路嚴行約束但使公私米較遠近通行則沿流荒旱州軍自當不至缺食非獨此邦之幸而已

乞撥兩年苗稅劄子意昨曾具奏及申尚書省約計本軍今秋放旱外三分苗米一萬三千九百五十五石及去年零欠綱運米伍千餘石已賜截撥下本軍充軍糧支遣今續據管内三縣申到檢放實數多是全否乾死所傷不啻八九分若依元數必取三分苗米即恐人戶無從輸納必致延移其去年

殘欠初意亦候今冬催理填納今既災傷如此亦非并督舊
通之時以此計之即意前奏所乞兩項米款正使便蒙聖恩
許賜截撥然皆已難作十分指準未蒙哀憐則其狼狽又將
有不可勝言者蓋嘗竊謂有軍則糧決不可以不足既旱則
稅決不可以不放此二者皆必然之理也但在今日欲取足
軍糧則民已無食更責其稅必有逃移死亡之憂歎盡放民
稅則有軍而無糧民亦將有不能保其安者二者之為利害
其交相代又如此然就其一端而論之則關軍食之禍淺而
易見不放稅之禍深而難知故今州縣之利不過且救目前
為應文逃責之計掩蔽災傷阻遏稅務以餉軍不闕為先
務至於民不堪命而流殍死亡皆不暇恤殊不知民既死徙
間井蕭條田園蕪穢或數十年而戶口賦稅無以復於其舊
積其所欠比之全放一年之稅何止倍蓰且如本軍乾道七
年歲嘗大侵流殍滿道至今十年而流庸尚有未安集者田
土尚有未開墾者今者不幸復遭此旱計其分數或乃甚於
彼時民尚無以為食若復責以輸納租稅將來之患必當有
甚於前不知更費幾年功夫可得復似今日此亦不可不深
慮者也然非朝廷察此利害之幾有以給其軍食使之得以
盡資檢放而無乏供之患則難知之深望聖上弔而目前立至
之禍亦不可免此意之所以不敢避僭逾之罪復論前奏之

未審者仰冀鈞慈添加憐察特賜聖鑒且依所乞截撥兩資
米斛外更令帥漕兩司同共相度別行應副則閭閻軍民死
生而骨肉矣如蒙留念更望聖恩賜行下以安其心意無任皇
恐俟命之至

與星子諸縣議荒政書意為政不德致此旱災雖已究心多方
措置庶幾吾民得以保其生業而免於饑餓流離之苦然竊
自念智力淺短不惟精神思慮多所不周而事體次第亦須
由軍而縣方能推以及民若非三縣同官各存至公至誠之
心深念邦本民命之重相與協力豈能有濟今有愚見惻切
布聞條具于後

一逐縣知佐既是在一縣協力公家當以至公至誠之心相
與凡百事務切要通情子細商量從長措置自然政修事舉
民受其賜苟或上忽其下唯務私已吝權下慢其上但知偷
安避事則公家之務何由可濟況今災數非常民情危迫經
營措置當如拯溺救焚之急不可少有遲緩齟齬有誤民間
性命之計切告深體此意盡革前弊庶幾事有成功民受實
惠

檢放之恩着在令甲謹已遵奉施行今請同官當其任者少
帶人從嚴切戒約給與報米錢物不得縱容需索擾擾又須
不憚勞苦逐一親到地頭不可端坐寬涼去處止憑衙保撰

成文字又須依公檢定分數切不可將荒作熟亦不可將熟作荒其間或有疑似去處或有用力勤苦之人寧可分明過加優恤不可縱令隨行胥吏受其計囑別作情弊

勸諭上戶請詳本軍立去帳式令鄉眾依公推舉約定所蔭客戶所糶米穀教目縣司界備酒菓延請勸諭厚其禮意諭其利害不可縱令胥吏非理搔擾上戶既是富足之家必能體悉此意其間恐有未能致悉之人亦當再三勸諭審其虛實量其增減如更詐欺抵拒即具姓名申軍切待別作施行根括貧民請詳本軍所立帳式行下諸都陽官保正子細批剗著實開排拜三叮嚀說諭不得容情作弊妄供足食之家漏落無告之人將來供到更於本都喚集父老貧民逐一讀示公共審實衆議平允即與保明如有未當就令改正將根括陽官保正重行責罰

將來糶米亦請一面早與上戶及糶米人戶公共相議置場去處務令公私貧富遠近之人各得其便大抵官米只於縣市出糶上戶米穀即與近便鄉村置場出糶不須船載往來徒有勞費如有大段有餘不足去處及將來糶常平米斛即具因依申來切待別行措置

一凡郡中行下寬恤事件各請誠心公共推行如有未當或未盡事宜更望子細示諭實行改正

右件如前各請痛察如或未蒙聽從尚仍前弊致此飢民一有狼狽即當直以公法從事不容更奉周旋矣千萬至懇至懇

勸諭救荒契勘本軍管內又闕雨澤祈禱未應田禾已有乾損去處皆由長吏不明政刑乖錯致此災殃求念厥愆實深悼懼除已具申朝省及諸監司乞行寬恤賑濟及檢計軍倉兩縣常平米見管萬數不少又已多方招邀米船日近出糶仍允借諸色錢往外州循環收糶準備賑濟况朝廷愛民如子聞此災傷早晚必有存恤指揮將來決然不至大段狼狽今有預行勸諭將來事件

下項

一本軍日前災傷人戶多致流移一離鄉土道路艱辛往往失所甚者橫有死亡拋下墳墓田園屋宇便無人為主一向狼籍至今遺跡尚有存者詢問來歷令人痛心况今淮南湖北等路亦不甚熟捨此往彼等是飢餓有何所益今勸人戶各歸州縣多方救恤之意仰俟朝廷非常寬大之恩各且安心著業更切祈禱神明車庠水漿救取見存些少未穀俟限陳訴所傷田段頃畝聽候官司減放稅租賑濟米斛不可容易流移別致後悔

一今勸上戶有力之家切須存恤接濟本家地客務令足令免致流移將來田地荒公私受弊

一今勸上戶接濟佃人之外所有餘米即須各發公平廣大仁愛之心莫增價利莫減升斗日逐細民告糶即應副則不惟貧民下戶獲免流移飢餓之患而上戶之所保全亦自不為不多其糶米數多之人官司必當施行保明申奏推賞其餘措借出放亦許自依鄉例將來填還不足官司當為根究如有故違不肯糶米之人即仰下戶經縣陳訴從官司究實

一今勸貧民下戶既是平日仰給於上戶今當此凶荒又須賴其救接亦仰各保本分凡事循理遇關食時只得上門告糶或乞賒借生穀舉米如妄行需索敲詐作鬧至奪錢米如有似此之人定當追捉根勘動行夾配遠惡州軍其尤重者又當別作行遣

一早禾已多損旱無可奈何只得更將早田多種養麥多大小麥接濟食用

施行下諸縣躬親徧詣田段相視使軍契勘今歲三縣田禾早傷聞有遼臨山源溪澗或有得雨去處自熟田段其稅賦合全行輸納乃有遼臨大澤并有積水陂塘可以車戽接救田段皆是人戶自入夏一乾之令老幼舉債辛勤用工車

本救得其禾稻十中只有三五分熟者即合倣此自熟之田見其數畝量輕重別作一等優恤兼有無水車戽全熟早死田段竊慮人戶將來一槩投訴早傷欲將各縣鄉分分委縣官赴此未曾收割之際躬親下鄉遍詣田段地頭親自指視仍關具著保併人戶指證供結罪賞攢類開具供申

施行置場賑濟所約吏事契勘賑賑濟人戶米穀已下場差官及合千人監轄外逐場先出榜分定都分先後仍於外門外及裏門外各保先後資次排定都分上戶坐處近都先交錢後請米至日天未明監官入場隅官入交錢位子不得保正大保長各將旗號引本都保下輪糶濟人赴場外

門依資次旗號下坐定以監官逐隊叫名保正以旗引保長長以旗先行賑濟人戶以次請窓前呈牌隅官以入門印印其左手訖撥入門監官逐隊叫名保正長引賑濟人以次請米訖監官用支米訖印於牌下日子之左以濕布拭去手印即時出門次引賑濟人戶請窓交錢上戶米錢自行交外更不附曆常平米錢縣司交訖用紅印於曆內本日合糶米數下之右如錢數不足分明批上實糶之數却付人戶以入門印印其左手入門監官逐隊叫名保正長引賑濟人以次糶米訖監官用糶米訖青印印其曆內交錢印之左仍用濕布拭去手印即時出門一保畢又引一保如前一眼糶人戶逐都各置旗

一面止用小舖一舖約長三尺各書第幾都牛逐保各置小旗一面各書第幾

再諭上戶借貸米穀事契勘本軍管屬去歲旱傷已行下星子

等三縣勸諭上戶以所收米較賑糶除認數外有餘剩米較

并不係勸諭賑糶米數人家逐年多是春間將米較等生放

下戶秋冬隨利收息今來上戶以旱傷之故慮恐下戶將來

負欠不還官司不為受理仍以官司勸諭為詞不肯生放使

下戶用之失業不便使司今准淳熙四年十二月初三日指

揮節文諸人戶除糶米令欠戶還米本外每斗收息五升其

生放約秋成計本息還錢亦合一體施行如有拖欠不還官

為理索所貴兩無虧損合行下三縣散榜勸諭約束施行

上宰相書竊惟朝廷今日之政無大無小一歸弛緩今日未暇

一一條教以恩崇聽且以荒政論之則於天下之事最為當

急而不可緩者而荒政之中有兩事焉又其甚急而不可少

緩者也一曰給降緡錢廣糶米斛今二廣之米艦舳相接於

四明之境乘時收糶不至甚貴而又顆粒勻淨不雜糠粃乾

燥堅碩可以久藏欽望明公察此事理特與敷奏給降緡錢

三二百萬付熹收糶則百萬之粟旬月可辦儲蓄既多緩急

足用政使朝廷別用支撥一紙朝馳而米夕發矣且往時不

免轉大農之粟為帑之幣以應四方之求矣積之於此與

彼何異而又乘賤廣糶利重費輕貲與臨期支撥糶本者

者不可同日而語今米既已集求售無所停住日久坐失本

利後者懲創因不復來無慮害實自今始此一事也二曰

速行賞與激勵富室蓋此一策本以誘民事急則藉之以為

一時之用事定則酌之以為後日之勸旋觀今日失信已多

別有緩急何以使眾欽望明公察此事理特與敷奏照會元

降即與推恩使已輸者無怨恨不滿之意未輸者有歆慕

用之心信令既行願應者眾則緩急之間雖百萬之粟可指

揮而辦况是此策不閑經費揆時度事最為利宜而乃遷延

歲月沮抑百端使去歲者至今未及零賞而今歲者方且及

覆卻難未見涯際是失信天下固足以為今日之所甚憂而

自壞其權宜濟事之策者亦今日之所可惜也謀國之計乖

矣若此臨事而悔其可及哉此二事也然或者之論則以為

朝廷博節財用重惜名器以為國之大政將在於此二者之

請恐難必濟愚竊以為不然也夫博節財用在於塞侵欺滲

漏之弊愛惜名器在於抑無功幸得之賞今將預儲積蓄以

大為一方之備則非所謂侵欺滲漏之弊也推行恩賞以昭

示國家之信則非所謂無功幸得之賞也且國家經費用度

至廣而耗於養兵者十而八九至於將帥之臣則以重籍之

虛數而濟其侵欺之姦覬覦之臣則以簿籍之虛文而行其

盜竊之計苞苴輩載爭多闕巧以歸於權臣之門者歲不知其幾巨萬明公不此之正顧乃規規焉較計毫末於飢民口吻之中以是為樽節財用之計愚不知其何說也國家官爵布滿天下而所以予之者非可限數也今上自執政下及庶僚內而侍從之華外以牧牛之重皆可以交結託附而得而北來歸正之人近習戚里之輩大者荷旄伏節小者正任橫行又不知其幾何人明公不此之愛而顧愛此迪功文學承信校尉十數人之賞以為重惜名器之計愚亦不知其何說也然喜亦嘗竊思其故而得其說矣大抵朝廷愛民之心不如惜賞之甚是以不肯為極力救民之事明公憂國之念不如愛身之切是以但務為阿諛順指之計此其自謀可謂盡矣然自旁觀者論之則亦可謂不思之甚者也蓋民之與財孰輕孰重身之與國孰大孰小財散猶可復聚民心一失則不可以復收身危猶可復安國勢一傾則不可以復正至於民散國危而措身無所則其所聚有不為大盜積者耶明公試觀自古國家傾覆之由何嘗不起於盜賊盜賊竊發之端何嘗不生於飢餓赤眉黃巾皆榮華富貴之徒其已事可見也明公當此無事之時處置一二小事尚且瞻前顧後踰時越月而不能有所定萬一存飢之餘事果有不可知者不審明公何以處之明公自度果有以處之則喜不敢言若果無以

處之則與其拱手熟視而俟其禍敗之必至孰若圖難於易圖大於細有以消弭其端而使之不至於此也古之人固有雖容深密不可窺測平居默然若無所營而臨大事決大策不動聲氣而措天下於太山之安者然從今觀之自其平日無事之時而規撫措置固已先定於胸中是以應變之際敏妙神速決不若是其泄泄而沓沓也況今祖宗之讎耻未報文武之境土未復主上憂勞湯厲未嘗一日忘北向之志而民貧兵怨中外空虛綱紀陵夷風俗敗壞政使風調雨節時和歲豐尚不可謂之無事況其飢饉狼狽至於如此為大臣者乃不憂惜分陰勤勞庶務如周公之坐以待旦如武侯之經事綜物以成上意之所欲為者顧欲從容偃仰玩歲愒日以僥倖目前之無事殊不知如此不已禍本日深憂恐所憂者當不在於流殍而在於盜賊受其害者當不止於官吏而及於邦家竊不自勝漆室嫠婦之憂一念至此心膽墮地念不可不一為明主言之而猶未敢率然以進敢先以告于下執事惟明公深察其言以前日遲頓寬緩之咎自列於明主之前君臣相誓務以盡變前規共起特務之急而為喜所陳荒政一二事者少如意焉則喜雖衰病不堪吏役尚可勉悉疲篤以備鞭策至其必不可支吾而去後來之人亦得以因其已成之緒葺理整頓仰分顧憂如其不然則喜之愚昧表

遲固不能為此無變之不托而其狂妄將有不能忍於明主之前者明公不如早罷其官守解其印綬使毋得以其狂瞽之言上瀆聖聰則熹也謹當臆口結舌歸臥田間養鷄種黍以俟明公功業之成而羞愧以死是亦明公始終之厚賜也情迫意切矢口盡言伏惟明公之留意焉

答呂伯恭書夏秋以來今日方得竟日之雨民間遂可種麥蒔蔬庶幾有以係其心志而不至於流移此後公私多方接濟到得春來則麥可食而無所事矣但其間日月尚多又未知果能如人所料否耳其間隨事措置曲折甚多未暇一一求教所幸民間却稍相信鄉村士人有事便可來說上下之情

稍通官吏不敢十分相罔凡事省力但一味無錢沒撰處耳答呂伯恭書賑恤之備粗有支吾奏請教事悉蒙朝廷應副哀拙之幸大抵今歲江東諸郡放旱分數稍寬緣此民間未至流徙此間諸縣鄉村四十里置一場糶官米及勸諭到富民米穀元日初糶殊未有來糶者以賞格募得三家米近二萬石賑濟當得官者四人而飢民受惠不少矣然今未敢散須俟深春也

與王潛書今日救荒恤民之急則不過視部內被災之郡使之實檢放不知有條法恩意但知田無所收則救人放火耳今示之以此亦所以捐逋租惟恐無他事可以擾民切意其作亂之心也捐逋租惟恐無他事可以擾民切

繫決使責令寬今年夏秋二稅省限各展一月具以條目

言之於朝而其可行者一面行下然後謹察州縣奉行之勤惰得失而誅賞之使愁嘆民猶復有所顧藉而不忍肆其猖狂悖亂之心以全其首領保其家族嗜其鄉閭此則今日救荒恤民之急務也此外則視荒損尤甚之鄉使之禾米得入而不得出有餘之處則許其通融糶販稍勸富民平價出糶勸民廣種大小蕎麥蜀黍蔬菜之屬以相接續其貧甚者使更互相保而別召稅力保之借以官本收成之後祇納元錢亦一助也此等為害傷其處乃行之想亦不至甚多也又此事雖屬官司然或彼司無錢而漕司有錢則借而為之亦不為侵官也

與李孝中張幹論賑濟劄子示諭勸分之說足見仁人之心區區所慮蓋亦如此但聞中不敢數與外事前日但以船粟盡輸城中鄉落細民無所得食恐有他患不免以書扣府公又未得報未知竟如何但此說又與來喻浦城發米之說正相反恐不容自有異同竊意莫若邀率鄉里諸長上先次相與合議可行之策使城廓鄉村富民貧民皆無不便然後共以白於當路而施行之蓋此事利害稍廣非一夫之智所能獨決又筆劄敷陳未必盡意不若面言之可究底蘊也但此事之行於富民必不能無所不利但以救民之急不得不小有

所忍權以濟事若為富計較太深則恐終無可行之策也
告急朝廷焉雖鄰郡恐亦不能有補吾卿在重山樓領之中
朝廷縱有應副不識何路可以運致鄰郡唯有廣東船米可
到泉福然彼中今年亦旱近得福州知縣書言之甚詳此固
無可指準就使有之亦如何運得到此浦城之米想亦不能
甚多發之無節恐山谷間細民飢餓將復有貽州郡諸司之
憂者尤不可不深慮也度今城下惟有两縣勸分之說須作
措置然亦且令愛惜撙節接續長遠乃為至策若棄險督迫
數日之間散盡所蓄則無以為後日之計矣但上户有米無
米之實最為難知若一槩用產穀高下為數此最不便顧恐
今勢已迫不暇詳細不克只用此法耳若說不拘多少勸諭
任其自糶則萬無是理也要須別有一法以核其實乃佳耳
浦城之米必不得已可就糶而不可通販蓋就糶猶為有限
而通販則其出無窮必傾此縣而後已凡此數端恐可以裨
商論之末故略陳之不識高明以為如何也

與林擇之書朝廷所遣使者方來所至揭榜施米十日市井游
手及近縣之人得之深山窮谷尚有飢民却不沾及然所謂
十日亦只虛文只輕車過後便不施矣其實亦無許多米給
得也世衰俗薄上下相蒙無一事真實可嘆可嘆

與建寧傅守劄子熹昨日已至山間弛擔兩日又當南下然早

久水並更須數日乃可抵城下也歸塗訪問田畝豐儉相補
計已未至甚虧常數但備禦之策不可不講而知舊往往見
尤不能深陳糜穀之害且云床論醞釀所耗只今造麴崇安
郭內度費萬斛黃亭小市亦當半之而鄉村所損又未在此
與其運於他州有風波之虞舟楫之費曷若坐完此穀了無
事而百全也萬斛之麴將來所糜秣米又當以數萬計若能
果如前日收糶秣米之說所完亦豈及此聞邵武已行此令
彼以蕞爾小邦尚能行之豈堂堂使臺大府之力而反不能
乎到家得浦城知友書亦頗及此今謹納呈願高明更與楊
丈熟計之也但恐已緩不及事耳此人姓張名休仁好學有
志佳士也似亦與景仁昆弟同年前此因垂問人物亦嘗及
之矣又聞楊丈已行下主簿糶米而未及稅秣之別不知果
如何糶稅之害前已陳之然千里之內戶口不知其幾若必
人人糶米而食之恐無以濟其勢須令上户椿留秣米如前
日之說儲備乃廣但所遇縣道官吏之說皆憚於此計蓋恐
上户見怨又慮見欺殊不知救災之政與常日不同矣無靜
然而可以獲禽之理夫富人之多粟者非能獨炊而自食之
其勢必糶而取錢以給家之用今但使之存留分數以俟來
歲聽官司之命以恤鄰里之關何所不可正使其間不無至
處建寧之入然前之以仁恩責之以大義甚不從者俟之以

刑其樂從者報之以貴何至憚其怨怒且慮其欺已而不救
為式似聞建陽之西已有自言於官願以家貲二百萬糴米
以俟來歲之荒而以本價出之若果如此則亦豈為鬼為魅
全不可化者但患上之人先以無狀聞之故疆者視以為深
讎而肆其凌暴弱者畏之如大敵而不復能以正義相裁二
者其失均也嘗讀蘇明允書以為權衡之論為仁義之窮而
作竊以為此乃不知仁義之言夫舒而為陽慘而為陰孰非
天地生物之心哉仁義之於人亦猶是已若仁義而有窮則
是天道之陰陽亦有窮也而可乎故凡此所論雖若柱後惠
文一切之說其實趨時救弊不得不然蓋其心全在於救入而
所及者博故雖有人所不欲而強之者初亦不出乎仁術之
外也夜不能寐起坐作此信意直書無復倫次不審高明以
為然否正使未必可行亦足以當一劇論也

與黃尚伯書此間為旱災所撓都昌縣官稍解事又請得盛族
黃省幹同措置必可無慮但建昌官員皆不足倚仗又遍詢
彼邑寄居士人無有能分此憂者意欲烟南鄉為同邑官區
屬庶幾下情稍通更不敢肆其姦罔不知渠肯俯聽否渠雖
德安人而建昌亦有產業知彼民情故欲倚以為重耳敢煩
語次試為叩之若許幸早見報當專致書禮請也

與陳同甫書旱勢已成三日前猶蒸鬱然竟作雨不成此兩日

晨夜寒涼亭亭慘烈無復更有雨意雖祈禱不敢不盡誠然
視州縣間政事無一可以召和而弭災者未知將復作何究
竟也本欲俟旬日間力懇求去緣待罪文字未報未敢據發
今遂遭此旱害如何更敢求自便但恐自以罪罷則幸甚不
然則未知所以為計也

嘗謂為政者當順五行脩五事以安百姓若曰賑濟於凶荒之
餘縱饒措置得善所惠者淺終不濟事

而今救荒甚可嘆自古救荒只有兩說第一是感召和氣以致
豐穰其次只有儲蓄之計若待他饑時理會更有何策東邊
遣使去賑濟西邊遣使去賑濟口計得逐州幾箇緊緩用子

公集世不訓卷十四

聖五

來某處已如何措置某處已如何經畫元無實惠及民或問
先生向來求荒如何曰亦只是討得緊綾用子更有何策
因說賑濟曰平居湏是修坡塘始得到得旱了賑濟委無良策
然下手得早亦得便宜在南康時才見旱便剗剗錢物庫中
得三萬來貫準擬糴米添支官兵却去上供錢內供三萬貫
糴米賑糴早時糴得却糴錢還官中解發是以不關事舊來
截住客船糴三分米至於客船不來某見官中及上戶自有
米遂出榜放客船米自便不糴客船米又且米價不甚貴又
曰悔一件事南康終有常平米是庚寅辛卯年大旱時糴米
價甚貴在法不得減元價遂不曾糴當時好糴了上章待

罪且得為更新米一番亦緣當時自有米所以不動此朱文之為南康心吏之害

賑濟無奇策不如講水利到賑濟時成其事向在浙東疑山陰會稽三縣刷飢餓人少通判鄭南拜三云救實父子細刷起三倍

賑濟之策初且大綱如抄人口之類亦且待其抄來如何如一不實有人訟然後或添或去却罪官吏一

細碎使生病也田亦然且理會大處如薛士龍輩皆有一定格子細細碎碎皆在我手尚得只一出使委人如何了得又此等事須是上下一心方了得

紹興時去得遲已無聲畫只依常行先差一通判抄割城下兩

縣飢民其人不留意只抄得四萬來人外縣却抄得多遂欲治之而不曾却託石天民重抄得八萬人是時已遲天民云甚易只關集大保長盡在一寺令供出人之貧者大保長無有不知數目便辦分作數等賑濟賑糶其初令畫地圖量道里遠近就僧寺或莊戶置糶米所於門首立木牌關防再入之人

先生語次問浙東旱可學云浙東民戶歌先生之德先生曰向時到部州縣有措置亦賴朝廷應副得以効力已自有名無實者多因曰向時浙東先措置分戶高下出米不知有米無米不同有徐木者獻策道是逐鄉使相推排有米者時以事

逼不曾行今若行之一舉甚易也抵今時做事在州郡已難在監司尤難以地闊遠動成文目惟縣令於民親行之為易計米之有無而委卿之聰明誠恐署處之聰明者人不能欺誠信者人不忍欺若昏懦之人為人所給誦詐之士則務欲容私此大不可

直卿言辛幼安帥湖南賑濟榜文似用八字曰劫禾者斬開羅者配先生曰這便見得他有才八字若做兩撈便亂道又曰要之只是粗法

今賑濟之事利七而害三則當三分之害而全七分之利不然必欲求全恐併與所謂利五而失之矣

與皇甫帥書似聞戎車將有湖廣之役不審定以何日戒發
計運籌決勝自有成算疎遠不當僭有所陳然恭用之私懷
不自已輒效其愚惟高明裁之意生長閩中又嘗試吏泉漳
之間其地密邇江西頃歲山寇出沒之處紹興十八九年間
朝廷屢遣重兵卒不得志甚者至於敗衄狼狽不還及後專
委陳太尉敏招募土兵而後克之所謂左翼軍者是也蓋此
輩初無行陳部伍憑恃險阻跳踉山谷之間正得用其長技
而官軍乃以堂堂之陳當之地形兵勢凡彼之所長者皆我
之所短是以每戰而每不勝也近年茶寇形勢正亦如此所
以江西官兵屢為所敗而卒以摧鋒敢死之兵困之此往事
之明驗也竊計今日湖廣之寇正亦類此喜賴太尉養威持
重擇形勝之地堅壁以待之而廣募土人鄉兵厚其金帛結
以恩意使之出入山林上下溪谷以與此獠從事則彼之長
技正與賊同又倚太尉之威聲以順討逆彼假息遊覓之衆
亦將何所逃其命哉意畫生也輒語兵事近於僭率而可笑
然私心惓惓竊恐太尉不勝忠義奮發之心直欲以輕兵銳
進深窮巢穴草薶而禽獮之則非計之得也大率東南形勢
絕與西北不同願更博訪而審度之以圖萬全之功則區區

之望也

答林擇之書聞汀寇甚熾想幕府無暇及他事矣近何帥須親
到地頭督戰此甚非策然既有此指揮恐不得不出但未
可遽深入且到延平徐議進退可也此賊已敗官兵殺將吏
決不可招只有盡力撲討然其所以致此必是官司前後非
理侵擾有以致之却須詢究其由將元來官吏奏劾重作施
行以謝其人仍計盜起縣分合起發支遣錢物並令一切倚
閣以慰人心不令別致響應即支遣不可缺者今漕司撥錢
應副此兩項是第一義若能行之即一面多出印榜簡約其
詞令人於地頭散帖曉諭其次即須非時接見賓客僚吏務
通下情以資計策此等平日已是大略今尤不可備言也其次須有將有兵乃
可責効若只用見今兵官統見今兵卒此則突然敗事無疑
聞辛幼安只是得所募敢死之力見憑湛說亦招得賊中徒
黨作鄉導方能入山破賊巢穴本路左翼軍向來便是此等
人所以陳敏用之有功今日無復舊人只與諸州禁軍主軍
無異却恐歸正官及牢城中有可募者但得有心膽事藝者
勿問其所從來可也向見帥喚得南榮者在彼後來看得如
何沙世堅者本亦只是此流飲夫技之徒隸之中使捕小賊
輒有功至李接之亂遂收其用耳起發諸州禁軍決是無用
然今本未有人其勢不可以不起但亦止可遙為聲勢切不

可使入山與賊交鋒適所以長賊威而沮官軍之勢亦防賊人乘虛衝突旁近州郡或本處有哨亂應賊之人須稍分留令足彈壓必不得已寧可申朝廷撥廣東推鋒軍與左翼相犄角亦是一事但正當此荒歉供億之費不貲不知何以為計耳聞沙縣宰頗有才南劍推官趙師淵劾浦令丞皆曉事此是將來帥到南劍可備使令之人亦不可不知也

與方耕道書寇事亦不啻其曲折若如前書所喻欲以不加桎梏之類為感動之術則在我者誠亦有以取之矣大率天下事循理守法平心處之便是正當如盜賊入獄而加以桎梏審楚乃是正理今欲廢此以誘其心欲其歸恩於我便是挾

私任術不行衆人公共道理况恩既歸已必歸於他人彼亦安得無忿疾於我耶此等事病根不淺須他時面見更於源頭理會耳明道先生記彭中丞語云吾不為他學但自切即學平心以待物耳此言可念也

與黃商伯書強盜三人配隸嶺海乃向來驚恐都昌之人昨以其情重法輕稍加毒手經由隆興恐有司以為疑幸為白錢文一言於帥座交管轉押為望此輩吾人所共疾想二公亦不以為過也

陳明說治盜事因曰凡事須于細體察思量到人所思量不到處防備到人所防備不到處方得無事又曰凡事須是小

心安民若慈地處心為去不得又曰某嘗作郎來每見有賊發則惕然皇恐便思自家是長民之官所以致此是何由遂百種為收捉捉得便自歡喜不捉得則終夜皇恐

李揖寇廣西出榜約不收民稅十年故從叛者如雲稱之為李王反謂官兵為賊以此知今日取民大重深是不便

伊川嘗說今人都柔了蓋自祖宗以來多向寬仁不曾用大刑之屬由此人皆柔軟四方無盜賊後來靖康時多盜蓋廣難方急朝廷無暇治之耳且如紹聖之後山東河北連年大饑而盜作也皆隨即仆滅但見長上云若更遲四五年虜人不來盜亦難禁止蓋是飢荒極了

建賊范汝為本無技能為盜亦非本心其收積中都者有包藏陰結徒黨置兵器滿倉箱中其徒勸之舉事每每猶豫若有所待有不決於中者輒火十數家且殺人因劫之為首其人終不肯但曰時未可我決不能為汝輩可別推一人為主衆遂擁戴汝為勢乃猖獗建之士如歐陽穎士施達吳琮者善文章多材藝或已登科皆望風往從之置偽官日以蕭曹房杜自相標置以漢祖唐宗頌其功德汝為愚人倏然當之朝廷遣官軍來平賊時秋稼已熟賊聞官軍且至放水灌田又以木樵相結連已而決勝去水官軍至不諳其山川道路賊縱之入山山路險隘騎卒不能企賊覺官軍已疲困乃出

平原以誘官軍官軍出山爭趨田中既為結縶牽絆又陷泥淖賊因四面襲擊之官軍大敗乘勝據連州三年累降累殺竟遣韓世忠來方能剿除之汝為自縊尸為衆所焚弗獲初建人陸崇謝尚有鄉曲之譽陸崇謝乃龜山壩為士人時極端重類似有德器者賊聲言使二人來招我吾降矣朝廷遣之既而賊有二心乃拘係久之歐陽軍又說之曰益切因循遂為賊用賊敗歐陽領士吳琮先誅死陸謝施達以檻車送行在至中途達謂二人曰吾軍至必死與其戮于市朝且極痛楚曷若早自裁二人曰何可得自死達曰易爾乃密令人為藥三九小大形色俱相似一乃無毒者達取無毒者服之餘二人服即死達既至行在

三哥問汀寇姜太老捉四巡檢以去人當此時如何曰事君則

致其身委質為臣身非我有矣有道理殺得他時即殺之如被他拘一處說不問亦須問他朝廷差我來你拘我何如如全無用智力處只是死孟子言捨生而取義只看義如何當死便湏死古人當此即是尋常今人看着是事

鄭湜補之問戰盜曰只是嚴保伍之法鄭云保伍之中其弊自難關防如保頭等易得挾勢為擾曰當令逐處鄉村舉衆所推服底人為保頭又不然則行其漳州教軍之法以戢盜心這是已試之効因與說某在漳州初到時教習諸軍弓射等事皆無一人能之後分許多軍作三番每月輪番入教場挽弓及等者有賞其不及者留在只管挽射及等則止終不及則罷之兩月之間翕然都會射及上等者亦多後多留刺以填闕額其有老弱不能者並罷之他若會射了有賊盜他是

不怕他方臘起向鄉林時為小官言今無策只有起劉元城陳了翁作相則寇不戰而自平

夷狄第二十三條

番拱奏劉臣聞益之戒舜曰儆戒無虞焉失法度罔遊于逸罔淫于樂任賢勿貳去邪勿疑而終之曰無怠無荒四夷來王周之文武亦以天保以上治內未微以下治外始於憂勤終於逸樂其後中微小雅垂廢西夷交侵中國衰削宣王承之

側身脩行任賢使能內脩政事外攘夷狄而周道繁然復興
臣嘗以是觀之然後知古先聖王所以制御夷狄之道其本
不在乎威疆而在乎德業其人不在乎邊境而在乎朝廷其
具不在乎兵食而在乎紀綱蓋決然矣恭惟陛下躬履艱難
之運而思所以成中興之功者既知當為與所當止之大端
矣然而戎虜馬陵包藏不測中外之議咸謂國威未振邊備
未飭倉庫未充士卒未練一旦緩急何以為計臣獨以為今
日之憂非此之謂所可憂者乃大於此而恨議者未及之也
臣竊觀今日諫諍之塗高壅倭幸之勢方張爵賞易致而威
罰不行民力已殫而國用未節以是四者觀之則德業未可

今經世大訓卷十五

謂脩朝廷未可謂正紀綱未可謂立凡古先聖王所以疆本
折衝威制夷狄之道皆未可謂備是則臣之所深憂也不識
議者亦嘗以是聞於陛下之聽否乎臣願陛下三復詩書
言以監所行之得失而求所以脩德業正朝廷立紀綱者必
以開納諫諍黜遠邪佞杜塞倖門安固邦本四者為急先之
務治其本而勿治其末治其實而勿治其名庶幾人心厭服
夷狄知畏則形勢自彊而恢復可冀矣

答汪尚書書中國所恃者德夷狄所恃者力今慮國事者大抵
以審彼已較強弱為言是知夷狄相攻之策而未嘗及中國
治夷狄之道也蓋以力言之則彼常強我常弱是無時而可

勝不得不和也以德言之則振三綱明五常正朝廷屬風俗
皆我之所可勉而彼之所不能者是乃中國治夷狄之道而
今日所當議也誠能自勵以此則亦何以講和為哉愚之所
憂獨恐力既不振德又不脩則曰戰日和俱無上策耳

與黃樞密書竊聞虜酋隕命種人遁走淮北遺民悉降我師此
蓋天命眷顧宗廟社稷之靈廓清中原以全昇付莫大之慶
海內同之然喜之愚慮獨不勝私憂過計敢以布于下執事
蓋自戊午講和以至于今二十餘年朝政不綱兵備弛廢國
勢衰弱內外空虛近歲以來天啓聖心稍加振理始復漸有
條緒然宿弊已深非得同心同德之臣素為海內所屬望者

今經世大訓卷十五

為之輔佐進賢退姦脩滯補弊要之以盡而持之以久使其
勢翕然而大變則未可以有為也前日不量事勢亟下親征
之詔則既失之易矣然理直言順庶幾有成事同發機有
無退而曠日引月不聞進發之期任國政者不聞有寇患
之謀典宿衛者不聞有為烈武之請使諸將惰心六軍解
虜騎橫突深入兩淮兵少而敵益彊事急而糧已匱於是
嚴未及兩月而募兵科借之禍已及民矣向非天佑皇家降
罰于彼則勝負之決蓋未可知今日之事其不可謂諸公
於廟堂之效群帥攻城野戰之功亦已明矣愚謂正宜君臣
相戒兢慎祇肅政圖柄任益脩政理以答揚上天眷顧之命

不宜坐虞鄰國之難以幸為利而遽自以為安也抑今中原之地幅員萬里虜人奔走震駭之餘力未能爭朝廷坐視而不取則持計取之則功緒廣而勞費多此正安危得失之機差之毫釐繆以千里不可以不審也竊竊以為必能因其人以守因其糧以食使東南之力不因然後根本固而不摧必有以大慰其來蘇之望而深結其同濟之心使西北之情益堅然後藩籬密而可恃必使虜人他日痛定力全之後不能復窺吾廬龍之塞然後朝謁陵廟還反舊京之事乃可言也不知今日朝廷之上侍從之列誰為能辦此者獨舊人之賢起而未用者一三公使之出則重於今日視師之人授之政則賢於今日東均之士獨恐朝廷終不聽用則無如之何耳失今不早為計虜人土馬精彊固未有損今茲所失獨元顏亮一夫耳萬一旬月之間復悉其衆挾其喪君之恥以來脩怨于我不知朝廷之議復以何計禦之歛民則民憔悴而不堪募兵則兵脆弱而無用將據中原而與之爭則形勢未習將棄中原而牛淮泗則恢復無期不知議者何以處此苟處之未審而曰姑又以待天幸之來則非愚之所敢知者是以私憂過計夙夜惓惓而不能已也顧衰病之餘氣短辭拙不能言利害之實然其大要不遠是矣

魏元履書今日之憂不在邊境正惟廟堂議論弛張黜陟乃

折衝制勝根本魏公續用不成正坐此耳呂計公謂范文正公言欲經畧西事不如且在朝廷此言深有味

或問范文正公經理西事看得多事收拾人才曰然

孫元規之徒素無行節范公皆羅致之幕下後犯法又極力救解之如劉浥張亢亦然蓋此等人是有才底做事時須要他用但要會用得他又云范公嘗立一軍為龍猛軍皆是招收前後作過醜配底人後來甚得其用時人目范公為龍猛指揮使又曰方范公起用事時軍政全無統紀從頭與他整頓一番其後却只務經理內地養威持重專行淺攻之策以為得寸則吾之寸得尺則吾之尺卒以此牽制夏人遣使請和

國家方與女貞和時高麗遣使來求近上醫師二人上召老醫擇二人遣往至則日夕厚禮皆不問醫而多問禁中事二醫恠而問之高麗主曰我有緊密事欲達宋皇恐所遣使不能密故欲得宋皇親近之人而分付之所以問公禁中事者欲以見公是所親信耳二人因問之高麗主曰聞宋皇欲與女貞和來攻契丹此非良策蓋我國與女貞陸路相通常使人察之女貞不是好人勝契丹後必及宋而我國亦不能自存此合當思所以備之二人問所以備之之說曰女貞作一陣法甚好我今思得一法勝之因令觀教其女貞陣蓋如拐子馬之類二人歸奏上怒召老醫而責之其一人出門吐血後

不死其一人歸即死

今朝廷之議不是戰便是和不和便戰不知古人不戰不和之間亦有箇且硬相守底道理即一面自作措置亦如何便侵軼得我今五十六年間只以和為可靠兵又不曾練得財又不曾蓄得說恢復底都是亂說耳

某嘗見一宰相說上其有愛人之心不合被近日諸公愛說恢復某應之曰公便說得不是公何不曰愛人乃所以為恢復恢復非愛人不能因說為政篇道德政刑與此一般有道德則刑政乃在其中不可道刑政不好但不得專用刑政耳

災異第三十四 九條

辛丑延和奏劄臣竊惟皇帝陛下臨御以來夙興夜寐畏天恤民誠敬寬仁格于上下宜其天心克享民物阜安而二十年之間水旱盜賊畧無寧歲邇者童蒙差忒識者寒心飢饉連年民多流殍陛下側席興嘆進賢退姦分命朝臣振廩出粟凡所以奉承天意慰悅人心者無所不至又宜若可以少回災沴召致和平矣而問者冬氣太溫雷電震激嗣歲之計尚有可憂臣誠愚昧有不識其所以然者嘗竊推述前事以深求之意者德之崇者有未至於天數業之廣者有未及於地數政之大者有未舉而其小者無所繫歟刑之遠者或不當而其近者或幸免歟君子或有未用而小人或有未去歟大

臣或失其職而賤者或竊其柄歟直諫之言罕聞而諂諛者衆歟德義之風未著而汙賤者騁歟貨賂或上流而恩澤不下究歟責人或已詳而反躬有未至歟夫必有是數者然後足以召災而致異今以陛下之聖明則豈有是哉然而天心未豫邦本動搖宸慮雖深旱氣未究是則必有說矣臣竊不自量敢冒萬死伏願陛下聽斷之餘虛心靜慮試以前數條者反之於身驗之於事而深自省焉則淵默之中無微不照而凡此得失之端孰有執無執存執改皆無所遁其情矣若猶以為未也則願濬發德音布告中外反躬引咎以圖自新內自臣工外及氓庶有能開寤聖心指陳缺政者無間踈賤使咸得以自通然後差擇近臣之通明正直者一二人使各引其所知有識敢言之士三數人寓直殿門凡四方之言有來上者悉令省閱舉其盡忠不隱者日以聞于聰聽則夫天人之際謹告所繇將有變然畢陳於前者然後兼總條貫稱制臨決畫為科品以次施行使一日之間雲消霧散堯天舜日廓然清明則上帝鬼神收還威怒群黎百姓無不蒙休矣

論災異劄子臣竊聞今月五日夜漏方下五六刻問都城之內忽有黑煙四塞草氣襲人咫尺之間不辨人物着於面目皆為沙土臣雖不曾親見然親舊相訪見之者多驗之數人其說如一決非虛妄臣竊思惟問者以來災異數見秋冬雷雹

苦雨傷稼山摧地陷無所不有皆為陰盛陽微之證陛下雖
嘗下責躬之詔出敢諫之令而天心未豫復有此惟亦為陰
聚包陽不和而散之象臣竊懼焉而恐其未有敢以聞於聖
聽者也蓋嘗聞之商中宗時有桑穀並生於朝一暮大拱中
宗能用巫咸之言恐懼脩德不敢荒寧而商道復興享國長
久至于七十有五年高宗祭于成湯之廟有雉升鼎耳而
鳴高宗能用祖己之言克正厥事不敢荒寧而商用嘉靖享
國亦久至于五十有九年古之聖王遇災而懼脩德正事故
能禳災為祥其効如此伏願陛下視以為法克己自新蚤夜
思省舉心動念出言行事之際常若皇天上帝臨之在上宗
社神靈守之在旁懷懷然不復敢使一毫私意萌於其間以
煩譴告而又申敕中外大小之臣同寅協恭日夕謀議以求
天意之所在而交脩焉則庶乎災害自去而福祿日來矣臣
不勝惓惓愛君憂國之至

奏蝗蟲傷稼狀臣昨於今月初四日聞得紹興府會稽縣蝗蟲
頗多即遣人走探昨日據所差人孫勝回報會稽縣白塔寺
相對東山下有蝗蟲數多收拾得大者一籃小者一袋其地
頭村人皆稱蝗蟲遇夜食稻已具事狀并大小蝗蟲二色
申向書省乞賜敷奏去訖臣遂即時乘船出門向曉至蝗蟲
地頭廣孝鄉第十都第十七都同會稽令尉許行親到田間

看視其蟲大者不多小者無數集於稻苗之上其未結實者
莖葉皆為咬傷其已結實者穀苗皆為咬落委是為災有害
苗稼紹興府先已支錢一百貫文付會稽縣募人打撲赴官
埋座本司亦已支錢一百貫文付縣添貼收買據本縣申兩
日內已買到七石三斗八升五合臣亦與帥臣王希呂一面
詢究祈禱打撲焚瘞外須至奏聞者

御筆回奏狀臣昨具奏紹興府會稽縣廣孝鄉蝗蟲臣已同本
府發錢專令本縣令尉親在地頭召人捕獲收買焚埋每得
大者一斗給錢一百文小者每升給錢五十文續奉御劄今
臣分詣祈禱更行支賞召人收捕務速殄滅臣恭稟聖訓夙
夜不遑即同帥臣王希呂就府治設醮祈禱又撥錢出勝曉
諭於先支賞錢之外更行倍加增貼召人收捕仍差茶監司
幹辦公事沈大雅前去監視督責及取請鄉官二員同縣官
分頭給賞收捕今據申到截今月十三日通計收到大蟲一
石五斗三升六合小蟲二十五石九斗三升九合並已埋瘞
目今尚有一分以上未至盡絕臣續又見諸暨縣寄居與投
詞人稱紫巖鄉亦有蝗蝗在境臣即已專委本縣令佐親臨
田陌子細從實相視如委的實即從會稽縣所行召人支賞
收捕焚埋去外臣伏為本路所管衢嚴等六州今歲早損比
之紹興其災尤甚本欲取本月上旬起離前往親行檢視預

備賑恤正緣收捕蝗蟲未盡未得起發今不佳據遂州縣接續申到事理委是大段緊急不免定取十五日起發前去經由蝗蟲地頭更行督責取見殄滅次第然後取道隸山間望婺州界逆還前去前路有合奏聞事件續次申發所有上項事理須至先具奏聞者

乞脩德政以弭天變狀臣昨為本路旱傷祈禱不應累具奏及申尚書省乞為敷奏早作防備近准省劄已蒙聖慈特從所請支錢於明州置場糴米而又伏覩陛下發自宸衷特遣中使降香祈禱臣有以見陛下畏天恤民之心至深至切不勝感激頓效愚忠願限官有常守無由瞻望清光聲竭血誠

今經大制卷十五

庶禱萬一不勝犬馬螻蟻區區之情竊謂累年之旱謹告已深今日之災地分尤廣非惟官府民間儲備已竭而大農之積亦已無餘又當大禮年分戶部催督州縣積年欠負官物其勢不容少緩凡所以為施全賑恤之恩者竊恐又必不能如去年之厚臣竊不勝大懼以為此實安危治亂之機非尋常小小災傷之比也為今之計獨有斷自聖心沛然發號深以側身悔過之誠鮮謝高穹又以責躬求言之意數言下土然後君臣相戒痛自省改以承皇天仁愛之心庶幾精誠感通轉禍為福其次則惟有盡出內庫之錢以供大禮之費為收糴之本而詔戶部無得催理舊欠詔諸路漕臣遵依條限

檢於稅租詔宰臣沙汰被災路分州軍監司守臣之無狀者遴選賢能責以荒政棄殺猶足以下結民心消其乘時作亂之意如其不然臣恐所當憂者不止於餓殍而在於盜賊蒙其害者不止於官吏而上及於國家也

答吏太保別紙今者邊事益急憂虞在懷人無智愚莫以為懼然意淺陋竊以為境外之傳未足憂而謹告之深為可畏也今朝廷於其不足慮者既已過為之防而於其深可畏者反未有慮喜甚感焉夫以災異而求直言歷世相傳具有故實明公身為天下大老誠有憂國之心亦不當俯及細務顧以此意為上一言使幽隱之情得以上通則天下之言皆明公之言而明目達聰感召和氣皆明公之功矣

今經大制卷十五

與周參政劄子今歲之旱其勢甚廣比見連日降旨所以為祈禱寬恤之計者足以知聖主之憂勞矣然所為甚厚望矣杖罪放房縉及茶鹽賞錢者恐未足以為應天之實而今日又報蠲放綱運欠米十石以下者此尤近於兒戲欲以此消已成之災息未形之患吁亦難矣成湯桑林之禱宣王側身脩行之意其反求諸已者為如何哉喜竊思之今日之事應天之實有四曰求直言曰脩缺政曰黜邪佞曰舉正直恤民之大者有六曰重放稅租曰行下諸路監司察州縣不使通放米船訖下江西湖南兩路仍許下批曰勘分賑乏曰截留綱

運曰嚴禁盜賊曰糾劾貪懦此至熟熟矣欲印首信
肩一言於上又慮出位時未必取信故敢以告于執事伏
惟都俞之暇從容造膝一為明主極言之則天下幸甚
與陳福公書天文變於上坤軸動於下正是君臣上下動色相
戒飭躬正事以弭消弭之時顧乃視之恬然略無驚懼之意
上之則九重不聞有側席求言之詔下之則諸府不聞有引
愆避位之章舉朝始阿相徇為日已久士大夫稍有氣節敢
議論者盡在遠外寂然不聞有一人能為明主忠言以指
佞裨缺大固邦本達民情者聞其語及天變則盡以歸之庸
苴使應天道此已為詭譎不忠之大至於地震東南數路無
一不然又將使誰當之而不以為慮耶意以為今日之事所
當憂者莫大於此而境外之事不與然明公果有乃心王室
之意但當以此曲折極言為上勸以博詢芻蕘深求已缺之
意則明公雖不盡言天下之事而天下之言因我而建此功
固已大矣又何必刺探隱謀密陳祕計然後為論事哉觀富
韓公退居西都時已嘗坐汝州青苗削奪之譴司馬公呂申
公又皆新法異論得罪有嫌之人然因事抗章盡言無隱不
少異於立朝之時彼豈不知迹方孤危重端主意復忤貴權
之為患誠以愛君憂國之誠切於中而不暇顧也

庚趙師書雷雪之變誠可憂懼而寒雨連月陰盛陽微天雖不

言意極彰者此亦可深慮者但求言之路未廣不知果有切
至之論可以感寤聖心詳謝天意者否待即身雖在外然以
宗屬之親待臣之重而平日愛君憂國之心與今之從政者
不可同日而議適此幾會似亦不容默然以自同於衆人也
不審曩封入告當復以何為先區區願竊聞之以寬發紲之
憂

異端淫祠第三十五條

戊申封事論者又或以為陛下深於老佛之學而得其識心見
性之妙於古先聖王之道蓋有不約而自合者是以不悅於
世儒之常談死法而於當世之務則寧以管商一切功利之
說為可取今乃以其所厭飲鄙薄者陳於其前亦見其言愈
多而愈不合也臣以為此亦似是而非之論非所以進厥德
於日新也彼老子浮屠之說固有疑於聖賢矣然其實不
同者則此以性命為真實而彼以性命為空虛也此以為實
故所謂寂然不動者萬理粲然於其中而民彝物則無一之
不具所謂感而遂通天下之故則必順其事必循其法而無
一事之或差彼以為空則徒知寂滅為樂而不知其為實理
之原徒知應物見形而不知其有真妄之別也是以自吾之
說而脩之則體用一原顯微無間而正心脩身齊家治國無
一事之非理由彼之說則其本末橫分中外斷絕雖有所謂

耶澈靈通虛靜明妙者而無所收於物理亂倫之弊
用之失也故自古為其學者其初無不似有可喜考其終則
談淫邪道之見鮮有不作而害於政事者是以程顥常關之
曰自謂窮神知化而不足以開物成務言為無不周備而實
外於倫理窮深極微而不可以入堯舜之道天下之學自非
淺陋固滯則必入於此是謂正路之榛蕪聖門之蔽塞關之
而後可 以人道嗚呼此真可謂理到之言惜乎其未
有以聞於陛下者使陛下過聽髦徒誑妄之說而以為真有
合於聖人之道至分治身治心治人以為三術而以儒者之
學為最下則臣竊為陛下憂此心之害於政事而惜此說之
布於來今也如或未以臣言為然則聖賢不為不高學之不
為不久而所以正心脩身以及天下者其故果安在也是豈
可不思其所以然者而亟反之哉臣聞仁宗時有程顥者與
使聖道聞而復明其功甚大俗儒淺學既不足以窺其蘊奧
以故相與怨疾指為道學而加詆訕焉臣已略論於前矣夫
世俗無知已之所為而後適於其意耳邪說肆行人心頗僻
無所忌憚乃至於此正開馬父之所深憂也今致願事所
著之書頗藏開府陛下試取而觀之聖學高明必將有照相
契合而見諸行事者若遂於此賜一言以表章之則正心之
教不惟自得而所以正人心亦在是矣伏惟陛下深留聖意
若夫管商功利之說則又陋矣陛下所以取之者則以既斥
儒者之道為常談死法而天下之務日至於前彼淳厚之學

又不足以應之是以有未平彼之言而異其富國彊兵或有
近效耳然自行其說至今幾年而國日益貧兵日益弱所謂
近效者亦未之見而聖賢所傳生財之道理財之義文武之
怒道德之威則固所以為富彊之大而及未有講之者也豈
不悞哉今議者徒見耒耜之高管商之便而聖賢所傳明善
誠身齊家治國平天下者初無新奇可喜之說遂以為常談
死法而不足學夫豈知其常談之中自有妙理死法之中自
有活法固非老佛管商之陋所能彷彿其萬分也哉
已酉擬上封事所謂明義理以絕神姦者臣聞天有顯道厥類
惟彰作善者降之百祥作不善者降之百殃是以人之禍福
皆其自取未有不為善而以諂禱得福者也未有不為惡而
以守正得禍者也而況帝王之生實受天命以為郊廟社稷
神人之主苟能脩德行政康濟兆民則災眚之去何待於禳
福祿之來何待於禱如其反此則獲罪於天人怨神怒雖欲
辟惡鬼以來真人亦無所益又兄先王制禮自天子以至於
庶人報本享親皆有常典牲器時日皆有常度明有禮樂
有鬼神一理貫通初無間隔苟禮之所不載即神之所不享
是以祭非其鬼即為淫祀淫祀無福經有明文非因說此以
禁之乃其理之自然不可得而易也其惑性德之間如有影
響乃是心無所主豈有鬼神哉臣竊以為

其歲欺誑惑之術既行則其為禍又將無所不至古今以
坐致亂亡者何可勝數其監蓋亦非遠苟非致精學問以明
性命之理使此心洞然無所疑惑當有即有當無即無則亦
何招以秉禮執法而絕妖妄之原乎先王之政執左道以亂
政假鬼神以疑衆者皆必誅而不以聽其愚深矣然傳有之
明於天地之性者不可惑以神怪明於萬物之情者不可罔
以非類則其為妄益亦不甚難察惟聖明之留意焉則天下
幸甚

道家之學出於老子其所謂三清蓋倣釋氏三身而為之爾佛
氏所謂三身法身者釋家之本性也報身者釋家之德業也
肉身者釋家之真身而實有之人也今人宗其教者遂分為
三像而斷列之則既失其指矣而道家之徒欲倣其所為遂
尊老子為玉清元始天尊太上道君太上老君而昊天上帝
反坐其下降矣僭逆莫此為甚且玉清元始天尊既非老子
之法身上清太上帝君又非老子之報身設有三像又非與
老子為一而老子又自為太清太上老君蓋倣釋氏之失而
又失之者也况莊子明言老聃之死則聃亦人鬼爾豈可僭
居昊天上帝之上哉釋老之學盡當廢假使不能盡去則
老氏之學但當自祀其老子閔尹列莊之徒以及安期生魏
伯陽輩而天地百祠自當領於天子之祠官而不當使道家

預之庶乎其可也

論道家三清今皆無理會如郭尊已足說名快戶了似老子既
是人鬼如何却居昊天上帝之上哉朝廷更不正其位次又
如真武本玄武避聖祖諱故曰真武玄龜也武蛇也此本虛
危星形似之故因而名北方為玄武七星至東方則角亢心
尾象龍故曰蒼龍西方奎婁狀似虎故曰白虎南方張翼
似鳥故曰朱鳥今乃以玄武為真君而作真龜蛇於下已無
義理而又增天蓬天猷及翊聖真君作四聖殊無義理所謂
翊聖乃今所謂曉子者真宗時有此神降故遂封為真君
因諭張天師先生曰本朝有南劍太守林積送張天師子獄中
而奏云其祖乃漢賊不宜使子孫襲封一時人皆信之而彼
獨能明其為賊其所奏必有可觀者林積者秦相時嘗為侍
郎

勸女道還俗榜蓋聞人之大倫夫婦居一三綱之首理不可廢
是以先王之世男各有分女各有歸有媒有娉以相配偶是
以男正乎外女正乎內身脩家齊風俗嚴整嗣續分明人心
和平百物順治降及後世禮教不明佛法魔宗乘間竊發
為邪說惑亂人心使人男大不婚女長不嫁謂之出家修道
妄希來生福報若使舉世之人盡從其說則不過百年使無

家者所以維持紀綱之具皆無所施矣幸而從之者少尋倫
得不殄滅其從之者又皆庸下之流雖感其言而不能通其
意雖悅其名而不能踐其實血氣既盛情實日開中雖悔於
出家外又慚於還俗於是不婚之男無不盜人之妻不嫁之
女無不肆為淫行官司縱而不問則風俗日敗悉繩以法則
犯者已多是雖其人不能自謀輕信邪說以至於此亦其父
母不能為其兒女計慮父遠之罪究觀本末情實可哀此當
職前日之榜所以不憚於丁寧也然昨來生戒未行只緣區
處未廣今復詳思與其使之存女道之名以歸父母兄弟之
家亦是未為不當終久未免悔吝若使其年齒尚小容貌
未衰者各歸本家聽從尊長之命公行媒聘從便婚嫁以後
先王禮義之教以傳人道性情之常息魔佛之妖言輩淫亂
之汚俗豈不美哉如云婚嫁必有聘定資送之費則脩道亦
有庵舍鉢鉢之資為父母者隨家豐儉移此為彼亦何不可
豈可私憂過計苟徇目前而使其男女孤單愁苦無所依
託以陷邪僻之行鞭撻之刑哉凡我長幼悉聽此言反復深
思無貽後悔

問今之神祠無義理者極多若當官處於極無義理之神祠維
係勸類凡祈禱之類不往可否曰其當官所至須理會一如
儀案所具合祈禱神示有無義理者使人可也

問先生禁漳民禮佛朝獻皆所以正人心也曰未說到如此只
是男女混淆便當禁約爾侍坐諸公各言諸處淫巫鼓惑等
事先生感嘆嘆嘆而已因舉江西有王隆萬壽宮太平興國
宮每歲兩處朝拜不憚遠近奔趨失其本心一至如此曰某
嘗見其如此潦草其愚上昇一事斷無此理豈有許多人一
日同登天自後又却不見一箇登天之人如汀民事定
佛其惑亦甚其佛肉身嘗留公廳禱祈微福果有知道理人
為汀州合先投昇水火以祛民惑愚民施財崇脩佛宇所在
皆然此弊滋蔓尤甚陳後之言泉州奴平惑民新立廟貌海
船運土石及遠來施財遭風覆舟相繼而不悟曰亦嘗望見
廟宇壯麗但尋常不喜入神廟不及佳觀凡此皆是愚而無
知者之所為爾

津寧迎神先生曰孟子言我亦欲正人心息邪說詎該行放淫
辭今人心都鳴邪了所以如此泉州一富室捨財造廟舉室
乘舟往廟所致祭落成中沉舟溺無一人免者民心不得其
正眼前利害猶曉不得况欲曉之以義理哉

天下事須是人主曉得通透了自要去做方得如一事八分是人主要做只有一二分是為宰相了做亦做不得

論世事曰須是心度大方包裏得過運動得行

聖人所謂無為者未嘗不為依舊是恭已正南面而已矣是正已而物正篤恭而天下平也後世天下不治者皆是不能篤恭盡敬若能盡其恭敬則視必明聽必聰而天下之治豈有不理

子善問為政以德然後無為聖人豈是全無所為耶曰聖人不是全無一事如舜做許多事豈是無事但民心歸向處只在德上却不在事上許多事都從德上出若無德而徒去事上理會勞其心志只是不服

今人說篤恭了便不用刑政不用禮樂豈有此禮古人未嘗不用禮樂刑政但自有德以感人不專靠他刑政爾

天下自有一般不好底氣象聖人有那禮樂刑政在此維持不好底也能革面至維持之具一有廢弛處那不好氣質便自各出來和那革面底都無了

聖人為政一年之間想見以前不好底事都革得盡到三年便財足兵強教行民服

問聖人無不可為之時且以人君言之堯之所以處丹朱而禪舜舜之所以處瞽瞍而傳禹禹以人臣言之伊尹之所以處太甲周公之所以處管蔡此可見聖人無不可為之時否曰然

漢高祖取天下却正當為他直截恁地做去無許多委曲唐初隋大亂如此高祖太宗因群盜之起直截如此做去只是誅獨夫為他心中打不過又立恭帝假援回護委曲如此亦何必爾所以不及漢之創業也

周世宗天資高於人才中尋得箇王朴來用不數年間做了許多事業且如禮樂律歷等事想見他都會得故能用其說成其事又如本朝太祖直是明達故當時創法立度其即拍一都是蓋緣都曉得許多道理故也

問世宗果賢主否曰看來也是好問當時也曾制禮作樂曰只是四年之間煞做了事問今刑統亦是他所作曰開寶通禮當時做不曾成後來太祖足成了而今一邊征伐一邊制禮作樂自無害事自是有入來與他做今人鄉一邊便不對那一邊才理會征伐便將禮樂做閑慢世宗冒懷文較大苟悅曰教化之行挽中人而進君子之域教化之盛雖中人而墮於小人之塗若是舉世恁地各舉其職有不能者亦須勉強去做不然也怕公議既無公議更舉無忌憚

贊化育常人如何爲得曰常人雖不爲得亦各有之曰此事惟君相可爲曰固然以下亦有其分如作邑而博雨之類皆是

多是要求濟事而不知自身已不立事決不能成人自心若一毫私意未盡皆足以敗事如上一點黑下便有一撲黑上有一毫差下便有尋丈差今若見得十分透徹待下稍遇事轉移也只得五六分若今便只就第四五着理會下稍如

何
今人平日講究所以治國平天下之道而自家身已全未曾理會得若能理會自家身已難與外事若茫然不相接然明德

在這裏了新民只見成推將去

因言處置天下事直是難救得這一弊少間就這救之心又生那弊如人病寒下執藥少間又變成燥熱及至病熱下寒藥少間又變得寒到得這家計了更支吾不住

權重處便有弊宗室權重則宗室作亂漢初及晉是也外戚權重則外戚作亂兩漢是也春秋之君多逐宗族晉惠公得國便不納群公子文公之入即殺懷公此乃異日六卿分晉之兆

問學者講明義理之外亦須理會時政凡事當一一講明使先有一定之說庶他日臨事不至面面相覷學者若得箇中義理

明從此去量度事物自然泛應曲當人若有堯舜許多聰明自做得堯舜許多事業若要一一理會則變無窮事難以逆料隨機應變不可預定今世文人才士開口便說國家利害把筆便說時政得失終濟得甚事只是講明義理以淑人心使世間識義理之人多則何患政治之不舉耶

今之爲國者論爲治則曰不消做十分底事只隨風俗做便得不必須欲如堯舜三代只恁地做天下也治爲學者則曰做人也不須做到孔孟十分事且做得一二分也得盡是這樣苟且見識

問古之論功行封爵介冑裂土地與之守非如後世虛帶爵邑若使小人參其間則有弊病曰勢不容不封他得聖人則有以處之未見得如舜如舜封象則使吏治其國若是小人亦自有以處之也

或問爲政者當以寬爲本而以嚴濟之曰某謂當以嚴爲本而以寬濟之曲禮謂慈惠行法非禮威嚴不行須是令行禁止古人爲政一本於寬余謂須反之以嚴蓋必如是矯之而後有以得其當今爲寬者無統紀緩急予奪之權皆不在我下梢却是處難得

今人說寬政多是事事不管其謂壞了這寬字字升問居上不寬曰寬字難識蓋有政教法度而行之以寬

非廢弛之謂也如敬敷五教在寬蓋寬行於五教之中也

問為政更張之初莫亦須稍嚴以整齊之否曰此事難斷定說在人如何處置然亦何消要過於嚴今所難者是難得曉事底人若曉事底人歷練多事纔至面前他都曉得依那事分寸而施以應之人自然畏服今人往往過嚴者多半是自家不曉又慮人欺已又怕人慢已遂將大拍頭去拍他要他畏服若自見得何消過嚴便是這事難又曰難難

死於禍難是易事死於不可奪之節是難事纔出門去事君這身已便不是自家底所謂事君能致其身是也如做一郡太守一邑之宰一尉之任有盜賊之虞這不成休了便當以死守

之亦未為難惟卒遇君臣大變利害之際只爭此子這誠是難今處草莽說這般事似未為功已看史策所載篡易之際直是難處篡弑之賊你若不從他便殺了你你從他便不死既是貪生怕死何所不至

如為天子近臣合當審諍正直又却恬退寡默及至處鄉里合當閉門自守躬廉退之節又却向前要做事這箇便都傷了那大軀如今人議論都是如此合當舉賢才而不舉而曰我遠權勢合當去姦惡而不去而曰不為已甚且如國家遭汴都之禍國於東南所謂大軀者正在於復中原雪讎耻却曰休兵息民燕愛南北正使直箇如此猶不是沉為此說者

其實只是顧計而已

會做事底人必先度事勢有必可做之理方去做

今人只認前日所行之事而行之便謂之循典故也須揀箇是底始得

古者脩身與取財恤民與養兵皆是一事今遂分為四

吳伯英與黃直卿議溝洫先生徐曰今則且理會當世事尚未盡如刑罰則殺人者不死有罪者不刑稅賦則有產者無稅有稅者無產何暇議古

古人臨事所以要回互時是一般國家大事係死生存亡之際有不可直情徑行處便要權其輕重而行之今則事事用此

一向回互至於枉尋尺而利亦可為歟是甚意思

問道之以德循可致力齊之以禮州縣如何做得曰便是如今都蕩然無此家具了便也難得相應古人比閭之法比有長間有師便真箇能行禮以帥之民都是教了底人故教化可以流通如一大圳水分數小圳去無不流通後世有聖賢作必不肯只忘休須法古從底做起始得

向見何萬一之少年時所著數論其間有說云本朝自李文靖公王文正公當國以來廟論主於安靜凡有建明便以生事歸之馴至後來天下弊事極多此說甚好且如仁宗朝是甚次第節制國勢却如此緩弱事多不理英宗即位已自有性

氣要改作但以聖躬多病不久晏駕所以當時謚之曰英神宗繼之性氣越發尤欲更新之便是天下事難得恰好却又撞着介甫出來承當所以作壞得如此又曰介甫變法故有以召亂後來又却不別去整理一向放倒亦無緣治安

徐處仁字擇之南京人靖康間執政嘗舊作師時早間理會公事飯後與屬官相見皆要穿執如法各人稟職事了相與又坐說話議論又各隨其入問難教戒所以鞭策者甚致故有人爲其屬者無不有所知曉事呂居仁亦嘗事之凡作事無不有規模雖小事亦然無苟作者只如支官吏酒當其支日以酒缸盛廳前自往各嘗之或差出外處或辭去或初來官

按曆令各人以瓶來取如教給之從小至大一樣無分毫私偏

官無大小凡事只是一箇公若公時做得來也精采便若小官人也望風畏服若不公便是宰相做來做去也只得箇沒下稍

當官必審是非明去就今做事至於危處却避禍曰吾爲渾厚可平且如後漢諸賢與宦官爲敵既爲冀州刺史宦官親戚在部內爲害安得不去之安得謂之矯激須是不做它官故古人辭尊而居卑辭富而居貧居卑則不與權豪相抗亦無甚職事

公之仕宦不能盡心盡職者是無那先其事而後其底心德粹問在四明守官要顧義理繞到利害重處則顧只是

一去如何先生曰無他只是志不立却道害走了

人在官固當理會官事然做得官好只是人是一好官須講學立大本則有源流若只要人

一件明日又做得一件却窮了

先生謂若海曰令祖全節翁孝義篤至又能堅正自守當時雖貴欲一見之竟不爲屈至於通判公又爲張趙所知持論

然不肯阿附秦老可謂無忝於所生者前輩高風誠可敬

爲子孫者其忍不思所以奉承而世守之乎或曰今人志在趨利聞人道及此等事則多非毀訛笑先生曰其嘗謂得

當面言之猶似可又有口以爲是心實非之存存胃中不知不覺做出恠事者茲尤可畏

因李將爲郭帥閣倖曰凡是名利之地自家退以待之便自穩穩纔要只管向前便危險事勢定是如此如一稅飯在這裏纔去爭也有爭得不被人打底也有爭得被人打底也有

不得空被人打底

凡事以勞苦之事役使人自家須一面做與它方可事得

勸課農桑等事也須是自家不憚勤勞親履畝

與他勿當方得

與趙師書詢謀畫慮亦不專在一人筆記先儒解孟子訛訛二字以爲自足其智不啻善言之貌此言甚有味也今時士大夫非無愛人憂國之心但雖賢者不免有此氣象所以雖其所知所與可以盡言而無聞者亦未必得竭懷抱而況於疎遠卑賤之人乎此可爲長太息也

因說今官府文移之煩先生曰國初時事其簡徑無許多虛文嘗見太祖時樞密院一卷公案行遣得簡徑畢英雄底人做事自別其樣索性

秀才好立虛論事朝廷纔做一事開關地關過了事又只休且如黃河事合即其處看其勢如何朝夕只在朝廷上關河東

金瓶梅大詞卷十六

決西決凡作一事皆然太祖當時亦無秀才全無許多關說只是今日何處看脩器械明日何處看習水戰又明日何處教閱日日着是做故事成

被幾箇秀才在這裏擺弄那吏人翻得來難看吏文只合直說其事是如何條貫是如何使人一看便見方是合官管弄開言語說到緊要處又只恁地帶過去

因論今世士大夫好作文字論古今利害比並爲說曰不必如此只要明義理義理明則利害自明古今天下只是此理所以今人做事多暗與古人合者只爲理一故也

仁宗時制詔之文極朴固是不好看只是它意思氣象自恁地

淳厚又長固是拙只是他所見皆實看他下字都不甚恰好有合當下底字却不下也不是他識了不下只是他當初自思量不到然氣象儘好非如後來之文一味纖巧不實

國初文章皆嚴重老成嘗觀嘉祐以前誥詞等言語有甚拙者而其人才皆是當時有名之士蓋其文雖拙而其詞謹重有欲工而不能之意所以風俗渾厚至歐公文字好底便十分好然猶有甚拙底未散得他和氣倒東坡文字便已馳騁或巧了及宣政間則窮極華麗都散了和氣所以聖人取先進於禮樂意思自是如此

金瓶梅大詞卷十六

大率文章盛則國家却衰如唐貞觀開元都無文章及韓昌黎柳河東以文顯而唐之治已不如前矣汪聖錫云國初制詔雖粗却甚好又如漢高祖八年詔與文帝即位詔只三數句今人敷衍許多無過只是此箇柱子

某與諸公說下梢去仕宦不可不知須是有旁通曆逐日公事開項逐一記了即勾之未了須理會教了方不廢事當官文書簿曆須逐日結押不可拖下

人最不可曉有人奉身儉嗇之甚充其操仁食糲糠下飲黃泉底却只愛官只有人奉身清苦而好色它只緣私欲不能克臨事只是這箇重都不見別管了或云似此等人分數勝已下底曰不得如此說才有病便不好更不可以分教論它只

愛官職便祿父與君也敢

朋友若以錢相惠不害道理者可受分明說其交也以道其樣也以禮斯孔子受之若以不法事相委却以錢相惠此則斷然不可

先生因泛言交際之道云先人曾有雜錄冊子記李仲和之祖

見居

三衛同包孝肅同讀書一僧金身出入必經由一富人門二

公未嘗往見之一日富人俟其過門邀之坐二公託以他事不入他日復招飯意厚甚款款往包公正色與語曰彼富人也吾徒異日或守鄉郡今妄與之交豈不為他日累乎應不往後十年二公果相繼典鄉郡先生因嗟嘆前輩立已接人

卷之六

十一

之嚴蓋如此方二公為相未所志已如此此古人所謂言行必稽其所終慮其所敝也或言近有為鄉邑者泛接部內士民如布衣交甚至狎溺無所不至後來遇事入手處之頗有掣肘處曰為邑之長此等處當有限節若脫畧縲墨其末流之弊必至於此包李之事可為法也

通老問在官遇故舊有公事如何曰亦權其輕重只看此心其

事小亦可周旋若事大只且休公某問蘇章夜與故人飲明

日按之此莫大不是曰此是甚人只是以故人為貨

人居官要應副親戚非理做事只說道囑託所得貨賄親戚受

之這是甚麼底事敢胡亂做因說吳公路為本路憲崇安宰

上世與之有契在邑恣行無所不至有許于吳其罪甚衆吳

謂其上世有恩於我我今居官終不成以法相經遂寬釋於

者境之斯人益肆其暴虐邑民皆無所告訴者來固當不忘

上世之恩若以私恩一向廢法又如何當官漢武帝不以隆

慮公主之故而赦其子昭平君雖其初以金錢預贖死罪後

竟付之法云法令者先帝之所造也奈何以弟故而廢先帝

法吾何面目入高廟乎東方朔上壽曰臣聞聖主為政賞不

避仇讎誅不擇骨肉書曰不偏不黨王道蕩蕩此二帝三王

之所重也陛下行之天下幸甚夫天討有罪是大小大事豈

可以私廢直卿云若是吳應待崇安宰雖當一付之法還亦

有少委曲否曰如恩舊在部屬未欲一真于法亦須令尋醫

去可也

呂晦叔為賈昌朝無禮捕其家人坐獄後呂為相適值朝廷治

賈事呂乃乞寬賈之罪恐渠以為臣與有私恚後賈竟以此

得減其罪此以德報怨也然不濟事於大義都背了蓋賞罰

出於朝廷之公豈可以已意行乎其間

建陽簿權縣有婦人夫無以贍父母欲取以歸事到官簿斷聽

離致道深以為不然謂夫婦之義豈可以貧而相棄官司又

豈可遂從其請曰這般事都就一邊有不得若是夫不才不

能育其妻妻無以自給又奈何這似不可拘以大義只怕妻

之欲離其八別有曲不可不根究直卿云其先任某處有繼母與父不睦而妻之子其子數人貧窶不能自活哀鳴于有司有司以名分不便只得安慰而遣之竟無如之何曰不然這般所在當以官法治之也須追出後母責戒勵若更離間前妻之子不存活他定須痛治因云程先生謂舜不告而娶舜雖不告竟嘗告之矣堯之告之也以王法治之而已因云昔為浙東倉時紹興有繼母與夫之表弟通遂為接脚夫擅用其家業恣意破蕩其子不甘來訴初以其名分不便却之後趕至數十里外其情甚切遂與受理委楊敬仲敬仲深以為子訴母不便某告之曰曾與其父思量不其父身死其妻輟棄背與人私通而敗其家業其罪至此官司若不與根治則其父得不銜冤於地下乎今官司只得且把他兒子頓在一邊渠當時亦以為然其後去官想成休了初追之其接脚夫即赴井其有罪蓋不可掩

直天言察院黃公字剛正素畏憚其族有縱惡馬踏人者公治之急其人避之惟謹公則斬其馬足以謝所傷先生曰某南康臨罷有躍馬於市者踏了一小兒將死某時在學中令送軍院次日以屬知錄晚過解舍知錄云早上所喻已拷治如法某既而不能無疑回至軍院則其人冠履儼然初未嘗經拷掠也遂將吏人并犯者訊次日吏人挾脊勒罷偶一

相識云此是人家子弟何苦辱之某曰人命所係豈可寬弛若云子弟得躍馬踏人則後日將有甚於此者矣况州郡乃朝廷行法之地保佑善良抑挫豪橫乃其職也縱而不問其可得耶後某罷諸公相餞於白鹿某為極口說西銘民吾同胞物吾與也一段今人為秀才者便主張秀才為武官者便主張武官為子弟者便主張子弟其所滔溺一至於此晚諭兄弟爭財產事照對禮經凡為人子不蓄私財而律文亦有別籍異財之禁蓋父母在上人子一身尚非自己所能專有豈敢私蓄財貨擅據田園以為己物此乃天性人心自然之理先王制禮後王立法所以順之而不致違也當職昨來到任之初詢訪民俗考按圖經曾以司馬大夫司馬中郎熊縣令洪義門孝行義居事跡勸諭士民務修孝弟忠信之行入事父兄出事長上敦厚親族和睦鄉鄰有無相恤患難相恤庶幾有以仰副聖天子敦厚風俗之意今已累月而誠意不孚未有顯効比閱詞訴有建昌縣劉堯兄弟都昌縣陳由仁兄弟並係母親在堂擅將家產私下指撥分併互相推託不納賦稅爭論到官殊駭聞聽除已行下建昌縣父案到陳由仁等指撥關約盡行毀抹當廳說諭令劉堯陳由仁與其兄弟依舊同居共財上奉母親下率弟姪協力家務公共出納輸送官物外竊慮胥吏更有似此棄遠禮法傷害風教之

人而長吏不能以時教訓糾禁上負承流宣化之責內自循省不勝恐懼今檢坐條法指揮下項須至曉諭者

某在南康時民有訟坐家逃移者是身只在家而託言外移不納稅又有訟望鄉復業者是身不回鄉而寄狀管業也

與趙帥書竊見使司行下委兩隣附籍事官司嘗已施行但此事初議只委鄉官勸諭人戶自來附籍蓋不欲使吏與其間恐有煩擾雖有不願請米者亦不之彊但欲請米者非已附籍不給即其人利害切已附與不附皆須自任其責行之既久人漸相信今忽有此指揮即自此之後生子得米之人可以安坐不問而歸其責於鄰人鄰人不得米者顧乃代之任

公集世本制卷十一

十五

責而又無罪實以督其後又况一甲之內除懷孕家外尚有四家今却只取兩家為鄰若在街市人家齊整去處猶可責之兩畔切隣不容推託若在鄉村人煙星散去處即或前或後或左或右或疎或密必是互相推託不肯為任此責其生子得米之人既不干預却使無利害之人任無罪實之事而四家之中又無正定主名萬一無人及時申附直至生子之後其家或欲殺棄即通同蓋庇不復申舉或欲請米即須論訴鄰人以為不申附之罪鄉官既難受理根究其勢必須有司追証權操其害不細不知及今尚可回否若得且令鄉官據實勸諭人戶自行附籍而委措置官考察附籍者之數最

取其尤急慢者申縣改差而稍加沮辱以警其餘亦足以革其舊弊實恩意如其不然即須嚴立罪賞而使甲內四家同住其責如有懷孕五月之家即四隣先取本家中已附籍文狀仍說願與不願請米四隣連名簽押狀內公共指定專委兩隣某人某人傳送取附籍鄉官批回付本家收照候生子訖再取四鄰保明繳連元批赴收支鄉官請米其不願請米人亦須四鄰具狀繳連元批保明不曾殺棄關報注籍如此乃可關防推託遺滯詞訴搔擾之弊然既如此即事體規模頗異前日而將來亦恐終不免於煩擾更乞詳酌其宜計其利害多實而行之也大抵此事從初商量非不知如此措置決

公集世本制卷十一

十六

是不能周徧然所恃者既無煩擾之弊而勸諭恩意有以感動之則賑給之惠雖不能周而陰受生活之賜者自將不勝其衆耳若以此為不廣而欲其速得周徧則決非勸諭之所可及勢須一切以文法禁令驅迫然後可成如此非不美觀然恐官司徒有文移而無事實民間徒被搔擾而無恩惠非前日所為思慮措畫之本意也

其方若水書加意講學勉力職事以脩其在我者至如士民薦舉之類亦當有以禁之勿令後出不知他人如何如某久居閑處見此等無非迎合以是心常惡之當官處遇有此等或察其情有姦弊即繫治之不少貸也

周子嚴莊甫見先生言近有人作假書請託公事者先生曰收假書而不見下書之人非善處事者舊見吳提刑達公路當官凡下書者須令當廳批下却將書於背處觀之觀畢方發付其人令等回書前輩處事詳密如此又某當官時有人將書來者亦有法以行之須是留其人與湯當面拆書若無他方令其去

而今官員不論大小盡不見客敢立定某日見客某人不見客甚至月十日不出不知甚麼條貫如此是禮乎法乎可怪不知出來與人相應接少頃有甚辛苦處使人之欲見者等候不能得見或有急幹欲去者有甚心情等待欲吞不可欲吐不得其苦不可言此等人所謂不仁之人心都頑然無知抓着

不痒搔着不痛矣小官嘗被上位如此而非之矣至他榮顯又不自知矣因言夏漕每目先見過往人客了然後請職事官相見蓋恐慢職官重事多時過客不能久候故也潭州初一十五例不見客諸司皆然其遂破例今皆相見

古人置宦者正以他絕人道後可入宮今却皆有妻妾居大第都與常人無異這都不是出入又乘大轎記得京師全盛時百官皆只乘馬雖侍從亦乘馬惟是元老大臣老而有疾底方賜他乘轎然也尚辭謝未敢便乘今却百官不問大小盡乘轎而宦者將命之類自乘轎

南渡以前士大夫皆不甚用轎如王荆公伊川自云不以人代畜朝士皆乘馬或有老病朝廷賜令乘轎猶力辭後受自南渡後至今則無人不乘轎矣

趙子直奉命將入蜀請於先生曰某將入蜀蜀中亦無事可理會意欲請於朝得公准差遣庶可理會也田曰出於朝廷之意猶恐不得終其事若自請以行則下稍或有小事請乞不行便難出手如舉薦小吏而不從其薦或按劾小吏而不從其劾或求錢米以補關之而不從其求這如何做

與程可久書大抵近世作事利民者常苦於掣肘而不得行其為民害者則因循苟且上下算子以為不可易設使便有姚

元崇真有濟世之術亦未必得如其意此可歎也

在南康祈雨每日去天慶觀燒香其說且謾去一作且謾今若有

箇人不經州縣便去天子那裏下狀時你嫌他不嫌他你須

捉來打不合越訴而今祈雨却如何不祭境內山川如何不

去告上帝

祈雨之類亦是以誠感其氣如祈神佛之類亦是其所居山川

之氣可感今之神佛所居皆是山川之勝而靈者雨亦近山

音易至以多陰也

先生因說邑中隱憂恐有火災縣官轉報云豈可不脩人事合

當拘家家蓄水警備

知府康榜文當職久以疾病退伏里閭比蒙誤恩假守茲主懇辭不獲扶曳而來到任之初伏自惟念聖天子所以披揚幽隱付畀民社之意固將使之宣明教化寬恤民力非徒責以簿書期會之最而已顧雖不能其敢不勉今有合行詢訪勸諭事件下項

一 本軍土瘠民稀稅項重前後長吏非不欲多方措置寬恤民力實緣上供官物既已浩翰軍用所資亦復不少只得逐急了辦目前更無餘力可以議此是致民力日困無復安土樂生之心深可哀憐安忍坐視今恐管下士人父老僧道軍民諸色華人有能知得利病根原次第合作如何措置可以寬恤並請子細開具實事狀不拘早晚赴軍校陳切待面加詢問審實相度多方措置庶幾戶口歲增家給人足有以仰副聖天子愛養元元之意

一 本軍民俗號稱淳厚近少爭訟獄少係囚及按圖經前代有太中大夫司馬高司徒從事中郎司馬汪義宜春縣令熊仁瞻皆以孝行顯名及至國初又有義門洪氏亦以累世義居聲婦陳氏守節不嫁遂蒙太宗皇帝賜以宸翰寵以官資旌表門閭闕餘雖後此足見其風俗之美非他郡之所及又况天性人心不易之理在昔既有今豈無之患在師帥不良不加敦勸是致頹靡日陷偷薄今請管下士

民鄉鄰父老歲時集會並加教戒間或因事復丁寧使後生子弟咸知修其孝悌忠信之行入以事其父兄出以事其長上敦厚親族和睦鄉鄰有無相通患難相卹庶幾風俗之美不愧占人有以仰副聖天子敦厚風俗之意

一 本軍背負義旗前據彭蠡地勢雄秀申於東南南跡所經太史所遊有聖賢之遺風下逮東晉陶氏則長沙靖節祖孫相望爰及聖朝劉氏則田松丞父子相繼皆有德業著在冊書宜其風聲氣俗猶有存者後來之秀接踵比有而比年以來士風衰弊而學校養士不過三十人大比應書人數亦少雖講道脩身之士或未必肯遊學校入場屋

然詢於物論以求物外之英豪則亦未聞卓然有可稱良由長民之吏未嘗加意使里閭後生無所從學以至於此今請鄉黨父兄各推擇其子弟之有志於學者潛求入學陪厨待補聽講課本軍亦一面多方措置增置學糧當職公務之餘亦當時時詣學與學官同共講說經旨多方誘掖庶幾長材秀民為時而出有以仰副聖天子長育人材之意右出榜星子都昌建昌縣并市曹曉諭管下士民父老等詳前項事理逐一遵稟仰副聖朝愛民教化之美意并牒三縣照會及別給印榜每縣各一百道委巡尉分下鄉張掛不得隱匿并牒軍學教授請從長相度合如何增添贍

學錢量脩立課試規矩開具回報切待措置施行

勸諭榜今具節次施行勸諭事自如後

一勸諭保伍互相勸戒事件仰同保人互相勸戒孝順父母恭敬長上和睦宗姻周卹鄰里各依本分各脩本業莫作姦盜莫縱飲博莫相鬭打莫相論訴孝子順孫義夫節婦事跡顯著即仰具申當依條格旌賞其不率教者亦仰申舉依法究治

一禁約保伍互相糾察事件常切停水防火常切覺察盜賊常切禁止鬭爭不得販賣私鹽不得宰殺耕牛不得賭博財物不得傳習魔教保內之人互相覺察知而不糾併行坐罪

一勸諭士民當知此身本出於父母而兄弟同出於父母是以父母兄弟天性之恩至深至重而人之所以愛親敬長者皆生於本心之自然不是強為無有窮盡今乃有人不孝不弟於父母則輒違教命敢闕供奉於兄弟則輕肆忿爭忍相拒絕逆天悖理良可歎傷宜亟自新毋速大戾

一勸諭士民當知夫婦婚姻人倫之首媒妁聘問禮律甚嚴而此邦之俗有所謂管顏者則本非妻妾而公然同室有所謂逃叛者則不待媒娉而潛相奔誘犯禮違法莫甚於斯宜亟自新毋貽刑辟

一勸諭士民鄉黨族姻所宜親睦或有小忿骨各深忍更且委曲調和未可容易論訴蓋得理亦須傷財廢業況無理

不免坐罪遭刑終必有凶切當痛戒

一勸諭官戶既稱仕宦之家即與凡民有異尤當安分循理務在克己利人又况鄉鄰無非親舊豈可恃強凌弱以富吞貧盛衰循環所宜深念

一勸諭遭喪之家及時安葬不得停喪在家及殯寄寺院其有日前停寄棺柩灰函並限一月安葬切不須齋僧供佛廣設威儀但只隨家豐儉早令亡人入土如違係條科杖二百官員不得注官士人不得應舉鄉里親知來相弔送但可協力資助不當責其供備飲食

一勸諭男女不得以脩道為名私創庵宇若有如此之人各仰及時婚嫁

一約束寺院民間不得以禮佛傳經為名聚集男女晝夜混雜

一約束城市鄉村不得以禳災祈福為名飲掠錢物裝弄傀儡

前件勸諭只願民間各識道理自做好人自知不犯有司刑憲無緣相及切須遵守用保平和如不聽從尚敢下紀國有明法吏不敢私宥各深思無貽後悔

龍巖縣勸諭榜當職恭奉勅命來守此邦見本州四縣龍溪諸邑風俗醇厚少有公事干撓州府獨有龍巖一縣地僻山深無海鄉魚鹽之利其民生理貧薄作業辛苦州府既遠情意不通縣道公吏又不究心拊摩躬行教化往往多差公人下鄉搔擾及縱吏人因事乞覓不遵朝制不恤刑獄不能分別是非曲直致使其民不見禮義惟務凶狠強者欺弱壯者凌寡內則不知有親戚骨肉之恩外則不知有閭里往來之好習俗薄惡已足歎傷至其甚者則又輕侮官司公肆咆哮把持告訴無所不至始則詭名下狀終則將身藏閃及至州縣察其欺詐追捕緊急則便閉門聚眾持杖闖敵殊不思量既為王民便當遵守王法州縣之官皆是奉行朝廷政令今既不抗拒州縣便是違王法不畏朝廷如此所為何異盜賊縱使一時抵敵得過不知終久作何收殺雖說本因官吏養成此惡然却終須自己出頭受罪小者徒配大者絞身破家赤子無知抵冒至此良可悲聞當職既忝父母之官豈忍坐視不思有以救其未然除已行下龍巖縣約束官吏務宣教化恪守條法不得似前容縱搔擾外須至曉諭右今榜龍巖縣管下通行曉諭上戶豪民各仰知悉其有細民不識文字未能通曉即請鄉曲長上詳此曲折常切訓誨要使閭閻之人常切思念既為王民當守王法自今以

後各脩本業莫作姦盜莫恣飲博莫相鬪打莫相論訴莫相侵奪莫相瞞昧愛身忍事畏懼官司不可似前咆哮告訐抵拒追呼倚靠凶狠冒犯刑憲幾一變犷悍之俗後為禮義之鄉子子孫孫永遵聖化如更不改尚習前非州郡雖欲曲法相容亦不可得決當會合巡尉團掩搜捉依條斷罪的無輕恕今榜曉諭各請詳思早革心無貽後悔

禁戢人從不許乞覓使軍照對所委官下鄉竊慮將帶合干等人因而生事乞覓搔擾事屬不便令縣給口食與隨行人不得搔擾保正手觀等人仍立賞降給文榜付檢舉官隨行

張掛約束

施行人戶許狀乞覓據學生馮檣劄子迭照對今歲旱荒民戶已是按詞呈子見行委官檢踏其在都昌舊來踏旱之弊名色非一不敢不以告者凡押旱狀官中所收則謂之醋息錢直日司乞覓則謂之接狀錢已下案案吏乞覓則謂之買紙錢及按旱帳則謂之按帳錢官員下鄉檢踏供帳民戶着押杜司乞覓則謂之着字錢檢踏官員隨從人吏於保正名下乞覓則謂之俵付錢官司行下蠲放所納米斛杜司隨斗數數乞覓則謂之苗頭錢凡此之類皆蠹民之尤者官中所放本以裕民而民之糜費乃至於是人戶既已困窮坐受其弊

無力赴想委實切告合行下星子都達昌縣嚴行約束及由
榜各縣門并檢踏官隨行張掛曉示人戶知委如合千人依
前乞覓前項逐色錢數人戶不以早晚具狀經縣陳訴從
本縣拘收犯人申解軍竊待根勘依條施行各令知委
禁旅店不許通傳單獨訪聞管下旅店遇有單獨因病或流移
之人到店多是慮其死亡更不容留逐行通傳驅逐出界因
此喪命各行下諸縣多印榜文於旅店約束遇有過往單獨
飢餓困病之人即仰所到店戶不得通傳扛擡送出外界許
就便米場驗實量給口食臨安痊日遣去萬一有死亡之人
即時報都保審實申縣行下如法埋葬

卷十六 五十五

因說都下士夫愛看命曰士夫功名心切且得他差除一番亦
好曰若命中有官便是天與我若就人論便是朝廷與我今
不感戴天與朝廷却感戴他門終身不忘甚可怖

最有一件事是今日大弊旱則申雨檢荒則云熟火燒民家則
咸故奏到處如此

龍泉簿范伯崇寄書來云今日氣象官無大小皆難於有為蓋
通身是病無下藥處安得大賢君子正其根本使萬目具舉
吾民得樂其生耶嗟嗟之政近能言之孟惻隱之心發於
誠然加之明敏何事不立

卷十六 五十六

次可奈何只得隨時處與人說得識道理人多亦是幸事

蔡季通因浙中主張史記常說道邵康節所推世數自古以降
去後是不解會其好只得就後一做規模以某看來則不然
孔子脩六經要為萬世標準若就那裏商量別作箇道理孔
子也不解脩六經得如司馬遷亦是箇英雄文字中間自有
好處只是他說經世事業只是第二三着如何守他議論如
某退居老死無用之物如諸公都出仕官這國家許多命脉
汨自有所屬不直截以聖人為標準却要理會第二三着這
事煞利害千萬細思之

答呂伯恭書治財太急用刑過嚴二事亦實有之蓋州郡用度

卷十六 五十六

猶可支吾最是上供綱運拖下兩年不起令人坐臥不安不
得不緊急然比之他人已寬了稍可寬處無不放過若更寬
著即倒却人州縣矣傳者之言似為建昌而發便是向來自
効事初以此縣不辦令戶掾往代之此公性銳質筆作事不
無過當初蓋亦慮之但以無人不免再三丁寧而遣之到彼
果然過甚大失民和亟遣簽判親往慰喻然後粗定此則選
擇不精戒諭不詳之罪今已令且還矣但此縣便覺無分付
處撓不可言來喻所謂未辦酌者可謂切中其病少俟訟竟
事經憲司當以尊意開諭之也士人犯法者教唆把持其罪
不一但後來坐法結斷贓罪為重耳然亦但逐學莫楚編管

江州其人經教便計會彼州官吏違法放還今日到家明日便陪步宗室教唆詞訟爲人所訴復追來欲撻之而同官多不欲者只決却小杖數十再送他州亦不爲過也弊政固多踈脫至此一事往來之人雖有苦口見規者問於道途無不以此事爲當也

與慶國卓夫人書五哥徽廟近自春中以來頓減游燕復近書冊若常能如此寡過可期更望因書褒勸以獎成之且聞尊意欲爲營幹官差遣不知然否則竊以爲不可近世人家子弟多因爲此壞却心性一生仕官費力蓋其生長富貴本不知艱難一旦仕官便爲此官逐司只有使長一人可相拘

轄又間有寬厚長者即以貴將子弟相待不欲以法度見絕上無戰事了辦之責下無吏民窺伺之憂而州縣守倖勢反出已下可以凌轢故後生子弟爲此官者無不做慢縱恣席勢凌人其謹飭者雖不至此亦緣不親民事觸事憚然非如州縣小吏等級相承職事相轄一日廢慢則罪戾及之故仕於州縣者常曉事而少過愚意以爲平父可且令參部受簿尉之屬乃爲正當若不欲如此即舍人兄爲營一稍在人下有執事與人打罵差遣乃所以成就之若必欲與求幹官乃是置之有過之地誤其終身恐非太碩人高明教子之本意也

與黃商伯書建昌納苗其有照管不到處然與抑強似不相干稅務依法收稅亦非州郡所得與況士大夫下卑商賈之利無耻至此亦何足恤近日會編管建昌一健訟假儒傳者必又喧沸此事自信其爲絕無可疑是非毀譽付之衆口少忍旬日則吾已在汶上矣

答呂伯恭書誨諭教事極感垂念學中向來專爲說大學近已終篇今却只是令教官挑覆所授論語諸生說未到處畧爲發明兼亦未嘗輒升講坐侵官濫告如來教所慮也但只如文翁常衮之爲區區志願止於如此耳政事固欲簡靜但今時仕宦之人不務恤民多是故縱吏胥長悍權豪是有公事

畧加點檢無不坐此二病者勢不得已須差澤一三根治此外則絕不敢有毫髮之擾財賦通諸縣皆不得人弛廢殊甚爲丞佐所迫亦不免迫人吏監禁斷違然思爲縣者亦豈不欲了辦財賦見知州郡何若如此通慢想亦是有做不行處每握筆欲判此等文字未嘗不慨然太息乃知真是腐儒不敢諱人指目也趙守規模具在但終是意思不如此自使不行然亦恐官司俱竭政使人存政舉亦未必能爲可繼也此事可慮真是使人不忍所以急欲去非是苟求自佚亦是下不得如此毒手也見爲望子縣討論經界添稅重定旦夕中乞蠲減得三五百匹和買未知朝廷肯相從否此爲益殊

不多然亦勝於不減耳所懸漕司者乃是上供餘米兩漕近
皆扣許但未得明文撥下耳蓋本軍年額秋苗四萬六千石
而上供四萬石餘六千石漕司椿管在軍往往亦催不足其
見催到者本軍既不敢支漕司又無所用但陳腐積壓消折
見欠數而本軍官無支給並是額外加耗巧作名色取之故
今欲從漕司乞此餘教科撥在軍應副軍糧然亦僅可供四
五月之月其他依舊須自辦也平生讀書要作如何利益底
事今到此此等事便做不得中夜以思實不遑安處每誦
蘇州句云身多疾病思田里道有流亡愧俸錢此中百姓修
來忽往更無固志未嘗不低徊愧歎也寄居標俸只是初到
有以本身料錢為請者量與逐月帶支所費不多宅如見任
官員使臣任滿當去而未支者亦量事制宜不敢一例放行
亦不敢一切不恤也脩造事學中二祠只是因舊設像別無
地步可起造其他方作得劉凝之菴亭并門凡此等皆用初
到送代者折送香藥及逐月供給中不應得者椿管為之不
敢破使官錢至如前書所說卧龍菴又自用俸錢亦不敢破
此錢矣園中蓬蒿沒人尚未能芟除何暇及他事耶求去之
說如前所云又以衰病之餘精力耗損每對吏民省文按或
至坐睡不惟有所不堪亦恐吏輩乘隙為姦貽患千里故欲
急去且承諭之及故悉具報如此只得勤尊處也有未當理

處却幸垂教所深望也

與黃商伯書其無狀居此一年有餘率意真前不能違道干譽
得非於士民多矣請祠雖已報聞然旦夕自當以他罪行遣
不至父為仁里之害也示諭曲折深荷愛念然必欲使其餒
鴨虎狼保養蛇蝎使姦猾肆行無所畏憚而得歌頌之聲洋
溢遠近則亦平生素心所不為也姓高人事文叔在此備見
首尾此而可恕則亦無以官吏為矣至如木炭錢事亦是州
郡所當為而幸上司之見聽方恨不能推類盡蠲初不
以是而求歌頌於斯人也此錢都昌所減獨多乃是毛採攷
究之力此人固有過當處然細詢田野之言而攷之案牘以
求其實則前日銷骨之毀亦云甚矣此舉枉錯直之間所以
難明非有道以照之則自謂公心者未必非私意之尤也區
區不喜自辯又於老兄不可有隱情故久不知所以為報今
偶有便信筆及之非欲較此是非乃欲老兄深察於公私名
實之間則真得其所謂本心之正耳

答呂伯恭書郡事比亦甚簡靜秋間以兩縣破壞不免暫易其
人即日詞訟便減什七八今或至當日而無訟者亦緣略鉅
去一二亂政生訟者之故戒令勸率民間亦肯相信如中間
舉行別籍異財之令父子復合者數家此緣于澄力勸下令
初恐其未必從今不謂其能爾也但財計全仰商稅盈虛之

數繫於風水非人力所及近以風故虧負甚多亦殊可慮耳
先生在臨漳首尾僅及一暮以南陬陋之俗驟承道德正大
之化始雖有欣然慕而亦有謬然疑譁然毀者越半年後人
心方肅然以定僚屬屬志節而不敢恣所欲仕族奉絕檢而
不敢干以私胥徒易慮而不敢行姦豪猾歛蹤而不敢冒法
平時習浮屠為傳經禮塔朝岳之會者在在皆為之屏息平
時附鬼為妖迎遊於街衢而掠抄於閭巷亦皆相視歛戢不
敢輒舉良家子女從空門者各閉精廬或復人道之常四竟
狗偷之民亦望風奔遁改復生業至是及暮正爾安習先生
之化而先生行矣是豈不為恨哉

丘軍今經歷如此異時若有尺寸之柄而不能為斯民除害去
惡豈不誠可罪耶其當謂今之世姑息不得直須共他理會
庶幾善弱可得存立

與劉德脩書比來時事大變殊駭聽聞流竄斥逐下及常布近
年以來所有未也國事至此是豈細故而身遠病衰不能一
言以悟主聽愧恨悲痛不知所言

與長兒書衆人扼腕時節吾心却是閒暇君恩民病雖不敢忘
然亦有時節固非伯寮臧倉之所能為也陳了翁說人當自
試以觀己之力量今日真是一過矣

有一朋友微諷先生云先生有天生德於予底意思却無微服

過來之意先生曰某又不曾上書自辯又不曾作詩謗訕只
是與朋友講習古書說這道理更不教做却做何事因曰論
語首章言人不知而不愠不亦君子乎斷章言不知命無以
為君子賜錄云且以利害禍福言之此是至粗底此處今人
人都信不及更難學得待如何亦沒失頓處今人
開口亦鮮說一飲一啄自有定分及遇小小利害便生趨避
計較之心古人刀鋸在前鼎鑊在後視之如無物者賜錄作
如獲平
蓋緣只見得這道理都不見那刀鋸鼎鑊又曰死生有命
如合在水裏死湏是溺救此猶不是深奧底事難曉底話如
今朋友都信不及覺見此道日孤令人意思不佳

或有人勸某當此之時宜略從時亦答之云但恐如草藥煨煉
得無性了救不得病耳

今為辟禍之說者固出於相愛欲得某壁立萬仞豈不益為吾
道之光

先生多有不可為之歎漢卿曰前年侍坐聞先生云天下無不
可為之事兵隨將轉將逐符行今乃謂不可為曰便是這符
不在自家手裏

文公先生經世大訓卷十六

文公先生經世大訓十六卷

禮部尙書曹秀先家藏本

明余祐編祐字子積鄱陽人宏治庚戌進士官至雲南布政使內召爲太僕寺卿未及行又擢吏部侍郎未聞命而病卒明史儒林傳附見胡居仁傳中祐居仁之門人又其婿也是書成於正德甲戌採朱子文集語類二書分類排纂爲三十六門別無一字之發揮其曰大訓蓋取與天球河圖並重之義然書所稱者乃古聖先王之教典非大賢以下所敢受恐未必合朱子意也

近言一卷

〔明〕顧璘撰

北京圖書館藏明繁露堂刻本

附《四庫全書總目·近言一卷》提要

近言序

資善大夫南京兵部尚書古汴王廷相子衡撰

載道之典至文也文不該於道淺則俗麗則俳矣故君子鄙之嘗觀唐虞二代之典卽事命辭而文生焉蓋道爲主而文爲客也魏晉以降緣辭撰事而文飾焉蓋文爲主而道爲客也是故華藻佻巧之爲務而敦大淳正之氣傷矣嵬瑣庸譚之是擬而合道撰治之旨亡矣雕辭刻語之工呈而文從意順之妙塞矣間有大心貞觀之士探源返朴以追古訓然俗尚日趨濤瀾滾滾莫可遽止矣嗟乎文之敝極矣哉吳郡顧華玉氏達識往謨游心治體慨道紀之久湮哀王政之弗續乃作近言十三篇以昭時範蓋體道經世之典不徒會於文者也觀尊道則知聖人之教法可以平民而佛老流妄之害可殛觀富生則知風俗侈

僭因之窮民而天下之財力所當養觀
 本法則知先王治典爲不得已而莊老
 無爲之談亂世矣觀治原則知誠臣建
 太平之業而矜小智徇私邪者之足以
 病國矣觀近民則知大易之簡易爲政
 要觀勗廉則知君子之寡欲爲世防觀
 夫學益定志別謙內治鄉正與隱諸篇
 無非示人執德守道以爲立教崇化之
 本嗟乎義關政紀志存世師厥旨雖約
 二
 厥用寔溥何其言之貞而近聖如是邪
 由之可以振民育物可以建猷植範可
 以協道宣化可以平衡宰世蓋堯舜之
 卓擬六籍之公詣也古謂文章與政通
 斯文不其然乎夫文之敝者鑒於倡而
 圯於習者也非所倡而倡之則古訓離
 非所習而習之則大道隱隱則迷迷則
 失承失承則支岐詭僻與聖日遠非有
 大賢達哲開示道真以爲世準夫奚能

返而變之然則斯文之作不亦後學之
 指南乎哉

近言序

通議大夫南京禮部右侍郎黃巖黃綰宗賢撰

意以命言言以達意意者本也言者支也夫曰文乃言意之紀也故意真而言則言則而文明故文乃道之載也君子以通天地脩人紀協鬼神文可易為哉古之人非有意於文意至而文成如陰陽之必化如日月之必明如雨露之必滋有不知其然而然者此六經四子所

近言序

四

謂文也下此雖閭巷婦女田野鄙夫之言亦可誦而感可傳而法其意真也今日為文皆模擬為工或曰先秦或曰六朝惟欲形似不求本真譬之劇戲飾冠帶幻男女易老幼妍醜邪正悲歡萬變皆非已有而真意益荒由文以究其心由心以徵其事所謂叛道害政禍天下有不可勝言者矣東橋先生悼絃有作為近言十三篇要皆寫其胸臆之真就

其所至而發蓋積義以宣言體物以達政其乃取法於經馳驟于史庶幾不叛乎道昔唐之文承八代之衰得韓退之而變之其文遂昌宋之文因五季之弊得歐陽永叔而返之其文繇興今世以文校士為害既極於此得先生之言為軌範則先生乃今之韓歐非邪予故著之以俟知言者之有取也

近言序

五

吳大澂文集

近言十三篇

奉訓大夫知金州吳郡顧璘撰

導道篇

或問天地之道曰視太極問人之道曰視天地問聖人之道曰視人道曰盡乎曰盡矣然則異端之教紛然譁于天下者何哉曰流妄也古者包羲氏作始畫八卦洩天地之秘類萬物之情於是文字興焉而道統之傳立矣可以修身可

近言

一

以治人可以養生可以利用孔子所舉十三卦制器尚象之例是已烏覩所謂異端哉其後黃帝堯舜禹湯文武周公迭興守而傳之教明法立無有異說奸乎其間於時怠棄三正則有誅讒說震驚則有刑雖有彙行邪說不敢起也周之衰聖王不作處士橫議百家衆氏之學始興孔子孟軻起而闢之卒不得絕無其位故也後世之害佛老爲尤甚儒

者世議而日排之亦勤且力矣惜乎不揣本原獨舉吾先王之緒言瑣瑣然與較曲直彼且嘵嘵然交辯而求勝卒使聖人之道降而與之爲敵此吾儒之罪也盡使之觀天地之所生包羲氏之所作果孰始乎是謂本也物無二本則吾儒之道源遠而至當獨尊而無敵異端之道皆後世流妄者也執斯言也雖有悍夫不得不屈雖有孺子不能不覺吾

近言

二

何以多言爲哉且佛老之師聖人之罪人道之妄也今之爲佛老者又佛老之罪人妄之妄者也吾儒者不稍寬其始而務急攻其末故其辯滋甚聖人曰虛老氏曰虛而無聖人曰寂佛氏曰寂而滅學道之偏其流妄固至於此老氏起於周末其始或亦本於隱君畸士逃山林養性命者之說佛法當漢之衰始入中國本生於西夷無文字之學直達本

原其始不甚相遠也百家亦皆有之申韓之慘刻儀秦之縱橫其始固亦本於刑名者流大行人者之說其流妄之禍至於殺身滅國而不能已後之人懼而息焉二氏之不息者其禍隱也秦漢以後先王之教既衰塗之民不見吾仁義禮樂之澤而異言者又無禁於是其徒駕其寓言奸智詭術愚不明之民以罔衣食廢人倫竭財用滅聖誣天肆行而

述言

三

不思顧其師之言則虛無寂滅止耳其道則苟私其身止耳豈顧其害若今之甚也哉故曰今之爲佛老者佛老之罪人也堯舜禹湯文武氏作必取而禁之不息則必誅之今使其徒但明而心見而性鍊而神養而生守其師說不以亂民則固山澤枯槁自好之匹夫耳若務光許由之徒何山不容吾又何以多言爲哉故隣之意曰佛老非遽可誅者也

其妄者可誅也去其妄則其說自微微則息之不難也

富生篇

三代之後天下戚戚然入於貧也將何所極乎數口之家少長待傭而後食壯夫鬻子以供官稅盜者窺銖兩之利弃其首領四五月之間新穀未升雖非凶年羸者枵腹而乞于市嗚呼斯民也聖帝明王之所與共康樂者也而孰使至

述言

四

於此極乎吾行且半天下矣凡農民免乎此者一市之中無十室焉一國之中無百室焉外是則勢家富族豪賈遊士高墉若城郭廣堂若公府輕車肥馬漿酒膏肉田不稽畝身不踰戶限貨利罔之四方奴婢累跡擊鍾而食子弟既抱哺不辨菽麥吾然後知斯民之窮皆若徒者爲之蠹也抑又有大者焉凡吏于其土者率貨視其下旦暮之所思公私

之所求耽耽然睨其室中之藏若鳥鷯之攫肉必獲乃已至天子之寵臣則名微而禍剽之吮其髓且椎其骸不至於糜滅不止也其所以奉其身體養其子弟妻妾者又什百於前之所疏者焉嗚呼天地固不加於古也五穀之生五材之用古之人以均布其民而惠養之今之人恣民之奸而不之禁柰之何不貧且盜也嘗觀孟子論三代之治必曰

通言

五

井田之法一夫授田百畝餘夫二十五畝五十者始衣帛七十者始食肉又曰諸侯之取於民猶禦也教之不改則誅之夫家無侈業民無厚養取民者抵盜刑蓋古之制也古今異宜通其宜不失其本豈非善治天下者哉由孟子之言觀之過制無禁賦賕無誅雖百堯舜治民不可使富也

本法篇

嘗讀莊生之書貴黃帝而賤三王謂民性之僞自法令始故著馬蹄諸篇以咎之嗚呼莊生靜者也果惡夫世之擾擾者則亦取管仲商鞅之書火之足矣何至舉仁義衡斗而挺提之乎將寓言以反世則失言也若由乎其衷則妄且愚昔者夏禹見罪人而泣曰堯舜之民皆以堯舜之心爲心寡人之民各自以其心爲心夫有罪而加刑禹方哀其弗靜

通言

六

又豈好立法以亂之乎勢不得已也夫情與僞並生者也猶晝夜然先王因民之昏於夜也故燎而燭之使夜之明猶夫晝然耳先王豈樂於燭燎之煩也哉今而曰三代之法不如洪荒之無事是知咎明燎於夜而不知夜之必用夫燎也由今觀之長短亂而後度生焉輕重亂而後權生焉權度立而猶有奸於長短輕重之則者然後議刑辟以威之而

天下不敢大亂此三代聖人之功也夫天下之生久矣三皇之世渾如也三皇同之而不離五帝之世醇如也五帝順之而不擾三王之世辨如也三王齊之而不亂是故民之情猶水也流而不已必濫故三王爲之防焉法令者民之防也考之春秋君臣往來辭命必舉先王之法以繩之是以五霸樹功焉孔子曰微管仲吾其被髮左衽矣大管仲諸侯

言書

近言

七

之小臣也孔子尤賴其功禹湯文武周公之數聖人之法而莊子猶譏之豈不大可哀邪或曰莊子忘天下者也故其言僻使莊子果忘天下焉無惑乎不知禹湯文武周公之心矣

學益篇

大哉君子之善正身以植體安民以廣用如斯而已矣二者莫要於明道道明然後行立行立然後政行故君子必務

學夫聖人之言海也萬珍萃焉往古之行事路也廣狹邪正之迹昭昭焉洙海而窺其藏故小物不能動也睹諸路而別其岐故道言不能惑也故天下之言學者經史而已矣若稗官小史之書與末世之詞賦吾以爲說鈴云耳奚其學哉書曰監于先王成憲其永無愆孔子曰信而好古竊比於我老彭夫旣聖矣何慕乎先王抑聞之師曰往事之興不

近言

八

可稽數也其悖謬滅也偏舉者時廢也試於累世傳於人人乃其至當至當者也百千之中存其一二焉雖聖人復起不能加之矣豈易易然謂古昔云爾哉世儒涉道淺迫負小識詭時好棄師說背道真憤憤焉興議而改制曰自我作始孰曰非聖故商鞅立教李斯焚書葉弘羊興利王安石變法昧非自任使先王之道歸迹於天下縉紳大夫哽咽而

無所發聲也嗚呼子產博物癘鬼乃息
雋不疑明春秋黃帽就誅不究大義不
詳古始而欲協物理厭人心難矣哉

近民篇

安民之道二一曰定法制二曰敦教化
法制曷歸乎曰衣食教化曷歸乎曰孝
弟其政莫良於簡莫不良於繁繁則郊
野之民壘壘然填官府踰踰然爲道路
奴雖有惠將安享之故肴羞醇酎天下

近古

九

之美味也號于人曰百拜而賜一啜則
人皆反面而走古者政繁莫如秦商鞅
佐孝公法令猥細逮于棄灰天下視之
如牛毛瑣刺不能指數至李斯佐始皇
罔又加密腹誹偶語與大逆等死小民
舉足觸法遂逃死而畔秦故漢高帝吐
空言定三章之約自匹夫五年而爲天
子衆心趨也古今不相遠即秦事觀之
凡民之心樂簡易而惡煩苛雖百世可

知也今之爲民牧者率好繁其令匪以
干利則以干名以干利者賈販耳以干
名者是驅赤子而獵虛聲也亦獨何心
哉吾覽前代之政於漢高文之際有取
焉其舉於民曰力田曰孝弟特先諸條
夫爵祿者導善之旌也導民以歸實王
道其有興乎厥後黃霸爲相設三條課
郡縣張敞詆之曰長僞是可謂知治民
者矣或曰率子之言其廢矣乎曰政有

近古

十

厚衣食勸孝弟者斯行之矣是興也烏
乎廢曰妨于簡曰察民有不便者輒去
之則日簡矣政簡而民不樂者自古及
今未之嘗聞也

勗廉篇

許曰高山仰止景行行止言賢人之道
可仰而遵之也余讀史記至公儀子休
去織婦拔園葵未嘗不垂涕焉夫葵地
毛織女工所自勞作也其究乃妨民之

利而非真奪其貨也君子且猶惡之況盜者哉君子之仕也行其道也非以干祿也人君之祿士取諸民以給養也非以爲富也既取以爲養又從而倍之非盜也乎上逸下勞上富下貧勢也天所不能平姑假焉以安之故上不能安下謂不當天心乃又逸其逸勞其勞富其富貧其貧已且盤游而婦子教以溢焉民且勤動而婦子悲號以死焉以是而

近言

士

求免於鬼責也不亦難乎王制班爵祿下士可食五人其上寢廣不過共祭祀聘饗之禮而已故曰祿足以代其耕也後世之仕者具曰爵祿分也又標而奪之以爲常富其身不足且思及其子孫嗚呼是亦奪諸其民之子孫者以有之也能無哀乎弗思甚耳晏嬰相齊豚肩不膾孤裘不易給士之貧者七十饔飩叔敖聽楚國之政楚之賢者悉貴死之

日其子行薪於市茲二賢者學士大夫猶然小之而其行事卓犖如此太史公曰晏嬰若在吾爲之執鞭意有所切激然也諺曰虎易戡克已難學者猶不足廉謹何必道周孔哉

定志篇

道有仁義質有陰陽致曲成章德乃可立故因資而追琢者易成器也立範而陶鎔者不失其形容也觀古人之成德

近言

士

有由來矣非其君不事非其民不使者伯夷也不羞汙君不卑小官者柳下惠也五就湯五就桀者伊尹也質有所近抱一而終窮達不能入其心死生不能易其操名譽之成猶白之謂白皂之謂皂苟有目者莫不別色而舉號焉其致素定也故推發女於伯夷之門則怒矣側冠倒裳於下惠之側則漠矣所操殊致安得不異施乎世之學者不通大方

不逞已力游意汗漫無所專執語人曰
吾孔子之徒也無可無不可吾誰欺欺
天乎夫梓匠輪輿其藝均也其斧斤之
器斷削之法均也其攻于木又均也不
專一師不守一法終其身不可以稱工
況君子之行乎夫孔子之弟子皆學于
孔子也自顏淵以至于子夏之徒皆大賢
也論語乃列爲四科若金玉珠貝之寶
不相假名苟無其象門人安所區別乎

近言

十三

由是觀之大道無方聖人無名中賢以
下定志不早執德不一汎汎然搖惑滅
沒而無所附著譬之草木其猶飄蓬也
夫

別謙篇

謙何生乎曰道不可究功不可全衆人
不可兼君子競競焉耻其不足也是以
謙生焉是故堯舜古之有道人也以堯
爲父而丹朱傲以舜爲子而瞽瞍頑是

不得爲慈父孝子也道烏乎寃禹稷古
之有功人也禹平水土視天下不能無
溺也稷播百穀視天下不能無餒也功
烏乎全仲尼古之神聖人也禮不如聘
樂不如襄稼不如老農圃不如老圃人
烏乎兼由是言之五聖人者勗其所遺
憂其所短退退然以下於人而猶恐諸
人之予棄尚何矜之有哉今之爲謙者
異於是釣名以從學飾貌以親賢事君

近言

古

不以心報國不以力所求乎身者旣僞
矣彼且柔口偃躬繁儀下節舉凡人之
行無大小是非一切遜避其後曰我將
爲謙若是者何與其心曰人道惡盈而
好謙吾謙焉福斯集之矣弗謙則禍鳴
呼挾大僞以要福是取聖人之道而重
爲罔也凶於傲德甚矣何福之能幾書
曰象恭洎天此之謂也

內治篇

家之義大矣哉君子修倫理易風俗莫大乎齊家夫家道久則衆衆則異異則離異者家之害也故君子必和其情弗以正雖僮僕不可使也弗以厚雖子弟不可調也正則衆議服厚則衆心親正也者修身之謂也厚也者其要慈孝恭順其次勿爭利其次勿爭言薛包兄弟分財田廬取荒頓者奴婢取老且病者勿爭利之謂也張公藝九世同居明皇

述言

五

問其故乃書忍字百餘以對勿爭言之謂也信能行此二者則群志一矣群志一則家道和家道和則禮義生由是制爲烝嘗薦獻之儀使之知有孝也唯諾坐立之分使之知有敬也慶祝宴飲之會使之知有親也冠昏餽享之度使之知有節也如此則恩義篤禮教彰鄉人莫不慕之矣鄉人慕之而風俗不興者未之有也不能齊其家者有五蔽厚私

褻惑婦言遂已性棄衆愚溺于愛是之謂衆怒有一焉必離二則怨三則仇四則戕五相滅也夫家人親也吾祖考一體也猶肺腑相附而保其命或至於戕且滅謂致自我可不畏乎哉可不畏乎哉

治原篇

夫國家之正由君體也功崇化流大臣端也三代之治匪專君聖莫不有誠臣

述言

二六

焉誠臣者太平之基百福之門也善職孝宗之御天下冲泊寡欲隆意遵聖不玩異物不狎倖人恤小善敬大賢海內乂安十有八年民無愁嘆士無怫鬱升遐之日婦子相對而泣于室豈不謂至德哉然亦由誠臣焉敷理弘化不可誣也冢宰三原王公恕夾輔大始心在王室興事以利而不思其禍用人以賢而不私其親身退且沒賢者繼興是以

遺海內以大順也大哉誠臣之功在德
不在才在遠不在邇在實不在名故矜
小智則典章紊私暱親則賢才沮玩細
藝則道德踈喜新功則浮躁進務苟容
則國體卑執偏議則民病急樂諛言則
過聞聞崇虛行則士習薄此八者人臣
之癰疽國家之水火也其微也猶弗之
覺徇而極焉舉足以召亂而喪邦比之
奸邪貪黷尤爲可懼以其忽之也

鄉正篇

諺曰近朱者赤近墨者黑信斯言也質
亦從化遷哉夫鄉黨之間言語異音衣
服異製則不可以居然則耳目之所由
習性情之所由安邪正繫之矣孟子曰
王豹處於淇而河西善謳縣駒處於高
唐而齊右善歌華州杞梁之妻善哭其
夫而變國俗鄉黨之化人深矣哉孟子
幼習遷于埋鬻曾子之行不踐勝母俗

尚之汙人賢者且猶惡之况吾徒乎吾
鄉大都也生人之性充朗冲夷重義而
薄利風俗之美喜文藝而厭凡鄙得天
地之靈懿焉其敝也乃或樂虛淫習侈
豫無麻衣蟋蟀之風士緣以喪節也時
有哲人抗志獨立風我後進用是表而
之未谷式焉大宗伯章公軒擇地而
蹈擇言而言吐辭濡翰必軌其方慎哉
愿乎參議王公微事君以忠行已以義

近言

亢而不徇困而彌貞矯矯乎疆殺君子
矣太僕李公應慎氣直行廉義有不合
一介不以取諸人一介不以與諸人文
翰之精譬諸鉛戟利劍掉以淮陰之雄
其鋒莫當矣其介且有文者乎通判陳
公綱愷悌宜民死無餘藏而故民懷思
冉冉有桐鄉之風蓋古之遺愛也自餘
鉅公大卿英名駿業珪璋家國雖吾鄉
風氣之所優非吾叙列之意云爾

與隱篇

夫君子之道達則雨沛窮則淵渟雨沛者廣澤也淵渟者潔而已矣君子奚取於自潔哉時不可得也伊尹居莘太公居渭濱遭二代之季也及其遇湯文則沛然矣孔子說七十君而不煩孟子以湯武之道說齊梁之君不謂其不肖貴行道也志不可達於君澤不可加於民道不可直於身則偃然退藏修其說以

近言

九

教後世何必吾身行之哉乃若詭道以求合借交而立功襲陋承汙無益於盛衰休戚之數是干祿而已矣此枉尋直尺孟子之所以哀通人也韓愈氏栖栖然曰畏天命悲人窮至三上宰相書而猶曰非枉烏乎以爲枉哉溺也近時有陳獻章者隱君子也吾有取焉論議不詭於道行誼不詭於人其辭仕也以養親爲解其教人也以存心養性爲法故

嶺南之士化之有孝弟之行恬淡之風焉其愈於徒仕者多矣故道可大施則貴仕志有小屈則崇隱倖功者非仕之真希名者非隱之情君子有守道之仁審時之義是故無終身之譏也

敘志篇

敘曰人極廣博根柢大正馴履聖奧慎始厥塗譔導道第一

皇皇聖哲黔首是植棄衆罔恤虞弗帝

近言

十

秉譔富生第二

正行繩隱率軌于法厥綱或弛人道乃

隳譔本法第三

罔聖棄訓群視其矇舉武弗忒允鑒先

迹譔學益第四

四序舒慘厥機潛施約法弗煩民乃樂

生譔近民第五

頽季媮瀟豐已瘠民弗鑒古廉疇燭厥

咎譔勗廉第六

大道紛紜致一乃凝譬彼射夫視的命

中誤定志第七

大人無我既有弗有習偽誣天祗喪厥

初誤別謙第八

睦爾服親萬化伊始易象風火慎厥幾

微誤內治第九

巖巖端揆輔帝幹樞股肱或傾國步斯

威誤治原第十

宓生資魯厥由造賢擇善靡詳爰懼胥

近言

溺誤鄉正第十一

樹德既隆厥施洋洋鬱而弗宣嚮晦遠

辱誤與隱第十二

愍予聳言聿懷殷憂爰申厥旨庶喻同

好誤叙志第十三

吳郡沈氏

黎靈堂

近言終

近言一卷 山西巡撫
孫運本

明顧璘撰璘有國寶新編已著錄是書凡十三篇
而末一篇為序志其體例仿揚雄法言王符潛夫
論其篇名則取之劉勰文心雕龍也所論皆持身
涉世之道大致平正無疵而亦無深義

傳習則言一卷

〔明〕王守仁撰

中國科學院圖書館藏清道光十一年六安

晁氏木活字學海類編本

附《四庫全書總目·傳習錄畧

一卷》提要

傳習則言

明 餘姚王守仁伯安著

徐愛問文中子韓退之陽明子曰退之文人之雄耳文中子賢儒也後人徒以文詞之故推尊退之其實退之去文中子遠甚愛問何以有擬經之失陽明子曰擬經恐未可盡非且說後世儒者著述之意與擬經如何愛曰世儒著述近名之意不無然期以明道擬經純若爲名陽明子曰著述以明道亦何效法愛曰孔子刪述六經以明道也陽明子曰然則擬經獨非效法孔子乎愛曰著述卽于道有所發明擬經似徒擬其迹恐于道無補陽明子曰子以明道者使其反朴還淳而見諸行事之實乎抑將美其言詞而徒以譏謔于世也天下之大亂由虛文勝而實行衰也使道明于天下則六經不必述刪述六經孔子不得已也自伏羲畫卦至于文王周公其閒言易如連山歸藏之屬紛紛然蓋不知其幾易道大亂孔子以天下好文之風日盛知其說之將無紀極于是取文王周公之說而贊之以爲惟此爲得其宗于是紛紛之說

學海類編

二

傳習則言

一

子

盡廢而天下之言易者始一書詩禮樂春秋皆然書
自典謨以後詩自二南以降如九邱八索一切淫哇
逸蕩之詞又不知其幾千百篇禮樂之名物度數至
是亦不可勝窮孔子皆刪削而述正之然後其說始
廢如書詩禮樂中孔子何嘗加一語今之禮記皆後
儒附會而成已非孔子之舊至於春秋雖稱孔子作
之其實皆魯史舊文所謂筆者筆其舊所謂削者削
其繁是有減無增孔子述六經懼繁文之亂天下惟
簡之而不得使天下務去其文以求其實非以文教

學海類編

傳習則言

二

子類

之也春秋以後繁文益盛天下益亂始皇焚書得罪
是出于私意又不合焚六經若當時志在明道其諸
反經判理之說悉取而焚之亦正暗合刪述之意自
秦漢以降文又日盛若欲盡去之斷不能去只宜取
法孔子錄其近是者而表章之則其諸怪悖之說亦
宜漸漸自廢不知文中子當時擬經之意如何某切
深有取于其事以爲聖人復起不能易也

愛曰春秋一經若無左傳恐亦難曉陽明子曰春秋必
待傳而後明是歇後謎語矣左傳多是魯史舊文若

春秋須此而後明孔子何必削之愛曰伊川亦云傳
是案經是斷如書弑某君伐某國若不明其事恐亦
難斷陽明子曰伊川此言恐亦是相沿世儒之說未
得聖人作經之意如書弑君卽弑君便是罪征伐當
自天子出書伐國卽伐國便是罪何必更問其詳聖
人述六經只是要正人心存天理去人欲

問立志陽明子曰只念念要存天理卽是立志能不忘
乎此久則自然心中凝聚猶道家所謂結聖胎也此
天理之念常存馴至于美大聖神亦只從此一念存

學海類編

傳習則言

三

子類

養擴充去耳

問世道日降太古時氣象如何復見得陽明子曰一日
便是一元人平旦時起坐未與物接此心清明景象
便如在伏羲時遊一般

問顏子沒而聖學亡此語不能無疑陽明子曰見聖道
之全者惟顏子觀喟然一嘆可見其謂夫子循循然
善誘人博我以文約我以禮是見得後如此說博文
約禮如何是善誘人學者須思之道之全體聖人亦
難語人須是學者自修自悟顏子雖欲從之末由也

已卽文王望道未見意望道未見乃是眞見顏子沒而聖學之正派遂不盡傳矣

蔡希淵問聖人可學而至然伯夷伊尹於孔子才力終不同同謂之聖者安在陽明子曰聖人之所以爲聖只是其心純乎天理而無人欲之雜猶精金之所以爲精但以其成色足而無銅鉛之雜也人到純乎天理方是聖金到色足方是精然聖人之才力亦有大小不同猶金之分兩有輕重堯舜猶萬鎰文王孔子猶九千鎰禹湯武王猶七八千鎰伯夷伊尹猶四五千鎰才力不同而純乎天理則同皆可謂之聖人猶分兩雖不同而足色則同皆可謂之精金以五千鎰者而入于萬鎰之中其足色同也以夷尹而厠之堯孔之閒其純乎天理同也蓋所以爲精金者在足色而不在分兩所以爲聖者在純乎天理而不在才力也故雖凡人而肯爲學使此心純乎天理則亦可爲聖人猶一兩之金比之萬鎰分兩雖懸絕而其到足色處可以無媿故曰人皆可以爲堯舜者以此學者學聖人不過去人欲而存天理耳猶鍊金而求其足

學海類編

傳習則言

四 子類

色金之成色所爭不多則鍛鍊之工省而功易成成色愈下則鍛鍊愈難人之氣質清濁粹駁有中人以上中人以下其于道有生知安行學知利行其下者必須人一己百人十己千及其成功則一後世不知作聖之本是純乎天理卻專去知識才能上求聖人以爲聖人無所不知無所不能我須是將聖人許多知識才能逐一理會始得故不務去天理上著工夫徒弊精竭力從冊子上鑽研名物上考索形迹上比擬知識愈廣而人欲愈滋才力愈多而天理愈蔽

學海類編

傳習則言

五 子類

如見人有萬鎰精金不務鍛鍊成色求無媿于彼之精純而乃妄希分兩務同彼之萬鎰錫鉛銅鐵雜然而投分兩愈增而成色愈不濟其稍末無復有金矣又曰吾輩減得一分人欲便復一分天理

崇一問尋常意思多忙有事固忙無事亦忙何也陽明子曰天地氣機元無一息之停然有箇主宰故不先不後不急不緩雖千變萬化而主宰常定人得此而生若主宰定時與天運一般不息雖酬酢萬變常是從容自在所謂天君泰然百體從令若無主宰便乃

是這氣奔放如何不忙

陽明子曰爲學大病在好名名與實對務實之心重一分則務名之心輕一分全是務實之心卽全無務名之心若務實之心如飢之求食渴之求飲安得更有工夫好名又曰疾沒世而名不稱稱字去聲讀亦聲聞過情君子恥之之意實不稱名生猶可補沒則無及矣四五十而無聞是不聞道非無聲聞也

種樹者必培其根種德者必養其心欲樹之興必于始生時刪其繁枝欲德之盛必于始學時去夫外好如

學海類編

二

傳習則言

六 子類

外好詩文則精神日漸漏泄在詩文上去凡百外好皆然又曰我此論學是無中生有的工夫諸公須要信得及只是立志學者一念爲善之志如樹之種但勿助勿忘只管培植將去自然日夜滋長生氣日完枝葉日茂樹初生時便抽繁枝亦須刊落然後根幹能大初學時亦然故立志貴專一

蕭惠問死生之道陽明子曰知晝夜卽知死生問晝夜之道曰知晝則知夜曰晝亦有所不知乎陽明子曰汝能知晝懵懵而興蠢蠢而食行不著習不察終日

昏昏只是夢晝惟息有養瞬常存此心惺惺明明天理無一息閒斷才是能知晝這便是天德便是通乎晝夜之道而知更有甚麼死生

人者天地萬物之心也心者天地萬物之主也心卽天言心則天地萬物皆舉之矣

心之良知是謂聖聖人之學惟是致此良知而已自然而致之者聖人也勉然而致之者賢人也自蔽自昧而不肯致之者愚不肖者也

致知二字乃是孔門第一入路知此者方謂之知道得

學海類編

二

傳習則言

七 子類

此者方謂之有德異此而學卽謂之異端離此而說卽謂之邪說迷此而行卽謂之冥行

行之明覺精察處卽是知知之真切篤實處卽是行若行而不能精察明覺卽是冥行卽是學而不思則罔所以必須說箇知知而不能真切篤實卽是妄想卽是思而不學則殆所以必須說箇行又曰知行原是兩箇字說一箇工夫

精一之精以理言精神之精以氣言理者氣之條理氣者理之運用無條理則不能運用無運用則亦無以

見其所謂條理者矣精則精精則明精則一精則神
精則誠一則精一則明一則神一則誠原非有二事
也但後世儒者之說與養生之說各滯于一偏是以
不相爲用耳

氣弱多病之人但遺棄聲名清心寡慾一意聖賢之學
戒謹不睹恐懼不聞則神住氣住精住而所謂長生
久視之說亦在其中矣

樂是心之本體雖不同于七情之樂而亦不外于七情
之樂

學海類編

傳習則言

八 子類

眾方囂然我獨淵默中心融融自有真樂是蓋出乎塵
埃之外而與造物者遊也

勿以無過爲聖賢之高而以改過爲聖賢之學勿以其
有所未至者爲聖賢之諱而以其常懷不漏者爲聖
賢之心

見得自己心體卽無時無處不是此道

傳習錄畧一卷

編修程晉
芳家藏本

不著編輯者名氏取王守仁傳習錄刪存大畧曹
溶收入學海類編者明史藝文志載王守仁傳習
錄四卷聚樂堂書目有戴經傳習錄節要一卷會
稽縣志有劉宗周陽明傳習錄選皆無傳習錄畧
之名末有鄒元標跋語然亦但云嘗讀傳習錄不
云有所刪輯蓋以傳習錄跋移綴之均非其舊也

慎言十三卷

〔明〕王廷相撰

上海圖書館藏明嘉靖刻王浚川所著書本

附《四庫全書總目·慎言十三卷》

提要

慎言后語

慎言者何浚川夫子著書也浚川蚤遇文墨糾纏富於何嘗及之曰夫子自爲士以至爲吏及鳴鐸蜀魯梁趙間迄今總百度肅群寮無非其著書之日也是業也無亦太苦心乎曰若不得志於時求自表於後閉戶窮年勦竊前聞雷同衆見種松作龍鱗禿穎滿筐篋齒髮凋換其書不成是則苦已夫子觀古有得則著焉觀物有得則著焉觀天地日月雷霆風雨有得則著焉有得則矢口而成言無

慎言序

得則袖手而守玄積二十年而文成萬千何苦焉然則何載其亦有所祖述耶曰祖仲尼無可無不可之心載唐虞三代之可行於今與唐虞三代之不可行於今者爾曰是則研精詣極達權識變陶鑄諸子斟酌百王以正乎中正仁義以俟聖人而不惑者乎施諸天下國家矣曰然實以自程華爲天下國家也非索隱叢怪微名於異代者也刻而傳之者誰太學生沈氏子完也沈氏嘗捐義田以贍族人給鄉校是故賢足以及此也誰其校

之少司馬焦子維章姚生厚也

嘉靖甲午春正月人日門生岱塾張一厚拜書

金臺序

七

慎言序

是編凡若干卷吾寅大司馬浚川先生王公緝學有得而珍之者愚得之聞所未聞渙乎若將契之惘乎若未足窺其壖而嚮其蔽也夫君子於言不徒然也學以宏識識以定志志以宣言言以建事事正而後德業先焉是故言者志之顯也理者言之宗也理之體本一而變則不一變雖不一而吾之惘然在中者則不可以不一斯定定斯不眩故能審幾微之際洞萬物之情酌取舍之中適事理之正而於言也若有不

慎言序

三

容已焉世之拘儒膠故常撥餘啜固不足以與語自得之味而非篤學深造中有定執則亦矯飾於皮膚之末雖終歲汨汨沉浸載籍卒於無得焉已善乎公之言曰篤守先哲格自得之識故君子求中正至誠之理而執之聞也見也先言也參伍之而已此其所為自信不疑任心靈而不任載籍者歟其間探化原以闡微寃發則以由性本聖學以明的達理道以宏用鉤玄析脂獨啓扁輪雖不必循襲故轍而意趣卓然不眩於所有事則知操衡量以較長短多寡校衡

轡馭六馬從衡屈曲於九折之坂而不亂也古
之君子勝天下之重未始不由素定致然孟子
當大任不動心以能知言養氣而定也素焉耳
公保釐南畿撥畫庶類天下知其可仗而公居
之晏如也謂非有得於孟氏而形諸政理者歟
讀其書不知其人不不得爲知言芳非其人也因
顯探微或匪自昧姑識之以徵他日
嘉靖壬辰冬十月辛丑璣臺黃芳序

不復言序

四

書慎言後

門生成都焦維章氏曰子王子之是書也無
所勦同於人而自得之之言也夫漸滴以來
氣靡真剗往哲之所剗通彌縫者幾耘矣諸
子岳岳各以所說競鳴如一閭之市襍亂無
倫乃使夫人益毆於闇昧迷罔而無以睹白
日矣先生決擇弗岐見之哲者也體認甚真
履之純者也蒐羅細大居之弘者也洞悉幾
蘊節之達者也足故究迹天人而俯仰之觀
備矣評訂今古而取舍之塗審矣發明心性
而問學之本樹矣錯綜禮樂而治教之具張
矣疏滌萬物牢籠百昌而庶類之情盡矣是
固精思詣極之功居多然宿悟神解之妙豈
可誣也哉今夫泉池之於水淳畜繁滋非不
賢於尺澤坳堂也枯槁四起雨如抽如而斗
升且告竭矣洪江巨河萬流攸歸其涵浴日
月通山達海無饒乏盈洞焉豈爲是惡沲者
哉何也蓋泉池之所自得者少而江河之所
自得者多也孟子曰君子深造之以道欲其
自得之也自得之則居之安居之安則資之

深資之深則取之左右逢其原故君子欲其
自得之也此之謂也時嘉靖癸巳三月望後
予得之南來者方展玩案間適蘇人沈生姚
生見之且請甚力乃校而俾其壽諸木

公慶亭

慎言序

仲尼沒而微言絕異端起而正義鑿斯道以之
蕪雜其所由來漸矣非異端能雜之諸儒自雜
之也故擬議過貪則援取必廣性靈弗神則詮
擇失精由是旁涉九流淫及緯術卒使牽合傳
會之妄以迷乎聖人中庸之軌故曰非異端能
雜之諸儒自雜之也予自知道以來仰觀俯察
驗幽覈明有會于心即記于冊三十餘年言積
數萬信陽無涯孟君見之曰義守中正不惑非
道此非慎言其餘乎遂以慎言名之類分爲十
三篇附諸集以藏于家嗟乎講學以明道爲先
論道以稽聖爲至斯文也間於諸儒之論雖渺
涉於刺辯其於仲尼之道則衛守之嚴而不敢
以異論雜之蓋確如也知我罪我其惟春秋敢
竊附於孔氏之徒云時

嘉靖丁亥冬十二月望日浚川王廷相序

慎言篇目

一卷

二卷

道體

乾運

三卷

四卷

作聖

問成性

五卷

六卷

見聞

潛心

七卷

八卷

御民

小宗

九卷

十卷

保傅

五行

十一卷

十二卷

君子

文王

十三卷

魯兩生

慎言卷之一

門生蜀人焦維章

後學長洲姚厚校

道體篇

凡二十七章

道體不可言無生有有無天地未判元氣混沌
 清虛無間造化之元機也有虛即有氣虛不
 離氣氣不離虛無所始無所終之妙也不可
 知其所至故曰太極不可以為象故曰太虛
 非曰陰陽之外有極有虛也二氣感化羣象
 顯設天地萬物所由以生也非實體乎是故
 即其象可稱曰有及其化可稱曰無而造化
 之元機實未嘗泯故曰道體不可言無有無
 有形亦是氣無形亦是氣道寓其中矣有形生
 氣也無形元氣也元氣無息故道亦無息是
 故無形者道之氏也有形者道之顯也
 山澤水土氣皆入乘之造化之大宅也故洪而
 育物氣乘之無息故育物而無息生而循化
 者造化之小物也與日俱銷矣氣不得久而
 乘之也盡化其初氣乃已

天地之始靜而無擾故氣化行焉化生之後動

而有匹故種類相生焉種類繁則氣擾而化生之機息矣然有之者肖翹之屬也

象者氣之成數者象之積

氣物之原也理氣之具也器氣之成也易曰形而上者為道形而下者為器然謂之形以氣言之矣故曰神與性乃氣所固有者此也

天者太虛氣化之先物也地不得而並焉天體成則氣化屬之天矣譬人化生之後形自相禪也是故太虛真陽之氣感於太虛真陰之氣一化而為日星雷電一化而為月雲雨露

金鑑卷二

二

則水火之種具矣有水火則蒸結而土生焉日涵之成凝煉水之成膏可類測矣土則地之道也故地可以配天不得以對天謂天之生之也有土則物之生益衆而地之化益大金木者水火土之所出化之最末者也五行家謂金能生水豈其然乎豈其然乎

木石之有火毋藏於子也求其化始曰火宗也星火隕也雷火擊也皆能焚灼此火之元氣也謂木能生火是以子掩其母非化理本然之序矣太觀造化者所不取焉

木濕不燧陰過陽也木朽不燧陽過陰也火也者陰陽得中之化與

有太虛之氣而後有天地有天地而後有氣化有氣化而後有牝牡有牝牡而後有夫婦有夫婦而後有父子有父子而後有君臣有君臣而後名教立焉是故太虛者性之本始也天地者性之先物也夫婦父子君臣性之後物也禮義者性之善也治教之中也

陰陽在形氣其義有四以形言之天地男女牝牡之類也以氣言之寒暑晝夜呼吸之類也

金鑑卷二

三

總言之凡屬氣者皆陽也凡屬形者皆陰也極言之凡有形體以至氤氲芴蒼之氣可象者皆陰也所以變化運動升降飛揚之不可見者皆陽也

日曝濕而氣生陰從陽也口呵石而水生陽從陰也

有聚氣有游氣游聚合物以之而化化則育育則大大則久久則衰衰則散散則無而游覆之本未嘗息焉

氣通乎形而靈入物之所以生氣機不息也機

壞則魂氣散滅矣惡乎靈有附物而能者亦乘其氣機者也頃亦散滅而已矣故鬼者歸也散滅之義也子路問死孔子曰未知生焉知死子貢問死而有知孔子曰賜也爾終當自知之未晚也天仲尼聖者也豈不能如後儒之辨乎而終不言者聖人之意可以識矣莊子曰百昌皆生於土皆歸於土土者所以始萬物而終萬物也得矣而未盡焉物有不生於土者矣不如氣焉出於機入於機至矣哉天內外皆氣地中亦氣物虛實皆氣通極上下

傳卷一

五

造化之實體也是故虛受乎氣非能生氣也理載于氣非能始氣也世儒謂理能生氣即老氏道生天地矣謂理可離氣而論是形性相待而立即佛氏以山河大地為病而別有所謂真性矣可乎不可乎由是本然之性超乎形氣之外太極為理而生動靜陰陽謬幽誣性之論作矣

氣至而滋息伸乎合一之妙也氣返而遊散歸乎太虛之體也是故氣有聚散無滅息雨水之始氣化也得火之炎復蒸而為氣草木之

生氣結也得火之灼復化而為烟以形觀之若有有無之分矣而氣之出入於太虛者初未嘗滅也譬水之於海矣寒而為冰聚也融漸而為水散也其聚其散水固有有無也而海之水無損焉此氣機開闔有無生死之說也三才之實化極矣

陰陽氣也變化機也機則神是天地者萬物之大圓也陰陽者造化之橐籥也水火土陰陽之大用也故氣得土之鬱而含得水之潤而滋得火之燥而堅氣有翕聚則形有萌蘖而

傳卷一

五

生化顯矣氣有盛衰則形有壯老而始終著矣

氣得濕而化質生物之塗也百昌皆然矣氣之靈為魂無質以附縻之則散燈火離其膏木而光滅是矣質之靈為魄無氣以流通之則死手足不仁而為痿痺是矣二者相須以為用相待而一體也精也者質盛而凝氣與力同科也質衰則踈弛而精力減矣神也者氣盛而攝質與識同科也氣衰則虛弱而神識困矣是故氣質合而凝者生之所由得也氣

質合而靈有性之所由得也

萬物巨細柔剛各異其材聲色臭味各殊其性
閱千古而不變者氣種之有定也人不肖其
父則肖其母數世之後必有與祖同其體貌
者氣種之復其本也

陰陽也者氣之體也闔闢動靜者性之能也屈
伸相感者機之由也縕緼而化者神之妙也
生生不息疊疊如不得已者命之自然也
木有津液即血暢發即氣心之堅強即骨皮之
柔潤即肉結實即精石者土之結金者石之

儋書

六

精五金之質異者氣之種殊也是金木之生
與人物類也者是故水火得陰陽之精先萬
物成昆虫草木金石後天而化謂金木匹水
火而能生物其探道化之不精者與

有太虛之氣則有陰陽有陰陽則萬物之種一
本皆具隨氣之美惡大小而受化雖天之所
得亦然也陰陽之精一化而為水火再化而
為土萬物莫不藉以生之而其種則本於元
氣之固有非水火土所得而專也

上世論五行以用取其養民之義也故曰天

地之生財也本不過五聖人節五行則治不
荒後世以五行論造化戾於古人之論遠矣
誕矣水火土似也昆虫草木金石厥生類也
假借於造化何居始也小儒異端鑿之終也
大儒大賢信之壞人心之正亂六經之言吾
為仲尼嗟哉

春夏陽漸達于上火氣薰蒸而遠水泉湧溢土
釋而潤泛金氣鬱熱化石成鏤木發育而茂
秋冬陰漸盛于上火氣斂而近水泉消涸而
水土結燥而凍金以石寒而不滋水氣歸根

儋書

七

而凋落此五行消息之大分達人神聖之大
觀也五行家假配四時以論盛衰謬矣周衰
處士橫議邪說成俗至于今由之惜哉

氣者造化之本有渾渾者有生生者皆道之體
也生則有滅故有始有終渾然者充塞宇宙
無跡無執不見其始安知其終世儒止知氣
化而不知氣本皆於道遠

離氣無道離造化無道離性情無道

積言卷之



慎言卷之二

乾運篇 凡二十章

乾運之度七政之躔有常次也故天之象數可得而推風霆流行變異突出無機兆也故天之神用不可得而測

陰不離於陽陽不離於陰曰道故陰陽之合有賓主偏勝之義而偏勝者恒主之無非道之形體也日陽精星陽餘風陽激雷陽奮電陽洩雲陽乘月陰精辰陰餘雨陰施雪如之露陰結霜如之皆性之不得已而然也故造化

慎言卷之二

十二

之道陽不足陰有餘而陰恒宗陽陽一陰二而陰恒含陽

四時寒暑其機由日之進退氣不得而專焉日南至而寒甚北至而暑甚所積既深不可驟變也日出而蒼涼夜陰之積未遽消光不甚於旁達也日中而暄熱晝陽之積盛光復熾於下射也陰雨之氣雖夏亦寒清明之日雖冬亦熱此不可以時拘者也向陽多暖背陰多寒洼下春先高峻雪積此不可以南北大分拘者也雖然亦由日之氣得行與否耳斯

皆變也非常也

風揚塵土於下濛雨自上而降遇結而為霾風之微不足以散雨雨之微不足以斂塵陰陽緩弱之氣也夫

雹之始雨也感於陰氣之冽故旋轉凝結以漸而大尔其陰陽之濁而不和者與謂蜚蜴所為者得手哉

陰過乎陽畜之極轉而為風大過則大吹小過則小吹夏無巨風者陽威之極陰不能以遏之也陽伏於陰發之暴聲而為雷其聲緩者

慎言卷之二

十二

厥伏淺其聲迅者厥伏固冬而雷收其聲者陰威之極陽不得以發之也時有之者變也非常也

雪之始雨也下遇寒氣乃結花必六出何也氣種之自然也草木枝幹花葉人耳目口鼻物蹄角羽毛胡為而然耶氣各正其性命不得已而然爾應陰數有諸曰傳會之擬矣孰主宰為之花萼亦有然者矣四出五出六出同時而成又奚應哉

人之世也近天地之世也久是故先者罔以審



而稽也後者難以俟而証也惟跡與理可以會通矣山石之欹側古地之曾傾墜也山有壑谷水道之蕩而日下也地有平曠水土之漫演也高峻者日以剝下平者日以益江河日趨而下咸勢之不得已也夫

三垣十二舍經星終古不移天亦有定體矣曰浮氣戴之寧無一之變動也乎

星之隕也光氣之溢也本質未始窮也隕而即滅也天之闢至于今經緯之象盡矣隕而散滅者光氣之微者也墮而為石感地氣而凝

真義二

三

也陰陽妙合之義也上下飛流不齊者隕之機各發於所向也如迸激而噴也

地氣夜則鬱達故遇物而凝清則氛氲為霜為露濁則烟霧為濛為木稼日高而散風冽而不凝者陰化於陽之義也

月食日形體掩之也日食月闇虛射之也日光正灼積暈成蔽故曰闇虛觀夫燈燭上射黑焰蔽光不照足以知之

天亦有定體遠不可測也觀恒星河漢終古不移可以驗之七曜麗天而非附天也故自為

運行其動也乘天之機也雖遲速不齊皆順

天

日中闇黑非地影也實有查滓不受日光者尔月行九道勢有高下東西果由地形則人之視之如鏡受物影當變易今隨在無殊是由

月體而匪外入也

月與日火皆外景安能受物

天乘夫氣機故運而有常地竅於山川故浮而不墜磴之轉於水機在外也匏之浮於水空在內也地天內之物無可倚之道故曰天以機動地以竅浮

真義二

四

天體近極者高遠極者下黃道橫斜交絡故日行近極則光之被於人者久故晝長夜短而氣暑遠極則光之被於人者不久故晝短夜長而氣寒行兩極之中則晝夜均而氣清和何也日大火也近人則暑而遠人則寒也是故陰陽過盛四時寒暑成日之進退主之謂氣自有升降何待日遠近乃成寒暑謂地有四遊何人去極無有高下

兩儀未判太虛固氣也天地既生中虛亦氣也是天地萬物不越乎氣機聚散而已是故太

虛無形氣之本體清通而不可爲象也太和
氤氲萬物化醇生生而不容以息也其性命
之本原乎

天之運無已故無度數以日行所歷之數爲之
日行三百六十五日有餘與天會故天之度
有三百六十五度四分度之一也是日與度
會爲一日與月會爲一月與天會爲一歲月
之晦朔弦望歷於日之義也月會日而明盡
故曰晦初離日而光蘇故曰朔月與日相云
四分天之一如弓之張故曰弦月與日相云

慎言卷之二

五

四分天之二相對故曰望

向月熟摩其蛤則水生謂之方諸向日熟摩其
鑑則火生謂之夫遂相去甚遠而相感甚速
精之至也

本乎天者親上謂氣之屬雲霧烟火之類其氣
必騰上是也本乎地者親下謂質之屬土石
水金之類其質必下沉是也

慎言卷之二

慎言卷之三

門生蜀人焦維章

後學長洲姚厚校

作聖篇凡三十九章

作聖之塗其要也二端而已矣澄思寡欲以致
睿也補過徙義以日新也卒以成之曰誠
事物者至惟有道者能御之蓋心虛而氣和爾
心虛無先物問之氣和無客意撓之無間故
能公無撓故能平君子可以御天下矣
聖人之辭簡其理渾賢人之辭繁其理辯

慎言卷三

十一

省其私足以發明道之幾也不遷怒不貳過進
德之塗也用之則行舍之則藏動以時矣簞
瓢陋巷不改其樂純乎天矣是故顏子亞聖
從容純熟與道脗合化也學至於化大之跡泯
矣而曰化而後能有其大何也大有跡也猶
有事於外也在外猶有存亡也安能保而有
之化則斂於精貫於一矣其出入由我也故
謂之有

萬物累天地而天地不以爲功故化育不息天
地累聖人而聖人以爲已分故窮達一道

聖人不以勝物爲心勝於道也勝道爲已也故道勝者物無不勝不得已之道也

天運不息四時成而萬物生聖心純一紀綱植而萬化行故天德王德天道王道

行異者衆則高矣不足以明大同俗者衆則悅矣不足以明義何也王子曰求異道不足也非識之狹則性之偏累之故離詭而不入聖求同志不足也其累也懷利自全故不能獨立而合汙不入聖安大合汙安義故曰極高明而道中庸不貴於行異也君子和而不泥不貴於同俗也

不德卷三

三

義方以別羣宜智圓以周衆志故聖人合道聖人弭事於未然先幾也仁智之道深矣其次幾動而圖之得失半也微於聲色者下也亦未之也已

程子曰孔子所遇而安無所擇焉自子路觀孔子孔子爲不恭自孔子觀吾輩吾輩便隘嗟乎此聖賢氣象所由分也使安於隘終豈敢望聖哉學者能求無所擇而安者處上亦庶幾矣

行一不義殺一不辜得天下而不爲非有死而後已之志不能也蓋純於仁者矣

天下之變故其聚也不可紀其散也不可一其來也不可豫其去也不可逐其顯設也不可跡其倚伏也不可究執一德守一隅者御之所不達者廣矣闔厄端至幾於日中冥蒞矣惟聖人之道術不固挈於一而參之而衡之而交午之而翕張之而遲速之而隱括之譬百川委委各至於海也濟務長功安有窮已故曰非天下之至神其孰能與於此

不德卷三

四

顏子近聖人之資孟子近聖人之才仲尼兼之而敦粹

仁者與物貫通而無間者也萬物並育而不相害道並行而不相悖天地之仁也老者安之朋友信之少者懷之聖人之仁也故物各得其所謂之仁

聖人道德之宗正仁義禮樂之宰攝世固不獲見之矣其次莫如得亞聖者契道之真以命今於一世焉其次莫如得大賢敏於守道不惑於異端九流以亂道真焉下此隨波徇俗

私智害正者純然交臂自不知其神於道也
忠恕夫子之道也以忠恕而應天下之事無不
各得其分故曰一以貫之

隨所處而安曰安土隨所事而安曰樂天仲尼
居魯縫掖居宋章甫安土之謂也見陽貨見
南子樂天之謂也

人心之靈貫徹上下其微妙也通極於鬼神其
廣遠也周匝於六合一有所不知不足謂之
盡性命則天道發育萬物者人不得而與焉
然其情狀變化不能逃吾所感之通故聖人

傳卷三

五

窮理盡性以至於命

或曰萬物化於帝則而不知何也曰欲其知則
非化矣聖人不伐功不歸德不以心語人行
於不得已之區宅於無所利之塗不知天下
暗而移忽而變矣夫誰其知之此之謂神幾
道無定在故聖人因時堯舜以禪授湯武以征
伐太甲成王以繼序道無窮盡故聖人有不
能堯舜之事有羲軒未能行者三代之事有
堯舜未能行者

大人治國周於智而達於幾視之近若不足施

之遠則有餘即之一若不及參之萬則適均
下士治國求快於目前而遠則有遺騁志於
一偏而周則或缺見小而幾迷也

君子修道由已窮達則付之天窮達有幸不幸
焉皆天也人有知不知焉皆人也君子守道
不務求知於人亦不務求知於君亦曰求盡
臣道之實而已矣是故上不怨天下不尤人
聖人之心未嘗忘天下仁也耳聞目擊不忍民
之失所也故隨其所遇盡心力而為之舍之
則藏道不合而即去然亦無固必矣沮溺之
徒則自私墨翟之徒則失已要皆固執於一
隅也

傳卷三

六

聖人心有是神則觸處洞然故曰聲入心通聖
人心有是理則隨感而應故曰左右逢原
人能體大舜有天下不與之心則舉世之利益
不足動矣人能體大舜善與人同之心則一
己之智能不足恃矣

人與天地鬼神萬物一氣也氣一則理一其大
小幽明通塞之不齊者分之殊耳知分殊當
求其理之一知理一當求其分之殊故聖人

與天地合其德與鬼神合其吉凶與萬物合其情性能同體故爾

或問生曰氣機也問死曰氣機也孰機之曰大化呼吸之爾物不求化而化至故物生而不感化不為物而物成故化存而不任不任者順而應無意而游澹而和樂者也天之道也是故聖人之於物也無喜無怒無好無惡無得無喪無智無功

順事者無滯者也知時者應機者也故聖哲如神

真書卷三

七

能有為者才也權自由者位也事會樂者時也三者失其一皆不能以為故聖人得位而猶俟時

上世之士修道於已求自善爾無意無為也故多遜中古以往操德秉道將以飭仕後世以文詞飭以言貌柔順飭益陋矣惟恐其失之夫安望遜無怪乎君子贊隱逸矣

敬以直內義以方外見聖人無私智之擾不識不知順帝之則見聖人循自然之天

無我者聖學之極致也學之始在克己寡欲而

已矣寡之又寡以至於無則能人同於人而不有已矣雖天地之度不過如此

慎言卷之三

真書卷三

八

慎言卷之四

門生蜀人焦維章

後學長洲姚厚校

問成性篇凡二十四章

問成性王子曰人之生也性稟不齊聖人取其性之善者以立教而後善惡準焉故循其教而行者皆天性之至善也極精一執中之功則成矣成則無適而非善也故曰成性存存道義之門

情蕩則性昏性昏則事迷迷而不復則躁激驕

不傳書

吝之心滋矣由靈根之不美也莊子曰嗜欲

深者天機淺亦善言性者與

未形之前不可得而言矣謂之至善何所據而論既形之後方有所謂性矣謂惡非性具何所從而來程子曰惡亦不可不謂之性得之矣

性者緣乎生者也道者緣乎性者也教者緣乎道者也聖人緣生民而為治修其性之善者以立教名教立而善惡準焉是故敦於教者人之善者也戾於教者人之惡者也為惡之

才能善者亦具之為善之才能惡者亦具之然而不為者一習於名教一循乎情欲也夫性之善者固不俟乎教而治矣其性之惡者方其未有教也各任其情以為愛憎由之相戕相賊胥此以出世道惡乎治聖人惡乎不憂故取其性之可以相生相安相久而有益於治者以教後世而仁義禮智定焉皆於此者則惡之名立矣故無生則性不見無名教則善惡無準

識靈於內性之質情交於物性之象仁義中正

不傳書

所由成之道也

性之本然吾從大舜焉人心惟危道心惟微而已並其才而言之吾從仲尼焉性相近也習相遠也而已惻隱之心怵惕於情之可怛羞惡之心泚頽於事之可愧孟子良心之端也即舜之道心也口之於味耳之於聲目之於色鼻之於嗅四肢之於安逸孟子天性之欲也即舜之人心也由是觀之二者聖愚之所同賦也不謂相近乎由人心而辟焉愚不肖同歸也由道心而精焉聖賢同塗也不為相

遠乎夫是道之擬議也會準於三才參合於萬物聖人復起不易吾言矣

道化未立我固知民之多夫人心也道心亦與生而固有觀夫虎之負子鳥之反哺雞之呼食豺之祭獸可知矣道化既立我固知民之多夫道心也人心亦與生而恒存觀夫飲食男女人所同欲貧賤夭病人所同惡可知矣謂物欲蔽之非其本性然則貧賤夭病人所願乎哉

大學章句

三

父子兄弟天性之親也仁也君臣朋友人道之宜也義也夫婦齊體而易氣介乎其間者也同育而承宗者仁也猶可以離之者義也故曰立人之道曰仁與義

五倫五常不相配君臣朋友義也父子兄弟仁也夫婦恩義仁義兼也禮所以節此也智所以知此也信所以實此也

仁者天之性也義者道之宜也存乎體者氣之機也故息不已焉存乎氣者神之用也故性有靈焉體壞則機息機息則氣滅氣滅則神返神也返矣於性何有焉

或問人心靜未感物之時何以驗性善然乎曰否大舜孔子吾能保其善矣盜跖陽虎吾未敢以爲然何也發於外者皆氏乎中者也此物何從而來哉又假孰爲之乎謂蹠也虎也心靜而能善則動而爲惡又何變之遽夫靜也但惡之象未形爾惡之根乎中者自若也感即惡矣諸儒以靜而驗性善者類以聖賢成性體之也以已而不以衆非通議矣

大學章句

四

或曰子以生之理釋性不亦異諸儒乎曰諸儒避告子之說止以理言性使性之實不明於天下而分辨於後世亦夫人啓之也曰子何以異曰吾有所據焉爾易曰窮理盡性謂盡理可乎孝經曰毀不滅性謂不滅理可乎明道定性書之云謂定理可乎故曰氣之靈能而生之理也仁義禮智性所成之名而已矣天者言乎其冒物也帝者言乎其宰化也神者言乎其化機之不可測也性者言乎其生之土也精氣合而靈不可離而二之者也命者言乎其賦之非由我者也造化者言乎其物莫之爲而順者也天道者言乎其化之自然四時

行百物生乾乾而不息者也聖人者言道人道之至也窮理盡性至命以合天之神者也氣附於形而稱有故陽以陰爲體形資於氣而稱生故陰以陽爲宗性者陰陽之神理生於形氣而妙乎形氣者也觀夫心志好惡魂魄起滅精矣相待而神是故兩在則三有一二則三滅

耳目開而視聽生矣魂魄拘而思識生矣萬物之情其入我也以耳目之靈其契我也以魂魄之精耳目虛物無不入魂魄之精有主蓋

卷四

五

有不受之物矣不受也者逆於性者是已

耳聽目視口言鼻嗅心通天性也目格於聽耳格於視口格於嗅鼻格於言器局而不能以相通也解悟者心注於聽則視不審注於視則聽不詳注於言則嗅不的注於嗅則言不成神一而不可以二之也

氣不可爲天地之中人可爲天地之中以人受二氣之冲和也與萬物殊矣性不可爲人之中善可爲人之中氣有偏駁而善則性之中

口之於味也目之於色也心之於事也性以甚和故也剛善柔善周子必欲中焉而止以其過故也

天地之化人生之性中焉而已過陰過陽則不和而成育過柔過剛則不和而成道故化之太和者天地之中也性之至善者人道之中道故曰惟精惟一允執厥中求止於至善而已矣

孟子行仁必主於義則事無不宜而仁矣仁無義以持之或固於不忍之愛而反以失其仁

卷四

六

故君子任道不任情

氣神而精靈魄陽而魄陰也神發而識之遠者氣之清也靈感而記之久者精之純也此魄魄之性生之道也氣衰不足以載魄形壞不足以凝魄此精神之離死之道也

造化生人古今異乎曰天賦相近何太遠哉習性之日殊爾古也朴今也日文古也直今也日巧神鑒而靈散也久矣鳥巢之卵焉得探而取之六經之教救其習之日降而已矣聖賢之性皆天賦也氣純者純氣濁者濁非天

固殊之也人自遇之也聖人治天下必欲民性至善而順治故立教以導之使其風俗同而好尚一雖不盡善而爲惡者亦鮮矣人之性純而已天之道誠而已維天之命於穆不已於乎不顯文王之德之純此天人合一之道故曰知性斯知天

慎言卷之四

慎言卷四

七

慎言卷之五

門生蜀人焦維章

後學長洲姚厚校

見聞篇凡三十四章

見聞格其識者多矣其大有三性誕格中正之識牽合傳會格至誠之識篤守先哲格自得之識三識格而聖人之道離矣故君子之學游心於造化之上體究乎萬物之實求中正至誠之理而執之聞也見也先哲也叅伍之而已矣

慎言卷五

一

四

飭性類獨行也足以譁衆養交類乎世也足以市譽有道者恒耻之亦要諸守道自信得矣是故誠積而衆服道廣而朋來具神明之性者學道之本也天不畀之以神明命也天與之神矣而不學以充之是自棄者也學矣襲謬踵陋不能致精以合天人是挈明入昧也二者皆負於天者也是以君子咎之寡神識而限於命者君子弗咎也或問義集矣而氣不充有是乎王子曰否凡以氣之餒者皆理之不直者也義集則直矣而

何不充之有曰有不敢爲者何也曰蓋有之矣其不明諸道而懼於利害者爾要皆鄙夫之心爲之君子之於道也精於人物之理達於天地造化之秘而無不明明則進退取舍死生禍福咸有一定之擬加之義集而氣充所謂介如石者有之矣安有利害之恐以動其中乎安有鄙吝自私之心而反自蝕其氣乎故明道者養氣之助氣充者明道之成

事物之實覈於見信傳聞者惑事理之精契於思憑記問者粗事機之妙得於行徒講說者

本學卷五

三

淺孔門之學多聞有擇多見而識也思不廢學學不廢思也文猶乎人而歉躬行之未得也後之儒者任耳而棄目任載籍而棄心靈任講說而略行事無惟乎駁雜日長而蔽其塗矣

學道而寡通變則無順施之政爲政而離經術不過徇俗之才此道學政術岐而二塗矣故學求適用而政自道出則幾也物各得其分謂之仁事適其宜謂之義周羣倫之情謂之智直實以御物謂之誠是道也學之能裕於

已則禮樂刑政一以貫之而無不可施矣此孔孟之學術也

世之學者所入之塗二穎敏者易解悟每暗合於道故以性爲宗以學爲資篤厚者待資籍始會通於道故以學爲宗以純爲資由所造異故常相詆焉皆非也孔子曰默而識之學而不厭何有於我於已也不有焉又何詆人也歟

夢思也緣也感心之跡也夢較勝否斯驕吝之心未滅已夢較利斯忮求之心未滅已

本學卷五

三

士人之學也尊師故道德之成也足以裕已而化成今之人於友不親焉况師乎無惟乎道德之不及若也或曰六經周孔典籍炳也曰此其大法也其權衡之妙不可傳者與其人俱往矣不可得而親炙矣此惟默契道體者能之其次莫如得師友得也者於道也什九不得也者於道也什一

學有記誦而能言其義者施之治事猶扞格焉與道二故也情思而能言者由乎中出矣行猶有滯焉者物之變極未盡也踐履之熟而

能言者內外之契周而參伍之變神言無不實矣可以宰世可以議道可以訓遠

或問學曰明理而躬行之請益曰改過請益曰堅其志勿急其効雖作聖可也

學博而後可約事歷而後知要性純熟而後安禮故聖人教人講學力行並舉積久而要其成焉故道非淺迫者所可議也

義然後可以語命不義則畔道矣得也謂之道倖喪也謂之道誅命云乎哉命云乎哉

務高遠而乏實踐之仁其弊也狂務執古而無

性理卷五

泛觀之智其弊也迂狂則精實之學可以救之迂則達變之學可以救之

義理明天下無難處之事固也然不能斷弱不能振亦明而不能行矣是故窮理養才與氣

不可偏一也窮理在致知之精養才氣在行義之熟

學者於道貴精心以察之驗諸天人參諸事會務得其實而行之所謂窮理也也便不遇吾之權度逐逐焉惟前言之是信幾於拾果核而啖之者也能知味也乎哉

虛明者能求萬物之情也已公忠者能正萬物之實也已虛無物著故明忠無物撓故公虛明也者智之體也公忠也者仁之用也是故明王修之則天德而致治人臣修之以王道而輔運學者修之和禮義而安身

靜生之質也非動弗靈動生之德也非靜弗養聖人知乎此精之於人事和之於天性順之於德義其機若謀其成若符其適若休常之謂天道純之謂大德是謂與神合機求於動而能若是哉世之人知求養而不知求靈

性理卷五

五

致虛守靜離物以培其根而不知察於事會是故淡而無味靜而愈寂出恍入惚無據無門於道奚存乎諺有之曰土閉不活不斲而

堉水閉不流不斲而洩言靈之不入也學者欲要名於俗而求異於常未有不淫於邪說而陷於異流者陰陽家之足以知天也五行家之足以知命也術數家之足以知人也皆聖道之蠹賊也世之惑也久矣安得推明孔氏之徒而與之共學乎

人有一事不合於義則受累於一事即非浩然

之氣矣

不見可欲使心不亂大賢以下之事也

昏塞故狹小虛明故廣大

人心澹然無欲故外物不足以動其心物不能動其心則事簡事簡則心澄心澄則神故感而遂通天下之故是故無欲者作聖之要也耳目之聞見善用之足以廣其心不善用之適以狹其心其廣與狹之分相去不遠焉在究其理之有無而已矣

學者於貧賤富貴不動其心死生禍福不變其

本

守則天下之事無不可為矣

義以御事有守有權守者恒自得於事也多迷焉權者恒濟事於已也多迷焉故不失已而濟者義權之上者也不然不如守而已矣心為道主未有不能養心而能合道者未有不

能寡欲而心得養者

無二

一本心之理一故也事變萬殊聖人乃時

有以恐懼而勝者畏法者也有以義理而勝者樂天者也

易時指之道隨時變易而不已故曰生生之謂道

感而遂通者能達之天下知幾其神者能退藏

於密

貪欲者眾惡之本寡欲者眾善之基

靜而無動則滯動而無靜則擾皆不可久此道筌也知此而後謂之見道天動而不息其大體則靜觀於星辰可知已地靜而有常其大體則動觀於流泉可知已

動靜者合內外而一之道也心未有寂而不感

本

者理未有感而不應者故靜為本體而動為發用理之分備而心之妙全皆化之不得已也聖人主靜先其本體養之云尔感而遂通左右逢原則靜為有用非固惡夫動也世儒以動為客感而惟重乎靜是靜是而動非靜為我具而動為客假以內外為二近佛氏之禪以厭外矣

慎言卷之九

慎言卷之六

門生蜀人焦維章

後學長洲姚厚校

潛心篇 凡四十三章

潛心積慮以求精微隨事體察以驗會通優游涵養以致自得苦急則不相契而入曠蕩則過高而無實學者之大病

無事而主敬涵養於靜也有內外交致之力整齊嚴肅正衣冠尊瞻視以一其外冲淡虛明無非僻紛擾之思以一其內由之不愧於屋

全集

漏矣此學道入門第一義也

持其志者存其心而不放也無暴其氣者視聽言動以禮而不任情也心存則所發者自不肆氣不暴則所守者愈固此內外一致之道故曰交相養

人心當思時則思不思時則冲靜而閒淡故心氣可以完養或曰心不能使之不思曰涵養主一之功未深固爾苟未深固則淆亂而不清豈獨思擾於晝而夢亦紛擾於夜矣深固則淵靜而貞定無事乎絕聖棄智而思慮可

以使人欲其然則學者之

無怠惰好樂憂患恐懼此不偏之中聖人養心

之學也未能此則本流致中喜怒哀

樂各當其節是謂不戾之和聖人順應之學

也未能至此則道離故當致和

格物者正物也物各得其當然之實則正矣物

物而能正之知豈有不至乎知至則見理真

切心無苟且妄動之患意豈有不誠乎意誠

則心之存主皆善而無惡邪僻偏倚之病亡

矣心豈有不正乎學造於心正道之大本立

全集

矣而家而國而天下以此推之可也

言以示道心之華也貌以表心道之興也故動

容出辭不背理者心之不忘德之有將爾然

性純則安

通而不改者賊其心不肖之常也

人心有物則以所物為主應者非其物則不相

得矣不戾於道者幾希故曰與其是內而非

外不如內外之兩忘蓋欲其湛然虛靜也已

戒妄言遠顏色去游思脫漫習

或問養氣助長之害如之何曰義集生氣則心

無愧怍無往而不可行義未至而徒感其氣焉危行不足以明道激論不足以成德外阻

撓而中消悔者多矣不幾於害氣乎哉

自得之學可以終身用之記聞而有得者衰則忘之矣不出於心悟故也故君子之學貴於深造實養以致其自得焉

廣識未必皆當而思之自得者真泛講未必脗合而習之純熟者妙是故君子之學博於外而尤貴精於內討諸理而尤貴達於事

心理貴涵蓄久之可以會通冥契何也心之神

懷書卷

三

歛而存蕩而亡者也有所得而固存之日見其充積也有所聞而固蓄之日見其暢達也故中心藏之何日忘之由於不言道聽金說謂之棄德

幽獨之地心能澹然不繫於物可以寡欲而養神也窮理致思非物事之應也能致如應之誠可以體物而養心也物交於前順理而應無意無必不惟利事也可以養性矣物交之後有得有失安於所值而喜愠不蒙焉不惟明道也可以養德矣

人心如匱虛則容實則否道義者心之天理也知之必踐之以爲實而匱之戾乎道義者心之私欲也知之且禁之以爲砂礫而棄之匱之未盈猶足容也故私欲之感或可以棄隙而入至於天理充滿無少虧欠匱盈而無隙可乘矣夫安能容故學者當蓄德以實其心或問聞道曰非言語也得道曰非見聞也達於事而會於心斯謂之聞養於中而暢於外斯謂之得

懷書卷

四

淳厚者學道之基也輕躁者其天機必淺學也

安望其至道故變其質而後可以言學

學之大要有三父子君臣夫婦兄弟朋友存乎性義焉動靜云爲起居食息存乎禮則焉進退取舍死生禍福存乎義命焉學成而道全矣聖人盡性弘道亦不過此

目可以施其明何物不視乎耳可以施其聰何物不聽乎心體虛明廣大何所不能知而度之乎故事物之不聞見者耳目未嘗施其聰明也事理之有未知者心未嘗致思而度之也故知之精由於思行之察亦由於思

義所當爲，以爲之擇善固執之義也。以爲衆所不爲而止流也。流則賊於性，以爲學之未及而止畫也。畫則賊於德。

思之精習之熟，不息焉可以會通於道一之可以入神。

君子之學博文強記以爲資藉也。審問明辯以求會同也。精思研究以致自得也。三者盡而致知之道得矣。深省密察以審善惡之幾也。篤行實踐以守義理之中也。改過徙義以極道德之實也。三者盡而力行之道得矣。由是

金匱卷六

五

而理有未明，道有未極，非其才之罪也。鹵莽邪僻害之也是故君子主敬以養心，精義以體道。

明道莫善於致知，體道莫先於涵養。求其極有內外交致之道，不徒講究以爲知也。而人事酬應得其妙焉。斯致知之實地也。不徒靜涵以爲養也。而言行檢制中其則焉。寔致養之孰塗也。

天下之事習之久而有得者安焉。爲學而不契於道，未有不以存心養性爲桎梏者是故顏

見孔之卓而欲能不能焉。契而有得故爾。上者師心，其次師師。孔子聞而知之，師心也。無常師，師師也。無所不師，故其道賡賡。

未有應也，戒慎乎其所不覩，恐懼乎其所不聞。既有應也，非禮勿視，非禮勿聽，非禮勿言，非禮勿動，如此而已矣。

必從格物致知始，則無憑虛泛妄之私。必從洒掃應對始，則無過高躐等之病。上達則存乎熟矣。

夫何以謂存養曰：心未涉於事也，虛而無物，明

金匱卷六

六

而有覺恐焉。若或汨之也。夫何以謂省察曰：事幾方萌於念也。義則行之，不義則否。履冰其慎也。恐一念不義，陷於小人之途也。曰存省善矣，亦有不可行者何也？曰：或時勢之殊，始而窮理未至，也能中止以改圖，亦不害其爲善。故曰：善無常主，此既事體量之學也。學有變其氣質之功，則性善可學而至。不然徒事乎口耳講論之習，終不足以入聖。

文中子曰：不雜學，故明。

程子曰：有意坐忘，便是坐馳。何如曰：此爲有意。

求靜者言之也然則靜不可求乎曰求則不
靜矣故曰坐馳然則何以靜曰主敬之純可
以與此靜有二有境靜有心靜酬酢已境靜
也心之思猶在不思則心靜矣然則心以思
爲主何謂也曰在應事可也謂靜以思爲主
此儒之自苦者爾有感則思無感則不思亦
足以養神何膠於思而爲之曰不幾於異端
之虛靜乎曰異端之學無物靜而寂寂而滅
吾儒之學有主靜而感而應靜而不思何
害易曰無思也無爲也感而遂通天下之故

大學卷六

七

然則仲尼幾異端乎

或問易簡之道曰易之神理也大舜孔子之卓
塗也疇其能之請學諸曰廣大之能精微也
高明之能中庸也可以與此焉請所從事曰
知其所不得不爲與其所不屑爲於是乎得
之不屑爲而致力名曰貪侈由驕矜之心害
之也庸人之擾擾不與焉所當爲而不力名
曰苟簡由怠肆之心害之也莊老之無爲不
與焉

養性以成其德應事而合乎道斯可謂學問矣

氣質弗變而迷謬於人事之實雖記聞廣博
詞藻越衆而聖哲不取焉

古人之學内外一道達於治績者即其學術之
蘊修於文詞者即其操行之餘今之儒者學
與事恒二之故講性者有不能變其質矣論
命者有不知要於義矣修仁義者功利之媒
矣明經術者刑法之資矣皆蔽也故習於已
而不能達於事者謂之腐儒厥罪小援聖假
經而循利於時者謂之俗儒厥罪大

古之學也爲道今之學也爲文古之學也精於

大學卷六

八

六經今之學也博於百氏百氏未嘗無所取
也駁而惑人爾君子欲大於學求之六經孔
孟足矣學能言之足以傳矣百氏之言文有
餘而道不足反之身心之益悠哉淺乎況言
不及道者耶況離聖而淫於異端耶

濟務者才必明於道修道者德必崇於禮

事理之常順以應之得吾心之樂也易事變之

變預以圖之釋吾心之憂也惟

不縛事者安達治幾務文詞者安知治道

意旨雖多性偏執而嗜勝遇時得已必亂天下

較之清談禍世者酷矣

交際退遜非降志也橫逆目及非畏人也守道而完德與樂天為徒者也故能澄之不清撓之不濁

欲得於外則相濟相贊不利於物則相搆相戕此天下日囂也聖人不以利致窮不以物累生故澹然永寧

人一受元氣以生天地之美無不備具故知至於道行極於德謂之完人足以答天矣利達者形之影風之聲也雖不至實至矣故君子

慎言卷之六

九

貴修

慎言卷之六

慎言卷之七

門生蜀人焦維章

後學長洲姚厚校

御民篇 九三十一章

御民以道不以術守我之正而感服不計焉付得失於民爾術不可久民不可愚雖暫得之終必失之民以我非誠也故聖人王道

法久必弊弊必變變所以救弊也或曰法無不弊變亦弊曰然可坐視哉權其利害多寡變其太甚可也曰變有要乎曰漸春不見其生

慎言卷之七

而日長秋不見其殺而日枯漸之義也至矣哉

聖人置天下於安平莫先於植綱紀何謂綱紀居重以馭輕督內以制外柔夷以綏夏也是故有六官率屬焉有省道敷政焉有郡縣分治焉有王使廉察焉有邊鎮防禦焉有羈縻之夷捍蔽焉六者總之為綱維之為紀封建不行勢不容已之道也王都重則外制邊鎮固則內安羈縻之夷以不治治之天子有道守在四夷也

權所以運國勢紀綱所以繫國脉人才所以主
國命故國之不亡者三權不亡移國不亡紀
綱不墮國不亡不用小人長國國不亡

三皇無爲順民也五帝有爲矣易簡而不矜功
若無爲也三代變革不得已也秦漢以還有
爲而爲之不繆於道者猶可觀也嗚呼天下
之勢變而不可返之道也先王之治跡顧可
返之哉故聖人守道以御時因勢以求治
弗通於時而泥古斯困溺於法制者也迂謀近
小而昧遠圖斯困溺於功利者也二者皆

暗於道者也謂之識局

物各得其所之謂大同大同者化之極也百姓
日用而不知是謂安常安常者神之至也

聖王神道設教所以輔政也其弊也瀆於鬼神
而淫於感應禮曰剛毅犯入妨於政鬼神過
節妨於政言失鬼神之中也後世之鬼神藥
而不敬惑而誣皆妨政教也夫

安天下不失丘民之心固矣而賢智在位豪傑
得所尤其所急焉夫是人也一世之標準也
王者能盡而有之則天下之勢在我不幸

而有亂逆者皆愚謬之夫爾愚謬安足成事
故亂天下者才智之雄也是以聖王知之養
之學校羅之科目錄之才藝廩之史胥拔之
山澤之隱而不得其所者寡矣

有邊鄙必有爭承平久必有逆賊生齒繁必有
妖民鬼方之役邊也淮西之役逆也黃巾之
役妖也三者勢之所必至者乎武以戒備不
可已之政也鄙談兵者迂不振者乎銷兵者
愚乎徐偃王身行仁義來朝者三十二國可
以伯矣武備不修楚滅之宋襄公以仁義行

重卷七

三

師不擒二毛諸侯服矣威不振衆楚執之由
是觀之迂儒之論不足以立國也明矣後世
猶有安於承平而不講者不達於治忽之幾
者也是故兵也者危道也非得已者也可以
威也不可以黷也可以戒也不可以去也

仁義禮樂維世之綱風教君師作人之本君師
植風教者也風教達禮樂者也禮樂敷仁義
者也仁義者君師之心也八者具而和平之
治成矣雖謂之堯舜可也

或問術以發奸可爲乎王子曰吾何美於是廓

然則大公物來而順應至矣如并回者僻者
惡者伏而恐者苟不至吾前焉吾何求爲之
甚矣術數之爲心害也彼不自發而術以發
之民曰我殺之也自發之者彼以天之殺之
也何神吾術而殺人爲哉鉅筭鉤鉅聚怨之
媒也惡足神

有世功者世爵祿功薄也者濫矣爵濫則在位
者不得人祿濫則取於民者過厚是故毒惡
譏世卿不獨曰蔽賢而已矣

聖王慎內修戎狄微障禦之而已風不可使侈

俗不可使奸政不可使峻民不可使激風侈
則犯禮犯禮則俗奸俗奸則玩法玩法則政
峻政峻則民怨民怨則激亂亂出於民怨傷
其本者矣誰復戴之秦二世是也民猶有思
者雖失之猶得之漢光足也故曰蠲之蠹木
病自內也螭蛭之啄人人不可避也

茹毛飲血不若五穀之火熟也綴羽被卉不若
衣裳之適體也巢居穴處不若宮室之安居
也標枝野鹿不若禮義之雍容也珍食華膳
五穀之蠹也錦綺文黼衣裳之賊也蠲之蠹木

墻宮室之蠹也繁文苛政禮義之邪也是故
治化未適也聖人憂之於始治化既漓也聖
人憂之於終

事勢有輕重爲政有幾宜必俟大有更革而後
可救其積弊者重也漸次而變亦可以返其
未極者輕也施之失其宜未有不養患而激
亂者要之貴察於幾

人非樂天之心不能制情於道故莫不有欲欲
則貪侈貪侈則僭僭則亂聖人以禮防天下
使民各安其分而不爭是故或役或承或亢

或卑或寵或奪或泰或約一受其正奔命執
分而無外慕心定故也是謂天下齊一久安
長治之道乎失其防者反之

治安之國其事簡其賦輕其政平其氣和其民
樂災異足以警寇賊奸宄無亂以起夷狄仰
其治而順化而祥瑞不與焉危亂之國其事
繁其賦重其政僻以淫其氣乖其民畏以怨
祥瑞適以肆寇賊奸宄竊發夷狄乘其敝而
擾而災異不與焉

辯上下定民志不可無禮風霆流行天命不測

不可無鬼神然而繁儀文則瀆禮求感應則瀆神瀆禮則民大困困極則詐矣瀆神則民大駭駭久則誣矣非聖人設教之本始也後世事神用禮之過也是故敬鬼神而遠之以禮之實而治國使忠朴有餘而不彌於文仲尼之道隱也久矣

有聖人而後名教立定之以天命則妄心滅定之以禮義則遂心亡定之以法制則縱心阻故名教者治世之要也

人心道心皆天賦也人惟循人心而行則智者

禮書

六

力者衆者無不得其欲矣愚而寡弱者必困窮不遂者矣豈惟是哉循而遂之滅天性亡愧耻恣殺害與禽獸等矣是以聖人憂之自其道心者定之以仁義齊之以禮樂禁之以刑法而名教立焉由是智愚強弱衆寡各安其分而不爭其人心之隄防乎

善繼政者因之故有所損益而民不駭有所變革而民相信突然大變倚於勢而爲之者昧道也亂道也儒之迫者乎

或曰以自然治天下可乎王子曰此莊老之政

也天下可以自然治義軒堯舜爲之矣民無統主則強食弱也衆暴寡也智死愚也極也必反之相戕相賊報覆相尋民之獲其生者寡矣是故任其自然者亂之道也美色人情之所欲也強而衆且智者得之貨利人情之所欲也強而衆且智者得之安逸人情之所欲也強而衆且智者得之則樂失之則苦人情安得宴然而不爭乎安能皆如老莊之徒淡然無欲乎安不至於亂乎故曰極也必反之反之者求報也聖人之生於時安得

禮書

七

不爲天下求安故仁義道德之修非徒爲已也將以化人也禮樂法制之設不徒治人也亦以安已也勢之所必然者也謂聖人得已乎夫法以治之而猶有意外之奸况蕩然自由乎云自然者謬幽之說也

或曰法可常守乎王子曰常則弊弊何以救之曰以道堯舜三王之法制不可行於今乎曰聖人且難之堯舜與賢三代傳其子矣堯舜以禪受湯武以征伐矣唐虞建官惟百夏商倍之而周又倍之矣唐虞典刑惟象三代五

刑之屬至於三千矣唐虞夏后封功建德商周及其同姓矣夫聖人豈不欲相守哉時變勢殊而政弊奸人乘弊趨利治斯害矣聖人緣人情而救之安得不求變故變者所以救其不能行也雖聖人安能違其時勢而恒守之乎敢問何謂緣人情而救之曰獨不見廩之未穴棟之未蠹乎斯即法之未弊也無所敗於治何救之爲及其久也隙焉則虫鼠乘之矣乘之則廩與棟敗矣苟由是廩與棟焉雖固塞之必固穿之故曰塞鼠者所以壞壁

集言卷七

八

也不若易廩與棟而絕其穴蠹之由生曰聖人神明其弊安滋曰弊也者積久而勢成也狸居室而鼯亡聖人之謂也天下恒有聖人也哉安能使不至於嚙蠹乎是故法者擬定而不可通者也久而弊生道者隨時濟變以取乎中者也萬世無弊君子之治天下也不貴同其跡而貴於得聖人之心不貴泥厥法而貴於合聖人之道誠得聖人之心與道施之雖不揖遜封建亦可以巫衣而治矣泥法而守其跡未有不爲虫鼠樂趨之地也

天下順治在民富天下和靜在民樂天下興行在民趨於正上節儉則寡取於民而富矣上簡易則動於民者寡而樂矣上稽道於聖則民不惑於異術而趨於正矣

聖王敬天不泥天以人事足以勝之也故奸宄無以乘其惑庸主不慢天則泥天而應天之實無聞也故奸宄得以藉其變

正大廣遠以之立法公平明恕以之用法不正則戾道不大則用小不廣則偏於一不遠則所施不久公平則人服用明則情得用恕則

集言卷七

九

法行而物感要終之仁也

世之平也安靜中和之士皆足以有爲緩急有用苟無俊傑焉詭特不羈之才亦可也或曰詭特無行不可曰時急其所長也顧御之道焉爾德也豈悉求於衆人哉震之以敦大之氣入之以誠信之操則受變於我而才無不效矣

三皇草衣木食人曰時也王子曰聖人儉以順俗也堯舜茅茨土階人曰時也王子曰聖人儉不務飾也此天下之大樂也今之時政繁

災也。上之人乃下思而返之。其害溺之道乎。舍是而欲有爲其爲治也。可外矣。

聖人爲治。豫調夫國勢之機。機伏而不可見者。讓之。若未然舉之。若無所事。一失厥會。輕者浮重者壓強者甚弱者微。事去而不可爲矣。故執古者失於時宜。徇俗者蔽於因陋守法者憚於更革。舉不足以論機也。通紹遠觀其惟神識之士乎。

人主震威怒以操制臣下。則諫正之言有不能

金鑑卷十

入此治亂之大幾也。

通言卷之八

門生獨人焦維章

後學長洲姚厚校

小宗篇凡二十三章

小宗之法。尊祖也。尊祖于上。所以合族于下。其紀有三。公廟以達孝思仁也。公田以給婚嫁義也。公會以齒長幼禮也。三者行而族紀矣。族紀則治。孟子曰。人人親其親長其長而天下平。此之謂也。

武問孝曰。理世之首務。君子能盡孝親之道。則

金鑑卷十

衆善集而羣邪亡。始也。一鄉信之大也。天下化之曰。請事曰。虞舜尊親爲大。曾子養志爲至。孔子以色爲難。茲孝之大節也。曰。非富貴不足以盡之乎。曰。玉粢錦衣而愛敬未至。如親之樂何。心敬辭婉而容色愉愉雖蔬食水飲歡也。君子亦貴乎悅親而已。富貴者所遇之時非由乎我者也。孰能必得之。廢人之孝勤四體而通神明。豈必藉軒冕哉。

利欲昏智敗義喪仁

不學而達於政有諸曰。世未有不學而能者也。

學之術二口致知曰履事兼之者上也泰於
聖途諸於往範博文之力也練於筆情達於
事幾體事之功也然而師心獨見暗與道合
亦有不博文者也雖然精於仁義之術優入
堯舜之域必知行兼舉者能之矣

不患其無才患其無學不患其不任患其不忠
不患其無功患其無志

強率害質直詭隨害融達

朱子曰遷善當如風之速改過當如雷之決

果盡其生之道也雖死亦可矣果適於義之當

儼書卷八

十一

也雖死亦可矣

功業者聖賢之所有事也志不立不足以成志
具矣不會於時焉亦未如之何也已故君
子修志俟時而無意無必焉強以趨時不契
于幾不見道者之常爾如時義何哉功不足
言而志已頓衄矣是故君子以修道責之已
以行道俟夫時以成功歸之天

或曰誦詩讀書有所發明矣而不能施于治何
哉曰參伍之未當也曰當矣曰體驗之未至
也曰至矣曰時之未會也曰會矣曰權之不

由也曰由矣曰此以上難言也其我之得於
天者未盡至乎是故性之識有三其屬於人
亦有三得穎悟者神之識多得敏達者精之
識多得記憶者魄之識多三者惟聖人能全
之其次穎而敏者上也世亦不可多得矣敏
穎而能記者時或不斷焉敏而能記者時或
不中焉况記憶之性多而穎敏寡者乎無怪
乎不能施之矣茲非命也夫

智略而能守正貴盛而能遺權功高而能退晦

三者明哲所以自保也

儼書卷八

十一

行過高者易竦動於衆事執古者不受變於俗
之二人也才氣高邁志慮堅定者皆可能之
故悅慕者衆矣中行之士非道明德立動與
天合不能焉世亦寡矣寡則厥神不傳矣夫
又誰契而慕之

儒有習俗以爲訓者其支裔膚淺於道者也詭
聖以爲論者其索隱鑿荒於道者也二者非
不要於造化性命之塗也離於正大自然之
實遠矣是故公普而不私雅大而不僭準之
造化證之性命炳然使民無惑焉斯聖人

之徒也

練事之知行乃中幾講論之知行尚有疑也
知在我者也幾在事者也譬久於操舟者
水之故審矣焉往而不利涉彼徒講於操舟
之術者未涉江湖而已不勝其恐矣安有
濟之哉蓋風水者幾之會也非可以講而
者也故程子曰得而後動與慮而後動異
命於道德會於禮樂化乎上下而不知所由也
之謂聖臣矣守道正躬不爲物劫可以託
寄命者此之謂淳臣矣順度慎行才以濟物

金鑑

四

謙謙而不居者此之謂名臣矣論不亢情和
不失物惴焉隨其時者此之謂具臣矣
君之望乎臣者欲利其國也有二臣於此一死
義而社稷亡一忍生而社稷存將孰從諸曰
臣之事君也盡其心力而已矣力可以存社
稷孰輕死焉不然則忍心以要功利者矣事
無成而名墮又其如殉哉

道常也非常者異象而干順寡見而駭衆故怪
之亦二氣鈞胚也知道者亦常之是故岐角
山趾赤髮綠睛人之生亦有然者矣角端體

甲牛尾馬蹄物之生亦有然者矣

久血成燐積水育毒結石藏龜變化不可測
也變罔兩龍罔象鳥畢方并貫年常理不可
執也故世俗駭之夫陰陽之化杳無定端有
常氣而禪者有間氣而化者一人之世不得
以槩觀也惟聖人神明通宇宙而觀物斯獨
見而不眩惑矣故曰知道者亦常之
道不行不去貪而害仁及亂不能死害義能死
亦害智何也始而不能決其去也孔子危邦
不入亂邦不居先幾也殉道也保身也古之

金鑑

五

全德神矣夫

禮云東宮西宮辟子之私不足則資有餘亦歸
之於宗何也王子曰禮有分異之義家有別
居之道東宮西宮南宮北宮居異也夫婦內
外之禮嚴渾居則瀆倫傷禮有不能保故異
官而居禮也財用則同仁也子弟有餘則歸
之於宗不足則資之於宗不得專主以私獨
也後世之異居并其資產而割裂矣古人統
宗之義其亡乎其亡乎

內不失貞外不殊俗如之何曰不能兼也同俗

則失貞和而不同可也亂世如之何曰聖人有道焉亦不汙於俗

東極之民僥南極之民謫西極之民戾北極之民悍中土之民和非民性殊於四極也習於聖人之教然也蠻夷者封疆土俗限之也聖人之教可達孰謂異吾民哉

事雖易而以難處之未有不治之變患雖遠而以近處之未有不之謀此所謂至慎此所謂先幾

顯者示以晦之理則悶淺者動以深之機則迷

慎言卷之八

木

愚者詔以智之謀則惑人各有至不可強也

慎言卷之八

慎言卷之九

門生蜀人焦維

後學長洲姚厚校

保傅篇 九四十三章

禮保傅篇曰太子孩提三公三少講明仁孝禮義以導習之遂去邪人不使見惡行比選天下端士孝弟閎博有道術者以輔翼之使之與太子居處出入故太子乃日見正事聞正言行正道蓋左右正則太子正太子正而天下定矣此三代所以有道之長也嗟乎後世

慎言卷之九

人主於太子非不教也不循乎三代之遺法矣師保之官非不設也不惟其道術者有之矣左右之人非不比選也不得與之居處而出入矣深宮秘禁婦人與嬉游也褻狎燕閑奮豎與誘掖也彼人也安有仁孝禮義以化之哉習與性成不驕淫狂蕩則鄙褻情由是聞正言若侏儻之亂耳見正人若芒刺之在背是豈天下之福也哉人主乃不思而反之何耶近世太子有以文詞書藝稱者不亦君子之教乎嗟乎彼善於婦寺之養者也

謂天下之本在茲乎文三世子曰三王教世
子必以禮樂樂所以修於內也禮所以修於
外也禮樂之錯於中形發於外是故其成也
惇恭敬而溫文夫恭敬而溫文謂文詞書藝
而已乎

兵者不得已而用之者也能算亦有損況無算
乎能勝亦有損況不勝乎故勢猶有可圖者
自治以全之可也書曰舞干羽於兩階有苗
來格此之謂也

王者謙則君臣和卿大夫謙則國政和國政和
則民安故和者治之門問謙曰不自大不自

大則不矜不矜則不自任不自任則情平情
平則和問謙之繇曰無欲無欲之繇曰內足
好問好察舜不自智立賢無方湯不任類不自
智則協衆情不任類則無私人衆情協則政
平私人無則賢用

農困則庾虛庾虛則兵疲茲用可憂矣善漁者
不洩澤善田者不竭膏畜其利者深矣農困
國之大疹也乃不思而憂之作無益崇土木
耗財財是謂剝本

欲於國之危亂者亦觀其臣民之風俗爾附權
死黨奸佞罔上之臣作則淫比矣淫比者篡
要結賓客藏匿亡命之民作則淫朋矣淫朋
者盜盜之勢在下猶可爲也篡之勢在上非
大力不能反難矣哉

周天子之大夫監於諸侯之國曰三監漢天子
置諸侯王相由內以制外通其隱蔽之勢也
皇極之建其大有五一曰清心志二曰定紀綱
三曰正禮教四曰求賢才五曰覈名實心志
清則不惑於非道而極之本立矣紀綱定則

維制固而國之勢奠矣禮教正則常道興而
俗尚不惑於邪矣賢哲用則職任得人而治
化溥矣名實覈則上下不罔而苟且欺蔽之
風遠矣

韓魏之六國不足以敵秦而亡于秦陳涉之六
國反以之滅秦何也曰六國者所世有也世
有者必欲曲保之其得失重故自守之慮常
十之八九其勢也卒至於漸亡而已陳涉之
六國本非所有者以秦之人攻秦也其得失
輕故橫行足以亂秦勢盛足以亡秦傳曰以

瓦礫注者巧以黃金注者皆不直曰六國無謀秦人之無道也

人主之權不在宰相則在外戚不在外戚則在近習出此入彼之道也聖帝明王世不常有精勤萬幾無懈者難誠如是朱有不託諸人以求自逸者夫權安得而不移惟賢者視君猶親視國猶家兢兢焉日恐其僨也故君逸而國亦治斯人也周召是已世亦鮮矣乎匪其人不亦危哉是故慎任人之選杜竊權之漸遺厥孫謀其庶幾乎

金鑑卷九

四

都會之形勝關中幽燕上也勁兵之區莫如此鄙阻關塞之險易於制虜南面以臨天下百蠻不足服也關中天府四塞亦足以控制戎虜惜轉漕之艱耳故曰上澤路平而晉陽孤唐鄧服而荆襄懾淮陽順而吳越可以坐制分據而主之之勢也巴蜀天險自守之區故未亂先變既亂後平聖王每不急之以爲囊中物也夫堯舜三王大興明德無思不服形勢不足言也況所據須得其地者乎下此者未有不藉其勢者也故曰勝者三之緩七之

急也

立後從周何謂也曰殷人嫡子死立嫡子之母弟周人嫡子死立嫡孫春秋傳曰質蒙親親先立弟文家尊尊先立孫是也文王立發微子立衍孔子乃曰立孫此又何謂也曰文王立發遵時制也微子立衍守祖道也立孫周道也故孔子從周曰後世不可易乎曰立嫡所以重宗一統消覬覦而絕後變萬世不易之道也故無嫡子立嫡孫無嫡孫立嫡曾孫無嫡曾孫立嫡孫之弟先支後庶可也無則

金鑑卷九

五

上求嫡子之弟立之無嫡弟而後及庶弟焉由是而行人倫正天理公而天下萬世覬覦非分之心絕矣曰有嫡而立庶者何也曰此亂世之道啓爭端者也不可以爲訓也或問持盈之要曰苞桑之戒投艱之憂心日兢兢也曰請從事曰崇節儉禁侈踰爲天下養財敦教化尚氣節爲天下養義謹關塞擇將才爲天下養仁

清明之朝其臣多廉濁亂之朝其臣多貪勢使然也一人而遠變者好巧自植與時浮沉也

防民植教安於斯人望之其不變者何也以道自持不以時之清濁異已之操者也古謂拔俗而立其斯人之儔乎

主少國疑功高望隆之臣將何居曰求賢聖之臣協恭以夾輔之終其身不急可也然惟伊尹周公孔明之志則能之不然勢極必募六朝之得國皆然也然則禪非乎曰世無堯舜不可言禪何也非有聖人之德有天下不與之心也夫以桀紂之惡湯武猶慙德矣夫孰爲信之哉所忌者以謀敗之異已者以法殄

卷九

本

之通國非王人也威震勢逼棄其孤弱而取之君子曰其文禪也其實皆募也

幼君闇政奸雄持權君子之仕當何如曰聖憲有之危邦不入亂邦不居貴戚重臣義均休戚當何如曰扶顛持危不避艱險盡心盡力以死自誓可也

世道之高下時勢之變不容已者乎聖賢汲汲隨時以道救之又惡能已乎堯舜揖讓若無與於已焉二帝已往一道也禹之傳子俱聖賢不恒有啓亂也斯又一道也湯則放桀矣

猶慙而讓賢若自失焉武王代商則任之矣伐暴救民猶若不得已焉者下此有意矣自私威也爭奪慕弒不仁之甚者乎嗟乎六經安得而不修述乎君臣父子之義安得而不正乎聖賢汲汲之心可以識矣

統一華夷者謂之大統者也然有正有變焉居中國而統及四夷順也正也三代漢唐本朝是也入中國而統及四夷逆也非變乎元是也統中國不盡而與夷狄並長謂之小正統可也宋是已春秋吳楚長盟中國其所由

卷九

七

來遠矣聖人雖夷之終不能沒其主諸侯也元也雖以變統例之亦不能廢其大統天下之實矣有分統不相君臣者三國南北朝是已有先一統而後分裂於夷狄者東晉是已有君臣之舊焉宜以正統之大終之

三皇之民靜以樂五帝之民安以遂上無欲而事簡也三王之民勤而不失其所事雖煩而聖人之政仁也春秋戰國之民苦而不適其生王政衰而兵賦酷也漢唐宋之民勞而不倦武帝南宋近戰國矣高孝應兵不得已也

武帝窮兵四夷何爲也哉是故事簡則用夫
民者寡不得已而後用兵則民之樂生也多
聖人仁天下之政斯二端而已矣

帝王之得天下天地之大義存焉堯舜禹之揖
讓魄乎其不可及矣湯武之放伐順乎天而
應乎人君臣之際終有愧焉漢高帝我 太
祖以布衣因亂而取之無愧焉者高帝猶曰
秦之亭長也我 太祖復中國於夷狄蓋邈
乎無以尚之唐太宗假義而終取之又商周
之不若也其餘篡奪而已矣

傳言卷九

八

天下有不可返之勢故有不可爲之時機在人
也聖賢且奈何哉孟子之道不得行於戰國
豈皆齊梁之君之罪哉亦其勢然爾當是時
秦爲富強之國其民勇於戰鬪視山東之國
不當什之二矣六國之合從亦豈其勢之得
已哉使爲秦者休兵自緝修德睦隣與天下
之民樂生則六國之君亦得以修德仁養
民求賢乘時以自治矣然而秦下如是也恃
其兵力日彘食乎三晉荆楚之域攻已國也
不得不以兵應之攻與國也不得不以兵應

之秦人一出而六國之人皆顛覆是時也
求免於死亡困苦不可得矣雖有聖王不
之心仁義之政安所從而施之故曰勢之不
可爲也然則爲六國計當奈何亦曰養民
賢効死勿去聽命于天而已矣

王綱解弛天下崩離君子之處當何如曰非持
危撥亂之才不足返也非至誠大公之心不
足服也不如遜而避之避之不得當何如曰
不爲禍始不爲道屈弔民伐暴以俟其時則
不始於禍矣君臣父子不犯其義則不屈於

傳言卷九

九

道矣

田不可井者三山谷之坎壤不可以方制雍冀
梁益荆楊之區平野之可井者能幾何哉一
也大河大陸之區溝會具而水不涸二也一
夫百畝奪富人之田者多矣三也聖人不作
無益順其治而緣人之情求歸於治而已矣
必言可井者迂儒之慕古也勢終不能徒生
擾攘爾曰天下初定乘其勢而爲之不亦可
乎曰戰爭方已務休民也上雖易姓受命而
民之業自若也奪而井之寔生怨激亂仁智

者之所不爲也然則善如何曰阡陌而乘併生抑豪穢耕正租之法善也占田有限所以抑也漚畝有書所以稽也租稅有常所以正也抑則農之業普稽則田之隱寡正則貧之食足官民之利貧富之願由之而可均也不亦善乎哉

或問封建王子曰聖人在位封建可也郡縣亦可也曰聖人不常有請以法守之曰諸侯權力足亂漢諸王可睹矣狄入邢衛隣國自保恬不相恤非齊桓夫孰拯之亦可睹矣王紀

卷九

十

弛而爭雄民日塗炭七國之際可睹矣較民苦樂之多寡郡縣之民得什之七凡治圖民之安也民苦之分多封建何爲哉曰三代御世之良法也曰三分有二周之得商也久矣成康再世而諸侯不王言天子權主之大善得乎上無明王統之不易焉能如郡縣之眇哉唐之方鎮猶遙命自強況封建乎有天下欲圖民之安而治之易雖不封建可也儒惡秦郡縣私也子曰勢也非秦也雖一人之私也天下之民利之則天下之公也秦之蔑德

不與焉

祭祀感格之道何如曰難言也曰祖考精氣也天地山川鬼神元氣一也氣一將無不通乎曰難言也夫人之致祭其禮委委容容其物芬芬烝烝夫惟類若人者然後能感而享之吾未知天地山川之果類人否乎吾未知鬼神祖考之猶具體而能飲食否乎焉能惡而知之曰聖人謹祭之爲何曰報本追遠仰功酬德先王仁孝之誠且因之以立教也故祭祀之道惟聖人能知之能言之其餘詐已

卷九

十一

之心以詐人非愚則誣而已

北虜之難治何也曰勢也不植五穀必畜牛羊畜牛羊必就水草是無恒居可依也人不咸有畜其貧者以射獵治生是藝騎所由精也無恒居則不憚於轉徙藝騎精故易於爲竊食不足以養故易以輕生故曰勢也西南諸夷礪砮爲居西域諸國城郭土著非要功於夷則終世安順亦勢也是故聖王有作必治其城郭修其生理使其各有定所可依定業可戀久而安矣而戎俗自無轉徙竊發之患

矣此華夷之利大造之仁也

君臣天地之大義節義生人之大閑守死者仁人也義士也否則亂臣也賊子也重臣親臣近臣死于義遠臣死于職守無辭也蓋此爲我君彼即爲我讐矣安不死先仕而今不仕者能晦其名焉不死亦可也不當君之事也不得遁焉者亦宜死之龔勝是也被舉而名達於君者死於義可也避而不仕亦可也名之不達者與庶民同也守義不仕亦可也雖仕亦可也蓋以名分漸微其責漸輕故爾

傳纂九

十一

莽操懿裕乘時欺孤而取之其篡竊之雄乎挾武功以鎮衆者亦能僞定乎一世莽坐而飭詐適以滅其身而已宋祖之於周推其類均也延其祚者周微也施政之術異也

古之王者以節儉率天下故國之經費必會而計之量入爲出歲率以爲常焉歲久而贏餘積雖有旱乾水溢民無菜色政之至也賓客喪祭衣服飲膳有常用弗益也百官之祿戎賦之輸有常制弗變也不以非道施惠也不以蔑功行賞也不以無名興役也不以驥武

動衆也故天下化於儉素而樂於簡靜侈麗亡而僭踰絕矣是謂上下貴約德之至也夫農軒簡用土毛之稅可足矣堯湯有儲水旱之沴可免矣其約德之徵乎摧鐵算緡鬻爵贖禁後王之糝政也其侈心之爲乎斂愈橫而用愈急國非其國也宜哉

酒蘖害穀羅綺害絲華腊珍食害味雕楹刻楠害木綜之害貨財耗天下聖王爲民儲富必嚴令以禁之曰甲令具而俗日侈何也曰習俗久而上下慢也等威之壞在茲乎民之窮

傳纂九

十一

在茲乎以爲不足計也故慢之甲令在而民不知禁者由上之自慢始也故聖王躬行節儉而近習化近習化而近臣化近臣化而天下不化者未之有也罰金沒官之令待頑滯者可也

左右蒙固君德不造之端也何以故才智所及不諳於蒙者之外所見狹也雖有聖人足以成主德者無因而至焉故蒙之日深而德之日遠也堯舜求賢如不及蓋不以左右之常爲足恃也已

此虜入統中國祚無百年果天運乎曰非也政俗使然爾聖人制禮樂所以辨上下正倫理也故民俗安義而敬上聖人立刑政所以嚴紀綱而振偷玩也故民俗守法而忠上三代所以有道之長賴是物矣謂虜能然乎曰元世祖英武寬仁用夏變夷佐以姚劉諸賢何亦若是曰三代之政純王之道也世祖建學明倫矣閨門之中寧免烝報之醜乎胡僧講法寧免男女瀆亂乎何以使民興行世祖制官立政矣南人北人之分寧免以私示天下

本傳卷九

七

乎錢穀歲課屢增寧免以貨困天下乎使民何以興義立國規模其大節不純如此貽厥後昆淺矣是故風俗蕩而廉耻乖法紀縱而貪殘極久之民不知義而凌犯之事作矣國非其國何尤

古人之言曰植遺腹朝交表而天下不亂也有諸曰當是時也天下可謂無君矣徒恃先王之法與澤焉爾國無君非外戚乘之則內奄竊之勢所必至大奸不能以法制大惡不可以德感無所往而非亂階矣天下者祖宗之

天下也必欲永而保之豈無長賢乎舉而嗣之天命永昌遺腹之私亂之道也

鴻荒之初未有聖人皆夷狄也未有名教皆禽獸也

三公從道邦乃恒保三公競志乃憤邦事

威福劫民是曰權臣德惠媚民是曰盜臣玩習之久民不知其君成篡竊矣

世道曰文帝王之所尚乎王子曰非然也勢日趨爾貴桴土鼓而金石絲竹作焉陶匏掃地而玉璫崇壇起焉茅茨土階而瓊宮瑤臺興焉此不期而至者也非日趨之勢乎文過其質則政煩禮瀆而民苦此天下日梏也反其質可也禮求其實意義文度數可略矣物求其實用浮華侈費可黜矣政求其實體彌條苛費可省矣或曰中古聖人之遺法也曰文

本傳卷九

五

乎文乎後世日趨於極敝而不可為者乎能反古質以從先進是謂探本執今之文而欲天下之民樂生是執火而求涼也得乎哉五尸大古之朴也雖周公未之有改六尸旅酬禮煩而神褻矣不如祀王幽嚴而淳直

予欲聚世族立小宗法五世一分祭分而三年

一合祭一合會雖百世猶聚也

程伯子曰人賢不肖國家治亂不可言命言繫於人事修否爾

天道君德有相值者有不相值者皆常道也堯

湯水旱不相值也舜之鳳儀周之鳳鳴適相值也言其德後世有作皆弗可及也

古之先王敬天事神小心率衆不敢自命敬而遠之其義直故君子由之後世矯天假神若影響酬酢其道誣故君子正之

卷九

六

唐隸問福善禍淫如何程子曰此理之自然善則有福淫則有禍曰天福禍之乎曰理即天道也書云皇天震怒將有人在上怒之乎蓋理應如此耳善惡之報不直者何也曰幸不幸也此善言天道者矣

慎言卷之十

門生蜀人焦維章

後學長洲姚厚校

五行篇

九二十九章

五行分儷四時厥義何如王子曰緯人私智強合非聖人實正之論也五行之氣渾於太虛何日無之既曰春水矣季土矣何水火土金日輪次而仍在不幾於自爲矛盾乎若曰日逢甲乙木氣獨主矣其水火金土將歸何所不幾於誕而害義乎氣無滅絕之理又非遜避而然故曰緯人私智強合非聖人實正之論也

卷十

七

天一也天下之國何啻千百譬父之於子雖有才不才厥愛惟均也天象之變皆爲中國之君譴告之偏矣以爲千百國皆應之而國君行政之善惡又未必一月月而均齊也參之中正普大之道茫然未之有合蕩於私數戾於聖心必自災異之學始日祛淫祀也而瀆鬼神之感應日擊妖道也而信天人之休咎是啓源而欲塞流矣得乎曰

可以動人主之趨善也嗟乎是則然矣君有邪心不務格而正之君有僻政不務諫而反之乃假不可知者而恐懼之是捨本而務末也久而無獲將自喪其術何善之能越幾於佛氏之愚人矣是故聖人通於性命之本立於中正之塗雖以神道設教也尊天地而不瀆敬鬼神而遠之守經正物不飾妖誕則風俗同而百家息矣

董子論高廟災曰去諸侯高原使殿災曰去大臣嗟乎誣天人甚矣黜百家尊仲尼何有哉

論衡

二

是謂累德不直累學也

周公曰履霜堅冰至仲尼曰若由也不得其死然孟子曰死矣盆成括聖賢之前知也倡推測之術者其緯說乎其異端乎惘而愚可憫焉英雄欺人焉不仁之甚者矣

萍實商羊附會於聖人也若然彼童子之前知矣仲尼何與焉

聖人治世其鬼不神非鬼之不能神也經正而法嚴也正則邪說不興嚴則妖道罔作鄙儒詖術舛跡若沒焉耳矣

妖祥人也論者由物惑矣父慈子孝君仁臣忠兄友弟恭夫和婦順雖山崩川竭不足以爲殃父子逆而君臣離人道乖而彞倫數變倖得志而賢哲退抑雖鳳鳥慶雲不足以救其危亂之禍何也國家之興替人事之善否也是故責人敬天者其道昌棄人誣天者其道亡

聖人之知來知其理也吉凶禍福之至亦有不直於理者聖人所不知也故推測之術聖人不貴

論衡

三

天地道化不齊故數有奇耦之變自然之則也太極也君也父也不可以二者也天地也陰陽也牝牡也晝夜也不可以三者也三才不可以四四時不可以五五行不可以六故曰物之不齊物之情也夔一足人兩足螭三足馬四足知蛛六足蠅八足蜘蛛四十足蛇百足是豈物之所能爲哉一天之道也邵子於天地人物之道必以四而分之膠固矣異於造化萬有不齊之性矣於聖人物各付物之心牽合傳會舉一而廢百者矣

或問治世之有災沴君德不協於人而譴告之乎曰非然也亂世之有瑞夫又誰感格之是故堯有水湯有旱天地之道適然爾堯湯柰何哉天定勝人者此也堯盡治水之政雖九年之波而民罔魚鼈湯修救荒之政雖七年之亢而野無餓殍人定亦能勝天者此也水旱何爲乎哉故國家之有災沴要之君臣德政足以勝之上也何也天道悠而難知人事近而易見凡國家危亂者咸政之不修民之失所上之失職也孰見天帝訶詆乎哉孰見

傳纂

四

天帝震怒乎哉此應天以實不以誣者堯湯自修之意也書曰我不敢知曰有殷受天命惟有歷年我不敢知曰不其延惟不敬厥德乃早墜厥命可謂善言天道者矣

雨暘時若風霆流行天地之德化也世有風雷之師雲雨之巫是人握其權矣土主木偶行禱求應是鬼司其機矣然乎儒者假借而罔正於道傷造化之大倫邪誣之俗誰其責哉淫僻於陰陽者必厚誣天道傳會於五行者必熒惑主聽

禍福有所由主乎曰積善之家必有余慶積不善之家必有余殃人事之相感招也而鬼神不與焉曰福善禍淫非與曰比干剖心盜跖老死子謂天攝物耶殘賊暴虐人切憤之而禍卒被焉者人道之不容已者也非人力也故歸之天爾善之得福亦如是乎雖幸不幸爾非常道也

或問天開於子地闢於丑人生於寅必待一萬八百年有諸王子曰生成固有秩序矣數何拘若是又何齊若是豈非以十二辰之數而強

傳纂

五

附之耶地闢物即生之陸也草木昆蟲水也蛟螭魚鼈人亦類也與俱生矣蓋氣化之不容已如此安能若是久乎自堯至于茲止三千餘年爾今視之亦甚遠曰萬八百年物始生焉謂實理然乎哉

天地之生物勢不得不然也天何心哉強食弱大賊小智殘愚物之勢不得不然也天又何心哉世儒曰天地生物爲人耳嗟乎斯其昧也已五穀似也斷腸裂腹之草亦將食入乎雞豚似也玩蛇蝮蝎之屬亦將爲人乎夫人

之食夫物固曰天爲夫人之生之也然則虎狼攫人而食謂天爲虎狼生人可乎蔽於近小而不致大觀也矣

聖人之行難符下守賢人之槩可乎曰中人以下可以免過也非通議矣久而蔽焉局也已曰由賢入聖何局曰獨不見水中之鱗乎曲港之瀆其生條條爾洞庭彭蠡之淵有橫江者矣橫海之鯢化而蔽天不亦愈可駭哉又獨不見隰枯之木乎小屈之則小就大屈之則大就成也不可以反反則折矣勢也聖人

本義卷十

六

固不易得矣亞聖大賢之材質世安可謂無也哉以聖人不可易及必守賢人之槩習與性成氣象殊塗能脫故習而超以上達吾見亦鮮矣不幾於棄亞聖大賢之人乎哉不幾於廢聖人之德業乎哉故曰蔽焉局也已聖人之爲學博文約禮求其中而執之聖人之立心正義明道無所爲而爲之聖人之應事主之以義而由之以誠終也得失要於命焉夫斯道也何簡易若諸何要若諸史遷曰博而寡要勞而少功蓋不得其門而入者也宜

乎清淨無爲以黃老先六經焉

草木之枝幹花葉各有定形以有定種故也受氣殊矣乎土以爲質水以爲液火以爲運而生枝幹花葉隨在各足也一本故爾枝幹自柔而堅自細而大自踈而密與花葉之生榮凋謝均有變也觀物云木之枝幹乃土石之所成故不變花葉乃水火之所成故多變是以主生枝幹而水火生花葉也然乎求之實理滯而不通誤矣

禮運曰播五行於四時而後月生也是以三五

本義卷十

七

而盈三五而缺嗟乎月之生與月之盈缺由於日之遠近爲之與五行之播何涉乎以其實言之日月往來乃成四時今日而後月生是四時生月矣可乎五行家之謬論類如此五位相得而各有合此自天地五十有五之數言之也五位天地奇耦各五也相得者言陰陽相得其數參合也不相得則數不合矣如一與四得三與二得五與十得則合爲天之數七與八得九與六得則合成地之數通計爲數五十有五焉此天地五位之數各有自

然之合如此說易者以甲乙木丙丁火之類
爲相得以甲與乙合乙與庚合之類爲有合
蓋出星命術士之論矣豈不爲聖經之辱乎
孔穎達曰萬物成以微著爲漸五行先後亦
以微著爲次以水最微爲一火漸著爲二此
附會洪範之說也五行之性火有氣而無質
當作最先水有質而不結次之土有體而不
堅再次之木體堅而易化再次之金體固而
不鑠當以爲終雖五行生成先後之序亦不
外此孔氏之說背矣

僊臺

老子之道以自然爲宗以無爲爲用故曰以百
姓爲芻狗任其自爲也吾見其強凌弱衆暴
寡憊然而不平矣而况夷狄之侵軼乎又曰
絕聖棄智民利百倍夫民生之利累世聖智
之人遺之也若然則堯憂得舜舜憂得禹其
志亦荒矣可乎有爲者聖人之甚不得已也
必欲無爲以任其民大亂之道也故老子之
道以之治身則保生以之治國則長亂
老子無爲正欲有爲故其道奸佛氏有見實無
所見故道愚

大禹謨曰政在養民水火金木土穀惟修言六
者能修治之使遂民用則養生之具備矣隄
防祛害灌溉通利水行地中則水政修矣出
火納火鑄燧改火昆蟲未蟄不以火田則火
政修矣鬻蹄泉貨織冶鼓鑄金政修矣山林
有禁取木有戒斧斤時入木政修矣畫井限
田正疆別塗高城深池土政修矣教民稼穡
播藝百穀穀政修矣六政既修則民用皆足
王者生養萬民之功成矣解書者曰水克火
火克金金克木木克土而生五穀或相制以
洩其過或相助以補其不足其後世術士蓋
命之談乎於六府之政之修何所取義遂使
聖經正大純雅之義闇蝕於緯說之傳會孰
謂儒者之無異端乎
虛者氣之本故虛空即氣管著氣之成故天地
萬物有生生者精氣爲物聚也死者遊魂爲
變歸也歸者返其本之謂也返本復入虛空
矣佛氏老莊之徒見其然乃以虛空返本無
爲爲義而欲棄人事之實緣矣嗟乎有生則
生之事作彼佛氏之道又下君臣夫婦朋友

僊臺

九

之交際能離之乎飲食衣服居室之養能離之乎不然是生也為死之道者也夫豈不謬古之聖人非不知其然也以生之事當盡而萬物之故當治故仁義禮樂興焉其虛空返本之義聖人則禁之恐惑亂乎世矣

古有自善之士葆形而全生絕類而遠引何如王子曰天靡日四時滅景地靡海百川大侵人靡聖萬物大戾夫奚宰而平之故棄世而全形者莊周庚桑氏之流大亂天下者也然則聖人不貴生乎曰聖人心乎無欲政乎簡

金書卷十

十

易德乎儉素全生之術若揭諸日月矣此堯舜所以無為而難老也曾何私私然離人而自全之

養心性正彞倫以成其德此切問近思之實孔孟之真傳也恤惇獨謹災患勸農積穀修德懷遠此養民利國之實堯舜之遺政也閭儒過高講究玄遠學失其學治失其治塗蔽後世大矣

元氣者天地萬物之宗統有元氣則有生有生則道顯故氣也者道之體也道也者氣之具

也以道能生氣者虛實頗越老莊之謬談也儒者襲其故智而不察非曾固則固蔽為足以識道

慎言卷之十

金書卷十

十一

慎言卷之十一

門生蜀人焦維章

後學長洲姚厚校

君子篇 九四十八章

君子有微言無謬言有辯言無贅言探道於精
曰微迷道於幽罔以惑世曰謬析理以明道
曰辯道無所賴以明而漫言之曰贅
仁義禮樂聖王固世之道也雖寡近功而有遠
効世非有桀紂之惡猶存也秦人棄禮義而
尚功利雖速得之必速失之

本義卷上

君子之事上也婉言諷諫非以避禍也欲其順
而信之也直言正諫非以要名也欲其警而
聽之也是故於心不欺皆曰忠於道能明皆
曰義

聖人之言有盡聖人之道無窮聖人處其時事
也不可以有加矣時變勢殊聖人應之則反
是是故聖人執道不執事然則聖人有未言
未行者當以道求之可也

大人公於物小人務適已大人得位以其性治
天下故天下治小人得位亦以其性治天下

故天下亂

死合天理之謂仁死盡人道之謂義比干剖心
申崩斷臂弘演納肝豫讓吞炭要諸仁義之
奎豈徒然哉彼苟免者生也倏忽延命幾何
一息之差萬世之謬既失忠貞之節終抱愧
怍之耻也無顏氣也不揚與死何殊哉
小人奸巧能移人觀其貌也恭究其心也賊聽
其言也正察其行也盤棄其時諂諛便佞無
所不至故反覆難保

本義卷上

君子仕必受祿是為利祿動乎曰非然也仕以
行義聖賢之學將以濟物也仕而受祿義之
畔於道而仕非其時而仕曰苟仕苟仕則言
義矣非貪祿而何哉

君子仁厚不謗物謗之由興小人情也雖聖人
不免焉處謗之道遜順以俟其明而已矣亦
曷几几周公蓋得之

小人有才鮮不為惡與其得小人不若得愚人
誠哉是言也

君子於賢之進也若有助於已也而喜之於賢
之退也若已有所失也而惜之小人反是於

其進也若將軋乎也而沮抑之於其退也若已之自得也而幸之吁夫人也亦知夫賢之進退無損益於已也而猶如是焉要之鄙心爲之爾

君子能達人之情而歸諸道處以形跡適以致淺也求以親悅適以致鄙也故澹而有常敬而有禮得之矣小人之望於人也異於是然持已有道亦卒不得犯義焉

智計者中立者也猶懸滯矣明哲者幾先者也即裁割矣懸矣危也寧不及之已斷割矣又

論語

主

烏以罹之故君子之智貴果

言有能以驕人之不能即無能已自有德以驕人之不德即無德已道極於參化育亦夫人所性而有者而何驕之爲况一二才德以貪天之力者乎是故如有周公才美其餘不足觀也

過剛則暴而不詳不如和平致審之合宜過明則察而多疑不如物來順應之爲智過剛雖善亦失中矣況惡乎過察雖正亦出於有意之私矣況邪乎是故君子之學剛不貴暴明

不貴察

君子基德而常其心室欲而不懈其情故能處危懼之地

君子不位而榮道備也不富而充德修也其次以名爲榮以文章爲富然自待亦末也已

君子見人之過必求其善焉小人反是況其過乎

氣貌可以觀德役使可以觀政

言辭支遁者其誠困色貌變飾者其誠矯心氣乖戾者其誠亂事物伏匿者其誠偷是故君

論語

四

子直言辭正色貌平心氣明事情斯誠也可
以考已可以觀人矣

小人平居意氣安和言辭柔順使人不覺而親之及其臨利害也畔道亡義雖親不知也況他人乎世豈有叛道亡義而無終敗者敗必及其黨是以君子必慎其所與也

人無天地普大之心則限而不能通偏而不能公不足以宰天下之事亦不足以議天下之道

事合乎道有義存焉利害之不由我有命存焉

君子明於義故不沮情於合道之事安於命故不動心於利害之交孔子主於司城貞子而不苟於脫難辭彌子瑕而不苟於得卿安於義命云爾

君子貴知命知命則不疾時不疾時則不尤人不違於時裕如也惟履道義者能之

習識害性習性害道善學者必察於舊習之非大儒變之小儒反嘒之聖人作之衆人乃疑之其道也揭於中正之塗非可嘒可疑也要於習性固之也夫人之生也芻豢稻粱之味

不愜養性

五

未嘗入其口腹也則夫菽藿之味以爲至足矣今夫學者不辨於中正之道非智淺而識寡也要於習性固之也魯祀爰居翔而不食言烏之食不習乎人也

義與死有相輕重之時君子審之合生取義無難也死而善於義者難是故微子去辛紂之亂不害其仁子路赴孔悝之難卒傷其義禍患迫身聖人未嘗不動心焉付之命而已矣其次則怨悔其次求苟免爾

或問君子之樂曰順理而行隨寓而安無得無

喪以道御之何不樂曰所由樂曰窮理盡性通之天人斯得矣曰人何以寡樂曰得於內斯輕乎其外也重於外斯失乎其內也夫人也既重於外也則夫利害禍福窮通得喪日交於前而勞心以圖之憂且不及矣而況於樂乎

材不勝於任取其卑散焉智者之自量也道不勝於時遜而避之賢者之守身也用之則行舍之則藏安於所遇而要諸禮義者聖人之體道也昧昧焉挾其才以趨惴焉惟恐其失

不愜養性

六

之終以喪其守而已其於守也喪焉於道也何有

鄉愿同流合汙雖不弑君亦不死節故賊德寵辱不驚君子不直曰以道御之也廣大之度物亦不能動之小人得志則如狂器小焉耳矣

君子不辭乎福而能知足也不去乎利而能知義也故隨寓而安有天下而不與也其道至矣乎

五行生剋之說始而讖緯託經求信其術終而

儒者援緯以附於經此天下之惑固蔽而不可解矣

古人之學先以義理養其心志於道據於德依於仁是也復以禮樂養其體聲音養耳彩色養目舞蹈養血脉威儀養動作是也内外交養德性乃成由是動合天則而與道爲一矣今人外無所養而氣之粗鄙者多内無所養而心之和順者寡無怪乎聖賢之不多見矣未有不通明造化物理而可以治人者未有不公溥用賢而可以作宰相者

養書卷上

七

人主用賢要在圖治君子爲學要在具夫濟世之資而已不然雖言語文辭典與典雅頌相匹要爲馳騫於末終不足以繫天下安危之輕重

人知道然後可以論誠行義然後可以論命離氣無性氣外有本然之性諸儒擬議之過也正道湮塞邪說橫行多由於在上之勢致之漢先武好圖讖故當時諱侯之流順風趣附遂使道之所妄強以爲真命之所無的以爲有鄭興賈逵以扶同貴顯桓譚尹敏以乖忤淪

棄世乎貴賤窮通之際守義求道堅而不回者幾何人哉中人小生攝於時威孰能違之而況寡超明之鑒者乎卒使天下後世詭聖不經姦政壞俗厥誰之咎哉

性與道合則爲善性與道乖則爲惡是故性出於氣而主乎氣道出於性而約乎性

程子曰待人有道不疑而已孔子猶欲以先覺爲賢然則不疑未能盡耶曰不疑足矣覺而疑之與逆詐億不信均一損德也覺而反已以弭外侵乃得之疑則益其怨況自爲心害

慎書卷上

八

乎

君子成人之美天道也故光大正直小人壞人之善鬼道也故陰險讒邪

迂儒強執不識古今之宜鄙儒依阿不顧國家之計俗儒淺陋不達治忽之機皆不堪委任探察意外者蔽生之端虛明自照者明出之度聖人酌時審義自命出處餘人則隨世各安其所逢外誘之厄不炤者多矣

誠以當大任義以御萬事無欲以清心志宰相之職盡矣

不直截語道而字鑒以求通并誠以成心乎不
曾熔於道而強執以求辯其蔽於私心乎此
二心者學道之大病也雖然杜其偏倚則私
心可亡學至於成心則習識堅固本心當學
而不舍雖賢者猶不能辯其惑而況愚不肖
之無識乎故習識害道

非吾性分所有皆外物已君子尊德性故得喪
重乎內重乎內則善日長小人恣情欲故得
喪重乎外重乎外則惡日長是故觀人者觀
其所重而君子小人可知矣

慎言卷十一

九

慎言卷之十一

慎言卷之十三

門生蜀人焦維章

後學長洲姚厚校

文王篇 九十八章

文王既没文不在茲乎孔子何以文為王子曰
夫文也者道之器實之華也六經之所陳者
皆實行之著無非道之所寓矣故無文則不
足以昭示來世而聖蘊莫之睹尚書政也易
神也詩性情也春秋法也禮教也聖人之蘊
不於斯可睹乎是故學於六經而能行之則
為實反而能言之則為華斯於聖蘊幾矣是
文也者道也非徒言也此仲尼之慕於文王
者也

慎言卷十一

十

洪範經世之大法也五行者六府之義也其利
民之生不可已者乎謂之行者流通而為世
用也此治陳焉生無所賴矣大法安所施
故五行修治於地平之時而九疇以錫禹
謂之天者神之也五行舉其體用示民則也
非五行家之說也五事示人君當修德也八
政國有所事示當舉也五紀示民時當守也

皇極君道建極爲民之則也三德示君當以經權爲臣也稽神道設教也其所由來遠矣庶徵示君德當驗之天也五福六極示民之休戚由君政之臧否也嗟乎由是舉之治世之要其備矣乎五行利民八疇之本言民用足而後政可興也首之者其箕子之心乎通貫諸疇傳以休咎漢儒邪誣之論乎後儒信之習染之深乎吾爲箕子嗟嗟焉

變質成性觀書之遜學善善惡惡觀詩之無邪禮嚴而法恕觀春秋之公安天地遂人物觀

俱書卷三

二

禮之敬妙感應成變化觀易之神神也者學之極致也夫

家宰以九式之職論王之用度非有制也用以養人主之心

河出圖洛出書羲皇因之以畫卦若曰本於天地之神理也西狩獲麟孔子絕筆於春秋若曰符此天地之文明也故圖書者聖人以此爲始麟者聖人以此爲終洛書以易言

易者聖人教民之書也筮者神其道民信也善者吉不善凶理自然也苟不善焉筮之何益

勢有所輒時不可爲也時不我與爲之何益謂之利貞貞吉貞凶貞厲微乎深哉決疑而已得乎

或問禮樂曰序也和也舍是不足以成化矣鍾鼓琴瑟干戚羽籥簫篪豆簠簋玉帛牲醴禮樂之物也待其人者也非本也曰先王禮樂成化之象何如曰大道之隱也久矣予惡乎以見之竊嘗考之矣禮行而志定尊卑上下親疎貴賤各安其常分而不亂諸侯四夷安其職而守疆土其極也陰陽順軌而天地位焉

俱書卷三

三

樂行而情達君臣和於朝卿大夫和於位羣士和於職庶人和於野盜賊姦宄不興而夷狄安於四鄙四時平而萬物亨焉吁此堯舜三王之大物也予惡乎以見之

國風王化之大率也七月培養之深乎二南發越之盛乎周人德之所由遠矣哉小雅西周之典禮也成王周公之盛久矣而不可復也振振乎其民之思乎漆漆乎民之怨不可釋乎幽厲愧於繼述矣大雅西周之紀綱也其三王之極治乎終之以婦人奄人小人焉言

紀綱之所由壞也夫斯人也近君而善惑者也示紀綱之壞自近始也周頌受命之所自乎其道熙熙其德穆穆其功不不其化蕩蕩仰之而愈高也遠之而愈親也其文武之聖澤乎商之德業悠悠大哉成湯聖智武丁不嫌焉雖遇五伯之專七雄之橫不能乘其弱也其一代之全盛乎魯侵王頌且僭樂焉伯禽之荒也宜若可刊矣其要仲尼之義乎

六經之道仲尼刪述焉博而有要閎而愈精施之天下中庸廣遠萬世不可易也禮亡而記

禮書

四

作說者曰漢儒駁集不可據信是則然矣要善用之亦不害其為學也非子贛之問我也不知仲尼之祭之無容也非賓牟賈之問我也不知武王之武遲且久也

古之樂也朴今之樂也文古之樂也淡今之樂也淫日趨於變然也咏嘆淫液大武已悅之矣鄭衛安得而不繁乎天魔羽衣安得而不靡嫚乎堯舜之不能蕢桴土鼓則三代之不能咸韶也後世之樂宜乎日下雖然聖有作者可以反之節淫哇平隸殺本人心安靜之

氣調之以中和之律亦可以和神祇衍幽明矣

樂也者存乎道者也抑揚節奏之妙存乎聰明而為之也安靜和暢之體存乎實德而象之也兩階之干羽前徒之倒戈揖遜之雍容駟伐之猛厲不俟觀乎韶武而知之矣故道之所由行而樂之所由成也

春秋書災異而不言事應聖人之微其辭乎曰據時書事可以見物理之變爾談災應則多誣聖人不誣人孰謂其辭之微

禮書

五

或問禮曰同姓從宗合族屬異姓主名理際會從母為絕屬族父之妻當從族父之際會乎王子曰禮非是之謂也謂小宗五世之內言之也其曰其夫屬乎父道者妻皆母道也其天屬乎子道者妻皆婦道也謂本宗九族之屬論也蓋異姓之女來嫁我者其在彼黨豈無親屬尊卑之別乎使從其外之親則法亂而名乖非道也是故皆從吾之族而理之其際會在父道者皆母名也在子道者皆婦名也異姓之親皆掩之由是觀之宗法之理內

者不亦斬然乎六世親盡在族父無服矣其
際會之名與庸姓一問耳不得以疎屬奪母
骨肉之親也從母之服安可以際會掩之
母黨不二服重所自出也爲繼母黨袒免以喪
之可也爲前母之黨亦知之義不可已也母
出猶爲其黨服以母子無絕道也

繼母持父服終去隨親子比之繼母嫁何如曰
嫁則義絕去就親子亦人情也况持父服既
終於夫無絕道其繼子安得以絕待之乎曰
何以服曰生子以嫁母期繼子以如母三年

儀禮

六

可也曰何以葬曰先夫義絕穴不得同也反
而附於後夫禮也親子必欲配父是于禮犯
義自汙其親者也

易書詩儀禮春秋論語聖人之純也萬世人道
之衡準乎孟子荀子持仲尼之論明仁義者
也孟之言也閔大高明其究也近聖荀之言
也蕪衍無緒其究也離詭開洛之學似孟子
程伯子淳粹高明從容於道其論得聖人之
中正上也閔越之學篤信先哲美矣而泛探
博取詮釋未真要之猶有可議次也

堯以二女妻舜達禮乎聖人何安之王子曰鴻
荒之世猶夫禽獸也唐虞之際男女有別而
禮制尚濶也殷人五世之外許婚周人娶婦
而姪娣往媵以今觀之犯禮傷教甚矣當時
聖人不以爲非安於時制之常故爾是故男
女之道在古尚踈于今爲密禮緣仁義以漸
而美者也以是望於堯舜者謂之不知時
作樂者才識聰明則無節奏之亂心性和平則
無聲調之戾韶武之所以盡美由此道也故
七音和調節奏中度者在人不在樂在聲不

儀禮

七

在辭

言卷之十二

慎言卷之十三

門生蜀人焦維章

後學長洲姚厚校

魯兩生篇 九二十八章

魯兩生不行何如王子曰其志高其見迂曰何謂也曰漢承秦敝禮樂崩委非其時也叔孫生瑣瑣希世非其人也拒而不與孰如其高禮樂者齊世貶我制之民化之通百王而不易者也一日缺禮樂則民不肖之心生不肖之心生弑父與君無不爲也故有國者不可

慎言卷之十三

遲而俟者也必積德百年而後興則聖人之沒也久矣不亦迂乎哉

正蒙橫渠之實學也致知本於精思力行本於守禮精思故達天而不疑守禮故知化而有漸

顏子在陋巷不改其樂孔子蔬食飲水樂在其中顏子問爲邦孔子告以四代禮樂門人未嘗有告之者此所謂惟我與爾有是夫也孔子微服過宋素患難行乎患難也人不可測權吾身吾道之輕重爾故微服天之意夫子

則知之故曰桓魋其如子何

扣馬而諫全君臣之義前徒何戈者不害其爲弔民伐罪之師象喜亦喜樂兄弟之天罪人斯得者不失其爲赤烏凡几之德是故伯夷大舜常道也武王周公變也義有輕重聖人取其義之大者以爲天下安故武王周公亦不害其常焉孟子曰諸侯危社稷則變置夫一國之主臣下可得而易置之義之重在社稷爾

慎言卷之十三

文王事商武王伐紂其心若是班乎王子曰君臣之際要諸義聖人之心要之安無所逃而樂天者安於義者也起而弔伐以康世者義之變例也變則駭於常也焉得安由是而安非人之本心也是安與否文武之所由判也德之所以至者在是乎善之所未盡者在是乎烏得而班諸曰天與之人歸之文王於斯時也亦豈得而辭曰吾不爲天孰與乎吾不行入孰歸乎商之子孫千億天盡絕之耶微子箕子非聖賢之才耶殷墟之民豈盡頑耶故君之義云爾斯文王之心也是故竊負而

逃三讓而遁扣馬諫伐以服事殷者吾則服其道而敬其心湯武革命順乎天而應乎人者吾則嘉其功而取其志曰其道一者吾未之知也

周公負扆以天下之重在己也二叔以殷叛危國義當誅也東征自當其難恐他人非心也亦非力也制禮作樂求太平也歸政而猶留之不以天下爲無事慎終也武王成王之際非公焉周之業岌岌乎不可爲矣

管仲五伯之盛者也以救世言孔子不得不與

傳卷三

三

其功以學道言孟子不得不鄙其志

伯姬適宋而三國往媵春秋譏之猶夫國君也管仲三歸甚矣內嬖六女姑姊妹不嫁桓也孰爲正之書曰后德惟臣不德惟臣信哉孔明出師祁山拔衆而歸不忍赤子被忠義之禍也江黃遠不能庇齊桓貪而受之二國之威桓致之也焉得仁

乘其機者易爲功機無可乘雖聖人且難之季孫叔孫之強權力自由非孟氏之班也仲由倡隳都之議蓋爲三家強幹弱枝之謀不獨

計公室云爾南蒯侯犯負固以叛此乘其所惡而惡之故邱費不言而隳公歛處父方籍強固以敗陽虎而孟孫以爲功矣安得信而從之魯雖致兵且奈何哉邾之弗隳機不由也

或問嚴君平龐德公鄭子真蘇雲卿隱者乎曰真隱也何名聞於世曰行成矣足以及物矣身雖遜避聞烏得辭王孺仲郭林宗何如曰霸也取其子之鄙秦也交於晉申心或未之忘者與

傳卷三

四

或言許仲平仕元非義也然乎曰吾聞之君子云忘君事讐非義也以夷變夏非道也仲平有一於是乎世爲金人長於元域久矣隔絕于宋也無君臣之分矣守孔孟之道崇程朱之學中原倫義賴之不隳厥功偉哉不能盡變其俗者勢不能也非心也一髮千鈞之力非可以成敗論者謂之非義可乎且夫元主中國皆其臣也遁而不爲用得乎哉不能遁而死於義何居蔽於大道之觀也已仲尼聖者也於道爲至不沮抑於子西仲尼其變荆

楚乎仲平之出處可以概矣吳幼清宋貢士也國亡而仕元不於故君之義有垂乎貸而不之非何哉

古之大臣有國不有己人之論已也則曰彼心之爲國也於我奚讐是與非不計焉斯人之果賢亦因其才而用之語曰其心休休保我子孫黎民其斯人與范文正之再用呂祖以天下之議已也取其悔過可矣休休之臣要亦終有愧焉者

方遜學忠之過者與要亦自激之甚致之忘身

傳卷三

五

殉國一也從容就死不其善耶激而至於覆宗義固得矣如仁孝何哉輕重失宜聖人豈爲之文山國亡被執數年而後就死人孰非之哉

狄梁公事周何如曰犯義君臣之義間不容髮非可待者也曰返中宗非功乎曰幸也使廬陵未復而公死武曌不改以狂圖公將爲唐臣乎哉

溫公變熙寧之法何如曰惡其人並疾其法亦甚矣介甫固執者也法豈無可取者乎願後

以便江南保甲以省兵費經義以崇經學存之以益治可也因之以明至公亦可也識不達其幾卒使紹聖以爲口實惜哉

白圭治生之術然乎曰趨時射利丹也貨之徒也治生者養生也非富其貨者也顏子負郭之田十畝郊外之田三十畝曰回可以自給矣此治生者也趨時射利丹也貨之徒也

申鳴趙苞徐庶敵執其親同也而處之異何如

曰白公國賊鳴主兵者義不得周於親也庶周旋玄德非迫大難可以去而全母也鮮卑

傳卷三

六

寇鈔非爭城危主之敵也苞遽進戰何居緩戰以圖生其母可也

沈約人倫師表史氏之妄言也袖中之詔其篡賊之尤乎君臣人道之大倫利已而禍主表乎賊乎涕泣於文惠之婢其良心之發乎懷情不露雖衍亦疑之矣惜乎丁公之誅不加也

蹇夏二楊諸公何如曰法語有之天下寧無魏公之忠亮不可無君臣之義

于蕭愍何如曰子獨不見楚人執宋襄宋人立

曰夷乎楚謂宋人曰不與而國乃殺而君宋人曰賴社稷之靈吾國已有君矣曰不幾於棄襄公乎曰時也社稷爲重君爲輕國有政不可一日弗攝置君以攝之大計也可以與權矣曰目夷終不取之何如曰斯人也非乘時微利者賢矣惜乎肅愍之不過目夷也命矣夫

或問周文襄曰濟務達變南服之紀焉計儲而民思之不置何也曰弘羊權利劉晏通商皆取無入有以民益國者民不與怨足矣公也

金鑑卷三

七

以稅之贏餘充民之他賦上杜科擾之害下享安業之樂民烏乎不悅之及稽羨餘之刻也括而歸之官民之他賦自供也又烏乎不思之

或問薛文清曰潛心聖賢急於踐履純儒也讀書錄何如曰信者之循輒也聞所未發者鮮矣

或問陳克菴曰節行振世羅一峰曰學術衛道請折諸聖曰由士賢充之也仁爲已任死而後已者乎由彝正充之也行一不義殺一不

辜得天下而不爲者乎

歐陽永叔欲自擬韓子故以韓擬孟子嗟乎孔孟志在天下後世先自治而治人者也退之悠悠戲弄然乎謂佛骨表近之茲諫官之疏爾謂原道近之茲文字之偶合爾可以槩之哉是故論人者當本之實學擬人者當覈於素履

驪姬譖太子申生知之乎曰謀久國人已危之太子烏乎不知士蔦狐突欲其逃矣餐之偏玦之缺失之以不全矣太子亦曰蠲諸焉避

金鑑卷三

八

之太子惡乎不知曰知之何及於殆曰夫智之爲用也攝物裁變酌中成德雖大難可圖也吾聞之寡智而專於仁則不忍爲溺愛不達爲阿順執義爲小廉守諒爲曲信大患遠圖則遲貳而不決太子之謂也安不及於殆讓以悅親之心逃以成親之慈遂以紆已之危秦伯之亡德也太子惡足以知之遁也全父子之親執與守死而陷父於滅子之不仁生而明之恐傷其心孰與死而彰其變內之惡君子曰太子恭也恭而愚

揚王孫僕葬子之犯禮可知予曰猶未
也莊周論烏鵲之食則蕩然矣夫生已不返
矣葬之備不備何益聖人豈無周之心哉而
必盡其禮者治世之道也故禮所以約其仁
也約其義也約其忠與孝也忠孝仁義所以
約天下之心也是故仁孝之俗成則人惻怛
而不遺其親忠義之俗成則人激烈而不忘
其君由之萬物樂天而生正命而死聖人之
道術不亦神乎惡乎過於禮者風俗之敝僭
侈之所賊也治其太甚可也矯之而滅禮是
惡駢而則指不亦傷乎哉故聖人儉不棄禮

不傷卷五

九

慎言卷之十三

慎言十三卷 衍聖公孔昭
煥家藏本

明王廷相撰廷相字子衡儀封人宏治壬戌進士
官至兵部尚書事迹具明史本傳是編前有嘉靖
丁亥自序稱仰觀俯察驗幽核明有會於心即記
於冊二十餘年言積數萬類分爲十三篇附諸集
以藏於家又論諸儒之失有曰擬議過貪則援取
必廣性靈弗神則詮擇失精由是旁涉九流淫及
緯術卒使牽合附會之妄以迷乎聖人中庸之軌
云云持論大抵不詭於正然以擬議過貪詆諸儒
故罕考羣言以性靈弗神詆諸儒故多憑臆見甚
至併五行分屬四時亦以爲必無之理則愈辨而
愈僞矣本傳稱廷相博學好議論以經術稱於星
厯輿圖樂律河圖洛書及周程朱張之書皆有所
論駁然其說頗乖僻良得其實云

後渠庸書一卷

〔明〕崔銑撰

北京圖書館藏明萬曆刻百陵學山本

附《四庫全書總目·後渠庸書一卷》提要

後渠庸書一卷

涇野崔銑子鍾

圖象繁而易荒矣小序廢而詩蕪且淺矣左氏輕而春秋虛矣喜新變古君子無樂乎斯焉爾

諸子賊乎文者也六朝賊乎詩者也無與忘賊乎學者也夫芻豢天下之至美也王公食蕡則以為大美味莊也列也佛也申也韓也沈也謝也宋賢闢而廢之矣今獵之而為奇珍之以為真眩視發聞六經又晦矣哉

士之好高也有三欲焉一曰匪二曰與三曰便夫不事事則中之真偽混矣非匿乎迹奇取慕事常取忽

學

後渠庸書卷

一

張號

非譽乎玄則人莫測也高則人莫階也然後操從由已非便乎然久則不可掩夫子示學曰主忠信而已矣

尤而後慎言悔而後理行末之及已寒而索裘不亦晚乎亂而親賢不亦茫乎易曰緇有衣袽既緇而猶有袽恐或匱也寒其遠諸

治而必亂者人也長而必消者天也人至逸而便者莫踰於坐臥坐久息立臥久息興故易窮則變變則通且久治亂者人回天者道易曰緇有衣袽美帛曰緇敝絮曰袽緇轉為袽衰代盛矣噫可不戒乎

厭魏微而貞觀怠矣疏宋璟而天寶兆矣夫治與亂猶人之行與止也不止則行二者弗可兼用已故君子戒讜終其身戒則升於治讜則推其亂易曰繻有衣袽言勿以新繒而棄舊袽也矣亂之有

虞帝之德不可加已末而征苗苗胡逆命乎夫夷狄猶禽鳥也人而踐禽鳥之居而弋之其不奮翼而逃去者鮮矣夫聲人之罪是自章其德也以德相較不幾於元乎因益班師修文德已而不見苗之有罪也安得而不服哉

學口

《纂言》卷

二

張號

得陰而行陰得陽而靈若曰陰陽一氣爾人死而魂魄離者何居

或曰周正改時與月乎曰改予嘗思之矣有至理存焉春夏陽也陽生於子而極於巳秋冬陰也陰生於午而極於亥夫行夏之時夫子之議禮也春王正月夫子紀事之文也禮有因革事無增損是非兼存裁之在人若曰夫子截其冬而首春則弑君變古者何以易其文也

耶律晉卿之諫猗許平仲之興學劉夢吉之不仕夷元三儒而已矣方希直之志李時勉之直薛德溫之

清王公度之不折明四臣而已矣

二南正家也變風化於國也雅則天下之化焉頌以事神學成而應見矣故曰惟仁人為能享帝惟孝子為能享親仁且孝德之備也魯頌著其僭也商頌存古也詩斯終矣

宋人之說古事也多以其意億之始猶昭然也習之久遂若真者誣矣哉

或曰二南之名義何也曰周召地名也南樂名也取明盛之義也一曰夏當文王時周公少且武王在焉未必使之為政成王幼而後周公攝政也

學山

《纂言》卷

二

張號

大賞數世斯亂矣大獄興國斯亡矣人慕賞則幸有事獄廣逮則濫及者衆樂禍憐民不仁矣恃哉

問忠恕曰盡心於恕為忠恩有殺禮有等當其分不數以疏忠之事也故以德報怨非忠矣量已恕人非恕矣夫子嘗語曾子矣而恐其易之故又曰吾道一以貫之一者忠恕是也後人欲高其論而達斯義也其未然乎

河圖洛書之文緯書載之五行相生且相克也術家之言也夫子述伏羲之作易自仰觀以下凡六事非特取於二圖而已其詳不得而聞也能明八卦之義

斯可矣陳氏希夷所謂索隱行恠者與不可通於易也已

程伯淳得仁之公者也程正叔得仁之正者也張子厚得仁之勇者也司馬君實得仁之質者也

得理多者存乎讀書得理速者存乎辨得理深者存乎思得理實者存乎行

主哉夫子之教也使人事事而道存焉孟子曰學問之道求其放心而已矣條目不具奚以求心故曰居處恭執事敬與人忠出門如見大賓使民如承大祭其存心之方乎夫心火屬也火麗物而後有形心宰

聖口

入居庸言卷

四

張號

事而後有造異端之言異焉曰靜則心定而理自見無待乎學矣是猶舍耒耜而言耕也不能是非學者之所患也學之患有三曰輕曰疏曰弱輕之失殆疏之失終弱之失廢

問曰頤子之樂可得聞乎答曰古人以盡倫為樂瞽更底豫舜之樂也兄弟既翕周公之樂也若曰風月之懷花柳之興萬物同體天地為侶斯後人之衍言母乃誕乎

問曰傳曰幽贊於神明而生蓍舊訓奚答曰蓍者策也非指在地之草蓍龜皆聖人所立占事之名天

生百物聖人相宜立器以周民用是故刻木為書鑄金成鼎截竹作律取蒿為蓍著天地一闢廢物露生則著已出矣至今與廢草同茂奚待聖人之贊乎

監司患兵政之廢問於崔子答曰毋以政為慮必也擇人乎今世胄之子養而不學惟其養也故專賄惟其不學也故迷稍有異者不便於僚胥相陷以訟株連百人必歷歲而誣乃白故署如傳舍象如驛符旬更二人者有矣事誰與治是故先掄其才次定其任誨其不及而需其成宥其小失而絕其罔任事而人思奮時久而務益諳其少有濟乎

聖山

入居庸言卷

五

張號

友人有倅郡者崔子告之曰君知政乎夫子曰政者正也學正斯可以言正人矣是故脩容治度齊其外也審幾守一正其中也誦經履實滿其量也辨詞考迹驗其真也飲束含畜養其有也是故明則容直則溫斷則審

崔子謂唐監司曰刑欲其審不欲深令欲其簡不欲煩未化而責民善則民怠未孚而責民從則民疑怠以刑去疑以議定則殘擾之害生焉故四馬未調不可言御六物未具不可言漁同行而僻止者化也同令而行興者孚也是故化無刑孚無令

卷止

後渠庸書一卷

編修程晉
芳家藏本

明崔銑撰銑有讀易餘言已著錄此其筆記之文如論春王正月爲周正幽贊於神明而生蓍爲用策論易不本於先天圖在今日爲已定之論在明人則爲卓識矣又曰圖象繁而易荒矣小序廢而詩蕪且淺矣左氏輕而春秋虛矣喜新變古君子無樂乎斯焉耳又曰宋人之說古事也多以其意億之始猶昭然也習之久遂若真者誣矣哉尤講學家所諱不肯言者銑獨不巧言回護亦絕無門戶之私然諸條皆見所作士真中殆後人摘抄爲立此名曹溶不及詳核誤收入學海類編耳

楊子折衷六卷

〔明〕湛若水撰

浙江省圖書館藏明嘉靖刻本

附《四庫全書總目·楊子折衷六卷》提要

楊子折衷序

子曰道之不行也知者過之道之不明也賢者之過也知言其索隱究理之不可知也賢言其苦節行人之所難能也務其所不可知則妄誕售倡其所難能則詭異以視近必疎履以友豈非達之斯民者也聖人憂之而因葬以訓中若夫操紫亂朱鼓僞喪真此不待教而放之矣昔魏尚浮華晉崇清談中華失道而夷據之姚興佞其胡神譯其文梁衍惑於因果習其法達磨曹溪論轉切徑宋大慧授之張子詔其徒得光又授之陸子靜楊簡者子靜之徒也衍說詡章益無忌憚苟不當意雖聖亦斥未久皆絕不傳近年忽梓其書崇尚之者乃陋程朱已朽之物重爲道靈彼何人哉整庵公闢陸楊之謬渭厓之於陸甘泉之於楊則篇摘而緩數之不賴三公中華又其夷乎銃嘗觀楊氏之書其旨二曰心卽道曰滅意其援儒一曰心之精神是謂聖挾三者之非而其書不足辯也惟天爲虛有形皆實虛之所包無盡形之所納有限是故園中窻外其方盈寸心之含廣明居之圓徹靈覺斯之謂心以涵一理而應萬事此無形上與大虛其竅流通而無間渾爲一體理卽性也喜怒哀樂

其實也仁義其德也性發爲道民共由之謂心卽道可乎人之閑居不善心之染也見君子而著其善性不泯也珠潤汚濁其光自耀夫心之注擬曰志其營謀曰意志直而意歧皆心也無志曷爲志以道寧意以道正心而無意其將爲槁木乎孟子曰心之官則思此天之與我者也子思問於孔子曰物有形類事有真僞審之奚由于曰由乎心心之精神是謂聖推數究理不以物疑蓋言心之妙用無不通也故無不推也能通者神所通者理豈如楊氏之言哉楊子之父曰承奉者遇事不亂聞盜不懼蓋習於禪定者一

家之學思以易天下而服儒衣稱儒名乃借聖言之似者文之單詞片句不審通指改頭換面說向儒家大慧之教然也湛子之辯曰何思何慮在乎致一不識不知在乎順則無聲無臭言乎天載斯言也學有的進有地終有止夫縱意者衆人也誠意者君子也無意者聖人也無之云者不以我也一也則也天之載也舜之作歌康哉豫矣欽哉之秉自如文王伐密赫赫怒矣穆穆之容固篤學者拾級升階積步入室水到渠成匪聚行潦乃其凌高獵遠暗億襲取顧左陷右等非實地譬之卽空而見花不食而覺飽是病

也彼楊子者攻課試以取官窮籍典以博識白功相之寃爭儒臣之貶周迎使之儀畫宜民之政發慮構規非意孰尸之輕詆古賢過予所好任同異爲取舍逐取舍爲喜怒斯其卽心是道者邪克其類則夫子所謂一言喪邦師心自作近於起滅天地然則楊子之無意其請自道乎蓋無誠意也

嘉靖己亥冬十二月丙寅相臺崔銑仲鳧甫書于金陵官舍

讀崔公后渠敘楊子折衷

或曰以心之精神謂聖此楊子立命處也以非聖

之言而悞後學者也后渠公之敘美矣高矣而不辨其非則如攻賊者不破其巢穴也何居曰崔公急於辨其有知無行尚明照而遺推究也故不暇他辨爲也猶孟子急於辨舜憂喜之真僞而不暇乎護蓋入宮之辨之非實也於文蓋亦有之矣然則何以知非孔子之言曰以精神而不以中正則予既理辨之詳矣請益焉曰孔子之訓見於論語二十篇者未嘗有此義也鯉之死也早及於夫子之在也云六歲後從學於曾子曾子之父皙及孔門參則後進及又後參傳言子思之作中庸也

甚少必在祖歿之後乎祖孫未有同時作述者焉
知子思之幼能此問乎夫子必驟語此乎今觀中
庸無此語之義之類也又可以知孔叢子載夫子
語子思之僞也况又考其時而知之也
嘉靖庚子正月廿三日甘泉若水書

錄楊子折衷序

吾師甘泉先生之宰南都也每退食必燕坐時亭坐
次有慈湖楊子遺書觀焉然懼其過於高而戾於正
也因折之以歸於中每卷終輒出以示譽譽奉而讀
之亦每撫卷而竊嘆曰大哉聖人之道乎不墮空寂
不落方體是可以觀中正之準矣確哉先生之辨乎
析於毫釐凜於鈇鉞是可以觀取舍之極矣至哉先
生之心乎愛生人則憂憂來學則憂是可以觀救世
之志矣夫準立則道不忒極立則學不謬道不忒者
道原於天合自然之準非先生爲之也先生無與也
學不謬者學以希天入自然之門非先生爲之也先
生無與也愛生人來學者之好徑欲速反以自戕以
害先聖之教非先生爲之也先生無與也是可以觀
先生之有憂憂人之憂矣是可以觀先生之憂非得
已矣因條節而謹錄之釐爲六卷將以廣其傳以救
世焉先生折衷甫畢而是錄亦完然譽猶不能無懼
焉懼夫天下之觀是錄者或不亮先生以天下之公
心辨天下之公理而以公諸天下之同是心者而非
以爲厲也以爲厲也則戚矣謹僭書于簡端
嘉靖己亥孟秋朔日門人永豐劉谷頓首謹書

楊子折衷引

資政大夫南京吏部尚書前國子祭酒翰林侍讀同脩

國史增城湛若水撰

或曰象山禪也辭而擯之宜也甘泉子曰象山非禪也然而高矣西樵公曰如是如是甘泉子曰象山非禪也然而高矣其流必至於禪矣伯夷之清柳下惠之和非隘不恭也率其清和而流焉則必至於隘不恭矣是故君子之學貴中正也或曰楊慈湖象山弟子也而高過於象山於是衆皆趨焉甘泉子曰象山高矣然而來禪今日慈湖高過於象山是何言歟是

何學歟

何學歟其得爲中正歟其得不爲禪歟昔者箬溪顧子自江右寓新刻於南都焉曰此象山入室弟子也甘泉子開卷閱之則復之曰信斯言也是累象山者也然而吾得其肯綮矣吾得其肯綮矣曰心之精神是謂聖以爲孔子之言也一編之宗指不外是焉然而非孔子之言也外家者之流也夫心之精神人皆有之然必得其精神之中正乃可以語道而遽以精神爲聖則牛馬之奔奔昆蟲之欣欣凡知覺運動者皆可謂曰聖矣如蠢動含靈皆可謂曰佛性矣而可乎故知非孔子之言也箬溪子報書曰子之言是矣

又曰慈湖於聖則用其言而不用其意於禪則用其意而不用其言此何心也曰子之言是矣數年之間其說盛行如熾吾爲此懼開先聖之道不得已而爲之辯也吾懼此說行而天下皆以氣爲性也吾懼此說行而天下皆不知道也皆不知學也皆援古先聖王之指以入於夷狄也爲作楊子折衷或謂孔子予欲無言子何言焉則應之者曰孟子之學先知言故曰詖淫邪遁之辭恐其蔽陷離窮乎我心也又曰我亦欲正人心息邪說詎詖行放淫辭以承三聖者予豈好辯哉予不得已也孟子何言焉是故學者能知不好辯之心不得已之心與欲無言之心則於道心其幾矣於聖學其幾矣

楊子折衷

下

楊子折衷卷之一

門人

至道在心奚必遠求人心自善自正無邪自廣大自神明自無所不通孔子曰至道無邪自廣大自神明自無所不通精神是謂聖孟子曰仁人心也變化云爲興觀羣怨孰非是心孰非是正人心本正起而爲意而後昏

慈湖立命全在心之精神一句元非孔子之言乃異教宗指也不起而爲意便是寂滅

溫州楊某深信人性皆善皆可以爲堯舜特動乎意則昏日用平常實直之心無非大道

慈湖既以爲人性皆善人皆可以爲堯舜是矣却又

楊子折衷卷之一

以爲特動乎意則昏何耶天道常運人心常生蓋性者心之生理也生理故活潑潑地何嘗不動動則爲意但一寂一感莫非實理故性不分動靜理無動靜故也今以動意卽非是認堯舜人性是死硬的物矣可謂知道知性乎

孔子曰人者天地之心又曰心之精神是謂聖孟子曰每道性善又曰仁人心也大哉斯言啓萬世人心所自有之靈人孰不愛敬其親有不愛敬其親者非人也人孰不知徐行後長者不後於長者非人也此人心所自有也不學而能也不慮而知

也心之精神是謂聖果如吾聖人之言也其有不然者非其心之罪也惟民生厚因物有遷感於物而昏也心之精神無方無體至靜而虛明有變化而無營爲禹曰安女止明其本靜止也舜曰道心明此心卽道也

此數語如魚目之混明珠有真有僞有正有邪擇焉而不精語焉而不詳非知言之學也差之毫釐謬以十里也舜曰道心明心卽道也則舜曰人心而謂此心卽人可乎

楊子折衷卷之一

二

孔子曰吾未能見其過而內自訟者今見其人矣先公有焉仲兄有焉某親見先公自悔自怨至於泣下至於自拳如是者數數仲兄亦深入其趣嘗告某曰吾今而後知古訓所謂內自訟者予有過實自訟是以內訟名齋亦如今之國學有齋曰自訟有大過則居焉士耻之而仲兄樂之者深入其趣也大哉改過之道乎有過而憚改者不能自訟也惟賢者爲能自訟惟賢者爲能改過

既以自訟爲是而又以動意爲非自訟非動意乎人心活的自做搞木死灰不得也故佛者欲靜不得終日強制終日動意故名心猿意馬若勿忘勿助時靜

時動莫非自然何等灑落

四明楊某爲浙西撫屬淳熙十一年八月朔既領事而僦宅隘陋外高中卑無宴息之所客至不可留不可以奉親偶得在官僧屋于寶蓮山之巔帥君雅禮士爲更其居又使其惟意規摹之乃創書室于高爽之地東江湖雲山千里幽人騷士來其上無不曰奇曰壯哉快哉

其曰惟意規摹之又知于高爽之地又稱曰奇曰壯曰快非動意乎是知天地未嘗一時而不運行人心未嘗一息而不生生感應也安得不動雖慈湖說不

動亦即動也除死乃不動耳故佛者終日學死

昔曾皙暮春沂水之詠學者熟視不見泰山之形格也請書詠春以銘堂又請專明其旨予曰入而事親其旨也出而事君其旨也兄而友弟而恭其旨也夫婦之別其旨也朋友之信其旨也其視其聽其旨也其言其動其旨也儆戒兢業其旨也喜怒哀樂其旨也思慮詳曲切至其旨也春秋冬夏風雨霜露其旨也風霆流形庶物露生其旨也如是專明可謂至明白至詳盡或者猶疑焉予又曰其疑者亦是旨也樂哉是旨曾皙曰暮春者春服

既成冠者五六人童子六七十人浴乎沂風乎舞雩

詠而歸也他日恪又請銘其堂之東房曰時齋唐

虞而上道之名未著惟曰時堯曰疇咨若時時是

也以不可得而名姑曰如是又詠春之旨也請銘

其西房曰勿齋凡動乎意皆害道凡意皆易孔子

曰毋意毋必毋固毋我意之狀大槩無踰斯四者

入斯室者能寂然不動如天地乎則無庸服是藥

矣又請銘其東院曰熙光光如日月之光無思無

爲而萬物畢照易曰知光大也又曰篤實輝光又

曰動靜不失其時其道光明又曰君子之光緝熙

斯道不動乎意熙和而理亦詠春之旨也其左曰

昭融昭明融一卽熙光其右曰脩永脩其未末而

無息者熙熙光卽昭融卽詠春之旨又其別室曰

喜哉舜作歌曰股肱喜哉斯喜不可思也曰止所

易曰止其所止也斯止非止斯所無所是謂止得其

所皆詠春之旨也斯止非難無勞興意斯止非遠

無勞索至斯止在筆端光照天地

一篇皆禪之宗旨而一一文之以聖人之言人徒見

其與聖人之言同而不知其實與聖人之言異差之

毫釐謬以千里也佛者每援毋意必固我之說以自

附殊不知意必固我皆人欲之私是可無也彼乃以一切意誠心正皆宜無之非誣聖人之言乎胡康侯謂五峯曰佛者與聖人句句合字字是然而不同五峯問既曰合曰是又如何又說不同康侯曰於此看得破許你具一隻眼康侯可謂卓有所見矣

人皆有此驅融之光而不自知今夫目視耳聽手持足行口言心思自備五常若親忠孝兄弟第良天婦倡從賓主迎將應酬交錯不可勝窮而其實澄然寂然變化孔彰斯妙也自古謂之心又謂之神孔子曰心之精神是謂聖此心無體虛明洞照

學案卷三

五

如鑑萬象畢見其中而無所藏惟動乎意則始昏作奸作惡物我樊牆是非短長或探索幽遐究源委徹淵底愈乖張故孔子諄諄曰毋意毋必毋固毋我所以箴學者之膏肓斂其霧露出其昭明融一之光

此議已見前章惟曰此心無體即不識心既曰無體又焉有用昭昭而不可欺感之而能應者何物乎從游三千獨曰顏子好學日至月至者不與何謂至至止也書曰安女止良性寂然清明而不動自知自信自清自明自寂自止雖萬變萬化交擾參

錯而實無所動故曰至又曰止至矣止矣何以學為吁本心雖明故習尚熟微蔽尚有意明藥即與道違道不我違我自違道有我無我無違有我斯動無我則無動我本無我意立而成我日至之外猶有違意起而動故也月至則益熟矣月至之外猶有違亦意起而動故也至於顏子三月不違益精益一三月而往猶微有違不遠而復純一如故不動如故變化云為皜皜精白是謂時習而悅之學是謂文王之德之純是謂惟精惟一允執厥中是謂吾道一以貫之是謂天下萬世生民

學案卷三

六

自有之性

此皆以聖賢之格言文自己之邪說所謂句句合字字是然而不同若看得破許你具一隻眼者此類也且其言止不言動言寂不言感言清明而不言清明之體大道之實無間於清濁昭昭而不可欺感之而能應不知何故豈得為知道乎且謂所學者何事所習者何事為何而能悅其文自有先後而乃合學時習悅而言之亦異於聖人之言矣獨日至月至先得我心之同然又不知所至者何事何物又以至為止也亦引入彼之說也不亦異乎

某行年七十有八日夜兢兢一無所知曷以稱塞
欽惟舜曰道心非心外復有道德特無所不通之
稱孔子語子思曰心之精神是謂聖聖亦無所不
通之名人皆有此心此心未嘗不聖精神無體質
無際畔無所不在無所不通易曰範圍天地果足
以範圍之也中庸曰發育萬物果皆心之所發育
也百姓日用此心之妙而不自知孩提之童無不
知愛其親及長無不知敬其兄愛親曰孝敬兄曰
弟以此心事君曰忠以此心事長曰順以此心與
朋友交曰信其敬曰禮其和曰樂其覺曰知故曰
知及之所覺至於純明曰仁言此心直而不支離
曰德其有義所當行不可移奪曰義名謂紛紛如
耳目口鼻手足之不同而一人也如根幹枝葉華
實之不同而一木也此心之虛明廣大無所不通
如此而孔子曰學而時習之謂其時時而習又曰
思而不學則殆何也此心本無過動於意斯有過
意動於聲色故有過意動於貨利故有過意動於
物我故有過千失萬過皆由意動而生故孔子每
每戒學者毋意毋必毋固毋我意態無越斯四者
故每每止絕學者

此段亦猶前說而又謂精神無體是聖道無體也何
以有作用
道心大同人自區別人心自善人心自靈人心自
明人心即神人心即道安睹乖殊聖賢非有餘愚
鄙非不足何以證其然人皆有惻隱之心皆有羞
惡之心皆有恭敬之心皆有是非之心惻隱仁羞
惡義恭敬禮是非知仁義禮知愚夫愚婦咸有之
奚獨聖人有之人人皆與堯舜禹湯文武周公孔
子同人人皆與天地同又何以證其然人心非氣
血非形體廣大無際變化無方倏焉而視又倏焉
而聽倏焉而言又倏焉而動倏焉而至千里之外
又倏焉而窮九霄之上不疾而速不行而至非神
乎不與天地同乎
首數句詞氣正與檀經何其自性數言相類其引人
皆有惻隱之心等語乃接儒入釋者也其倏焉而視
數語乃以知覺運動為性為道也豈不謬哉
天有四時春秋冬夏風雨霜露無非擊磬也地載
神氣神氣風霆風霆流形庶物露生無非擊磬也
君尊臣卑父慈子孝兄愛弟敬夫婦別長幼順朋
友信無非擊磬也目之視耳之聽心之思慮口之

言四體之運動無非擊磬也子曰二三子以我爲
隱乎吾無隱乎爾吾無行而不與二三子者是皆
擊磬之旨也

此是佛家擊磬以警動人心宗旨何足以知聖人之
心使慈湖在當時聞之則止於警動其心而已又豈
如荷簣者於擊磬聲中知孔子不忘天下之心乎

孔子曰心之精神是謂聖既聖矣何俟乎復清之
孟子曰勿正心謂夫人心未始不正無俟乎復正
之此心虛明無體精神四達至靈至明是非非
云爲變化能事親能事君上能從兄能友弟能與

變換卷之

十

朋友交能汎應而曲當不學而能不慮而知未嘗
不清明何俟乎復清之清心卽正心正心孟子之
所戒也而後人復違其教何也易上繫曰聖人洗
心大學曰先正其心故後學因之不察夫上繫之
洗心大學之正心皆非孔子之言也下繫子曰之
下某二十有八而覺三十有一而又覺覺此心清
明虛朗斷斷乎無過失過失皆起乎意不動乎意
證然虛明過失何從而有某深信此心之自清明
自無所不通斷斷乎無俟乎復清之於本虛本明
無所不通之中而起清之意千失萬過朋然而

至矣甚可畏也

若如此說不俟清之正之然則易大學謂之洗謂之
正皆非矣教與學皆可無矣敢於非古聖人之言得
罪名教大矣夫不欲動意故不信誠意之說正心之
說尚未曉程明道謂韓持國曰道不在克卻不是持
國事持國佛者也故其道何用克之說與慈湖同

思如此不思則不如此非求也未非思之所可及
也而必曰思者思夫不可得而思也者斯求也未
非思之所可及也思而忽覺覺非思也斯求也未
子曰天下何思何慮謂此也曰毋意謂此也曰吾

變換卷之

十

有知乎哉無知也謂此也

謂思夫不可得而思也者斯求也非動意乎是索隱
也又謂聖人無知便是死灰了且其言自相矛盾矣
人有聖賢之異道無聖賢之異孔子曰心之精神
是謂聖此心初無聖賢庸愚之間百姓日用此心
之妙而不自知禹曰安女止本之不動文王緝熙
敬止卽不動孔子爲之不厭堂未覺而爲哉亦緝
熙敬止知及之後觀過精微用力於仁守也如鑑
中象交錯紛然而虛明未嘗有動也

此猶前之說慈湖意只以不動爲體爲止而不知循

其全體之自然流行各止其所者之爲不動也又以孔子爲之不厭爲已覺而爲飽惑於老佛無爲之說而不知聖人之爲無所造作非無爲也異乎老佛之無爲也可類悟其辨易仁者見之謂之仁知者見之謂之知百姓日用又不知故君子之道鮮矣仁知之偏日用之不察皆以爲道何謂精何謂一

孔子曰屬辭比事春秋教也屬辭比事而不亂則深於春秋者矣天有四時春秋秋冬夏風雨霜露無非教也地載神氣神氣風霆風霆流形庶物露生無非教也某不勝起敬而贊之曰大哉聖言者庭

楊氏卷之二

十一

以屬辭比事爲職辭不勝其繁事不勝其夥何以不亂亂生於意意生紛然意如雲氣能障太虛之清明能蔽日月之光明舜曰道心明心卽道動乎意則爲人心孔子曰心之精神是謂聖而每戒學者毋意毋必毋固毋我意態萬殊而大槩無踰斯四者聖人深知意之害道也甚故諄諄止絕學者屬辭比事及天有四時等語皆非孔子之言又以意譬雲以心譬太虛日月則心與意二物三物矣不知心與意卽一物也本體爲心動念爲意一感一應其能寂滅乎明心卽道辯見前千言萬語只是此意鑄

千萬錯

時者道之異名堯典曰疇咨若時時是音之訛也是卽此也古未有道之名惟曰是舜命禹始曰道心明此無所不通之心後世去古寢遠不曰時而曰道此道所以不明於天下也道不可思不可名舜曰若不在時此時卽後世所謂道而不曰道後世於心之外復求道不知此心虛明廣大無際畔範圍天地發育萬物卽道也孔子生於衰世不得不隨世而言而曰改而止謂改過卽止無容他求又曰心之精神是謂聖學者起意他求則戒之曰毋意又曰哀樂相生不可見不可聞而可意可求乎

楊氏卷之二

十二

時者道之別名一句近之但又以時爲此爲是而混同於若不在時之時又云過改卽止而卒歸於無起意而不知聖人之戒毋意謂妄意也誠意之意謂本意也慈湖於名義看皆不精品題皆未當而妄以已意改聖人之名理又謂上古言時不言道二典三謨之前無書可考何以見其不言道言道後世所以不明者卽舜言道心所以明道未見其爲不明大抵慈湖只主張指心爲道而不知天命之謂性性者在心

率性之謂道道者路之名發於事爲道豈可混也大抵是禪之宗指陷溺學者豈不可惜

子告舜曰安女止女謂舜也言舜心本靜止惟安焉而已奚獨舜

欽厥止厥猶女也至舉天下古今人心皆

然故孔子曰於止知其所止於止本止也大學曰知止而後有定定而後能靜靜而後能安此非聖人之言也此以意爲之故有四者之序不起乎意融明濁惡觀四者夫人皆有此止而不自知也

此未知止爲止之理卽至善言之亦禪宗戒定慧之

學聖學上

三

定乃虛定也虛止也知止最深知止卽得有許多節次者言其自然之勢也

伯正是心可以通天地貫古今孔子曰心之精神是謂聖又曰夫孝天之經地之義孝友一也孝弟之至通于神明光于四海無所不通伯正皆有是心是心皆具是聖今伯正又能兢兢防謹於未然其無能復措其辭卽兢兢無怠無荒而伯仲日用皆中庸之妙矣

千言萬語只是被心之精神一句誤了

先聖曰知及之仁不能守之雖得之必失之知者

覺之始仁者覺之純不覺不足以言知覺雖非思之所及而猶未精一精一而後可以言仁孔門覺者無幾

此近徑速之說未能精焉能知一

經禮三百曲禮三千皆吾心所自有於父母自然孝於兄弟自然友恭於夫婦自然親敬於朋友自然信出而事君自竭忠與賓客交際自然敬其在鄉黨自謙恭其在宗廟朝廷自敬復者復吾所自有之禮非外取也禮廢樂壞逾二千載學者率求禮於外先聖特曰復所以鍼二千載之膏肓發人

學聖學上

四

心之所自有周公謂以五禮防萬民之僞記亦曰著誠去僞深戒夫人徒徇其文爲而不由中也此段何等說得粗理雖人人自有然私欲蔽之非學無以復其本體若如此說則人人便是聖人又何須學連楊子亦不須講學矣禮者理也理無內外

禹告舜曰安女止謂舜本靜止不動安之無動乎意孔子曰心之精神是謂聖人皆有是心心未嘗不聖虛明無所不照如日月之光無思無爲而萬物畢照視聽言動皆變化而未嘗動乎意其有不安焉者動乎意也舜聖人而禹猶致戒而況於後

世學者乎安非意也不動之謂安孔子曰時習者安也曰用力於仁者安也安曰非思非爲是謂真爲舜曰惟精惟一者常精明不昏純一而無間即安也堯安安文王之德之純一也

如此云者必若槁木死灰而後可克其說也然則大學之誠意皆非歟蓋止非靜止之止乃至善之極所謂天理也慈湖元不識天理徒紛紛主其僻見之說以誣聖經

孔子曰默而識之學而不厭又曰予欲無言又曰吾有知乎哉無知也聖語昭然而學者領聖人之

佛行要義二

十五

旨者在孔門已甚無幾而況於後學乎比來覺者何其多也覺非言語心思所及季思已覺矣汨於事而昏孔子曰心之精神是謂聖謂季思之心已聖何不信聖訓而復疑皆不復致問季思以默識矣季思平平守此默然即聖即不厭之學即喜怒哀樂之妙即天地四時變化之妙即先聖默識之妙

比來覺者之多多於孔門豈有此理乃一時幾盡於禪矣又云平平守默然即聖即不厭之學云豈援聖學功夫入於禪乎

子思曰天地之道其爲物不貳則其生物不測孔子曰地載神氣神氣風霆風霆流形庶物露生無非教也又曰吾道一以貫之皆所以明著至神之道無不通貫也

地載神氣等語決非孔子之言乃不知道者妄言也夫神氣非有方所包貫天地何云地載是天地之氣二也

皋陶曰慎厥身修思來來久也古者未有道之名堯曰疇咨若時登庸時是也此也若順也言乎能順是者將登用之舜亦曰惟時惟幾惟此爲幾也

佛行要義二

十六

至舜授禹始曰道心皋陶曰求亦名夫求末悠久即所謂時而實無名道若大路然舜特謂夫無所不通之心至於通乎意則倚矣礙矣窒矣非通也故曰人心

皋陶全在慎字既慎而求末得其道不能慎則猖狂自肆雖長寂滅亦非道矣慎者無過不及

人皆有是心是心皆虛明無體無體則無際畔天地萬物盡在吾虛明無體之中變化萬狀而吾虛明無體者常一也百姓日用此虛明無體之妙而不自知也

無體矣安有用是徒知見者之爲體而不知不見者之爲體也百姓日用不知安觀本體說得何等草

楊子折衷卷之一

楊子折衷卷之一

十七

楊子折衷卷之二

某嘗讀大戴所記孔子之言謂忠信爲大道某不勝喜樂某不勝喜樂樂其深切著明某自總角承先大夫訓迪已知天下無他事惟有此道而已矣窮高深究年三十有一於富陽簿舍雙明閣下侍象山先生坐問答之間某忽覺某心清明澄然無畔又有不疾而速不行而至之神此心乃我所自有未始有間斷於是知舜曰道心明心卽道孟子曰仁人心也其旨同孔子又曰心之精神是謂聖某知人人本心皆與堯舜禹湯文武周公孔子同得聖人之言以證以告學子謂吾心卽道不可更求

楊子折衷卷之二

一

忠信爲大道一句便差了下文以得之又得何物明心卽道一句又差了上文人心惟危又指何心之心精神一句已辯在前

孔子曰主忠信謂忠信卽主本渡河丈人亦曰吾之入於波流忠信而已其出也亦忠信而已孔子使二子識之烏乎至哉卽吾與人忠不妄語之心卽道矣丈人當日之言未必果曰忠信往往曰吾出入於波流吾心如是而已無說也無術也

吾之入也如是而入其出也如是而出世以如是而往實直無偽謂之忠信忠信措吾軀是波流之中而不敢用其私焉故能入又能出也

認錯主字渡河丈人乃佛老之言安得滑稽如馮夷娶婦者使慈湖出入河流試看

孔子曰主忠信諸儒未有知其旨者蓋意謂忠信淺者爾非道舍淺而求深離近而求遠置忠信於道之外不知道一而已矣忠信即道何淺何深何近何遠又有學者知忠信不可淺求遂深求之推廣其意高妙其說謂忠信必不止於不妄語而已

學聖卷下

二

吁其謬哉舍不妄語何以爲道人心即道故書曰道心此心無體清明無際直心而發爲事親爲從兄爲事長上爲夫婦爲朋友仕則事君臨民

謂人心即道何以有人心惟危道心惟微之說且心發於五倫亦有中正不中正中正爲道不中正即非道安可槩謂之道

人之心本自靜止也喜怒哀樂變化云爲如四時之錯行如日月之代明其事親名曰孝其從兄名曰弟其恭敬曰禮其羞惡曰義其是是非非曰智其雖千變萬化而常明曰仁百姓日用而不知不

省庸常正平之心即道離心求外去道反遠殊可惜也千尤萬過皆生於離心而起意謂之安女止謂之忠信謂之篤敬謂之時習之學謂之中庸子思謂之至誠夫忠信即誠實而已矣殆不必加至之一字加至一字則是於平常誠實之外有又至焉者無乃不可乎是猶未信百姓日用之即道以靜止說心而不知心常動變非識心者也百姓日用即道辯見前

學聖卷下

三

惟自信本心之虛明無限際天者吾之高明地者吾之博厚日月四時吾之變化萬物吾之散殊而後自信吾之事親即天之經地之義吾之忠信即天下之大道而非有未至焉者而後信孔子曰吾道一以貫之而曾子謂之忠恕忠即忠信恕即恕物先儒乃曰忠譬如流而不息恕譬如萬物散殊是猶未信忠信寬恕之即道未信忠信寬恕自廣大通融故爲是譬喻推廣之說

此看得太潦草了慈湖心極粗性極輕率故敢措大以天地四時萬物皆其所有如佛者山河天地之說于你何事孝弟忠信皆其自有無有不至者便敢於非古聖賢之言之教率天下之人廢學而亂天下者

必自慈湖始矣

忠信之心無精粗無本末無內外無所不通但微起意卽失之矣

不起意卽是禪寂也卽是死的忠信而非活的忠信也

人心自明人心自靈意起我立必固礙塞始喪其明始失其靈孔子與門弟從容問答其諄諄告戒止絕學者之病大畧有四曰意曰必曰固曰我門弟子有一于此聖人必止絕之母者止絕之辭知夫人皆有至靈至明廣大聖智之性不假外求不

楊子集卷之十一

四

由外得自本自根自神自明微生意焉故蔽之有必焉蔽之有固焉故蔽之有我焉故蔽之昏蔽之端盡由於此故每隨其病之所形而止絕之曰母如此母如此聖人不能以道與人能去人之蔽爾

絕四之說先得我心之同然然四者既絕卽廓然太公天理流行矣不知天理流行猶是寂滅猶是死的四絕

直翁見告以居處恭至難且求其說某曰直翁恭愿其察之也父豈直翁燕居亦不敢申申天天邪

觀聖言當通其道恭言大槩至燕居申申天天非不恭也始直翁求之過也

看申申天天太容易了慈湖心何等率易也

日本俊徭律師請言于宋朝者楊子楊子舉聖人之言而告之曰心之精神是謂聖此心虛明無體象廣大無際量日用云爲虛靈變化實不曾動不曾靜不曾生不曾死而人謂之動謂之靜謂之生謂之死晝夜常光明起意則昏則非

既曰不曾動又曰不曾靜既曰不曾生又曰不曾死是遁詞也

楊子集卷之十一

五

孔子又嘗告子張以言忠信行篤敬立見其參於前在與見其倚於衡所見者何狀耶每每念曰此忠信篤敬忠信之時心無他意篤敬之時心亦無他意所見非意象昭明有融蕩蕩平庸學者往往率起意求說不思聖人每每戒學者毋意

參前倚衡不思何物而曰何狀而求之昭明有融蕩蕩平庸終無實體忠信篤敬非意而何是好的意也非母意之意也

元度所自有本自全成何假更求視聽言動不學而能惻隱羞耻恭敬是非隨感輒應不待昭告

視聽言動不學而能一接便錯若如此說是運水搬柴無非佛性矣

具位楊某敢釋某于至聖文宣王某觀戴德所記先聖謂忠信大道某不勝其喜且慰以某自幼而學壯而始覺覺此心澄然虛明無體廣大無際日用云爲無非變化乃卽日用平常實直之心卽大道而不敢輕以語人懼其不孚且笑侮及觀戴德所記聖言以爲證曰乃今可以告學者矣學者因是多覺此先聖如天之大惠布流四方益惠諸後茲分教東嘉又將以告東嘉人士當有覺者覺者

學業卷三

六

自覺覺非外取卽日用平常實直之心事親自孝事君自忠於夫婦自別於長幼自序於朋友自信日用萬變無適而不上當天心下合人心此先聖如天之大惠言之不可盡質頌之不可盡者也既以忠信卽大道則下文所謂得之失之者何物幾於侮聖人之言矣且君臣父子夫婦長幼朋友之間心中正卽便不實便皆以爲道可乎毫釐之差便爲悖教得罪聖人可不謹乎

祇惟夢奠兩楹垂光萬世天有四時春秋冬夏風雨霜露孰非先聖之教地載神氣神氣風霆風霆

流形庶物露生孰非先聖之教道不遠人人之爲道而遠人心之精神是謂聖聖訓昭明某覺此篤信此茲分教東嘉將以此告東嘉人士以平常日用卽大道惟毋動意立知如興雲氣自翳其光明當有覺者某內外親故二十年來亦多覺者亦盛矣敢告

以非聖之言告聖人真誣聖人哉壞人心術反謂有覺

某洪惟先聖之道廣大昭明無所不包統無所不貫通在天爲乾在地爲坤在日月爲明在四時爲

學業卷三

七

變通在萬物爲生在某爲心心者某之所自有而先聖之道在焉實廣大實昭明實無所不包貫順而達之萬善畢隨反而離之百非斯集某敢不敬養敬保以敬事先聖寡過誠難況於某又況於爲令之邑必有謬差惟神明惠相之

以已心便謂是天地日月四時萬物亦恐欺也惟有謬差祈神惠相之尚有此意念也

某所以獲執弟子之禮于先生門下四方莫不聞矣某所以獲執弟子之禮于先生門下四方實未之知豈惟四方之士未之知雖前乎此千萬世之

已往後乎此千萬世之未來盈天地兩間皆高識
深智之士竭意悉慮窮日夜之力亦將莫知又豈
惟盡古今與後世高識深智之士莫能知雖某亦
不能自知壬辰之歲富春之簿解雙明閣之下某
本心問先生舉凌晨之扇訟是非之答實觸某機
此四方之所知至於卽扇訟之是非乃有澄然之
清瑩然之明匪思匪爲某實有之無今昔之間無
須臾之離簡易和平變化云爲不疾而速不行而
至莫知其鄉莫窮其涯此豈惟某獨有之舉天下
之人皆有之爲惻隱爲羞耻爲恭敬爲是非可以

楊子全集卷之二

八

事親可以事君可以事長可以與朋友交可以行
於妻子可以與上可以臨民天以是覆而高地以
是厚而卑日月以是照臨四時以是通變鬼神以
是靈萬物以是生是雖可言而不可議可省而不
可思孔子曰吾有知乎哉無知也文王順帝之則
亦自不識不知況於某乎況於四方之士乎故聖
人遏絕學者之意以有意則有知遏絕學者之必
以有必則有知遏絕學者之固以有固則有知遏
絕學者之我以有我則有知愈知愈離愈思愈遠
道不遠人人之知道而遠人不可以知道不知猶

遠而況於知乎故夫先生平日之論非學者之所
知非某之所知雖然先生之道亦既昭昭矣何俟
乎知仰觀乎上先生確然示人易矣俯察乎下先
生隤然示人簡矣垂象著明者先生之著明寒暑
變化者先生之變化書者先生之政事詩者先生
之詠歌禮者先生之節文春秋者先生之是非易
者先生之變化學者之所日誦百姓之所日用何
俟乎復知何俟乎復思勿思勿知不可度思矧可
射思今先生釋然而化矣又豈學者之所知某聞
先生之計慟哭既絕而復續續而又絕絕而又復

楊子全集卷之二

九

續不敢傷生微聲竟哭亟欲奔赴病質岌岌度不
可支循循歷事荒政方殷今也畧定氣血微強矧
聞襄大事之有期求檄以來庸暢中腸之悲一奠
祖行薦以辭先生之道不可思此哀亦不可思
一篇虛誇之語象山之心恐亦非安也而云聖人之
心無知尤大害道

先生之道至矣大矣某安得而知之惟某主富陽
簿時攝事臨安府中始承教於先生及返富陽又
獲從容待誨偶一夕某發本心之問先生舉是日
扇訟是非以答某忽省此心之清明忽省此心之

無始末忽省此心之無所不通某雖凡下不足以識先生而於是亦知先生之心非口說所能贊述所畧可得而言者日月之明先生之明也四時之變化先生之變化也天地之廣大先生之廣大也鬼神之不可測先生之不可測也欲盡言之雖窮萬古不可得而盡也雖然先生之心與萬古之人心一貫無二致學者不可自棄

此等語亦是虛誇自非大人上聖安得與天地合德日月合明雖本體則然全體未復安能及此

舜曰道心明心即道動乎意則爲人心孔子語子

楊子集卷三

十一

思曰心之精神是謂聖孟子亦曰仁人心也心可言而不可思孔子知聞弟子必多以孔子爲有知明告之曰吾有知乎哉無知也知即思又曰天下何思何慮周公仰而思之夜以繼日即思非思孔子臨事而懼好謀而成即懼非懼即謀非謀如鑑之照大小美惡往來差錯且有而實無日月之光萬物畢照入松穿竹歷歷皎皎而日月無思

都是種種之說已辯在前慈湖主張不動意不用思及不懼至於周公仰思孔子臨事而懼好謀而成說不去了又云即思非思即懼非懼即謀非謀是遁詞

也惟有中思出謀戒懼最的當

人心自正人心自善孩提之童無不知愛其親及長無不知敬其兄不學而能不慮而知人皆有惻隱之心皆有羞惡之心皆有恭敬之心皆有是非之心孔子語子思曰心之精神是謂聖人人皆與堯舜禹湯文武周公孔子同人心非血氣非形體精神廣大無際畔範圍天地發育萬物何獨聖人有之人皆有之時有古今道無古今形有古今心無古今百姓日用此心之妙而不自知以其意動而有過故不自知孔子曰改而止謂學者改過即

楊子集卷三

十一

止無起意無適無莫蒙以養之孔子曰吾有知乎哉無知也文王不識不知孔子每每戒學者毋意意態有四必固我皆意也如蒙如愚以養其正作聖之功

辨已見前如蒙如愚以養其正須知正者何物中庸以聰明睿知達天德若愚蒙的正是寂滅也安達天德

吾之日用何如哉如東山之曉色蒼茫無際不可攬取其間雲氣隱見陽輝粲發霞舒金錦愈變而愈奇雲拖玉龍出沒天矯千萬峯羣翠之間可觀

可駭而須臾忽化千態萬狀莫繪莫畫又如江上之秋光清光爽明若甚近也而不可執若遠也而不可追而及清露濡之霜月爛之而無所損無所益又如松間之溪聲泠泠其鳴其音甚清然可以聽而聞而不得夫音之形此正是彷彿渺浩冥昧氣象皆是想像中來乃幻心也而以為得不亦悞乎

此道元來卽是心人人拋卻去求深不知求卻翻成外若是吾心底用尋

雖不用尋亦自常放此覓心了不得之說

楊子新義卷三

十一

誰省吾心卽是仁荷他先哲爲人深分明說了猶疑在更問如何是本心

豈以知覺運動之心卽爲仁乎孟子仁人心也須善看

若問如何是此心能思能索又能尋汝心底用他人說只是尋常用底心

尋常用的須分邪正

此心用處沒蹤由擬待思量是討愁但只事親兼事長只如此去莫回頭

事親事長之心不得其中正卽非道思量討愁卽五

祖纔商量着便不中用

可笑禪流錯用心或思或罷兩道尋窮年費殺精神後陷入泥塗轉轉深

禪者正不用思量止不費精神慈湖恐是操戈入室心裏虛明著太空乾坤日月總包籠從來箇片閑田地難定西南與北東

虛明之中卽有實理何謂太空乎

莫將愛敬復雕鑄一片真純幸自全待得將心去鈎索旋栽荆棘向芝田

愛敬卽是天理自然何能雕鑄何假雕鑄

楊子新義卷三

十三

勿認胷中一團氣一團氣裏空無地既空何地更何義此無廣狹無一二

胷中本體何曾有氣有氣非本體矣

回心三月不違仁已後元曾小失真一片雪花輕著水冥冥不復省漓醇

顏子三月後只念頭稍有不善便覺便了無形亦何謂小失非如雪花著水有形跡也

有心切勿去鈎玄鈎得玄來在外邊何似罷休依本分孝慈忠信乃天然此天然處不亦妙費盡思量卻不到有時父召急趨前不覺不知造淵奧此

時合勒承認狀從古癡頑何不曉

父召惡趨時若心不存不中不正亦百姓日用不知行之而不著習矣而不察何云便是道且有時如此未必人人時時如此所以要學成之

曩疑先聖嗇於言何不明明細細傳今醒從前都錯認更加詳後即紛然

恐有人更鑄錯也

詩癡正自不煩功只爲英才輒墮市今日已成風俗後後生箇箇入樊籠

吾所大憂者不在此耳

楊龜山

古一

慈谿慈湖孝名美即天之經地之義子思不知萬物我發育推與聖人自固蔽已自固蔽禍猶小固蔽後學禍甚大孔子沒近二千年未有一人指其愆汨汨昏昏到今日所幸慈湖却不然灼見子思孟子病同源

敢爲異說亂教禍後學乃自道也

大哉孔聖之言哀樂相生不可見傾耳聽之不可聞不見乃真見不聞乃真聞子夏雖曰敢不承實莫之承終於昏誤認有子爲師道曾子覺雖小而悟孔聖之皜皜濯之暴之覺之虧即濯即暴無不

妙子思孟子亦近之惜乎卜易其言多害

道二子名聲滿天其卡者何其少滋惑後學

何時了安得朝家專主孔聖言盡削異說明大道比一二年覺者寢寢多幾二百人其天乎

不識子思孟子亦不識孔子矣其言詞氣狂妄自恣所有可知一二十年所謂覺者都被慈湖惑了

三以天下讓先聖謂至德某也拜廟下太息三辭不難知泰伯無人識胡爲無得稱萬象妙無極或

曰泰伯之神無形體何故言象又曰萬通大道者匪有匪無象即無萬即一一即萬尚不可思而可

楊龜山

五

言乎即無言天地內外皆泰伯人實見之而不識異說荒唐

處處青山人不識步步踏着此巖石妙妙妙不可言可惜可惜大可惜

道理平常用何誇誇此即石頭路滑之說

曾將大手挽恒河引得龍來地起波何待硯池藏滴水工夫曾不費揩磨

凡此皆佛偈語也

父母生子身身是父母箇如何却言我言我大不可

太籠統了金藤尔之許我有何不可父母食飯子能飽乎

燕語鶯啼杏壇春色爲甚無人領畧又添箇山青水綠是多多少少明明白白對面不識方且蕩然放逸不亦文辭雕琢聖人道君子不必相與言但示以禮樂禮樂無言莫穿鑿一味融融無窮靜樂步步行行皆妙用言言句句俱寂寞舜曰道心明心卽道百姓日用不知不覺從學者再三勤勤有請也只不可說着

三千三百無一而非性也心者道之大原心有邪正

楊子折衷卷之三

太

道有君子小人

門人江都葛潤刻在新泉精舍

楊子折衷卷之二

楊子折衷卷之三

門人新永黃國校

易者已也非有他也以易爲書書易爲已不可也以易爲天地之變化不以易爲天地之變化不可也天地我之天地變化我之變化非他物也私者裂之私者自小也包犧氏欲形容易是已不可得畫而爲一於戲是亦可以形容吾體之似矣又謂是雖足以形容吾體而吾體之中又有變化之殊焉又無以形容之畫而爲一一者吾之一也一者吾之一也可畫而不可言也可以默識而不可加知也一者吾之全也一者吾之分也全卽分也分

楊子折衷卷之三

卽全也

他人食飯已得無饑乎張皇張皇可默識卽知也知識豈有二聖人作易畫出道體使人體之其在書在天地一也

形則有大小道無大小德則有優劣道無優劣分德與道不同便已不識道德

旣不曰義又不曰用止曰時而已矣何以曰大矣哉此正以明天地無一物一事一時之非易學者溺於思慮不求其義聖人於願大過解革盡損義用止言其時而歎之曰大矣哉使學者無所求索

不容鉤深卽時而悟大哉之妙則事理一貫精粹一體孔子何思何慮文王不識不知信矣

何思何慮全在同歸一致上不識不知全在順帝之則上帝之則卽時卽天理也

汲古問易乾卦云君子學以聚之問以辨之寬以居之仁以行之先儒謂學聚問辨進德也寬居仁行脩業也此言如何先生曰學貴於博不博則偏則孤伯夷惟不博學雖至於聖而偏於清柳下惠惟不博學雖至於聖而僻於和學以聚之無所不學也大畜曰君子以多識前言往行語曰君子博

學彙卷三

二

學於文學必有疑疑必問欲辨明其實也辨而果得其實則何患不寬何患不仁

此段庶幾近之然既知學問思辨篤行如何常說不可動意常說無思可以推此曲暢旁通而悟其非矣坤六二直方大不習無不利直心而行卽易之道意起則支而入於邪矣直心而行雖遇萬變未嘗轉易是之謂方凡物圓則轉方則不轉方者特明不轉之義非於直之外又有方也夫道一而已矣言之不同初無二致是道甚大故曰大是道非學習之所能故曰不習無不利孟子曰人之所不學

而能省其良能也所不慮而知者其良知也習者勉強本有者奚俟乎習此雖人道卽地之道故曰地道光也光如日月之光無思無爲而無所不照不光明者必入於意必支而他必不直方大必昏必不利

此是死的方聖人之方活潑潑地道本不待習學而人不習學則不足以去私而全道習學非意乎中正之意不可無也

汲古問易蒙卦象曰君子以果行育德何以謂之果先生曰果者實之謂德性人之所自有不假於

學彙卷三

三

求順而行之無有不善有行實焉行虧則德昏矣德性無體本無所動本不磨滅如珠混沙而失其明如水不濁則性不失矣順本正之性而達之是謂果行所以育德

無體卽無用也謂德性無體便不識德性且珠與水豈無體乎

汲古問蒙何以養正先生曰蒙者不識不知以養正性

正性亦必須識得知得何云不識不知不識不知云者謂邪知邪識也

人所需待多動乎意非光也。光如日月之光，無思無爲而無所不照，此之謂道。此則人咸信之。故曰：「乎如此則得所需矣。」亨矣，得所需亨通，或放逸失正，故又曰：「貞乃吉。」亨與光與，正本非三事，以三言發明道心，一動乎意則不亨，不光不正謂之人，心故舜曰：「人心惟危。」

正意豈可無大學誠意何謂乎不動意是死灰也。

陽窮上剝盡矣而忽反下而復生，其來無階，其本無根，然則天地之心豈不昭然可見乎？天地之心卽道，卽易之道，卽人之心，卽天地卽萬物卽萬事。

楊氏卷五

四

卽萬理言之不盡，究之莫窮，視聽言動仁義禮智變化云爲，何始何終？一思既往，再思復生，思自何而來，思歸於何所？莫究其所，莫知其自，非天地之心乎？非道心乎？

以莫究莫知無階無根爲天地之心，卽未知天地之心，未知天地之心，卽未知仁卽未知道。

衆人見天下無非異，聖人見天下無非同。天地之間萬物紛擾，萬事雜併，實一物也，而人以爲天地也，萬物也，不可得而一也，不可得而一者，睽也。睽異也，故不可得而一者，衆人之常情而未始不

一者，聖人之獨見。非聖人獨立此見也。天地萬物之體自未始不一也。天下同歸而殊途，一致而百慮，惟人執其途而不知其歸，溺其慮而不知其致。夫是以見其末而不見其本，轉移於事物而不得其會通。聖人懼天下遂枯於此而不得返，故發其義於睽之象。夫天穹然而上，地隕然而下，可謂甚相絕。聖人則曰：「其事同也。」今攷天地之事，陽陰施生同於變化，同於造物，謂之同，猶無足甚疑。至於男女斷然不可以爲一人，聖人將以明未始不一之理，則亦有可指之機。曰：「其志未始不通也。」夫以

楊氏卷五

五

男女之不可以爲一人而今也，其志則通通則一，然則謂之一可也。又豈特男女之若可以說合者爲然？舉天下萬物如鳶之飛，至於戾天，魚之躍，乃不離於淵，孰知鳶之所以飛者，卽魚之所以躍者也。林木之喬，草之纖，短判然，則性之不同，而體質之殊絕也。孰知乎木之所以爲喬而聳者，卽草之所以纖而短者也。苟於此而猶有疑，則試原其始，木之未芽，草之未甲，米果有異於草，草果有異於木乎？天者吾之高，地者吾之博，厚男者吾之乾，女者吾之坤，萬物者吾心之散殊，一物也。一

物而數名謂之心亦謂之道亦謂之易聖人諄諄言之者欲使紛紛者約而歸乎此也

饒他通篇說一了終不及西銘理一而分殊也蓋知其渾然者而不知其就中有粲然者也毫釐之差也先生曰見善則遷有過則改當如風雷之疾如此則獲益也人誰無好善改過之心或有以爲難而不能遷改者患在於動意

動意亦惟動私意故改過遷善爲難若夫能誠意則意意念念皆天理卽至善也何改過之難乎

易曰艮其背不獲其身行其庭不見其人云云善

學蒙卷五

未

止者行善行者止知止而不知行實不知止知行而不知止實不知知行止之非二而未能一一皆當其時猶未爲光明人之精神盡在乎面不在乎背盡向乎前不向乎後凡此皆動乎意逐乎物失吾本有寂然不動之情故聖人教之曰艮其背使其面之所向耳目口鼻手足之所爲一如其背則得其道矣雖有應用交錯擾擾萬緒未始不寂然矣視聽言動心思曲折如天地之變化矣惟此爲良惟此爲止其所苟良其面雖止猶動知其動而剛止之終不止也惟艮其背則面如背前如後

動如靜寂然無我不獲其身雖行其庭與人交際實不見其人蓋吾本有寂然不動之性自是無思無爲如水鑑如日月光明四達靡所不照目雖視而不流於色耳雖聽而不留於聲照用如此雖謂之不獲其身不見其人可也水鑑之中萬象畢見而實無也萬變畢見而實虛也止得其所者言不失其本止也非果有所也

此正邪說誣民也何不於背後生耳目口鼻手足乎掩塞其前之耳目口鼻手足而能有知乎形色天性有物有則聖人之道也其耳目口鼻手足之氣無

學蒙卷五

七

尺寸之膚不相貫通則無尺寸之膚刺之而卽遍身皆痛也何可無乎易言背者狀所不見者也心乎耳聽目視口食鼻嗅手持足行而不役心於視食嗅持行者卽止卽背也乃是大手段也大抵慈湖有見於禪之無爲而無見於聖學之爲而未嘗爲舜禹有天下而不與者也且人心是活物如何與水鑑比不動終是小伎倆學者不可不知言

聖人治天下禁民爲非而已無他事也禮樂刑政一本諸此自子思孟子之言其失實者猶多而況於下焉者乎

妄議大賢未到他地位安能識他

少讀易大傳深愛無思也無爲也寂然不動感而遂通天下之故竊自念學道必造此妙及他日讀論語孔子哭顏淵至於慟從者曰子慟矣曰有慟乎則孔子自不知其爲慟殆非所謂無思無爲寂然不動者至於不自知則又幾於不清明懷疑於中往往一二十年及承教於象山陸先生間舉扇訟之是非忽覺簡心乃如此清明虛靈妙用汎應無不可者及後居妣氏喪哀慟切痛不可云喻既久畧省答裏正哀慟時乃亦寂然不動自然不自

學折衷卷三

知方悟孔子哭顏淵至於慟矣而不自知正合無思無爲之妙益信吾心有如此妙用哀苦至於如此其極乃其變化故易大傳又曰變化云爲不獨簡有此心舉天下萬古之人皆有此心

徒知援儒入墨而不知將孔子說壞了孔子豈過哀越禮而不自知者蓋以慈湖說聖人矣蓋聖人之哀顏子乃性情之正之常門人不及者視之以爲慟耳其實待諸子一般豈有厚薄觀請專爲柳一事可知汲古問形而上者謂之道形而下者謂之器道隨寓而有如何分上下先生曰此非孔子之言蓋道

卽器若器非道則道有不通處

不知此是未知形色天性也未知上下只是一個形是未知道也

易曰憧憧往來朋從爾思子曰天下何思何慮天下同歸而殊塗一致而百慮天下何思何慮至哉聖言實語也而自孔子以來至于今知之者寡同歸殊塗取喻爾非實有歸有塗也極上下四方之間古往今來萬物變化有無彼此皆一體也如人有耳目鼻口手足之不同而皆一人也自清濁分人指輕清而高者曰天於是靡然隨之曰天指重濁而卑者曰地於是又靡然從之曰地至于今莫之改而實一物也清陽濁陰二氣感化而爲日爲月爲風雨人物於是生皆一也曰彼曰此曰動曰靜曰有曰無皆是物也何以思爲何以慮爲一致爾人自有百慮故又申言曰天下何思何慮知理一而未知分殊連理一亦未識其所謂一亦是死的一

學折衷卷三

九

堯典帝曰疇咨若時登庸益稷帝庸作歌曰勅天之命惟時惟幾又曰庶頑譌說若不在時尚書率以時爲是蓋古語也堯典上無所承忽曰誰子嗟

故有誰是順者乎吾將登用之蓋時卽道也舜之
所以光天下者此也黎獻之所以有功者此也丹
朱友此也禹荒度土功用此也皋陶祗敘此也祖
考以此而來格羣后以此而德讓鳳凰因此而來
百獸以此而舞庶尹由此而諧勅正天命惟此而
已惟此爲幾謂爲庶政之幾蓋天地間惟有此道
而已三才萬化萬物萬事萬理皆不出此道得此
則吉則治失此則凶則亂唐虞君臣朝夕之所謀
謨經營無出此道是猶此也故當時相與詔告惟
曰時猶曰此也時卽道之異名此道非言意之所
能名後乃取道路無所不通人所共由之義初無
形體之可執至於曰時則尤不滯於言意妙哉時
之爲實也非大聖曷能爲是言易多曰此卽時
漆雕開亦曰吾斯之未能信是也是音之輕清者
謂道也古罕言道虞夏之際始間言之舜曰若不
在時又曰惟時惟幾皆所以言道道之爲言終不
若時之爲義渾然不分事理帝知若時者誠未易
得故問其次誰能順予事者采事也次問事則知
時道也

慈湖極聰明亦讀書極多但惜其先讀他書有得這

此意思後將聖賢之言皆就已意上說了且不知所
謂時所謂此者何物慈湖之說千篇一律又好多言
謂之不動意吾不信也

舜曰咨女二十有二人欽哉惟時亮天功夫舜所
以咨命四岳九官十二牧者孰不曰皆人爲之功
而舜論之曰欽哉惟時亮天功時是也亮信也是
天也非一付之自然而不爲也盡欽竭力惟無入
於意苟動於意卽私卽偏而非道心禮樂刑政一
入於人爲則違道違天卽可致患故書曰天敘有
典天秩有禮天命有德天討有罪箕子曰無有作
好遵玉之道無有作惡遵王之路王卽天又曰無
偏無黨無反無側箕子能辯之矣孟子曰禹之行
水也行其所無事也是謂帝則是謂帝載由乎此
則能懋勉則五品遜五刑明則直則清直而不溫
則失此寬而不栗則失此剛而虐則失此簡而傲
則失此讒說殄行皆失此讒說者似是而非之說
以其入乎意也殄行者大過殄絕之行以其入乎
意也

意得其中正者卽不私不偏未聞一切意皆可無無
則稿木死灰矣孔子所戒無意者謂不好的私意耳

如好惡安可無得惟作好作惡則私耳孟子先知言學者不可不知

書曰后克艱厥后臣克艱厥臣猗歟至哉此堯舜禹臯益相與講論之大旨而後世君臣往往下視此等語以爲特言其淺者耳特言其見爲臨政事者耳必別有妙者如惟精惟一允執厥中方可爲至論吁堯舜禹臯益有二心乎臨民出政時有一心窮深極微時又一心乎人有二心且不能以爲人而可以爲堯舜禹臯益乎精一之論卒於欽敬卒於敬脩謂欽敬敬脩又特言其淺者則有淺有

楊子學案卷之三

主一

深謂之一可乎益曰戒哉微戒無虞罔失法度罔遊于佚罔淫于樂又曰無怠無荒益益侮其君謂不足以語夫深者而姑以其淺者告乎臯陶謹厥身脩又曰無教逸欲又曰兢兢業業又曰同寅協恭何數聖人者無他奇謀偉論而諄諄惟以戒謹恐懼爲首語也於乎堯之所以爲堯舜之所以爲舜禹之所以爲禹臯陶益之所以爲臯陶益豈非以此心而已乎戒謹恐懼此心存乎放逸慢易此心存乎知放逸慢易心易失則戒謹恐懼此心之存可知矣惟得此心者方知此心之出入惟識此

心者方知此心之存不存

理無淺深遠近固不必言其敬謹兢業寅恭戒謹恐懼非意乎此便是好的意豈可謂一切不動意動心忍性何謂乎故天運行健而常動人心活潑而常動惟勿忘勿助之間則動而不動有誠意而無私意矣慈湖知言不精大抵類此

士大夫學術如此而遽議人主之難輔未可也道之不明也我知之矣道在邇而求諸遠事在易而求之難人心自善人心自明人心自神學士大夫既不自知已之心故亦不知人主之心舜禹之心

楊子學案卷之三

主一

卽是心已是心四海之所同萬古之所同克艱云者不放逸之謂也不放逸則不昏不昏則本善本明本神之心無所不通無所不治無所不化此道至易至簡

句句似是殊未覩易簡之體

簡自以爲能稽衆舍已從人矣每見他人多自用簡不敢自用亦簡自謂能舍已從人意謂如此言亦可矣一日偶觀大禹謨知舜以克艱稽衆舍已從人不虛無告不廢困窮惟帝堯能是是謂已不能也三復斯言不勝嘆息舜心冲虛不有已善雖

稽衆舍已亦自謂不能嗚呼聖矣舜豈不能稽衆
者豈不能舍已從人豈虛無告豈廢困窮無告常
人之所不敢虛困窮常人之所不忍廢而今也聖
人曰已不能嗚呼聖矣

聖賢之心愈進愈虛故子路人告之以有過則喜虛
也禹聞善言則拜大虛也大舜善與人同樂取於人
以爲善又大虛也聖人只是至虛至虛乃至實也慈
湖多少病痛便以爲能如此後覺其未然猶復以聖
以天自居何也爲其徒見空空地虛而未察見道體
之無窮也見道體之無窮則自不能不虛

楊子學案

古

懋哉者是勉其無動乎意以行其私也
侮聖言以附已私見多類此

汲古問舜欲觀古人之象命禹作服日月星辰山
龍華蟲繒之於衣宗彝藻火粉米黼黻繡之於裳
是爲十二章至周則升三辰旂而衣五章裳四章
是爲九章其取象增損不一而論多不同未明其
義先生曰象服十二章以舜之聖猶未盡明命禹
明之禹所明又不傳于後後學何敢遽言家語云
心服家職其義可明人心卽道神明廣大無所不
通日月星辰皆光明無思無爲而無有不照卽此

心之虛明光宅天下山以象靜止不動而發生庶
物龍以象變化不測而需澤博施由是心而發諸
禮樂政事煥乎其有文章則華蟲似矣清明
蕩蕩難名卽水之難於形容姑繡以藻則水可見
矣火之光照象此心之照用宗廟之葵尊以其行
道致孝米以養人而君心常惠乎不博粉而散之
則其廣惠及黼爲斧形鐵黑而刃白如此心之剛
斷柔而無剛亦足召亂半白半黑者卽天時之秋
冬地之西北二者之間乃乾之次合於天道非出
於人爲黼形兩已相背其色半黑半青北黑東青

楊子學案

辛

東北艮位萬物之所成終成始是爲冬春之際一
歲之分象此心之辯察是是非非也衣職如此豈
可不心服之服事也當從事乎斯道也

正見舜不自用處而云舜未盡明陋哉自人心卽道
以下逢人說這一套話可謂默識之學乎大抵皆是
附會臆說也而自以爲明於大舜矣可乎

舜曰庶頑讒說若不在時候以明之捷以記之此
微覺治之大速故禹有俞哉之言後曰無若丹朱
傲亦謂捷之遽微有傲忽庶頑之意意微起則浸
而至於慢遊至於傲虛其末流安知其不至於固

水行舟之類甚言之所以懼舜

如此等說便以為舜之傲慢微起意便至於罔水行舟之類固哉其為書也

帝堯光宅天下之光如日月之光無思無為寂然不動而自足以默化天下之民自足以默安天下之民文王之不識不知而德化自足以及廣者此光也易言聖人以神道設教而天下服者此光也謂之神者言乎其不可以智知不可以力為也然此非於聰明文思之外復有所謂光也堯之聰明文思非出於人為非由於造作耳不蔽於聲而自

傳家卷之三

未

聰目不蔽於色而自明聰自無所不聞明自無所不見使有中微有意有我則外物必得以蔽之惟其無意無我故虛故明故不得而蔽故無所不通文者自此而發有自然之文思者以此而思有自然之深智如四時之錯行如日月之代明無思無為而光被四表格于上下深悟孔子曰吾有知乎哉無知也則默悟乎此矣

此說得竟是虛應的光如佛說光耀耀地而不知下文許多實處如惇敘九族平章百姓協和萬邦及治曆明時以下等事皆實事也虛實同體既竭心思繼

之以不忍人之政有仁心仁聞必行先王之道且以無知為聖人正是禪宗

蕭韶九成何以能使鳳凰來儀擊石拊石何為能使百獸率舞庶尹允諧帝舜於是乎作歌曰惟是為幾幾微也動之微也是為感動之幾也猶機乎其發甚微其應甚速其道心之微乎其精一之神乎是幾也可言而不可見可以畧言而不可詳言欲知此幾即元首之起哉是也即股肱之喜哉是也即百工之熙哉是也是幾也為正為中為和為樂為治為熙為敬為欽為善為一皐陶所謂念哉

傳家卷之三

七

耆此也率作興事謹乃憲欽哉此也所謂屢省乃成者此也所謂明所謂良所謂康者此也所謂叢脞所謂情所謂隱者非此也

其以喜起熙為幾此即拈花豎拳之意

箕子曰思曰睿睿作聖孔子曰心之精神是謂聖孟子曰仁人心也後世學者率求道於心外不悟吾心之即道也故易大傳曰百姓日用而不知子思亦曰率性之謂道殆不必言率也性即心心即道道即聖聖即睿言其本謂之性言其精神思慮謂之心言其天下莫不共由於是謂之道者是物

也孩提皆知愛親及長皆知敬兄不學而能不慮
而知非聖乎人惟不自知故昏故愚孟子有存心
養性之說致學者多疑惑心與性之爲二此亦孟
子之疵

百姓日用不知本謂行習而不著察者也乃以不知
爲道何也在道卽不須言率在人則安得不率性者
心之生理故性字從心從生謂性卽心心卽道道卽
聖可謂混而無別試看中庸首三言何如是未知孔
門之學者

文王不大聲以色故曰穆穆緝者緝理於思爲微

楊子折衷卷之三

十九

細之間熙有理順之義緝熙者進退精微之謂進
德之實非思也非爲也惟可以言敬敬非思爲也
惟可以言止止非思爲也寂然不動感而遂通而
不屬於思爲所謂不識不知者此也安女止者此
也文王之所謂緝熙者緝熙此也惟不動乎意不
屬乎思爲故緝熙融釋猶雪之融於水猶雲之散
於大空其緝熙於思爲微細之間融釋於無思無
爲之妙如此豈不是美而可歎服哉故曰於惟其
道心不識不知故聲音不大形色亦不大而見爲
穆穆也

思無邪非思乎思曰睿九思非思乎正思豈可無惟
邪思不可有耳此卽寂滅之指

楊子折衷卷之三

楊子折衷卷之三

十九

楊子折衷卷之四

論春秋禮樂

王荆公敢廢古經而自是以亂天下觀慈湖以聖自處敢於非古聖賢之經訓若得荆公之權亂豈減荆公哉學者欲知言當精擇之生於其心害於其政發於其政害於其事聖人復起不易吾言矣

孔子曰天下何思何慮又曰汝神將守形形乃長生既諄諄言無物之妙而又曰守形陋矣又曰守形

此非孔子之言也守形之說乃老子言也截去同歸

楊子折衷

殊途一致自慮而獨言何思何慮便是佛老之說也不足辯也

毋不敬則常清常明儼然若有所思而非思也無思非冥然而昏如日月無所不照而非思也孔子不知老之將至皜皜乎不可尚已純然渾然即此妙也顏子三月不違仁即此妙也月至者終月如此日至者終日如此老子曰我獨怕兮其未兆未兆者念慮之未形也學者求斯須思慮暫止不能而老子能久持之曾子戰戰兢兢亦入此也

老子宗指豈可與孔顏曾子同日而語若有所思也

何謂無慮勿忘勿助之間此正思也可見慈湖尚未善思

小戴曲禮篇曰太上貴德其次務施報施報非德乎又曰博聞強識而讓敦善行而不怠謂之君子戴不思孔子之言曰行有餘力則以學文乎行爲先文爲後天下之常理聖賢之常言而戴先文而後行蓋戴以文爲本務其心不主於善行是謂本以文行雜之正猶漢宣帝曰本以霸王道雜之大抵自漢以來天下風俗本以利而雜以義歷千載而不變皆戴之徒助成其俗也此無他人欲盛於

楊子折衷

中度實行非已所長姑從其所長於博聞強識而尚之人之常情多言已所長爾論語曰子以四教文行忠信此非孔子之言亦非德行諸賢之言也至於戴記之博聞強識益陋益鄙矣論語所謂文者詎如是乎夫聖孔子不居而戴以聖自名其矜大昏闇之狀備見於此

慈湖之學可謂鹵莽矣本不知聖學之要惟在知行必先知之乃可行而妄疑聖賢經傳可謂亂教矣而學者多宗之豈不可惜貴德者得之於心而無所爲而爲者也報施者已受人之施而必報人受已之施

亦必責其報有所爲者也博聞強記知也敦善行行也文知也行行也忠信則兼存乎知行之中何得爲悖何得爲非孔子之言其以聖爲名或其父名之未可知也而遽以此爲矜大乎

孔子適衛遇舊館人之喪入而哭之哀出使子貢脫驂而賻之子貢曰於門人之喪未有所脫驂脫驂於舊館無乃已重乎孔子曰予向者入而哭之遇於一哀而出涕吾惡夫涕之無從也小子行之於是窺見聖人日用變化之妙即天地四時不無愆陽伏陰之妙是謂大德則無踰也小德則出入

楊子遺書卷

三

可也子貢謂大德不踰閑小德出入可也是殆聞夫子之誨而微失其辭德本無小大大之言因學者而隨施初無實意也天地變化何大何小子曰小德川流大德敦化是蓋孔門誠有是論然小大之論因人而遇施謂其果有小大不可也謂其果無小大亦不可也孔子曰無可無不可此誠有不可以言語解釋之妙不可以心思測識之旨孔子自謂莫我知也夫比世好古學禮之士觀脫驂於舊館之事使不知其爲孔子必以爲輕重夫倫已所不爲今雖知其爲孔子亦莫喻孔子之心往

往以爲流傳之失實夫流傳之訛妄者有之矣如謂子鼓琴見猶取鼠欲其得之遂有幽沈貪得之音此則訛妄矣如謂堯瞽瞍北面朝舜孔子曰殆哉此則訛妄矣脫驂之事非訛也無妄之疾勿藥有喜孔子曰無妄之藥不可試也利欲之過內訟可也脫驂之過陰陽寒暑之爲偏也聖人日用不識不知純純皞皞不知老至遇於一哀而脫驂天道之變也不可度思矧可射思而後學以輕重多寡觀之陋矣

楊子遺書卷

四

哭舊館人而脫驂事好事者爲之也聖人禮義之中正以其心中正之極故不過其則也且孔子哭顏子比於舊館人其情義之厚薄何如耶觀孔子不以車賻顏子則其不以驂賻舊館人可知矣用財自有一毫不易之理豈可因其涕出之無從乃以驂附會之耶是僞也而慈湖遂以爲聖人不識不知純純皞皞不知老至不可度思矧可射思是聖人乃茫茫蕩蕩猖狂自恣的人又云脫驂之過如陰陽寒暑之爲偏也豈足以爲孔子

明堂位曰灌尊夏后氏以鷄彝殷以斚周以黃目壘之爲象雷也古雷三田字雷猶雲也禮物多爲

雲象皆古列聖勤啓誨後人之至震動變化如雷如雲皆足以爲道心變化之默證非誨詰所能殫

孔子曰風雨霜露神氣風霆無非教也

慈湖言道心未嘗不常明惟蔽故昏是也但欲震勤變化如雷如風霆則未免有禪者杖喝警動之意

至於曰酌於中而清明於外則幾於可笑矣不知道者之言固宜其委曲於意象文義之末而不悟本有之中也是中天地以之位萬物以之育人以之靈是中人之所自有中無實體虛明發光視聽言動喜怒哀樂皆其妙用純然渾然何內何外何

德所象卷中

五

思何慮而言酌於中而清明於外惡有是理也哉酌於中而清明於外是因黃目之象而釋其義亦何不可如堯欽明文思光被四表是也至云中無實體大害道既無實體何以有視聽言動喜怒哀樂之妙用乎言何思何慮而不言同歸一致殊未見道

孔子佩象環五寸而綦組綬至矣哉大矣哉可謂幹旋天地運動四時發育萬物而照映千古者也鄭康成謂謙不比德坐井觀天至矣哉象環之無聲乎佩無不玉古之制也行則聞佩玉之音君子之禮也吾聖人獨異於是佩無聲之象環後學莫

之曉也嗚呼至矣舉天下之所共視而莫之見也舉天下之所共聽而莫之聞也清明而健行者是也博厚而靜止者是也春秋冬夏風雨霜露皆此也風霆流形庶物露生皆此也山以是峙川以是流草木以是華以是實禽以是飛獸以是走蟲魚以是動躍天地間變化萬狀皆象環之文理也混圓而無端也五寸五行也五常也錯綜成章綦組綬也天地萬物萬化非彼孔子非此也五非有聲象非無聲也一以貫之也一非寡萬非衆也是故天數五地數五一也十百千萬億以至於無窮一

律葉卷中

六

也所以事親是也所以事君是也所以尊卑所以長幼所以夫婦所以朋友是也無庸加思焉而未嘗離也愈思而愈莫之及也及不及一也思不思一也至矣哉大矣哉孔子之象環乎可謂幹旋天地運動四時發育萬物而照映千古者也不可贊也不可論也而愚不肖之所同有也不自知其有爾顏氏之子其知之乎月至日至者其知之乎知不知一也知不知一者孔子之象環也

聖人只是謙謙虛虛何嘗有自誇自大孔子於鄉黨恂恂如也似不能言者聖人自視不及天下之人何

嘗有此自誇自大乃慈湖自誇大故附會其說爾至
於無聲之說及不及思不思知不知之說愈遠矣
知道則信百姓日用斯道而不自知百姓日用無
非妙者惟不自知故昏亂也故曰物使之然則全
以爲非裂物我析動靜害道多矣禮樂無二道吾
心發於恭敬品節應酬文爲者人名之曰禮其恭
敬文爲之間有和順樂易之情人名之曰樂庸衆
生而執形動意形不勝其多意亦不勝其多不知
夫不執不動則大道清明廣博天地位其中萬物
育其中萬事萬理交錯其中

楊子折衷

七

日用不知卽是行之不著習矣不察卽非君子之道
何以云妙云大道清明廣博而天地萬物便位育皆
非聖人之指位育亦要致中和如何孔子中和之極
而不位育蓋夫子不得邦家無致之之地也

孔子曰志之所至詩亦至焉詩之所至禮亦至焉
禮之所至樂亦至焉樂之所至哀亦至焉哀樂相
生是故正明日而視之不可得而見也傾耳而聽
之不可得而聞也孔子斯言見小戴記學者厭觀
熟誦聖誨切的如是而未聞有表而明之者此無
他無意之可解無說之可求如空之不可升如金

王之不可鑽或者強爲之說則曰其相生有義焉
噫嘻異哉孔子曰樂之所至哀亦至焉未有相生
之言也而亦曰至者又何耶至卽不可見不可聞
彼惟不知可見卽不可見可聞卽不可聞故棄粗
而求精棄一而求二哀樂必有物人以爲必可見
哭笑必有聲人以爲必可聞而孔子則曰不可見
不可聞非棄形而言義也形卽無形無形卽形聲
卽無聲無聲卽聲正不必作意以離之也據實而
論不見其爲二也意作而始離始二也自孔門諸
賢猶率病乎意故孔子諄諄止絕之曰毋意而况

楊子折衷

八

於後世乎意積見牢故雖聞正實之言反駭怪以
爲不可解今學者誠盡屏胷中之意說則自明白
信矣

哀樂相生一語便見皆非孔子之言哀樂生於心隨
感而應豈有哀生樂樂生哀之理不可見聞謂道體
也若用則何嘗不可見聞

孔子閒居子張子貢言游侍論及於禮子曰慎聽
之女三人者吾語女禮猶有九焉大饗有四焉苟
知此矣雖在畎畝之中是亦聖人已兩君相見揖
讓而入門入門而縣興揖讓而升堂升堂而樂闋

下管象武

家語作舞

興陳其薦俎序其禮樂備

其百官如此而後君子知仁焉行中規還中矩和

鸞中采齊

家語作齊

客出以雍撤以振羽是故君子不

必親相與言也以禮樂相示而已孔子又曰入門

而金作示情也然則縣興而金作鏗然而鳴即吾

之情也何以言爲也又曰升歌清廟示德也然則

人聲由中而發文德由中而暢即吾之德也何以

言爲也又曰下而管象示事也然則堂下管籥武

舞文舞次序而興又即吾之事也何必身親之也

渾然天地萬物皆吾之體也純然宮商節奏皆吾

之用也薦俎非外百官非彼行非行夫孰知其所

以行而自中規還非還夫孰知其所以還而自中

矩和鸞車之和鸞也而即吾之中采齊也客出以

雍其撤也以振羽莊敬和樂之妙又何其始始終

終而不可致詰也獻畝之中無兩君相見之禮也

而即兩君相見之禮也無金聲之樂也無管象夏

籥也而管象夏籥之音舞未嘗不日矣于其前而

昧者不見不聞也未耜之器耕藝之勤良禾之歆

榮耘耔之仁兩目散日月之明四體運天地之神

步中和鸞之節聲諧韶濩之音此豈說合而強同

之哉默而識之當自知自信也不可思也不可言

也學道者率以言而離默而近孔子引三子歸之

一默之中庶乎默而成之矣

引孔子問居一段亦從他說只內中以天地萬物皆

吾之體純然宮商節奏皆吾之用以體用二字對說

便不是謂天地萬物同體可也而以爲體用之體則

天地萬物獨無用乎宮商節奏獨無體乎又謂畝畝

之中雖未嘗有兩君相見之禮金聲之樂而管象夏

籥之音舞未嘗不日奏乎前此便見怪的話即此僧

雖不言其聲如雷之說天地間有只是有無只是無

何必如此說

大戴記公與孔子言而善孔子曰君之言善就國

之節也公曰是非吾之言也吾一聞於師也子吁

焉其色曰嘻君行道矣公曰道耶子曰道也大哉

聖言發明道心坦夷明白至於此也惜乎不載之

論語使當世人人知之庶其有覺者道心人所日

有無俟乎求惟私意蔽之始昏始惑今公曰是非

吾言也吾二聞於師也私意盡無純誠著見即道

也而公不自知其爲道故孔子吁焉其色發嘆而

告曰君行道矣惟孔子知之公乃不自知故驚曰

道耶孔子安得不正言曰道也此豈惟啓明魯公之道心亦足以啓明萬世之道心

以一言許魯公以道孔子恐未有如此諛佞之風慈湖蓋以附會其說爾

簡常讀大戴所載孔子之言謂忠信爲大道簡不勝喜樂其深切著明簡自總角承先大夫訓迪已知天下無他事唯有道而已矣窮高究深年三十有二於富陽簿舍雙明閣下侍象山陸先生坐問荅之間忽覺簡心清明澄然無滓又有不疾而速不行而至之神用此心乃我所自有未始有間斷

楊學齋書

十一

於是知舜曰道心明心卽道孟子曰仁人心也其旨同孔子入曰心之精神是爲聖簡謂人本心知皆與堯舜禹湯文武周公孔子同得聖賢之言爲證以告學子謂吾心卽道不可更求曾子謂天子之道忠恕而已矣程伯淳求之太過曰忠譬則流而不息恕譬則萬物散殊簡謂忠者與人忠恕者已所不欲勿施於人卽吾庸常之心卽道孔子曰主忠信謂忠信卽主本渡河丈人亦曰吾之入於波流忠信而已其出也亦忠信而已孔子使二三子識之烏乎至哉卽吾與人忠不妄語之心卽道

丈人當日之言未必果曰忠信往往曰吾出入波流吾心如是而已無說也無術也始吾之入也如是而入其出也亦如是而出世以如是而往實直無他之心謂之忠信故使三子識之或傳錄失真而微差歟後讀大戴記孔子忠信大道之言如獲至寶蓋深喜得聖言爲證正平常實直之心卽道孟子亦以徐行後長卽堯舜之道箕子曰無有作好遵王之道無有作惡遵王之路無偏無黨王道蕩蕩無黨無偏王道平平人心至靈至神虛明無體如日如鑑萬物畢照故日用平常不假思爲靡

楊學齋書

十一

不中節是爲大道微動意焉爲非爲僻始失其性意消則本清本明神用變化之妙固自若也無體無際範圍天地發育萬物之妙固自若也

大學君子有大道必忠信以得之中心爲忠實心爲信心中正故實也有此實心故有此實事故曰忠信以得之今言忠信爲大道異於聖賢之指矣又忠恕雖同一實然中心爲忠如心爲恕體用之謂今不分別反非程伯淳之言蓋未可以語此其間吾心卽道虛明無體之言尤害道

乾知大始是讀作太始又曰易有太極是生兩儀

辭意亦音太自作繫辭者已失孔子大旨而況於後世乎又曰鼓萬物而不與聖人同憂裂易與聖人爲二豈孔子一以貫之之旨簡嘗曰幽明本無故何必仰觀而俯察也死生本無說何必原始而反終也皆指繫辭之蔽易天地一也何必言易與天地準準平也言二者平齊其辭意謂實二物而強齊之也又曰形而上者謂之道形而下者謂之器裂道與器謂器在道之外邪

易字指得甚廣在人心之動靜變化亦是在天地之日月萬物變化亦是在卦畫之奇偶變化亦是此易與天地準易字指書爾若指道何必言準易言仰觀俯察亦聖人見天地之易而畫卦爾至於形而上下之疑蓋未知道器同形

子曰學而時習之不亦說乎知學之道者以時習而說不知學之道者以時習爲勞苦勞苦則安能時習時習必不勞苦今學者欲造無時不習之妙斷不可有毫釐勞苦之狀當知夫學問之道無他求其放心而已矣但人放逸則勞他求他求則成放他求則成勞是心有安有說無勞無苦是心初無奇初無心則吾目視耳聽手持足履口語心思

之心此心非物無形無限量無終始無古今無時不然故曰無時不習時習之習非智非力用智智有時而竭用力力有時而息不竭不息至樂之域不知學是學甚麼時習習甚麼之字是指甚麼說是說甚麼便是無頭腦的學問今改經文學而時習之不亦說乎而曰以時習而說是以聖言附他說矣不可不辨

子曰學而時習之不亦說乎有朋自遠方來不亦樂乎人不知而不愠不亦君子乎學者多疑所習者何事必有其說呼使所習之有說則必不能時習矣時習者言乎時時而習無時而不習也使所習有說則必有意意作必有時而息至於息則非時習也惟其無意也故能時時而習時習之習乃易不習之習易曰不習無不利今學者患乎習之不能時者正以其以思慮而習以智力而習故不能時也使果有說果有可言之事則孔子已明言之矣孔子無所言正以明時習之習非學者作輟之習也正以明學者本有之心卽道而無俟乎復爲也

孟子必有事焉要知所事者何事孔子下一之字正

欲人求所謂之所習者何事。若不知此事而習是道家所謂鼎內若無真種子如將水火煮空鑪也。時習與易不習之習不同。易直方大是成德者故不習無不利也。由時習可以至此。何其察之不精耶。時習者不免有意意是。好意至於不習無不利則可以無意矣。然意豈能終無無則死人矣。

子曰吾十有五而志于學三十而立四十而不惑五十而知天命六十而耳順七十而從心所欲不喻。矩孔子之學異乎他人之學。他人之學冥行而妄學。孔子之學明行而實學。子曰吾嘗終日不食

楊子集卷

十一

終夜不寢以思無益不如學也。孔子於此深省天下何思何慮實無可思慮者。經禮三百曲禮三千皆吾心中之物無俟乎復思無俟乎復慮。至於發憤忘食雖憤而非起意也好謀而成雖謀而非動心也終日變化云爲而至靜也終身應酬交錯而如一日也是謂適道之學。

陡然語及何思何慮而不知同歸一致之實是禪而已矣。謂發憤非起意好謀非動心正如禪謂終日食飯未嘗咬破一粒粟終日穿衣未嘗掛一條絲豈有此理。聖人之學雖憤雖謀無非誠意之發勿忘勿助。

之問乃終日動意而未嘗動也。差之毫釐繆以千里。汲古問人既知覺則無不通達。何孔子謂五十而知天命先生曰此聖人之學也。自十五而志於學三十而立四十而不惑學力進進有次第志學之初雖已知天性之本然而習氣間起未純乎天日用應酬人爲未盡釋至五十始知皆天命無俟乎人爲六十而耳順無所不順有順無逆純乎天矣。觀此則講學徒以知覺即學而不言進脩擴充之功者非聖學矣。

楊子集卷

十六

先生曰子曰溫故而知新可以爲師矣。溫故則善有進而無退知新則善愈益而愈通道不在他善而已矣。

慈湖之學終未免支離。溫故知新是一事溫故中自有知新之益日新之謂盛德如何分溫故與知新作二事。聖人之學只是一段工夫。

子謂子路曰由誨女知之乎。知之爲知之不知爲不知是知也。大哉聖言夫不知而曰是知何也。子曰道不遠人人之爲道而遠人不可以爲道。又曰心之精神是謂聖又謂忠信爲大道。又曰吾有知乎哉無知也不知爲不知誠實無他無思無爲非。

道而何聖言善於明道如此

此段所解皆非聖人本指慈湖借以附己意爾觀者自知

孔子又曰心之精神是謂聖人皆有是心卽平常實直之心空洞無形體無際畔變化云爲不可度思矧可數思誠實之妙如此復何求卽此卽知大舜之聖亦只是察於人倫明於庶物由仁義行爾何必誇大許多神妙無形無際且山野愚夫亦有平常實直之心果爲知道乎餘辯見前

此不淫不傷之妙至矣哉至坦明至簡易從心所

楊子折衷卷中

十七

知自樂自不淫自哀自不傷自怒自不遷自懼自不懾人之心自如此不昏不放則常如此微昏微放則不如此意起則昏意起則放

從心所知自樂自不淫自哀自不傷雖顏子亦不敢如此說須不遷怒不貳過工夫熟後乃能如此辯意起之說見前

子曰富與貴是人之所欲也不以其道得之不處也貧與賤是人之所惡也不以其道得之不去也君子去仁惡乎成名君子無終食之間違仁造次必於是顛沛必於是仁者欲惡與衆人同於不以

其道得之則不處不去則與衆人異志於仁用力

於仁則必不處不去自古知道者大不易得此二十一年覺者寢多子曰君子去仁惡乎成名勉學者用力於仁也蓋知者雖覺而舊習久固未精未一唯純明無間輟始能盡仁智者所覺造次顛沛已無非妙用矣然蒙養未精一與精一者不同此曰必於是者明精一也聖言一字不苟學者感聖訓明切固極之恩何以報也

楊子折衷卷中

十八

慈湖談何容易孔門三千之徒親炙聖人之道德用行舍藏可以與者惟有顏子慈湖之德未及孔子一二十年之徒未如顏子安可云覺者寢多恐這些門徒被惑入於佛之精一矣乎舜云惟精惟一兩惟字可見不是混說的精一必精以知之至而又一行之至知行並進上達天德孔子所謂不違仁造次顛沛必於是如此做工夫熟後乃能得不處不去之時幾也慈湖談何容易

學者觀孔子曰君子無終食之間違仁往往切意飲食之外自有所謂仁之道以此求仁却行而求前也不知夫舉匙施筴仁也咀嚼厭飫仁也別味知美惡仁也但於其中微起意焉則心始動始遷

始不仁矣仁人心也心清明澄然如鑑萬象畢照而不動焉

慈湖如此穿鑿至於起意之說乃終日食飯未曾咬破一粒粟之說

孔子教學者惟言仁曰知及之仁不能守之雖得之必失之仁則常覺常明如日月如水鑑如天地中庸曰力行近乎仁仁非徒知不行之謂果實核中之所藏曰仁此仁無思無爲而能發生仁道亦然聖人正名百物而寓教焉其旨微矣

以常覺常明言仁何啻千里又言仁如果核之無思

易表卷

九

無爲能發生果核無知之物人心有知之物安可比而同之以心如果核是以心比槁木死灰矣殊不知人心以生理爲仁果核以生意爲仁

子曰朝聞道夕死可矣子曰心之精神是謂聖精神虛明無體未嘗生未嘗死人患不自覺爾一日

洞覺則知死生之非二矣則爲不虛生矣

慈湖只是終身以這些來擺弄精神虛明無體皆禪也至於未嘗生死何以從古聖人有生死之說只言有生死而無存亡便是矣

子曰士志於道而耻惡衣惡食者未足與議也此

心在道則不在物在物則不在道耻惡衣惡食是

墮在事物中爲事物移換未能格物而欲致知是

無理也格物不可以窮理言文曰格爾雖有至義

何爲乎轉而爲窮文曰物爾初無理字義何爲乎

轉而爲理據經直說格有去義格去其物爾程氏

倡窮理之說其意蓋謂物不必去去物則反成僞

既以去物爲不可故不得不委曲遷就而爲窮理

之說不知書不盡言言不盡意古人謂欲致知者

在乎格物深病學者之溺於物而此心不明故不

得已爲是說豈曰盡取事物屏而去之耶豈曰去

易表卷

十

物而就無物耶有去有取猶未離乎物也格物之論論吾心中事爾吾心本無物忽有物焉格去之可也物格則吾心自瑩塵去則鑑自明滓去則水自清矣天高地下物生其中十百千萬皆吾心爾本無物也

不言理而言物便是實理舜明於庶物察於人倫自

是實理含物而言理便是虛理與人倫不關涉此釋

氏所以棄人倫得罪於聖人也慈湖謂有物則格而

去之則亦又起一意此釋氏所以必要去絕根塵是

又起一根塵硬把着爲徒勞非勿簡自然之學也

子曰：君子之於天下也，無適也，無莫也，義之與比。無適，無莫，非學而至者也。君子之心，本如此也。豈獨君子之心如此？舉天下人心，皆本如此也。本如此，而或者蔽之，故有偏倚，有適莫。若曰：我欲如此，我不欲如此，吾方寸中窒矣，碍矣，安能惟義之從？君子之心，如太虛，安得有適與莫也？人心皆然，識我之心，則識君子之心。

釋氏之無適莫，與聖人之無適莫不同。釋氏之無適莫，無主也。聖人之無適莫，有主也。何謂主？天理渾然，廓然大公也。故能因物順應，義之與比。釋氏去理障，

楊子集卷四

三

只是空空地，故不能順應。只是一切不動便了，差之毫釐，繆以千里。何啻千里？聖人是生的，無適莫。釋氏是死的，無適莫。

汲古又問：曾子指忠恕爲夫子一貫之道，則忠恕卽道矣。至中庸却謂忠恕違道不遠，如何？先生曰：曾子言夫子之道，忠恕而已矣。此語甚善。子思言忠恕違道不遠，此言未安。忠恕卽道，豈可外之以忠恕爲違道，則何由一貫？一貫是一片無間斷。中心爲忠，如心爲恕。忠恕有淺深，夫子之道，忠恕而已矣。深者也。忠恕違道不遠者，淺者也。若忠恕熟，

後卽是道，去道不遠。故曰：違道不遠，違者去也。

子曰：誰能出不由戶？何莫由斯道也？聖人如此，明告不知學者，何爲乎不省視聽言動者？道也。俯仰屈伸者，道也。寐如此，寤如此，動如此，止如此，徒以學者起意欲明道，反致昏塞，若不起意妙不可言。若不起意，則變化云爲，如四時之錯行，如日月之代明，故孔子每每戒學者毋意。

千言萬語，只是這箇宗旨，以視聽言動爲道。俯仰屈伸爲道，卽錯認聖人也。以由戶爲道，是以器爲道矣。運水搬柴，無非佛性矣。

楊子集卷四

三

子曰：誰能出不由戶？何莫由斯道也？聖言如此，明告不知學者，何爲乎不醒日用云爲，無非變化，無非斯道。視者，斯道所視之形色；亦斯道聽者，斯道所聽之音聲；亦斯道思者，斯道所思之人情事理；亦斯道自清濁未分，以至于既分陰陽交而四時行，百物生，皆斯道動靜有無，皆斯道不勞思索，念念皆妙。曰：天曰地，曰人，曰物，曰事，名謂不同，爾何者？不妙。學者惟毋動乎意。

蔽猶前章

孟子曰：人皆可以爲堯舜。而孔子曰：中人以上可。

以語上中人以下不可以語上何也蓋孔子之言
非謂中人以下不可以爲堯舜但其氣質昏其難
以語上不可云者難之辭也又曰唯上智與下愚
不移亦非謂其斷不可移也特甚言下愚之不可
告語不肯爲善亦猶上智之不肯爲不善故曰不
移
此節却是

楊子折衷卷之四

孟子

孟子

門人江都葛洪刻在新泉精舍

楊子折衷卷之五

門人蘄水程轍校圖

子曰知者樂水仁者樂山知者動仁者靜知者樂
仁者壽聖人於此無以形容其妙唯
者水托象以示學者惟覺者自覺夫水流行汨汨
不息至虛而無實體至動而非思慮如此解釋亦
未足以盡水之妙亦莫能言知者之樂又繼之以
動之一辭雖言其動亦不能言其所以動之者得
動中之妙真不可度思學者求道率求之於靜徒
觀聖人之言曰天下何思何慮往往離動而求靜
愈求愈遠而不知聖人未嘗溺於靜惟能動者乃
得之必也酬應萬務擾擾膠膠而未始不寂然不
可以心知意度者庶幾乎

以汨汨不息至虛而無實體至動而非思慮言水可
謂取義穿鑿矣慈湖平日不喜人動意今於水又言
其動何耶是遁辭也

子曰默而識之學而不厭誨人不倦何有於我哉
默而識之覺也不可思不可言也故孔子曰吾有
知乎哉無知也

不思識之識個甚麼只說不可思不可言不知思言
個甚麼

孔子曰知及之仁不能守之雖得之必失之德即知知與仁一也皆覺也惟常覺而後可以言仁知與仁皆言覺又云惟常覺而後可以言仁皆禪之宗指

子曰吾有知乎哉無知也門弟子往往多以孔子爲有知孔子語之曰吾無知人心卽道是謂道心無體無方清明靜一其變化云爲雖有萬不同如水鏡之畢照萬物而非動也如日月之溥照萬物而非爲也世名之曰心而非實有可執可指之物也言其無所不通而托喻於道謂知道路之四通

楊子抄卷五

人所共由而非有可執可指之物也憤者憤已德之未純而憤融融純純非思非爲也故忘食此惟親履者自知之此無思與爲之妙固無始終無今古則固不知老之至也嗚乎至矣子又曰我學不厭者此也又曰用力於仁者此也仁者道心常覺常明之稱常覺常明者常不昏而已非思也

觀此譊譊多言與孔顏無言如愚之道大異是何氣象云云皆是禪宗

曾子曰以能問於不能以多問於寡有若無實若虛犯而不校昔者吾友嘗從事於斯矣此數語正

畫出聖門氣象混融融一片和氣唯無已私而後有此已私無處卽是道卽是吾心雖衆人亦時有此心形見時此便是道而人不自省者多吾友謂孔門諸賢大畧如此而近世士大夫多尚乎豪與孔門氣象冰炭矣孔子溫良恭儉讓殊非近世所謂者之豪

此節近是只惜其大本錯了所謂虛不校者又走別處去矣

孔子曰吾有知乎哉無知也有鄙夫問於我空空如也我扣其兩端而竭焉孔子知羣弟子以我爲

楊子抄卷五

有知也故告之曰吾有知乎哉無所知也嘗有鄙夫來問於我鄙夫宜易於答而我空空無所有無以告之我不過叩其一二端而我已竭矣蓋詳言曾中實無所有實無所知而羣弟子往往多謂孔子必有高識遠見而不以明告故疑孔子爲隱吁使孔子有知則無以爲聖人矣有知則有意孔子每每戒門弟子曰毋意則有意何以爲孔子其所以教人特去人之蔽爾

只落一箇無字便解聖言遷就已見惜哉侮聖人之言也聖人通達萬變通乎晝夜而知豈可言孔子有

知則無以爲聖人有知則有意乎

汲古問孔子云空空如也其意當何如解先生曰孔子言吾有知乎哉無知也雖有鄙夫來問於我我亦空空如也無可爲答我不過叩問其一二端而我已竭焉無復可言矣言卽不言不言卽言知卽不知不知卽知

言只是言不言只是不言知只是知不知只是不知今如此說遁詞也釋云此僧不言其聲如雷

先生曰釋徒多昏蔽誤讀梵綱戒經不禮拜君王父母大悖逆大壞人心大敗風俗

楊子折衷卷五

四

釋者不禮君王父母違悖人倫皆有根因豈一旦便至此蓋因以空無爲道但有這些秉彝不可滅者萌動便以爲動意便以爲理障及習之之久焉得不至於此慈湖可謂惡影而行日下矣戒之戒之易曰臣弑其君子弑其父非一朝一夕之故其所由來者漸矣

子曰求也退故進之由也兼人故退之此亦過猶不及之意道心人所自有本不必更求或於其中生進意或於其中生退意進者去其進意退者去其退意則道無恙矣

終日生進退之心所謂憧憧往來朋從爾思又言得定不若存心於勿忘勿助之間則本心常中常正而進退兩忘矣慈湖不知出此

孔子又曰天有四時春秋冬夏風雨霜露無非教也地載神氣神氣風霆風霆流形庶物露生無非教也知此所教之旨則知孔子矣

此數語決非聖人之言秦漢間好事者爲之而不審其不類也四時神氣分天地言之而又以風雨霜露屬之天以神氣風霆流形發生屬之地皆非也夫神氣無不貫通厚地何以載之天地間無非神氣而獨以風霆言之何耶易言品物流形而此獨言風霆流形豈獨風霆能流形而風雨不能耶又言庶物露生豈上文皆是隱藏至此而後露耶文理皆不成矣何亟稱之而不知其不類也可謂知言耶

楊子折衷卷五

五

意欲不作清明和融爲愛敬爲博愛爲敬讓爲不敢爲不驕不溢爲德義爲禮樂爲不敢遺小國之臣爲不敢侮鰥寡爲不敢失於臣妾爲不敢從父之令懼其父得罪於鄉黨州閭爲補君之過爲哭不哀禮無容皆此心之變化一以貫之也不可以爲彼粗此精也曰粗曰精者意也非吾所謂無所

不通者也其物以十百千萬其實未嘗十百千萬也

一精一粗皆理之自然也今以分粗精者爲意物有一與十百千萬物之不齊物之情也今欲無十百千萬皆虛無宗指

人心無體無所不通

心之中正卽本體也何謂無體無所不通盜跖與堯舜皆然但堯舜之無所不通者得其中正故天理渾全而爲聖盜跖之無所不通者不中不正故人欲橫流而爲惡豈可不分孝經之言無所不通指孝弟之

楊子折衷卷五

木

至耳與慈湖言同而指異

言有似是而非似深而淺似精而粗足以深入學者之意其流毒淪肌膚浹骨髓未易遽拔者正以其與學者心術之病同故合夫學者心術之中其潔清無滓濁者寡矣孔子誨仲由曰知之爲知之不知爲不知學者以不知爲知者往往如是蓋其用力之久積學之深自以爲窮高極遠蔑以加此惟無詰焉詰則必窮否則好已勝而已矣其中心亦豈能洞焉而無少留阻自近世二程尊信大學之書而學者靡然從之伊川固出明道下明道入

德矣而尤不能無阻惟不能無阻故無以識是書

之疵大學曰欲治其國者先齊其家欲齊其家者先脩其身欲脩其身者先正其心判身與心而離之病已露矣猶未著白至於又曰欲正其心者先誠其意欲誠其意者先致其知致知在格物噫何其支也孔子無此言顏曾亦無此言孟子亦無此言孔子曰忠信曾子曰忠恕孟子亦曰天下之本在國國之本在家家之本在身而已他日又曰仁人心也未嘗於心之外起故作意也又曰人之所不學而能者其良能也所不慮而知者其良知也又

楊子折衷卷五

七

曰而勿正心豈於心之外必誠其意誠意之外又欲致知致知之外又欲格物哉取人大中至正之心紛然而鑿之豈不爲毒又曰有所恐懼則不得其正有所好樂則不得其正有所憂患則不得其正孔子臨事而懼作易者其有憂患好賢樂善何所不可而惡之也是安知夫恐懼好惡憂患乃正性之變化而未始或動也又曰心不在焉視而不見聽而不聞食而不知其味孔子謂心莫知其鄉而此必曰在正云者正意象之凝結孔子所以止絕學者之意者謂是類也又曰在止於至善夫所

謂至善卽明德之別稱非有二物而又加止於之意禹曰安女止非外加止於之意也穆穆文王於緝熙敬止渾然圓貫初無心外作意之態也而大學於是又繼之曰爲人君止於仁爲人子止於孝爲人父止於慈大禹之安止文王之敬止豈頑然無用之止哉其見於事親曰孝見於與子曰慈發於博愛曰仁見於恭曰敬而此曰君止於仁臣止於敬父止於慈子止於孝何其局而不通也又曰無所不用其極是又意說也致學於性外積意而爲道異乎子思無入而不自得矣胡不觀箕子爲

楊子推蒙卷五

八

武王陳洪範乎箕子之言極曰無偏無陂遵王之義無有作好遵王之道無有作惡遵王之路無偏無黨王道蕩蕩無黨無偏王道平平無反無側王道正直論極如箕子誠足以發揮人心之極矣蓋人心卽道作好焉始失其道作惡焉始失其道微作意焉輒偏輒黨始爲非道所以明人心之本善所以明起意之爲害而大學之書則不然曰無所不用其極曰止於至善曰必正其心曰必誠其意反以作意爲善反蔽人心本有之善似是而非也似深而淺也似精而粗也又曰道盛德至善可以

言至也道不可以言盛也於道言盛是又積意之所加而非本也又曰知止而後有定定而後能靜靜而後能安安而後能慮慮而後能得吁此膏肓之病也道亦曷嘗有淺深有次第哉淺深次第學者入道自爲是不同耳是人也非道也學者學道奚必一皆同而欲以律天下萬世無益於明道而反壅之道無淺深無次第而反裂之人心自宜自一自無他顧作而起之取而鑿之豈特大學之士不可以是告之雖小學亦不可以是亂之也小學雖未壯其良心固未斷喪也作是書者固將以

楊子推蒙卷五

九

啓佑後學非欲以亂後學而學者讀之愈積其意愈植其山逕之茅愈喪其正也孔子大聖其啓佑學者當有造化之功而三千之徒猶尚勤聖人諄諄絕四之誨有意態者則絕之曰毋意有必如此必不如此者又絕之曰毋必有固執而不通者絕之曰毋固其胷中隱然有我者存則又絕之曰毋我如是者不勝其衆故門弟子總而記之曰子絕四毋意毋必毋固毋我然則學者難乎脫是四者自古則然而况後世乎然則無訝乎大學之書盛行于今未聞有指其疵者不可不論也

不知尊信大學之書是未嘗知學也程氏兄弟學得其宗故同有得於大學之書慈湖疑之惑矣陋矣昔吾五十時讀庸學於西樵山忽一日疑孔門之學只是一貫今大學何以有三綱領八條目疑孔子之學一傳至曾子即失矣復取大學古本白文熟讀之乃知明德親民說此學體用之全心事合一之理又云在止於至善又知前二者總會都於止至善上用功止於至善只一體認天理便了千了百了明德親民皆了原是一貫之指下文自古之欲明明德於天下直推其功至格物又自物格順馴其效至天下平推上推下推來推去都只在格物上用功格物即止至善之別名原只是一貫之指推便如此推非教人逐節做功夫都在格物上也上文知止一節即知行並進即其功夫也慈湖未得此個大頭腦只見如此節目而厭之遂以爲支殊不知言語有節目只是一段殊非七段八段兩段三段只是一本殊無二本三本也慈湖乃疑正心誠意之非而不知心意人人所不能無也又疑恐懼好樂憂患忿懣之語而不知心不可以有所也其爲此言自與絕意之說矛盾矣又疑止於仁之五語而不知敬止則一而所發有五也何

得爲知言何曾望見二程脚板耶可見其用心尚未精尚茅茅草草也

先生曰某少年不知禮記多非聖人語甚喜大學心有所忿懣則不得其正一章後因覺却於此章知非知道者所作夫忿懣則斷不可有至於恐懼若以威武恐懼則不可或君父震怒而恐懼何不可好樂如好色好貨則不可若好善好學何不可憂患如爲貧而憂患失而憂則不可若憂其不如舜或憂慮國家則何不可蓋不知道者率求道於寂滅不知日用交錯無非妙用覺則於日用應酬交錯間自無毫髮非禮處故大學無子曰者非聖人之言孔子曰心之精神是謂聖孟子道性善心未始不正何用正其心又何用誠其意又何須格物

所謂恐懼好樂憂患正謂不好的如無意亦是不好的餘辯見前不知格物是不知學之頭腦也

大學曰小人閒居爲不善無所不至見君子而後厭然揜其不善而著其善人之視已如見其肺肝然則何益矣此謂誠於中形於外故君子必慎其獨也吁作大學者其學亦陋矣小人情狀如此何

足發明慎獨之學哉苟不如此則遂可以爲慎獨乎陳略亦甚矣學道者固如此乎簡少時不知大學非聖人語甚喜有所忿懣則不得其正一章後因有覺却於此章知其非知道者作

小人情狀如此何足發明慎獨之學觀此章大茅草了此章正直指小人之誠有不可終滅者猶孟子指出乍見孺子入井怵惕惻隱之心欲人於這善端之微處涵養故曰故君子必慎其獨也小人閒居似都是都無善端了見君子之時猶皆知掩不善而著善其自視恐恐如畏人見其肺肝此無所益而爲者此何

楊子折衷卷五

三

以故耶乃其所得於天這些秉彜終不可泯滅乃誠之在中而形外發於見君子之時也此一點善端獨知之理也能培養之則日長月盛閒居與見君子皆如此即是擴克四端功夫可以保四海矣此章正是妙處慈湖疑之悞矣

子曰人之過也各於其黨學者往往以中爲實體而致意焉則有所倚卽偏非中也堯舜允執厥中亦不過不偏不倚爾意微動則偏倚卽謂不中中無實體則所謂卓爾躍如見其恭前倚衡者何耶皆屬虛無了

子思曰喜怒哀樂之未發謂之中發而皆中節謂之和中也者天下之大本也和也者天下之達道也孔子未嘗如此分裂子思何爲如此分裂此乃學者自起如此意見吾本心未嘗有此意見方喜怒哀樂之未發也豈曰此吾之中也謂此爲中則已發之於意矣非未發也及喜怒哀樂之發也豈曰吾今發而中節也發則卽發中則卽中皆不容私大本達道亦皆學者徐立此名吾心本無此名雖分而言之而未嘗不一也爲學者立教也故曰謂之中謂之和欲其養中以發乎和何嘗不一以分爲

楊子折衷卷五

三

起意則皆寂滅矣

汲古問子曰中庸其至矣乎民鮮能久矣又曰中庸不可能何謂鮮能與不可能先生曰中庸能字此子思聞孔子之言不審孔子未嘗云能在論語止曰民鮮久矣無能字如子曰中庸不可能也此能是用意矣道無所能有能卽非道

孔子曰君子之道四我無能焉豈不言能乎道無所能何以又言不學而能以能爲用意爲非道真禪學也

孔子曰道不遠人人之爲道而遠人不可以爲道

至哉聖言破萬世學者心術之蔽可謂切中人心
卽道學者自以爲遠易曰百姓日用而不知惟其
不知故人以道爲遠則求道於心外不免於有所
爲道在我而求諸彼道不俟於爲而求諸爲夫是
以愈求愈遠愈爲愈遠萬世之學者其蔽一也舜
曰道心明心卽道易曰日用奚俟復求棄心而之
外棄道而入意慮紛然有作有爲而益昏昏益妄
矣至於昏妄是謂百姓日用而不知是終日懷玉
而告人以貧終日飲食而自謂飢渴也至近而自
以爲遠自有而自不認其有夫其所以不自知者

楊子折衷卷五

古

昏也所以昏者動乎意也如水馬撓之斯濁矣不
動乎意則本清本明之性自不昏矣變化云爲如
四時之錯行而自不亂矣心無質體無限量而天
地範圍其中萬物發育其中矣此無俟乎辨析而
知之如此也自覺自信匪思匪爲孔子深惜天甲
庸平易之道人皆有之因其爲之是以遠之復戒
之曰人不可以爲道深知大患在乎爲道而已執
柯伐柯近矣睨而視之猶以爲遠者終於二物也
爲道如伐柯終不近道然而舊習難於遽消有過
不可不改則亦不爲而已乎故孔子於是又曰改

而止有過則改如有病則加之藥病去則藥可止
人欲已盡則用力可止

轉了爲道而遠以附會其無爲之說老氏之宗指

孟子言舜傳說膠隔困於心衡於慮而後作此止
說孟子之學而非所以言舜之精一之學非傳說
厥德修罔覺之旨也

聖賢之學同條共貫都在天理上用功其生知安行
學知利行困知勉行一也精一與德不過此心此性
爾豈有二哉慈湖專取罔覺二字以附己意禪者多
開口便言精一而不知舜言惟精惟一足知行功夫

楊子折衷卷五

十五

孟子又曰其爲氣也配義與道道卽義不可言與
氣卽道亦不可言配孟子謂游聖人之門者難爲
言豈有自覺其言之未能無疵乎

言氣卽道便不是氣得其中正發於事物卽道卽義
非二物也配者合一之名非以二物相配也在心爲
道在事爲義非二物也言非疵也

孟子曰養心莫善於寡欲雖有不存焉者寡矣且
心非有體之物也有體則有所存則可以言存
心本無體無體則何所存孟子之言存乃存意也
存我也有存焉有不存焉非其真者也人心卽道

喜怒哀樂神用出入初無體之可執至虛至明如水知鑑寂然而變化萬象盡在其中無毫髮差也彼昏迷妄肆顛倒萬狀而其寂然無體之心自若也道心自若而自昏自妄也一日自覺而後自信吾日用未始不神靈也未始動搖也不覺其未始動搖者而惟執其或存或不存者是棄真而取偽也此不可不明辯

成性存存之說何謂乎

孟子謂志至焉氣次焉持其志無暴其氣配義與道與存心養性之說同孔子未嘗有此論唯曰忠

楊子折衷卷五

十七

信篤敬恭前倚衡未嘗分裂本末未嘗循殊名而失一貫之實也

渾然絜然本同一體何嘗有異慈湖蓋未知道

孔子言志氣塞乎天地志氣亦天下之常言未嘗專指言氣也而孟子則專言乎氣矣孔子言塞乎天地不言曩小而今大孟子曰我善養吾浩然之氣養而無害則塞乎天地則言曩小而今大曩小而今大者意也氣之實未嘗曩小而今大也孔子曰春秋多夏風雨霜露無非教也神氣風霆風霆流形庶物露生無非教也或曰天地或曰神

氣或曰氣志或曰人物一物也一物而殊稱也

孟子即氣言道發千古未發之蘊以曩小今大為意則自可欲之善以至矣大聖神者皆意矣擴充四端以保四海皆意矣非謂曩小而今大也本大而人自小之今養之復其本體爾餘見前辯

老子曰致虛極守靜篤萬物並作吾以觀其復夫物芸芸各歸其根歸根曰靜老子之於道殆入焉而未大通者也動即靜靜即動動靜未殆不一貫何以致守為何以復歸為

孔門得其門入者寡矣老子正與聖人門路背馳何

楊子折衷卷五

十七

謂殆入焉者乎何其擇之不精也

老子曰視之不見名曰夷聽之不聞名曰希搏之不得名曰微此三者不可致語復混而為一其上不皦其下不昧繩繩不可名復歸於無物曰混曰復歸於無物不知虛實之本一也

已與聖人大本不同何謂疵病大露乎

列子曰天地無全功聖人無全能萬物無全用列子雖能御風而行乃清虛之功其於道則未也物物皆全心心皆全列子知異而不知同不知一以

貫之之妙

同異一體不知同亦不知異又豈知一貫

學者當先讀孔子之書俟心通德純而後可以觀
子史學者道心未明而讀非聖之書溺心於似是
而非之言終其身汨汨良可念矣孔子之言奚可
不精而思之熟而復之今孔子之言出於學者之
所記錄或失真況於非聖人之書其害道者多歟
孔叢子心之精神是謂聖此非孔子之言也若然則
是知覺運動蠢動含靈皆精神也運水搬柴皆佛性
也慈湖何以讀非聖之書而不精擇之甚乎知言是

朱子語類卷五

七

頭一着事豈宜草草豈謂俟心通道明然後讀書乎
非聖人之言知道者寡知道者而不盡其言猶足
以害道然則害道之言滿天下不害道之言甚無
幾學者不宜汎觀必遭悞惑

請慈湖以此自反可也

百聖傳授唯曰一中初疑其庸近疑其庸又疑其
若未免乎意而百聖一辭莫知其所為一日覺之
百聖之切諭明告誠無以易斯人心即道故大舜
曰道心本無可疑意起而昏為非為僻始知其有
學者亦意起又從而過之凡思凡為皆離皆非

一中豈云庸庸惟人心即道即心見性成佛為可疑
爾

學者通患患在思慮議論之多而不行孔子忠信
篤敬之訓

句句似是然而不同

學者初覺縱心所之無不元妙往往遂足不知進
學而舊習遽難消未能念念不動但謂此道無所
復用其思為雖自覺有過而不用其力虛度歲月
終未造精一之地日用云為自謂變化雖動而非
動正猶流水日夜不息不值石險流形不露如澄

陽明先生全集

十九

止不動而實流行予自三十有二微覺已後正墮
斯病後十餘年念年邁而德不進殊為大害偶得
古聖遺訓謂學道之初繫心一致久而精縱思為
自泯予始敢觀省果覺微進後又於夢中獲古聖
面訓謂簡未離意象覺而益通縱所思為全體全
妙其改過也不動而自泯泯然無際不可以動靜
言於是益信孔子學不厭乃是知及之已後事是
謂用力於知者雖動而得不動之妙終未及仁者
常覺常明常不動之為至靜

不用思為恐此患終不免惟不知從事於勿忘勿助

之間豈得中正之路說靜便不是終是說夢

程伯淳云形而上者謂之道形而下者謂之器若如或者以清虛一大爲天道此乃以器言而非道也伯淳斷然謂以清虛一大爲天道爲以器言甚善非知道者豈能道此然未能見易大傳形而上者謂之道形而下者謂之器非聖人之言隨世俗流傳而遂信此亦有此未至

未知一形字通上下言又不知道亦器器亦道而肆意非聖人之言皆屬妄而不自知也且又以明道之言傳差了一濂溪通書亦尚有疵自明乎道者觀之可以一見

楊折衷卷五

子

決不勞多議今自二程尊師之其書盛行乎天下不得已姑指衆人之所未曉者言之濂溪曰元亨誠之通利貞誠之復於天下至一之中忽起通復之異說穿鑿爲甚又曰誠精故明神應故妙幾微故幽異哉裂一道而三之誠未始不精何必更精誠卽神神卽幾或曰誠或曰神或曰幾皆所以明道心之妙如言玉之瑩又言其白又言其潤非有三物入之道心未嘗不誠未嘗不神其動之始曰幾此萬古人心之所同非聖人獨有之今周子又謂誠神幾曰聖人是謂衆人無之此正孟子所謂

謂其君不能者是賊其君者也謂其民不能者是賊其民者也孔子明道未嘗有精粗之論乃起於以後學之意說孔子每每戒學者毋意爲是之類也周子又曰洪範曰思曰睿睿作聖無思本也思通用也幾動於彼誠動於此吁洪範惟言思未嘗言無思而濂溪必取乎無思者是猶未識乎思也思曰睿明乎思未嘗不慮未嘗不妙未嘗不神此不可以有無解何復取乎無思哉離思而取無思是猶未悟百姓日用之卽道也孔子曰何莫由斯道也周子猶未悟思之卽道思之卽無思也况又裂幾於彼裂誠於此至一之中而強分裂之殊爲害道

楊折衷卷五

子

周子言誠則自精神則自應幾則自微誠神幾非三事只是一物必三言而後盡慈湖看錯了便疑周子以自高此非私意乎元亨利貞分通復比類言之以曉人爾易繫辭如此者甚多其實一理也何害道之橫渠牖銘云居則存其心曰有否繼否化否無意不張子則勤矣不草草矣惜乎其未解解者不如

此會子之曰三省異乎是矣會子之省不過不忠

不信傳授弟子而實未嘗習之道皆芸苗改過未嘗助長如橫渠乃揠苗助長之學也化者自化豈容問耶自省本心者自無意意豈屢省之所能無耶自省其本心者自未始有間斷何患乎不繼耶堯舜雖有惟精惟一之功要非繼續之所可言孟子之存心又豈橫渠之所云欲存愈不存欲繼愈不繼欲化愈不化欲無意愈不已不省已不省吾心自善吾心自神吾心自寂然不動自無體則無體無始終繼不足以言之云爲變化自不凝滯自不可至詰夫是之謂自化此不可以有無言而況

楊子折衷卷五

二十三

於意乎此萬古人心之所同也顧自覺者寡爾孔子曰天下何思何慮橫渠之以深自病其定性未能不動正以其學未免乎助長也

日夜精思橫渠或未免於揠苗助長矣慈湖謂吾心自善自明自神自不動自無體則更不用功不亦或至於不芸苗而忘者乎

子思問於夫子曰物有形類事有真僞必審之奚由子曰由乎心人心之精神是謂聖推數究理不以物疑周其所察聖人難諸孔子斯言見之子思子之書世又謂之孔叢子世罕誦習烏序聖人有如

此切至之誨而不載之論語致學者求道於心外豈不大害簡謹取而爲集語觀與我同志者或未觀孔叢子而偶見此書庶早悟此心之卽道而不他求也至哉人心之靈乎至神至明至剛至健至廣至大至中至正至純至粹至精而不假外求也心之精神是謂聖此一言最害道之甚乃出於孔叢子慈湖取之以爲終身獨到之地又以此惑學者非徒悞已又以悞人誇耀不盡豈有道者氣象豈默識之學大類檀經諸禪藉詞氣自不覺發出來

天地之間非陽則陰非陰則陽陰陽之氣雖二而

楊子折衷卷五

二十三

神靈之道則一風雷電霧雨露霜雪霰雹之所以變化者此也羽毛鱗介保虫之所以生成變化者此也萬化萬物雖自神自靈而不自知惟聖人自神自靈而又自知自知則明明則通通則無所不通故四靈役於聖人

開口便說神說靈說明說通道無精粗只揀精的說非但無此理亦能令人可厭

先生曰人心何嘗不正但要改過不必正心一欲正心便是起意

然則一欲改過亦非一起意乎

卷五終

楊子折衷卷之六

人性至善。人性至靈。人性至廣。至太。至高。至深。至遠。人所自有。不待外求。人所自有。不待外學。無不知愛其親及其長也。無不知敬其兄。見牛解解誰無不忍之心。見孺子匍匐將入井。誰無往救之心。是謂仁。義之心。是謂良。心。卽堯舜禹湯文武周公孔子之心。卽天地日月鬼神之心。人人皆有此心。而顧爲庸庸。逐逐。貪利祿。患得失者。所熏灼甚切。惜之。敢先以告。每謂教養茲邑。猶欲使舉吾邑人皆爲君子。况學者乎。誨之諄諄。不倦。剷除氣

習。脫落意蔽。本心本自無恙。

雖則人之本心皆然。失其本心。故不得如聖人。良如良能。亦人本心固有。然天下孝弟者少。不孝不弟者比比。雖以聖人有多少。禮樂刑政立多少。學問忠辯篤行之教。尚不能復其本體。而云不待外學者。賊夫甚者也。

先生首奏陛下。已自信有大道乎。舜曰。道心明。心此心。虛明無體。廣大無際。日用云爲。無非變化。故易曰。變化云爲。虛明泛應。如日月之光。無思無爲。

而萬物畢照。陛下已自有此大道。又聖性澹然。無所好嗜。宜清明舉無失策。而猶有禍變云云者。臣恐意或微動。如雲氣之興。故日月之光有不照之處。舜禹相告。猶以精一爲難。願陛下兢兢業業。無起意不起意。則自然知柔知剛。知賢知不省。洞見治亂之機。常清常明。可以消天災。弭禍亂。大臣務引君以當道。當道者中正之路。中正則仁矣。慈湖引君以虛明無體無思無爲。果中正之路乎。果體仁之實乎。

又次言改過聖賢之大德。近世士大夫名以改過爲取。故人亦不敢忠告。王安石本有非常之譽。諸賢競議新法。決於去位。安石豈不動心致疑。而決策不同者。重於改過也。故其末流小人。類進禍及國家。陛下取羣臣之改過服義者。表章陞擢。使凡建議不遂。非飾辭。則集衆智歸于一。是國家何事不辦。而堯舜禹湯之大道。復大明於今日矣。先生曩嘗口奏陛下。已自信此心。卽大道乎。上曰。心卽是道。略無疑貳之色。問日用如何。上曰。止學定耳。先生謂定無用學。但不起意。自然靜定。澄明。上曰。日用勿起意而已。先生贊至善至善不起意。則是非。

賢否自明此日復奏陛下意念不起已覺如太虛
乎上曰是如此問賢否是非已歷歷明照否上言
朕已照破

改過不吝非成湯之大聖不能此未可責之安石安
石只初學術之差遂以爲是安望其改過故知非乃
能改過也慈湖以虛無之學自信而於古聖賢之言
亦且不信矣改過之言談何容易若寧宗悞聽其言
只空蕩蕩地其害豈小於安石也故曰無以學術殺
天下後世

某之行年二十有八也居太學之循理齋時首秋

楊子指掌卷本

三

入夜齋僕以燈至某坐于床思先大夫嘗有訓曰
時復反觀某方反觀忽覺空洞無內外無際畔三
才萬物萬化萬事幽明有無通爲一體略無縫罅
疇昔意謂萬象森羅一理貫通而已有象與理之
分有一與萬之異及反觀後所見元來某心體如
此廣大天地有象有形有際畔乃在某無際畔之
中易曰範圍天地之化中庸曰發育萬物灼然始
信人人心量皆如此廣大孔子曰心之精神是謂
聖卽達磨謂從上諸佛惟以心傳心卽心是佛除
此心外更無別佛汝問我卽是汝心我答汝卽是

我心汝若無心如何解問我若無心如何解答汝
觀此益驗卽日用平常之心惟起意爲不善用力
急改過改卽止切毋他求故子曰改而止此心至
妙奚庸加損日月星辰卽是我四時寒暑卽是我
山川人物卽是我風雨霜露卽是我鳶飛魚躍無
非我如人耳目鼻口手足之不同而實一人心
如此神妙百姓自日用而不知炳講師作此表軸
求書故書

如此見解立地卽見何難之有只是虛見耳非實見
也如夢升天耳非實升天也乃達磨之學慈湖不知

楊子指掌卷六

四

不覺發露出來與聖賢所謂渾然與天地萬物爲一
體自別所謂句句合然而不同者也

吾師日有數語曰吾兩目散日月之光四體動天
地之和步步欲風生雲起句句若龍吟鳳鳴其間
周還中規折還中矩珠璣咳唾蘭蕙清芬此豈人
力所能爲哉天機妙運道體變通我猶不得而自
知人又安得而詰我

此妄想耳非動意之甚乎

孔子曰心之精神是謂聖人皆有是心心皆具此
聖百姓日用而不知耳而況於同邑君子翁彥陽

有夷齊之行非聖乎

種種只是此言說聖何其容易許人何其容易也卽此便是不中正之精神也

孔子自衛反魯息駕于河梁而觀焉懸水三十仞圜流九十里魚鱉不能道鼃鼃不能居有一丈夫方將厲之孔子使人並流止之曰此懸水三十仞圜流九十里魚鱉不能居也意者難濟也丈夫不以措意遂渡而卅孔子問之曰巧乎有道術乎所以能入而出者何也丈夫對曰始吾之入也忠信及吾之出也亦忠信忠信措吾軀於波流而

卷六

五

吾不敢以用私所以能入而復出也子曰二三子識之水猶可以忠信之身親之而況於人乎其讀此不勝起敬而嘆曰有如此切至之言先聖許可而諸儒未有表而明之者甚矣大道之不明也

此卽慈湖所謂非聖之書也何其信之深乎此乃道家所謂入水不濡入火不焚之說荒誕之語也慈湖何不請入水試之不明理如此而謂精神卽聖可乎異端害道欺心欺人者也

夢協謂心之精神是謂聖此聖人之言何敢不信但學者所造有淺深其謂道無淺深先聖曰改而

止謂改過卽止無庸他求精神虛明安有過失意動過生要道在不動乎意爾

從來見慈湖每每連篇累牘皆以心之精神爲聖觀此乃知所謂精神者虛明也蓋聖則虛明而止謂虛明爲聖則釋道家皆聖矣不亦悞乎

於乎道非心思言論之所及雖聖人不能強人之必明孔子大聖其所啓明惟顏子三月不違餘則月至日至當是閔子騫冉伯牛仲弓曾子諸賢餘不能強也他日子夏子張子游以有若似聖人欲以所事孔子事之曾子曰不可江漢以濯之秋陽

揚子集卷六

六

以暴之皜皜乎不可尚已厥後孟子得不學而能之良能寥寥千載所考見我宋邵康節程明道至矣而偏象山陸夫子生而清明

未必悟所謂皜皜者何物徒取以附清明之說取以邵程並稱未達也又以爲至矣而偏夫至則不偏又未達也獨以爲象山清明又未達也孟子良能良知又必待擴充達之天下乃爲仁義今乃便說是見成的聖人又未達也

某於淳安錢子名時字子至契子是先已覺惟向有微碍某刻其碍遂清明無間無內外無始終

無作止日用光照精神澄靜其深所敬愛

覺則無碍則非一刻碍便能無間無內外終始作止日用光照精神澄靜此得非言下覺乎雖顏子亦不能亦必待循循善誘博文約禮竭才後乃見如有所立卓爾又雖欲從之未由也已慈湖談何容易

語及大學簡所未安大學非孔子之言定遠曰體察曰隱諸內心是未信此心之即道故更體察更隱也體察與隱皆起意孔子戒學者毋意曰內曰外皆起意此與大學同病曰止曰定曰靜曰安皆

楊子集卷六

二

意也孟子曰勿正心而大學曰正其心又曰先誠其意先致其知又曰在格物皆意也益可驗者篇端無子曰定遠更需餘言然已易間居解亦詳矣敢於非古聖賢之書非出於動意而然乎

熾再以書叩老先生其略云平常正直之心雖人所固有然汨沒斷喪所存者幾希平時懂懂往來於利慾之塗而牛羊豕犬若是其濯濯幸而聞大人先生之言是爲之涖養爲之克治待其膠擾之暫息清明之復還於是良心之苗裔善端之萌蘖時時發見焉必也體而察之隱而度之特循執守

久焉而後安止精熟不失我心之本然今懼其起意也不敢體察不敢隱度坐聽是心之所發則天理與人欲並行真誠與僞念交作果何以洞識其然否恐放其心而欲求者不可以如是竊嘗深念欲遵先生之教全其平常正直之心不體察不隱度不起意於中又不可泊然無所事若枯槁者之爲也

此其門徒所質疑者良是不動意則博學審問慎思明辨篤行者皆不可用矣只終日冥冥茫茫便是學矣可乎

楊子集卷六

八

辨慈湖解孔子間居

孔子間居子夏侍子夏曰敢問詩云凱弟君子民之父母何如斯可謂民之父母孔子曰夫民之父母乎必達於禮樂之原以致五至而行三無以橫於天下四方有敗必先知之此之謂民之父母矣子夏曰民之父母既得而聞之矣敢問何爲五至孔子曰志之所至詩亦至焉詩之所至禮亦至焉禮之所至樂亦至焉樂之所至哀亦至焉哀樂相生是故正明目而視之不可得而見也傾耳而聽之不可得而聞也

此下慈湖解志之所至至不可得而聞一節曰禮樂之原自五至五至即三無三無即五起五起即能先知四方之敗者道不可言孔子欲無言不得已而有言曰原足矣何必言五至五至多矣又何必言三無子夏沉溺於文義之淵藪斷非一語之所能曉敷而明之曲而暢之庶幾或觸其機也何謂至人皆有心志即志即至無所復至凡志之有所思焉有所感焉思亦何所思感亦何所感思無所思人自以爲思感無所感人自以爲感條然而思思無所起思而又思思無所止人自以爲止所

楊子書卷六

九

止者何所厥思亦何物執之而無得視之而無睹莫究厥始莫窮厥終莫執厥中是之謂大同條然而感感無所起感而又感感無所止人自以爲止所止者何所厥感亦何物執之而無得視之而無睹或曰氣氣亦中無有或曰心心亦無本體莫究厥始莫窮厥終莫執厥中是之謂大同若然則由志而爲詩詩亦然也發於禮儀禮亦然也於是乎樂生不知手之舞之足之蹈之則樂亦然也人情亦豈能終月樂終年樂亦有哀焉有所惻焉則哀有所傷焉則哀或哀焉哀樂相生其變萬狀於戲

至哉孔子曰此雖使正明日而視之不可得而見也傾耳而聽之不可得而聞也哀至雖於哭頽淵慟矣而不自知樂雖至於孟子喜而不寐亦不可見不可聞也哀樂必有物非不可見也哭笑必有聲非不可聞也而聖人斷然曰不可見不可聞衆人之樂皆不可見不可聞也而衆人自有以爲可見可聞也衆人之哀皆不可見不可聞也而衆人自以爲可見可聞也哀與樂名也聞與見亦名也惑其名者失其實也是名即實是實即名名與實亦名也惑其名失其實也志即詩詩即禮禮即樂

楊子書卷六

十

樂即哀

水嘗謂戴記孔子閒居諸篇只可作傳看不可作經傳學者自擇猶可也慈湖一槩信之誤矣何其擇之不精語之不詳耶蓋聖人一言而可以盡者即止未嘗因人而生出許多支詞五至三無五起皆非聖人之言慈湖信之惑矣以心志解至又非本義也至於有思感無思感等說又過詞也又云心無本體是又未識心也至於志之所至詩亦至焉之說此本於詩言志志詩本是一事今以爲二至悞矣其禮未有因詩而至者也哀樂相生之言蓋本於樂極生哀之

說然未有哀反生樂者也哀樂皆生於心當其未發
未生以何者爲樂何者爲哀知其謬矣所謂視之聽
之二句得聖人之指然未知所謂之者是何物此解
不覩不聞之道體不可見聞者也今以解哀樂不可
見聞全虛無了

志氣塞乎天地此之謂五至子夏曰五至既得而
聞之矣敢問何謂三無孔子曰無聲之樂無體之
禮無服之喪此之謂三無

此下慈湖解志氣充塞至三無一節曰志氣卽天
地謂之充塞非過論也謂天地合德可也謂範圍

楊子精義卷六

十三

天地可也其曰充塞乃因人心狹固井蛙不可以
驟語海姑爲是言也聖人之言不可以一定論也
或曰禮樂之原或曰五至或曰三無或曰致或曰
行縱而言之錯而論之無不可者聖人曰五至吾
曰六曰七可也聖人曰三無吾曰四曰五可也詩
與禮與樂類也忽繼之以哀也深明夫一體無二
縱而言之錯而論之無不可者是故無聲之樂卽
無體之禮無體之禮卽無服之喪樂未嘗無聲必
曰無聲非無聲也卽聲也禮未嘗無體必曰無體
非無體也卽體也喪未嘗無服必曰無服非無服

也卽服也聲卽無聲體卽無體服卽無服本無所
異何必言同唯人徒執其聲故曰無聲徒執其體
故曰無體徒執其服故曰無服

水謂樂未作禮未行服未定則不可謂之禮樂喪服
矣至於無聲卽聲聲卽無聲無體卽體體卽無體無
服卽服服卽無服之說愈遁而支矣

子夏曰三無吾既得略而聞之矣敢問何詩近之
孔子曰夙夜基命宥密無聲之樂也威儀逮逮不
可選也無體之禮也凡民有喪匍匐救之無服之
喪也子夏曰言則大矣美矣盛矣言盡於此而已

楊子精義卷六

十三

乎孔子曰何爲其然也君子之服之也猶有五起
焉子夏曰何如孔子曰無聲之樂志氣不違無體
之禮威儀遲遲無服之喪內恕孔悲無聲之樂氣
志既得無體之禮威儀翼翼無服之喪施及四國
無聲之樂氣志既從無體之禮上下和同無服之
喪以畜萬邦無聲之樂日聞四方無體之禮日就
月將無服之喪純德孔明無聲之樂志氣既起無
體之禮施及四海無服之喪施于子孫
此下慈湖解何詩近之至施于子孫而附以已意
曰詩曰夙夜基命宥密何所基命何所始始無

所始無窮際謂之極寬極宥可也。不可得而見，不可得而聞，不可得而思，謂之至密可也。曰：基曰：宥曰：密皆名也。惑其名者失其實，聲即無聲，天下之至實也。而徇名與聲者惑之。聖人曰：無聲所以破學者牢，不可破之定見也。非以無聲爲定論也。又慮學者無從而求之，使窮其本始，得其始則得其終矣。曰：基命所以原始也，原聲所始始無所止，莫究厥始，莫窮厥終，莫執厥中，無聲之樂，日聞四方，果日聞四方矣。無聲即聲，無體即體，無服即服，無本末，無精粗，威儀實無體，其白不可選，也是誠

禮記卷六

三

不可選也。凡民有喪，匍匐救之，是故無服之喪也。即齊斬功總之道也。於父斬衰，於母齊衰，兄弟期，降而功，總衰誠有等差，皆一心之爲也。即匍匐救喪之心，以喪其親，則爲齊斬爲辯踊爲毀瘠一也。非人之所爲也。天也。天即人人，即天地，即日月，即四時，即鬼神，即禮樂之原，原無所本，亦無所末。本末之名，因人心而生。本末之實，不以人心而異。人謂之本末，則亦始從而謂之本末。人謂之天，則亦始從而謂之天。人謂之地，則亦始從而謂之地。人曰：日月吾亦何得不謂之日月？人曰：四時吾亦何

得不謂之四時？人曰：禮則曰禮，人曰：樂則曰樂，人曰：人則曰人。人曰：道則曰道，曰氣則曰氣，曰志則曰志。有曰：有無曰無，號名紛然，意慮雜然而未嘗不渾然。寂然也。人自以爲紛然，雜然而未嘗樂之相生而實不可見，不可聞也。此非徇名者之所知也。亦非徇實者之所知也。實無所徇，實無所實，棄名而求實，非實也。棄實而言名，非名也。實非學者之所知也。名亦非學者之所知也。知則不知，不知則知。知則亂，則昏；不知則清，明則無所不知。孔子曰：吾有知乎哉？無知也。文王不識，不知順帝

禮記卷六

四

之則子貢以爲多學而識之。聖人以爲非孔子又曰：天下何思何慮？學者苟有意焉，夫子必曰：母有必焉，必曰：母有固焉，必曰：母有我焉，必曰：母微有意，度如雲氣之蔽太虛矣。四方有敗，安能先衆人而知之？先知四方之敗者，必其不識不知者也。孔子曰：不逆詐，不億不信，而亦自先覺何也？意慮不作，而本清明之性自無所不照，故也。此非口舌之所能道也。此非思爲之所能到也。人心自清，人心自明，人心自無思，無爲，人心自寂然，不動，思未嘗思，人自以爲思，爲未嘗爲，人自以爲爲，清也，明

也無思也無爲也寂然不動也知也不知也皆名也惑其名者失其實也子夏聞三無之論曰言則大矣美矣盛矣言盡於此而已乎是子夏未領吾聖人旨也聖人之旨非美盛所得而言也亦非言所得而盡也故孔子又啓之曰君子之服之也又有五起焉服而念之暢而明之五起非有五老之不同也五起猶五節加焉而六可也損焉而四亦可也縱而言之錯而論之無不可者無聲之樂氣志不違氣志卽樂匪異匪違無體之禮威儀遲遲不可度思無服之喪內恕孔悲其恕其悲孰

楊子哲學卷六

十一

得而知無聲之樂氣志既得非得有得亦非無得無體之禮威儀翼翼威儀翼翼順帝之則無服之喪施及四國三者一旨三者一德無聲之樂氣志既從何異何同昭然渾融無體之禮上下和同此敬此恭何所不通無服之喪以畜萬邦有安無危有福無殃無聲之樂日聞四方人皆聞之而曰不知無體之禮日就月將不勉不強從容有常無服之喪純德孔明皜皜精白禮樂同情無聲之樂氣志既起其起卽止變化不已無體之禮施及四海此道大通無遠弗届無服之喪施于孫子

詩言無聲無臭而必曰上天之載明有無虛實一體也今一切說虛無可乎又說聖人以無聲破學者定見是聖人已墮在一偏何以救人救人惟在中正耳聖人無二語謂心卽是服則設有一人喪親而不爲服者曰吾服在心矣可乎至於天地日月四時禮樂人道氣志有無皆一定不可易之名設有狂人指天謂爲地則亦可姑從而謂天爲地乎至於哀樂未生誠無名矣又何以謂之相生乎又云知則不知不知則知知則昏亂不知則清明而無不知則孟子所謂良知皆非耶而又援孔子無知文王不識不知以歸

楊子哲學卷六

十一

附其說益遠矣其四方有敗先衆而知恐亦蜀山人之前知非聖人之前知也又云五起加焉而六損焉而四皆可若非聖人之言則易言煩言則可以損益得若聖人之言則如兀子之有四脚缺一不可蓋此類非聖人之言故無聲禮樂等語重疊言之不過一理更無淺深何必多言慈湖附會之益見擇之不精矣

子夏曰三王之德參於天地敢問何如斯可謂參天地矣孔子曰奉三無私以勞天下子夏曰敢問何謂三無私孔子曰天無私覆地無私載日月無

私照奉斯三者以勞天下此之謂三無私其在詩
曰帝命不違至于湯齊降降不遲聖敬日躋昭假
遲遲上帝是祗帝命式于九圖是湯之德也天有
四時春秋冬夏風雨霜露無非教也地載神氣神
氣風霆風霆流形庶物露生無非教也清明在躬
氣志如神嗜欲將至有開必先天降時雨山川出
雲其在詩曰嵩嵩維嶽峻極于天維嶽降神生甫
及申維申及甫爲周之翰四國于蕃四方于宣此
文武之德也三代之王也必先其令聞詩云明明
天子令聞不已三代之德也施其文德協此四國

楊氏集卷六

十七

大王之德也子夏蹶然而起負牆而立曰弟子敢
不承乎

此下慈湖又覆解五至三無五起以釋天有四時
至無非教也至終篇曰禮亦如此樂亦如此三王
之德如此天地之德如此日月之明如此天無私
覆地無私載日月無私照人無私喜怒天地日月
卽人人卽天地日月以爲異者耳目思慮之所及
也以爲同者非耳目思慮之所及也非是有非非
及不及天人無違故帝命之人而違天私意作之
故天命去之得此道者謂之聖聖無不敬敬非人

爲是謂日躋爲則墮矣莫克進矣進亦匪進人言
曰進姑亦曰進是進無私是進無爲自然昭明自
然暇怡寂然渾然融融遲遲所以順帝則者在斯
所以作式于九圖者在斯天有四時春秋冬夏風
雨霜露寂然渾然其教我也昭然自地而上莫非
神氣之可指者如風霆風霆作而芽甲形庶物露
生寂然渾然其教我也昭然其在我也爲百骸爲
九竅爲視聽言動爲氣志嗜欲寂然渾然又何其
清明又何其如神也卽人卽神姑曰如神何以驗
其神嗜欲將至有開必先欲降雨山川出雲宣

楊氏集卷六

十八

王未出而臨蒞天下也而嶽先降神生甫及申何
爲乎其神至如此道通爲一其心甚神神無方體
易曰範圍天地天地在吾心量中也子思曰大哉
聖人之道洋洋乎發育萬物者聖人實育之也此
道非聖人獨有而衆人無也天下之所同也自此
而上千萬億年皆此心也自此而下千萬億年皆
此心也天者宣王之高明地者宣王之博厚山川
宣王之流峙雲雷風雨宣王之震動散潤嵩嶽宣
王之嵩嶽申甫宣王之申甫在古不爲先在今不
爲今在後不爲後渾然寂然昭然不澄治而常清

不思慮而常明何獨聖人爲然又何獨宣王爲然
樂平有老士王者曩數年夢令遺胥致命俾成先
聖之宮且召之食期日二十有七至是默符曩夢
期日正同故王老感異損金特盛此亦王老之有
開必先也於感人皆有是至靈至神古今一貫之
心卽天地之道卽禮樂之原卽文武之德卽三伐
之德而不知自貴不知自愛殊可念也能自知者
千無一萬無一自知誠鮮而常知常明者又鮮自
知者孔子謂之知及之常知常明孔子謂之仁能
守之自知非意慮之所及亦非捨意慮之所爲意

學士折衷卷六

十九

慮交作女四時之錯行如日月之代明人皆有是
明德而不能以自明能自明而又不能常明有時
乎昏則不可以爲仁仁者覺之之謂醫家之流謂
四肢不覺爲不仁先儒常舉此以明仁無一物之
不覺無一事之不覺無斯須之不覺如日月中天
如水鑑時明常覺常明自覺自明晝夜通貫顏子
進乎此故曰其心三月不違仁其餘日月至者如
仲弓之徒亦可以言仁惟日月之外亦昏亦違可
以言仁不可以言盡仁顏子幾於盡仁矣孔子六
十而耳順則江漢以濯之秋陽以暈之皜皜乎不

可尚已

三無私卽一無私以爲三者不知道者之言也謂人
與天地日月同體可也其理一也慈湖言人卽是天
地日月則混矣知其渾然者而不知粲然者矣知理
一而不知分殊者矣審如是則或有呼人曰天可應
之乎擇之不精語之不詳矣又閒居以四時風雨霜
露屬天以神氣風霆庶物屬地不知天地一氣升降
化生而無二非知道者也神氣貫徹天地而獨云地
載神氣莫非神氣而云神氣風霆又云流形靈生皆
不成道理決非聖人之言矣慈湖擇之語之果精果

楊子折衷卷六

子

詳乎其餘慈湖解通篇神異虛無之說且謂氣出自
檀經又引王老夢而言益荒唐矣象山未嘗有此言
也未嘗道心之精神謂聖之語也學者慎之

門人江都葛澗刻在新學齋

乾隆壬子年七月

楊子折衷卷之六終

楊子折衷六卷

浙江鄭大節家藏本

明湛若水撰宋儒之學至陸九淵始以超悟爲宗諸弟子中最號得傳者莫如楊簡然推衍九淵之說變本加厲遂至全入於禪所著慈湖遺書以心之精神是謂聖一語爲道之主宰而以不起一意使此心虛明洞照爲學之功夫其極至於斥大學非聖言而謂子思孟子同一病源開後來心學之宗至於宵冥恍惚以爲獨得真傳其弊實成於簡若水因當時有梓其書者乃卽其所言條析而辨之凡書中低一格者簡之說平格者若水之論也

閑闢錄十卷

〔明〕程瞳輯

清華大學圖書館藏明嘉靖四十三年刻本

附《四庫全書總目·閑闢錄十卷》
提要

閑闢錄序

昔我新安夫子倡明聖學於天下時則有若陸氏兄弟浙之呂陳亦各以其學並馳爭騖而號於世陸則過高而淪於空虛浙則外馳而溺於卑陋夫子懼其誣民而充塞仁義也乃斥空虛者爲異端爲禪學爲佛老卑陋者爲俗學爲功利爲管商辭而闢之以閑聖道而正人心焉而其愛之深辨之嚴任之重渙然見諸遺書與自以承三聖者夫豈有所異哉世衰道微士膠見聞至於身蹈浙學而猶知其卑陋不敢昌言以告人於陸則謂之晚與夫子合爲夫子之所集甚則謂能掩跡夫子追踪孟氏樂道而北面之流弊不息以迄於今茲是蓋不察夫子閑闢之旨而爲所謂彌近理而大亂真者所惑也噫聖學之不能明於世也其基於此歟瞳也幸辱生夫子之土壤而獲世守其遺書乃敢妄以閑闢之所寓者類聚之而浙則附焉以爲爲學標的求無惑於他岐云爾若夫秉夫子之旌旗揭陸

氏之巢穴以收摧陷廓清之功則有望於任世道之責者

正德乙亥四月既望新安程瞳序

閑關錄

二

閑關錄目錄

卷第一

答呂伯恭書

乾道癸巳十一月

辨張無垢中庸解序

答呂子約書

答呂子約書

鵝湖寺和陸子壽韻

淳熙乙未五月

附原韻

附陸子靜和韻

閑關錄

語錄二

目錄

一

附呂東萊與邢邦用書

與王子合書

淳熙乙未六月

答張敬夫書

淳熙乙未

附東萊與陳同父書

卷第二

答陸子壽書

淳熙丙申

二

答葉味道書

二

語錄三 淳熙己亥三月

卷第三

答呂伯恭書 淳熙己亥十月

答曹立之書 淳熙庚子

答呂伯恭書 淳熙庚子三月

答林擇之書

與吳茂實書

答呂伯恭書 淳熙庚子六月六日

閏開錄

附錄

二

答曹立之書 淳熙庚子

祭陸子壽文 淳熙庚子十一月

答呂伯恭書 淳熙庚子

附原書

答呂伯恭書 淳熙辛丑二月

附東萊撰子壽埋銘 淳熙庚子十二月

跋陸子靜白鹿洞書堂講義 淳熙辛丑二月十日

語錄二

附講義

答符復仲書

附子靜書

卷第四

答呂伯恭書 淳熙辛丑四月

語錄三

附子靜祭東萊文 淳熙辛丑十一月六日

答項平父書 淳熙壬寅

答項平父書

答趙善舉書

閏開錄

附錄

三

答張敬夫書二

答黃直卿書

卷第五

曹立之墓表 淳熙癸卯五月

答劉晦伯書

答諸葛誠之書

二

答項平父書

附子靜與朱子書

答滕德章書

答劉子澄書 淳熙甲辰正月

答滕德粹書 淳熙乙巳

與劉子澄書 淳熙乙巳

答陳膚仲書

語錄

論浙學書二十七章

卷第六

寄陸子靜書 淳熙乙巳七月

閑關錄 目錄 四

與劉子澄書 淳熙乙巳七月九日

答劉公度書

答林擇之書

答胡季隨書

答陳正巳書

答陸子靜書 淳熙丁未

答陸子靜書 淳熙丁未五月二日

語錄四

大學或問

附 子靜答書

答程正思書

答趙幾道書

答周叔謹書

語錄

答呂子約書

答項平父書

答石應之書

答沈叔晦書

閑關錄 目錄 五

答潘叔昌書

卷第七

答陸子美書

二

三

題太極西銘後 淳熙戊申二月

答陳膚仲書

答陸子靜書 淳熙戊申正月十四日

附 子靜書

答陸子靜書 淳熙戊申十一月八日

二

附 子靜書 紹熙庚戌

答俞壽翁書

答黃直卿書

答程正思書

答邵叔義書

答程正思書

附 子靜書八

問問錄

附 目錄

六

語錄

附 子靜書四

答陳君舉書

語錄

附 君舉書

卷第八

答劉公度書

附 子靜答胡季隨書

語錄三

答趙子欽書

語錄二

答吳伯豐書

答鄭子上書

答或人書

答方賓王書

語錄

附 草廬吳氏序象山語錄

答項平父書 紹熙壬子

問問錄

附 目錄

七

答胡季隨書 紹熙壬子

答吳伯豐書 紹熙壬子

答林謙之書

卷第九

語錄

答趙然道書 紹熙癸丑

答詹元善書 紹熙癸丑

答蔡季通書 紹熙癸丑

答許教書 紹熙癸丑

鄂州州學稽古閣記

紹熙癸丑九月朔

答汪長孺書

語錄二

答姜叔權書

語錄

答劉公度書

語錄二

答包顯道書二

答包詳道書三

關關錄

目錄

答包敏道書二

答劉定夫書二

語錄

答傅子淵書三

答潘子善書

語錄二

答李好古書

語錄二

答劉季章書

語錄二

語錄

答孫敬甫書

語錄

答孫敬甫書

勉齋黃氏撰朱子行狀

卷第十

宋史理宗紀

資治通鑑綱目

開關錄

目錄

草廬吳氏送陳洪範序

道園虞氏撰草廬行狀

劉文安公宋論

薛文清公讀書錄

丘文莊公經進大學衍義補

二

丘文莊公世史正綱

會試策

鄉試策

莊定山詩
會試策

開闢錄

目錄

十

刻開闢錄後

朱陸之學始終不同具見兩家年譜及文集
語錄中夫何草廬吳氏創為遷就調停之說
竊墩程公又繼為始異終同之書由是遂成
千古未了之公案歷世不決之疑獄道無從
授指南矣我先君深為此懼爰取朱陸之遺
書考其歲月之先後明其旨趣之異同旁蒐
博采輯以成編其心即孟子閑先聖之心也
間嘗贊諸覺山洪先生先生謂是錄所見的
確譬諸堂上大人兩造是非援據律令不
使吏胥得以輕重下焉益良多則千古未了之公案
而判無復盈庭之
奇之論者顧以陸學
一人而朱子循序教
之反詆為鈍用而斥絕之學者亦多厭
常趨異從而和之蕩然成風莫知底止正整
菴羅氏所謂認心為性相率而為異端之歸

也然則書一出而凡惑於兩岐之說者宜亦知所適從也噫先君德音不可復聞矣而其手澤宛然敬刻而傳之謹識命工之月併以繫無窮之悲

嘉靖甲子春二月下孤子續洛百拜謹書

開錄

開闢錄卷第一 鄉後學練江程瞳輯

答呂伯恭書

子壽聞其名甚久恨未識之子澄云其議論頗宗無垢不知今竟如何也

辨張無垢中庸解序

無垢本佛語而張公子韶之別號也張公始學于龜山之門而逃儒以歸于釋既自以為有得矣而其釋之師語之曰左右既得櫛柄入手開導之際當改頭換面隨宜說法使殊

開錄

卷一

塗同歸則世出世間兩無遺恨矣然此語亦不可使俗輩知將謂實有恁麼事也用此之故凡張氏所論著皆陽儒而陰釋其離舍出入之際務在愚一世之耳目而使之恬不覺悟以入乎釋氏之門雖欲復出而不可得本末指意略如其所受於師者其二本殊歸蓋不特莊周出於子夏李斯原於荀卿而已也瞳按朱子之論陸學始終言同無垢故附此序於卷首以諗觀者

答呂子約書

示喻縷縷具悉但泛說尚多皆委曲相合恐更當放下且玩索所讀書依本分持養爲佳耳陸子靜之賢聞之蓋久然似聞有脫略文字直趨本根之意不知其與中庸學問思辨然後篤行之旨又如何耳

答呂子約書

所示內外兩進之意甚善此是自古聖賢及近世諸老先生相傳進步直訣但當篤信而力行

開闢錄

卷一

二

之不可又爲他說所搖復爲省事欲速之計也近聞陸子靜言論風旨之一二全是禪學但變其名號耳競相祖習恐誤後生恨不識之不得深扣其說因獻所疑也然想其說方行亦未必肯聽此老生常談徒竊憂歎而已操存舍亡之說諸人皆謂人心私欲之爲乃舍之而亡所致却不知所謂存者亦操此而已矣子約又謂存亡出入皆神明不測之妙而於其間區別真妄又不分明兩者蓋胥失之要之存亡出入固皆

神明不測之所爲而其真妄邪正始終動靜又不可不辨耳

瞳以上三書朱子未識陸氏時語也陸氏爲學之弊朱子衛道之勤已見於此矣其曰玩索所讀書依本分持養內外兩進是自古聖賢及近世諸老先生相傳進步直訣操存舍亡則朱子修德凝道之功備矣均嘗他日待識子靜而後始尊德性如後世學者之論哉

開闢錄

卷一

三

鵝湖寺和陸子壽韻

德義風流夙所欽別離三載更關心偶扶藜杖出寒谷又枉藍輿度碧岑舊學商量加邃密新知培養轉深沈却愁說到無言處不信人間有古今

瞳按朱子祭子壽文曰念昔鵝湖之下實云識面之初子靜與朱子書曰昔年兩得侍教康廬之集加款於鵝湖則朱陸在鵝湖之前未識面也詩云別離三

載者指東萊子澄歟

附原韻

孩提知愛長知欽古聖相傳祇此心大抵有基方築室未開無址忽成岑雷情傳注翻憐塞著意精微轉陸沈珍重

附子靜和韻

墟墓興哀宗廟欽斯人千古不磨心涓流積至滄溟水拳石崇成泰華岑易簡工夫終久大支離事業竟浮沈欲知自下升高處真箇先須辨只今

瞳按朱陸鵝湖講論雖曰無傳然即此詩推之亦可見其大槩矣蓋朱子平日

開闢錄

卷一

四

之所以為學曰聖門之教下學上達自平易處講究討論積慮潛心優游饜飫久而漸有得焉則日見其高深遠大而不可窮矣程夫子所謂善學者求言必自近易於近者非知言也曰古人為學只是升高自下步步踏實漸次解剥人欲自去天理自明曰聖門之學下學而上達至於窮神知化亦不過德盛仁熟而自至耳若如釋氏理須頓悟不假漸

修之云則是上達而下學曰人之所以

為學者以吾之心未若聖人之心故也

心未能若聖人之心是以燭理未明無

所準則隨其所好高者過卑者不及而

不自知其為過且不及也若吾之心即

與天地聖人之心無異矣則尚何學之

為哉故學者必因先達之言以求聖人

之意因聖人之意以達天地之理求之

自淺以及深自近以及遠循循有序而

開闢錄

卷一

五

不可以欲速迫切之心求也夫如是浸漸經歷審熟詳明而無躐等空言之弊馴致其極然後吾心得正天地聖人之心不外是焉非固欲盡於淺近而忘深遠舍吾心以求聖人之心棄吾說以徇先儒之說也子靜平日之所以為學曰耳自聰目自明事父自能孝事兄自能弟本無欠缺不必他求在乎自立而已故子靜於此詆朱子云欲知自下升高

處真偽先須辨只今也朱子嘗謂子靜
俯視聖賢聖賢之言不必盡信先立一
說務要突過有君子貢以上更不數近
世周程諸公盡廢講學專務踐履要人
提撕省察悟得本心故云却愁說到無
言處不信人間有古今也若易簡支離
則朱子語錄論之詳矣爰次諸左

語錄

問因其已知之理推而致之以求至乎其極

問開錄

卷一

一

是因定省之季以至於色難養志因事君之
忠以至於陳善閉邪之類否曰此只是說得
外面底須是表裏皆如此若是做得大者而
小者未盡亦不可做得小者而大者未盡尤
不可須是無分毫欠闕方是且如陸子靜說
良知良能四端根心只是他弄這物事其他
有合理會者渠理會不得却禁人理會鵝湖
之會渠作詩云易簡工夫終久大彼所謂易
簡者苟簡容易耳全看得不予細乾以易知

者乾是至健之物至健者要做便做直是易
坤是至順之物順理而為無所不能故曰簡
此言造化之理至於可久則賢人之德可久
者日新而不已可大則賢人之業可大者富
有而無疆易簡有幾多事在豈容易苟簡之
云乎

或問所守所行似覺簡易然茫然未有所獲
曰既覺得簡易自合有所得却曰茫然無所
獲者如何曰比之以前為學多岐今來似覺

問開錄

卷一

七

簡易耳愚殊不敢望得道只欲得一箇入頭
處曰公之所以無所得者正坐不合簡易楊
子雲曰以簡以易焉支焉離蓋簡易所以為
支離也人須是博學之審問之謹思之明辨
之篤行之然後可到簡易田地若不如此用
工夫一蹴便到聖賢地位却大段易了古人
何故如此博學審問謹思明辨篤行乎夫是
五者無先後有緩急不可謂博學時未暇審
問審問時未暇謹思謹思時未暇明辨明辨

時未暇篤行五者從頭做將下去只微有少
差耳初無先後也如此用工他日自然簡易
去語錄注云包顯道以書論此先生孟子曰
博學而詳說之將以反說約也語云博我以
文約我以禮須是先博然後至約如何便先
要約得人若先以簡易存心不知博學審問
謹思明辨篤行將來便入異端去

閑閑錄

卷一

八

人之記錄者詳矣自吳草廬唱排之學
腫按朱子平日辨論子靜之語見于門

者遂隨聲附和而不之察竊嘗校諸朱
子手筆之書罔不合者但手書約而語
錄詳耳今以可徵於手書者載之致詳
於手書者附之然亦未遑盡輯也有志
於閑閑者自當究夫語錄手書之大全
云

附東萊與邢邦用書

頃讀目合本寫建寧之行與朱子語相聚四
里其有謂論之益自此却無出入可謂戶讀
之者論其多也

講貫細繹乃百代為學通法學者緣此支離
泛濫自是人病非是法病見此而欲盡廢之
正是因噎廢食然學者苟徒能言其非而未
能反已就實悠悠汨汨無所底止是又適所
以堅彼之自信也尊兄
試深思之以為如何

按東萊此書則子靜以講貫細繹為支
離也

與王子合書

前月末送伯恭至鵝湖陸子壽兄弟來會講論
之間深覺有益此月八日方分手而歸也

閑閑錄

卷一

九

腫按鵝湖之會不合而罷而謂講論有

益何邪曰三人行必有我師矧其他乎

答張敬夫書

子壽兄弟氣象甚好其病却是盡廢講學而專
務踐履却於踐履之中要人提撕省察悟得本
心此為病之大者要其操持謹實表裏不二實
有以過人者惜乎其自信太過規模窄狹不復
取人之善將流於異學而不自知耳

腫按朱子此書與陸氏鵝湖會後所報
南軒者鵝湖講論雖無可攷而陸氏之

學據此書則可攷也

附錄 東萊與陳同父書

同元晦至鵝湖與二陸相聚切磋甚覺有益
元晦英邁剛明而工夫就實入細殊未可量
子靜亦堅實有
力但欠開濶耳

閑闢錄卷一

閑闢錄

卷一

十

閑闢錄卷第二

答陸子壽書

蒙喻及耐禮此在高明考之必已精密然猶謙
遜博謀及於淺陋如此顧熹何足以知之然昔
遭喪禍亦嘗考之矣竊以爲衆言淆亂則折諸
聖孔子之言萬世不可易矣尚復何說况替而
神之之意揆之人情亦爲允愜但其節文次第
今不可考而周禮則有儀禮之書自始死以至
祥禫其節文度數詳焉故溫公書儀雖記孔子
之言而卒從儀禮之制蓋其意謹於闕疑以爲
既不得其節文之詳則雖孔子之言亦有所不
敢從者耳程子之說意亦甚善然鄭氏說凡耐
主反于寢練而後遷廟左氏春秋傳亦有特祀
于主之文則是古人之耐固非遂徹几筵程子
於此恐其考之有所未詳也開元禮之說則高
氏既非之矣然其自說大祥徹靈座之後明日
乃耐于廟以爲不忍一日未有所歸殊不知既
徹之後未耐之前尚有一夕其無所歸也久矣

凡此皆有所未安恐不若且從儀禮溫公之說
次序節文亦自曲有精意如檀公諸說可見不
審尊兄今已如何行之願以示教若猶未也則
必不得已而從高氏之說但祥祭之日未可徹
去几筵或遷稍近廟處直俟明日奉主祔廟然後撤之
則猶爲亡於禮者之禮耳鄙見如此不識高明
以爲何如

二

先王制禮本緣人情吉凶之際其變有漸故始

間闕錄

卷二

二

死全用事生之禮既卒哭祔廟然後神之然猶
未忍盡變故主復于寢而以事生之禮事之至
三年而遷于廟然後全以神事之也此其禮文
見於經傳者不一雖未有言其意者然以情度
之知其必出於此無疑矣其遷廟一節鄭氏用
穀梁練而壞廟之說杜氏用賈逵服虔說則以
三年爲斷其間同異得失雖未有考然穀梁但
言壞舊廟不言遷新主則安知其非於練而遷
舊主於三年而納新主邪至於禮疏所解鄭氏

說但據周禮廟用卣一句亦非明驗故區區之
意竊疑杜氏之說爲合於人情也來喻考證雖
詳其大槩以爲既吉則不可復凶旣神事之則
不可復以事生之禮接爾竊恐如此非惟未嘗
深考古人吉凶變革之漸而亦未暇反求於孝
子慈孫深愛至痛之情也至謂古者几筵不終
喪而力詆鄭杜之非此尤不敢聞命據禮小斂
有席至虞而後有几筵但卒哭而後不復餽食
於下室耳古今異宜禮文之變亦未有可深考
問闕錄

卷二

三

者然周禮自虞至祔曾不旬日不應方設而遽
徹之如此其速也又謂終喪撤几筵不聞有入
廟之說亦非也諸侯三年喪畢之祭魯謂之吉
禘晉謂之禘祀禮疏謂之特禘者是也但其禮
亡而士大夫以下則又不可考耳夫今之禮文
其殘闕者多矣豈可以其偶失此文而遽謂無
此禮邪又謂壞廟則變昭穆之位亦非也據禮
家說昭常爲昭穆常爲穆故書謂文王爲穆考
許謂武王爲昭考至左傳猶謂畢原鄭郕爲文

之昭邦晉應韓爲武之穆則昭穆之位豈以新
主附廟而可變哉但昭主附廟則二昭遞遷穆
主附廟則二穆遞遷爾此非今日所論之急但設言之以見來說之未
精類又謂古者每代異廟故有祔于祖父祖姑
之禮今同一室則不當專祔於一人此則爲合
於人情矣然伊川先生嘗譏關中學禮者有役
文之弊而呂與叔以守經信古學者庶幾無過
而已義起之事正在盛德者行之然則此等苟
無大害於義理不若且依舊說亦夫子存羊愛
周闢錄 卷二 四

禮之意也熹於禮經不熟而考證亦未及精且
以愚意論之如此不審高明以爲何如然亦不
特如此熹嘗以爲大凡讀書處事當煩亂疑惑
之際正當虛心博采以求至當或有未得亦當
且以闕疑闕殆之意處之若遽以已所精通之
一說而盡廢已所未究之衆論則非惟所處之
得失或未可知而此心之量亦不宏矣閑併及
之幸恕狂妄

禮于朱子朱子答之如此陸氏之從違
見朱子答葉味道書

答葉味道書

所喻既祔之後主不當復于寢此恐不然向見
陸子靜居母喪時力主此說其兄子壽疑之皆
以書來見問因以儀禮注中之說告之渠初乃
不曾細看而率然立論及聞此說遂以爲只是
注說初非經之本文不足据信當時常痛闢之
考訂甚詳且以爲未論古禮如何但今只如此
閏闢錄 卷二 五

卒哭之後便除靈席則孝子之心豈能自安邪
其後子壽書來乃伏其謬而有他日負荆之語

二
祔說向嘗細考欲以奉報意謂已遣今承喻却
未收得必是不曾遣去然今又尋不見頃年陸
子壽兄弟親喪亦來問此時以既祔復主告之
而子靜固以爲不然直欲於卒哭而祔之後徹
其几筵子壽疑而復問因又告之以爲如此則
亦無問禮之如何只此卒哭之後便徹几筵便

非孝子之心已失禮之大本矣子靜終不謂然而子壽遂服以書來謝至有負荆請罪之語今錢君之語雖無子靜之薄而其所疑非也

瞳按此書謂子壽乃伏其謬有負荆請罪之語子靜之尊終不謂然則其兄弟異同尚苦若是豈能責之於他人邪

語錄

子壽自撫來信訪先生於鉛山觀音寺子壽每談事必以論語爲證如曰聖人教人居處恭執

問開錄

卷二

六

事敬又曰子所雅言詩書執禮皆雅言也弟子入則孝出則弟謹而信汎愛衆而親仁此等皆教人就實處行何嘗高也先生曰某舊問持論亦好高近來漸移近下漸漸覺實也如孟子却是將他已到底教人如言存心養性知性知天有其說矣是他自知得餘人未到他田地如何知得他滋味卒欲行之亦未有入頭處若論語却是聖人教人存心養性知性知天實涵養處便見得便行得也

子壽看先生解中庸莫顯乎微云幾微細事也因歎美其說之善曰前後說者連莫見乎隱一袞說了更不見切體處今如此分別却是使人有點檢處九齡自覺力弱尋常非禮念慮固能常常警策不使萌於心然志力終不免有怠時此殆所謂有幾微處須點檢也先生曰固然子壽言孔子答羣弟子所問隨其材答之不使聞其不能行之說故所成就多如克已復禮爲仁唯以分付與顏子其餘弟子不得與聞也今

問開錄

卷二

七

教學者說著便令克已復禮幾乎以顏子望之矣今釋子接人猶能分上中下三根云我則隨其根器接之吾輩却無這箇先生曰此說固是如克已之說却緣衆人皆有此說須克之乃可進使肯相從却不誤他錯行了路設若教他釋子輩來相問吾人使之克已復禮他還相從否子壽云他不從矣曰然則彼所謂根器接人者又如何見得是與不是解后却錯了不可知

瞳按淳熙六年二月朱子在道辭知南

康軍時寓鉛山觀音寺子壽來訪講論
如此明年九月子壽卒朱子祭之曰子
辭官之未獲停驂道左之僧齋兄乃枉
車而來教相與極論而無猜又曰惟兄
德之尤粹儼中正而無邪至其降心以
從善又豈有一豪驕吝之私者蓋指此
及問耐禮也

閑閑錄卷二

閑閑錄

卷二

八

閑閑錄卷第三

答呂伯恭書

子壽相見其說如何子靜近得書其徒曹立之
者來訪氣質儘佳亦似知其師說之誤持得子
靜近答渠書與劉淳叟書却說人須是讀書講
論然則自覺其前說之誤矣但不肯翻然說破
今是昨非之意依舊遮前掩後巧爲詞說只此
氣象却似不佳耳

答曹立之書

閑閑錄

卷三

一

錄示陸兄書意甚佳近大冶萬正淳來訪亦能
言彼講論曲折大槩比舊有間矣但覺得尚有
兼主舊說以爲隨時立教不得不然之意似此
未參識不欲劇論立之所與趙子直論事甚佳
如烹白度必不能濟立之却似漸有掩覆不明
白處以故包顯道輩仍主先入尚以讀書講學
爲充塞仁義之禍而南軒頃亦云傳夢泉者揚
眉瞬目云云恐不若直截剖判便令今是昨非
平白分明使學者各洗舊習以進於日新之功

不宜尚復疑貳秘藏以滋其惑也旦夕亦有人去臨川自當作書更扣陸兄也

答傅子淵書

賢者勇於進道而果於自信未嘗虛心以觀聖賢師友之言而壹取決於胸臆氣象言語只似禪家張皇鬪怒殊無寬平正大沈浸禮郁之意荆門所謂拈槌豎拂意思者可謂一言盡之然左右初不領略而渠亦無後語此愚所深恨也

開闢錄

卷三

三

答呂伯恭書

子壽學生又有與國萬人傑字正純者亦佳見來此相聚云子靜却教人讀書講學亦得江西朋友書亦云然此亦皆濟事也

答林擇之書

此中見有朋友數人講學其間亦難得朴實頭負荷得者因思日前講論只是口說不會實體於身故在已在人都不得力今方欲與朋友說日用之間常切點檢氣習偏處意欲萌處與平

日所講相似與不相似就此痛著工夫庶幾有益陸子壽兄弟近日議論却肯向講學上理會其門人有相訪者氣象皆好但其間亦有舊病此間學者却是與渠相反初只謂如此講學漸涵自能入德不謂末流之弊只成說話至於人倫日用最切近處亦都不得豪毛氣力此不可不深懲而痛警也

與吳茂實書

開闢錄

卷三

三

近來自覺向時工夫止是講論文義以為積集義理久當自有得力處却於日用工夫全少點檢諸朋友往往亦只如此做工夫所以多不得力今方深省而痛懲之亦願與諸同志勉焉幸老兄徧以告之也陸子壽兄弟近日議論與前大不同却方要理會講學其徒有曹立之萬正淳者來相見氣象皆儘好却是先於情性持守上用力此意自好但不合自主張太過又要得省察覺悟故流於怪異耳若去其所短集其所長自不害為入德之門也然其徒亦多有主先

入不肯捨棄者萬曹二君却無此病也

答呂伯恭書

子壽兄弟得書子靜約秋涼來遊廬阜但恐此時已換却主人耳渠兄弟今日豈易得但子靜似猶有些舊來意思聞其門人說子壽言其雖已轉步而未曾移身然其勢久之亦必自轉回思鵝湖講論時是甚氣勢今何止什去八九邪

答曹立之書

所錄示二書甚善但所謂不可以一說片言立

閑開錄

卷三

四

定門戶則聖賢之教未嘗不有一定之門戶以示衆人至於逐人分上問答隨其病痛而箴藥之則又自有曲折然亦分明直截無所隱秘回互令人理會不得也隨已分修習隨已見觀書學者只得如此其至不至明道與不明道則在其人功力淺深無亦不可謂此爲雖不中不遠者而別求顏會明道見古人用心底奇特工夫也極欲一見渠兄弟更深究此而未可得尚許來此今賤迹旣不定想其聞此早曠又未必成

來深以爲恨也

曠按以上七書朱子在知南康軍時所發聞陸氏却有讀書講學此舊有間而喜又惜其不肖翻然說破今是昨非猶有舊來意思也其答擇之茂實書非有取於陸氏蓋責學者之失所謂隨其病痛而箴藥之者嘗曰子靜固有病而今人却不曾似他用工如何便說得他所謂五穀不熟不如稊稗恐反爲子靜之笑政此意也學者當求所謂日用工夫深懲痛警無此病處精察而力行之庶幾無負聖賢立教垂世懇切之誠云其曰隨時立教不可以一說片言立定門戶者卽他日面論所謂定本也

祭陸子壽文

學匪私說惟道是求苟存心而擇善雖異序以同流如我與兄少不並遊蓋一生而再見遂傾倒以綢繆念昔鵝湖之下賓云識面之初兄命

閑開錄

卷三

五

駕而鼎來載季氏而與俱出新篇以示我意懇
懇而無餘厭世學之支離新易簡之規模顧予
聞之淺陋中獨疑而未安始聽瑩於胸次卒紛
繳於談端徐度兄之不可遽以辨屈又知兄必
將返而深觀遂逡巡而旋返悵猶豫而盤旋別
來幾時兄以書來審前說之未定曰子言之可
懷逮予辭官而未獲停驂道左之僧齋兄乃枉
車而來教相與極論而無猜自是以還道合志
同何風流而雲散乃一西而一東蓋曠歲以索

開闢錄

卷三

六

居僅尺書之兩通期杖屨之有顧或慰滿乎予
衷屬者乃聞兄病在床亟函書而問訊并裹藥
而攜將曾往使之未返何來音之不祥驚失聲
而隕涕沾予袂以淋浪嗚呼哀哉今茲之歲非
龍非蛇何獨賢人之不淑屢與吾黨之深嗟惟
兄德之尤粹儼中正而無邪至其降心以從善
又豈有一豪驕客之私邪嗚呼哀哉兄則已矣
此心實存炯然參倚可覺情昏孰泄予衷一慟
寢門緘辭千里侑此一樽

腫按朱子與子壽交游首末議論異同
此文備矣其曰極論無猜道合志同降
心從善豈有一豪驕客之私者指觀音
寺講論及耐禮也後世乃以道合志同
逆定子靜之同謬矣子壽幸而不死則
其同也知可必焉

答呂伯恭書

子壽之亡極可痛惜誠如所喻近得子靜書云
已求銘於門下屬熹書之此不敢辭但渠作得

開闢錄

卷三

七

行狀殊不滿人意恐須別爲抒思始足有發明
也

附原書

子壽不起可痛篤學力行深知舊學之非
求益不已乃止於此於後學極有所關繫

答呂伯恭書

子靜到此數日所作子壽埋銘已見之敘迹發
明此極有功卒章微婉尤見用力深處歎服歎
服子靜近日講論比舊亦不同但終有未盡合
處幸其却好商量亦彼此有益也

附東萊撰子壽埋銘

勇於求道之時憤懣而前蓋有不由階序者矣然其所志者大所據者實有肯綮之阻雖積九仞之功不敢遂有豪釐之偏雖立萬夫之表不敢安公聽並觀却立四顧弗造於至平至粹之地弗措也

按此卽所謂卒章微婉用力深處者

跋陸子靜白鹿洞書堂講義

淳熙辛丑春二月陸兄子靜來自金陵十日丁

亥熹幸寮友諸生與俱至於白鹿書堂請得一

言以警學者子靜既不鄙而惠許之至其所以

開闢錄

卷三

八

發明敷暢則又懇到明白而皆有以切中學者隱微深錮之病蓋聽者莫不悚然動心焉熹猶懼其久而或忘之也復請子靜筆之於簡而受藏之凡我同志於此反身而深察之則庶乎其可以不迷於入德之方矣

語錄

曾見子靜義利之說否曰未也曰這是他來南康某請他說書他却說這義利分明是說得好如云今人只讀書便是爲利如取解後

又要得官得官後又要改官自少至老自頂至踵無非爲利說得來痛快至有流涕者今人初生稍有知識此心便恁疊疊地去了至名逐利浸浸不已其去聖賢日已益遠豈不深可痛惜

問子靜君子喻於義口義曰子靜只是拗伊川云惟其深喻是以篤好子靜必云好後方喻看來人之於義利喻而好者多若全不曉又安能好然好之則喻矣畢竟伊川說占

開闢錄

卷三

九

得多

瞳按朱子屢稱子靜講義以警學者可見聖賢樂善之誠大中至正無一毫彼我之私又謂只是拗亦理到之言後世以朱子反身入德有資於此則非也竊嘗考之朱子謂南軒義利之間豪釐之辨有出於前哲之所欲言而未究者擴前聖之所未發而同於性善養氣之功南軒乃稱朱子頃登文石陛忠言動宸

旒坐令聲利場縮頸仍包羞却來卧衡
茅無愧日休休此作在乾淳丁亥年則朱子深察
不迷豈俟聞此而後能哉况朱子前此
白鹿講會大方丈韻亦曰珍重箇中無
限樂諸郎莫苦羨騰騫白鹿洞賦曰彼
青紫之勢榮亦何心於俛拾感興詩曰
聖人司教化疊序育羣材因心有明訓
善端得深培天序既昭陳人文亦褰開
云何百代下學絕教養垂羣居競葩藻

閑編錄

卷三

十

附講義

子曰君子喻於義小人喻於利此章以義利
判君子小人辭旨曉白然讀之者苟不切
觀省亦恐未能有益也九淵平日讀此不無
所感竊謂學者於此當辨其志人之所喻
其所習所習由其所志志乎義則所習者必
在於義所習在義斯喻於義矣志乎利則所
習者必在於利所習在利斯喻於利矣故學
者之志不可不辨也科舉取士久矣名儒
公皆由此出今為士者固不能免此然場
之得失顧其技與有司好惡何如耳非所以

為君子小人之辨也而今世以此相尚使汨
沒於此而不能自拔則終日從事者雖曰聖
賢之書而要其志之所向則有與聖賢背而
馳者矣推而上之則又惟官資崇卑祿厚
薄是計豈能悉心力於國事民隱以無負於
任使之者哉從事其間更歷之多講習之熟
安得不可使之為小人之歸其於利欲之習
是身不可使之為小人之歸其於利欲之習
但然為之疾心痛首專志乎義而日勉焉博
學審問謹思明辨而篤行之由是而進於揚
屋其文必皆道其平日之學胸中之蘊而不
詭於聖人由是而仕必皆共其職勤其事心
計其得不謂之君子乎

答符復仲書

閑編錄

卷三

十

聞向道之意甚勤向所謂義利之間誠有難擇
者但意所疑以為近利者即便舍去可也向後
見得親切却看舊事又有見未盡舍未盡者不
解有過當也見陸丈回書其言明當且就此持
守自見功效不須多疑多問却轉迷惑也

陸子靜書

蒙示進學不替尤以為喜常俗汨沒於貧富
貴賤利害得喪聲色嗜欲之間喪失其良心
不顧義理極為可哀今學者但能專意一志
於道理事事要親是不肯徇情縱欲識見若
未通明行事雖未中節亦不失為善人正士
之徒更得師友講席何患不通未親師友亦
只得隨分自理會但得不陷於邪惡亦
自可貴若妄意強說道理又無益也

按此書未詳歲月然其意與白鹿講義同爰次諸後云

閑關錄卷三

閑關錄

卷三

三

閑關錄卷第四

答呂伯恭書

子靜舊日規模終在其論爲學之病多說如此卽只是意見如此卽只是議論如此只是定本熹因與說既是思索卽不容無意見既是講學卽不容無議論統論爲學規模亦豈容無定本但隨人材質病痛而救藥之卽不可有定本耳渠却云正爲多是邪意見閑議論故爲學者之病熹云如此卽是自家呵叱亦過分了須著邪

閑關錄 卷四

字閑字方始分明不教人作禪會耳又教人須先立定本却就上面整頓方始說得無定本底道理今如此一槩揮斥其不爲禪學者幾希矣渠雖唯唯然終亦未窮竟也來喻十分是當之說豈所敢當功夫未到則乃是全不會下功夫不但未到而已也子靜之病恐未必是看人不看理自是渠合下有些禪的意思又自主張太過須說我不是禪而諸生錯會了故其流至此如所喻陳正已亦其所呵以爲溺於禪者熹未

識之不知其果然否也大抵兩頭三緒東出西沒無提撮處從上聖賢無此樣式方擬湖南欲歸途過之再與子細商訂偶復蹉跎未知久遠竟如何也然其好處自不可掩覆可敬服也他時或約與俱詣見相與劇論尤佳

語錄

某向與子靜說話子靜以爲意見某曰邪意見不可有正意見不可無子靜說此是閑議論某曰閑議論不可議論合議論則不可不

閑閑錄

卷四

二

議論又曰大學不會說無意而說誠意若無意見將何物去擇乎中庸將何物去察邇言論語無意只是要無私意若是正意則不可無又曰他人之無意見則是不理會理只是胡撞將去若無意見成甚麼人在這裏

或問子靜每見學者才有說話不曰此只是議論卽曰此只是意見果如是則議論意見皆可廢乎曰旣不尚議論則是默然無言而已旣不貴意見卽是寂然無思而已聖門問

學不應如此若曰偏議論私意見則可去不當槩以議論意見爲可去也

聖賢教人有定本如博學審問慎思明辨篤行是也其人資質剛柔敏鈍不可一槩論其教則不易禪家教更無定今日說有定明日又說無定子靜似之

瞳按朱子未識子靜時答東萊子約書謂其議論頗宗無垢脫略文字直趨本根全是禪學及鵝湖旣會之後答南軒

閑閑錄

卷四

三

書謂其盡廢講學專務踐履要人提撕省察悟得本心此爲病之大者自信太過規模窄狹不復取人之善將流於異學而此南康再會答東萊書謂其舊日規模終在不爲禪學者幾希則子靜之學與夫講論之異同不言可喻矣前此答立之書云極欲一見渠兄弟更深究此此書云再與子細商訂可見聖賢不輕絕人也意見朱陸不同之關鍵學者

宜諦究之

子靜祭東萊文

甲午之夏公尚居里我坐狂愚幅尺殊多言
不知權或以取戾雖訟其非每不自制公賜
良箴始痛懲艾教之以身抑又有此惟其
肯往往失墜鵝湖之集已後一歲輒復妄發
宛爾故態公雖未言意已獨至方將優游以
受硃劑先兄復齋比一二歲兩獲從言符
心契冉疾顏天古有是比嗚呼天乎胡齋於
是復齋之葬公不可無紀幽鳴之重豈敢他談
道同志合惟公不拜書乞銘公即揮毫賜琅
琅之音河奔岳峙烏乎斯文何千萬祀我固
罷駕重以奔蹏惟不自休勉強希驥比年以
來日覺少異更嘗頗多觀省加細追惟曩昔
粗心浮氣徒致參辰豈足酬義期此秋冬以
親講肄庶幾十駕可以近理有疑未決有懷
附錄 卷四 四

本既訃音東萊心裂神
碎燭首蒼茫涕零如霈

愚按子靜此文雖有追惟曩昔粗心浮
氣徒致參辰豈足酬義之詞復曰有疑
未決有懷未既則其驕吝尚存固我自
若也何足以證其與朱子將來之相一
如後世學者之論哉

答項平父書

示喻此心元是聖賢只要於未發時常常識得
已發時常常記得此固持守之要但聖人指示

為學之方周遍詳密不靠一邊故曰敬義立而

德不孤若如今說則只恃一箇敬字更不做集

義工夫其德亦孤立而易窮矣須是精粗本末

隨處照管不令工夫少有空闕不到之處乃為

善學也此心固是聖賢本領然學未講理未明

亦有錯認人欲作天理處不可不察識得記得

不知所識所記指何物而言若指此心則識者

記者復是何物心有二主自相攖拏聖賢之教

恐無此法也持守之要大抵只是要得此心常

閒開錄 卷四 五

自整頓惺惺了了即未發時不昏昧已發時不

放縱耳愚見如此不知子靜相報如何因風錄

示或可以警所不逮也伊川先生云涵養須用

敬進學則在致知此兩句與從上聖賢相傳指

訣如合符契但講學更須寬平其心深沈詳細

以究義理要歸處乃為有補若只草草領略就

名數訓詁上著到則不成次第耳

腫按平父學於朱陸之門喻此心元是
聖賢只要識得記得者宗子靜之教也

朱子乃舉聖人爲學之方以示之復警其不做集義工夫而墮一邊之弊其曰此心固是聖賢本領然學未講理未明亦有錯認人欲作天理處此正子靜平生爲學之病而流於異端者不知察此也

朱子答趙子欽書及楷古閑記語錄論之尤詳朱子所以振

斯文於將墜開來裔於無窮者察此者

也其曰持守之要要得此心常自整頓

惺惺了了云云蓋言持守當如此以明

平父識得記得持守之失非聖賢教人

之法也竇璪程氏以爲若指陸學誤矣

此書又與從上聖賢相傳指訣如合符

契者誠千古一轍也同志之士願相與

講而勉焉

答項平父書

所喻曲折及陸國正語三復爽然所警於昏惰者爲厚矣大槩子思以來教人之法惟以尊德性道問學兩事爲用力之要今子靜所說專是

尊德性事而熹平日所論却是道問學上多了所以爲彼學者多持守可觀而看得義理全不子細又別說一種杜撰道理遮蓋不有放下而熹自覺雖於義理上不敢亂說却於緊要爲已爲人上多不得力今當反身用力去短集長庶幾不墮於一邊耳

曠按所喻曲折及陸國正語乃前書子靜相報如何因風錄示之約也大抵子思以來教人之法惟以尊德性道問學

爲用力之要者乃申前書敬義立而德

不孤涵養須用敬進學則在致知之旨

也後世學者率不究朱子本意顧謂朱

子道問學工夫多子靜却以尊德性爲

主問學不本於德性則其弊偏於言語

訓釋之末果如子靜所言

吳草廬語學者

朱子

集諸儒之大成者子靜尊德性也

劉學士定

論之宋以此書爲徵曠竊疑焉如曰陸國

正則在淳熙壬寅朱子答程允夫書曰

講學近見延平先生始略窺門戶此事以涵養本原爲先講論經旨特以輔此而已則在紹興壬午以前答張南軒書曰累日潛玩其於實體似益精明覺得如水到船浮解維正柁而沿洄上下惟意所適又曰乃知浩浩大化之中一家自有一箇安宅所謂體用一源顯微無間者乃在於此全書乃在乾道己丑以是推之則朱子之尊德性授受於師講明於友久矣豈俟至此而始集子靜哉其曰子靜專是尊德性事爲彼學者多持守可觀而看得義理全不子細又別說一種杜撰道理遮蓋不肖放下卽前書此心固是聖賢本領然學未講理未明亦有錯認人欲作天理者也并以答劉子澄書云更不講學涵養直做得如此狂妄及答吳茂實趙善舉趙子欽諸書證之則子靜之所尊者吾所受於天

之正理邪人欲私意而已矣其曰爲己爲人多不得力去短集長者謙已誨人之詞又以警平父之不見察耳亦豈如後世之論哉

答趙善舉書

蓋道體之大無窮而於其間文理密察有不
可以豪釐差者此聖賢之語道所以旣言發
育萬物峻極于天以形容其至大而又必曰
禮儀三百威儀三千以該悉其至微而其指

示學者修德凝道之功所以旣曰致其廣之
而又必曰盡其精微也近世之言道者則不
然其論大抵樂渾全而忌剖析喜高妙而略
細微其於所謂廣大者則似之而於精微有
不察則其所謂廣大者亦未易以議其全體
之真也

瞳按此書亦若指子靜也蓋精微不察
則看義理不子細乃認人欲作天理而
昧全體之真也附見此書亦以見朱子

修德凝道之交修並進如此云

答張敬夫書

大抵日前所見累書所陳者只是僂侗地見得箇大本達道底影象便執認以爲是了却於致中和一句全不曾入思議所以累蒙教告以求仁之爲急而自覺殊無立脚下功夫處蓋只見得箇直截根源傾湫倒海底氣象日間但覺爲大化所驅如在洪濤巨浪之中不容少頃停泊蓋其所見一向如是以故應

問關錄

卷四

十

事接物處但覺粗厲勇果增倍於前而寬裕雍容之氣略無豪髮雖竊病之而不知其所自來也而今而後乃知浩浩大化之中一家自有一箇安宅正是自家安身立命主宰知覺處所以立大本行達道之樞要所謂體用一源顯微無間者乃在於此而前此方往方來之說正是手忙足亂無著身處道邇求遠乃至於是亦可笑矣

前書所稟寂然未發之旨良心發見之端自

以爲有小異於疇昔偏滯之見但其間語病

尚多未爲精切比遣書後累日潛玩其於實

體似益精明因復取凡聖賢之書以及近世

諸老先生之遺語讀而驗之則又無一不合

蓋平日所疑而未白者今皆不待安排往往

自見洒落處始竊自信以爲天下之理其果

在是而致知格物居敬精義之功自是其有

所施之矣聖賢方策豈欺我哉蓋通天下只

是一箇天機活物流行發用無間容息據其

問關錄

卷四

十一

已發者而指其未發者則已發者人心而凡

未發者皆其性也亦無一物而不備矣夫豈

別有一物拘於一時限於一處而名之哉卽

夫日用之間渾然全體如川流之不息天運

之不窮耳此所以體用精粗動靜本末洞然

無一豪之間而爲飛魚躍觸處朗然也存者

存此而已養者養此而已必有事焉而勿正

心勿忘勿助長也從前是做多少安排沒頓

著處今覺得如水到船浮解維正舵而沿洄

上下惟意所適矣豈不易哉始信明道所謂未嘗致纖豪之力者真不浪語

瞳於是書所以附之者非特取證朱子尊德性於早年也蓋以祛世俗論朱學之繆云

答黃直卿書

伯起說去年見陸子靜說游夏之徒自是一家學問不能盡棄其說以從夫子之教唯有琴張曾皙牧皮乃是真有得於夫子者其言怪僻乃

閑關錄

卷四

十一

至於此更如何與商量討是處也可歎可歎

閑關錄卷四

閑關錄卷第五

曹立之墓表

立之名建幼穎悟長知自刻厲學古今文皆可觀一日得河南程氏書讀之始知聖賢之學爲有在也慨然盡棄其所爲者而大覃思於諸經聞張敬夫講道湖湘欲往見之不能致有告以沙隨程氏學古行高者卽往從之得其指歸既又聞陸氏兄弟獨以心之所得者爲學其說有非言語文字之所及者則又往受其學久而若

閑關錄

卷五

一

有得焉子壽蓋深許之而立之未敢以自足也則又寓書以講於張氏敬夫發書亦喜曰是真可與其學矣然敬夫尋沒立之竟不得見後得其遺文考其爲學始終之致於是喟然歎曰吾平生於學無所聞而不究其歸者而今而後乃有定論而不疑矣自是窮理益精反躬益切而於朋友講習之際亦必以其所得者告之蓋其書有曰學必貴於知道而道非一聞可悟一超可入也循下學之則加窮理之工由淺而深由

近而遠則庶乎其可矣今必先期於一悟而遂至於棄百事以趨之則吾恐未悟之間狼狽已甚又况忽下趨高未有幸而得之者邪此其晚歲之用工標的程度也胡子有言學欲博不欲雜守欲約不欲陋信哉如立之者博而不雜約而不陋使天假之年以盡其力則斯道之傳其庶幾乎

瞳按朱子此表蓋據實直書啓陸學之膏肓而救藥之所謂不屑之教誨也惜

閑關錄

卷五

二

其諱疾忌醫反不能平以爲病已若立之見道之明服善之勇又不幸蚤世殆天亦無意於斯道邪豈獨子靜哉

答劉晦伯書

立之墓文已爲作矣而爲陸學者以爲病已頗不能平鄙意則初無適莫但據實直書耳

按以下四書皆爲立之墓表發也

答諸葛誠之書

示喻競辨之端三復惘然愚意此來深勸同志

者兼取兩家之長不可輕相詆訾就有未合且置勿論而姑勉力於吾之所急不謂乃以曹表之故反有所激如來喻之云也不敏之故深以自咎然吾人所學喫緊著力處正在天理人欲二者相去之間耳如今所論則彼之因激而起者於二者之間果何處也子靜平日所以自任正欲身率學者一於天理而不以一豪人欲雜於其間恐決不至如賢者之所疑也義理天下之公而人之所見有未能盡同者正當虚心平

閑關錄

卷五

三

氣相與熟講而徐究之以歸於是乃是吾黨之責而向來講論之際見諸賢往往皆有立我自是之意厲色忿詞如對仇敵無復長少之節禮遜之容蓋嘗竊笑以爲正使真是仇敵亦何至此但觀諸賢之氣方盛未可遽以片辭取信因默不言至今常不滿也今因來喻輒復陳之不審明者以爲如何耳

瞳按朱子此書云子靜平日所以自任

正欲身率學者一於天理而不以一豪

人欲雜於其間後世執爲定論遂謂子靜實出千古其在於斯竊考上文云吾人所學喫緊著力處正在天理人欲二者相去之間則彼之因激而起者果何處也朱子之心忠厚雖不以是致疑於子靜然抑揚反覆并參之答誠之第二書云不至深諱銷融其隙則子靜之因激而起者焯然不可揜矣故他日至其手足盡露時乃顯然鳴鼓而攻之曰人欲橫流不自知覺而高談大論以爲天理盡在是也豈可以此而爲之定論邪

答諸葛誠之書

所喻子靜不至深諱者不知所諱何事又云銷融其隙者不知隙從何生愚意講論義理只是大家商量尋箇是處初無彼此之間不容更似世俗遮掩回護愛惜人情纔有異同便成嫌隙也

答項平父書

朋友議論不同不能下氣虛心以求實是此深可愛誠之書來言之甚詳已略報之可取一觀此不復云也聞宗卿子靜踪跡令人太息然世道廢興亦是運數吾人正當勉其在已者以俟之耳不必深憤歎徒傷和氣損學力無益於事也

子靜與朱子書

此書表亦好但叙後歷亦有未得實處九淵往往與立之一書其間叙述立之平生甚詳自謂與實錄未

開闢錄

卷五

五

按此卽朱子所謂以爲病已頗不能平者玩味二亦字尤可見也

答滕德章書

吾友秋試不利士友所歎然淹速有時不足深計且當力學修己爲急耳陸丈教人於收斂學者散亂身心甚有功然講學趨向亦不可緩要當兩進乃佳耳

陸按此書旣言陸學之善以警學者仕進之念復言兩進乃佳以明不可若陸

學之偏枯也其旨深矣

答劉子澄書

陳葵

字叔向

者處州人頗佳其學似陸子靜而溫

厚簡直過之但亦傷不讀書講學不免有杜撰

處又自信甚篤不可回耳世俗喧啾自其常態

正使能致焚坑之禍亦何足道却是自家這裏

無人接續極為可憂耳讀所寄文字切切然與

世俗爭較曲直之意竊謂不必如此若講學工

夫實有所到自然見得聖人所謂不知不愠不

聞聞錄

卷五

六

是虛語今却爲只學人弄故紙要得似他不俗

過了光陰所以於此都無實得力處班范外事

不知編得於已分有何所益於世教有何所補

而埋沒身心於此不得超脫亦無惑乎子靜之

徒高視大言而竊笑吾徒之枉用心也數年來

此道不幸朋舊凋喪區區所望以共扶此道者

尚賴吾子澄耳今乃如此令人悼心失圖悵然

累日不知所以爲懷不審子澄能俯聽愚言而

改之乎不然則已矣無復有望於此世矣奈何

奈何

瞳按朱子此書乃言叔向子靜子澄爲

學之繆而悼此道之無傳也學者於此

其有感焉豈直以資區區攷訂其異同

哉

答滕德粹書

示問曲折具悉大抵守官且以廉勤愛民爲先

其他事難預說幸四明多賢士可以從游不惟

可以咨決所疑至於爲學修身亦皆可以取益

聞聞錄

卷五

七

憲所識者楊敬仲

簡

呂子約

監米倉

所聞者沈國

正

煥

袁和叔

變

到彼皆可從遊也

瞳按此書蓋在淳熙乙巳德粹尉鄞時

所答者本不必錄但後世謂朱子晚年

不獨尊子靜而兼重其門人舉此以證

其同今故錄之以見其非晚年也

與劉子澄書

近年道學外面被俗人攻擊裏面被吾黨作壞

婺州自伯恭死後百怪都出至如子約別說一

般差異底話全然不是孔孟規模却佐管商見識令人駭歎而已伯恭自有些拖泥帶水致得如此又令人追恨也子靜一味是禪却無許多功利術數目下收歛得學者身心不爲無力然其下梢無所依據恐亦未免害事也去年被人強作張呂畫贊及敬夫集序今并錄呈婺州學者甚不樂也

答陳膚仲書

今人所學都不將心究索難與論是非也大抵

閑閑錄

卷五

八

諸經文字有古今之殊又爲傳注障礙若非理明義精卒難決擇不如且讀論孟大學中庸平易明白而意自深遠只要人玩味尋繹目下便可踐履也陸學固有似禪處然鄙意近覺婺州朋友專事見聞而於自己身心全無功夫所以每勸學者兼取其善要得身心稍稍端靜方於義理知所決擇非欲其兀然無作以冀於一旦豁然大悟也吾道之衰正坐學者各守已偏不能兼取衆善所以終有不明不行之弊非是細

事

語錄

江西之學只是禪浙學却專是功利禪學後來學者摸索一上無可摸索自會轉去若功利則學者習之便可見效此意甚可愛

瞳按二書皆言陸學優於浙學所謂彼善於此也會祖道問曰佛老從心上起工夫其學雖不是然却有本儒者只從言語文字上做有知此事是合理會者

閑閑錄

卷五

九

亦只做一場話說過了所以輸與他朱子曰彼所謂心上工夫本不是然却勝似儒者多公此說却是政此類也故曰下梢無所依据恐亦未免害事非欲其兀然無作以冀於一旦豁然大悟也學者不可不察所謂浙學者呂子約祖儉潘叔昌景愈孫季和應時輩後又有永康陳同父亮永嘉陳君舉傅良葉正則適也謹以朱子辨論諸書附載一二以

備明正學者考焉

論浙學書

熹昨見奇卿敬叩之以此日講授次第聞只令諸生讀左氏及諸賢奏疏至於諸經語孟則恐學者徒務空言而不以告也不知是否若果如此則恐未安蓋爲學之序爲已而後可以及人達理而後可以制事故程夫子教人先讀論孟次及諸經然後看史其序不可亂也若恐其徒務空言但當就論孟經書中

開闢錄

卷五

十

教以躬行之意庶不相遠至於左氏奏疏之言則皆時事利害而非學者切身之急務也其爲空言亦益甚矣而欲從事其間而得躬行之實不亦背馳之甚乎

答呂伯恭

瞳按此則所謂吾黨作壞拖泥帶水者

朱子平生之非東萊不在子靜後學者

不可諱而不察

日用工夫此復何如文字雖不可廢然涵養本原而察於天理人欲之判此是日用動靜

之間不可頃刻間斷底事若於此處見得分明自然不到得流入世俗功利權謀中去矣熹亦近日方實見得向日支離之病雖與彼中証候不同然其忘已逐物貪外虛內之失則一而已程子說不得以天下萬物撓己已立後自能了得天下萬物今自一箇身心不知安頓去處而談王說霸將經世事業別作一般伎倆商量講究不亦誤乎

答呂子約

瞳按此書蓋責子約也其曰支離之病

開闢錄

卷五

上

者乃自責而警子約耳故復答子約書則直責之曰來喻授學之意甚善要須有以使之內外本末兩進而不偏乃爲佳耳向見說書旁推曲說蔓衍太多此是大病若是初學便遭如此纏繞卽展轉迷闇無復超脫之期矣要當且令看得大意正當精約則其趣味自長不在如此支離多說也答葉公謹書曰子約書來大段說得支離云云是矣

詳見答石應之

書篁墩程氏以爲朱子自言已失非也
其曰彼中指浙學者如答潘叔昌書曰
彼中朋友不肯於論語孟子大學中庸
深下工夫答孫季和書曰彼中學者未
會理會讀書修己之類是矣篁墩以爲
指子靜而言亦非也

枉尺直尋素未嘗以此奉疑但見近來議論
一變如山移河決使學者震蕩回撓不問愚
知人人皆有趨時狗勢馳騫功名之心令人
憂懼不得不極言之設若接引下根亦只須
略與說破仍是便須抹拔得他跳出功利窠
窟方是聖賢立教本指今乃深入其中佐造
活計不惟不能救得他人乃併自己陷入其
中而不能出豈不悞哉

前書所喻正容謹節之功比想加力此本是
小學事然前此不會做得工夫今若更不補
填終成欠闕却爲大學之病也但後書又不
免有輕內重外之意氣象殊不平愚意竊所

問淵錄

卷五

七

未安大抵此學以尊德性求放心爲本而講

於聖賢親切之訓以開明之此爲要切之務
若通古今考世變則亦隨力所至推廣增益
以爲補助耳不當以彼爲重而反輕凝定收
歛之功少聖賢親切之訓也若如此說則是
學問之道不在於已而在於書不在於經而
在於史爲子思孟子則孤陋狹劣而不足觀
必爲司馬遷班固范曄陳壽之徒然後可以
造於高明正大簡易明白之域也夫學者既
學聖人則當以聖人之教爲主今六經語孟
中庸大學之書其在彼以了悟爲高者卽病
其障礙而以爲不可讀此以記覽爲重者又
病其狹小而以爲不足觀如是則是聖人所
以立言垂訓者徒足以誤人而不足以開人
孔子不賢於堯舜而達磨遷固賢於仲尼矣
無乃悖之甚邪

瞳按此書深排浙學之非而并攻陸學
焉朱子所以尊德性道問學而見于此

問淵錄

卷五

七

書者誠親切之訓也子約子靜之偏之
非亦粲然可徵世之譊譊於異同者殆
未之考邪

伯恭無恙時愛說史學身後爲後生輩糊塗
說出一般惡口小家議論賤王尊霸謀利計
功更不可聽子約立脚不佳亦曰吾兄亦嘗
言之云耳中間不免極力排之今幸少定然
其疆不可令者猶不肯豎降幡也 答劉子澄
頃歲入浙從士大夫游數月之間凡所聞者

閑閑錄

卷五

十四

無非枉尺直尋苟容偷合之論心竊駭之 答耿直之

古之聖賢以枉尺直尋爲大病今日議論乃
以枉尺直尋爲根本若果如此卽孟子果然
迂濶而公孫衍張儀真可謂大丈夫矣德章
已見大意自不必如此說因筆及之亦恐餘
證未解聊復云云耳 答路德章

平生爲學見得孟子論枉尺直尋意思稍分
明白到浙中覺得朋友却別是一種說話與

此不相似心竊怪之至於孟子董子之言例
遭排擯不審尊兄平日於此見得如何 答石人氏
示喻子約曲折甚當渠所守固無可疑但其
論甚怪教得學者相率而捨道義之塗以趨
功利之域充塞仁義率獸食人不是小病 答潘端叔

子約漢唐之論在渠非有邪心然亦未免程
子所謂乃邪心者却是教壞後生此甚不便
近年以來彼中學者未曾理會讀書修己便

閑閑錄

卷五

十五

先做取落草由徑之計相引去私語密傳以
爲奇特直是不成模樣故不得不痛排斥之
不知子約還知外面氣象如此否耳 答孫季和
示喻漢唐初事以兩家論優劣則然然以三
代之天吏言之則其本領恐不但如此若子
房孔明之所黽勉亦正是渠欠闕處吾輩正
當以聖賢爲師取其是而鑒其非不當以彼
爲準則也今人只爲不見天理本原而有汲
汲以就功名之心故議論見識往往卑陋多

遷就下梢頭只是成就一箇私意更有甚好事
答潘叔昌下同

六國表議論乃是衰世一種卑陋之說吾輩平日講誦何爲却取此等議論以爲標的殊不可曉建州有徐桄者常言秦始皇賢於湯武管仲賢於夫子朋友間每每傳以爲笑不謂來說亦頗似之恐是日前根本上不會大段用工而便於討論世變處着力太深所以不免此弊向答子約一書亦極言之正恐亦

閑闕錄

卷五

六

幟已立未必以爲然耳

竊怪彼中朋友不肯於論語孟子大學中庸深下工夫而泛觀博取於一時議論之間所以頭緒多而眼目少規模廣而意味不長昔時讀史者不過記其實事撫其詞采以供文字之用而已近世學者頗知其陋則變其法務以考其形勢之利害事情之得失而尤喜史遷之書講說推尊幾以爲賢於夫子寧舍論孟之屬而讀其書
答趙幾道

浙人爲功利浸漬壞了腹心尤難說話甚可歎也又可懼也
答鄭子上

浙中近年怪論百出駭人聞聽壞人心術強者唱弱者和淫衍四出而亦頗自附於伯恭高教授能畱意學校甚善渠嘗從陸子靜學有意爲已必能開道其人也近日諸處教官亦有肯畱意教導者然其所習不過科舉之業伎倆愈精心術愈壞蓋不如不教猶足以全其純愚之爲愈也
答詹元善

閑闕錄

卷五

七

腫按此書深歎浙學科舉之害而言陸學之害也非有取于陸學也猶答伯豐書曰過高者固爲有害然猶爲近本答敬甫書曰全出於異端而猶不失於爲已之意非有取于陸學也汲汲於科舉之業者宜監焉

子約爲人固無可疑但其門庭近日小有變異而流傳已遠大爲學者心術之害故不得不苦口耳近日一派流入江西蹴踏董仲舒

而推尊管仲王猛又聞有非甚贊而是德宗者尤可駭異

答沈叔晦

婺州近日一種議論愈可惡大抵名宗呂氏而實主同父深可憂歎亦是伯恭有以啟之

答黃直卿

十論大意亦恐援溺之意太多無以存不親授之防耳後生輩未知三綱五常之正道遽聞此說其害將有不勝揀者願明者之反之也

答陳同父下同

閑閑錄

卷五

六

老兄平時自處於法度之外不樂聞儒生禮法之論雖朋友之賢如伯恭者亦以法度之外相處不敢進其逆耳之論每有規諷必宛轉回互巧爲之說然後敢發平生狂妄深竊疑之以爲愛老兄者似不當如此老兄高明剛決非吝於改過者願以愚言思之絀去義利雙行王霸並用之說而從事於懲忿窒慾遷善改過之事粹然以醇儒之道自律則豈獨免於人道之禍而其所以培植本根澄源

正本爲異時發揮事業之地者益光大而高明矣

不傳之絕學一事却恐正須討論方見得從上諸聖相傳心法而於後世之事有以裁之而不失其正若不見得却是自家耳目不高聞見不的其所謂洪者乃混雜而非真洪所謂慣者乃流徇而非真慣竊恐後生傳聞輕相染習使義利之別不明舜蹠之塗不判眩流俗之觀聽壞學者之心術不惟老兄爲有識者所議而朋友亦且陷於收司連坐之法此熹之所深憂而甚懼者故敢極言以求定論

閑閑錄

卷五

九

科舉文字固不可廢然近年翻弄得鬼怪百出都無誠實正當意思一味穿穴旁支曲徑以爲新奇最永嘉浮偽纖巧不美尤甚而後生輩多宗師之此是今日莫大之弊

答陳庸仲

學校固不可廢爲舉子文亦須告以聖學門庭令士子略知修己治人之實庶幾於中亦

有興起作將來種子浙間學問一向外馳百怪俱出不知頗覺其非否

答孫季和

向編近思錄欲入數段說科舉壞人心術處而伯恭不肯今日乃知此箇病根從此時便已栽種培養得在心田裏了令人痛恨也

子雲

答時

君舉先未相識近復得書其徒亦有來此者破其議論多所未安最是不務切已惡行直道尤爲大害不知講論之間頗亦及此否王

閑闢錄

卷五

三

氏中說最是渠輩所尊信依倣以爲眼目者不知所論云何

答胡季隨

君舉門人曹器遠來此不免極力爲言其學之非又生一秦矣

答黃直卿

頃與仁里

指永嘉

諸賢屢講此事尚多未契足

下必已聞之若以愚言爲是則固無今日之辨若以爲非則又何以見語爲哉聖遠道晦人心頗僻險詞怪說雜然並起不憚於謾天罔聖詭經破義而務以適其利欲之私自非

剛健明哲之才確然以勝私復理爲已任者

鮮不惑焉率獸食人人將相食其兆已見於

此甚可懼也足下試以愚言思之反諸其身

而驗以聖人之明訓必有以得其本心之正

然後可以燭理揆事而無不合毋徒苦心勞

力爲此傳會穿鑿而卒以陷溺其良心也

杜

瞳按浙學之弊所謂邪說橫流怪人心

術者故朱子深懼而力拯之如此嗚呼

閑闢錄

卷五

三

正人心息邪說扶王道而立民極愚敢望於尸政教之君子

閑闢錄卷五

閑闢錄卷第六

寄陸子靜書

奏篇垂寄得聞至論慰沃良深其規模宏大而源流深邃豈腐儒鄙生所能窺測不知對揚之際上於何語有領會區區私憂正恐不免萬年回首之歎然於我亦何病語圓意活渾浩流轉有以見所造之深所養之厚益加歎服但向上一路未曾撥轉處未免使人疑著恐是蔥嶺帶來耳如何如何一笑

閑闢錄

卷六

與劉子澄書

子靜寄得對語來語意圓轉渾浩無疑滯處亦是渠所得效驗但不免有些禪底意思昨答書戲之云這些子恐是蔥嶺帶來渠定不伏然實是如此諱不得也近日建昌說得動地撐着努眼百怪俱出甚可憂懼渠亦本是好意但不合只以私意為主更不講學涵養直做得如此狂妄世俗滔滔無話可說有志於學者又為此說引去真吾道之不幸也公度書來似有此病痛

不知季章如何學問固是雖著勇猛然此勇猛

却要有箇用處若以兩手握拳努筋著力枉費

十分氣力下梢無可成就便須只是怪妄而已

吳伯起資質本是大段昏弱故得此氣力便能

振厲而短長相補不至於怪然亦失之偏枯恐

不能大有所就

朱子答廖子晦書云伯起不會有所解悟便能不顧利害與其自令纒被對移

他處上簿却不肯行而百方求免竟至憤鬱成死

若資性中本有些子精神被此發作如陽

藏人喫却伏火丹砂其不發狂者幾希矣近日

閑闢錄

卷六

因看大學見得此意甚分明聖賢已是八字打

開了但人自不領會却向外狂走耳

瞳按此書首言子靜奏篇之是禪

黃氏有論次言子靜以私意狂妄引去有志可考

之學者末言聖賢垂教之明以歎狂妄

者之不察烏乎學者須知所謂八字打

開者而領會焉庶幾無負朱子喫緊衛

道垂教之意以後三書皆為有志者為

子靜引去而發時之先後雖不可考然

亦當不出此一二歲間故以類相從罷
諸左方

答劉公度書

示喻爲學之意終覺有好高欲速之弊其說亦已見令叔書中矣願更詳之講學不厭其詳凡天下事物之理方冊聖賢之言皆須子細反覆究竟至於持守却無許多事若覺得未穩只有默默加功著力向前耳今聞廢書不讀而反以持守之事爲講說之資是乃兩失其宜下梢弄

問問錄

卷六

三

得無收殺只成得杜撰捏合而已至謂彼中朋友只有季章一人可望此未論其許與之當否然其言之發亦太輕矣舊見公度不如此只此便是新學效驗向見伯恭說孔子順答魏王問天下之高士而無世無其人此一句似全不是孔子家法此言有味願試思之

瞳按公度子澄從子也所謂其說亦已見令叔書中者則前答子澄書云公度似有此病痛是也新學指子靜

答林擇之書

端叔向見欽夫稱之恭叔昨在建寧得一見匆匆不能款然知其惑於世俗高妙之虛談矣大抵好高欲速學者之通患而爲此說者立論高而用力省適有以投其隙是以聞其說者欣然從之唯恐不及往往遺棄事物脫略章句而相與馳逐於虛曠冥漠之中其實學禪之不至者而自托於吾學以少避其名耳道學不明變怪百出以欺世眩俗後生之有志者爲所引取陷

問問錄

卷六

四

於邪妄而不自知深可悼懼也

答胡季隨書

元善書說與子靜相見甚款不知其說如何大抵欲速好徑是今日學者大病向來所講近覺亦未免此以身驗之乃知伊洛拈出敬字真是學問始終日用親切之妙近與朋友商量不若只於此處用力而讀書窮理以發揮之真到聖賢究竟地位亦不出此坦然明白不須妄意思想頓悟懸絕處徒使人顛狂粗率而於日用常

行之處反不得其所安也不審別後所見如何幸試以此思之似差平易悠久也

答陳正已書

示喻爲學大致及別紙數條皆已深悉但區區於此有不能無疑者蓋上爲靈明之空見所持而不得從事於博學篤志切問近思之實下爲俊傑之豪氣所動而不暇用力於格物致知誠意正心之本是以所論嘗有厭平實而趨高妙輕道義而喜功名之心其浮蕩動俠之意往往

開闢錄

卷六

五

發於詞氣之間絕不類聖門學者氣象不知向來伯恭亦嘗以是相規否也熹自年十四五時卽嘗有志於此中間非不用力而所見終未端的其言雖或誤中要是想象臆度所幸內無空寂之誘外無功利之貪全此純愚以至今日反復舊聞而有得焉乃知明道先生所謂天理二字却是自家體帖出來者真不妄耳

謹按朱子答東萊書云正已亦子靜所呵以爲溺於禪者答直卿書云正已明

爽但全別是一般說話伯恭之學一傳到此甚可懼耳故此書乃直排其宗二家之失復自言其進學之由無二家之失其所以警正已者深矣其獨任斯道之責亦可見矣世後顧謂朱子之學有取於子靜者未察於斯邪

答陸子靜書

昨聞嘗有丐外之請而復未遂今定如何莫且宿留否學者後來更得何人顯道得書云嘗詣

開闢錄

卷六

六

見不知已到未子淵去冬相見氣質剛毅不易得但其偏處亦甚害事雖嘗苦口恐未必以爲然今想到部必已相見亦嘗痛與砭劑否道理雖極精微然初不在耳目見聞之外是非黑白卽在面前此而不察乃欲別求玄妙於意慮之表亦已誤矣熹衰病日侵去年災患亦復不少數日來病軀亦似略可支吾然精神耗減日甚一日恐終非能久於世者所幸邇來日用工夫頗覺有力無復向來支離之病甚恨未得從容

面論未知異時相見尚復有異同否耳

瞻按此書云道理雖極精微至亦已誤矣者乃斥陸學之失所謂顯然鳴鼓而攻之也云邇來日用工夫頗覺有力無復向來支離之病者蓋子靜平日譏朱子爲支離故朱子至是亦明言已無是病其詞雖謙而自任之重亦不可掩故復曰未知異時相見尚復有異同否耳也篁墩之說恐非朱子本意讀者詳之

閑關錄

卷六

七

答陸子靜書

稅駕已久諸兄想益佳學徒四來所以及人者在此而不在彼矣來書所謂利慾深痼者已無可言區區所憂却在一種輕爲高論妄生內外精粗之別以良心日用分爲兩截謂聖賢之言不必盡信而容貌詞氣之間不必深察者此其爲說乖戾狠悖將有大爲吾道之害者不待他時末流之弊矣不審明者亦嘗以是爲憂乎此事不比尋常小小文義異同恨相去遠無由面

論徒增耿耿耳李子甚不易知向學但亦漸覺好高鄙意且欲其著實看得目前道理事物分明將來不失持家之舊庶幾有用若便如此談玄說妙却恐兩無所成可惜壞了天生氣質却未必如乃翁樸實頭無許多勞攘耳

語錄

聖賢之教內外本末上下今子靜却要理會內不管外面却無此理硬要轉聖賢之說爲他說寧若爾說且作爾說不可誣罔聖賢亦

閑關錄

卷六

八

如此

或問表裏精粗曰須是表裏精粗無不到有一種人只就皮殼上做工夫却於理之所以然者全無是處又有一種人思慮向裏去又嫌眼前道理粗於事物上都不理會此乃談玄說妙之病其流必入於異端賀孫曰孺弟爲仁之本一章初看未甚透今却看得分曉先生曰如此等說話象山都不看凡是諸弟子之言便以爲不是而不足看其無心看聖

賢文字如此凡說未得處便將箇硬說闢倒了不消看按子靜嘗曰聞人誦伊川語自覺孔子孟子之言不類初讀論語即疑有子之言支離

瞳按以上二書即所謂顯然鳴鼓而攻之不復爲前日之唯阿直截說破庶幾後來者免墮邪見坑中者蓋其憂之切距之嚴猶禹之於洪水孟子之於楊墨也百世之下主張朱陸之異同者舉不考此論共同者乃妄以尊德性爲徵議

閑閑錄

卷六

九

其異者惟知以論太極爲說遂使正學晦邪說熾學者莫知所適從而我于朱子閑正道闢異端之功不在禹孟子下者不見於世也可勝惜哉

大學或問

曰然則子之爲學不求諸心而求諸迹不求之內而求之外吾恐聖賢之學不如是之淺近而支離也曰人之所以爲學心與理而已矣心雖主乎一身而其體之虛靈足以管乎

天下之理理雖散在萬物而其用之微妙實不外乎一人之心初不可以內外精粗而論也然或不知此心之靈而無以存之則昏昧雜擾而無以窮衆理之妙不知衆理之妙而無以窮之則褊狹固滯而無以盡此心之全此其理勢之相須蓋亦有必然者是以聖人設教使人默識此心之靈而存之於端莊靜一之中以爲窮理之本使人知有衆理之妙而窮之於學問思辨之際以致盡心之功巨

閑閑錄

卷六

十

細相涵動靜交養初未嘗有內外精粗之擇及其真積力久而豁然貫通焉則亦有以知其渾然一致而果無內外精粗之可言矣今必以是爲淺近支離而欲藏形匿景別爲一種幽深恍惚艱難阻絕之論務使學者莽然措其心於言語文字之外而曰道必如此然後可以得之則是近世佛學詖淫邪遁之尤者而欲移之以亂古人明德新民之實學其亦誤矣

臆按此論雖未必爲子靜發然以答子
靜二書考之則其意實有脗合焉者故
附見焉使有志於明德新民之實學者
有以深求而自得之

附子靜答書

冬初許氏子來始得五月八日書前月來又
得五月二日書開慰之制傳子淵前月到此
間聞其舉動言論頗多狂肆渠自云開九淵
之歸此病頓瘳此亦不其得切磋之渠
自謂刊落益至交朋視之亦謂其然劉定夫
氣稟屈強恣睢朋儕鮮比此來退然方知自
訟大抵學者病痛須得其實徒以臆想稱引
先訓文致其罪斯人必不心服縱其不能辨
自勢力不相當勉強誣服亦何益之
有豈其無益亦以害之則有之矣

周開錄

卷六

十一

臆按朱子二書之攻子靜其嚴如此子
靜答之飭非文過却鍼拒砭又如此則
二家之異趣不待辨說而可知矣

答程正思書

祝汀州見責之意敢不敬承蓋緣舊日曾學禪
宗故於彼說雖知其非而不免有私嗜之意亦
是被渠說得遮前掩後未盡見其底蘊譬如楊
墨但能知其爲我兼愛而不知其至於無父無

君亦不知其便是禽獸也去冬因八徒來此二
妄凶狠手足盡露自此乃始顯然鳴鼓攻之不
復爲前日之唯阿矣浙學尤更醜陋如潘叔昌
呂子約之徒皆已深陷其中不知當時傳授師
說何故乖訛便至於此深可痛恨元季遂能辨
此深可歎賞深慚老繆放過著今日徒勞煩舌
用力多而見功寡也

答趙幾道書

所論時學之弊甚善但所謂冷淡生活者亦恐
門開錄

卷六

十二

反遲而禍大耳孟子所以舍申商而距楊墨者
正爲此也向來正以吾黨孤弱不欲於中自相
矛盾亦厭繳紛競辨若可羞者故一切容忍不
能極論近乃深覺其弊全然不會略見天理彷彿
一味只將私意東作西捺做出許多詖淫邪
遁之說又且空腹高心妄自尊大俯視聖賢蔑
棄禮法只此一節尤爲學者心術之害故不免
直截與之說破渠輩家計已成決不肯舍然此
說既明庶幾後來者免墮邪見坑中亦是一事

耳

瞳按此二書蓋以明其答子靜二書之意如曰去冬因其徒來此狂妄凶狠手足盡露卽子淵去冬相見氣質剛毅不易得但其偏處亦甚害事也如曰未曾略見天理彷彿一味只將私意東作西捺做出許多詖淫邪遁之說卽此而不察乃欲別求玄妙於意慮之表輕爲高論妄生內外精粗之別以良心日用分

開闢錄

卷六

三

爲兩截也如曰俯視聖賢蔑棄禮法卽聖賢之言不必盡信容貌詞氣不必深察也朱子於浙有世契之雅乃斥名以排之故其詞峻直於陸則稍存形跡乃託詞以諷之故其言微婉及其終而不足諷也亦有不微婉者焉善讀者當自得之

答周叔謹書

應之甚恨未得相見其爲學規模次第如何近

來呂陸門人互相排斥此由各徇所見之偏而不能公天下之心以觀天下之理甚覺不滿人意應之蓋嘗學於兩家不知其於此看得果如何因話扣之因書喻及爲幸也熹近日亦覺向來說話有太支離處反身以求正坐自己用功亦未切耳因此減去文字功夫覺得閑中氣象甚適每勸學者亦且看孟子道性善求放心兩章著實體察收拾爲要其餘文字且大槩諷誦涵養未須大段著力考索也

開闢錄

卷六

古

瞳按朱子答賓文卿書曰公謹卽叔從東萊讀左傳宜於人情物態見得曲折今乃如此不解事則叔謹爲學可知此書云某近日亦覺向來說話有太支離處云云蓋指呂氏門人所學之偏引以自歸而警叔謹也故答叔謹第二書則直詔之曰文字且虛心平看自有趣味勿苦尋支蔓旁生孔穴以汨義理之正脉子約書來大段說得支離要是義理

閑關錄

卷六

五

大多更宜省約爲佳答劉子澄書曰浙中後來事體大段支離乖僻恐不止似正似邪而已極令人難說只得皇恐痛自警省斯可考矣當是時浙之學者舍六經論孟而尊史遷舍窮理盡性而談世變舍治心修身而喜事功大爲心學之害故朱子有每勸學者且看孟子道性善求放心之語之類答子約書云開書來云讀書過苦使然不知是讀何書若是聖賢之遺言無非存心養性之事決不應反致生病恐又是太史公作樂耳孟子言學問之道惟在求其放心而程子亦言心要在腔子裏今一向耽著文字令此心全體都奔在冊子上更不知有已便是箇無知覺不識痛癢之人雖讀得書亦何益於吾事答沈叔晦書曰近日一般學問廢經而治史略王道而尊伯術極論古今興亡之變而不察此心存亡之端若只如此讀不一而足者蓋以救浙學一偏之弊使之收斂凝定以致克已求仁之功耳見朱子年譜非自道也道園虞氏乃謂朱子至此切已反求之功愈切稍却其文字之支離篳墩

閑關錄

卷六

六

程氏乃謂陸子平日諄復以教人者朱子至是而有取焉矐惟朱子註孟子牛山木章云愚聞之師曰人義理之心未嘗無唯持守之則在爾孟子發此夜氣之說於學者極有功宜熟玩而深省之也感興詩曰曰予昧前訓坐此枝葉繁發奮永刊落奇功收一原則朱子之切已反求却文字之支離至是有取如虞程之說者竊有疑焉敢疏所聞以俟知朱學者折衷之語錄學者不先存此心雖說要去理會東東西西都自無安著處孟子所以云收放心亦不是說只收放心便了收放心且收斂得箇根基方可以做工夫若但知收放心不做工夫則如近日江西所說則是守箇死物事故大學之書須教人格物致知以至於誠意正心修身齊家治國平天下節節有工夫

瞳按此語則二家之所謂求放心者異矣烏有如虞程之論哉

答呂子約書

所論江西之弊切中其病然前書奉告者非論其人也乃論吾學自有未至要在取彼之善以自益耳謂彼無本原根柢則未知吾之所恃以爲本原根柢者果何在邪幸更思之復以見教

答項平父書

近世學者務反求者便以博觀爲外馳務博觀

閑關錄

卷六

七

者又以內省爲狹隘左右佩劍各主一偏而道術分裂不可復合此學者之大病也

答石應之書

疾病相仍殊無好況心昏目昧不能向書然日用工夫不敢不勉間亦紬繹舊聞之一二雖無新得然亦愈覺聖賢之不我欺而近世所謂喙爭鳴者之亂道而誤人也

答沈叔晦書

大抵近年學者求道太迫立論太高往往嗜簡

易而憚精詳樂渾全而畏剖析以此不見天理之本然各墮一偏之私見別立門庭互分彼我使道體分裂不合不公此今日之大患也

答潘叔昌書

近年異論遽起高者溺於虛無下者淪於卑陋各執已見不合不公使人憂歎不知所以爲計而今而後亦不復敢以此望於今世之人姑抱遺經以待後之學者而已

瞳按以上五書皆詆陸學浙學各墮一

閑關錄

卷六

八

排斥不合不公也而朱子歎道不能行以俟後世者誠著明懇

切矣學者其可不明辨以求真是之歸而惑於草廬諸公阿處之說哉

閑關錄卷六終

閑闢錄卷第七

鄉後學練江程瞳輯

答陸子美書

伏承示喻太極西銘之失備悉指意然二書之說從前不敢輕議非是從人脚跟依他門戶却是反覆看來道理實是如此別未有開口處所以信之不疑而妄以已見輒爲之說正恐未能盡發其奧而反以累之豈敢自謂有扶掖之功哉今詳來教及省從前所論却恐長者從初便忽其言不曾致思又以自家所見道理爲是不

閑闢錄

卷七

一

閑闢錄

卷七

上

說猶更分明今亦且以首句論之人之一身固是父母所生然父母之所以爲父母者卽是乾坤若以父母而言則一物各一父母若以乾坤而言則萬物同一父母矣萬物既同一父母則吾體之所以爲體者豈非天地之塞吾性之所以爲性者豈非天地之帥哉古之君子惟其見得道理真實如此所以親親而仁民仁民而愛物推其所爲以至於能以天下爲一家中國爲一人而非意之也今若必謂人物只是父母所生更與乾坤都無干涉其所以有取於西銘者但取其姑爲宏濶廣大之言以形容仁體而破有我之私而已則是所謂仁體者全是虛名初無實體而一己之私却是實理合有分別聖賢於此却初不見義理只見利害而妄以已意造作言語以增飭其所無破壞其所有也若果如此則其立言之失膠固二字豈足以盡之而又何足以破人之桎於一己之私哉大抵古之聖賢千言萬語只是要人明得此理此理既明則

不務立論而所言無非義理之言不務力行而所行無非義理之實無有初無此理而姑爲此言以救時俗之弊者不知子靜相會曾以此話子細商量否近見其所論王通續經之說似亦未免此病也此間近日 難得江西便草草布此却託子靜轉致但以來書半年方達推之未知何時可到耳如有未當切幸痛與指摘剖析見教理到之言不得不服也

二

開闢錄

卷七

三

前書示諭太極西銘之說反復詳盡然此恐未必生於氣習之偏但是急迫看人文字未及盡彼之情而欲遽申已意是以輕於立論徒爲多說而未必果當於理耳且如太極之說熹謂周先生之意恐學者錯認太極別爲一物故著無極二字以明之此是推原前賢立言之本意所以不厭重複蓋有深旨而來諭便謂熹以太極下同一物是則非惟不盡周先生之妙旨而於熹之淺陋妄說亦未察其情矣又謂著無極字

便有虛無好高之弊則未知尊兄所謂太極是有形器之物邪無形器之物邪若果無形而但有理則無極卽是無形太極卽是有理明矣又安得爲虛無而好高乎熹所論西銘之意正謂長者以橫渠之言不當謂乾坤實爲父母而以膠固斥之故竊疑之以爲若如長者之意則是謂人物實無所資於天地恐有所未安爾非熹本說固欲如此也今詳來誨猶以橫渠只是假借之言而未察父母之與乾坤雖其分之有殊

開闢錄

卷七

四

而初未嘗有二體但其分之殊則又不得不而辨也熹之愚陋竊願尊兄更於二家之言少賜反復寬心游意必使於其所說如出於吾之所爲者而無纖芥之疑然後可以發言立論而斷其可否則其爲辨也不煩而理之所在無不得矣若一以急迫之意求之則於察理已不能精而於彼之精又不詳盡則徒爲紛紛而雖欲不差不可得矣然此急迫卽是來諭所謂氣質之弊蓋所論之差處雖不在此然其所以差者則

原於此而不可誣矣不審尊意以爲如何子靜
歸來必朝夕得欸聚前書所謂異論卒不能合
者當已有定說矣恨不得側聽其旁時效管窺
以求切磋之益也近又嘗作一小卜筮書亦以
附呈蓋緣近世說易者於象數全然濶略其不
然者又太拘滯支離不可究詰故推本聖人經
傳中說象數者只此數條以意推之以爲是足
以上究聖人作易之本指下濟生人觀變玩占
之實用學易者決不可以不知而凡說象數之
閑闕錄 卷之五

過乎此者皆可以束之高閣而不必問矣不審
尊意以爲如何

三

示諭縷縷備悉雅意不可則止正當謹如來教
不敢復有塵瀆也偶至武夷匆匆布叙不能盡
所欲言然大者已不敢言則亦無可言者矣

附子靜與陶贊仲書

梭山謂晦翁好勝不肯與辨九淵以爲人之
所見偶有未通處其說固以爲是以他人爲
非且當與之辨白未可便以好勝絕之以晦
翁之高明猶不能無蔽道聽塗說之人亦何

足與言
此哉

題太極西銘解後

始予作太極西銘二解未嘗敢出以示人也近
見儒者多議兩書之失及未嘗通其文義而妄
肆詆訶予竊悼焉因出此解以示學徒使廣其
傳庶幾讀者由辭以得意而知其未可以輕議
也

答陳膚仲書

西銘後題是去年未離家時所題後來不能去

閑闕錄

卷七

六

得然此是道理所繫我且直之固不容有所避
也仁仲所說因書報及漫欲知耳所云不必置
辨今時俗例爲此說乃是自見道理不明纔有
此說便有此說之害如許行之並耕白圭之治
水二十取一若似今人所見則孟子亦何用與
之辨邪

按以上二說皆爲子美發

答陸子靜書

學者病痛誠如所諭但亦須自家見得平正深

附子靜書

開闢錄

卷七

七

尊兄與梭山家兄書嘗因南豐使人僭易致
區區蒙復書許以卒請不勝幸甚古之聖賢
惟理是視堯舜之聖而詢於芻蕘曾子之易
簣蓋得於執燭之童子蒙九二曰納婦吉苟
當於理雖婦人孺子之言所不棄也孟子曰
盡信書不如無書吾於武城取二三策而已
矣或乖理致雖出古書不敢盡信也智者千
慮或有一失愚者千慮或有一得人言豈可
忽哉梭山兄謂太極圖說與通書不類疑非
周子所爲不然則或是其學未成時所作不
然則或是傳他人之文後人不辨也蓋通書
理性命章言中焉上焉二氣五行化生萬物
五殊二實二本則一口一口中即太極也未
嘗於其上加無極字動靜章言五行陰陽太
極亦無無極之文假令太極圖說是其所傳
或其少時所作則作通書時不言無極蓋已
知其說之非矣此言殆未可忽也兄謂梭山
急迫看人文字未能盡彼之情而欲遽申已

閑關錄

卷七

八

言精確足以悟疑辨惑乃反疎脫如此宜有以自反矣後書又謂無極卽是無形太極卽是有理周先生恐學者錯認太極別爲一物故著無極一字以明之易之大傳曰形而上者謂之道又曰一陰一陽之謂道一陰一陽已是形而上者况太極乎晁文義旨卑知之矣自有大傳至今幾年未聞有錯認太極別爲一物者設有愚謬至此奚啻不能以三闕反何足上煩老先生特地於太極上加無極二字以曉之乎且極字亦不可以形字釋之蓋極者中也言無極則是猶言無中也是矣可哉若懼學者泥於形器而申釋之則宜如詩言上天之載而於下贊之曰無聲無臭可也豈宜以無極字加於太極之上朱子發謂濂溪得太極圖於穆伯長伯長之傳出於陳希夷其必有攷希夷之學老氏之學也無極二字出於老子知其雄章吾聖人之書所未有也老子首章言無名天地之始有名萬物

開闢錄

卷七

九

之母而卒同之此老氏宗旨也無極而太極
即是此有老氏學之不正見理不明所蔽在
此兄於此學用力之深為日之久曾此之不
能辨何也通書中焉止矣之言與此昭然不
異而兄曾不之察何也太極圖說以無極二
字冠首而通書終篇未嘗一及無極字二程
言論文字至多亦未嘗一及無極字假令其
初實有是圖觀其後來未嘗一及無極字可
見其道之進而不自以為是也兄今考訂注
釋表顯尊信如此其至恐未得為善祖述者
也潘清逸詩文可見矣彼豈能知濂溪者明
道伊川親師承濂溪當時名賢居潘右者亦
復不少濂溪之誌卒屬於潘可見其子孫之
不能世其學也兄何據之篤乎梭山兄之言
恐未宜忽也孟子與墨者夷之辨則據其愛
無差等之言與許行辨則據其與民並耕之
言與告子辨則據其義外與人性無分於善
不善之言未嘗泛為料度之說兄之論辨則

開闢錄

卷七

十

難明白不若據事論理可也今此急迫之說
寬心游意之說正相類耳論事理不必以此
等壓之然後可明也梭山氣稟寬緩觀書未
嘗草草必優游諷詠耐久細繹今以急迫指
之雖他人亦未喻也夫辨是非別邪正決疑
似固貴於峻潔明白若乃料度羅織文致之
辭願兄無易之也梭山兄所以不復致辨者
蓋以兄執已之意甚固而視人之言甚忽求
勝不求益也九淵則以為不然尊兄平日倦
倦於朋友求箴規切磨之益蓋亦甚至獨萃
雄孤唯人非惟不敢以忠言進於左右亦未
有能為忠言者言論之橫出其勢然耳向來
相聚每以不能副兄所期為愧比者自謂少
進方將圖合并而承教今兄為時所用進退
殊路合并未可期也又蒙許其吐露雖寓此
少見區區尊意不以為然幸不憚下教政遠
惟為國保愛倚需
柄用以澤天下

答陸子靜書

瞿按子美與朱子辨者太極西銘也今
子靜獨以太極言之則於西銘理屈辭
窮矣然不能自反以淑高明此其所以
卒於鹵莽而不得其正也
前書誨諭之悉敢不承教所謂古之聖賢惟理
是視言當於理雖婦人孺子有所不棄或乖理
致雖出古書不敢盡信此論甚當非世儒淺見
所及也但竊謂言不難擇而理未易明若於

理實有所見則於人言之是非不翅白黑之易辨固不待訊其人之賢否而爲去取不幸而吾之所謂理者或但出於一己之私見則恐其所取舍未足以爲羣言之折衷也况理既未明則於人之言恐亦未免有未盡其意者又安可以遽絀古書爲不足信而直任胸臆之所裁乎來書反復其於無極太極之辨詳矣然以熹觀之伏羲作易自一畫以下文王演易自乾元以下皆未嘗言太極也而孔子言之孔子贊易自太

開關錄

卷七

三

極以下未嘗言無極也而周子言之夫先聖後聖豈不同條而共貫哉若於此有以灼然實見太極之真體則知不言者不爲少而言之者不爲多矣何至若此之紛紛哉今旣不然則吾之所謂理者恐其未足以爲羣言之折衷又况於人之言有所未盡者又非一二而已乎旣蒙不鄙而教之熹亦不敢不盡其愚也且夫大傳之太極者何也卽兩儀四象八卦之理具於三者之先而緼於三者之內者也聖人之意正以其

究竟至極無名可名故特謂之太極猶曰舉天下之至極無以加此云爾初不以其中而命之也至如北極之極屋極之極皇極之極民極之極諸儒雖有解爲中者蓋以此物之極當在此物之中非指極字而訓之以中也極者至極而已以有形者言之則其四方八面合轆將來到此底更無去處從此推出四方八面都無向背一切停勻故謂之極耳後人以其居中而能應四外故指其處而以中言之非以其義爲可

開關錄

卷七

三

訓中也至於太極則又初無形象方所之可言但以此理至極而謂之極耳今乃以中名之則是所謂理有未明而不能盡乎人言之意者一也通書理性命章其首二句言理次三句言性次八句言命故其章內無此三字而特以三字名其章以表之則章內之言固已各有所屬矣蓋其所謂靈所謂一者乃爲太極而所謂中者乃氣稟之得中與剛善剛惡柔善柔惡者爲五性而屬乎五行初未嘗以是爲太極也且曰中

焉止矣而又下屬於二氣五行化生萬物之云是亦復成何等文字義理乎今來喻乃指其中者爲太極而屬之下文則又理有未明而不能盡乎人言之意者二也若論無極二字乃是周子灼見道體迥出常情不顧旁人是非不計自己得失勇往直前說出人不敢說底道理令後之學者曉然見得太極之妙不屬有無不落方體若於此看得破方見得此老真得千聖以來不傳之秘非但架屋下之屋疊床上之床而已

閑關錄

卷七

三

也今必以爲未然是又理有未明而不能盡乎人言之意者三也至於大傳既曰形而上者謂之道矣而又曰一陰一陽之謂道此豈真以陰陽爲形而上者哉正所以見一陰一陽雖屬形器然其所以一陰而一陽者是乃道體之所爲也故語道體之至極則謂之太極語太極之流行則謂之道雖有二名初無兩體周子所以謂之無極正以其無方所無形狀以爲在無物之前而未嘗不立於有物之後以爲在陰陽之外

而未嘗不行乎陰陽之中以爲通貫全體無乎不在則又初無聲臭影響之可言也今乃深詆無極之不然則是直以太極爲有形狀有方所矣直以陰陽爲形而上者則又昧於道器之分矣又於形而上者之上復有况太極乎之語則是又以道上別有一物爲太極矣此又理有未明而不能盡乎人言之意者四也至熹前書所謂不言無極則太極同於一物而不足爲萬化根本不言太極則無極淪於空寂而不能爲萬

閑關錄

卷七

四

化根本乃是推本周子之意以爲當時若不如此兩下說破則讀書錯認語意必有偏見之病聞人說有卽謂之實有見人說無卽以爲真無耳自謂如此說得周子之意已是大然分明只恐知道者厭其漏泄之過甚不謂如老兄者乃猶以爲未穩而難曉也請以熹書上下文意詳之豈謂太極可以人言而爲加損者哉是又理有未明而不能盡乎人言之意者五也來書又謂大傳明言易有太極今乃言無何邪此尤非

所望於高明者今夏因與人言易其人之論正如此當時對之不覺失笑遂至被劾彼俗儒膠固隨語生解不足深怪老兄平日自視為如何而亦為此言邪老兄且謂大傳之所謂有果如兩儀四象八卦之有定位天地五行萬物之有常形邪周子之所謂無是果虛空斷滅都無生意之理邪此又理有未明而不能盡乎人言之意者六也老子復歸於無極無極乃無窮之義如莊生入無窮之門以遊無極之野云爾非若

閑闢錄

卷七

十五

周子所言之意也今乃引之而謂周子之言實出乎彼此又理有未明而不能盡乎人言之意者七也高明之學超出方外固未易以世間言語論量意見測度今且以愚見執方論之則其未合有如前所陳者亦欲奉報又恐徒為紛紛重使世俗觀笑既而思之若遂不言則恐學者終無所取正較是二者寧可見笑於今人不可得罪於後世是以終不獲已而竟陳之不識老兄以為如何

二

來書云浙間後生貽書見規以為吾二人者所習各已成熟終不能以相為莫若置之勿論以俟天下後世之自擇鄙哉言乎此輩凡陋沈溺俗學悖戾如此亦可憐也

熹謂天下之理有是有非正學者所宜明辨或者之說誠為未當然凡辨論者亦須平心和氣子細消詳反復商量務求實是乃有歸著如不能然而但於匆遽急迫之中肆支蔓躁率之詞以逞其忿懟不平之氣則恐反不若或者之言安靜和平寬洪悠久猶有君子長者之遺意也

閑闢錄

卷七

十六

來書云人能洪道非道洪人此理在宇宙間固不以人之明不明行不行而加損然人為人則抑有其職矣垂象而覆物者天之職也形而載物者地之職也裁成天地之道輔相天地之宜以左右民者人之職也孟子曰格君心之非而欲行之所謂行之者行其所學也理陰陽使斯道達乎天下也所謂學之者從師親友讀書考古學問思辨以明此道也故少而學道壯而行道者上君子之職也吾人皆無常師周旋於羣言淆亂之中俯仰參求雖自謂其理已明安知非私見蔽說若雷同相從一唱百和莫知其非此所甚可懼也何幸而有相疑不合在同志之間正宜各盡所懷力相切磋期歸于一是之地大幸之所以為大者害與人同樂取諸人以為善聞一善言見一善行若決

江河沛然莫之能禦吾人之志當何求哉惟其是而已噤昔明言善義拳拳服膺而勿失樂與天下共之者以爲是也今一以切磋而知其非則棄前日之所習勢當如出陷穽如避荆棘惟斯之念若决江河是得所欲而遂其志也此豈小智之私鄙陋之習樂勝耻負者所能及哉弗明弗措古有明訓敢悉布之

熹按此段所說規模宏大而指意精切如曰雖自謂其理已明安知非私見蔽說及引大舜善與人同等語尤爲的當熹雖至愚敢不承教但所謂莫知其非歸於一是者未知果安所决區區於此亦願明者有以深察而實

閑關錄 卷七 七
踐其言也

來書云 古人質實不尚智巧言論未詳事實先覺後知先覺覺後覺者以其事實覺其事實故言即其事即其言所謂言顯行顯言周道之衰文貌日勝事實湮於意見典訓蕪於辨說揣量模寫之工依倣假借之似其條畫足以自信其習熟足以自安以子貢之達又得夫子而師承之尚不免此多學而識之見非夫子叩之彼固晏然而無疑先行之訓予欲無言之訓所以覺之者屢矣而終不悟顏子既沒其傳固在會子蓋可觀已尊兄之才未知其與子貢如何今日之病則有深於子貢者尊兄誠能深知此病則來書七條之說當不待條析而自解矣然相去數百里脫或未能自克淹回舊習則不能無遺恨請卒條之

熹詳此說蓋欲專務事實不尚空言其意甚美但今所論無極二字熹固已謂不言不爲少言之不爲多矣若以爲非則且置之其於事實亦未有害而賢昆仲不見古人指意乃獨無故於此創爲浮辨累數百言三四往返而不能已其爲湮蕪亦已甚矣而細考其間緊要節目並無酬酢只是一味慢罵虛喝必欲取勝未論顏曾氣象只子貢恐亦不肯如此恐未可遽以此而輕彼也

閑關錄 卷七 太

來書云 尊兄未嘗實見太極若實見太極上面字上面加無極字正是疊床之上床下面著實體字正是架屋下之屋虛見之與實見其言固自不同也

熹亦謂老兄正爲未識太極之本無極而有真體故必以中訓極而又以陰陽爲形而上者之道虛見之與實見其言果不同也

來書云 老氏以無爲天地之始以有爲天地之搭在上面正是老氏之學豈可諱也

熹詳老氏之言有無以有無爲二周子之言

有無以有無爲一正如南北水火之相反請

子細著眼未可容易譏評也

來書云此理乃宇宙之所固有豈可言無若以爲無則君不君臣不臣父不父子不子矣

更請詳看熹前書會有無理二字否

來書云極亦此理也中亦此理也五居九疇之中而曰皇極豈非以其中而命之乎民受天地之中以生而詩曰立我烝民莫匪爾極豈非以其中命之乎中庸曰中也者天下之大本也和也者天下之達道也致中和天地位焉萬物育焉此理至矣外此豈更復有太極哉

極是名此理之至極中是狀此理之不偏雖

閑關錄

卷之

九

然同是此理然其名義各有攸當雖聖賢言之亦未嘗敢有所差互也若皇極之極民極之極乃爲標準之意猶曰立於此而示於彼使其有所向望而取正焉耳非以其中而命之也立我烝民立與粒通即書所謂烝民乃粒莫匪爾極則爾指后稷而言蓋曰使我衆人皆得粒食莫匪爾后稷之所立者是望耳爾字不指天地極字亦非指所受之中此義尤明自似是急於求勝更不暇考上下文推此一條其餘可見中者天下之大

本乃以喜怒哀樂之未發此理渾然無所偏

倚而言太極固無偏倚而爲萬化之本然其

得名自爲至極之極而兼有標準之義初不

以中而得名也

來書云以極爲中則爲不明理以極爲形乃爲明理乎

老兄自以中訓極熹未嘗以形訓極也今若

此言則是已不曉文義而謂他人亦不曉也

請更詳之

來書云大學文言皆言知至

閑關錄

卷七

二

熹詳知至二字雖同而在大學則知爲實字至爲虛字兩字上重而下輕蓋曰心所之知無不到耳在文言則知爲虛字至爲實字兩字上輕而下重蓋曰有以知其所當至之地耳兩義既自不同而與太極之爲至極者又皆不相似請更詳之此義在諸說中亦最分明試就此推之當知來書未能無失往往類此

來書云直以陰陽爲形器而不得爲道此尤不始終動靜晦明上下進退往來闔闔盈虛消長尊卑貴賤表裏隱顯向背順逆存亡得喪出入

行藏何適而非一陰一陽哉奇耦相尋變化無窮故曰其爲道也屢遷變動不居周流六虛上下無常剛柔相易不可爲典要惟變所適說卦曰觀變於陰陽而立卦發揮於剛柔而生爻和順於道德而理於義窮理盡性以至於命又曰昔者聖人之作易也將以順性命之理是以立天之道曰陰與陽立地之道曰柔與剛立人之道曰仁與義下繫亦曰易之爲書也廣大悉備有天道焉有人道焉有地道焉兼三才而兩之故六六者非他也三才之道也今願以陰陽爲非道而直謂之形器其孰爲昧於道器之分哉

若以陰陽爲形而上者則形而下者復是何物更請見教若熹愚見與其所聞則曰凡有形有象者皆器也其所以爲是器之理者則

開闢錄

卷七

主

道也如是則來書所謂始終晦明奇耦之屬皆陰陽所爲之器獨其所以爲是器之理如目之明耳之聰父之慈子之孝乃爲道耳如此分別似差明白不知尊意以爲如何

極分明切望略加思索便見愚言不爲無理而其餘亦可以類推矣

來書云

也通書曰中者中也中節也天下之達道也聖人之事也故聖人立教俾人自易

其惡自致其中而止矣周子之言中如此亦不輕矣外此豈更別有道理乃不得此虛字乎所舉理性命章五句但欲見通書言中言一而不見誣以屬之下文兄之爲辨失其指歸大率類此

周子言中而以和字釋之又曰中節又曰達道彼非不識字者而其言顯與中庸相戾則亦必有說矣蓋此中字是就氣稟發用而言其無過不及處耳非直指本體未發無所偏倚者而言也豈可以此而訓極爲中也哉來書引經必盡全章雖煩不厭而所引通書乃獨截自中焉止矣而下此安得爲不悞老兄本自不信周子政使誤引通書亦未爲害何必諱此小失而反爲不改之過乎

開闢錄

卷七

主

來書云

大傳洪範毛詩周禮與太極圖說孰古

大傳洪範詩禮皆言極而已未嘗謂極爲中也先儒以此極處常在物之中央而爲四方之所面內而取正故因以中釋之蓋亦未爲甚失而後人遂直以極爲中則又不識先儒之本意矣爾雅乃是纂集古今諸儒訓詁以成書其間蓋亦不能無誤不足據以爲古又况其間但有以極訓至以殷齊訓中初未嘗以極爲中乎

來書云又謂周子所以謂之無極正以其無方所無形狀誠令如此不知人有甚不敢道處但以加之太極之上則前又云若謂欲言吾聖門正不宜如此道耳

無極而太極猶曰莫之爲而爲莫之致而至

又如曰無爲之爲皆理勢之當然非謂別有

一物也向見欽夫有此說嘗疑其贅今乃其正使得著方知欽夫之慮遠也

意則固若曰非如皇極民極屋極之有方所

形象而但有此理之至極耳若曉此意則於

聖門有何違叛而不肯道乎上天之載是就

有中說無無極而太極是就無中說有若實

開闢錄卷七

見得卽說有說無或先或後都無妨礙今必

如此拘泥強生分別會謂不尚空言專務事

實而反如此乎

來書云夫乾確然示人易矣夫坤隤然示人簡矣太極亦易嘗隱於人哉尊兄兩下說

無說有不知漏洩得多少如所謂太極真體不傳之秘無物之前陰陽之外不屬有無不落方

體迥出常情超出方外等語莫是會學禪宗所得如此平時既私其說以自妙及教學者則又

往往私秘而多說文義此漏洩之說所從出也以實論之兩頭都無著實彼此只是葛藤未說

氣質不美者樂寄此以神其姦不知繫絆多少好氣質底學者既以病已又以病人殆非一言

一行之過見其毋以久習於此而重自反也

太極固未嘗隱於人然人之識太極者則少

矣往往只是於禪學中認得箇昭昭靈靈能

作用底便謂此是太極而不知所謂太極乃

天地萬物本然之理亘古亘今擲撲不破者

也迥出常情等語只是俗談卽非禪家所能

專有不應儒者反當回避况今雖偶然道著

而其所見所說卽非禪家道理非如他人陰

實祖用其說而改頭換面陽諱其所自來也

如曰私其說以自妙而又秘之又曰寄此以

開闢錄卷七

神其姦曰繫絆多少好氣質底學者則恐世

間自有此人可當此語熹雖無狀自省得與

此語不相似也

來書引書云有言逆于汝心必求諸道

此聖言也敢不承教但以來書求之於道而

未之見但見其詞義差舛氣象粗率似與聖

賢不甚相近是以竊自安其淺陋之習聞而

未敢輕舍故步以追高明之獨見耳又記頃

年嘗有平心之說而前書見喻曰甲與乙辨

方各自是其說甲則曰願乙平心也乙亦曰願甲平心也平心之說恐難明白不若據事論理可也此言美矣然熹所謂平心者非直使甲操乙之見乙守甲之說也亦非謂都不論事之是非也但欲兩家姑暫置其是已非彼之意然後可以據事論理而終得其是非之實如謂治疑獄者當公其心非謂便可改曲者爲直改直者爲曲也亦非謂都不問其曲直也但不可先以已意之向背爲主然後

開闢錄

卷七

三

來書云

中間江德功封示三策書中有小帖云陸子靜策三篇皆親手點對令默封納先欲作書

臨行不肯作此並是德功本語不知來喻何故乃爾

此細事不足言世俗毀譽亦何足計但賢者

言行不同如此爲可疑耳德功亦必知是諸生所答自有姓名

但云是老兄所付令寄來耳

熹已具此而細看其間亦尚有說未盡處

大抵老兄昆仲同立此論而其所以立論

之意不同子美尊兄自是天資質實重厚

當時看得此理有未盡處不能子細推究

便立議論因而自信太過遂不可回見雖

開闢錄

卷七

三

有病意實無他老兄却是先立一說務要

突過有若子貢以上更不數近世周程諸

公故於其言不問是非一剗吹毛求疵須

要討不是處正使說得十分無病此意却

先不好了況其言之粗率又不能無病乎

夫子之聖固非以多學而得之然觀其好

古敏求實亦未嘗不多學但其中自有一

以貫之處耳若只如此空疎杜撰則雖有

一而無可貫矣又何足以爲孔子願會

所以獨得聖學之傳正爲其博文約禮足目俱到亦不是只如此空疎杜撰也子貢雖不得承道統然其所知似亦不在今人之後但未有禪學可改換耳周程之生時世雖在孟子之下然其道則有不約而合者反復來書竊恐老兄於其所言多有未解者恐皆未可遽以顏會自處而輕之也顏子以能問於不能以多問於寡有若無實若虛犯而不校曾子三省其身惟恐謀之不忠交之不信傳之不習其智之崇如彼而禮之卑如此豈有一豪自滿自足強辨取勝之心乎來書之意所以見教者甚至而其末乃有若猶有疑不憚下教之言熹固不敢當此然區區鄙見亦不敢不爲老兄傾倒也不審尊意以爲如何如曰未然則我日斯邁而月斯征各尊所聞各行所知亦可矣無復可望於必同也言及於此悚息之深千萬幸察

近見國史濂溪傳載此圖說乃云自無極而爲太極若使濂溪本書實有自爲兩字則信如老兄所言不敢辨矣然因渠添此二字却見得本無此字之意愈益分明請試思之

子靜答書

九淵五月晦日拜荆門之命命下之日實三月二十八日替黃元章闕尚三年半願有以教之首春借兵之還伏領賜報備承改歲動息慰沃之劇惟其不度稍獻愚忠未蒙省察反成唐突謙抑非情督過渎矣不勝惶恐向蒙尊兄促其條析且有無若令兄遽斷來章

之戒深以爲幸別紙所謂我日斯邁而月斯征各尊所聞各行所知亦可矣無復望其必同也不謂尊兄遽作此語甚非所望若子之過也如日月之食焉過也人皆見之及其更諒今尊兄必渙然於此矣願依末光以幸餘教

瞳按以上數書辨論無極理之是非與子靜之強辨取勝縱橫繆戾者昭晰明白學者誠無容復置喙矣但朱子闢子靜以作用爲太極陰實祖禪陽諱自來子靜詆朱子私見蔽說意見空言者當

詳究而明辨之朱子末書別紙論子靜
爲學之非尤峻切詳明主張朱陸之異
同者宜於此徵焉

答俞壽翁書

太極之書度所見不同論未易合故久不報又
思理之所在終不可以不辨近方以書復之其
說甚詳未知彼復以爲如何也極不訓中此義
甚的然自先儒失之久矣未必今人之失也

答黃直卿書

閑閑錄

卷七

三

近日朋友來者頗多萬正淳與黃子耕吳伯豐
皆在此諸人皆見陸子靜來甚有議論近日有
與之答問論太極書未及寫去大率其論與林
明州不相遠也

按林明州名栗字黃中淳熙戊申六月

二日與朱子論易太極西銘不合遂誣
劾朱子卽朱子前書所言今夏與人言
易其人之論正如此當時對之不覺失
笑遂至被劾者是也

答程正思書

臨川之辨當時似少商量徒然合開無益於事
也其書近日方答之所說不過如所示者而稍
加詳耳此亦不獲已而答恐後學不知爲惑耳
渠則必然不肯回也

答邵叔義書

子靜書來殊無義理每爲閑閑不敢廣以示人
不謂渠乃自暴揚如此然此事理甚明識者自
當知之當時若便不答却不得也所與左右書

閑閑錄

卷七

三

渠亦錄來想甚得意大率渠有文字多卽傳播
四出唯恐人不知此其常態亦不足深怪吾人
所學却要自家識見分明持守正當深當以
此等氣象舉止爲戒

答程正思書

答子靜書無人寫得聞其謄本四出久矣此正
不欲暴其短渠乃自如此可歎可歎然得渠如
此亦且省力且得四方學者略知前賢立言本
旨不爲無益不必深辨之云似未知聖賢任道

之心也

瞳按以上五書俱爲論太極發也其曰
理之所在終不可以不辨恐後學不知
爲惑不必深辨之云似未知聖賢任道
之心則朱子之爲辨也豈致辨哉

附子靜書

答朱子書曰尊兄平日論文甚取會南豐之
嚴健南康爲別前一日讀尊兄之文見其得
意者必簡健有力每切敬服嘗謂尊兄才力
如此所取亦如此今閱來書但見文辭繳繞
氣象褊迫其致辨處類皆遷就牽合甚費分
疎終不明白無乃爲無極所累反困其才邪

閑閑錄

卷七

三

不然以尊兄之高明自視其說亦當如黑白
之易辨矣尊兄嘗曉陳同父欲賢者百尺竿
頭進取一步將來不作三代以下人物省得
氣力爲漢唐分疎即更脫洒磊落今亦欲得
尊兄進取一步莫作孟子以下學術省得
氣力爲無極二字分疎亦更脫洒磊落
與林叔虎書曰與晦翁往復其說發明其
平生學問之病近得盡朋友之義遠則破後
學之疑爲後世之益若夫志甲識閭居斯世
爲斯世之徒固不足以論此上古聖賢先知
此道以此道覺此民後世學絕道喪邪說蜂
起熱爛以至今日斯民無所歸命士人憑私
臆決大抵可憐矣而號稱學者又復如此道
何由而明哉復晦翁第二書多是提起此學
之綱非獨爲辨無極之
說而已可更復之
與邵叔誼書曰得元晦書其蔽殊未解然其
辭氣舊束或可療某復書又加明暢併錄往

幸精

觀之
與郭邦逸書曰垂示晦翁問答良所未喻道
也者不可須臾離也可離非道也是故君子
戒謹乎其所不覩恐懼乎其所不聞學者必
已聞道然後能知其所不覩恐懼乎其所不
聞道然後能知其所不覩恐懼乎其所不聞
史離然後能知其所不覩恐懼乎其所不聞
會文義是故二字也不會理會得不知指何
爲聖賢地位又何必爲意此等語皆是胸襟
不明故撰得如此意見非惟自惑亦且惑人
近有復元晦書錄往一觀又有王文公祠
記併錄呈得暇精觀之亦可見統紀也
與鄭溥之書曰勝月得元晦復論太極圖說
書尊兄以一書復之今併往此老才氣英特
生志尚不沒於利欲當今誠難其輩第其講
學之差蔽而不解甚可念也士論方伸誠得
此老大進此學豈不可慶誠者非自戾已而
已也所以成物也此心之靈苟無壅蔽昧沒

閑閑錄

卷七

三

則痛癢無不知者國之治忽民之休戚義倫
之叙數士大夫學問之是非心術之邪正接
於耳目而冥於其心則此心之靈必有壅蔽
昧沒者矣反求之功此所願
可致吾反求之功此所願
與同志曰切磋而不捨者
與陶贊仲書曰太極圖說乃梭山兄辨其非
是大抵言無極而太極不言無極易大傳亦
通書不類通書中太極不言無極易大傳亦
只言太極不言無極若於太極上加無極二
字乃是蔽於老氏之學又其圖說本見於朱
子發附錄朱子發明言陳希夷太極圖傳在
周茂叔遂以傳二程則其來歷爲老氏之學
明矣周子通書與二程言論絕不見無極二
字以此知三公蓋已皆知無極之說爲非矣
梭山曾與晦翁面言繼又以書言之晦翁大
不謂然九淵素是梭山之說以梭山謂晦翁
好勝不肯與辨九淵以爲人之所見偶有未

閑開錄

卷七

五

通處其說固以已爲是以他人爲非且當與之辨白未可便以好勝絕之遂尾其說以與晦翁辨白有兩書甚詳曾見之否以晦翁之高明猶不能無蔽道聽途說之人亦何足與言此哉仁義忠信樂善不倦此夫婦之愚不肖可以與知能行聖賢所以爲聖賢亦不過充此而已學者之事當以此爲根本又曰荆公祠堂記與元晦三書併往可精觀熟讀此數文皆明道之文非止一時辨論之文也元晦書偶無本在此要亦不必看看亦無理會處吾文條析甚明所舉晦翁書辭皆寫其全文不增損一字看晦翁書但見糊塗沒理會觀吾書坦然明白吾所明之理乃天下之正理實理常理公理所謂本諸身證諸庶民考諸三王而不謬建諸天地而不悖質諸鬼神而無疑百世以俟聖人而不惑者也學者正要窮此理明此理今之言窮理者皆凡庸之人不遇真實師友妄以異端邪說更相欺誑

非獨欺人誑人亦自欺自誑謂之謬妄謂之蒙闇何理之明何理之窮哉

答胡季隨書曰來書所舉九淵與元晦論太極書辭皆至理誠言左右能徹私去蔽當無疑於此矣不然則今之爲欣厭者皆其私也豈可遽操以爲驗稽以爲決哉

按以王八書亦爲論太極發也然匪直論太極而已也而二家交相攻擊判然如薰蕕冰炭之相反者益可見焉子靜凡言意見私見私說蒙蔽及答曾宅之書之類俱詆朱子也

語錄

閑開錄

卷七

五

學者云學者須是除意見子靜說顏子克己之學非如常人克去一切忿欲利害之私蓋欲於意念所起處將來克去先生痛加誚責以爲此三字誤天下學者自堯舜相傳歷代聖賢書冊上並無此三字某謂除去不好底意見則可若好底意見須是存畱如飢之思食渴之思飲合做底事思量去做皆意見也聖賢之學如一條大路甚次第分明緣有除意見橫在心裏便更不去做如日間所行之事想見只是不得已去

做才做便要忘了生怕有意見所以目視霄漢悠悠過日下梢只成得箇狂妄今只理會除意見安知除意見之心又非所謂意見乎

瞳按意見之說朱陸在南康嘗面論之矣而此子靜之書復詆云事實湮於意見撰得如此意見故復附焉

附子靜書

與邵叔誼書曰王澤之竭利欲日熾先覺不作民心橫奔浮文異端轉相營惑往聖語言徒爲藩籬而爲機變之巧者又復魑魅魍魎其間耻非其耻而耻心亡矣今謂之學問思

辨而於此不能深切著明依憑空言傳著意見增疣益贅助勝崇私重其偏念長其負恃蒙蔽至理扞格至言自以爲是沒世不復此其爲罪浮於自暴自棄之人矣此人之過其初甚小其後乃大人之救之其初則易其後則難與趙某書曰愚不肖者不及焉則蔽於物欲而失其本心賢者智者過之則蔽於意見而失其本心徇物欲者既馳而不知反徇意見者又馳而不知止故道在邇而求之遠事在易而求之難道豈遠而事豈難意見不實自作艱難耳深知其非則蔽解惑去而得所止矣

與鄧文範書曰愚不肖者之蔽在於物欲賢者智者之蔽在於意見高下污潔雖不同其爲蔽理溺心而不得其正則一也

閑開錄

卷七

三

與陳君舉書曰世習靡蔽固無可言以學自命者又復封於私見蔽於私說却鍼拒砭厚自黨與假先訓形似以自附益顧不自知其責背馳久矣天以是理界人而舉世莫任其責則人極殆不立矣承思及此益切悼懼

按子靜數書所言意見者俱晚年悔朱

子也類附焉以見異同之趣

答陳君舉書

誨示之勤尤荷不鄙然嘗謂人之爲學皆從平實地上循序加功則其目前雖未見日計之益而積累功夫漸見端緒自然不假用意裝點不

待用力支撐而聖賢之心義理之實必皆有以見其確然而不可易者至於講論之際心卽是口口卽是心豈容別生計較依違遷就以爲諧俗自便之計邪今之爲學旣已過高而傷巧是以其說常至於依違遷就而無所分別蓋其胸中未能無纖芥之疑有以致然非獨以避咎之故而後詭於詞也若熹之愚自信已篤向來之辨雖至於遭讒取辱至於今日此心耿耿猶恨其言之未盡不足以暢彼此之懷合異同之趣

閑開錄

卷七

三

而不敢以爲悔也不識高明何以教之惟盡言無隱使得反復其說千萬之幸老病幽憂死亡無日念此一大事非一人私說一朝淺計而終無面寫之期是以冒致愚悃鄉風引領不勝馳情

語錄

君舉謂某不合與林黃中陸子靜諸人辨以爲相與詰難竟無深益蓋刻畫大精頗傷易簡矜持已甚反涉各驕不知更如何方是深

益若孟子之闢楊墨也只是恁地關他說刻畫太精便只是某不合說得太分曉不似他只恁地含糊他是理會不得被衆人擁從又不肯道我不識又不得不說說又不識所以不肯索性開口道這物事又只恁鶻突了子靜雖占發不說然他見得成箇物事說話間便自然有箇痕跡可見只是人理會他底不得故見不得然亦易見子靜只是人未從他便不說及鈎致得來便直是說方始與你理

閑關錄

卷七

七

會又曰他那似得子靜子靜却是見得箇道理却成一部禪他和禪識不得

瞳按此書蓋攻討君舉唱爲不必攻討之說者而因以攻討其失焉學者當知攻討幽憂之意不可泛然而不之察也

附君舉書

二十年間聞見異同無從就正間欲以書叩之念長者前有長樂之爭後有臨川之辨他如永康往還動數千言更相切磋未見其益而學者轉相夸毗浸失本旨蓋刻畫太精頗傷簡易矜持已甚反涉吝驕以此益覺書不能宜須請見究此衷曲耳

按君舉蓋唱爲不必攻討者其爲邪說之徒亂賊之黨也歟

閑關錄卷七

閑關錄

卷七

七

開闢錄卷第八

答劉公度書

所喻世豈能人人同已人人知已在我者明瑩無瑕所益多矣此等言語殊不似聖賢意思無乃近日亦爲異論所染自私自利作此見解邪不知聖賢辨異論闢邪說如此之嚴者是爲欲人人同已人人知已而發邪抑亦在我未能無瑕而猶有待於言語辨說邪今者紛紛正爲論易西銘而發雖未免爲失言之過然未嘗以此

開闢錄

卷八

爲悔也臨川近說愈肆荆舒祠記會見之否此等議論皆學問偏枯見識昏昧之故而私意又從而激之若公度之說行則此等事都無人管恣意橫流矣試思之如何

瞳按此書亦責唱爲不必攻討之說者其曰異論指子靜也末乃深斥子靜荆公祠記之非子靜不以爲然語附諸左祠記之非黃氏日抄考之詳矣此不暇論云

附子靜答胡季隨書

王文公祠記乃是斷百餘年未了底大公案自謂聖賢復起不易吾言餘子未嘗學問妄肆指議固無足多怪同志之士猶或未能盡察此良可慨歎足下獨謂使荆公復生亦將無以自解精識如此吾道之幸道不遠人自遠之耳人心不能無蒙蔽蒙蔽之未徹則日以陷溺諸子百家往往以聖賢自期仁義道德自命然其所以卒畔於皇極而不能自拔者蓋蒙蔽而不自覺陷溺而不自知耳顏子之賢非能知顏子所屢歎氣質之美固絕人遠甚所載顏淵喟然之嘆當亦問仁之前爲邦之問當在問仁之後請事焉語之時乃其知之始至善之始明時也以顏子之賢雖其知之未至善之未明亦必不至有聲色貨利之累忿狠縱肆之失夫子答其問仁乃有克己復禮之說所謂已私者非必如常人所見之過惡而後爲已私也已之未克雖自命以仁義道德自期以可見聖賢之地者皆其私也顏子之所以異乎衆人者爲其不安乎此極鑽仰之力而不能自已故卒能踐克己復禮之言而知遂以至善遂以明也若子貢之明達固居游夏之右見禮如政聞樂知德之識絕凡民遠矣從夫子游如彼其久尊信夫子之道如彼其至夫子既沒其傳乃不在子貢顧在曾子私見之錮人難於自知如此

開闢錄

卷八

二

按子靜此書云同志之士以聖賢自期仁義道德自命蒙蔽私見者皆指朱子也克己之說蓋所謂害流於生民禍及於後世甚於洪水猛獸之災慘於夷狄

纂弑之禍者

語錄

因看金溪與季隨書中說顏子克已處曰看此兩行議論其宗旨是禪尤分曉此乃捉著真賊正賊惜方見之不及與之痛辨其說以忿欲等皆未是已私而思索講習却是大病乃所當克治者如禪家乾屎橛等語其上更無意義又不得別思義理將此心都禁遏定久久忽自有明快處方謂之得此之謂失其本心故下梢忿欲

開闢錄

卷八

三

紛起恣意猖獗如劉淳叟輩所爲皆彼自謂不妨者也果老在徑山僧徒苦其使性氣沒頭腦甚惡之又戀著他禪嘗有一僧云好捉倒剝去衣服尋看他禪是在左脇下是在右脇下待尋得見了好與下却趕將出門去果老所喜皆是癡疎底人如張子韶唐立夫諸公是也汪聖錫呂居仁輩稍謹愿痛被他薄賤汪丈爲人淳厚趕張子韶輩不得又有許多記問經史典故又自有許多鶻突學問義理又戀著鶻突底禪

羣疑塞胸都沒分曉不自反躬窮究只管上求

下告問他討禪被他恣意相薄汪丈嘗謂某云

果老禪學實自有好處某問之曰侍郎曾究見

其好處否又却云不會今金溪學問真正是禪

欽夫伯恭緣不會看佛書所以看他不破只某

便識得他試將楞嚴圓覺之類一觀亦可粗見

大意釋氏之學大抵謂若識得透應干罪惡卽

都無了然卽此一種學在世上乃亂臣賊子之

三窟耳王履道做盡無限過惡遷謫廣中剗地

開闢錄

卷八

四

在彼說禪非細此正謂其所爲過惡皆不礙其禪學耳

或說象山說克已復禮不但只是欲克去那利

欲忿懷之私只是有一念要做聖賢便不可曰

此等議論恰如小兒則劇一般只管要高去聖

門何嘗有這般說話人要去學聖賢此是好底

念慮有何不可若以爲不可則堯舜之兢兢業

業周公之思兼三王孔子之好古敏求顏子之

有爲若是孟子之願學孔子之念皆當克去矣

看他意思只是禪誌公云不起纖毫修學心無相光中常自在他只是要如此然豈有此理只如孔子答顏子克己復禮爲仁據他說時只這一句已多了又況有下頭一落索只是顏子才問仁便與打出方是及至恁地說他他又却諱某嘗謂人要學禪時不如分明去學他禪和一棒一喝便了今乃以聖賢之言夾雜了說都不成箇物事道是龍又無角道是蛇又有足子靜舊年也不如此後來弄得直恁地差異如今都

開闢錄

卷八

五

教壞了後生箇箇不肖去讀書顛蹶沒理會處可惜可惜正如荀子不睹是逞快胡罵亂罵教得箇李斯出來遂至焚書坑儒若使荀卿不死見斯所爲如此必須自悔使子靜今猶在見後生輩如此顛蹶亦須自悔其前日之非又曰子靜說話常是兩頭明中間暗或問暗是如何曰是他那不說破處他所以不說破便是禪所謂鴛鴦繡出從君看莫把金針度與人他禪家自愛如此

黃達才問顏子如何尚要克己先生厲聲曰公而今去何處勸驗他不用克己既是夫子與他說時便是他要這箇工夫却如何硬道他不用克己這只是公那象山先生好恁地說道顏子不似他人樣有偏處要克只是心有所思便不是了嘗見他與某人一書說道才是要克己時便不是了這正是禪家之說如果老說不可說不可思之類他說到那險處時又却不說破却又將那虛處說起來如某所說克己便是說外

開闢錄

卷八

六

障如他說是說裏障他所以嫌某時只緣是某捉著他緊處別人不曉禪便被他謾某却曉得禪所以被某看破了夫子分明說非禮勿視非禮勿聽非禮勿言非禮勿動顏子分明是請事斯語却如何恁地說得

瞳按以上語錄三條皆斥子靜所言克己之非

答趙子欽書

子靜後來得書愈甚於前大抵其學於心地工

夫不爲無所見但便欲恃此陵跨古今更不下窮理細密功夫卒并與其所得者而失之人欲橫流不自知覺而高談大論以爲天理盡在是也則其所謂心地功夫者又安在哉

瞳按朱子平日論子靜之學約而該切而明者無踰於此書矣學者究之

語錄

禪學熾則佛氏之說大壞緣他本來是大段著工夫收拾這心性今禪說只恁地容易做

開闢錄

卷八

七

去佛法固是不見大底道理只就他本法中是大段細密今禪只一向粗暴子靜之學看他千般萬般病只在不知有氣稟之雜把許多粗惡底氣都把做心之妙理合當恁地自然做將去向在鉛山得他書云看見佛之所以與吾儒異者止是他底全是利吾儒止是全在義按此見答王順伯書某答他云公亦只見得第二著看他意只說吾儒絕斷得許多利欲便是千了百當一向任意做出都不妨不

知初自受得這氣稟不好今才任意發出許多不好底也只都做好商量了只道這是胸中流出自然天理不知氣有不好底夾雜在裏一齊袞將去道害事不害事看子靜書只見他許多粗暴底意思可畏其徒都是這樣才說得幾句便無大無小無父無兄只我胸中流出底是天理全不著得些工夫看來這錯處只在不知有氣稟之性又曰論性不論氣不備孟子不說到氣一截所以說萬千與

開闢錄

卷八

八

告子幾箇然終不得他分曉告子以後如荀楊之徒皆是把氣做性說了子靜之學只管說一箇心本來是好底物事上面著不得一箇字只是人被私欲遮了若識得一箇心了萬法流出更都無許多事他却是實見得箇道理恁地所以不怕天不怕地一向所以胡叫胡喊又曰如東萊便是如何云云不似他見得恁地直拔俊偉下梢東萊學者一人自執一說更無一人守其師說

亦不知其師緊要處是在那裏都只恁地衰塌不起了其害小他學者見得箇物事便都恁地胡叫胡說實是卒動他不得一齊恁地無大無小便是天上天下惟我獨尊若我見得我父不見得便是父不似我兄不見得便是兄不似我更無大小其害甚大不待至後世卽今便是

瞳按以語錄及答子欽書觀之則子靜以人欲爲天理也其爲禪學可知

開闢錄

卷八

九

答吳伯豐書

異端之學以性自私固爲大病然又不察氣質情欲之偏而率意妄行便謂無非至理此尤害事近世儒者之論亦有近似之言不可不察也故所見愈高則所發愈暴

答鄭子上書

儒釋之異正爲吾以心與理爲一而彼以心與理爲二耳然近世一種學問雖說心與理一而不察乎氣稟物欲之私故其發亦不合理却與

釋氏同病又不可不察

答或人書

近世學者多是向外走作不知此心之妙是爲萬事根本其知之者又只是撐眉努眼喝罵將去便謂只此便是良心本性無有不善却不知道若不操存踐履講究體驗則只此撐眉努眼便是私意人欲自信愈篤則其狂妄愈甚此不可不深察而遠避之也

瞳按以上三書蓋亦指子靜也故類聚之

開闢錄

卷八

十

答方賓王書

心固不可不識然靜而有以存之動而有以察之則其體用亦昭然矣近世之言識心者則異於是蓋其靜也初無持養之功其動又無體驗之實但於流行發見之處認得頃刻間正當底意思便以爲本心之妙不過如是擎拳作弄做天來大事有不知此又是心之用耳此事一過此用便息豈有只據說頃刻間意思便能使天下事事物物無不各得其當之理邪所以爲其

學者於其功夫到處亦或小有效驗然亦不離此處而其輕肆狂妄不顧義理之弊已有不可勝言者此真不可以不戒然亦切勿以此語人徒增競辨之端也

瞳按此書斥認流行發見爲本心之妙者殆指子靜也載之非直可見陸學之非抑使有志於心學者有所持循觀法而無惑於異端云

語錄

開闢錄

卷八

十二

子靜尋常要說集義所生者其徒包敏道至說成襲義而取却不說義襲而取之他說如何正淳曰它說須是實得如義襲只是強探力取曰謂如人心知此義理行之得宜固自內發人性質有不同或有魯鈍一時見未到得別人說出來反之於心見得爲是而行之是亦內也人心所見不同聖人方見得盡今陸氏只是要自渠心裏見得底方謂之內若別人說底一句也不是才自別人說出便指爲義外如此乃是告子

之說如生而知之與學而知之困而知之安而行之與利而行之勉強而行之及其知之行之則一也豈可一一須待自我心而出方謂之內所以指文義而求之者皆不爲內故自家才見得如此便一向執著將聖賢言語便亦不信更不去講貫只是我底是其病痛只在此只是專主生知安行而學知以下一切皆廢

附草廬吳氏序象山語錄

開闢錄

卷八

十三

道在天地間古今如一人人同得智愚賢不肖無豐嗇焉能反之於身則天之所以與我者我固有之不待外求也擴而充之不待增益也先生之教人蓋以是豈不至簡至易而切實哉不求諸我之身而求諸人之言此先生之所以深閤也今之口談先生心慕先生者比比也果有一人能知先生之學者乎果有一人能爲先生之學者乎嗚呼居之相近若是其甚也世之相去若是其未遠也可不自愧自奮歟勿徒以先生之學付之於言也

瞳按朱子之譏子靜也如彼草廬之宗

子靜也如此可謂大不審矣薛文清公

曰朱子論象山之學具有定論吳氏猶

左右之何也旨哉言乎

答項平父書

所論義襲猶未離乎舊見大抵既爲聖賢之學須讀聖賢之書既讀聖賢之書須看得他所說本文上下意義字字融釋無窒礙處方是會得聖賢立言指趣識得如今爲學功夫固非可以懸空白撰而得之也如孟子答公孫丑問氣一節專以浩然之氣爲主其曰是集義所生者言此氣是積累行義之功而自生於內也其曰非義襲而取之也言此氣非是所行之義潛往掩襲而取之於外也其曰行有不慊於心則餒矣

問關錄

卷八

三

者言心有不慊即是不合於義而此氣不生也是豈可得而掩取哉告子乃不知此而以義爲外則其不動心也直彊制之而頑然不動耳非有此氣而自然不動也故又曰我故曰告子未嘗知義以其外之也然告子之病蓋不知心之慊處即是義之所安其不慊處即是不合於義故直以義爲外而不求今人因孟子之言却有見得此意而識義之在內者然又不知心之慊與不慊亦有必待講學省察而後能察其精微

者故於學聚問辨之所得皆指爲外而以爲非義之所在遂一切棄置而不爲此與告子之言雖若小異然其實則百步五十步之間耳以此相笑是同浴而譏裸裎也由其所見之偏如此故義理之精微氣質之偏蔽皆所不察而其發之暴悍狂率無所不至其所慨然自任以爲義之所在者或未必不出於人欲之私也洪範皇極一章乃九疇之本不知曾子細看否先儒訓皇極爲大中近聞又有說保極爲存心者其說

問關錄

卷八

十四

如何幸推詳之復以見告逐句詳說如注疏然方見所論之得失大抵爲學但能於此等節目處看得十數條通透縝密即見讀書凡例而聖賢傳付不言之妙皆可以漸得之言語之中矣
瞳按此書所謂今人者以上條語錄考之指子靜也朱子在南康與子靜而論告子見於文集語錄者未遑盡采其曰說保極爲存心者亦指子靜皇極講義也

答胡季隨書

荆門皇極說曾見之否試更熟讀洪範此一條
詳解釋其文義看是如此否

按子靜知荆門軍著皇極講義

紹熙壬子上元

故二書皆言其說之非朱子又嘗著

皇極辨蓋亦爲子靜發也茲不及載學
者究之

答吳伯豐書

閑中頗有學者相尋早晚不廢講學得以自警

閑關錄

卷八

十五

然覺得今世爲學不過兩種一則徑趨簡約脫
略過高一則覺得外馳支離煩碎其過高者固
爲有害然猶爲近本其外馳者譎詭狠狽更不
可言吾儕幸稍平正然亦覺欠却涵養本原功
夫此不可不自反也所寄疑義蓋多得之已略
注其間矣小差處不難見但却欲賢者更於本
原處加功也

瞳按徑趨簡約脫略過高者指陸學也
覺得外馳支離煩碎者指浙學也幸稍

平正者謙而自謂也欠却涵養本原功
夫者自責以警伯豐也篁墩之論恐爲
不然讀者審之

答林謙之書

熹聞之自昔聖賢教人之法莫不使之以兄弟
忠信莊敬持養爲下學之本而後博觀衆理近
思密察因踐履之實以致其知其發端啓要又
皆簡易明白初若無難解者而及其至也則有
學者終身思勉而不能至焉蓋非思慮揣度之

閑關錄

卷八

十六

難而躬行默契之不易故曰夫子之文章可得
而聞也夫子之言性與天道不可得而聞也夫
聖門之學所以從容積累涵養成就隨其深淺
無非實學者其以此與今之學者則不然蓋未
明一理而已傲然自處以上智生知之流視聖
賢平日指示學者入德之門至親切處例以爲
鈍根小子之學無足畱意其平居道說無非子
貢所謂不可得而聞者往往務爲險怪懸絕之
言以相交甚者至於周行却立瞬目揚眉內以

自欺外以惑衆此風肆行日以益甚使聖賢
誠善誘之教反爲荒幻險薄之資仁義充實甚
可懼也熹綿力薄材學無所至徒抱憂歎末如
之何竊獨以爲非如執事之賢素爲後學所觀
仰者不能有以正而抹之故敢以爲請執事誠
有意焉則熹雖不敏且將勉策驚頓以佐下風
之萬一不識執事亦許之否乎

瞳按此書舉昔聖賢教人之法以明當
時學者之非味其詞推其意實指子靜

閑關錄

卷八

七

而攻之也朱子自任之重望人之切至
矣學者其可不端所趨以領聖賢救世
之意哉

閑關錄卷八

閑關錄卷第九

語錄

象山死先生率門人往寺中哭之既罷良久曰
可惜死了告子

瞳惟哭之者故舊之私情曰可惜死了
告子者斯文之公議仁之至義之盡也
告子以知覺運動爲性子靜以氣稟物
欲爲天理告子以義爲外而不求子靜
以學問非義所在而不爲其失一也故

閑關錄

卷九

一

曰告子或曰既哭之而又譏之大賢固
如此乎殆記者之誤也曰以答趙然道
書徵之可見其非記者之誤云

答趙然道書

荆門之計聞之慘怛故舊凋落自爲可傷不計
平日議論之同異也來喻又謂恨不及見其與
熹論辨有所底止此尤可笑蓋老拙之學雖極
淺近然其求之甚艱而察之甚審視世之道聽
塗說於佛老之餘而遽自謂有得者蓋嘗笑其

陋而譏其僭豈今垂老而肯以其千金易人之弊帚者哉

瞳按朱子此書自任之重距闢之嚴與自謂以承三聖者同一揆也後世乃謂朱子之學晚歲有取於子靜子靜之學爲非禪甚者以爲學同而並稱性理大全亦以朱陸並隸諸儒爲一類殆未考邪或謂此書因其人所通書語狂僭而發非有憾於陸氏然以答詹元善書考

開闢錄

卷九

二

之則豈因狂僭而發哉

答詹元善書

季通一出飽觀江湖表裏形勢不爲無補子靜旅櫬經由聞甚周旋之此殊可傷見其平日大拍頭胡叫喚豈謂遽至此哉然其說頗行於江湖間損賢者之志而益愚者之過不知此禍又何時而已耳許教似亦小中毒也

答蔡季通書

長沙之行幾日可歸閣記不敢辭但恐病中意

思昏憤未必能及許教未替前了得耳向見薛象先盛稱其人今讀其書乃知講於陸氏之學者近年此說流行後生好資質者皆爲所擔闢壞了甚可歎也

答許教

中應書

夫道之體用盈於天地之間古先聖人既深得之而慮後世之不能以達此於是立言垂教自本至末所以提撕誨飭於後人者無所不備學者正當熟讀其書精求其義考之吾心以求其實參之事物以驗其歸則日用之間諷誦思存

開闢錄

卷九

三

應務接物無一事之不切於已矣來喻乃喻讀書逐於文義玩索墮於意見而非所以爲切已之實則愚有所不知其說也世衰道微異論遂起近年以來乃有假佛釋之似以亂孔孟之實者其法首以讀書窮理爲大禁常欲學者注其心於茫昧不可知之地以僥倖一旦恍然獨見然後爲得蓋亦有自謂得之者矣而察其容貌辭氣之間修已治人之際乃與聖賢之學有大

不相似者左右於此無乃亦惑其說而未能忘邪夫讀書不求文義玩索都無意見此正近年釋氏所謂看話頭者世俗書有所謂大慧語錄者其說甚詳試取一觀則其來歷見矣若曰儒釋之妙本自一同則凡彼之所以賊恩害義傷風壞教聖賢之所大不安者彼既悟道之後乃益信其爲幻妄而處之愈安則亦不待他求而邪正是非已判然於此矣又如所謂寧有人皆得見之過無或有不睹不聞之欺夫中庸之言

閑關錄

卷九

四

正謂道體流行初無間斷是以無所不致其戒懼非謂獨戒懼乎隱微而忽略其顯著也若如來喻則人所共見之處間斷多矣而曰循是存養不疾不徐吾恐其未免爲好高欲速之尤者也至如孟子所謂非義襲而取之文義本自分明而今學者未曾細考但據口耳相承以至施安失所者蓋十人而三五也

瞳按此書乃因許教中子靜之毒而救藥之其曰近年以來至有大不相似者

俱指子靜而闢之也

鄂州州學稽古閣記

人之有是身也則必有是心有是心也則必有是理若仁義禮智之爲體惻隱羞惡辭讓是非之爲用是則人皆有之而非由外鑠我也然聖人之所以教不使學者收視反聽一以反求諸心爲事而必曰興於詩立於禮成於樂又曰博學審問謹思明辨而力行之何哉蓋理雖在我而或蔽於氣稟物欲之私則不能以自見學雖

閑關錄

卷九

五

在外然皆所以講乎此理之實及其浹洽貫通而自得之則又初無內外精粗之間也世變俗衰士不知學挾冊讀書者既不過於誇多鬬靡以爲利祿之計其有意於己者又直以爲可以取足於心而無事於外求也是以墮於佛老空虛之邪見而於義理之正法度之詳有不察焉其幸而或知理之在我與夫學之不可以不講者則又不知循序致詳虛心一意從容以會乎在我之本然是以急遽淺迫終已不能浹洽而

貫通也嗚呼是豈學之果不可爲書之果不可
讀而古先聖賢所以垂世立教者果無益於後
來也哉道之不明其可歎已鄂州州學教授許
君中應旣新其學之大門而因建閣於其上積
藏紹興石經兩朝宸翰以爲寶鎮又取板本九
經諸子百氏之書列置其旁不足則使人以幣
請於京師之學官使其學者討論誦說得以饜
飫而開發焉旣成因予之友蔡君元定以來請
曰願有記也予雅聞許君之學蓋有志於爲已

閑闢錄

卷九

六

而意其所以學者亦曰取足於心而已矣今以
是舉觀之則見其所以誨人者甚平且實然後
知其所以自爲者不以泯心思滅聞見爲極摯
之歸也因爲之記其本末而并推近世所以爲
學讀書之病請具刻焉以告登此閣而讀此書
者使姑無溺於俗學之下流無迷於異端之捷
徑則於理之在我者庶乎有以深求而自得之
矣道之不明豈足患哉

瞳按此記及答許教書蓋攻子靜之失

而因指示爲學求道之方其所以提撕
誨飭我後人者切矣學者勉夫

答汪長孺書

別紙所論殊不可曉旣云識得人病遂見天理
流行昭著無絲豪之隔不知如何未及旋踵便
有氣盈矜暴之失復生大疑鬱結數日首尾全
不相應似是意氣全未安帖用心過當致得如
此全似江西氣象其徒有今日悟道而明日醉
酒罵人者嘗舉賈生論胡亥語戲之今乃復見
此蓋不約而同也此須放下只且虛心平氣玩
味聖賢言語不要希求奇特庶幾可掇今又曰
先作云云工夫然後觀書此又轉見詭怪多端
一向走作矣

閑闢錄

卷九

七

語錄

陸深甫問爲學次序曰公家庭尊長平日所
以教公者如何陸云刪定叔祖所以見教謂
此心本無虧欠人須見得此心方可爲學曰
此心固是無虧欠然雖是事事做得是方無

虧欠若只說道本無虧欠只見得這箇便了
豈有是理因說江西學者自以爲得陸刪定
之學便高談大論略無忌憚忽一日自以爲
悟道明日與人飲酒如法罵人某謂賈誼云
秦二世今日卽位而明日射人今江西學者
乃今日悟道而明日罵人不知所悟者果何
道哉

陸氏之學只是禪初間猶以吾儒之說蓋覆
如今一向說得熾不復遮護了渠自說有見

開闢錄

卷九

八

於理到得做處一向任私意做去全不睹是
人同之則喜異之則怒至任喜怒胡亂便打
人罵人後學纔登其門便學得不遜無禮出
來極可畏世衰道微千變百怪如此可畏可
畏

答姜叔權書

示喻曲折何故全似江西學問氣象頃見其徒
自說見處言語意氣次第節拍正是如此更無
少異恐是用心過當致得如此張皇如此不已

恐更有怪異事甚不便也長孺所見亦然但賢
者天資慈祥故於惻隱上發彼資稟粗厲故別
生一種病痛大抵其不穩帖而輕肆動盪則不
相遠也正恐須且盡底放下令胸中平實無此
等奇特意想方是正當也

語錄

長孺向來自謂有悟其狂怪殊不可曉恰與
金溪學徒相似嘗見受學於金溪者便似燕
下箇甚物事被他撓得來恁地又如有一箇

開闢錄

卷九

九

蠱在他肚中蟠得他自不由已樣某又皆譬
云長孺叔權皆是爲酒所使一箇善底只是
發酒慈那一箇便酒顛

瞳按朱子嘗斥子靜妄生內外精粗之
別以良心日用分爲兩截容貌詞氣之
間不必深察俯視聖賢蔑棄禮法者徵
諸二書可類推也朱子有與子靜門人
書類聚於左以見其繆

答劉公度書

建昌士子過此者多方究得彼中道理端的是異端誤人不少向見賢者亦頗好之近亦覺其非否

所論爲學之意甚善初蓋不能不以爲疑今得如此甚慰意也究觀聖門教學循循有序無有合下先求頓悟之理但要持守省察漸久漸熟自然貫通卽自有安穩受用處耳千岐萬徑雜物並出皆足以惑世誣民其信之者旣陷於一偏而不可抹其不信者又無正定趣向而泛濫

閑闢錄

卷九

十

於其間是亦何能爲有亡耶

瞳按公度蓋嗜陸學者故朱子每箴警之如此建昌士子疑指諸包

語錄

曹叔遠問陸子靜教人合下便是如何曰如何便是公看經書還有此樣否若云便是夫子當初引帶三千弟子日日說來說去則甚何不云你都是了各自去休也須是做工夫始得又問或有性識明底合下便是後如何

曰須是有那地位方得如舜與木石俱與鹿豕遊及聞一善言見一善行沛然若決江河莫之能禦須是有此地位方得如堯舜之道孝悌不成說才孝悌便是堯舜須是誦堯言行堯行真箇能徐行後長方是

問陸象山道當下便是曰看聖賢教人曾有此等語無聖人教人皆從平地上做去所謂克己復禮天下歸仁須是先克己私方得孟子雖云人皆可以爲堯舜也須是服堯之

閑闢錄

卷九

十一

服誦堯之言行堯之行方得聖人告顏子以克己復禮告仲弓以出門如見大賓使民如承大祭告樊遲以居處恭執事敬與人忠告子張以言忠信行篤敬這箇是說甚底話又平時告弟子也須道是學而時習之行有餘力則以學文又豈會說箇當下便是底語

瞳按朱子嘗曰江西頓悟永康事功若不極力爭辨此道無由得明故凡言頓悟者指子靜也

答包顯道書

來喻依舊有忽略細微徑趨高妙之意子淵書來云顯道於異說已自洗濯熹固疑之今以此驗之乃知果如所疑也

既未免讀書則不會大段著力理會復是何說向見前舉程文從頭罵去如人醉酒發狂當街打人不可救勸心甚疑之乃知其病之有在也

答包詳道書

大學鄙說未得奉呈然使賢者見之愈未必信

閑關錄

卷九

十一

大抵如熹所見愈退而愈平賢者所見愈進而愈險彼此不同終未易合且當置之各信其所信者即看久遠如何耳敏道令弟則立論又甚高尤非熹之所敢知耳

示喻爲學之意自信不疑如此他人尚復何說然觀古人爲學只是升高自下步步踏實漸次解剝人欲自去天理自明無似此一般作捺紐捏底功夫必要豁然頓悟然後漸次修行也會子功夫只是戰兢臨履是終身事中間一唯蓋

不期而會偶然得之非是別有一節功夫做得到此而會子本心漸向必欲得此然後施下學之功也

示喻曲折足見進道之力然若謂氣質之偏只得如此用力則固不失爲近本而於得善其身有得力處今却便謂聖門之學只是如此全然不須講學纔讀書窮理便爲障蔽則無是理矣顏子一問爲邦夫子便告以四代之禮樂若平時都不講學如何曉得禮記有曾子問一篇於禮文之變纖悉曲盡豈是塊然都不講學耶東坡作蓮華漏銘譏衛朴以已之無目而欲廢天下之視來喻之云無乃亦類此乎

答包敏道書

示喻已悉求放心固是第一義然如所謂軌則一定而浩然獨存使赤子之心全復於此而明義之本先立於此然後求聞其所未聞求見其所未見則亦可謂凌躐倒置而易其言矣聖賢示人模範具在近世乃有竊取禪學之近似者

轉爲此說以誤後生後生喜其爲說之高爲力之易便不肯下意讀書以求聖賢所示之門戶而口傳此說高自標致亂道誤人莫此爲甚三復來喻恐未免此因便布此未知明者以爲如何

所喻已悉但道既不同不相爲謀不必更紛紛今後但以故人相處問訊往來足矣

答劉定夫書

所喻爲學之意甚善然說話亦已太多鄙意且

閑闕錄

卷九

十四

要得學者息却許多狂妄身心除却許多閑雜說話著實讀書初時儘且尋行數墨久之自有見處最怕人說學不在書不務佔畢不專口耳下梢說得張皇都無收拾只是一場大脫空直是可惡細讀來書似尚有此意思非區區所欲聞也

來書詞氣狂率又甚往時且宜依本分讀書做人未須如此胡說爲佳

語錄

江西士人問爲學曰公門都被陸子靜教莫

要讀書誤公一生使公到今已老此心悵悵

然如村愚聾盲無知之人撞牆撞壁無所知

識使得這心飛揚跳躑渺渺茫茫都無所主

若大水浩無津涯少間便會失心去何故下

此一等只會失心別無合殺也傅子淵便是

如此子淵以喪心死豈有學聖人之道臨了却反有

失心是甚道理吁誤人誤人可悲可痛分明

被他塗其耳目至今猶不覺悞今教公之法

閑闕錄

卷九

十五

只討聖賢之書逐日逐段分明理會且降伏其心遜志以求之理會得一句便一句理明理會得一段便一段義明積累久之漸漸曉得公今只是道聽塗說只要說得行若聖賢之道只是說得處何消做工夫只半日便說盡了博學審問謹思明辨是理會甚事

答傅子淵書

賢者勇於進道而果於自信未嘗虛心以觀聖賢師友之言而壹取決於胸臆氣象言語只似

禪家張皇鬪怒殊無寬平正大沈浸濃郁之意
荊州所謂拈槌豎拂意思者可謂一言盡之然
左右初不領略而渠亦無後語此愚所深恨也
示喻戰栗之義反復思之終未能曉豈以宰我
如此注解便涉支離不能簡易故邪熹看此章
只是宰我錯解了故聖人深責之不謂其纔下
注解便成支離如來喻之云也細詳來喻是意
外生說附會穿鑿有不勝其支離者舉此一端
恐區區所見與賢者不同不但此一事也二包

閑關錄

卷九

六

定夫書來皆躐等好高之論殊不可曉

示喻所得日益高妙非復愚昧所能窺測但願
更於小心密察處稍加意焉則所謂主敬窮理
者殆亦緝熙光明之所不可已者而初亦不在
渙然心喻之外也包黃諸君各精進捐去舊習
甚善但恐似此一向虛掠則又只是改換名目
也

瞳按以上十二書胥斥子靜門人傳授
之非疾痛深切不少假借其所以責之

者嚴矣學者可不審觀而諦究哉

答潘子善書

楊敬仲其人簡淡誠慤自可愛敬而其議論見
識自是一般又自信已篤不可復與辨論正不
必徒爲嘵嘵也

語錄

曰佛者言但願空諸所有謹勿實諸所無事
必欲忘却故曰但願空諸所有心必欲其空
故曰謹勿實諸所無敬仲學於陸氏更不讀

閑關錄

卷九

七

書是要不實諸所無已讀之書皆欲忘却
要空諸所有

敬仲有易論林黃中有易解春秋解專主左
氏或曰林黃中文字可毀先生曰却是楊敬
仲文字可毀

答李好古書

向來見陸刪定所聞如何若以爲然當用其言
專心致志庶幾可以有得不當復引他說以分
其志若有所疑亦當且就此處商量不當遽舍

所受而遠來也東問西聽以致惶惑徒資口耳
空長枝葉而無益於學問之實不願賢者爲之
是以有問而不敢對也

語錄

劉淳叟極口說子靜之學大繆某因詰之云
若子靜之學術自當付之公論公如何得如
此說他

子靜云涵養是主人翁省察是奴婢陳正已
力排其說曰子靜之說無常定要云今日之

開闢錄

卷九

六

說自如此明日之說自不如如此大抵他只是
拗才見人說省察他便反而言之謂須是涵
養若有人向他說涵養他又言須是省察以
勝之自渠好爲訶佛罵祖之說致令其門人
以夫子之道反害夫子

按李劉陳俱子靜門人訶佛罵祖者故
朱子斥之俱如此

答劉季章書

來喻所云書能益人與否只在此心等說此又

是病根不會除得以鄙見觀之都無許多閑說
只著實依文句玩味意趣自深是不須如此又
只是立說取勝也前與無疑書亦有少講論會
見之否敬子諸人却甚進此亦無他只是渠肯
聽人說話依本分循次序平心看文字不敢如
此走作閑說耳大率江西人尚氣不肯隨人後
凡事要自我出自由自在故不耐煩如此逐些
理會須要立箇高論籠罩將去譬如讀書不肯
從上至下逐字讀去只要從東至西一抹橫說

開闢錄

卷九

七

乍看雖似新巧壓得人過然橫物粗疎不成義
理全然不是聖賢當來本說之意則於已分究
竟成得何事只如臨川前後一二公巨細有不
同然原其所出則同是此一種見識可以爲戒
而不可學也因見無疑可出此紙大家評量趣
此光陰未至晚暮之時做些著實基址積累將
去只將排比章句玩索文理底工夫換了許多
杜撰計較別尋路脈底心力須是實有用心處
久之自然心地平夷見理明徹庶幾此學有傳

不至虛負平生也

語錄

江西士風好爲奇論恥與人同每立異以求勝如陸子靜說告子論性強孟子又說荀子性惡之論甚好使人警發有縝密之功昔荆公參政日作兵論藁壓之硯下劉貢父謁見值客徑坐於書院竊取視之既而以未相見而坐書院爲非遂出就客次及相見荆公問近作貢父以近作兵論對乃竊荆公之意而

閑闌錄

卷九

二十

易其文以誦之荆公退碎其硯下之藁以其所論同於人也皆是江西之風如此

大率江西人都是硬執他底橫說如王介甫陸子靜都只橫說且如陸子靜說文帝不如武帝豈不是橫說

語錄

曾祖道曰象山與祖道言目能視耳能聽鼻能知香臭口能知味心能思手足能運動如何更要甚存誠持敬硬要將一物去治一物須要如

此做甚詠歸舞雩自是吾夫子家風祖道對曰是則是有此理恐非初學所到地位象山曰吾子有之而必欲外鑠以爲本可惜祖道曰此恐只是先生見處今要祖道便如此却恐成猖狂妄行蹈乎大方者矣象山曰纏繞舊習如落陷穽卒除不得先生曰子靜所學分明是禪

瞳按此語與子靜答祖道

字宅之一書作擇之

之意同其書實詆朱子也答朱子書亦有自謂學子相從講習此理爲之日明

閑闌錄

卷九

三十一

舞雩詠歸千載同樂之語

答孫敬甫

自修書

程夫子之言曰涵養必以敬而進學則在致知此兩言者如車兩輪如鳥兩翼未有廢其一而可行可飛者也世衰道微異說蠡起其間蓋有全出於異端而猶不失於爲己者其他則皆飭私反理而不足謂之學矣

語錄

先生出示答孫自修書因言陸氏之學雖是

偏尚是要去做箇人若永康永嘉之說大不成學問

瞳按朱子嘗曰明道適僧舍見其方食而曰三代威儀盡在是矣皆不得已而救時之弊也

二

所喻因胸次隱微之病而知心之不可不存此意甚善要之持敬致知實交相發而敬常爲主所居既廣則所向坦然無非大路聖賢事業雖

開闢錄

卷九

三

未易以一言盡然其大槩似恐不出此也年來多病杜門閑中見得此意頗端的故樂以告朋友也如陸氏之學則在近年一種浮淺頗僻議論中固自卓然非其儔匹其徒傳習亦有能修其身能治其家以施之政事之間者但其宗旨本自禪學中來不可掩諱當時若只如晁文元陳忠肅諸人分明招認著實受用亦自有得力處不必如此隱諱遮藏改名換姓欲以欺人而人不可欺徒以自欺而自陷於不誠之域也然

在吾輩須知其如此而勿爲所惑若於吾學果有所見則彼之言釘釘膠粘一切假合處自然解拆破散收拾不來矣切勿與辨以啓其紛拏不遜之論而反爲卞莊子所乘也少時喜讀禪學文字見杲老與張侍郎書云左右旣得此欄柄入手便可改頭換面却用儒家言語說向士大夫接引後來學者後見張公經解文字一用此策但其遮藏不密線索漏露處多故讀之者一見便知其所自來難以純自託於儒者若近年則其爲術益精爲說浸巧拋閃出沒頃刻萬變而已不可辨矣然自明者觀之亦見其徒爾自勞而卒不足以欺人也近得江西一後生書有兩語云瞋目扼腕而指本心奮髯切齒而談端緒此亦甚中其鄉學之病也然亦已戒之姑務自明毋輕議彼矣所論太極之說亦爲得之然此意直是要得日用之間厚自完養方有實受用處否則只是空言而反爲彼瞋目切齒者所笑矣切宜深戒不可忽也

開闢錄

卷九

三

瞳按語錄此書之作蓋在慶元丙辰丁巳之間如云當時亦可見其在子靜既沒之後張侍郎即無垢子韶也此書斥子靜之學爲異端反覆詳明有目者皆可得而見矣後世名學朱子之學如草廬吳氏與今江湖有識之士率謂朱陸無異而盛宗陸學何居蓋爲所謂爲術益精爲說浸巧拋閃出沒頃刻萬變而已不可辨矣者所欺而不能察邪世之

閑關錄

卷九

五

明者幸正救之

附黃勉齋撰朱子行狀

求道而過者病傳註誦習之煩以爲不立文字可以識心見性不假修爲可以造道入德守虛靈之識而昧天理之真借儒者之言以文佛老之說學者利其簡便詆訾聖賢捐棄經典猖狂叫呶側僻固陋自以爲悟立論愈下者則又崇獎漢唐比附三代以便其計功謀利之私二說並立高者陷於虛無下者溺

於卑陋其害豈淺淺哉先生力排之俾不至亂吾道以惑天下於是學者靡然向之

瞳按勉齋此說可謂深中陸學浙學之弊真知朱子之心矣此所以卒傳斯道而爲朱子之肖子忠臣也歟虛谷方氏讀朱子年譜詩曰王道浪談行伯說儒言陰用佐禪機貪狼巨矢觀星象天遣吾公闢此非惜於浙學亦止斥同父耳

閑關錄卷之九

閑關錄

卷九

五

開闢錄卷第十

宋史

贈張九成官爵錄程頤後

寶慶二年

贈陸九齡

等官賜諡錄張栻呂祖謙陸九淵後

寶慶三年

瞳按九齡九淵之學朱子指爲異端而

闢之明且嚴矣當時朝廷錄其後錫之

諡乃與諸儒埒則其去朱子數百年之

後而論其同者烏足怪哉

綱目

開闢錄

卷十

一

九淵生而穎異與其兄自相師友和而不同其
教人不用學規有小過言中其情或至流汗有
懷於中而不能自曉者爲之條悉其故悉如其
亦有相去千里聞其大槩而得其爲人嘗謂
學者曰汝耳自聰目自明事父自能孝事兄自
能弟本無欠闕不必他求在乎自立而已又曰
此道與溺於利欲之人言猶易與溺於意見之
人言却難或勸其著書九淵曰學苟知道六經
皆我註脚嘗與朱熹會於鵝湖辨論多不合及

熹與至白鹿洞九淵爲講君子小人喻義利一
章熹以爲切中學者隱微深痼之病至於無極
而太極之辨則貽書往來論辨不置焉次兄九
韶亦學問淵粹

愚按綱目所書乃朱子平日斥之爲禪

者曰意見之人者指朱子也俱取筆之

而無貶詞性理大全亦以朱陸並錄諸

儒爲一類恐非朱子當時距闢之意殆

館閣鉅公之見非草茅淺陋者可得而

開闢錄

卷十

二

窺邪

草廬吳氏送陳洪範序

朱子之教人也必先之以讀書講學陸子之教
人也必使之真知實踐讀書講學者因以爲真
知實踐之地真知實踐者亦必自讀書講學而
入二師之爲教一也而二家庸劣之門人各立
標榜互相詆訾至于今學者猶惑焉嗚呼甚矣
道之無傳而人之易惑難曉也

愚按世稱能嗣朱子之學者草廬也而

於朱陸之間以是處之况其下者乎然夷考之各立標榜互相詆訾者二師也乃歸咎於門人使學者斥語錄爲不足信至於今猶惑焉草廬安能辭其鹵莽失言之責哉

道園廖氏撰草廬行狀

先生嘗爲學者言朱子道問學工夫多陸子靜却以尊德性爲主問學不本於德性則其弊偏於言語訓釋之末果如子靜所言矣今學者當開闢錄

卷十

三

以尊德性爲本庶幾得之議者遂以先生爲陸學非許氏尊信朱子之義然爲之辭耳初亦莫知朱陸之爲何如也

愚惟議者固莫知朱子師門傳授龜山門下相傳指訣之所在吾恐吳虞亦莫知朱陸之爲何如也

劉文安公定之宋論
象山兄弟始與熹異論而熹卒兼其所長以爲已有予嘗考之熹與項平父書云子靜專尊德

性而熹平日所論道問學爲多是以彼之學者多持守可觀而看義理不詳熹自覺於義理不敢亂說而緊要爲已多不得力今當反身用力去短集長庶幾不墮一邊爾又與呂祖謙書云子靜好處自不可掩覆可敬服也祭子壽文云兄乃枉車而來教相與極論而無猜自是以還道合志同又曰惟兄德之尤粹儼中正而無邪至其降心以從善又豈有一毫驕吝之私邪然所謂熹集諸儒之大成者度數也述作也事

開闢錄

卷十

四

功也中道也道問學也尊德性也其塗如此也蔡也周也陳也呂也張也陸也諸儒之趨於其塗如此也而熹據其會以要之殊塗而同歸於已焉所謂集諸儒之大成者此之謂也朱之與陸以其所言而觀之曷嘗終見黜哉謂其終見黜者未嘗考其所言者也亦已甚矣

愚按此論正亦未嘗考其所言也苟嘗考其所言非直可見朱之黜陸而陸之垂戾亦可見矣其論集大成尊德性者

蓋宗道園撰草廬行狀曰朱子集大成者時則有若子靜超然有得於孟子先立乎其大者之旨其於斯文互有發明學者於見其全體大用之盛之說也然朱子斥子靜之德性爲禪陳之事功爲管商呂之史爲功利術數

朱子曰大
意者未離乎功利術數之間非筆削之
本意云云按綱目成於乾道壬辰
大事記作於淳熙庚子亦可考

而深憂甚懼闢之救之見於手書可考也顧

開闢錄

卷十

五

謂朱子集之何哉正亦未嘗考其所言者也亦已甚矣若夫論朱子集諸儒之大成者其源蓋自北溪陳氏果齋李氏發之也而其所指猶朱子論孔子集羣聖之大成耳不此之察而乃肆爲辨論可謂誤矣近年莊定山與陳白沙所論雖與此殊而其失則一焉餘又不足責云

薛文清公瑄讀書錄

象山謂人讀書爲義外功夫必欲人靜坐先得此心若如其說未有不流於禪者

丘文莊公濬大學衍義補

臣按孔門之教知行二者而已博學於文約之以禮孔子之教也博我以文約我以禮顏子受孔子之教以爲學也子思所謂博學而繼之以問思辨而篤於行孟子謂博學詳說而反之以約皆是理也三千之徒莫不聞其師說而顏子獨以爲已有而謂之博我約我則似孔子專爲

開闢錄

卷十

六

顏子設此教也嗚呼此孔子所以善誘而顏子所以好學也歟曾子之作大學格物致知而后誠意正心子思得於曾子孟子得於子思一知行之外無餘法焉周程張朱之學皆不外此而陸子淵者乃注心於茫昧而外此以爲學果是聖人之學哉

二

臣按尊德性道問學二者儒者爲學之大端也二者不可偏廢致廣大極高明溫故敦厚四者

尊德性之目也盡精微道中庸知新崇禮四者道問學之目也朱子謂其大小相資首尾相應聖賢所示入德之方莫詳於此蓋二者可相有而不能相無偏其一則非聖人之道儒者之學矣彼九淵者乃欲專一爲學烏有是理哉

丘文莊公世史正綱

九淵之學與朱熹異熹嘗言曰世乃有假佛釋之似以亂孔孟之實者其法以讀書窮理爲大禁蓋指九淵也厥後元儒吳澄又謂熹道問

問闢錄

卷十

七

學功多九淵尊德性功多嗟乎熹豈偏廢之學哉熹之學專主程頤所謂涵養須用敬進學在致知二言蓋孔孟正傳行之萬世而無弊者也九淵則以讀書窮理者爲意見而注心於茫昧不可執著之地以求其所謂自悟者誠如所言則孔子之博學於文顏子之博我以文子思言博學而繼以問思辨孟子言博學而詳說之皆可廢而惟從事於約禮篤行以爲學可乎哉九淵所學淪於禪而不自知吳澄以生同地而爲

之回護亦猶九淵之於荆舒也其流弊至于今而猶未已吁可慨也夫

愚按世之所謂賢者率謂朱陸之學同謂其異者又虞氏所譏初亦莫知朱陸之爲何如也惟薛公丘公闢陸學之爲禪而有聲罪致討之心然又不能盡究其實而但舉其一偏耳丘公拳拳於尊德性道問學之辨切矣惜乎未探朱子答項平父書之本意以祛百世承踵草

問闢錄

卷十

八

廬之謂朱學專主程子涵養須用敬進學在致知當矣惜乎未撫朱子受學延平之淵源與其自謂正心誠意平生所學字者以證之也

會試策

象山之興與朱子相朱子之學似禪之蓋象山自謂以孟子爲師欲先立乎其大者不甚究心於文義朱子意其流弊將入於禪而不自知也象山晚歲追咎早年之粗心浮氣

而加意於窮理故朱子有去短集長之言蓋其加窮理之功於晚歲者可徵也其專尊德性而略於道問學則自主太過不失於過中乎

愚按西涯李公批云援據成說折以已見論之當矣愚嘗反覆成說而未之有得焉其以追咎去短集長爲晚歲事則又誤矣

順天府鄉試策

同父世所謂豪傑之才也子靜世所謂淵源之

開闢錄

卷十

九

學也一言一論學者之視聽係焉可以自恣意爲之乎夫先王以道治天下漢唐以智力把持天下其不可同論審矣而同父乃以堯舜三代與漢祖唐宗比而同之是金鐵之不辨也其膠固於功利何如哉故朱子屢書辨之而不已蓋非爲同父辨也不如是則王霸義利之說不白也老氏言有無以有無爲二周子之言有無以有無爲一不相爲謀亦審矣而子靜疑濂溪之學出於老子攻而詆之是理氣之不分也故

朱子屢書亦辨之而不已蓋非爲子靜辨也不如是則吾儒異學之判不明也異時朱子論海內學術之弊

愚按此策亦惟

朱子極力之所在則尚未

莊定山 景 寄婁一齋詩

朱學本不煩陸學亦非簡先生一笑中皓月千峰朗

開闢錄

卷一

十

愚按此詩論朱陸之學雖異而實同也又有詩曰要知肝膽朱門學不在經書傳註中陳白沙詩亦曰君若問爲魚爲魚體本虛我拈言外意六籍也無書則似俱中子靜之毒而非朱子教人平實之旨也瓊山謂流弊至於今而猶未已至今學者猶有假之以惑世廢學者殆指此類歟

會試策

程子親授太極圖於周子而朱子釋之義理精微殆無餘蘊金溪於此乃不能無疑焉何歟易簡支離之論終以不合而今之學者固欲強而同之果何所見歟豈樂彼之徑使而欲陰詆吾朱子之學歟究其用心其與何澹陳賈輩亦豈大相遠歟甚至筆之簡策公肆詆訾以求售其私見者禮官舉祖宗朝故事燔其書而禁斥之得無不可乎

愚按嘉靖癸未主試者蔣敬之石邦彥

閑關錄

卷十

十一

也二公雖有攻討之心而其

朱陸是非同異則亦未

愈熾區區一念

任斯道之

君子

閑關錄卷十

閑關錄十卷

浙江巡撫
採進本

明程瞳撰瞳有新安學系錄已著錄是編錄朱子集中辨正異學之語以闢陸王之說凡九卷其末一卷則雜取宋史以下諸家之論朱陸者立說不爲不正而門戶之見太深詞氣之間激烈已甚殊非儒者氣象與陳建學部通辨均謂之善罵可也江南通志載瞳所著尙有新安文獻紫陽風雅二書今並未見然大畧可睹矣

苑洛先生語錄六卷

〔明〕韓邦奇撰

上海圖書館藏明嘉靖白璧刻本

附《四庫全書總目·苑洛語錄六

卷》提要

苑洛先生語錄序
夫學何爲者也所以學爲人也爲人之理日用事物
非一端也貴得其當而已或巨或細積微積彰當與
不當之間而此生之事畢爲人之實判矣事固自有
恰當之理而人之聰明或未及智慮或未至力量或
未逮心志或未一則處之有所不當而人理有所不
愜夫孰無爲人之念哉其所以爲人之理須學也學
明乎人理則凡所當知者皆不可不講也學盡乎人
理則凡所當行者皆不可不習也此雖統之在心然
而學之不可不熟也前言往行之蓄非務博也草木
鳥獸之識非探奇也究性命之本原非鈎玄也察世
情之委曲非逐俗也人之生自有此事學乎爲人自
須此功也功力至而後爲人之理瞭然心目之間沛
然身世之用此雖大賢亦復如是而學之所以爲貴
也若徒取科第攻詩文者亦學也亦人之事也人之
所以爲人之理則不在是而身不自爲好醜茫然何
貴此學乎是以人之爲學學乎人理而已也予自弱
冠考彞昔賢之學頗以此義自信其後試於禮部策
問理學名臣即以此義對曰當理學既明之後而不
務修潔之行躬行之學者自棄焉者也當諸公講道

之餘而標立門戶高爲論議者自戾焉者也涵泳聖訓而體驗于日用事物之間以求自盡乎所以爲人之理則先達言行誠不可不講也及授官關中素仰施洛韓先生先生時方家居即往拜求教是爲人之理平易而切實者也又數年先生爲少宰予爲其屬官受教日親愈見先生事君處交上下進退之間無非平易切實之事而爲人之良範在是矣所恨別離日久茅塞予心也又數年得錄先生之說爲一書者讀之恍然如先生之對臨也蓋所以學爲人之理如前所云者具在此書先生平生精力雖用之甚博而求之於要此亦足得之矣先生固未嘗以言語文字教人也刻而題之曰施洛先生語錄以時開我心世之同志必亦欲觀焉

大明嘉靖三十四年秋九月

賜同進士出身山西布政司左叅議門人白璧頓首謹序

爲省力故曰易坤道猶有孕育之勞但自然而然無所造作簡而已矣

學者養心之法固不可令其放逸亦不可太拘反爲心害正如仙家導氣佛家入禪孟子所言勿忘勿助最好該於日用之間驗之自見

夜氣一節惟孟子有之他儒皆無觀程朱以早起清明之氣爲夜氣即可見其原無此氣其得於天者未甚粹不如孟子多矣蓋清明之氣人皆有之非夜氣也予二十以前未食之前此欲淡然全無及食後則欲心萌矣到明日早時回思昨日之欲

此身寒凜真如在穢濁中惡惡臭尚不足方也自悔死迷乎何以至此到飯後時欲心又萌明早却又悔惡懼夫格之反覆也以此知程朱原無此氣術家忌烟火食有由然矣

養心之法無間動靜應接推行之際即省察之必合道義而後發無事之時預防此心勿使非念之萌然此心難制一有非念之萌即遏之勿使達之事爲之著便是養心之法世儒不曾留神窮理博學切問妄意付度乃令學者閉目盤坐名曰收心如此必遺棄倫理生事如釋氏可也哀哉夫人自

少至老無一時無職事焉有工夫終日靜坐一日靜坐即一日失學是人自人學自學人與學判無相干矣哀哉

若必待養心已成而後行事則孔子七十從心以前皆閉門靜坐時也

遇大事不動心大賢以上事甚難然本無難義未至故為難或為毀譽其次為利害又其下則為得失矣若疑惑則又係天資學不至未至不疑惑更說不恐懼不得子路之死雖不恐懼乃恐懼之最甚者未至不疑惑故也

語錄

卷一

四

與楊椒山書曰心之當養無間動靜里居之日供未耜遠服賈亦養心之時也臨政之時詰訟獄裁檄牒亦養心之時也于凡應對賓客盤桓樽俎莫非養心之時孔子曰出門如見大賓使民如承大祭此之謂也若夫凝然正坐却除世事則佛氏之養心也吐納導引使不內耗則仙家之養心也三代之士最為精粹秦漢及唐質美暗合下此類多禪學矣考之經史亦自可見

君子當以三代學者為法程庶大節大本不至顛覆

此心運而不息有如江河汪洋浩蕩流而不自心之道如出之治水去其壅塞耳若夫閉目靜坐使此心如槁木死灰是池沼之澄清耳

此心之大與造化同造化運而不息此心亦運而不息惟有動靜耳有冬有夏晝有為夜有寢是也故至誠無息

此心應事接物時及念慮萌動時此時省察斟酌使必合乎理便是養心事物未來念慮未萌敬以持之亦養心之道也古之聖人於靜坐之時經綸酬度周遊天下亦所以養心也

語錄

卷一

五

夜氣特于飲食仙家遂忌烟火食但吾儒從容集義而進仙家欲躡等而成飲食豈可廢哉

中庸戒慎謹獨一日行之則一日聖賢一月行之則一月聖賢終身行之則終身聖賢雖顏子之賢不能不達于三月之後是豈易能哉此段功夫不惟可以養心亦可以却疾若把持太過反有以傷其心亦能致疾孟子曰必有事焉而勿正心勿忘勿助長也此其法也

為治之道在於平不用刑而人畏不施德而人愛則平矣

人來請謁者由威福作於已也若隨物應之則請謁自不至矣有人居宮終身而人無一字相通者是其驗也

爲治之道無過於一誠此心之誠可潛通於夷狄通之者非接其人而感化之也非施以德而懷柔之也誠立於中國自是不來侵犯知其所以然而然也學者無以爲迂

上行下效有如桴鼓聖賢之言的然無疑予接人常帶笑容每升堂見吏人以下及屬官參謁皆帶笑容予自愧何人之慢我如此一日忽然自悟曰

請錄

卷一

六

知其由於予也且思聖人有言臨之以莊則敬明日升堂正色而坐吏人以下勃然變色端肅而立屬官參謁者亦勃然變色凜然而退使其以言教之雖數十日亦不能成且不能齊自是不待行禁而肅清韓尹廷學曰不知近日每入道何故如臨淵水

孔子曰一陰一陽之謂道化育流行是也道字解你路字指流行發見者而言春秋之時世道衰微天道人道人皆不知而以窮冥昏默者當之故孔子明天道曰一陰一陽之謂道子思明人道曰率

性之謂道皆指流行發見者而言

性道一物也存之於心謂之性寂然不動者是也發之於外之謂道感而遂通者是也人有人之性人率人之性而行發而見諸行事爲道子思所謂率性之謂道是也天有天之性天率天之性而行發而見諸化育流行爲道孔子所謂一陰一陽之謂道是也至於凡物卯爲性發而爲雛知覺運動是道也核爲性發而爲樹榮瘁開落是道也孔子逝者如斯子思鳶飛魚躍皆謂是也宋儒於中庸解入道則是於易大傳解天道乃謂陰陽迭運者

請錄

卷一

七

氣其理則謂之道則非孔子本旨矣若然是以寂然不動者爲道矣宋儒又謂道爲太極太極是寂然不動時物道是動而生陽以後物安得以道爲太極哉

宋儒於中庸解天道以四時日月錯行代明爲天道亦是而獨於解易則非者蓋於形而上謂之道一句未分曉耳易謂形而上非謂氣而上也

且凡之謂字是直指且有曉示群非之義若曰衆論非道一陰一陽之謂道也豈可解作二義正蒙所謂字不如孔子之謂字爲的確此又聖賢之別

也

張子曰前知其變有道術以通之變通二字此君子立身撫世之大權濟事成功之妙用事雖可爲時不可爲亦不爲事雖不可爲時可爲則爲之如復國讎討強逆此事之可爲者時力不能則宜止越之於吳其讐耻豈可忘之勾踐既已返國事吳甚謹進西施獻巨木十年來無或怠忘吳哉侯賁力既可而吳亡矣如高貴鄉公忿司馬昭之逆奮然率衆討之昭豈不當討時力不可也遂至身亡國滅弟之殺兄事之不可爲路人知之周公誅

事錄

卷一

八

管叔蓋不如此管叔亦且死而周之社稷滅矣使殺周公而周可安周公寧死而管叔不可誅也不獨如此大事雖日用之間固有可爲而不可爲不可爲而可爲者君子當精於義處事每如此安有敗事是以可以措諸民也他書惟以義行之而成敗非所計易則圖萬全何以能之幾在事前也如殺身成仁此太好事而過涉滅頂以凶字與之凶者不順理也如文天祥之死宋可謂殺身成仁不順理在何處非死之時不順理度宗以前是何時也天祥不爲偷德之避乃出而顯名此時已不順

通矣到那爲相時只得死此而不死愛身負國揚雄之徒耳使天祥於理崇之未知禍亂之必至埋名而處如荷條偶耕之徒宋室既亡豈無十畝種瓜田哉而萬全可保矣故曰有道術以通之道術二字下得極好

隋承南北朝之亂至隋季則坤陰已極時當來復險難甚矣唐太宗有養蒙之德振而起之成太平一統之業李密王世充輩何人而紛紛若此徒自殺其身而已然則當如之何不有六四乎括囊如四皓可也學者察此則於易也思過半矣

事錄

卷一

九

橫渠曰又有義命當吉當凶當否當亨者聖人不使避凶趨吉一以貞勝而不顧如大人否亨有隕自天過涉滅頂凶無咎損益龜不克違及其命亂也之類三者情異不可不察此節非易之本旨夫易者見幾趨時審力合道以求萬全乃聖人之妙用義命不足言也橫渠以吉凶二字恐學者既不見幾矣及當其時乃爲偷生脫死趨利避害之謀或示之以此以爲不違易者之易近老子稍走

作行便

事凶

力歛其德以見堅冰使人視之如傭夫僕類如此莽又安能以祿位加之宋之傾危亦無與於己也既不能然遂之聲名已著天祥名位俱隆及莽徵宋亡此時而不死豈儒者哉天祥當時不羣圖興復隱處林泉如何不可也位登宰輔國滅而全身無是理也爲二子者當如董青之翁可也庶僚百官國滅而全身可乎不當爲興復之圖乎若有昭烈孔明之才不歛其德可也圖興復亦可也執一而論又非易矣

語錄

卷二

狼跋美周公不失其聖君臣之際其可畏哉大臣之責危疑之際其難處哉夫以周公之聖遭諛而退召公太公身居宰輔青寄安危又與周公皆開國功臣所遭如此二年之間曾無一言爲之營救仲明必待成王自悟而後迎周公歸有若權位相軋危而不扶者何也此其所以爲召公太公此周公所以得迎歸此周家所以八百之靈長也當成王之疑未釋苟輕率言之言未必從王若疑其朋比則周公之身或不可保并二公不安其位矣二公豈爲已位之不安哉二公又去則周之社稷

何倚焉况以成王之賢得二公之佐天下亦可安寧故持父以需之易需于穴出于血此之謂也若淺識狹度一有爲名累已避嫌之意國家之事去矣

周公之居東亦二公之志也使周公不去而周可安公亦不避擅權貪位之嫌苟焉爲肥遯之謀惟其不去也內既主疑臣危外則流言易入不終朝而禍亂作矣此周公所以引而去也蔡子曰公豈自爲身計哉亦盡其忠誠而已矣得周公之心矣此豈心大夫之所見哉

語錄

卷二

釋氏語實際乃知道者所謂誠也天德也其語到實際則以人生爲幻妄佛氏以死爲歸真生爲幻妄亦只是主客之意但幻妄字便有箇無用的意思須是不用此形骸氣性方無累所以彼必絕男女之配絕男女不百年人消物盡方是真誠的道理殊不知天所以爲天以其用之不息也若只混泥一塊氣要他何用然此亦自然之理天與聖人非有意安排張子所謂是皆不得已而然者也豈佛氏所能挽而回之今天下之人比比趨於佛氏而遵佛氏之教者天下無一人也借使人之靈佛

氏可以誘而教之盡絕夫婦之父至於物之雌雄
牝牡佛氏亦無若之何此真終不可歸也佛氏之
教亦窮矣

人於念慮未發未應事接物之時檢點日用所為
有無違理即是戒謹恐懼之一端

善人當好也過於厚非平也惡人當惡也過於法
非平也中者有權之道焉

學者於此心能戒慎省察則日用之間縱使把持
不定小過不及則有之至於逆天拂經損人利己
之事必無矣不肯損人利己况肯損國以利己乎

况肯作亂者乎

苟施者必苟取因忿而損身者必不能取義以捨
生見義而攘臂爭先者必見害而潛為自脫之計
見義攘臂有好名使氣之意

見善勇為惟恐人知退焉有慚色此誠於為善者
也

意是心之發誠意即中庸之謹獨心是其本體正
心即中庸之戒慎修身則是端九容各有工夫如
燕居之申申大夫入朝之色勃足矍矍臨下之容敬
享禮之容色之類皆是也傳者釋正修或指其用

或推其原非正解也

子思之勤自靜而動曾子之功由動而靜皆說箇
大綱孟子之有事勿正勿助勿忘則其中之節次
也人能敬以持心雖盛暑正午之時衣冠而坐亦
不覺熱雖熟睡時其體亦自不放

造化不如人聖人能全其性造化不能全其性修
齊治率聖人之功業也聖人無害民之政生物者
造化之功業也融蛇射工鯨鯢之類造化不能自
克也

示恩以縱盜非仁也捐財以給奸非義也設機以
傾賢非智也足恭媚上非禮也

凡處大事不可視之以易不可憚其為難未就不
可沮已成不可驕於人當謙於己當虛於機當決
於圖當密慎此八者必有事焉勿助長也

允議太事雜之以萬人之諱歷之以萬鈞之重定
見定力不搖如山辭不可過激色不可少厲氣當
平舒切戒冷笑如此則事可行而人不嫉矣

孔子樂在其中顏子不改其樂程子言所樂何事
樂乃四情之一更有何事不亦樂乎朋來而樂也
樂以忘憂理得而樂也於樂字上無所增益若為

貧而憂是改其樂也

孔子大聖且每事問凡臨事勿憚數問若恐人已為不知而耻問非克已好善者之存心也

一部易經當以一正字為主當看時字才字坤時若不可為若有這方大之才亦可為若六四則括囊而已

周子無極而太極即老子無生有周子重無字以無為本觀下文云無極之真不言太極可見兌原本云自無極而為太極而朱子削去自為二字乃以吾儒正理釋之則亦回護之過矣

語錄

卷一

十四

天人之際鬼神之理非深造君子未易言也學者惟篤信孔子之言與行及五經之旨可也

氣失其平而為疾雖孔子亦不能免甚而昏憤亦有之豈惟聖人雖天地亦不能免當寒而溫當暑而涼風雨晦暉旱澇為災星辰失度日月薄蝕之類皆天地之氣失其平者也

他書只懸空說箇道理惟易則日用之間事事物物皆有簡屢分學者不可讀

易比不追其去求其比也而反不追其去何也蓋求士之道不惟招之可以來士雖其去不留亦可

以來士若士既入其國不聽其去則士皆謂去就不得自遂入其國不合而不得去士皆懼而不來矣中庸治國平天下曰嘉善而矜不能正欲致善者而用之也

人才可惜造就之難黜汙之易易之鼎以金鉉王鉉象之金鉉王鉉人所寶愛而珍護之人能愛才如愛鉉其愛國之忠深矣古人九載黜陟幽明今制三年考察其法已密在外撫按事竣復有旌効是又不時考察矣其所劾固有貪殘之輩中間或小過或詿誣或諂諛或語言不合趨承未至以致黜退我

語錄

卷一

十五

國家以科目取士中其選者皆俊乂之器才識不大相遠但習與不習耳習之於累年棄之於一旦以壯年有用之才終身閑廢深可惜也夫旌異之典以待茂才異等論劾者以處元兇巨惡不可待考察之期者今所劾者果不可待考察之期乎聖人制刑多加寬恤惟鼎四文覆公餗其刑剋以其蔽九二之賢也劉族刑也不少假借聖人之意亦深矣

權寵之人若行好事知薦賢去惡是國利民之類

便當與行之若以其出於權寵阻而不行則妨賢長惡病國殃民在我矣天順中石國公薦儒者吳與弼吳一時之賢入君子也大學士李文達公因而用之未為不可彙言指此以文達為國公之黨且云為國公草薦疏草薦之事有無不可知國公欲薦賢不能自為疏而大臣代之亦可也假使魯欲誅顏子季氏力能救之而不能草疏托之孔子孔子辭而拒之可乎

英廟委任文達有罔兼罔知之誠文達始終持廉秉公未嘗行一宵聽入一苞道自後來觀之可謂富

語錄

卷一

十六

貴不能淫之大丈夫矣豈可輕誣之哉

易曰君子以慎言語節飲食朱子釋之曰養德養身之切務言語也何謂養德孔子曰先行其言而後從之只此一句便是躬行之實曰是無過言無虛言無狂言無戲言無俗言無多言言慎則德成日用之間體驗之自見

學不足以合天人一萬物非學也萬物者天地之子天下未有子不似父者人之子必似人牛之子必似牛馬之子必似馬杏之子必似杏桃之子必似桃天人萬物豈有二哉

一元未闢渾沌沌太極之未形也是天之性也如堯舜之心至靜未感萬理咸具即太極也是堯舜之性也一元既動二氣五行化生萬物無一息之間河嶽變動植遂無一物之欠此天之事業也是天之道也堯舜之心感物而動發而為言語應接敦叙九族平章百姓協和萬邦做出許多事業是堯舜之道也

天地萬物本同一氣其成也皆小而大未有陡然而大者天開一萬八百年而後天始成地闢一萬八百年而後地始成又一萬八百年而後萬物始

語錄

卷一

十七

成子思於中庸著論曰今天天斯昭昭之多及其無窮也萬物覆焉今天地一撮土之多及其廣厚萬物載焉正見天道流行不息之意宋儒乃謂天地非由積累而後大誤矣如此則人之一生便有堂堂七尺之身髮拂膚而髮委地通達萬變矣木之一生即有枝葉花果合抱參天矣且天地亦有老時自子至午則漸長自未至亥則漸消山吾見其日削矣海吾見其日枯矣天地渾沌亦以漸而沒若陡然如今世界乾一時渾沌了亦可傷矣萬物有死時天地有渾沌時即今已創未字上以後

漸漸一代不如一代天地將老乃欲挽而爲唐虞
三代正午之治難矣

由渾沌至於開闢由開闢至於渾沌一消一息未
嘗一刻之停開闢了就渾沌渾沌了就開闢由渾
沌至始開闢三會由始開物至渾沌三會則渾沌
者六會開闢者六會

逝者如斯鳶飛魚躍聖賢指其顯著者而言其餘
如鷄鳴犬吠蛙鳴蟬噪皆化育之流行皆道也其
小至於蠅飛蟻走皆化育之流行皆道也

未嘗無之謂體此橫渠獨見之言也所謂氣塊然

太虛自漢唐宋以來儒者未有見到此者是以不
惟不能爲此言亦不敢爲此言也

上智下愚與性相近習相遠孔子之言平正的實
萬世無弊所謂性有三品也朱儒謂下愚可移直
白誣耳人之生欲與善氣與理同受但曉悟則欲
在先而善在後雖孔子堯舜亦然但不假脩習耳
朱儒着不透孟子之意故多強釋於文義似矣驗
之人其實非然也

太極未嘗無也所謂無者萬有之未發也所謂有
者有是體而無形也未嘗無之謂體太極也如此

則諸子之陋不待言而自見矣

坤至柔而動也剛乃積大勢成而然也先至柔而
後動可剛若直以剛動如何何必先柔蓋爲坤也
力有所不足若五伯之盛直以乾道臨之何必先
柔當玩一坤字漢高可以當之時未可也力未能
也鴻門之謝漢中之往善首而行及其可爲也定
三秦平蕪齊滅楚於垓下何剛如之用易君子幸
勿輕率以禍人之家國也哉故曰積大勢成

坤先迷不知所從故失道後能聽順則得其常矣
坤亦不是小物上配乎天坤以陰柔而握乾符故

先迷而失道後能聽言納諫信任元臣乃得其常
此節商之太甲可以當之

坤之五幼冲之主有柔中之德如漢之昭帝周之
成王可以當之然得二之輔周公霍光是也故元
吉

外雖積險苟處之心亨不疑則雖難必濟人處險
中方寸先自亂處之無道難何以濟心亨不動無
所疑懼則所以謀脫其難者周悉萬全豈有不濟
乎

蒙蕭蒙華有譽處今皆謂君接已溫厚而下情可

伸人生之尊如天威嚴之下誰敢盡其情惟人主降辭色以誘之則下情始得伸上下之情既通則諛毀不敢入彼奸人雖好傾擠諛譖然交情密焉彼亦不敢進其邪惟其情意遠絕詎不能明彼方得乘機而入故下情通則諛毀不得入諛毀不行君臣孚信上下交而德業成今聞廣饗施及萬世矣

庶子不祭祖明其宗也不祭禰明其宗也禮書經秦火之後漢儒集成已未可盡信况三代之時與今時異宜三代之禮猶庶之分甚嚴者當時諸侯

諸錄

卷一

卿大夫皆世官不得不嚴正如今之武職豈敢分毫違越若通天下而論庶子不祭祖不祭禰設使禰無嫡子又無叔伯則二世曾絕不祭仁人孝子何以自處仁人君子之爲政亦何忍如此安可泥古而不酌之今哉

凡祭割烹爲要詩書稱馨香之氣盡鬼神無形惟氣而已聞馨香之氣即是享之禮失求之於野今天下之人皆言鬼神爲聞其氣而已是也古禮割烹於廟門之外取其近于神位而馨香之氣未散今徒有體薦而不饋食神何所享乎古禮有饋食

而無體薦者未有有體薦而無饋食者

古祭禮無所考其節奏之詳惟士虞禮少牢饋食諸章今禮之所無者迎尸送尸九飯告飽獻賓獻衆賓獻兄弟獻衆兄弟獻祝獻佐食數節諸章亦不載旅酬之禮豈旅酬天子之禮歟

指遊魂爲變爲輪迴釋氏亦窺見夢子造化夫造化氣聚於形則生氣離於形則復歸於造化釋氏乃謂今散之氣有善惡則復聚氣之爲人物故有輪迴之說釋氏亦豈不知無是理哉彼見聖人謂爲善得福爲惡得禍然有不盡然者故人率怠於

諸錄

卷一

三

爲善釋氏乃謂生雖不得報死後亦須報將驅天下之人使之爲善然欺之也聖人之教以誠釋氏之教以偽夫感人以誠猶懼人之不從况偽乎古今之人忠臣孝子義士烈女比比皆然或得其一肢得其一事或得其全體皆入聖人之教者也遵釋氏之教者不過誦經食素削髮捨施以求免於禍甚者殺人爲盜乃修齋誦經以求免有一人慈悲遣累如釋氏者哉古今未見講學會友者之爲亂假白蓮之教聚而爲巨盜以亂天下賊生民者古今多矣何也釋氏以偽立教故其徒亦以偽應

之也其學之是非又烏足辯哉

形聚爲物形潰反原此意張子屢發之曰潰曰聚指氣之附形者言古人謂減一尺地則有一尺氣非也地中亦有氣天地間惟氣爲交密雖山川河海草木人物皆氣之充塞無毫髮無者張二此說先儒多議之是乃在冊子中窺造化不曾回首看眼前造化之實故邵子有觀物之說而大易仰觀俯察以得造化之實

孔子刪詩書於詩錄商頌魯頌於書錄魯費誓秦誓兩錄侯國之事係於帝王之後者見周之天下語錄

成之於周公錄商頌者見周之天下得之於商錄秦誓者見周之天下失之於秦始終其辭云耳

中庸發育萬物峻極于天言道之極于至大而無外正易所謂一陰一陽之謂道萬物皆陰陽二氣之發育即道之發育也天無涯陰陽二氣亦無涯即道之峻極于天也

中立而不倚最難非義精仁熟者不能凡事有所依憑則不倚無所依憑則易至於倚蓋時措之妙也如不違乎親意人子依此而行何難之有乎却有以違親之意爲中者大舜不告而娶是也有可

其不可者亦有不可其可者豈易能哉中是無過不及倚是過不及也日用之間酬酢萬變初無定體皆欲合中非得時措之宜者非過則不及矣形而上之謂道氣而上之謂性

造化人心不過動靜兩端而已絕離於動便屬靜絕離於靜便屬動言之聖賢只說動靜於中檢出壹幾字已屬之動矣

先正謂光風霽月不足以形容有道者氣象必如孟子所謂晬面盎背然後可以形容有道者之氣象然猶不如子貢所謂夫子溫良恭儉讓

語錄

卷一

三

經世數始終天地十萬九千六百年太乙數至今已十五萬餘年二之論不同經世康節獨得之學後人用之多不以太乙是與大地算命先立下箇八字然後推算中間頭緒頗多既排諸星又論三元又論七十二候又論卦運又論陽九百六又論得地失地得失之濟吉凶所關不以常例拘又論算數和於不和又論八門中間細目又有掩

近關因之類學者一有不詳誤人多矣用乾知不若用既濟未濟仙家有見于此取爲長生之道乾卦治中有亂坤卦亂中有治既濟常治

而不亂生而不死者也未濟常亂而不治死而不
生者也况又從水火相交而來
其他文字皆可著作惟醫藥之書不可輕為一字
苟一字不當殺人多矣其罪與殺一家非死
人者等學者可不慎哉
海中有國有山非海也地之卑者淪於水也至滌
落則真海矣

語錄

卷一

七

范洛先生語錄卷之一終

范洛先生語錄卷之二

樂記感於物故形於聲聲相應故生變變成方謂
之音本於虞書詩言志數句來但變其文耳變是
清濁高下樂記一篇好文字古今有兩篇好文字
易大傳樂記是也萬世莫及其次則孫武子十三
篇郭景純葬經
發於聲音形於動靜只此二句盡乎樂矣聲容備
矣

李文察謂律生五聲不如言律和五聲此知良是
人之聲自有五但以律正之而可調然作和字又

語錄

卷二

一

不如孟子言正字尤好

琴七絃內備變宮變徵正調入散音十一調為宮
則各其徵為十二宮聲商角徵羽皆然為管各用
其孔也

聲七律十二每律聲鍾磬各十二律十二律今止
用一均七而以五為啞古鍾磬每架十二張文收
掘地得大樂古鍾十二是也愚意作七架或九變
或八或六或七或五各取用之

鍾十二磬十二今止用七餘五不用七者黃鍾一
均之備宮商角徵羽變宮變徵也是止七聲何八

十四聲之有是且不成一調何六十調之有

琴徽十三置一為黃鍾半清聲在首其餘十二徽

自尾起黃鍾一黃鍾二大呂以至應鍾各按其徽

則每一絃皆為十二律是七聲後過十二律而十

二律各有七聲所以旋宮有八十四聲實二十三

聲也調有六十琴則隨柱取聲如今之箏

黃帝命伶倫鑄十二鍾單穆公曰十二辰之鍾也

周十二鍾編鍾十二長短隨其律口闊則同

特磬十二有長短有厚薄長而薄則聲濁短而厚

則聲清

九奏在琴散音一下微二中二上二泛音上一下

一

出主降神祭神初亞終獻飲福徹饌送神共為九

獻

樂書云鍾以相生擊之擊宮則及徵次商次羽次

角應宮者為徵初不拘於定位也

奏黃鍾一均之備至蕤賓七聲下生大呂故大呂

起一均則黃鍾為商矣此左旋也又歌大呂五生

為仲呂一均之備雖右轉然左轉隔五而為太簇

起調皆天然也豈人為之私哉

聲所以有二變只為黃鍾之角不能接下調大呂

之宮故有二變夾鍾以黃鍾為羽又用黃鍾之羽

故曰羽之羽周樂起調終調零星補湊可疑然其

節奏亦合倡和亦妙周變九六八甚牽合難通

聲之有七自然之數非聖人以理推排也先儒或

謂當用二變或謂不當用二變皆億說也

凡聲至七生則過律一自其長短之序無一毫之

紊如黃鍾至七聲盡為蕤賓蕤賓實生大呂少一

不得多一不得十二律皆然

律呂之全與正不同全是十二律長短之數正是

十二律三分損一隔八相生之正數如黃鍾九寸

正也三分損一隔八下生林鍾六寸為正林鍾三

分益一隔八上生太簇八寸為正太簇三分損一

隔八下生南呂五寸三分為正南呂三分益一隔

八上生姑洗七寸一分為正姑洗三分損一隔八

下生應鍾四寸六分有奇為正應鍾三分益一隔

八上生蕤賓六寸二分有奇為正皆全也蕤賓三

分損一隔八下生大呂四寸一分有奇為正非全

也大呂三分益一隔八上生夷則五寸五分有奇

為正夷則三分損一隔八下生夾鍾三寸六分有

可為正非全也夾鍾三分益一隔八上生無射四寸八分有奇為正無射三分損一隔八下生仲呂三寸二分有奇為正非全也正若何而非全大呂為黃鍾之次十二月之管若止用正數其管短甚何以為用必倍其正數方可為黃鍾之次此亦非聖人以意倍之也自然之數也蓋黃鍾七音既畢為蕤賓蕤賓生大呂以起宮自然之妙如此必倍之而后謂之全夾鍾仲呂倣此所謂在陽倍之是也

惟黃鍾一均皆用正不用十七聲回宮亦用正十

語錄

卷二

四

二律回宮亦用正

中聲者固為難曉然必自下學始語數是也真積力久豈終不可得哉蓋又則精精則神凡事皆然世儒類慕中聲之妙馳心尚遠謂不必屑屑於器數之末既不從事於下學安能上達哉正猶孟子之論聖神然必自善信始也夫能撫琴然後可以得琴之妙能鼓瑟然後可以得瑟之妙然撫琴難鼓瑟易而近古人不達藏者以不傳也以易也故不傳必能吹排簫然後得排簫之妙必能吹笙笛然後得笙笛之妙然笙笛難而排簫易近古反不

連排簫者以不傳也以易也故不傳鐘瑟則惟制造之難耳

管雖有不協者或二孔取一聲或三孔取一聲或四孔取一聲此樂家之用變也

瑟隔十二絃應備樂演用五十絃此製之初所以五十絃也今以六陰律折馬後二十七絃足矣今以六絃應者後世簡便之法也排簫亦以十二管應今隔八應者以相生之次也徵無定在應宮者為徵短者倡而長者和以長律為準

江西律呂一策所論皆正但謂黃鍾無十非也黃

語錄

卷二

五

鍾萬事根本樂之黃鍾無十如分寸尺丈引鑰合升斗斛銖兩斤鈞石豈無十哉新書十數總論黃鍾非止樂之黃鍾也策謂新書不當言體數新書何嘗言體數直解言之耳以此知其學得之於直解

瑟絃隔六應自然之序不可易也古人以中絃不用前十二絃為十二律之正聲後十二絃為十二律之應聲當作兩架調第十四絃之聲即第六絃之聲也瑟馬自不能齊一

瑟古人常用琴則用之者少如由之瑟曾點鼓瑟

孔子取瑟而歌三見於論語宮動而徵應商動而羽應角動而變宮應變徵動而七聲盡復回宮天然之數也

宮徵各當其位惟琴之九徽為然三絃跌半徵者待變徵也七絃為大呂天然之妙已著於桑梓之上不待伶倫而後成也

若七聲回宮第一絃中絃不用至二十七絃折馬後為變宮十二律足矣備樂須用三十七絃除頭三絃中絃不用宋時蜀人擲得三十六管笙上之正於此瑟合

語錄

卷二

六

古人重樂器得美玉皆為笙簫簫笛

黃鍾為宮天下之君也十一律為宮列國之君也故黃鍾不為他律役

人之聲有得黃鍾者有得應鍾者於中皆有宮商角徵羽人聲高下不外乎十二律

徵律接商律及宮律而用之以應律為準如琴九徽一絃為宮四絃為徵若以徵接商則以五絃為徵不敢以下陵上也

四時驗日影春分於卯夏至於午秋分於酉冬至於子子不可考止言平在朔易

渾天儀不難造難於激水之法其遲速之節正如銅壺滴漏

漢中沔水流出金牛山人以為漢水既誤以為漢水取漢水出于蟠冢山也遂以金牛山為蟠冢後人不知金牛山為漢水之誤為蟠冢反以蟠冢之名為漢水之證謂既非漢水緣何出於蟠冢山

唐節之數蓋以一年之候而得之因一年而悟一元因十二月悟十二會因三十日悟三十運因十二時悟十二世以此知天地之間一元十二會每會三十運一運十二世每世三十年共十二萬九千六百年

語錄

卷二

七

又以天地之始而推之至於分齊又以釐毫絲忽而考之猶未也至於微秒塵息通為齊一五星連珠且會合塵而天地一終矣因小以悟大自始以要終而其年有如此之數夫豈億說者哉

大乙數一會三萬六千年始終天地四十三萬二千年每會之始七曜雖未齊元而所餘無幾皆可起數蓋三萬六千年始積一歲

石曼卿詩曰樂意相關禽對語幽香不斷樹交花於浩然之氣似無干涉如天心水面雲淡風輕之

類不過開通自然耳究其極亦只曾與天地等之氣象類子之欲罷不能孟子之配義與道其清虛切實之分自見此等言語正如釋氏之偈言術家之隱語如曰草上露華偏在尾花中香氣認宜心曰不用時時掃何處有塵埃之類孔孟及三代以上儒者必不肯為此說

書夜者開闢渾沌之小象也開闢之極即漸渾沌渾沌之極即漸開闢無一息之停

關中好箇風水山自西而東河自西而北自北而東自東而南山河相會之處水口纔丈餘耳中間

語錄

卷二

九

明堂秦川八百里所以漢唐以前人才最盛也好箇形勝

江南所受之全氣自岷峩循江而南自南而北自北而東矣

天下山明水秀無有過寧紹者所受皆是自家的氣脉

洛陽不見有大風水山水又背乃在天之中蓋所得者天氣耳

地氣自西北崑崙發脉漸漸東南去了此理勢之自然但分得破碎耳

江淮之間風水最大

天下大水如江漢皆出於關中長河亦圍繞關中而東下淮濟流乎其中餘皆小水耳

數生於五行萬物不能逃也

書岐山傳謂即狐岐山在汾州介休縣今介休無狐岐山孝義縣有狐岐山孝義與介休接壤豈古介休實兼二縣之地歟然狐岐之山勝水所出河不經流其下介休去河尚遠或臨河別有岐山今不可考闕之可也

汾水出于太原經于太岳傳謂太原為太原府謂

語錄

卷二

九

岳陽為縣縣太原府今山西太原府靈縣今山西平陽府霍州岳陽今平陽府岳陽縣也汾水出于太原府靜樂縣管涔山經太原縣清源文城文水祁縣汾州平遙縣介休縣入平陽府靈石縣經霍州趙城洪洞臨汾襄陵太平絳州稷山河津滎河縣入于河太岳之南即趙城縣汾水不經岳陽縣今註以岳陽為岳陽縣今岳陽與趙城相隣豈宋時岳陽或兼趙城之地歟

大陸既作邢州今直隸順德府邢臺鉅鹿縣地皆信都縣地趙州今直隸真定府趙州深州今直隸

真定府深州即大陸之地也。泚水今枯，今在直隸真定府冀州。經曰：北過泚水，至于大陸，則泚水在南。大陸在北，今趙深二州在泚之北，是矣。邢臺鉅鹿則在泚水之南，似未相應。考之真定亦為鉅鹿郡，鉅鹿即邢州。豈今真定以北皆可稱邢州云？又深州亦稱信都，信然。邢鉅鹿信都之地廣矣。然此所謂邢者，即今晉州以南之地也。晉州漢屬鉅鹿，如此則與經文相合矣。

碣石傳謂今淪入海五百里，非也。在北平郡驪城縣，即平州。今直隸永平府撫寧縣其西南，即本府語錄

卷二

十

昌黎縣也有山遠望窮，窺似山頂有石特起如柱，此碣石也。離海三十里，東海至永平府南發出一洋，東西百餘里，河從此洋之西自北注之。此洋正逆河也。碣石在右轉，石之間，碣石在海洋北，洋闊五百餘里，自洋南遠看如在海中，實未淪入于海也。

遼水出塞外，自三萬衛西北入遼東境，南經鐵嶺，瀋陽都司之西，廣陵之東，又南至海州衛西南入海。

濡水出北直隸保定府易州北三十里窮獨山東

南流過州四里餘淵而不流

漳沱河出山西太原府繁峙縣秦嶺山，歷代州寧縣，州定襄五臺孟縣入真定府平山縣，經府南晉州東鹿深州至直沽入海。

易水保定府境，曹河徐河石橋河一畝泉河滋河沙河鴉兒河唐河合流于安州城北，經雄縣過直沽入海。

濡漳易三水去帝都近，縱使其水達河，亦不由行不知傳何以言此。況濡漳易二水在禹時原入河後河徙而南，始入海，傳止據宋時言之，非本不入河也。

語錄

卷二

十一

九河故道今永平府撫寧縣碣石山與諸家所載碣石之狀甚相合，則九河之地在滄平之間無疑。九河非有他水止，將一河分而為九派以殺黃河之勢。今河身既徙而南，則九河已為平地，又何形迹之可求？且今河入海之處去古河入海之處將三千里，豈惟九河之地雖河身故處今皆為田廬為城市已不可辨？況九河乎？河之故道自鞏縣歷懷衛彰順名真數郡今止長垣開州清豐累見其迹，然亦非禹時故道也。觀此則九河在其日中矣。

海之灣永平謂之南海此洋東西長而南北狹如江河之狀此或逆河則河從此入海今河徙而洋存

山東通志焉賴在商河覆醢在海豐鈎盤在德平鬲津在樂陵徒駭在齊河皆濟南府所屬今真定府三百里方是濟南之北境真定去濟南東西又六百餘里古河自淦水直趨而北至于大陸則皆真定之地又北播為九河則固永平河間地也不應河至大陸折而東反迴流而南以至濟南之境當時河自南而北道西經冀東經充冀高充下

語錄

卷二

十二

直溢于充故禹治之於充北疏殺其勢以泄其水不應又自西導九渠而東以灌充經上言播為九河下言同為逆河則既分而復合為一今乃散渙不一紆曲旋繞八九百里方合而入海恐無此理況曰鈎盤者今入海大海既徙安得有水

河間府吳橋縣有黃河故道而滄州古志徒駭在滄州廢清池縣太史簡潔在本州南皮縣馬頰在景州東光縣胡蘇鬲津在滄州慶雲縣鈎盤在獻縣此九河相去不遠又與黃河故道相近蓋先儒皆于紙上求之北古志得之土人父老之相傳為

是所謂禮失求之於野者況有文典可徵乎一則近海一則在正北一則相去不遠似當時分合之迹河雖為冀充之界然充地下九河之分則皆在充地而其治之也為充為多故九河於充言之

離沮會同離水註云汲水受陳留浚儀陰溝至蒙為離水東入于泗今考汲水乃河之別流在豫州者浚儀陰溝在河南開封府祥符縣今有浚儀橋蒙亦祥符地今有大蒙城小蒙城在陰溝之東汲流至此名為離一水二名也此即山東兗州府曹州曹縣之黃水東歷徐州境入于泗泗水出兗州

語錄

卷二

十三

府泗水縣陪尾山歷本府濟寧州入南直隸徐州境至南直隸淮安府邳州宿遷縣入于淮古時汲泗皆在河之東南故離入泗今河徙而南離在河西泗在河東為河截斷今入河矣睢水一在開封府陳留縣經睢州寧陵一在本府夏邑縣經本府永城縣至南直隸宿州皆流入泗今一入河一入淮二水皆豫徐之水去充尚遠于充無干離雖經曹縣然在曹州南一百二十里正徐之域今經所謂離沮會同者離乃河之別流出于兗州者正如沱潛二水或出于荆或出于渠也河既徙而南則

澗為平地矣山東濟南府固有濟之別流小清河是也則別是一澗沮也從晁說反字音汴非汴水也豫別有汴水許慎曰河澗在宋明反澗非汴也今濟南府章丘縣有澗水入小清河澗亦河之別流與澗異稱者也或稱澗或稱澗一水也此其充之澗沮會同歟

澗于濟澗經中之澗是河之支流在章丘者今故道尚在旱則涸雨多則泉水發但河既徙不知其所出也

註中之澗又是一水未嘗入河出山東東昌府等語錄

縣即東武陽也至本省青州府博興縣入海即千乘也

漆沮既從漆水止據蔡傳云自同官縣來他更無證而鳳翔有漆鞏昌有沮皆自本境入渭源派甚明但其地在澧水入渭之上與經文不合惟考有洛水源遠流長而派明通詳註于後

洛水出慶陽府環縣即古洛源縣也經延安府甘泉縣即古雕陰縣也經鄜州宜君縣子午嶺至中部縣入西安府界經耀州及同官縣至富平縣合

之人至今皆呼為洛河漆沮之名亦不知也古今

郡縣慶陽有洛源縣延安有洛川縣及三川洛其

一也朝邑有洛苑鄉水經言延安形勝云洛水之

交漢志亦云雍州其浸渭洛左馮翊註云洛水經

北條荆山而東南入渭此尤為明証漢志又曰洛

都曰襄洛皆延安近洛之地畧無一字及漆者獨

漢上郡志有曰漆垣者又不知何所指也而顏師

古曰洛水即漆沮也此後世指洛為漆沮之由豈

洛亦名漆歟作記者不知鳳鞏自有漆沮二水以

二漆為一水而莫究其源但云自同官縣界來而

不知自同官來者洛也一統志遂言同官之漆出

自鳳翔而不知漆水為涇汭所間其能飛度涇汭

而來同官邪秦士往往疑此故詳考而著之焉

沮水出宜君縣至子午嶺合于牛水歷中部縣東

南流入西安府界至富平縣合漆水即洛也子午

嶺乃子午山一支其山歷延安慶陽西三府綿

亘八百里蔡傳合榆谷非也後嘗至同

官縣見一大潭水湧出石山如壁立水

流出東壑問其居人父老曰漆澗正所謂自同官

縣界來者漆水也平不百里即入洛豈洛自洛漆

沮二水皆入洛歟但其水甚小禹何故舍洛而取
漆豈無施勞者雖大亦畧歟顏師古曰漆沮即馮
翊之洛水也不知蔡傳何以不引此

或者然沮實鳳輦之水詩人詠之亦名川也而經
文有錯簡漆沮既從當在澧水攸同之前歟如此
則洛與沮會禹未嘗書而漆潭一溝水耳故古志
不載

漆水出鳳翔府隴州東入渭漢志右扶風有漆在
正西指此也亦名川

沮水出鞏昌府階州角等谷東南入渭蔡傳謂延

語錄

卷二

十六

安沮水合榆谷水榆谷在臨洮去渭源近正謂此
沮水延安沮水何由西行數百里至臨洮既至臨
洮又何由至西安之耀州

弱水荒遠雖不能見其真的然尋其脉絡亦有可
指而諸家之說皆有其據亦不相背西域傳謂弱
水在條支西王母未嘗見也水行百餘日至日所

入之地則條支乃極西之國也自條支東行百餘
里方到烏弋山又一萬二千二百里方到長安何
害于雍而禹治之蔡傳非之是矣然未當也如江
漢之水禹治于荊則自荊而下揚州之域禹固未

嘗治之然謂揚之江漢非荊之江漢不可也禹之

所治者雍地之弱水也謂之既西則源東而流西

然水之流皆不直行或南或北或又折而東是以

或在中國或在外夷或遠而北或近而南皆無所

定然大勢則西行也弱水出自西海之山西海今

在陝西西寧衛城西三百里其海方數百里跨夏

夷之地而窮石之山當在海之左右自東而西一

千五十里至甘肅古張掖地過合黎山又五百一

十里肅州古酒泉地又八百餘里至沙州古燉煌

地以上皆雍地也又二萬餘里至條支以入西海

語錄

卷二

十七

今條支國臨西海其地暑濕有大鳥卵如甕但此

西海非前弱水所出之西海也蔡傳以後西海為

弱水所出也故非之禹之導者雍地之弱水也流

遠之外禹蓋未嘗至也豈可以禹未至而遽疑其

非一才哉則夫菟源水涿邪山皆其所經過之地

也但遠之外夷無可考其接續之所耳

黑水為梁雍二州之西界據其文勢當自雍之北

境直抵梁之南境乃一大水橫過二州西界今四

州止疊溪千戶所有黑水合汶江入成都府經茂

州而安縣亦有黑水安縣本汶江縣也蓋黑水合

汶江入茂州安縣入于羅江漢地志云黑水出城
爲郡南廣縣汾關山符即今之叙州府慶符縣以
志山符二字故縣以慶符名今慶符有黑水與蔡
傳漢志同然蔡傳少一符字而其水乃自西夷中
來北流入江漢志亦謂黑水至棘道入江且安縣
黑水在成都北而叙州在成都之南一入羅江一
入大江兩入江又不同于經文至于三危入于南
海者不合雍之黑水五亦各異源一在平涼府開
城縣入黃河一在寧夏衛東亦入黃河一出文縣
守禦千戶所素嶺山入于白水一出鎮夷千戶所

諸錄

卷二

十八

城西經行都司城西北入居延海與經文漢志蔡
傳皆不合今獨肅州衛城西一十五里黑水所出
與漢志顏師古註相近而水經引之志云黑水出
張掖郡鷄山南至燉煌過三危山燉煌今肅州西
沙州東南即其地也志又云南流入于南海則當
遂入于梁梁全無考豈梁雍西界各自有黑水爲
界不同歟與導黑水之黑水各爲黑水不相涉歟
程氏又謂榆葉澤爲黑水之源葉榆即西洱海其
地有黑水祠西洱海出今雲南大理府鄧川州點
蒼山匯爲巨湖周三百里去雍之三危南北數千

里又不經流梁境又不出于張掖顏師古亦謂滇
池西北有黑水祠豈黑水既入西域故人莫得而
知又南至西洱海復入中國又流入于南海歟然
不可考矣若牽合以爲相屬則張掖在極北西洱
在極南安得以相屬哉燉煌在陝西肅州衛西今
屬胡虜是國家極北境葉榆在雲南大理府是國
家極南境梁境黑水是疊溪黑水斷非導黑水之
黑水也至謂水黑爲榆葉之積尤爲不通源頭之
黑或可通若流而數千里其色尚不變有是理哉
且梁雍爲黑水者凡七而漢中亦有黑水未聞皆

諸錄

卷二

九

有榆葉落其下也
大河河關縣今陝西河州衛連西寧衛一百七十
里積石在兩域中洛汭即洛水入河之地宋以前
未得河源至元有天下簿海內外人迹所及皆置
驛傳使者往來如行國中至元十七年遣招討使
都實求河源四閱月方至按河源在土番朵甘思
西鄙有泉百餘泓方八十里沮洳散渙不可逼視
登高望之若列星然名火敦腦兒猶華言星宿海
也郡流奔轅五六里匯爲二澤名呵喇腦兒自西
而東行一日合而成川名赤賓河又三日水西南

來名亦里出入赤賓河又四日水南來名忽蘭又水東南來名也里木合忽蘭入赤賓河其流浸大始名黃河然水猶清淺可涉又一日岐爲八九股名也孫幹倫猶華言九渡通廣六七里可度馬又五日水渾濁土人抱革囊騎過之聚落糾木幹象舟傳髦華以濟僅容二人自是兩山峽束其深巨測東北有大雪山即崑崙也雪冬夏不消又十日山益高地益下岸狹隘狐一躍而過又行六日水西南來乃細黃河也又兩日水南來名乞兒馬出三水合流入河河水北行流過崑崙北一向東北

語錄

卷二

十

流又半月至貴德州又五日至積石又五日至河州野龍河水入河又一日至蘭州洮水湟水浩疊河入河東至寧夏中衛北流注寧夏衛過湟中東勝州至延安府綏德州折而南迤西岸經延川宜川二縣境歷龍門韓城郃陽朝邑稍南折而東綏德東岸則山西大同府境經朔州西岸四百里東南流至老營堡西南流入太原府經娘娘灘太子灘水寨寺天橋子雪浪窄口河曲縣保德州水皆深綠奇嵐州興縣至寧鄉縣即梁山所在岐山傳以爲介休縣狐岐山非也見冀州今石樓以南臨

河大山無數不知岐山爲何山然非狐岐也入平陽府石樓永和大寧至吉州則冀州之壺口經河津龍門榮河蒲州南華陰縣折而東經潼關水門河之北則山西禹無施功河之南則至陝州有底柱又東至河南府孟津縣至孟津又東而鞏縣過洛汭自此河徙而南非禹時故道矣今以故道言之由鞏縣東北至北直隸大名府濬縣漢黎陽也又折而正北至邢臺縣漢信都也過泝水至真定府趙州深州及古邢州乃晉州之地爲大陸至河間水平二府地播爲九河古平州之南滄州之北

語錄

卷二

十一

也逆河今永平府東境大海發一洋自東而西古逆河也轉曲之間撫寧縣有碣石古驪城也今河徙而逆河尚存云

大禹書法互見導山則叙河東之山如壺口雷首太岳導河則叙河西之山如龍門華陰

古今治河之要不同自元以前治河是一法我

朝治河又是一法元以前順水之性而治之不與河爭地賈讓上策最可行我

朝逆水之性而障之必與河爭地最不可行者賈讓之上策也蓋前代國計無仰於河止治水患耳故

捐數百里之地聽其自准而入海捐脩河之工費
十之三以業遷徙之民補賦稅已足矣我

朝國計仰於運河若聽其自然東流入海則閘河廢
運道絕徑自南下則徐呂二洪竭矣必障其正派
使南入于淮障其支流使東入資徐呂二洪立文
在乃謂治河莫過於賈讓之三策非也

漢水武都漢時為郡所治甚遠西北自陝西鞏昌
府成縣東南至漢中府沔縣千八百餘里沔縣有

天池故曰都此武都之得名也武當今湖廣均縣
郢州今安陸州京山縣二州縣地三筵在京山縣

語錄 卷二 十三

西八十里以筵漳蒞筵故曰三筵靜海縣今省
入通州屬南直隸揚州府

漢水之源論者不一或以為出於鞏昌漢志曰東

漢受氐道水或以為出于漢中大抵鞏昌為是蓋

嶓冢山在可証也漢中無嶓冢山常氏謂鞏昌之

漢為東源三泉之漢為西源又曰西縣為東源是

以西縣為鞏昌矣是不知鞏昌非西縣去西縣千

八百里鞏昌在西三泉在西縣之東豈可以鞏昌

為東源指通州等處至此則為中江至今土人猶

有上江下江之稱漢言北江則江為南江可知此

因漢以見江江言中江則漢亦為中江可知此因
江以見漢互言之也曰東匯曰東為者謂漢自西
東流而匯為彭蠡又東流而為北江非謂漢之東
遷也何足疑哉

可考氐道之在鞏昌別無所見止憑漢志兩言之

然嶓冢山則在鞏昌之秦州此西漢原也西縣三

泉之嶓冢山則在漢中府沔縣即古金牛縣今金牛

峽也志云漢水所出山無可考但沔縣即魏嶓冢

縣或者後人誤以漢沔為一水以沔水出金牛峽

遂以金牛峽為嶓冢山因取以名縣實無是山也

語錄 卷二 十三

後世以漢出於沔縣者因此沔漢古今多以為一

水非也乃二水以沔出于西縣之嶓冢而漢又經

西縣而過合于沔先儒又不考氐道之實以為漢

水實出沔縣故誤以沔為漢武都為漢是漢水出

龍西郡流至鞏昌府成縣則屬武都郡矣非沔縣

也蓋鞏昌一府兼漢隴西武都天水二郡之地

漢水出陝西鞏昌府秦州嶓冢山為漾水東流至

西和縣即入武都上祿之地名為西漢水又東流

至成縣即武都郡治名六漢水折而稍西折而東

南入漢中府鳳縣過沔縣西別為潛又東合沔水

東流經本府洋縣流入湖廣襄陽府鄖縣至均州
為滄浪之水歷光化襄陽宜城荊州府荊門州潛
江縣至沔陽州過三筵至漢陽縣大別山南流合
岷江東至江西南康府星子縣匯澤為彭蠡東為
北江至南直隸通州入海彭蠡北江蔡傳疑之然
此正禹貢書法好處見江漢二水小大鈞敵不可
偏重一邊故雖已合流各導各水漢固江也江亦
漢也江漢既經彭蠡則彭蠡之水言匯亦可然此
先言漢則自當以為漢匯後言江則自當以江為
會匯江漢並流漢水原在北故曰北江漢在此既
言彭蠡為漢匯則江之來自當稱北會也曰中江
者上指漢陽等處下或澤也
充縣今岳州府慈利縣見九江巴陵縣今屬岳州
府

江水自四川成都府茂州岷山發源西南至威州
過汶川轉而東南至灌縣過金口至新津縣合皇
江水入叙州府宜賓縣與馬湖江合東北入瀘州
合江縣至瀘州東北入重慶府巴縣經涪州合州
黔江忠州入夔州府萬縣雲安奉節經瞿塘破入
湖廣荊州府歸州出硤歷夷陵宜都枝江公安石

語錄

卷二

廿四

語錄

卷二

廿五

首入沔陽州過雲夢入武昌府嘉魚縣經江夏縣
東會漢水南過武昌縣入岳州府巴陵縣過洞庭
湖東至武昌府咸寧縣東入江西九州府德化縣
入南康府星子縣過番陽湖入南直隸安慶府懷
寧縣入池州府東流縣北流又折而東歷李陽河
口梅根口銅陵縣東入太平府當塗縣入和州為
橫江入應天府上元江寧入揚州府經儀真縣歷
泰州經常州府江陰縣江南江陰江北泰州經蘇
州府常熟縣至揚州府通州入海江南常熟江北
通州

其始誤以金牛峽為嶓冢山因以名縣後人反以
嶓冢縣為漢水之證事之難辨有如此者
洪範占法事類以碁子定碁子全為事類而設詳
見下
先將事類寫定或一陽或二陽或三陽或一陰或
二陰或三陰雜陰雜陽或水或火或金或木土
先看斷詞
或六數或小數
次著數
次看筮得之畫或一陽或二陽或三陽或一陰或

次甲子

著定三陰三陽雜陰雜陽

華錄

卷二

廿六

亦多所對亦多吉凶無偏陽固有餘理也九固多
一陽也二三爲雜陽二爲雜陰主目

棋定三陽三陰雜陰雜陽

如陽畫一一爲一陽二二爲二陽三三爲三陽如

一二三二二三三二爲陽者九

如陰畫一一爲一陰二二爲二陰三三爲三陰如

一爲二陰 一三爲三陰 一一爲一陰 二二爲二

陰三爲一陰三爲二陰爲陰者九

如陰陽一畫之一之一之二之一之三之一之二

二二之三一三之二三之三謂之雜陰雜陽

或綱陽而日陰或綱陰而日陽凡爲純陰純陽者九綱綱陽目以陰爲雜陽綱陰目以陽爲雜陰

甲子定三陰三陽

本極有圖

著定行

一綱一目其標下數一六爲水二七爲火三八爲
木四九爲金中五爲土

事類定五行

一綱一目其棋子排下數一六爲水二七爲火三
八爲木四九爲金中五爲土

語錄

新

斗七

甲子定五行

本極有圖

定事類

如筮者欲年上占排定基子年是三陽則此事即屬三陽餘倣此看年上數是一或六即爲水餘倣

此月日時
隨人

五行上下取陰陽之數首目取數東西取

定吉凶

一以揲下畫占大數小數

一以棋子擲下雜取其八自上而下者三自西而

東者四筮者北而陰曰陰其畫上下皆陽為

純陽上下皆陰為純陰上陽下陰上陰下陽為雜

陰雜陽上分陰陽下主一二三數如一、陽畫是

一陽一二陽畫是二陽一三陽畫是三陽如三一

陰畫是一陰三二陰畫是二陰三三陰畫是三陰

餘做此如上一陽畫下一陰畫上一陰畫下一陽

畫為雜陰雜陽此事類分陰陽也其畫上下為一

六為水四九為火二七為金三八為木五為土此

事類分五行也

一以揲下數與事類其畫看如事類是一陽數亦

語錄 卷二 其

一陽大吉二陽三陽次吉事類是一陽數是一陰

大凶二陰三陰次凶如事類雜陰雜陽數亦雜陰

雜陽或純陰純陽皆不相對不相合通為雜論吉

凶參半如事類是火數是木為生大吉土為相次

吉水為尅大凶金為賊次凶水生木木生火火生

土土生金金生水水尅火火尅金金尅木木尅土

土尅水我生者為相我尅者為賊

一以甲子陰陽五行與事類看陰陽有合與不合

五行看生相尅賊

五看大數各以所占事定吉凶曰正吉不正則凶

矣曰靜吉動則凶矣無吉凶并行者在人消詳

一斷法有三名為三其實七古人占卜皆用三二

吉一凶斷以吉二凶一吉斷以凶三吉大吉三凶

大凶詞一也數分陰陽五行一也甲子分陰陽五

行一也共三數分陰陽五行純雜者三

正數者天地之正氣也其吉凶也確問數者天地

之間氣也其吉凶也雜

純陰純陽為正雜陰雜陽為間如事類三陽數亦

三陽大言數三陰大凶之類故曰確如事類雜陰

雜陽數亦雜陰雜陽或純陰純陽不相合未見吉

語錄 卷二 其

不相對未見凶從使事類相對相合而本數陰陽

已參差矣吉凶未定故曰雜

象以偶為用者也有應則吉數以奇為用者也有

對則凶

易卦陰陽正應則吉範數陰陽對則凶

對則凶

對則凶

對則凶

對則凶

對則凶

為一陽就是純陽乙巳為三陽就是雜陽

大抵此占主著與基子二事合事類即是合基子

京考直文法三百六十者六甲相乘自然之數也去

震兌坎離二至二分之爻為三百六十亦自然之數

也夫豈人為之私哉

一陽來復其一歲之首乎周之建子其得天元之正

乎上古甲子曆紀之始也其起元之首乎起於坎中

終於坎中一會之周也

五行生則造化發育之功具而十數由之生此數所

以止於十也天機至此而盡泄也宜乎萬物莫外於數也萬物

生於數而數本於五行

三百六十者天盤之定位乎至皆定於子乎三百

六十者爻之數也不足者若右轉也此與歷法不同

處天行過直爻歲少六

上元甲子數之紀也四百九十七年會之終也

上元之後歲之復也寒凝愈甚者可以識陽九之後

矣每六氣後餘一日三時五十八分有奇二十四氣

共五日三時歸于氣終

易用七八九六之數老變四十二餘則六四十八餘

則九九六變而運交少不變七八為十五居中而各

司其事自然之理也

水尅火土以制之則水不能害火生土土以泄之則

生意微金遇木為離木遇火為恩土勝木不能侵兩

土一木木反為恩火得水而既濟金得火而成從平

之功木得金而削棟梁之材水得土而生物生克制

泄恩離勝者吉凶平也京氏傳曰金之鄉土臨為父

母水之鄉火來嫌相敵此之謂也

初變者直主用也再變者制泄勝也三變者生克恩

讐也

克主者為大逆主克者為鬼賊

再變之於主比德者兄弟也雙克者大逆也子得母

而奪逆主遇賊而助逆母得子而制逆吉凶較矣

考當年之太歲莫逃乎生克

初變而主爻之用卦生再變而六十四卦定三變而

四千九十六卦備矣仍以直日之爻為主但非

三吉者是謂大同不同則從其兩

卦應支干應辭善

初變者直爻之用也如乾初一爻直日變

三變者太歲之用也於所變爻起甲子至當年太歲

卦初爻當年太歲是已即以太歲之用爻如得乾

月支干為月時又以定吉凶以甲子起太歲則支數至本
三占而吉凶決矣也用文支十太歲支干相生相剋生
相剋二也四千九十
六變之卦辭三也

水運七十二木運七十二火運七十二土運七十二
金運七十二水雖剋火直日用文在火運其災稍減
又在水運其災為甚水雖生水直日用文在土運其
福稍減又在水運其福全備

卦文正應者吉反對者凶復與始為正應復與天為
反對九居五為天恩六居二為地德九居四為天四
六居一為地陷

語錄

卷二

三二

傳曰定之以三占考之於三輔此之謂也

坎之中後十五文為初氣即冬坎之六文艮之九文

為二氣即小艮之十五文為三氣即大艮之十五文

為四氣即立艮之九文震之六文為五氣即雨震之

十五文為六氣即驚震之十五文為七氣即春震之

六文巽之九文為八氣即清巽之十五文為九氣即

雨巽之十五文為十氣即立巽之九文離之六文為

十一氣即小離之十五文為十二氣即芒離之十五

文為十三氣即夏離之六文坤之九文為十四氣即

暑坤之十五文為十五氣即六坤之十五文為十六

氣即立坤之九文兌之六文為十七氣即處兌之十

五文為十八氣即白兌之十五文為十九氣即秋兌

之六文乾之九文為二十氣即寒乾之十五文為二

十一氣即霜乾之十五文為二十二氣即立乾之九

文坎之六文為二十三氣即小坎之十五文為二十

四氣即大此止就六甲之數言之所謂歲有十二月

月有三十日一歲之常數正猶就月朔一歲三百五

十四日皆歲運之周一就甲一就朔也若論的數每

氣十五日零二十刻有奇

一運之終交代之期用靜可也獲恩德上吉三吉則

語錄

卷二

三二

行之坎離震兌之用四十二乾坤艮巽之用四十八

數盡則交

坎之用餘艮七十二外則陰土也坤亦陰也離之用

餘巽七十二外則陽土也乾亦陽也

弘治十七年十一月初一日子時甲子年甲子月甲

子日甲子時直文三百六十日

每年三百六十五日零三時六十八年行過三百四

十日三皆之積十七日是為一會不及三日一小會

也

七會四百七十六年

荊洛先生語錄卷之三

京氏易傳至百餘卷必其於四千九十六卦俱有所附五星衆星之經留順逆遲速守犯自開物以至閉物俱有定局若太乙數之式者惜無所考也姑億識之

京氏易若今星士之五星子平但二書論一人之休咎京氏論一世之休咎

天地間止一陽氣之流行自冬至至夏至則日升

自夏至至冬至則日降升於上則為溫為熱降於

下則為涼為寒陰是靜的物本寒其體也隨陽之

升降

卷三

升降為寒熱耳冬寒矣而地下則暖夏熱矣而地

下則寒夏至後氣降若何飛灰觀今風匣可知進

而吹固生風退而縮亦生風

焦氏四千九十六變孔氏之正傳也

京氏直交則以己意衍之也

先儒謂老氏以有無為二周子以有無為一非也

周子亦以有無為二有無為一朱子之正論也

予以至無而至有釋無極而太極亦回復也

天地間惟水為最先生自子運至午日長自未漸

消短東南始管水涯水漸落而地出故西北之地

先出地脈從靈樞入地脈東歸也脈方盛而人

物漸長天地之開也自西北始故天地之閉亦自

西北始

斗指日躔為六合

蘇秦亦識天下之勢不幸而不遇急於富貴而為

合從非其本見也初學既成知周室易與說周顯

王顯王不能用次知天下惟秦強可輔之霸而說

秦惠王惠王不能用然後說六國使合從非其本

心也卒之殺身使顯王用之則周之威令可復振

秦惠用之則秦可霸而身可全

語錄

卷三

知太虛即氣則無無此張子灼見道體之本然他

人所不能道太虛無極本非空寂只有形不形之

異耳三五是十五五三亦十五三五雖不同不過

皆十五但變易不同也形不形雖不同一氣也但

聚散不同也一動一靜一聚一散是謂參五變易

也

變惡之情同出於太虛此橫渠灼見性命之真故

敢為此言自孟子言性善之後諸儒不敢為此言

孟子言性善非謂性全無欲只以當時人皆說人

性無善故孟子言人性固有欲然萬善皆備於性

非謂全無欲也孟子嘗曰孩提之童無不知愛其親也及其長也無不敬其兄也以為性善之驗若果如此則愛親猶待孩提敬兄猶待長若一生下時便要食乳卧一汗濕則啼雖母就汗濕不能顧然則人之生欲在先乎善在先乎只為時人謂性中無善故孟子曰孩提知愛親長知敬兄皆自然之良無待於習可見人性中本也有善此孟子立言之旨也若謂止有善全無欲則以告子之辯豈不能以前理欲先後折孟子還肯默然而服哉行或末分有悔吝之防尚書洪範行曰卜五曰雨

語錄

卷二

三

曰霽曰蒙曰驛曰克占用二曰貞曰悔自夫子贊易之後卜書不傳占法見悔乃四千九十六卦之凡例六爻無動內卦為貞外卦為悔六爻有動遇卦為貞之卦為悔

五年一禘王者追祭太祖之所自出於太廟而以太祖配之也三年大祫合七廟祧廟之主於太祖之廟而祀之歲一時祫合七廟之主於太祖之廟而祀之四時各祭於七廟而各祀之皆天子之制也

七廟之禮決不可行止以商書七世之廟可以觀

德之文所謂七世之廟非七座廟也禮經諸侯去其七又遭秦人之焚漢儒附會而成至宋儒既不以身體又不以理察入不以時日計度遂議定以為不刊之典今大祭之禮一行須一二時若七廟畢一廟而後一廟出一廟而入一廟一日之間亦不能周是君臣上下終日不食則奔走登拜之勞暖又無食精神疲倦豈能堪乎若祭一二廟而食亦無是理也况古禮繁多今禮簡少不過十之二一日之間安能周乎若分日而祭古又無是禮鋪進設同几疑左右几一云交鬼神異於人故夫婦而同几求之或於室或於祊也此二段事同凡言神位室祊言祀神之所書成王歿設五席兼設平坐之坐先儒謂知神之在此乎在彼乎故兼設亦或室或祊之意也

語錄

卷三

四

天子因生以賜姓諸侯以字為謚蓋以尊統上卑統下之義天子尊故統乎上者諸侯卑故統乎下者上謂諸侯下謂大夫生是一方謚是一人祭祀用尸其義精深尸不能行也而易以土木之像像又不能行也而易之以畫影二者猶有用尸之義至宋儒謂影像與祖考無干專用木主不知

數寸之水與祖考有何相干也古人本主之設蓋以古人用尸皆以子弟為之高曾祖考無以分別故用主以識之今不用尸而獨用主正如今之鄉飲主介賓僕之帖獨有帖而無人也

古之坐即今之跪儀禮所載凡祭主至神位贊者曰坐是也

氣之性本虛而神虛字為無極字神字為太極字虛而神正是無極而太極氣是陰陽五行

詩言駿奔走在廟書言駿奔走執豆蓬所謂連如奔馬也禮之嚴如此故有子曰還從容夢為貴若

太從容則慢矣

在伍則抗而立在朝則俯而立

長裕不設正如孟子所謂心勿忘勿助長也言自益益人固貴不已其功然須優柔有漸間斷固不可急迫亦不可此為學之要法

易曰分陰分陽迭用柔剛只此二句撫世酬物之大權經綸勘定之妙用盡之矣雖黃石經亦有所遺分陽者以大臨小五霸是也分陰者以小事大勾踐事吳是也迭用柔剛者隨時消詳乘勢發機之用也君子握此安有敗事

冬至一歲正氣之首子之始也曆家截其中而用之子之前半尚屬去歲然復卦中無坤泰卦中無臨子月帶亥月之半寅月帶丑月之半天心安得無攷移哉

動有二靜惟一有大動有小動無小靜大靜也陽常有餘陰常不足故也

識時務者在俊傑孟子之時霸業一成霸業在威力桓公之時小國多桓公管仲恃其威力又行霸道衆小國皆服從雖有一二大國不得不從孟子之時七國勢均力敵雖有桓公管仲天下誰

肯服從惟王道則以德不以力無一也

鳶飛不是說鳶之道魚躍不是說魚之道是說天道化育流行也不但鳶飛魚躍是化育流行鳶之死魚之死亦是化育流行知此可謂知道矣

苑洛先生語錄卷之三終

乾元亨利貞乾字是伏羲的元亨利貞通文王繫的辭乾卦中有箇大通至正的道理故文王繫以元亨利貞之辭有四樣解說各不相關其一以卜筮言上古所傳朱子之本義是也其二大哉乾元雲行雨施乾道變化三節是說乾字是天元亨是春夏生長物利貞是秋冬收藏物如曰乾元亨利貞者天以春夏秋冬生長收藏萬物之謂也此以造化解也其三大明終始首出庶物二節是說乾字是三人之德元亨是聖人得位利貞是成天

卷四

下之洋友曰乾元亨利貞者以聖人之德在天子之位成天下之治之謂也此以聖人功業解也其四元者善之長也君子體仁長人君子行此四得三節是說乾是健元亨利貞是仁義禮智如曰乾元亨利貞者君子以健而行仁義禮智之謂也此又以君子之學解也其他倣此龍德而隱是有聖人之德而隱若伊呂之徒聖人樂則行之是他本欲見是之人今不見是而無悶如巢許之徒彼自忘世矣不必言無悶也若林和靖四皓隱士耳非龍德而隱也

剛健中正都在龍德上正中以時位言也庸言四句是龍德意德溥一句是正中意向非出潛離隱何以能化哉庸言庸行之信謹正見德之盛處蓋凡於朝廷宗廟及衆所觀聽之際信之謹之但有德者皆能至於尋常小言行非德之至純者鮮所不忽邪字指外物或指心之私以言行言之亦可邪乃誠之害也故開邪所以存其誠善字德字皆指上三句言溥是及人之溥指化而言

忠信是進德之本脩辭是居業之本朱子語錄所謂有比心方會進德是也知至至之就是進德知

卷四

至終之京是業蓋惟有此忠信之心而后能知至至之有此修辭之誠而后能知終終之止至字是理之極處下至字是求要到去那地位終是已到此修辭立誠地位下終字是守之悠久至是理之極處言終是就理之歸宿言其實一也但自理之至而言謂之至吾已到謂之終能知至而宗至則知之已真故能於念慮萌動處審其善惡而能存之能知終終之則行之已熟故能泛應曲當此心所欲言理節是能權而化也夫抵此文重進字蓋此退無恒便見欲進上下

不常便見欲上退不是自上而退是原所處本等之位進便是進不進只在原處地位上便是退蓋欲進而不能進便是進退無常也上下亦然

上即物類之同明聖人與人同類作而人親下又即物類以見聖人之所以作而人親者以其同類相從故也

無位無民尚可至於貴而無位高而無民尤為危道也如宋孝宗既禪光宗漢獻受制於強諸侯是也楚伯玉可謂賢不輔如陳平韓信英彭俱去而從漢

卷四

三

坤順者非順而又健順而健也蓋順而無一息之不順方為順而健固守其順者也若有一毫健焉則非健矣所以謂之坤有一毫之健即復卦也

乾曰元亨利貞坤曰元亨利牝馬之貞乾之時君子以正自持便了坤之時正固不可離然須和柔委曲方能行之此君子處治亂之道也處坤時便覺費力

坤厚載物德合無疆厚字指坤之德是化機之亨氣載物是物之亨也此無疆是乾之亨品物流形

者也含弘光大即厚德亦指化機說含弘言無處無之其含甚弘也光大是昭著於兩間其光甚大也如夏氣一動無處無之是含弘含字是容字不是含藏之含夏氣之熱是其光明著見而大也未說到物上到咸亨始到物矣

易道固當因時也要論自家材器坤之時本不可為也有直方大之德亦可為也商山四皓是六四之材只可隱處若不自量而出如酈生之徒殺身必矣蕭何張良有直方大之用也

上六龍戰陽雖衰猶龍也陰雖非龍盛則亦龍矣

卷四

四

胡稱龍戰或以龍只指陽言陰與陽戰也未見正義如臣之於君夷狄之於中國是也

餘慶餘殃起於一念之善不善弑君弑父由於一念之僭逆若堅冰之由於履霜也當臣子初萌僭逆皆逆之時就曲處之則可免禍若其勢已成而方辨之則禍立至如王莽司馬氏方其匿情求名及初握兵柄時處之何難直至平帝高貴鄉公時乃以晨星之從方欲奮於一戈其能免賈充鳩酒之禍哉辨之不早辨也不早辨尤不若不辨也當屯之時既有濟屯之才如何又不遽進理執當

如此也彼秦隋之亂極矣陳勝李密之徒既無亨也之才又不知未可遽進之義時未可而作從適足以殺身爲真主之驅除漢高祖唐太宗資濟也之才知其未可攸往也方且潛龍於砥礪晉陽之間待時而動天下一矣時乎時乎讀易君子尚其取之此興亡之幾也

建侯而不寧楚項王既分列諸侯自都彭城而驕得非建侯而寧者楚之亡也忽焉聖人之言可謂必應者矣可畏哉

君子經綸雲雷要見草昧意方見是也又要見未

卷四

五

通意經是摠其綱綸是分其目綱目備舉大小不遺方成濟屯之功漢萬日不舉經而未綸也

屯如運如屯是爲其所難運是遲回不進是蓋人有濟屯之才上亦有可爲之君而爲權幸所羈也然權幸初非有害我之意蓋欲以勢利籠絡納交於我耳但君子守正不爲所籠絡至於久而必通權幸之妄求者去而九五之明君合矣女子貞不字馬融之就梁冀班固之從竇憲可謂不守女子之貞者矣

屯其膏陽剛中正居尊有應本可爲者但爲坎體

身居陰中已既難爲六二才弱不足以濟既無人寧其化初九得民於下又有人阻其化此其所以終不能爲也如晉時簡文雖賢王謝之才本弱桓温又擅其權於下禮樂征伐其能以號天下乎

蒙亨斷作明者發蒙一邊說爲是本義乃占法也如比卦云若欲比人則亦以是而反觀之耳此認最明童蒙求我重明者自重不爲童蒙求教之切也筮者明則人當求我而暗者固有亨道也筮者暗則我當求人而暗者亦有亨道也利貞亦是筮者明則明者教暗當以正筮者暗亦是明者教暗

卷四

六

當以正也

利用刑人是立法要嚴用說極枯是把那用的刑罰寬步子蓋發蒙之道當嚴以督之然不可強其必能若有未通時徐徐待他自省若不管淺深逼着他時則反無益於蒙而我遂失了發蒙之道非吝而何吝是發蒙者之吝刑人是刑杖之人用是以治人也

治蒙過剛正是我擊蒙爲蒙寇害也取必太過攻治大深是害了蒙者故不當過嚴外誘是害了蒙者則當過嚴利不利只當不當耳

學以心言蓋人於當需之事雖勉以需之而心或有欲速者非需也故以孚為言言實心以需之也光亨亦是心中如此蓋人於事之當待者稍有所慕則急躁煩擾便不光明通達矣貞以事言若心能待凡謂所行又要俱合理不可非為是從言所行也不是為僥幸求進之事以進仕一事言此心待命畧無求仕之心然不可謂無求仕之心而所為全不致謹又於凡事都要守理不是不為求進之事也此卦於人之居常遇變安於知命居易盡性處說得委曲詳盡學者苟留心則平生無不足之事矣

卷四

七

入于穴敬以上是象終吉是占三陽有援人之力者本欲害已因其敬而反救已昔文天祥囚於金金使人監之天祥朝夕誠意待之久而反親指示南歸之途天祥遂脫難正合此爻也

室還是不遇聽訟之好人或曰五中正大人若何而又為不正耶主二而言則非正應矣易隨多取象正不可如此拘吉字只是室有通終凶者以訟不可成故也蓋終其訟不惟曲者凶而直者亦凶也

天與水運行天氣上行水勢下行故曰違行不是天在上水在下也

剛為險主正是險而從本欲訟然一則以有柔中之德一則以勢不可敵故不克訟彼非純德者但有柔中耳使其勢可敵彼亦敵之矣若更無言夢德時雖遇敵不可敵之人彼亦不量力而與之抗矣

或錫之鞶帶不義終字勝字俱主皆從剛字來因恃其剛故終其訟又取勝或字當玩義無理訟本不能取勝而或有勝焉非定理也如人告狀沒理

卷四

八

一時幸勝敵家却再告狀別斷過故曰三禱之師彖辭全以理言之卦中原無此意又一例也爻中本無律與否藏之意只據初爻為出師之始遂以理言出師之始當如此也與卦辭同

不寧方來后夫凶愚意一串觀本義中將字又字可見將者欲歸未歸也蓋未歸亦不安思欲歸之即歸之則可矣中間又有疑辭而不歸則凶后夫即不寧者也如后漢隗囂幾欲歸光武所謂不寧方來者何乃又遲疑而不往故終誅死實融不寧即來矣封侯永世不亦宜乎

比之匪人不亦傷乎士君子寧孤立無助不失身於可賤之人古之人如班固之於竇憲蔡邕之於董卓柳子厚之於王叔文是可傷也若夫卑卑小輩何足以爲傷乎近時如張西麓欲依劉瑾以行其志遂至殺身亡家可傷之甚也若夫楊遇石文義之徒人皆快之矣何足以爲傷乎

畜未極而施未行不指陰說是言所畜者小之義別在人事上取一象蓋言君子當群小見沮之時雖可亨然終不能大有所爲如李綱見沮於江黃雖未能便退以李綱終爲他打擾終亦不成大事

山錄

卷四

九

紂雖不能殺文王是文王尚可亨然終不能立德於天下到後來畜極則三分有二可遠施矣

陽本是在上的今欲復進而上然其進而上也由乎正道而進自由也道者進之具也復不是復於道是復其上位由道而復也无咎是進得好吉是進而無沮

輿說輻夫妻反目說盡小人之情狀古人所謂其暫爲朋者僞也蓋本諸此

有孚血去惕出无咎此不以小人畜君子言亦不憂弱的人只在勢弱位卑耳有孚是有孚順待

正虛巽者誠實而無虛假也二陽助之亨之所感也體字是外對中而言皆爻義占在外柔順得正虛中巽體二陽助之是有孚之象陰本不能畜陽是血惕之象然能柔順得正虛中巽體二陽助之而能畜陽是血去惕出之象无咎宜矣

還是小人極盛朋黨固結分布天下勢成事就之時尚德載正是非一朝一夕之故此爻如曹操武后之流荀彧周來之輩所謂征凶者也陰陽相克是爲雨而言非是君子與小人和也月幾望是象以陰勝爲貞然加於陽則不可故厲君子陽也故

山錄

卷四

十

往則凶俱指占者既雨既處是盛尚德載是畜極去與上畜未極而施未行對

履有所躡而進之義也伏羲以此卦以柔履剛是能盡履危之道而不可不見傷爲可進有躡而進之之義故名其爲履文王係辭亦只就伏羲名卦之義即卦德以著其象言以和悅躡剛強之後則雖履危而不見傷爲可進故本義不別解卦名只於和悅以躡剛強之後有履虎尾而不見傷之象故名卦爲履以見卦爲履者以其和悅以躡剛強雖履危而不見傷之象之義也如訟卦伏義名卦之

義以上剛下險內險外健已險彼健而文王係辭
即取是象望陽之義是名卦與係辭之義不同故
本義別解之先解卦所以爲訟而後係辭之意此
則伏義名卦與文王係辭只一義故認解之至其
占亦只是此義故云而占如是也

眇能視至啞人一串說是不以和悅履剛強取象
雖不一然皆本於不中不正才柔而志剛來也柔
而志剛貼武人爲大君是帶說柔而志剛爲大君
必定肆暴非是爲武者使才弱而志剛是才弱志
剛的喚作武人若才剛志剛則爲名將矣

詩錄

朱

十一

無平不陂泰將極而去也不往不復否去父而來
也艱貞艱是思慮貞是施爲食時亨意如食舊德
之食不往不復上是天運不能無艱貞以下是
人事所爲此是保泰而得其效也

否之匪人是爻義下二句方是占貞正是泰之九
二爻中行之道也君不君臣不臣便非人道大往
小來是言不利君子貞之故

榮寧是加字此非君子輕祿人不能用也蓋君子
歛其德人不知爲君子自不得以祿加之如漢龔
遂非歛德者爲王莽逼迫而死是可以加之以祿

否傾固天運如此還因君子有陽剛之德於
下大亂非高光之才不能定也

曠遠無私只是這裏也同那裏也同不偏厚在一
邊於人無彼此是所同者無私非所同之事無私
也未可說到天下一家中國一人上享與利涉
從于野上來利涉上又添以健而行的意利涉是
遇難而亨君子貞只發明于野之意利字只是復
說亨利涉之意象則所謂未有大同於物不正者
不正則自不能大同

詩錄

朱

十一

同人之初未有私主言其時无私蓋數十人來相
與初見之時未有厚薄不但人之公者能然雖私
之人初見人時何厚薄之分至於處之既久公者
則但無厚薄私者則漸有厚薄不同矣以剛在下
則其德無私也上無係應又無邪人在彼來誘我
也同人于門只是同人無私之象然此止說無私
意未說到曠遠也

陽爲大有五陽故爲大有健明是德居尊是位時
行是治治即德之發用處大有只是天下皆在照
臨之中而乾健離明居尊應天以得元亨者則治

天下之道與其效也

無交害匪咎是交義艱則無咎是戒占初九本為五之大有此則亦為當大有之人大有者也交害只是富則易驕多有而吾生凡事又則有失而害生事之初未有失也故不涉害

大車是剛中之象載是應上之象有才德為上信任也有大車而不以載則公車徒空耳未說到勝重上載字重有物得用上不重勝重細詳自見有所往而如是兼剛中得應上无咎則勝任而免責矣

語錄

卷四

十一

內止是其心抑止而無發揚之意猶厭著其有不外見也亨是行得去人不阻抑拂亂有終是邪所有始雖晦而不彰終自著聞不可掩非是亨又有終也亨是眼前終是后面事內無驕心外無驕行矣

在上能謙從六五來不富從六五來鄰從五陽來不富不是在上能謙在上能謙在不富之上層惟其在上能謙所以能不富以其鄰利用侵伐雖是所當伐者亦本於謙而得衆來未謙而得衆所以侵伐能勝不然雖有所當伐亦不能勝是不但

征伐也凡事皆利德字從不富之象來利用二句則占也

和樂應上是豫之二義順以動是所以致豫之由也卦辭中以順動含仁應蓋能順動則自然和應矣俱在利字上

蓋合也簪聚也速也聚而合之又速也由字上已有潤澤的意蓋因有澤及人故人悅樂然又必盡誠以來天下之賢為之輔助斯可保此和樂於無窮也朋來一句順動之意但上之順動所以致和樂也此之順動所以保和樂也順動一也用有不

語錄

卷四

十四

同耳天下皆和樂故為大有得

此重物隨已上剛柔以柔為已而剛為物彼此以此為已而彼為物言固有主賓也已能隨物二句不平因已能隨物故物來隨已然何以見其能隨物處陰自能感陽動自能獲應元亨推開去指所為無礙也大九人輔者多則事易行然有無咎之亨有有咎之亨如亂臣十人之在周故凡制禮作樂刑罰討罪沛然施行無不隨意宋朝王安石引用蔡章之徒充塞朝廷當時一時所為誰敢阻滯然非大無極矣

隨有獲此父郭子儀可以當之貞字是得民之正自是盡臣職耳非如田富厚施於國暗邀人心者也然亦由上之所甚思莫過於大臣之得人心謂其附彼而離我也昔宋太宗於真宗之立不喜曰人心遽屬太子置朕何地父子之間猶然凶危可畏哉

艮巽非蠱乃所以致成蠱也

陽剛字要玩是有用世之才德者也若止不事王侯而不高尚其事猖狂於天下如竹林七賢之徒亦不足貴也

語錄

卷四

十五

臨此卦之意蓋言當陽長之時固大通利正然待其長盛一或不謹自此以往亨者不亨而正者不得遂矣唐之五王宋元祐諸賢似之八月是自子十一月至未八月也剛長中亦有以義剛非貞而何體德中亦有元亨義其善如此自可大通知何以爲大君之宜蓋以一事曰爲之猶之可也大君以一人之身揔萬幾之衆是不可任人乎中庸曰舜之所以爲大智者以其不自用而取諸人也與此同

九五居上言有觀之位內順外巽言有觀之德夫

有位而無德則固無以觀天下有德而無位則亦不能以觀天下此觀之意順巽就是中正致其繁清四句是不敢輕易舉動凡有所爲熟思審處也孚是示天下之孚顯若是爲人所仰揔是一箇觀字有孚顯若是君身可爲人仰而人亦仰之也示者仰者皆中正也

觀我生進退如濠雕開吾斯之未能信則不仕是也此謂可進可退之時若決不可進之時雖通亦不進矣此時不是特世之時乃所遇之時如孔子當大亂之世可以進則進是也

語錄

卷四

十六

亨字泛說不指折獄言既亨又利於折獄也正如謙之六五利用侵伐又無不利也噬嗑伏義本意只是去其阻塞則合文王以太通明之折獄是六王卦中又指出一事而言後周公六爻皆以折獄言之非伏義名卦即以獄爲主也非如訟卦本爲訟也亨字斷不可用折獄說是非未辨而有爭物之間也是非既明則合矣得黃金黃字亦從五來厲是操心危已當還恐未當惟恐其或差也作危殆者非是貴亨通則通矣而所通者小何也有文可通無本

故小彼往亨亦在肯道發揮陽本能行而內又離
明故亨陰本不能行又艮止於外以得剛文故小
利有攸往不能行於外也

敦本尚質從柔中來得貴之道從爲貴之主來貴
文也如何本實爲得貴之道本實乃貴之主也東
帛多爻即形容那丘園之狀也敦本爲質自其陰
性吝嗇言東帛多爻雖是得貴之道然却薄小蓋
因其性之吝嗇做出本實薄小之事然是貴之主
但分兩下耳多爻又狀那東帛也此丘園之象正
論語所謂先進於禮樂野人也

語錄

卷四

十七

以害人寵無不利利是有貴人以為之主故凡事
順遂或以其行已也恭其事上也敬其爲已也順
其爲人也忠此是講无咎非利字意

得輿剝廬是象占具其中得輿在五陰在下承一
陽取象剝在一陽在上五陰欲覆取象剝廬者小
人本賴君子以安也今衆小人把君子都剝落了
到那禍亂既成小人自家亦不能保是自剝其廬
矣自古如漢唐宦官把那君子都殺盡到了宋紹
朱溫來時盡行誅族豈非自剝其廬乎狄仁傑在

武王正似頌

全從剝來至坤則陽氣已萌不顯耳亦
見天地消息之機聖人知幾之神也方剝之
時陰方盛而尚隔純坤然復之陽已根於此矣正
與剝之上九本義所謂剝未盡陽復生相表裏
不後本於六來終迷本於上來復終則爲姤矣其
能復乎案指天說如星辰晝見水旱不時之類在
一人則如疾病之類皆指人說如盜賊弑奪之類
在一人則如獄訟之類此文義是以一人說行師
非真用師是言其凶之大也十年不克征則又終
凶矣

語錄

卷四

十八

无妄九五遠人稍有不恭便欲近攻遠討非勿藥
也必如周公之於殷民夏禹之於有苗然後爲物
藥也或以上下相交言言其相信之深或有讒譖
之至勿辨蓋相信之深讒譖之言必不入若辨之
則多事矣胡以嫌疑小生不必執則太非既相
信又何足嫌疑有嫌疑又何以爲无妄之至耶
健極則難畜畜極則當變而不畜故通極而通一
句摠承上三句來譬以堤障水到那水滿時堤固
不能障水亦自溢是所以畜之者與爲所畜者皆
極矣故通三句而畜相畜俱進重三三隨上而

進良馬只指三說艱貞與獨四字平說然艱貞乃所以行與衛之道也與是致用之具治平之法是也獨是自防之術如左右近幸指吾為非及奸人緣法作弊險小之人求吾之失而致譖皆思所以防之者如何與乃治之法備乃法之防渙有了如此本事方可居官如良馬之逐也利有攸往即良馬之逐也所以艱貞習閑者只是為三過剛進銳來非為九不可防也

觀頤二句不是正之實是考其正與不正也求字鮮作考字慎言語飲食只是養德養身之急務

語錄

卷四

九

觀頤口實所包者潤不止二者而已節飲食可取鄉黨夫子飲食之節

此是人初能自守而終遂改節者如漢之紀唐始以清脩著名後仕王莽及光武起而得罪矣爾指初九我指四朵頤亦指初謂初見四而朵頤也大過不是剛過亦不是中強之弊本末之弱只是有非常之變而太於常之時棟撓是當事變之時無非常之才事必敗如漢之竇武何進之去宦宜子之之讓國趙括之為將皆是剛過只是去其過而就中是其才可以濟太過如周公伊尹霍光

之夷幼主湯武之征伐皆能濟事而成功蓋謂行權者言也

大抵此爻言剛柔得中剛可濟過偏於柔則不可濟過兩意也得中可爻以陽居陰來至於柔以爻以陽居陰已中了又應之於陰則過於陰矣大抵常有變之時過於柔過於剛俱不可只要得中隆是其才可當太事吉是事成了

水最是能陷而險者陽陷於陰如物沉於水險可知矣人最易外為若無事內藏禍心為險陷若外面有夢機絨發露猶可測度故內實外虛為陷險

語錄

卷四

二十

之義也

初六以陰柔居重險之下陰柔既非濟險之才又居重險之下則其勢又難于自免其象則為習坎而入于坎窞矣自習坎而入于坎窞也以六三言之入于坎窞不言習坎例之可見窞者坎中之小穴乃險中之陰可見是險中又險無可出之理矣凡言坎者猶有可濟之理入于坎窞終無可出之理矣

此只是麗附之麗无明義其象為火體陰用陽正是說附益火是陰體附陽為用不是說火明何也

下彖辭無明之義也。或曰：麗字兼附與明陰麗于陽是附之義。其象爲人是明之義。下彖亦有重明字眼。

金是常用之物。大耋之嗟是取象言當將衰之際。愁悶不能自遣。也不止爲嗟耋。且將死言人於盛極而衰之際。不能自處。則凶如履氏既收兵權之後。乃不達金樂之理。兄弟相對而泣。所謂大耋之嗟也。遂滅其族。又常見當世之貴人。一被淪棄。不勝其憂。多至亡身。或不勝其戚戚之心。寄情於神仙。盃酒之間。往往敗名破業。皆所謂凶也。嗟夫士

詩錄

卷四

二十一

君子當其未遇之時。因嘗困窮拂逆矣。及其既陳華要而被罷遣。是固吾偶得之常耳。乃往往不能自安。名爲達人。太觀者亦不能不動於中矣。夫惟孟子貧賤不移難矣哉。吾知免夫是矣。

取女是卦中取出最大一事。別言之。蓋所感之。正在夫婦尤爲甚重。苟合淫奔者。其能爲終身之托。而成其家乎。故特指而言之。取女要本於正來。如得其時。待其求之類。亨始之正得亨。又要利貞。以保之。朱子云。然不以貞則失其亨。可見必正而亨。非正者无亨也。

二在那卦之第二爻。正似腓之在膝下。足上此是那性躁急不常之人。而却知道義无害。毒的然感。人之道已之於人。固不可以是而自處。人之於我。與其得已。蜜腹劍之人。不若得是人而緩急猶可恃也。

咸股是執隨之象。執隨是咸股之正義。往不是隨。是以此隨道而往。以利勢感人也。如衆人好利。即亦從而好。與人相交。皆以利不以義。是也。股之取象。有兩義。三當之處。又隨足而動。如三隨二初而動也。執其隨。只是於三在二初上。取義九字上。亦有

詩錄

卷四

二十二

夢意思言是能靜爲陰所移。九三宜靜而動。爲可羞。如王莽時。群臣爭獻符瑞者。此不足怪。楊雄爲世名儒。乃亦美新。其爲莽大夫。乃爲可耻。

此恒字却以尋常言。非以常久言也。尋常對異而言。常久對暫而言。然未有不尋常而能常久者也。震上巽下。便是理之常。若陽下陰上。便是陰陽易位。大變也有雷便有風。是常理二體以震巽剛柔相應。言六爻以三陰三陽相應。言剛柔相應是天。下之常不應則變。莫大焉。後是深求恒是常理言之。力之進諫孔融。

不可求一則已不度力一則已好求

只是人之所為不得其道所以雖久

王治天下其道在任賢却乃自親政事

雖自夜不休亦不能給雖百年何益右

王安石之為相是也此只是箇不會幹事的

三字要分明是陽退而避陰也蓋惟六五

之後陰漸來陽漸去便是陽退避陰也後尾從

初來初以上下言之則在一卦之下故曰後晦處

是檢德韜光意靜俟如伯夷若海濱待天下之清

也遯尾是在位者退之不早勿用是占者當其時

當不可進也指未仕者言

陽剛則操介嚴守確卦外則本事外之人未嘗出

仕無係無應則非外物所能動者故有肥遯之象

自由自在何不利之有嘉遯在己處之雖好然還

有羣着時如羣勝之屬嘉遯是在位者張子方似

之肥遯是原不曾在位四皓以之

是于卦體上取了羊之象六五上取了喪之象
卦體為壯如羊也六五不能壯是喪羊也柔則退
縮不敢進中則自守不欲進此正如漢之石慶當
夫東方朔張湯諸人爭名効進之時而能醇謹自
守雖失了為相之道然却得善終

明出地上言萬邦皆文明之化也文明是明字意

萬邦是地之意順而麗乎大明重順字大明字輕

是言有如此德以附乎君順是恭順守王度遵侯

職而階越之無有也柔進而上行只是說以謙恭

禮下之德居乎尊位柔是謙恭溫和無剛強驕亢

之意安國指天子之國

吉只是進福就是吉也王母占中假象享先妣是

說占法非以此為祭祀說也不可以錫馬三接為

福蓋彼是功臣受此褒寵此是仕之初耳只是居

天位而食天祿也

艱貞只是晦明蓋人於患難之時盡將那些心肝

之氣晦而不露若愚人相似而中之忠貞並未嘗

泯沒重在不用其明上上是明夷之時下是處明

夷之道

初遠於五是君子見傷去而志不得伸去字象飛

志不得伸象見傷垂翼初九象君子君子如鳥見傷從卦來要見因明而見傷如弼正建明之類因明見傷也主字作活字看主於人有言非主人也如孔子在陳絕糧孟子去梁適齊而齊王又託疾召孟子所如不合是也于行主去此國言攸往主往彼國言飛而垂翼正如孟子去齊不豫也

利女貞正是刑于寡妻之意蓋必能刑于寡妻而后可為父子兄弟之法也是必然之理家人指男女男女潤凡一家之中為夫者父兄弟子姪之屬皆男也為女者母妻兄弟子婦皆女也故曰一家

語錄

卷四

三十五

之六

此正是男正乎外重九五上蓋以九五有是德而得賢妃之助玉假有家是家齊矣由是不必憂而天下平正是外正也然正外必本於正內王假有家是內正吉是外无不俱是占假字只是齊之意指中正而言此是家齊國治天下平的道理天之所命為性心之所懷為志性字志字當分曉歸是之子于歸之歸指女子之嫁而言也中女少女歸至夫家各不同愛

遇主於巷與納約自牖不同牖是就其所明而通

之巷是君臣之情不通不聽其言正道不得行由他而往期欲君心改悟而已如張良召四皓以安惠帝是也

此爻象占通不在本爻取只在承乘有應之爻取義因處於二陽之間故有曳掣之象又從睽上取上九猜狠之象睽字從卦來天剽即猜狠之假象非猜狠之外又有髮剽也髮剽皆刑髮是剽其髮剽是剽其鼻因九上陽剛為正應故有有終之占使非陽剛正應則終不得合矣

不言吉者蓋有可濟之理尚未濟也本義居尊貼

語錄

卷四

三十六

大蹇剛健中正貼朋來

大人據九五爻當兼德位來碩是爻義利見是曉占者二句一意上六只是說天下大亂无所之正所謂茫茫四海皆魚鱉何處堪容魯仲連滔滔者天下皆是也鄧仲華杖策以見光武曰願攀鱗附翼効尺寸之功垂芳名於竹簡耳來碩之意也當時天下皆亂赤眉銅馬王郎公孫之輩紛紛寇攘何所之乎只得從光武也

言天下之難既解若果盡平也則安靜之若猶有未平也則卑為之不早往則患將萌民被其害不

早來則讓民不休

負且乘不是正義是假象之是不勝其位尸位可羞正所謂不稱其位而有愧於心是也非指失位為羞致寇至中已有失位之意貞是位之得雖不是自己攀附權倖諂佞人主營求而得乃出于公朝之薦人君之命然不勝其位自可羞古之人如殷浩楊瑀王安石之流皆是滿朝薦舉人君屢聘而起然皆負乘矣亦循資守分而進及居位不稱只是容默保位而已非負乘而何意與六四同或以鄧通為言通還是不正

語錄

卷四

三

損益二卦以主賓看來以君為主則損之為義損乎君也益之為義益乎君也以下與內為民上與外為君朱子云剥民奉君所以為損此言當玩味蓋以損指君也

有孚還是損下是出於不得已有征伐工役之興於常制之外取之然是實不得已非假之為剝削計也

酌損之是盡言當論其淺深損是盡已之忠陳東歐陽徹忠則忠矣酌損之義則未盡也

細看來卦體有二意損上初畫益下初畫是就二

體兩文一益一損對待言自上卦下卦是以二體上下之位自上而下一直言之前則是損已益民後則言惠自己及民也諸家通作惠自上而及下失損益之本旨矣

元是所為之事合理吉是事功成无咎蓋以位卑言高宜有咎然大善而吉有以報乎君恩故無咎非以盡職為无咎此見臣子職分為難盡又不可不為大事為大事却又有出位之失必元吉可免也此正如陸贄之于德宗雖不在相位者遇則厚矣

語錄

卷四

三

朱子云决之而已言易也如以鉞去物一决而已揚于王庭使小人之罪明乎號其類使君子之朋合尚有危厲知其奸深術巧不可以其勢衰而忽之也告自邑以理勝也不利即戎不以力爭也戎即是不可恃其同類之多還當以理勝之告自邑二句又言正去邪之本非是因危而防彼按隙也言不可專恃其力又當以理為本也

壯于前趾往不勝於初字上取趾下位之義也於九字上取壯于前趾於决陰之義也决義從卦上求雖是君位决之也决其决之也

故陰雖弱亦不能勝不勝者一則在下位一則壯故也

始遇也好個遇字聖人下的如此有意蓋是那方盛之時忽一箇敗壞之事萌動乃心之所甚不意料而至者人所深不願見者也故曰遇其慨恨不願見之意蓋于言表聖人多少扶陽抑陰之意壯字不是言陰漸盛只是不正遇而偶合固已非正已壯矣一陰五陽則壯之甚者也壯字在遇字與一陰五陽上取出非以其漸盛也為陽之害只是淫亂使為夫家之禍

卷四

子九

九五

以杞包瓜此正如唐文宗時候宦官盈朝若于此時生出箇剛健中正之君來倘不量其淺深就欲誅戮鮮有不致敗者必靜以制之則彼之首惡若有死亡或有可乘之隙然後乘之則可勝矣自天而降言忽然而來也如當時逐瑾權勢熾灼人皆以為無可奈何于八月十三日忽然就擒誠如天降也唐憲宗漢質帝只為不合章俱不保身唐宣宗隱德于潛龍之際後為天子閉目揮手不敢一問宦官豈其心一日有忘哉知其無可奈何姑俟之耳但未能成有險之功也謂之靜以制之

則亦非拱手聽其自來然中間自修于已時觀其隙以圖其機者未嘗頃刻有忘但不露泄耳木包瓜瓜爛而木存正如含章有隕自天也

坤順兌說九五剛中而二應之是乃萬物萃聚之象也蓋卦德中有彼此之聚卦體中有上下之聚澤地中有草木鱗甲之聚摠為萬物萃聚之象

六二引吉觀本義雜字選以二陰為小人小人豈可引而用之乎則牽引是二附五也蓋為二陰所隔不得即萃必牽引而後萃也虛中誠實皆是萃虛則無物無他詐偽者是實性理諸儒有明說字

字指

卷四

子

字指卜祭者言虛中誠實俱在爻上孚之形也禴祭是薄的非是就用禴祭只象薄物亦可祭升字全重自下卦進至上卦又要見時之義見得在下卦之上當進也巽順是有可進之具有應是有可進之機故進而大通不然進不得通矣見大人南征一意但自見天子言為見大人自從下而欲上進則為南征勿恤是得了祿位有慶意言是其道大行志行意俱是元亨之實

陰則惟務升而不顧理并極則一惟升是務而不止者也不息不指正是人之用功蔡氏云宜字是

據上六才曾言也利于不息之貞是為占者說
變化之道也是變易以從道也書曰惟狂克念作
聖君子為善惟日不足小人為不善亦惟日不足
冥冥與不息之貞之謂也冥升汲汲于外者也不
息者汲汲于內者也知利於不息之貞則知冥升
之不利矣

酒食指祿朱紱指恩寵俱是取象當困之時當此
大位重責憂危不安是為富貴所困也

惟困于石據于蒺藜則有不見其妻之禍不見其
妻是名辱身危死至家敗之象凶字就是上文言

語錄

卷四

三十一

占者當困之時困于石據于蒺藜則有不見其妻
之凶困據亦本陰柔不中正來上本三之應也故
有不見其妻之象困于石就不可為之事言如字

翻鄭注之去官官是也

此辭於卦德卦體卦變卦之俱無所取只從井之

來井井不妄能及物上只說隨他汲水

而升固只是此升也

不必以首句為井之

是說人事仍舊而不

能守其舊而中陰

以六字取井泥舊井之義於初字取不食无禽之

義蓋井泥則人不汲不汲則人不食人不食則禽

亦不顧矣此蓋行之汙下為時所棄者无禽甚言

其為時所棄也因人不食故井上无水而禽亦不

食水乾火滅皆變革之義二女本相親而志不同

亦變革之義在事則弊極當更變董子所謂更化

則善治是也此大畧與睽同然睽之水火不過上

下不同情耳革水滅火火燃水相害矣睽之二女

不過心所懷各別耳革則以長少失序則為雙嬖嬖

矣故為革

語錄

卷四

三十二

大人虎變是兩樣變一是自新使民皆變自新處

常之大人堯舜是也一是順天應人把天命變了

處變之大人湯武是也虎方夏之時七希到秋來

變的毡好此於五上取大人之象九五上取虎變

之象愚意只作革命言自新新民之極了遂順天

應八天命由諸侯而為天子自百里而有天下為

是

元吉就人主上說當潤說或只指凝命或只指善

皆太狹鼎亦有善之意須火土木下為鼎試看

龜中之火皆木下而火大木上火下非鼎也蓋
是煮鉉有調和之意論語解鉉字為烹調生熟之
節也

九四象大臣任重如鼎之重也應初六象大臣任
小人鼎之折足也必誤國害民如鼎實之覆也亦
由鼎折足四應取象也刑渥於鼎上無取亦因上
爻義而來不勝任只指用小人蓋大臣之職正極
用人因此致餽覆本義自明

耳象君從五居尊象君有中德從五居中來
耳虛能受鉉之貫又象君能虛已下賢從六字來

六陰故虛也於應爻九二上取賢者有德之義鉉
指賢者金則有德也耳之黃君之有德賢虛已下
賢者也

震之為動重一始字蓋忽然一陽生是非常之變
忽然而來為可驚也亨亦是占辭下四句是震所
以亨之實震有亨道者以震來能恐懼故也笑言
亞亞是鉉福假象非真笑也乃占中之象不來之
聲意以為只是象不失其常如坎之心亨言當
大變之來而此心之主不為之挫所謂威武不能

失其常

此乃見人而自省者正如秦攻韓而趙魏自為之
備不能救韓言是鄰怨蓋上之力量救不得人非
坐視也未及身不是全无震震未及身耳二震字
亦本卦來皆指事變

艮其背是箇頭腦處然艮其背則不獲其身艮其
背不獲其身則行其庭不見其人矣一層一層疊
下來身動背乃止而不隨身動此不有其身之義
人之一於理而不顧其身正猶背之止不隨身而
動也以身為靜以人為動靜主靜止於理亦靜之

義也動靜皆主於理之所止而不動於欲故為主
靜此文王借伏羲卦名為義如履虎尾也蔡子曰
人必能止於所當止之地則於身之利害得喪不
暇恤矣是艮其背不獲其身也夫既能於所當止
而不獲其身則於人之是非予奪不暇恤矣是雖
行其庭而不見其人也蓋庭乃往來所由正有人
之地也

此文主君說列其寅象中之象蓋心是其病勢則
海將攻心矣所謂病入膏肓是也於三在上卦不
卦之間取限象其義則上下之間也於過剛小

取其限象其義則上下之情不通也如此敗亡之禍將及也如人之病勢攻心將死矣

止則不妄進人惟不能少止也故進之急不以漸止自能漸進異自能循序止異中俱有漸之義其進以漸亦指六二謂由初二也盤不是位安而可保是居是位而心安不當得而得之便居到大位上也不妄也與飲食衍衍同飲食指鴻取象者非二也吉只從祿位可永上說盤衍有二意一則本於得君而有功從爻之柔順中正應九五來一則由于漸進非躐居要地者從爻漸進來

語錄

卷四

三五

歸妹二字就合不正之義長女相從非以年配年固不正以說動相從非以德配德亦不正故曰皆不正往指女之初嫁之時无攸利則歸以後事也重女而男從之則皆凶而不利也以卦名歸妹故重女不正從女起端而男從之則亦非正矣位不當柔乘剛還分貼

明以動致豐之道宜中者保豐之道蓋王者當豐大之時易至於不中而恃其承平之盛多至有所興作改其常度或征伐之舉或土木之功此常情也皆不能中常而為過盛之為者也故戒曰宜日

中

无咎只就明動相資上說明動皆無偏而有用就是無咎只指初言四之動有所用雖指四亦初之无咎也以初為主此是同僚事非君臣也不必用上下字入講正如漢相丙魏丙以寬濟魏之嚴唐相房杜房善謀杜善斷以此相濟是也

火在山上是火去其所止矣火往上行便是去其止為旅旅之亨與吉大抵相似真字細玩故自有其正還是旅時正道即所謂中外順剛艮止離明是也

語錄

卷四

三五

始亡一矢終得譽命正射雉之意此爻雖曰有柔順得中文明三意大抵重文明字蓋為離之主曰柔順曰得中皆文明柔順文明得中只體貼箇射雉譽命耳蓋人之為旅雖有大德一時人皆不知不加敬重至於久之則人皆知之矣豈不有譽命乎正如射雉者雖亡一矢而可得雉也射雉為際亨嘉文明之運一矢亡為立功名者未免勞心經綸得譽命為能建功立事

小亨從以陰為主說利有攸往以初四從二三五上說利見大人以初四從九五說各有所主

獲三品是說反得陽之助不徒助而多助如田獲三品也是假象與史巫紛若同

六四陰柔无應承乘皆剛是以柔弱之人遇剛強之人本為難處有悔者也然以柔則用柔居上之下則能謙是以能處而悔可亡又不但悔亡也反得陽之助其助也不特一事之助而事事之皆助不特一時之助而時時之皆助有如田者獲三品之禽獸可以實乾豆可以奉賓客可以充庖厨也占田者得之則吉矣

兌誠信說而亨說字在我上說不指人之說蓋以

語錄

卷四

三十七

誠信為說之道則人說矣故亨大抵人之和說者易至於詭隨而無特立之操故又戒以利貞剛在中故曰中柔在上故曰外

爻中原无亨剝之意文本是不信讒邪之人但因爻設戒耳五雖不信邪而不可不戒如舜豈傲虐者而益戒之是也蔡子云剝謂陰能剝陽也蓋陰柔小人內則蠱惑人之心志外則蠱喪人之德業何剝如之剝之一字旨哉

亨假廟利涉三句平看剛來而得中六往居三得九之位而同四固不假於假廟利涉也亨是濟天

下之渙假廟是濟祖考之渙利涉一已之渙大川是至危難險危之際非指濟民之難也利貞總承說

於初字上取渙之始六則非濟渙之才上承九二則能用壯馬壯馬只是拯速而着力當渙之初即拯而拯之又力拯字壯馬字俱從九二來

澤是水之止者其容有限江河則流通故納百川而不溢言有限正見多則溢亨是節可行言二五即知其得中矣節有兩義有數度之節藏省樽節之謂有德行之節節義之節所謂清風高節者也且如用度固有節度然藏省大甚則有燕享軍需之興將何以備所謂大貉小貉者人之行已固當以節義為重然大甚如仲子中屠豈可為常法也故曰不可貞

語錄

卷四

三十八

初是時不可出陽剛得正則能因時而自守不出矣使非陽剛得正則雖時未可出亦出如湯時出于靖康之間是也

中虛自其欲之不擾言中實自其理之無間言一也誠感豚魚則人無不感故曰吉士字與利字對貞是言所感所濟又要貞蓋世固有不正而感人

如男女之相說至死而甘心者亦有不貞而濟難如人之賄賂勢要以脫禍者所謂行險以僥倖是也

大意本爻應爻俱不善故有此象上九位之窮則反無位不能常三陰柔不中既無獨斷之才又居說之極性好順從乎人故上九無常也六三亦從之而或鼓或罷或泣或歌之無常正如俗所謂無主張之人隨人言隨人語隨人笑隨人哭之謂上九本是無常的六三從之亦無常

亨是陰亨陰本無致亨之理但以其朋比衆多凡

語錄

卷四

三九

有事扶持輔翼者多故可亨如那司馬懿王莽之徒豈不亦能亨者但未正耳夫陰多固可亨然不可恃其朋比而合交以害正則亨可保如那程昇之不敢知印押班是也下皆是利貞之實三事字指小者而言蓋是小者當小過之時當如此然則此爲小人議矣夫聖人於此有正不得已者當此之時既沒奈何不成教小人害君子哉只得教其如此則吉不如此則凶如郭璞之戒王敦之類爲小人議正爲君子議也

夫陰柔固是隨從進之爻上而引他爻

得遂其進之心又當過時則其躁進又皆過乃是上而不下者正與飛鳥之聲下而不上相反故凶

上二句正義在象外下二句正義在象中又一格也大抵此文爲臣者不爲強梁跋扈之事而爲恭順忠靖之行則不逼僭其君而得爲臣之道矣於三四上取祖於五上取妣又於五上取君二上取臣於卦上則過意所以能如此者以二能柔順中正也

初吉終亂是推利貞之由既濟之時大事如建侯

語錄

卷四

四十

行師都亨過了今雖一政一令之小事亦有亨之道矣火下水上便是君臣相得六爻各安其位便是君臣上下各安其分事安有不濟乎蔡氏云只緣既字不好好事已亨過了所謂飲酒酩酊花開離披時蔡義曰水居上受火之熱火居下則能熟乎水水火相爲用也彼此相爲用事之必濟也六爻之位各得其正初陽二陰三陽四陰五陽上陰位各得正所處無有不正者亦事之所以濟也喪第全在五爻當既濟上來七日得全本二來古人有言天下有道則仕今既濟之時賢者反不行

其道必待遇時方可行如何蓋人主於治安之時天下無事不知賢者之不可無也常有慢賢之意當夫國家多難之時則寤寐思賢矣所謂高鳥盡良弓藏家貧思賢妻者是也七日得指弟是得行其志之象

小狐汔濟濟其尾則是象无攸利是占不當位則未濟剛柔應則可亨未濟非不濟也未字當玩正如漢高起自豐沛之初那時那裡見濟處到後來得良平信布而遂得天下所謂亨也又如符堅始焉削平燕趙幾於成矣然以其驢武窮兵不能敬

懼遂至於亡豈心濟而濡尾歟

以九二應六五柔得中則是以才高任重之臣遇柔順之君且當艱難之際有凌逼之嫌者也然以其靖恭忠順安乎為臣自止於下殆猶車之曳輪而不行焉是則得為臣之道而功名祿位可保於悠久矣古如之唐之郭子儀漢之孔明足以當之矣

六三以陰柔居下體之上不中也以陰柔居三陽之位不正也當未濟之時若不度德量才而有所往焉吾見事不亡而大禍即發矣其凶為何如

哉然三以柔而應九二之剛將出乎坎則是跋扈強梁之輩未易言也而用柔以畜之乘幾而發待時而動則功成而險濟矣其利為何如哉

只作變化氣質說吉只是愚者明柔者強伐鬼方二句只是勉正之功所謂百倍之功也受賞是竟了結帶在功內切謂言其效也夫始焉未正未濟也終焉以正則濟矣

要緊一箇好義士有命有義命者天運之自然義者人事之當然也自養非真飲酒只是快活過日不勞思費力求求大人之休咎有命有義命者一定

義者當然人之休咎固有一定之命不必勞心以妄求然又盡人事以待之苟恃其天有一定之命而放肆怠緩則命固不移而義則失之矣趙太祖微行云有天命者任自為之可謂信命矣然微行豈人主之道乎失其義矣

朱子得易之一枝程傳得易之餘蘊京氏得其門矣而未見堂堂之大

氣未可以言道由氣化可以言道矣天地混沌若無是氣則無開闢之時矣人心既靜若無是氣則止而再無動時矣

氣煥然大虛井橫渠真見道體之實不敢以一氣字貫之

蒸鬱凝聚者氣之發用也浩然湛然者氣之本體也所謂坎然者也

吾之體本大和之氣所聚也死而散入無形得吾本然之體也氣之未聚吾之常生而聚為有象似失其常矣然吾之氣與形俱生未離乎形也未嘗失其常也

吾生本氣之聚氣散而歸之太極反吾之故物也何曾亡乎

語錄

卷四

四三

太虛未動本至靈之氣所以能化生萬物故謂神既成形則自有礙雖至聖既有身形心雖至靈至神而形亦自拘於物其能一息萬里而神乎

造化消長之幾實難於言即其變化之象而言則節序之一寒一暑動物之一死一生植物之一開一落而進退之妙呈象於變化之中矣

地陰故凝聚靜也有形故有涯天陽故運旋動也為氣故無涯地之下皆水水之下及上下四方皆氣也皆謂之天天地外如鳥卵清包其黃地之

中如黃中而四下中國則東南一隅也一隅何

以爲文明之地乃天之中也

天本無涯謂天體者二十八宿之環列以次相挨左旋地外此天盤之內地平之外可測度者也

聖賢之學言其小極於戲言戲動過言過動之際無不曲致其謹推而大之則乾坤父母而子處其中蓋與天地一般大也

學者得其妙則不待言語形象若夫垂教於世言象豈可已孔子曰予欲無言兩篇論語詩諄諄之至於刪詩書定禮樂贊周易修春秋自古立言之多者無如孔子學者當得意也

語錄

卷四

四四

凡事雖善而當出之速若倖倖自得徑直而行事雖善而有悔夫惟乾之時故且有悔若非乾之時則崩海利誅所不免矣豈止悔而已乎

堯洛語錄卷之四終

漢唐宋三代與我

國家防邊之法不同漢唐宋防之之法密我

國家防之之法疎其故何也漢高帝當匈奴冒頓蓋振古豪傑平東北諸胡獨霸虜中控弦四十萬高帝憚之天下既定乘百戰之威自將至平城被圍非陳平之計幾至敗亡故其防之也極其詳君臣上下日夕講求非戰鬪則和親未嘗一日忘唐太宗當匈奴突厥之強至于稱臣請兵以取天下故其防之之法亦甚詳宋則當遼金元之強自朝廷

語錄

卷五

乙

以及閭閻所事者歲幣戎兵也我

國家當元之甚弱蓋元自太祖入中華世祖一統宇內一百五十年來虜人化爲中國人視中國人爲尤弱而兵之一事爲尤弱蓋中國腹裏武事雖弛猶有備邊之兵元則華夷一統雖邊備亦無矣况當時凡百苦役皆漢人力辦虜人驕惰尤甚是以我

太祖既平羣盜命徐達北定中原元人即北遁未嘗向南發一矢我兵復窮追至不敢相見又值我文皇之英武三犁虜庭虜人破膽遠遁蓋以平日屋

居穀食之人一旦身無居腹無食救死之不暇雖尋常之兵臨之亦不能支况我百戰之兵乎是以防邊之法較前代爲疎蓋前代當虜之強我

國家當虜之弱今我承平二百年人不知兵而彼生養教習亦二百年復其故性若之何而守株以待乎可憂也

前代將權專今則不專雲中上谷北地朔方遼東西北平漁陽金城上郡皆止各一太守專兵專錢殺專刑專舉辟且久任但責以地方不失中間小勝小負俱不計賞罰亦不知是以邊臣得盡力盡

語錄

卷五

乙

謀今一總兵而不與之賞罰之權監之以巡撫巡按守巡即中一有勝負則府通判衛經歷皆得監制之唐朝以一監軍而軍功不成况監軍數輩者乎今之巡撫甚爲無謂既無調兵之權又無臨陣之責凡一切戰伐進退俱不干預若何而受彼之賞受彼之罪哉今欲更革各邊巡撫皆去之其巡按不必預邊事管糧官听總兵官節制如巡撫之體小小勝負不必行勘但令地方無事耳國家之制止是來則備之去則守境而不追所以監之巡撫察之巡按錢糧刑名宜不待備舉詳移於巡

撫止是防邊將之肆也在全時則當變而通之況此各官之設起自近代亦非

太祖

文皇之法也

今之邊事不大改革軍威必不能振所謂改革者無他修復

祖宗之故酌以漢唐之法而行之耳今議者皆曰任將考其說皆壞將之道也古之任將者築壇推轂君命不受故將得以行其志今豈無將特不用耳所謂用者非與之官也盡其用也今將之在軍叱

語錄

卷五

三

喝而奴隸視者十餘輩奴顏婢氣一或欠謹而譏斥至矣漢唐以來邊將非一人上下幾千年考之載籍何曾遣一使至軍查勘哉此明白而易見者我

祖宗朝亦罕有之近者每一交鋒即一遣使而使音又不曉

國體軍機務在羅織其罪以去之安有才難之惜使為將者惴惴焉手足無措避罪之不暇安能自奮揚哉至於人才剝落臨時無措則出之囹圄之中譬之傷弓之鳥見矢而驚寧能飲啄於州府之中

哉即使子牙遇此時彼惟卒釣於渭濱耳強而付之將亦莫如之何也已

今著衛青霍去病數條於後以見小勝小負未可以責將臣且可以觀虜之情狀則可以知處邊臣之道矣

建元二年衛青至龍城斬虜首數百將軍敖亦亡七千騎

元朔元年衛青出鴈門斬虜首數千明年匈奴殺太守虜漢二千餘人

元朔二年衛青出雲中斬虜數千獲畜數十萬匹

語錄

卷五

四

青封侯明年匈奴殺代郡太守掠鴈門千餘人又明年匈奴入定襄殺掠數千人

元朔五年衛青出高廩圍匈奴右賢王王夜獨與愛妾壯騎百餘夜潰圍遁獲右賢裨王十餘人

殺萬五千餘人獲畜數千百萬是年秋匈奴入代殺都尉朱英

元朔六年衛青出定襄擊匈奴斬虜萬餘匈奴殺裨將趙信軍三千信敗降匈奴霍騎敖以八百騎陷匈奴中遂降裨將蘇建全軍敗沒單身遁歸衛青青遂武帝赦建罪免為庶人

元狩二年霍去病出塞過支山千餘里執匈奴渾
邪王子及相國都尉斬首八千餘級去病復踰居
延斬首三萬二百級獲玉王及王母單于闕氏王
子千五十九人相國將軍都尉六十六人明年匈
奴入右北平定襄殺掠千餘人

元符四年衛青霍去病入塞擊匈奴青度幕出塞
千餘里斬萬餘級至趙信城得匈奴積粟食軍悉
燒其餘粟去病封狼居胥東臨朔海斬萬四百餘
級自是漢與匈奴相持各拘留其使

元封六年匈奴入甘泉張掖殺掠數千人

語錄

卷五

五

奇謀勝算不在高遠切于時務即是奇勝蓋事切
於時務即有益於國家有益於生民如諸葛孔明
高卧南陽之時熟觀天下之勢曹操據有中原挾
天子以令諸侯孫權據有江東任賢使能基業已
固俱不可圖獨蜀漢之地未得豪傑據守可以立
基故一見昭烈即以爲言而終身事業雖志與身
殲以圖興復不過若此而已矣以高遠言之詩曹
孫纂弑竊據之罪克復漢家天下豈不光明俊偉
然勢決不可行也故司馬微云識時務者呼爲俊
傑且目以爲卧龍蓋爲此也今天下大計禦虜之

勢難兼百萬之師費億萬之財亦無益於當時
切務惟在於脩邊然今之言脩邊者每以宣大爲
說則失策甚矣蓋宣大之邊不惟不能脩而亦不
必脩何謂不能脩宣大大邊廣千餘里力豈易辦
縱脩之亦不能遍守然決不必脩也何謂不必脩
蓋華夷之界限本在寧武至山海關一帶界山宣
大在險之外而鎮城又在外之邊與虜共處一地
不守險而守之險外以鎮城而置之極邊此古今
英豪之深意且宣大之設以天下之錢糧選天下
之兵將守之者非爲宣大之地計爲屏蔽天下也

語錄

卷五

六

今宣府彈丸之地總兵有正兵副總兵有奇兵遊
擊有遊兵五路有叅將四十二城堡皆設兵將大
同總兵副將遊擊同三路有三叅將十七城堡若
望以屏蔽天下次擇名將而畀之若只保守宣大
地方中人可以守之半其兵將可以當之又何必
以脩邊爲哉所謂不必脩也今邊之宜脩者山西
真定順天也力既易成險亦可守樞機在此山西
之邊自鴈門以東其險可恃此惟一二零賊牽引
竊入虜騎決不可長驅但有人守之即不可越所
謂一人當關千夫莫敵者豈惟鴈門以西則史險

不其地雖二百餘里然不須脩者多其山險處
不必脩平漫接脩之十不二三其上山平漫者可
斬削當自偏關宣武舊牆接脩之其真武順天一
帶山口可塞者塞可築者築居庸最險潮河則察
其地底或石或沙或土可挖則挖可築則築隨時
脩整不甚費力則天下之事畢矣宣大二鎮各城
既有高城深池堅甲利兵其餘民間私建小堡一
一歸併虜入則堅壁清野又重兵以拒之彼無所
掠五日則自遁矣候其歸乏則邀而擊之且可獲
功何必修邊為哉

韜略

卷五

七

用兵之要攻與守二者而已守則如前攻則我當
先發若彼既入寇是簡其精兵而來不可以與之
爭鋒惟當固守如前我邊防備乃選將練兵候彼
數十萬駐牧我邊近地牛羊老小帳房俱在彼必
以我兵素不出攻不為之備吾乃帥師攻之然必
為萬全不可敗之勢方可言攻吾察各陣為兵大
一營且攻且守雖彼百萬之衆四面攻圍亦不礙
吾之進退可取必勝攻吾前則吾前衝之攻吾後
則吾後衝之前後左右無不如意進退攻守皆由
子我雖圍吾十面則吾益得志兵火營六畧以大

諸錄

卷五

八

車廂後為陽門板三孔安砲仍以牌遮其口畫為
虎頭形廂兩頭橫安二砲廂後者扎營用之廂兩
頭者行則用之但用多帶火藥糧草每用八藥手
五人挽車者十人如東面兵至中軍扯起青車號
帶第一砲放雙號帶第二砲放三號帶第三砲放
三砲既畢一砲可裝起矣西南北各如其制若四
面齊來則四面砲齊放此駐劄時制也若吾欲回
軍則徐徐行之既圍之固則攻其前若彼圍其左
右則用橫箱砲後則如常制且行且攻彼必遠遁
豈敢近吾彼敗則出吾營中軍以擊斬之此乃決
不可敗之陣也宣府有此車及用車之圖然此車
必平曠之地方可用之從虜挖塹阻我歸途吾就
而填之彼來阻當是死矣都城四面平曠最宜
用此陣潮河川蘆溝橋左近各宜為此營大抵用
兵之法要知地故口地生量量生數數生稱稱生
勝每營止可用三千多則五千然多多益善攻守
之具無事之時不可不講不可不備臨渴掘井卒
然未善

當彼駐牧吾檢率精騎往衝之彼亦難支
天下之事必知之明論之定而後可經理以守之

若貿貿然隨事設論日見其煩擾而終無分寸之益今日之定論脩邊是也山西真定順天是也邊兵不可常調一則錢糧供給不敷一則以勞待逸此猶較可仍恐有意外之虞古人所謂不戢則自焚矣

今儒生談兵動曰賞罰今提兵者手無一破錢賞何所施

衝彼駐牧哨探要實恐彼以老弱牛羊空帳房埋伏精兵誘我不可不慎

各邊兵備之設如陽和等處甚為無益而且有害

語錄

卷五

九

欲使之出一告示禁虜賊不得入寇耶或使之出一牌面提究虜賊門入寇之罪耶不然設此何為夫窮邊之上官吏廩給柴薪菜蔬紙紅筆墨之費一害也皂隸驕夫馬匹頭目二害也往來護送必得十人勞傷軍力三害也兵備則終日不過迎送巡撫巡按了其前件將官則往來跪拜沮喪其氣所係非輕四害也宜速去之以安地方
宣德以來邊塵無警設巡撫即中筆官不過防將官之放肆耳宣府大同嘉靖初巡撫猶為夫缺非朝貴不可得今則人皆避之時勢可知

西北之大遼六室皆取為緊要額兵十二萬其大同額兵八萬其餘各鎮其兵俱少於是華夷一帶界山自山海至居庸紫荆鴈門寧武寧化自崞嵐保德偏關直抵黃河岸自北南視如千仞崇垣拔地而起固天所以限華夷也中古始守以險外以為藩籬居庸紫荆之外有宣府鴈門寧武之外有大同我

國家又設老營堡居庸紫荆鴈門寧武皆設兵將寧化以西乃畧而不備秦時城址猶存若考其地而設兵如鴈門等處虜必不能長驅而入矣若止從

語錄

卷五

十

老營堡修至寧武亦不為甚費今虜入中國惟老營堡地方乃一大空闊異時虜妄興異志以侵內地權此塗為便既過老營地方而寧化崞嵐等處無守則天門忻口玄崗陽方之險不足恃矣偏關之城昔在山麓下若虜乘山而攻旦夕可破移於城西築以甬道長不過二里即至山顛上濶二丈高三丈兩面環以女牆設數鋪房虜至以兵守之金湯之固矣

陝西防邊之策考唐三城守之於河外上策也蓋守之於河外則險在我而易為力守之於河南則

險在虞而難爲功也修夾道之牆時出精兵以搜套中策也夾道之牆自太傅王公越以下諸賢次第脩築近來未見繼之者其下策來則浪戰去則坐守而已

官不久仕雖欲言治皆苟而已百弊皆生於不久任百利皆生於久任非可以言說盡也不必上考古制我

高皇之法三年一考六年二考九年三考然後考功司副文選司因其考語之高下或平除或陞一級或陞二級間有緊急用人功業顯著者六年以後

語錄

卷五

十一

亦得超陞若不再考而陞者考功必詰之文選何所憑據而知其賢乎弘治以前皆遵行之舊事按察司官惟按察使陞布政副僉鮮有陞布政司者惟風力不著之人間以陞之副使李隆陞參政見邸報泣曰我何負於其職而陞此官乎遂致仕去布政司官亦鮮陞按察司者至正德中止因躁進無耻之士干求權幸而圖速化吏部以其年資尚淺無可奈何或以僉事陞參議或以參議陞副使而

祖宗之成法壞矣嘉靖初九正德中弊政小大皆變

正德此係政之最大者不循其舊是

祖宗百年之成法顧不能守而正德中一時之弊乃中之而不失以耳目之所見聞者朝邑知縣劉道立成化十八年以進士除授中閣兩次考滿并錄事之日至弘治五年十年餘方行取為御史繼道立者蘇繁弘治五年以舉人除授至弘治十五年一十年餘考滿去繁又循良吏也當是時上下相安盜賊不生地方無擾果園菜圃不設墻垣不設防守倉庫充盈閭閻殷殖猶可想見其氣象也自弘治十五年至今四十餘年知縣十五餘人即今

語錄

卷五

十二

環數百邑庫無百金之積村落之中在在室如懸磬催科之人晝夜叫號雞犬亦不得寧也天下之安危在斯民斯民之利病在縣令最要官也當今之縣令與前代不同漢唐宋之縣令一體視之惟以賢否為高下今則分為三途進士除若雖橫行逆施上之人必曲為回護舉貢除者一有過失即斥去至於接見稱謂之間亦大不同進士官但能舉職即得大典舉貢官雖竭盡心力亦不能得間有得之者亦是通變趨時之士豈堆土人雖下民視之必有輕重進士官自必至老官至公

卿舉責官先有十年者至方面官者絕少自非有志之士獨立不懼自知日暮途遠必為私家之計矣此雖非

祖宗立法之意其勢堅不可破決不能一即使二途并用年歲亦不可齊進士中式年未二十即授官舉人雖二十中式坐監歷事聽選三十以後方得選官歲貢雖二十補廩五十方得貢出六十以上方得選官前程能有幾何不有以變通之如天下斯民何莫若多取進士每科十名鄉試量其地方加之或三之一或四之一或五之一庶乎無偏無

語錄

卷五

十三

黨而治可成矣

當今所最急者宗室祿未不足也邊軍糧料不足也以宗室言之

國初宗室少即今宗室多蓋有百倍於昔者而糧額如故謂之曰少誠無所處矣以邊軍言之

國初軍馬多即今軍馬少不過十之六七

國初糧料於正額外猶有餘數即今正額之外無所減若之何而不足也弘治以前倉廩露積未聞告乏今乃往往告饑若謂水旱災傷及小民之連次國初以來豈無水旱災傷及連次者乎况連院又不

在蠲免之例是必有其故矣

甲申失同之變都御史張公文錦巡撫地方初宸濠之變文錦守安慶濠兵至城下百計攻之文錦伏忠義誓士民竭力拒守濠氣大沮賊黨皆急有散去者及濠敗文錦以功超遷至巡撫文錦思圖報稱性本急功喜事好剛忽衆而又嗇於用財故激成此變大同鎮城孤懸極邊與胡虜共處一地無寸山尺水之隔堅城深池設以重兵治以總兵巡撫副總兵兩遊擊都司守巡郎中府縣城以裏立衛所州縣城堡大城臨邊以禦外侮使小得以

語錄

卷五

十四

安內附小城聯絡於內以為大城之拱衛此我

祖宗神謀聖算經畧之宏規也文錦顧以鎮城之重反在極邊欲作五堡以為藩蔽幸而其事不成文錦以一身當之使其事成後來將為國家之患矣初文錦將營五堡衆皆以為不可而莫敢言事下前左叅議左叅以三十萬計報並報總制臧公鳳鳳咲曰五堡修不成矣左叅議曰何以知之鳳曰張巡撫視國之財如家之財安能捐三十萬金以成此堡乎左叅亦咲文錦果已之繼前左叅議者右叅議以三萬計上文錦決意行之即具奏上

聞營造間財用少甚

成命業已下乃撥軍入山伐材木燒灰瓦然將費錢

督工嚴急軍心已怨堡既成苟率太甚每軍營房

一間及撥戍軍皆憚行文錦示以公檄麾下官軍

往於是總兵太監皆撥其麾下不充其數以伐木

軍足之三堂麾下官軍素驕逸固已不堪矣諸

告願單身分番而往文錦必欲帶妻子常駐諸

相謀曰人各有妻子或女又有馬匹一間營房何

以能容且莫說胡虜米只秋添一陣大風雨一家

死矣筆死也不如殺了賈參將投入北番遂殺

文錦使人招諸軍回城而虎狼入室矣諸軍見

錦文錦曰汝輩來了我的賈參將何在在即為

分君數日奸桀者倡曰某部堂潛行出城赴京

奏諸軍相聚至都察院奪門而入文錦懼踰垣

宗室第諸軍遂搶掠家財勢不能已矣執家人

殺之問文錦所往告以匿宗室諸軍環譯宗室

宗室出文錦衆爭殺之總兵知府出走兩遊擊

中匪民間爲首者號於衆曰衆人莫懼但同心

事他日問罪不過將我輩首惡十數人與之而

廷臣以文錦激變請

詔宥旨既至開讀諸軍跪聽諸軍相顧曰此安我也

豈有殺巡撫遊擊而不問者乎有起而伏匿者取

畢

詔使倉皇而回衆心洶洶以兵守四門

朝廷簡都督桂公勇爲總兵官太監武公忠爲鎮守

起後左參議於家分守大同既到任請入大同御

史儲公良材曰大同城中如血海公此行如以肉

投虎口何益之有如是公手中事死生以之可也

今他人壞事而公徃死之非義也左樂曰諸公終

日言大同事參議大同官在此於心何安且作亂

者大同一城耳冀北十七衛所州縣豈皆作亂乎

參議出鴈門量可而進且以繫屬冀北人心儲公

曰如此可也八月左樂既出鴈門自度已與大同

之人素無讐嫌

朝廷既有恩赦而軍士猶不靖者無主耳乃直抵西

安驛西安去大同城才八十里耳大同城中大驚

探事者二人故恐左樂路乃而上言大同不可入

左樂曰汝回報大同城我明日決進是夜又故放

火燒參將宅以恐左樂明日左樂竟入大同亂軍

嚴兵露刃城門內外然不敢失迎接之禮入同人

心由是少安時城中無一文職出政者獨左叅一人耳乃約法兩條以禁軍士之暴餘皆以無事處之下令於邊關曰一切人等非有本道關防不得放過有應行者皆便宜行之初不以條格拘左右或以爲僭左叅曰以此得罪亦所不恤甫兩月地方大安而巡撫都御史蔡公天佑始至

十月蔡公至代州左叅持四大營於鴈門關下親帥四守備令盛裝戎服謁蔡公於代邸蔡公驚曰公何爲如此左叅曰叅議豈過爲奉上者大同變後巡撫之威甚削大同人止知有叅議耳不身先

通錄

卷五

十七

降禮何以帥衆且言插營蔡公固欲散營軍曰公既出大同又盛陳武備大同人必疑吾與公圖彼豈不生變左叅曰叅議已有處謁公後即先入大同叅議既入大同則人心安矣蔡公曰善左叅即晝夜馳入大同時有譏左叅過於奉上者左叅以李愬迎裴論試應州諸生蔡公既至大同左叅約法地方便宜三十六條上之蔡公曰善就作我巡撫條約令大同推官馬隆榜示所屬人心大悅左叅治大同獨尚嚴太監武公忠素不悅左叅於會中大言曰我輩安心樂飲地方或有變自有頂

綱之人蓋謂左叅也

十一月蔡公會同桂公及左叅僉事因捕盜桂公率遊兵擒逆軍八十人挾殺之遼陽某叅將帥所部軍趨甘肅過大同地方人閉堡不容止宿叅將軍罵曰會與逆綏軍殺此反賊力部李主事賁孫濟銀兩來或曰此賞征大同軍之銀以此三事奸人乘機互相恐動初七日夜二鼓變作砲城之聲震天諸軍先趨左叅分司扣門呼曰書吏出未書吏出左叅亦出軍士曰叅議老爹天心地方恩府速報左叅老爹安心還來回話若驚動左叅老爹

通錄

卷五

十八

寸斬不饒書吏曰老爹在此左叅問以作變之由軍士言

朝廷赦小的衆老爹必欲殺之左叅告以原無相害之意再三諭止之諸軍曰遼陽兵已至城下奸細以遼東鞍子爲號已拿得矣老爹去睡三堂今夜一箇不留揮其兵進且分兵至李主事分司要出賁銀文書看爲何事又分兵至鎮守府武公極其困辱分兵至總兵府桂公不屈諸軍喧譟桂公曰殺便殺何用喧譟衆曰既無殺我輩之心如何將家小暗送出城乃要桂公妻女出見至都察院要

巡撫出再三論說軍士曰此與左叅之說同且止之初八日黎明左叅升堂如平時出巡巡撫時軍填塞道路見左叅出皆分道立旁時巡撫未啓扣門而入巡撫迎左叅笑曰紀綱何在左叅想無事矣不然公何以得至此今計將遷出左叅曰彼未曾殺人犯止捨掠尚可招來面議左叅司治酒召郎中主事分巡共飲諸公同地方有事宜早散左叅曰彼豈草竊者乎殺人豈關會明從示弱耳二鼓方散初九日總兵遣我軍接伏時大風雪出西門外衆曰五堡軍殺都堂總兵無事

卷五

九

我輩乃接伏招納賊而散是夜更初砲聲者三四面俱起不但五堡亂軍而已圍桂總兵宅左叅自書告示一通備陳禍福利害話言曉之令書手路持往招之左叅自出立於道中已而見西南之起問過軍曰火何也答曰殺桂總兵焚其宅耳左叅令關路還曰彼既爲逆招來何用左叅乃回司門則我已自處矣事定後

朝廷必遣京官來勘設臺詳記我二夜所行所言以

告之然實非粉桂總兵乃大同縣火起知縣死焉巡撫遣人諭之初十日左叅詣巡撫以所書告示示巡撫巡撫曰善命書數十張榜諭通衢巡撫曰何以處之左叅曰必須面諭乃約總兵鎮守太監郎中僉事副總兵遊擊會都司路經代府代王梯牆而語至午不了時五步之外兵戈林立左叅恐變生大言曰各官諸軍尚未早飯王請回宮既至都司無一人言者總兵乃言欲致仕歸衆亦不應左叅曰君掛斗大金印是我分守關防那今日請公安諭地方何言致仕總兵怒起而出諸公知諸

卷五

十

軍怒總兵無敢留者左叅隨之而出時諸軍皆在二門外左叅自度可因此發言乃謂諸軍曰汝桂老爹欲去汝輩捨得耶諸軍皆跪曰好總兵不要錢不欠糧草只是心狠耳惡兵曰我與左叅老爹不同左叅老爹是汝父母問汝饑寒者我是汝師長鞭汝皮膚者今日倒持太阿倉庫城池汝輩據之旗牌兵器汝輩搶之糧我何用且軍法遣之不行輕則杖之一百重則斫頭汝輩能依我乎諸軍曰小的每日食

朝廷之糧如何不效總兵之命左叅笑曰諸軍說你

心狠真箇心狠諸軍捨不得你去你如何捨得諸軍去也拉總兵入命諸軍隨之而入左寨及總兵坐定諸軍皆跪於堂下諸公無一人發言者左寨以天將暮諸軍哭跪不見處分恐又生變問曰朝廷已赦汝輩乃又如此何也諸軍曰

朝廷雖赦小的老爹們不肯赦小的左寨曰何以言之諸軍曰捕盜止是指揮耳遊擊將軍非邊惠不調今乃以遊擊兵巡捕是欲殺小的也左寨曰汝輩固未見遊擊兵巡捕吾亦未見明盛明甲白日打劫王府者如此爲盜則如此捕盜耳諸軍曰小

語錄

卷五

主

的每其實驚慌望老爹徹去遊擊兵今後再有爲盜者小的每自相擒拿好便待秋後處決否則就便打死左寨曰你們若如此守法即便徹了遊兵才省我行糧耳諸軍請各巷口立柵門左寨曰門外也有你們門裏也有你們立柵門何用你們自編大甲禁防盜賊可也諸軍又曰也糧實納不起太監武公知此糧決不可免欲激怒諸軍謂左寨曰此事亦先生處分左寨曰此糧之納王府食乎各官食乎汝諸軍自食耳奈何不納諸軍曰正經也糧如何不納張老爹將無影無糧每軍派與三

耳如何納得左寨曰此糧不但今日我被到大門時便已行查尚未回報也糧照舊徵納荒糧查明蠲免衆應曰諾其聲如雷左寨笑謂武公曰亦處分矣諸公曰可以具奏矣奏草亦煩左寨爲之就對衆公堂一揮筆可也稿成諸公傳觀稱善三堂各令寫本入駕就各用印實封即差人出城奏聞地方稍安奏下兵部

朝廷以大同逆軍再犯不悛

簡侍郎胡公瓚爲文提督都督魯公

師問罪

語錄

卷五

主

勅內開馮首惡郭昶子等十三人勅瓚等若大同送出首惡即便班師送出進兵征勦瓚等駐師天城密行總兵郭昶子等十三人逆軍詳諜於師府曰逆軍欲請的兵來時逆軍知取首惡而不知有的名蔡公諭曰朝廷止取首惡餘皆受賞前日擒殺八十人可作首惡你們都該受賞矣替你奏本班師奏既上衆心稍安諸首惡皆係三堂頭領在三堂尉掖之下每三堂有行必衆其議於是桂公獨定密謀伏兵於

宅後羊者酒召郭痴子等議賞格議畢令入後飲酒至則當頭一銅瓜打倒拉入堂後斬首如此者殺十一人最後者二人同至議畢令入飲酒二人者魯其形色異常奪門而走上營房大叫曰總兵拿首惡俚桂公親提兵捕獲斬其首遂赴提督軍門即以提督印信告示明告諸軍曰首惡皆有功名今已擒獲餘皆當賞矣人無譁者偉哉桂公此功身墜滄海之中而能擒斬鯨鯢於際茲始壞於人之輕動終掩於人之沮抑紀事者又不宣之惜哉捷至軍門胡公晏諸參佐諸公稱頌功德

語錄

卷五

三

不已左參曰明公功德非言所能盡參議觀桂勇之功出於計取而非力勝也若明公止照

初言惡既得則使明出告示散賞班師倘明公忿諸軍之逆必欲進征則非參議所宜言胡公不語少頃左參曰日將暮矣明公宜早決恐生變胡公曰少參飲酒我有軍法以違令者斬本牌置左參之前諸參佐皆散出胡公召大同聽事者夜不收入加以刑令再報首惡數十人以鈞牌付千戶馬勇胡公素愛勇恐其有言告勇曰汝毋多言言則斬首矣勇知其不可而不敢言領牌而出然聽

事者已逃回報大同城軍矣復以鈞牌大書副總兵時陳左參議領所部軍圍大同城東西南三面城門子時起身違悞泄漏者斬露布而下起鼓時馬勇倉皇至左參道告左參以再取首惡之故且曰老爹們千言萬語如金如玉大同人皆不信逆軍之言大同人信之如著龜何也上人失信故耳朝廷勅旨選出首惡班師給賞今首惡既得桂公已出告示給賞班師今又取首惡禍變不淺矣使君不言誰再敢言左參取圍城牌示勇曰其牌如此我豈可再入勇客嗟而去二鼓時時陳呼門不得

語錄

卷五

三

越牆而入至左參卧所曰大同城中精兵五萬我與公部下三千安能為敵且時陳圖南門公圍東門誰則圖西門我寧為違令之將死於軍門豈肯為敗將死于城下胡桃大字史書上要為時陳姓名左參曰恐胡公有別謀若違悞其罪在我輩且牌有吾輩起身時刻而無到城下時刻第徐徐而行令人稟魯提督轉達胡公陳曰既露布而出何言泄漏有何他謀直漫為耳既而果報曰且駐兵聚落堡時城中已得再取首惡之報逆軍號眾軍曰我說殺了首惡便殺五堡軍殺了五堡軍便屠

城你們不信如今如何又取首惡於是衆軍哄然而起收買家衆男女一十九人皆殺之仍活剖四

人腹去其腸胃着以衣冠挂之以杖二死人把勇宅門二死人把帥府門餘皆懸首通衢擁勇出於市欲殺之斬副總兵隨之蔡公出救諭衆曰殺了

桂總兵家衆也無查考殺了總兵如何回報

朝廷斬曰蔡老爹說的是一軍斫斬首血流被面復以刀斫蔡公轎蔡公曰我替你們做好事你們思量衆曰也罷葉總兵家着最多着葉總兵寫箇領狀領了桂總兵去若走了桂總兵葉家一家寸斬

語錄

卷五

三五

不饒諸軍於獄中取出舊總兵朱振立爲總兵馬勇不得入城回以變告胡公取牌引燭焚之謂勇

曰無令人知遂班師而歸乃隱其別情奏言如

勅旨既得首惡因以班師至於囚桂勇立朱振則不

可聞乃奏言桂勇宜回府辦事又薦朱振堪爲總

兵兵部亦朦朧尋纂從之姦事也首惡既得若即

便班師而不再妄動則

朝廷恩威兩著紀綱肅然振舉及其激成禍變正宜赫然揮戈進兵征勦却乃狼狽而歸於是乎大同紀綱廢墜不可收拾矣殺戮之慘不足言也後

年桂公猶在囚中蔡公再三開諭始放之歸大同緒志無一字實者因著其大畧而末及詳也

語錄

卷五

三五

苑洛先生語錄卷之五終

于忠愍石國公各集紀載者皆實錄但文之抑揚殊有未當二公皆有功於社稷非忠愍則天下之治亂未可必而分爲南北則必然矣非國公之宣威虜未必遽退也其罪則皆有可言者當

英廟北狩李實揚善出使奉迎不持一御衣不持一珠金其意何如也此衆情之所深憤

公廟之所痛恨者遣使虜庭正兵部事忠愍亦多之不
知可乎回鑾之日入寸南城無可言者景泰中建
儲一事何爲倉

憲廟而他立此

國家之大事忠懃雖爲兵部望敦謂其以大司馬兼行六卿之事隱然拜相之制當時何無一言及之乎當

景皇帝病篤之時已出

駕臨取楚世子繼統王長史勸世子無行而止取藩
王入嗣極大之事豈有內陞兵部不與聞乎而樊

溪乃謂

景皇帝病篤之時廷臣必推戴

英廟何謂也街辟之事常與天下共立國公所當專

得之得罪得四於

卷之四

子世

知不足齋叢書

卷之四

... ..

二五

卷之四

也

官溪集卷之五 正有月泉

人下獄內則大監

捷合謀已得

但幾日天晚候明早即

送出瑾等而瑾等不知

謀於瑾等始大驚時

御豹房環泣叩頭於上

見爺爺矣是夜以理爲

云已發落外遂成正德

山岫密傳云尚書韓中

信大監李時密

旨已得

允候明日即施行公等且退忠定公云恐未的李公云此

朝廷大書我此牌項是鐵葉裹着敢虛說次日復傳旨已各打十五發落矣

崆峒記云正德初劉瑾等八人擅權忠定韓公具疏率六卿請下八人獄伏闕不肯起大監李公榮諭意而忠定出明日召六卿入衆懼巨測裏殺許公進同行至掖門裏謂忠定曰不知汝疏中如何說忠定不答故拔履而後

語錄

卷六

三

雲川類集云當今相業當以端毅王公爲首稱或問李西涯如何曰文學則有之相業則槩乎未之聞也

御史張公芹奏牘云李榮陳寬劉瑾張永魏彬數人性行不同而東陽皆得其懷心其結納神奸誠不可測矣

五泉子李西涯琢碑行云平生一字值千金忍使金篇俱推鑿

孝皇重人命弘治中一巡按以公錯撫一縣丞後丞病死丞者中貴戚也丞子奏巡按死伊父下之

都察官巡按不應上獻

上怒甚召大學士劉公健曰巡按故勘丞死而法司當以杖罪何也劉頓首曰凡上司箠死人有三因公事如法責之邂逅致死謂之因公止應殺罪復職非法用刑致死謂之酷刑問罪爲民因讐挾私致死始謂之故勘應抵命

天顏怡悅謂劉曰朕看律未精幾乎誤人今後遇此等事卿須盡言

孝皇從善如流且又尊之使言雖堯舜莫加焉何聖如之屈西溪云

語錄

卷六

四

孝皇十八年不輕詔獄錦衣乙丑主事李夢陽劾張鶴齡疏有云陛下待張氏者厚矣

上震怒下夢陽錦衣獄中外洶洶莫敢言會

上召大學士劉公健議事畢健從容請曰李夢陽不知胡大罪

皇上怒之甚也

上曰他無禮直呼皇后爲張氏健頓首曰張氏指鶴齡非謂

皇后也

上曰人謂婦人爲氏健曰此則不同昔漢人曰爲劉

氏者左袒宋人曰趙氏安而苗氏危蓋謂劉家趙家也若曰張家

天顏怡悅即命出夢陽復其官西漢云

弘治中國戚張鶴齡時入禁宮侍宴大監何文鼎戒鶴齡曰

祖宗有法非內官入此門者許諸人斬之國舅再無

入鶴齡不悛一日復入侍文鼎仗劍立門外曰今日必誅鶴齡內使密報

上命收縛文鼎鶴齡既出

上面訊文鼎曰汝內臣安能如此是誰主使文鼎曰

語錄

卷六

五

主使者二人

皇上亦無如之何

上曰彼為何人而我無如之何文鼎曰孔子孟子

上曰孔孟古之聖賢如何主使文鼎曰孔孟著書教

人為忠為孝臣自幼讀孔孟之書乃敢盡忠

上怒命武士瓜擊之文鼎乃泣

孝皇寢中使持其白綾血衣慟哭曰古今有幾箇

這等聖人因言

孝皇方御膳金夫人泣訴主事李夢陽事曰

皇上在夢陽尚敢如此他日我家無遺育矣因請罪

夢陽

孝皇怒揮膳而起終不罪夢陽

左都御史戴公山屢以疾辭

孝皇不得已使中使諭曰既不肯留君臣之情可不

一面辭乎山扶病入辭

孝皇見其羸弱曰卿真病也賜茶山叩頭辭

上泣下曰與卿常別矣山復叩頭曰臣不去也

上揮淚曰却不好數月山卒于京山忠亮不阿始終

以道自持成化中提學陝西諸生至今誦慕

弘治中周公經為戶部尚書

語錄

卷六

六

孝皇欲起一別宮患缺用左右曰何不取之戶部

上曰周經得無不可乎左右曰

皇上取之經豈不與

命下經曰此軍儲也不可動奏上

上欲已之左右曰命既下豈可中止復下之部左侍

郎韓公文復上奏

上亦欲已之左右曰不准尚書奏豈可准侍郎復下

之部右侍郎許公進復上奏

上顧謂左右曰朕謂不可果然若不己之明日科道

又言矣遂報罷

陝西巡按御史李興恃才辨智任刑執法人多死杖下巡撫都御史列其蠶死之人奏養犬所以防盜今不吠盜而吠主養猫所以捕鼠今不捕鼠而捕鷄設官所以安民今不安民而殺民孝皇重人命以其蠶死人數多震怒收興廷訊當斬吏部尚書王公恕陝西三原人也初興巡歷至三原搜索王家無所得黜其儒學生員大半至是王公上疏論救謂興執法不撓克盡憲職

孝皇素重怒興免死打一百煙瘴地面克軍

英皇既退大學士李公賢命吏部推

語錄

卷六

七

簡又不上

英皇召尚書王公翱問故翱曰

皇上既退賢必求一人勝於賢或與賢等者方可

英皇曰李賢果何如翱曰本分人也廷臣無有過於

賢者

英皇復召賢入內閣

吏部久任尚書王公翱十餘年初尚書王公直掌

印翱副之然事皆決於翱後直去位翱專為尚書

尹公旻侍郎尚書亦十餘年當其時也吏稱其職

民安其業

初大學士萬公安素鮮文學為翰林時國為祭酒過祭酒缺吏部推安為首邢公讓次之安讓私第相連侍郎與讓厚者書一小帖曰萬首邢次意在其次丸之過讓第適安之子戲讓第門侍郎以為讓之子也投其帖于子安見之甚恨既而果點讓為祭酒後安認萬妃為同宗入內閣誣收繫讓枷于監門前奪其官

宮人鄭金蓮其兄火者鄭某鄭金蓮與宮人王女兒同宮為火者言皇儲為王女兒所出火者告之王女兒家人共趨之稱為皇親王女兒父兄王某

語錄

卷六

八

等一時炫赫緝事衙門奏

聞

孝皇以事干宮闈親御玄武門鞠之鄭金蓮箠死火

者斬于市王女兒收入宮王某等問罪發之里

成化中給事中鄒某左遷蕭山知縣蕭山人御史

王某以事克軍潛回里二人皆恃才放縱不拘禮

法初交甚懽後不相下又構為讐鄒惟以遊軍解

王預為文書念定解人路費馬匹俱已預備又不得見一日王飲于三十里之外鄒命解人即席緋

之行王家知之已遲鄒又使人捷于途追不能及

至廣信王以病死王之子欲報之鄒防之謹後鄒
陞按察司僉事飲于錢家還王子率家衆縛鄒剋
其兩目實目孔以灰置之糞舟中鄒乃不死告之
官王子當絞後大學士蘇州王公鑒悉其故因是
釋之文士撰爲戲文今扮演盛行扮鄒者以銅爲
二目納之以灰備諸醜態

大學論新民曰平天下吾儒當國致治惟在於平
否則爲偏黨爲惡不小矣書曰無黨無偏王道平
平武定侯郭勛恃寵驕恣固爲有罪何曾謀反無
此而加之是誣陷之也名曰扶公道其實害公道
語錄
名曰惡惡而反自爲惡厥罪均矣當時刑部尚書
吳公山執而不肯衆議紛紛臺諫交論吳公不動
罷去識者謂吳爲真刑部尚書可謂天下非之而
不顧矣

當
國家預泰事非臺諫進危言而死及幾死耳目所親
記者在洪熙時學士李時勉論宮掖事已打折肋
三支押赴市曹行刑幸監斬官路走來遲天威少
霽命錦衣衛監候在正統時學士劉球論時政得
罪王振下錦衣獄餓死衛官函球首送親視成

化時王事林俊論計曉事下錦衣獄尋治中主事
李襄陽論張鶴齡下錦衣獄在正德時有僉事吳
廷舉論劉瑾下錦衣獄

都御史韓公雍才高有智畧提督兩廣令布按二
司官皆行跪禮提學某曰提學官與軍門無平請
勿跪公曰提學旣不行跪禮明日另見明早取應
死罪人置之廂房命劊手曰待我言殺了汝等大
聲應之及提學來見旣至堂甫揖下公大聲曰拿
不殺了衆應之如雷提學以爲殺已也不覺跪下
二司官咲之曰不如昨日同跪無形迹也此可以
語錄
卷六
十

警悍悖無實守者

又公巡撫江西每對生員稱誦詩書時江西科目
方盛生員私相謂曰巡撫千字文秀才耳安得稱
誦詩書公聞之命提學送諸生來考以律呂調陽
爲論以閏餘成歲爲策諸生皆不能詳公曰我們
做秀才時讀了百家姓便讀千字文諸生如何連
千字文也不知聞者絕倒此可以警浮薄之習
都督韓公觀提督兩廣初入境生員來迎觀素不
識生員見其中衫異常人命刀手縛斬之左右曰
此生員也觀曰生員亦賊耳盡斬之

朝廷聞之喜曰韓觀善應變使其間生員而止則軍令出而不行矣豈不損威

提督韓公觀殺人甚多御史欲劾之一日觀召御史飲以人皮爲坐褥耳目口鼻顯然髮散垂褥首披椅後發上中一人首觀以筋取二目食之曰他禽獸目皆不可食惟人目甚美觀前席坐每拿人至觀命斬之不一而足已而流血滿庭觀曰此軍與禽獸無異斬之如殺虎豹耳御史竟不能劾

初劉瑾納賄皆萬金以上一日瑾召尚書張公彩飲情既洽彩從容言曰凡各官餽送非取之官庫

語錄

卷六

十一

則科之小民下招民怨上損國儲凡貨財足用可也多亦無益瑾喜納之時有太監侍郎錦衣衛指揮勘事回餽白金二萬兩瑾怒奏發其事錄入官庫三人皆罷官

瑾不用東廠錦衣衛校尉訪事自命門下人名曰內行出外訪事其爲衣冠之禍大臣至有抄沒其家者張公彩言之瑾遂罷之遣

正德初劉瑾擅權肆詆流毒縉紳大則籍沒其家小則殺其身公卿而下疎息戰慄視之若雷電鬼神求希其意而不能測况敢與之語乎吏部尚

書張公彩入朝始敢進言凡事于順門講議唐政所多中止然後六部效之中外之情始通僉事吳廷舉劾瑾瑾諱其疏中以他事必欲致之死彩申救得免他如御史劉寓生等皆得生還復起御史劉毅以示前日熱號之爲公凡此皆以術左說之也

江西京官外調命已下矣彩勸止之

辦事官某以訐告授都察院司務已到任矣彩勸罷某官

大學士焦芳導瑾爲惡劉宇首阿附瑾與瑾交厚

語錄

卷六

十二

甚密未易離間也彩皆勸退之

郎中高選或宣府彩勸瑾復其官曰就令宣府管糧以動人之視聽

張公彩自恃其才足以轉移一世然乏忠靖之誠且有驕矜之意逢時不理欲倚權宦以就事功雖謙抑敬慎且懼不免而况驕矜以促之易曰凡之匪人不亦傷乎彩之謂也

大學士李公東陽約二僚置酒天寧寺請尚書張公彩以接應歡之權是日早東陽偕二僚親至彩第邀之彩尚未起命曰請坐喫茶既而復命曰請

先行東陽等出咲曰張西麓直以辦事官待吾輩耳內閣係宰輔而相待如此彩之驕可知矣

瑾既就擒翼日張公彩收繫庭鞠當之結交近侍斬罪彩乃以十六事自辨皆歸之東陽謂其事某事部中如何處東陽皆票旨不依有原稿可察疏下刑科時文選諸君適有事於科給事中出疏共觀未竟內閣命官將疏收入留中不出明日有旨再問彩遂坐以謀反

尚書張公彩察大倉所積

國初來歲積若干自正德元年冗食者多歲支過原

語錄

卷六

十三

額若干計數年後大倉空矣言之瑾稿已具郎中以稿示主事主事曰爲我謝堂尊此事未可舉也昔韓琦富弼同心爲相又值仁宗之明磨勵廢子之法一行幾乎殺身初琦不肯行至是弼中夜不寐繞床而行嘆曰韓琦真聖人今乃欲依權宜以行此事乎當睨隔之時不過小小救正而已郎中咲曰事已成無多言割了舌頭命既下內而永彬大用永成諸權貴家衆所革尤多外而文武大臣幸蔭者革之亦多且令其各還鄉里法令既嚴行之無斷曰是內外無遺而彩之稿遂于此矣

初張永自寧夏還瑾以旨止之良鄉令無進城明日將又以旨發永南京策士勸永無奉命徑當入

朝翼日早瑾登諸僚至順門故事謝恩見辭既畢當六卿諸事諸僚自瑾背後遂去瑾獨留是日諸僚欲退瑾以臂止之曰今日之事當衆共議之諸君何往乃宣吏部尚書張公彩上語久復曰宣兵部彩退止數步俯首若沉思狀尚書王公上瑾頌足甚恨論說移時王公面色如土復宣刑部未上忽中使直至曰有旨宣瑾瑾曰有何事中使曰張公公進東華門矣瑾曰如何不待聖旨急促去

語錄

卷六

十四

日瑾就擒矣

今獻彙言所論頗有未當者如韓忠定一代偉人豈可少訾正德初忠定匪躬竭節伏闕抗疏忠貫日月心獻神明不幸爲奸人泄其謀其事不成豈可以成敗論哉

湖州沈公蘋州集所載甚公而彙言不錄何也

名臣錄作者數家惟彭司冠去取甚真自序論于忠愍尤爲切當

各處巡撫初以侍郎爲之其權甚重某侍郎初至地方考察二司官提學官亦在論劾中某司提學

官無大過巡撫曰既無大過吏眉之責五板姑留供職

當今文臣堪將帥之寄者惟太傅王公鉞耳胡地威寧海子水草肥美林木茂盛北虜珍倚之群聚於此數為大同患公巡撫大同提兵征之壯者或殺或遁老弱婦女皆俘之歸捷奏公封威寧伯後大同缺總兵官公以都督掛印充總兵官鎮守大同北虜畏之不敢侵犯至今虜人每過海子望之而泣然以其地固不再居公高才有宏畧作為詩詞新奇雄放出人意表

語錄

卷六

十五

吐魯番逐忠順王據哈密城甘肅鎮守都督劉公寧偕巡撫都御史許公進提兵征之克其城復立忠順王而還時塞外乏水軍馬渴吐魯番率六追之不及三十里而我軍入關魯兵引去

正德三年六月中早朝拜伏既起御階上有無名揭帖一本皆言劉瑾事

上命錦衣衛查既而瑾傳

旨令百官

奉天門下跪候發落展刻命堂上官起出己刻瑾出立門東翰林院官就東跪訴內監侍翰林院官素

原豈肯如此瑾令起出御史寧景訴於瑾曰御史等官素知法度豈敢如此此乃新進士所為瑾曰新進士與他有何相干你每把

朝廷事件牛糞略加處置就都怨恨

太祖法度何每不曾見豈不聞知瑾令百官皆起照舊站立看有揭帖處是何官太監黃公偉曰凡朝四品以上各照班次五品以下皆雜立丟帖之人豈肯復立於此虧了人瑾令復跪又點武士令各官家搜稿黃公曰他幹此事雖妻子亦不得知豈肯留稿瑾已之此事若非黃公不惟擾害不知搜

語錄

卷六

十六

出何等無端事件為禍不淺時天暑日烈通無寸雲微風殭者數人命拽出黃公急曰你帖子說的都是為國為民事挺身出來死也是好男子枉累別人瑾怒曰在外不恤王死罪御前如此是何為國為民好男子如何不明白具奏皆入留太監李公榮監之李曰你們倒衆內使擲下水瓜甚多李曰你們取食之瑾出李曰你們都跪着來了來了瑾見甚怒復入既而傳出李公宅閑住黃公南京閑住申刻

旨出都拿送錦衣衛追究進士盧仲春迷擺至錦衣

衛監中不能容丟放院內是夜不知何人死
人淘淘皆罷市初各官拿送錦衣時途中賣飯者
皆爭以飯遞送各官不索價明日瑾微聞帖子乃
內人所為命軍官丟下乃命各堂上將各官領出
辦事

成化中萬紀寵冠後言弟萬二權傾中外京師
為萬勇門達素貧不能自立萬二微時通達
至指揮學士萬安附為同族入內閣權寵異尋常
吏李自省備討曉皆以藥術自省官至禮部侍郎
曉稱為法王佛手官謂見無時曉以黃絨線絡左
手於項謂公卿內臣上以右手曰左手有所用也
萬紀酷愛寶石京師家多進寶石得寵華賞賜
累鉅萬內帑幾為之空京師呼曰某寶石家某寶
石家畏之

孝泉初自為一著得罪寶石刑進其原價入官各家
破產
德河南
司計出
府不容

不與異

正德中每免朝後司禮監諸璫至左順門西面立
各衙門說事如

御門禮如吏部引復堂官北面跪說畢司禮監首璫
云

聖旨着復職鴻臚寺官贊云叩頭起揖諸璫答揖如
都察院引巡按說畢首璫云

聖旨着東邊的去禮如引復尚書楊公一清當謝
至掖門隨隨行主事曰既叩頭便是

朝廷之上不可揖司禮監不當答揖既相揖便不可
語錄

叩頭須如何處主事曰叩頭禮不可不行不揖可
也公曰正然

大學士劉公羽不拘拘於曲謹而有太節成化中
欲易儲召內閣諸輔臣議他莫敢言公執不可

上命出公立不退必欲得命
上悟從之聞史冊不載此事

章除中張公統殺身成仁可謂王臣寒寒方公孝
孺高公翔殺身而仁未盡所謂涉滅頂者方高

二公其忠至矣夫惟君子中庸難矣哉知道君子
為之傷痛

吏部書樂亡劉公不好大學士李西涯每言必呼其石爲官有公前稱其號者公曰甚麼西涯某涯與箇知縣也做不起李深卿之左侍郎欲附李以傾公一日權貴人欲以姚安徽州兩府知府易調亦自知其難通先召侍郎試問之侍郎曰此甚順理一般知府只易一地方耳明日權貴人于順門以調知府事與公公曰無上事而易兩知府事甚難行且無舊例積達歲月陞之則可權貴人怒曰昨侍郎言于理甚順止易地方又不陞官令公言若此是故沮我輩也明日公考監生出爲政以

語錄

卷六

九

人才爲先爲論侍郎不知權貴人以其言告公也謂公曰老先生存心平易出箇題目監生易作公曰我出箇題目監生們便易作你出箇題目與我甚爲難作兩知府易調十分難做的題目侍郎俯首面色如土不月餘權貴人與李合謀以小事罷公官蓋公自拜尚書至罷纔六七月耳

成化中童子成名十七登進士者三人李少師楊少師張宗伯皆位至公卿弘治中童子成名亦三人戴大賓十三登鄉試何景明韓邦靖皆十四登鄉試然皆夭歿而景明邦靖却善詩文有氣節不

知造物者如何也

予在文選時問于南昌謝公應祥曰李都御史士實恬退已久何故不起用謝曰從起用渠亦不來渠日夜與宸濠造反耳予以爲戲言笑曰有是哉後李果與王叅政綸與宸濠作亂誅

予童時聞之先正曰大學士楊文貞省墓之家恐同列已已歸朝也且不欲同列秉權以絲綸簿付之司禮監又聞應祥

先皇賜文貞及大學士楊文敏手勅各有其子死罪一次後文敏卒其子犯死罪時手勅已遭火災不

語錄

卷六

十

存文敏子乞

恩寬宥

上問文貞當文貞與文敏同事時文敏眷右文貞文貞深卿之對

上曰原無此勅文敏子竟死後文貞子爲執法者亦坐死罪文貞欲出是勅逡巡不敢謀于有識相厚者識者曰不出是勅死特子耳出是勅如前對何公亦不測矣子亦死中官擅權不在絲綸簿之有無特見文貞貪固權位諂媚近貴耳二事實相類文貞之妬甚矣

吏部尚書樂亡劉公既去位代之者時大學士李
西涯已有所主恐泄其機爲人所破獨與文選郎
中議定左侍郎不知也密向大學士梁厚齋探聽
李旨梁與東麓王公宗彞厚告左侍郎曰東麓王
某也明日梁薦王於李李慢應之曰從他外庭所
推梁亦不知其有主也遂遣人赴東麓報王及會
推左侍郎首舉主衆亦無可否左侍郎命郎中書
帖郎中不從曰王雖素有時望未經題取焉敢徑
推左侍郎窘甚曰此內閣意也郎中曰便是內閣
亦不敢從事竟不成

語錄

卷六

廿一

祖宗來甚重納監之例必甚不得已方纔一開旋即
止之正德初工部奏納監接濟工程時吏部尚書
邃庵楊公以爲有傷選法疏論之至引宋儒之言
謂自古言利之臣未有不及中其身及其子孫者
其慎如此

先正當大推必辭遜其雍容氣象可想其盛矣正
德初廷推吏部尚書賀推戶部尚書邃庵楊公命
文選郎中謝麒書帖麒公門生也公辭遜且呼麒
字曰應祥豈不知我能堪此大任乎麒不顧出
次書帖公亦離次抱筆曰好門生不聽師言麒正

色曰吾師有失

朝儀廷闕之上師生授誨之地耶公懼焉而
正德中梁厚齋子殺人甚衆柄憲之官當以徒罪
御史王洋論劾之降遠方教職梁上疏救洋待罪
於朝房家人請其歸曰彼害吾家何苦救之公曰
而與家裏說我不如此兒子不得活矣果無再論
者

語錄

卷六

廿二

范洛先生語錄卷之六終

諸苑洛先生語錄

苑洛先生天稟高明學問精到明於數學曾次灑落
大類邵堯夫而論道體乃獨取張橫渠少召氣節既
乃不欲爲奇節一行而識度汪然涵養宏深持守堅
定躬行心得中正明達則又一薛敬軒也其推述理
數律呂天地之秘未易言也其剖析事理可以服習
日用者誠於鄙心有戚戚焉是所以每讀而三復不
能自己者也門人白璧謹記於求簡

馬承

苑洛語錄六卷

副都御史黃登賢家藏本

明韓邦奇撰邦奇有易學啟蒙意見已著錄是書
皆平日論學之語及所紀錄時事輯爲一編本名
見聞攷隨錄已編入所著苑洛集中惟集本五卷
此本作六卷所載雖稍有出入而大畧皆同蓋此
本乃邦奇門人山西參議白璧所刊前有璧序稱
刻而題之曰苑洛先生語錄疑又爲璧所重編矣

願學編二卷

〔明〕胡纘宗撰

北京圖書館分館藏明嘉靖烏鼠山房刻清
修補本

附《四庫全書總目·願學編二
卷》提要

願學編序

予自幼嗜韓文杜詩然莫究其矩度及長工古文辭工雅調然莫測其淵奧既侍吾師虎谷公而知學求諸已隨吾友涇野子而知學求諸心更獲追陪柏齋何子甘泉湛子而知學必務實勝目省察焉或謂若有得也而實未有得也贊入蜀而交東巖徐子中川陳子相與砥厲而求皆已及符吾師東川公整菴公而知學政一也爲政爲學也隨處與而友莊渠魏子喬亭方子相與尋向而求近襲吾友谿田子亦云學道斯學主也而予願學之心彌篤彌勤然岐於文字敘於政事雖日孜孜且未見其進也是故於予言動莊渠子親之獨至於詩文柏齋子甘泉子涇野子略之咸切願予願蒙雖未敢放失然未能以類予程子爲的以薛子爲趨而學至灑然處以復吾師友今檢之口耳爾矣支委爾矣於身心固無得也然願學之心猶夫疇昔焉歸田之暇課耕之餘日尋月繹偶有所得乃劄記

之而有是編恨未請正於何魏湛馬呂陳諸君子也存之家塾更加體認庶或續有得與然予亦既耄矣

嘉靖甲寅重九日烏鼠山七十五翁胡繼宗世市序

虎谷和順王公東川重慶劉公整菴泰和羅公栢齋河內何公甘泉增城湛公莊渠崑山魏公谿田三原馬公矯亭崑山方公涇野高陵呂公東巖嘉定徐公中川遂寧陳公晚學

願學編序

二 烏鼠山房

生胡初仲一識

夫學學爲人也學爲人學爲聖爲賢也學爲聖爲賢學也何以及乎文夫文明道也學也道明而德立矣學之始也何以及乎政夫政行道也學也道行而其德成矣學之終也是之謂學也續宗識

願學編序

願學編者可泉先生修道之言也高自蚤歲慕先生之名於史局蘭臺而不得炙先生之教景仰耿切欲負笈而未能也癸丑夏得承乏秦尹之又明日走謁先生接先生之談服先生之訓則見其非道義之言不言非聖賢之行不行茅塞因塵一旦醒豁如寐斯覺如晦斯霽向之聞而知者今皆見而知矣蓋不徒文章政事之鳴於時也甲寅春先生出是編以示高曰某生平

願學編序

三一 烏鼠山房

之所願學者近有所得暇中乃劄記之不踰歲遂成簡奏予莊誦之久始得涯涘要之天地之覆載陰陽之闔闢帝王之授受聖賢之作述性命之賦予文章之華朴政事之純駁古今之代謝凡先賢之所未發者殆闡明之無餘蘊而於禪學之虛玄俗學之乖繆斥之尤力學者能由是而資繹焉則物以之格知以之致意誠心正身修而德明於諸齊治平之道得有所考以尋向矣敦古禮復古學闢異端折異議而宗周孔

師程朱於諸參天地黃化育之理得有所據以
歸宿矣先生之學於是為正於斯為大其究天
人於一心通古今於一貫矣乎是有得於其師
虎谷先生於其友谿田先生涇野先生尔也予
請梓以傳先生不可予以是編乃薛敬軒之正
脉也先生何秘學者何正焉於是序之而捐俸
以壽諸梓

嘉靖乙卯冬十月望後學梁高序

願學經

四 烏鼠山房

諸生子補諸子排校鍾仲氏世甫願學近取
二編子覽之蓋縣尹 贈中丞祖父之所授
學論 封省郎 贈中丞及縣尹二叔父之
所受而予兄弟願學而未能力諸子任子
初舉子被諸生襁褓絃十有八人其世守之
以為世業父祖家學其同塗哉
九日鄉飲次賓八十八翁胡繹宗廣前識

願學編卷之一

烏鼠山人胡繹宗學

錦屏山人梁高校勘

人之性善其有不善物欲結之也非人之本然也
苟復之鮮有不粹然善者水之性潔其有不潔清
濁混之也非水之本然也苟澄之鮮有不湛然潔
者

觀孩提之童之愛其父母兄弟則知仁矣

心一也出於天則為道心引於人則為人心心容

願學編上

一 烏鼠山房

有二哉

觀日星之循其度山川之麗其形草木之遂其生

鳥獸之若其性可以識造化之至妙至妙矣

天授之之謂命人賦之之謂性具於心之謂理修

於身之謂道得於已之謂德立於世之謂行作於

我之謂教

雲之行也無遠不至也水之流也無微不入也其

天之動乎海之涵也無流不納也山之藏也無物

不殖也其地之靜乎

大學之道其始也明明德也其體乎其功乎其終也平天下也其用乎其効乎

存養省察所以修道也君子修道以身教也中和其功也位育其効也

君子以人治人之人與道不違人之人同

義皇之易在畫文王之易在彖周公之易在爻孔子之易在與其理一也

知畫則知義皇矣知彖則知文王矣知爻則知周公矣知與則知孔子矣

願學編十

二

鳥鼠山房

聖如堯如舜吾師也師之如何曰中曰精曰一而已矣如文王如孔子吾師也師之如何曰純曰不已曰時曰大成而已矣

喜怒哀樂未發而皆當理道心也公也故微發而不皆中節人心也私也故危

羲皇之教畫也卦也爻也圖也知畫則知奇偶矣知卦則知陰陽矣知爻則知萬事萬理矣知圖則知易矣

畫前有易天也地也人也刪後無詩風也雅也頌

可以言學有關聯麟趾之化而後可以言政

天以是賦人聖與賢與愚理也性也天以是形人聖與賢與愚有清濁有厚薄焉氣質也整菴先生以理一分殊明之發前賢所未發矣

南方之人之性多柔然有剛者其剛也或直或隘北方之人之性多剛然有柔者其柔也或慈或無

附錄

州朱不肖不肖堯爾肖堯者舜也故以天下禪舜

商均不肖不肖舜爾肖舜者禹也故以天下禪禹

願學編上

三

鳥鼠山房

啓聖雖不能企禹然賢可嗣禹天下且歸之殆愈於朱商故不以天下禪皋陶蓋堯舜爲天下也禹爲後世也嗟乎世安得人皆如舜如禹邪後世不肖如朱如商者固不能無而聖如舜如禹者謂禪

而有天下若湯武則皆實未嘗有也

非學到至處怒鮮不遷過鮮不貳也故獨稱顏子

子曰昭昭也曰揭日月而行一石水曰一勺蓋舉其

小處然爾天曰覆萬物地曰載萬物山曰寶藏興

水曰貨財殖蓋舉其大處然爾夫天至廣也地至

大也山至厚也水至深也故曰至誠無息

先天圖體也而用在其中矣後天圖用也而體在其中矣

太極圖易之精也不研之何以格物先天圖易之

顯也不發之何以致知
西子言志者也超然矣然行或有所不捨也路也
能爲乎其國也有也能爲乎其邦也華也能爲乎
其諸侯也然皆行能於乎其言也夫哲雖狂然也
是大意矣是孔門之教也

誰謂陰不能生陽也今夫酒米澆之糟醲之水沃
之不數日醲勃勃然熱而醲矣今夫糞塵汚之穢
積之水浸之不數日蟲欣欣然昂而動矣誰謂陰
不能生陽邪

伏羲卦爻黃帝律呂皆自然而然而也蓋本之天也
天行健於日於穆不已也其王化乎日行健於月
至誠無息也其王政乎

擬衍大學格物致知誠意章句

自天子以至於庶人壹是皆以脩身爲本其本此

而未治者不矣其所學者薄而其所薄者學未之
有也此謂知本此謂知之至也

脩身明明德也特舉脩身者脩身其本也口脩
身格致誠正舉之矣身之脩德之明也而家國

天下之人之德亦當明也本立而道生也本末
之分皆由此別格致之易見者也本所當先厚

當當親大人所知也知此斯知脩身矣知脩身
知本也知斯至矣

所謂誠其意者毋自欺也如惡惡之而好之此
所謂自謙故君子必慎其獨也小人閒居爲不善

無所不至見君子而後快然捨其不善而著其善
人之視已如見其肺肝然則何益矣此謂誠於中

形於外故君子必慎其獨也曾子曰十目所視十
手所指其誠乎富潤屋德潤身心廣體胖故君子

必誠其意

欲脩身則自誠意始首揭誠意者誠意正其要也
曰誠意格致舉之矣且格致以明明德也則有

人所不知而已獨知之者故其要在慎獨意誠

而後不自欺必自謙也心廣體胖及正心矣

詩云瞻彼淇澳萋萋猗猗有斐君子如切如磋如

琢如磨是兮個兮斯兮宜兮有斐君子終不可諠

兮如切如磋者道學也如琢如磨者自脩也悌兮

個兮者恂慄也斯兮者威儀也有斐君子終

不可諠兮者直德也至善民之不能忘也

切瑳琢磨是謂切磋致也明明德也終不可

諠諠也終不可諠諠也明明德也終不可

諠諠也終不可諠諠也明明德也終不可

諠諠也終不可諠諠也明明德也終不可

諠諠也終不可諠諠也明明德也終不可

諠諠也終不可諠諠也明明德也終不可

諠諠也終不可諠諠也明明德也終不可

諠諠也終不可諠諠也明明德也終不可

諠諠也終不可諠諠也明明德也終不可

諠諠也終不可諠諠也明明德也終不可

諠諠也終不可諠諠也明明德也終不可

諠諠也終不可諠諠也明明德也終不可

其極

徵諸成湯之誓新德文王之作新民膺新命明

德以親民也又摠結之曰無所不用其極止至

善也

詩云邦畿千里維民所止詩云緡蠻黃鳥止于左

隅子曰於止知其所止可以人而不如鳥乎

引詩而釋之言知所止也

詩云得民文王於緡蠻教止為人君止於仁為人

臣止於敬為人子止於孝為人父止於慈於歸人

交止於信

引詩而釋之言得所止也

子曰聽訟吾猶人也必也使無訟乎無情者不得

盡其辭大畏民志此謂知本

引夫子之言曰使無訟已之明德明也曰大畏

民志民之明德亦明也蓋本於脩身也此之謂

知本知本知脩身之為本也蓋大學下手用功

處故反覆以申言之也其詳朱子已章句之矣

惟金生水也故天下之寢不勝灌溉矣惟水生木

也故天下之工不勝斧斤矣惟木生火也故天下之炎不勝燔燥矣惟火生土也故天下之穀不勝稼穡矣惟土生金也故天下之器不勝鎔範矣然得氣之柔以成水也則九濕之流皆爲水得氣之剛以成火也則九燥之熾皆爲火得氣之華以成木也則九濕之融皆爲木得氣之精以成金也則九燥之凝皆爲金得氣之厚以成土也則九濕九燥之結皆爲土蓋潤水之性也故鹹故黑炎火之性也故苦故亦暖木之性也故酸故青寒金之性也故辛故自生土之性也故甘故黃其相生相繼也其相尅相治也然陰陽無不具而性無不善也可以觀太極矣

原學編上

十

一鳥鼠山房

畫必三而後能成一卦必奇偶錯而後能成八卦故自一至三皆自然而然而重必六而後能成下上卦必下上錯而後能成六十四卦故自一至六亦自然而然而然自一至三其有取於參乎參三也一奇一偶三以相錯而八卦列矣自一至六其有取於兩乎兩二也一內一外二以相錯而六十

四卦生矣

天至大也雖地亦包乎其內而日月繫焉星辰麗焉風雨興焉河嶽奠焉草木殖焉鳥獸若焉然天其主也而生物其心也君至大也雖后亦御乎其內而三公輔焉九卿弼焉百工理焉萬姓輯焉四海晏焉九州謐焉然君其主也而生民其心也六十四卦三百八十四爻自然之文粲然也而理而象而數備焉

原學編二

三

一鳥鼠山房

是易也程子專主義理朱子專主卜筮然義文周孔之畫之卦之爻之翼曰交易曰變易可以學可以見矣

觀先天圖則知顯微無間矣觀大極圖則知體用一源矣

才有意於爲公便是私故曰廓然太公才有意於爲義便是利故曰君子喻於義而公私義利之間間不容髮也

顏子之樂惟德潤身也自尔心廣體胖不以簞瓢而改不以台鼎而移

讀易繼之者善也成之者性也則知孟子道性善之旨矣

視一以禮視之理得矣聽一以禮聽之理得矣言一以禮言之理得矣動一以禮動之理得矣一曰不克己乎天下不歸仁乎

程朱子訓格物明且切矣謂格物以窮理物格而理明矣然不曰窮理而曰格物者物外也理內也即是物以求是理就實處究竟久則豁然爾故窮到至處之謂格與律所謂格間之格頗相似易曰

一領學編上

三

鳥鼠山房

知至至之是也或者疑之曰吾求之內也心學也夫人之內心也心具是理也統之者性也情也皆物也今日物者意之用也格者正也正其不正以歸於正也然物物也意亦物也物與意義不相涉亦何所本而以爲意之用邪設以爲心之用亦可也設以爲身之用亦可也然苟意用於正性邪則性未發猶在內也將何以探其正不正而正之邪意用於正情邪則情既發已在在外矣抑何以追其正不正而正之邪且不知正之者物邪意邪倘以

爲情則又求之外矣抑心學邪然既云物爲意之

用則物乃在意後矣又云正其不正蓋心知之也

則致當在格前矣如曰正意之用也則致知誠意

正心皆舉之矣又何爲致之誠之正之邪夫意心

之所發也今欲格而正之將正意邪抑正心邪果

正物邪又曰格其心之物格其意之物格其知之

物若然則格之矣正矣無庸於誠之正之致之矣

又曰正其物之心誠其物之意致其物之知若然

則物乃意與心與知之主宰無不聽命於格矣吁

一領學編上

四

鳥鼠山房

只一物字發出許多議論友覆聖經其論高出其上此豈末學所能窺測也邪嗟乎程朱之訓格物蓋本之萬物皆備于我也堯舜之智不偏物急先務也窮理盡性以至於命也然則格物果外邪抑內邪且格者物也外也格之者心也內也或謂吾心之良知即天理然彼所謂良知與孟子所謂良知厥旨既別厥用亦異孟子所謂良知不待慮而知也彼所謂良知吾心本然之知也孟子良知字皆虛彼良知字皆實然非字異也其義殊

也夫良知也其所以知理也今以良知為天理則吾心所賦所具者理邪知邪理理之自然者也未發之性之中已發之情之和皆是也果知邪抑理邪然動靜者氣也所以動靜者理也亦將以為良知邪夫知知此理也理心之體也知心之用也豈將並立而互為體用邪又謂精察此心之天理以致其不然而良知又謂致其良知以精察此心之天理則良知天理之在人心一物邪二物邪天理之在人之心之天理先邪孰後邪夫知而謂之良知則純然善粹然美矣何復致之邪致之者將推極之使更良邪苟不致將復不良邪豈乎吾心之天理渾然者也戒慎恐懼以存養之所以擴本然之天也今又察之使明精之使詳者存養邪省察邪苟以為吾心具是知即具是理也是即生知邪果生知也則人人皆聖人矣人何待於學而後知邪又何困於知而必學邪豈不可知也曰天性之真明覺自然隨感而通自有條理是以謂之良知亦謂之天理然其性賦之天者也明覺而通感之人

知學錄

五

馬鳳山房

者也所以賦所以感者理也豈亦曰知邪心本虛靈是以明覺然有時而昏則與天理不相類矣豈亦曰良知邪有此良知其覺自然則理不必窮也性不必盡也德不必明也隨感而通自有條理則無復學之非能弗措也無復問之弗知弗措也是非聖人之生知邪豈乎天人一也苟以為良知即天理則魚躍川流山峙者理邪知邪君令臣共父父子孝者知邪理邪豈不可得而知也竊以為吾心之天理本自靈澈擴而充之則知為良知是為至是為窮理存之為德行之為行建之為功是為循理又何假良知以與天理相埒將互為體邪抑迭為用邪非愚之所知也

大學章句言即物以窮其理者格物也格物也者窮理也謂即明明德而格之致之若何為未明若何為明若何為明未至若何為明乃至而後明明德之理昭然也即親民而格之致之若何為未親若何為親若何為親未至若何為親乃至而後親民之理昭然也理斯窮物斯格知斯至至是之謂

知學錄

六

馬鳳山房

大學之功然即事事物物而格之雖涉於泛而窮天下之事之物之理本吾儒分內事也故格物者必自明明德親民始明之至親之至止至善矣是其本體也倘曰事事物物無定理曰理不備於物則日之升月之沉水之流山之峙鵲之飛魚之躍而其所以然者何物邪善乎二泉子曰易曰知至至此格之說也禮曰物至知之此致之說也聚精會神置吾心於是物之中致一而不及乎他是之謂格物仁雖未能守而知能及之是之爲格物

頤學編上

卷一 鳥鼠山房

朱子所補格物傳文無間與曾子之旨合否然自始至極自一至萬其理昭然如指諸掌意雖取於程子而義有得於曾子今以即物窮理爲非心學則理不當窮乎物之理不當知乎堯舜之知何不偏物急先務乎夫即物以窮理者謂即明德之物民之物至善之物而窮其所以明所以親所以止之理無不到也則其知無不至矣餘可類推耳非心學乎非謂即天下之事之物而即盡之也噫

窮理學者分內事也易不曰窮理盡性乎詩不曰有物有則乎顏子不曰博文約禮乎子思不曰博學審問慎思明辯乎孟子不曰萬物皆備於我乎夫理不窮何以明乎理將不待窮而自明乎天地何覆載日月何照臨乎萬事紛至何以應萬物沓來何以接乎理不窮也將明心乎將一聞千悟乎不大亂直乎

頤學編上

卷一 鳥鼠山房

周子太極圖所謂無非老釋之所謂無也老釋所謂無虛也謂無生有也周子所謂無實也謂有是理無是物也即太極也或疑之不曰上天之載無聲無臭邪天地以生爲心也觀蒼生蠅蟻沫生蠓蟻腐生螢陰生蟲蠹生魚而其生生無窮也雪花必六出梅花必五出雪花至春復五出冰花亦六出可以觀天地陰陽自然之數矣知至至之格物也知終終之致知也欲敦渾渾噩噩之風則從先進欲弘郁郁之文則從周從先進世也從周時也然上古之風不可得

而見矣得見中古之文斯可矣其文何禮樂教化
然然而有章也煥然而有理也

此心之知之良本然之天也孩提之童之知愛敬
其父兄本然之天也理也苟遂以良知為天理則
陳陽之化生人物之稟賦者理邪知邪心之所以
成體身之所以成形者理邪知邪既云良知又云
此良知者不致則知之良未盡既致則知之良
致則知之良也傳云生知聖也學知賢也知愚也
然則良知之知聖邪賢邪愚邪生知學知與良知
無異邪邪則知與良知異邪則知與良知異知
於事物物良知亦事也事物也又與更所謂
人知也知知我知物知物知物知物知物知物知
道知物知物知天孰為體用邪要非末學所能知
也

道統之傳孔子而後有顏魯子思至孟子而止耳
孟子之後有周程張子至朱子而止耳傳曰軻之
死不得其傳焉愚亦曰熹之死不得其傳焉

一而貫萬物各其一本太極也貫而一萬物統體一
太極也

孝一也舜聖也閔子賢也申生恭也伯奇順也皆
怨慕也

讀今易使今之學者不知古易無以識義文周孔
之神聖其何以窺圖書之微奧也哉古易上經下
經家上傳家下傳象上傳象下傳繫辭上傳繫辭
下傳又言傳說卦傳序卦傳雜卦傳是所謂十二
篇也又自以爲不分行下
編也傳而以大行爲傳者

太極理也一也陰陽兩儀也分大分少四象也金
木水火土五行也軫軫輻輳萬事也形形色色萬
物也皆是理位之育之也閔之問之也變之合之
也生之化之也氣也貫也一本萬殊也聖人之
貫也忠盡之於已也恕行之於人也學者之二貫
也

不曰窮理而曰格物者曰窮理則初學之士無所
持循曰格物則士之初學有所體認云尔蓋理隱
而物顯也子曾子之教學者何其著明深切也邪

以格字欲訓之為正豈程朱子不知格可訓之

以正邪書曰王假有廟亦可訓格為正邪
差夫夫人之心之具天理也夫人知之也謂心具
是理而人不知也故以良知明之可也夫人皆知
之也生知稱聖學知稱賢困知稱愚知雖有淺深
而其知一也困而不學愚而益心之知本良也
何必曰良知良知者是以良知為心之理而與靈
府作主宰邪即以良知為心之德而與天理相左
右邪孟子曰大人者不失其赤子之心蓋亦曰大
人者不失其孩童之良知不明切邪然心所具者
理也知理之當擴心之良也謂致之使不失其良
可也而必曰致良知蓋亦曰擴天理不明切邪太
學曰致知今日致良知知有二邪蓋理一也知亦
一也知當致也既曰良知似無庸於致矣即孩提
之童之自能知者也若曰致之使不失其良知蓋
亦曰致之使不失其本心不明切邪何必曰良知
良知云尔也
火之性剛故就上水之性柔故就下

修道之謂教之修與修身以道之修同存養省察
修道也

皆清也而不皆伯夷皆任也而不皆伊尹皆才也
而不皆周公夷之清清也非今之所謂清也尹之
任任也非今之所謂任也周之才才也非今之所
謂才也清可能也餓不可能也任可能也放不可
能也才可能也拙不可能也

太極圖何為作此理昭然而人之知此理也不皆
昭然故為是圖以開示之是圖一出則太極理也

原無編上

鳥鼠山房

兩儀四象五行男女萬物氣也皆是理之為之也
一披閱問而人皆昭然也然猶有疑無極者既明
太極苟不言無極則人又將疑有極矣周子之為
是圖也庶幾後學之心何其著明也哉

體川一原顯微無間薛子發明無餘蘊矣

心一也經曰正心傳曰存心又曰盡心釋氏曰明
心亦曰存心又曰澄心夫儒者之於心邪則正之
舍則存之欲通吾神明而極其全體則盡之則此
心湛然在內日昭昭然所具之理窮之盡明之

至故萬事沓來一一處理應之無不曲當是心也何虛靈邪其在腔子裏不活潑潑地邪衲子之於心道絕念慮屏除紛擾執持之羈制之不合意馳不使業障則此心才然在中日冥冥然然止知明心不知明理故弗動弗撓徒尔端居事來莫察事去莫省是心也何空索邪其在腔子裏不死帖帖地邪夫儒正心也心正矣惟見其亭亭當當也釋明心也心明矣祇見其閃閃爍爍也此儒釋之所以頓殊也

願學編上

三

鳥鼠山房

誠者自成也天道也而道自道也天德也

聖人脩是道於大中至正之域而無過無不及是之謂教

學者力學當慎之於動而主之以靜周子定之以中正仁義而主靜立極謂動靜不失其時不失其宜也故令人靜坐後學不察泥於其說遂至屏絕思慮有似禪定久則末有不空索者是以易入於禪而人不悟也使學於幼而有小學根本學於壯而有大學工夫則定而靜以至於得我之明德既

明禪何自而生何自而入邪

古之所謂才也今之所謂才亦才也稷契三代之才也管晏春秋之才也樂魯戰國之才也董賈狄陸韓范漢唐宋之才也然三代而上之才純王才也三代而下之才有純伯者有雜伯者有體王者王伯之間之才也夫三代而上之才臣與君同而君用之也三代而下之才臣未必與君同而君未必用之也嗟乎同不同世也用不用時也原才矣而國不容亮才矣而天不假年今不如古也

願學編上

四

鳥鼠山房

爲之何哉

真知者必實行實行者必真知陽明知行合一之說蓋出此此亦明矣然知自知行自行也夫所謂好色惡臭者知之苟切行之必篤理也然未及於行也蓋見色而好見臭而惡屬知好若色惡若臭屬行但未近乎色未遠乎臭乃未可云行尔釋誠意而曰好惡云者是論其理明知行而曰好惡云若是論其事今云已自好了已自惡了然色與臭在彼好之惡之在此豈徒物色之乎又云知寒必

自己寒了知飢必自己飢了然覺寒與飢知也備
寒與飢行也寒未衣猶寒也飢未食猶飢也將謂
己自寒己自飢遂爲行乎今有人焉真知夫事親
必寬容必愉色斯爲孝也然向不在庭遂謂之盡
孝乎真知夫事君必披肝必瀝膽斯爲忠也然向
不在廷遂謂之盡忠乎見得真切知也其本體也
實行也亦其本體也既云知行合一却云
一箇知說一箇行是不得已補救然知
行便行古人何不得已何補救乎大抵真知
知也必能行者也實行行也必能知者也知果即
行乎知行果不可分乎
一日克己復禮屬行一旦豁然貫通屬知其致一
也天下有不歸仁大人之學有不得止也哉
好仁者無以尚之樂天也
不以顏回之學自期者不愛其身者也不以伊尹
之志自任者不愛其人者也故學顏子所以學孔
子也學伊尹所以學大舜也
學不可與言三代罔也治不可與言三代誣也學

也治也可以三代也而弗三代若也盡也
緒宗晉訪元山席子坐定與求聖賢經傳而論古
今是非得失乃及春秋續宗曰春秋有經而無傳
席子曰然曰伏羲之卦文王周公孔子能傳之孔
子之春秋恐非左氏公穀氏之所能傳曰然曰游
夏在孔門以文學稱而曰不能贊一辭然則春秋
豈非傳哉曰然曰左氏有實不實公穀氏有精不
精明氏太義正然亦有鑿程氏其幾乎曰然曰三
復之左傳左氏春秋也公羊傳公羊氏春秋也穀
梁春秋也胡傳胡氏春秋也雖程傳亦惡得必
爲孔子哉曰然曰春秋猶天也程其日月乎胡其
雲雨乎左其星辰乎公羊穀梁其河嶽乎然皆不
足以盡天也曰然曰知春秋者莫如孟子孟子曰
春秋天子之事也夫天子之事亦大矣顧在於褒
貶乎顧在於以一字為褒與貶乎曰然則子
必傳孰從續宗良久曰必也程傳乎席子亦良久
曰其庶幾哉
文起自堯典詩起自關雎堯典之文有唐之德化

也帝也文云乎哉關雎之詩有周之風化也王也詩云乎哉

欲已之明德之極其明明德之止於至善也欲天下之人之明德之皆極其明親民之止於至善也而皆原於明明德也蓋明明德也必仁如天而後謂之至必明如日而後謂之至親民也必無聲無臭而後謂之至必不識不知而後謂之至其至也即已之德天下之人之德之極致也其本體也故曰

願學編上

七

鳥鼠山房

不知性何以知命不知命何以知道荀氏楊氏皆不識性陸氏亦不識性微程子吾其異端矣釋氏誤以心爲性吾儒惑之從而疑性而不知求之心也名曰學儒幾何而不遜乎儒入乎佛邪求之大學者行吾所學非王不以尙非聖不以崇以之爲治非周不以法非孔不以師

觀晦翁所問延平所答具見究心理道可以存養可以省察先正啓後學此爲切要今之學者末也有師弟子授受至灑然如二先生者

學者當學孔子學孔子也當先學顏子程伯子夫顏子粹程伯子純學者質不能如顏如程也蓋學曾子何以學曾子心必篤行必篤學斯篤矣其篤若何曰不欺曰无妄

政不出於王霸而已矣教不本於聖藝而已矣故修政以武城爲學道立教以安定爲稽古然王要道也聖至德也

大學之學陽明子主誠意言大學之要在誠意也誠意之極止至善也甘泉子主格物言自平天下而之格物自物格而之天下平大學之始終也格

願學編上

七

鳥鼠山房

物止至善也涇野子主修身言大學之本在修身也知身爲本所當厚也則心不他用世無剩物日無汎事而其知至矣愚竊以爲在明明德也蓋格之致之誠之正之修身也明明德也齊之治之平之天下之人之皆明其明德親民也明德無不明民之明德無不明止至善也是大人之學而大學之道也

禪學日盛則理學日微理學日微則斯文日晦正

道日垂不于老即入于釋晉宋之末可鑒也

謂大學舊本無錯簡恐未必然謂二程子朱子本孰與曾子合孰不與合愚亦未必然但當求之於理理明而道存矣今執舊本而謂誤理為求之外為支離言前小而謂談心為求之內為虛玄愚蓋不知其說矣孔子不曰史闕文

大學舊本在禮記中記多錯誤此未必無錯誤然程子謂為孔氏遺書朱子謂古者教人之法復明此足以訓矣顧學者學之何如爾周氏曰語格致

知學編

荒一鳥鼠中房

或右簡迷復論治平或舊文離次然理苟明不患其迷復義苟足不病其離次故讀古本而大人之學大學之道亦未為不暢也然不於古本求脉絡於今本詳意旨却以古今本較支與虛與妄議遂與離而以格物為誠意之功然致知非功乎以止至善為誠意之極然非明明德親民之極乎蓋格物必致知而後可以言誠否則何自慊乎明明德親民必無所不用其極而後可以言止否則天下何以平乎動而有不善不格之至致之明而遂誠

之乎不自欺乎然則格致夫何可緩乎豈在誠之後乎夫舊本不忻可也因舊本而求格致義固渾然即新本而求格致之理復繁然而顧以為支乎格物窮理也致知明理也所以格所以致者心也蓋本之內也夫何支欲格物致知者將以誠意正心修身也則格物事也致知功也誠意要也修身本也所以明明德也齊家治國平天下用也所以親民也愛人之意夫焉得而曰禮曰毋不敬學者所以學也格致誠正修而不敬不戒以二

知學編上

荒一鳥鼠山房

乎齊治平而不敬不他以適乎文王不無不敬而安所止乎中庸不篤恭而天下平乎大學雖未明言然敬在心也學者之學也非自外至者也夫曷緩分以為傳猶誦讀者分以為句讀耳學者按其節目以原其綱領庶有進志乎今本雖少分然血脉亦自分明固未別為一色及列為二簡也夫何離曰知止而后有定承在止於至善曰古之欲明明德於天下以下承知所先後其自天子至於庶人則特提出本以示人故曰此謂知本曰此謂知

之至也承上知止止至善也其義備曰所謂誠其
意者至君子必誠其意誠意之義備矣其文完蓋
程朱子以格致之義若未有明訓故於大學中尋
繹疑有遺錯乃尔改正乃尔分析以教示學者而
今乃嘗之且以格物爲正物不知於大學孰得於
二程子朱子孰是邪夫程子朱子宋大儒也吾所
尊信者也孟子亞聖也荀卿且嘗之而况程朱子
邪無怪其輕詆也求乃以致知爲存乎心悟其趨
於禪乃自露出本色矣將焉遯由是觀之且不知

原學編上

馬鼠山房

孰支孰離孰妄孰綴邪敢質之知格物者

古本不曰所謂正心在誠其意而曰所謂誠其意
者意固有在然格致乃喫緊用工處而可無明訓
乎故疑有闕文闕文者如所謂格其物所謂致其
知云尔然反覆體玩則誠意學之要也修身學之
本也然必自格致入格物格理也理明而知至矣
知至而後意誠而後心正而後身修盡觀淇澳烈
文之詩之旨而其格之致之義已具有不俟訓
釋而可考知者在學者玩索之也 今觀自大學

之道在明明德至此謂知之至也其文義既自成
篇此下或有闕文自所謂誠其意者至君子必誠其意其
文亦自成章此上或有脫簡而其理致昭然無復疑闕此
謂知本二句正是總結上文自詩云瞻彼淇澳至
此以沒世不忘也此引詩以明明明德親民之止
於至善也而格致之義亦已在其中矣此中或有闕文自
康誥曰克明德至大畏民志此謂知本此引言以
徵明明德親民之止於至善及知止得止而以本
末之義結之也但此三節似俱當在誠意章前此
後或有闕格致字及闕格致章今不可考矣然
知其指趣即可探其蘊奧沉之潛之當自得之也
何必曰孰在前孰在後何必曰舊本是新本非何
必曰舊本不當析新本不當從何必曰誠意之必
在先格物之必在內而有所謂支與虛與妄與亡
與離與悟云尔邪予故曰史闕文使程伯子不自
禮記中取出今亦無復古古今今是是非非云尔
也 程伯子以康誥曰克明德至與國人交止於
信上接知所先後則近道矣下接古之欲明明德

原學編上

馬鼠山房

德也其平章道也邵子皇帝王伯道德切力每以四者類言之然有差也若降殺云尔也夫伯何可以嗣王功力何可以嗣道德學者須識邵子立言之旨則能以意逆之矣

只今聖學大明如日中天也惜王道未盡行如水行地尔而又加以禪學肆出豈斯文之輩邪噫何偏趨遠廢而不恪遵明道邪遵明道學顏也學顏學孔子也學禪而却曰學孔是駕指南車而適鴈門尔吁亦在矣

頤學編上

廿五

鳥鼠山房

人知霸非王也然難以亂道人知禪非聖也然易以亂學皞皞如也王也驩虞如也霸也博文約禮聖也明心見性禪也王霸所被所惑固自判然世雖稱管晏然迹其所就安敢望伊周霸能亂王乎若禪學惟不知性也或以生為性或以心為性或以氣為性性不明故見不真見不真故學不正學者趨向苟不的鮮有不為禪所引去者故曰爾近理而大亂真近有以陸子靜為上接孟子者夫孟子頤學孔子始舍顏子亞聖也盡性養氣之論上

繼周孔君子靜已不識性更不識氣稟之性却止知心故曰心即理也而不知性即理也每云當下便是如其言則周公之夜思待旦孔子之發憤忘食皆非邪然惟生知安行為能然耳學知利行而不知既無庸着力又何以便到聖人地位邪其流不至於甘定廢學不已也然堯舜之兢兢業業湯之慄慄文之翼翼者何邪又云只是差些子却又不道破第恐所謂些子者正是差處而彼不自知也觀楊簡之忽省此心之清明忽省此心之無所不通

頤學編上

廿一

鳥鼠山房

詹阜之忽覺此心之復澄瑩其以心之靈覺為性明矣此可見止知心不知性於孟子性善之說已相悖而先立乎其大者亦止言心而不言性之靈思於孟子思則得之之旨亦不相投此其流弊未入于禪定邪夫子靜所見甚高如云天地未闢此理固在此即邵子所謂畫前元有易也但知靈覺以為至道似是更不須問學則聖賢之博學詳說大禹惜分陰孔子三絕韋編者何邪夫當下便是只是些子此與禪語絕相類却是教學者極情去

堯舜周

終一以時其以二

嗟乎子靜本高今則過於高矣而何以爲獨接孟子邪將不屑周程子邪而何以云吾明斯道邪於乎惜哉

戰國世降楊墨之徒出邪說橫行孟子繼子思而有憂焉不得已而爲之辯夫孟子豈好辯哉息邪說以正人心明周公孔子之道以嗣子思而開來學則孟子固有不得而辭焉者微孟子吾其異端矣南宋世衰佛老之徒出禪學盛傳朱子繼周程

願學編上

廿七

鳥鼠山房

張子而有憂焉不得已而與之辯夫朱子豈故與之辯哉斥禪學以扶世道闡周公孔子之道以嗣周程張子而詔後世則朱子亦有不得而辭焉者微朱子吾其他道矣嗟乎七篇不作周公孔子之道何以揭之中天六經四書不註周公孔子之道何以垂之後世先正云孟子之功不在禹下愚亦云朱子之功不在孟下

心過理不明也身過道不明也理何以明正其心如鑑道何以明修其身如衡

在

其明德也在

子已釋之矣

繫辭自天道言而人事具矣中庸自人事言而天理具矣

易曰一陰一陽之謂道傳曰形而上者道也程子曰陰陽亦是形而下者此須理會

傳曰易用九老陽也用六老陰也程子曰用九純陽也用六純陰也

天以陰陽五行化生萬物賦以理爲性稟以氣爲

願學編二

卅八

鳥鼠山房

形人物之受之天者也故曰天命之謂性命程子謂之造化也是已然理以成性氣以成形而其人物成矣命也

周子之圖其猶羲皇之畫乎其通書其猶文王之蒙辭周公之爻辭孔子之繫辭乎觀畫則知先天矣知太極矣觀圖則知一陰一陽矣知易矣

逝者不舍晝夜不止川流若日往月來雲流風動鳥飛獸走草生木長莫不如斯也而天行九健識得顏子仰高鑽堅所立卓尔曾子一貫三省自

慊自欺子思率性修道大本達道孟子知言養氣
蓋心知性之旨斯可學孔子舍此便不能尋向上
去優入聖域矣

易其天地乎書其帝王乎詩其風化乎春秋其天
乎禮其理乎樂其政乎乾健坤順而天地位矣堯
授舜受而唐虞帝矣禹繼湯放武伐而夏商周王
矣文王敬后妃貞而周化矣亂臣賊子誅而天命
天討行矣動容毋不敬而禮立矣玄德升聞四方
風動而樂成矣

一顧學編上

廿九

鳥鼠山房

成周之頑民非殷之忠臣乎叩馬之義人非唐虞
之節士乎鷹揚之太公非周之丈人乎盟津不期
而會之八百諸侯非武王之貞師乎紂非有商曷
喪之時日乎而箕子則有周之賓師也夫願民貞
矣義人清矣諸侯貞矣武王王矣紂獨夫也
箕子仁矣

妹喜姐已褒姒陰干陽也秦隋陰乘陽也莽操陰
傾陽也斯鞅陰蠱陽也禹廣安石陰蠱陽也金元
陰蝕陽也是故湯王武王信陽也抑陰也漢高祖

唐太宗宋藝祖扶陽也光武昭列復陽也我

太祖震乎陽闢乎陽闢乎陽以閉乎陰也斯千百

世陽德亨而日中天也

若武帝則陰蔽陽也

詩三百十一篇成周之風化也而關雎其本也故
風以風雅以雅頌以頌莫不發乎情止乎禮義也
而皆原於關雎朝廷宗廟閭閻無遠不被也而成
周之治歸于王矣中庸曰文王之所以為文也純
亦不已

堯豈不知舉十六相有舜焉豈不知去四凶凶未

一顧學編上

四十

鳥鼠山房

著爾

程氏兩夫子未生而大學中庸之書不暴程氏兩
夫子既出而曾子子思之教始明曾子子思之教
明孔子之道明也孔子之道明義軒堯舜禹湯文
武周公之道行也始歷萬世而罔墜也於戲其功
大矣彼楊簡者何物而輒指摘之陸子靜有知亦
必見憎曾謂曾子子思之言而不為楊氏子所取
邪

讀太極圖說則知易矣讀西銘則知仁矣

欲學孔子當自顏子入欲學顏子當自程伯子入

尹氏焯亦善學程子矣

荀子云性惡言人之性皆惡也然堯舜周孔何以聖顏孟何以賢邪設改之而善也聖人性之也亦改之邪香七歲郎知扇枕亦豈改之邪孩提之童無不知愛敬父兄人見孺子入井無不惻隱自然然而邪抑改之邪天人一也天以是賦於人何遂惡邪惡矣何以成形邪物蠢於人也何不踐生草不履生虫反哺啣環顧善於人邪性果惡邪果善

願學編上

聖一鳥鼠山房

惡混邪不曰繼之者善也成之者性也荀子云禮偽也夫禮四德之一也倘偽也其仁義知亦偽矣望大廷而自起敬尊君也遇大賓而自致敬尊賢也亦偽邪泰伯之逃荆蠻伯夷之避首陽親親也禹之讓稷契夷之讓夔龍賢賢也亦偽邪虞芮入豐見禮讓而媿歸適伯玉夜過公門避車而趨豈偽邪夫禮理也禮苟偽理亦偽邪

不立道學之名而道自明學自傳者蓋有其實也特立道學之名而道未必明學未必傳者徒有其

名尔何謂有其實學為聖為賢也收歛不容一物

不媿屋漏一知一行無弗合理也一言一動無弗合道也而其學實矣何謂有其名外若君子內不離小人言必道孔孟而行不狎也而其名虛尔嗟乎韓范未聞立名而其賢實與程朱相伯仲固一代之第一流人也然近代甚至有藉虛名以售美官其人不識其反識之者亦將謂之道學歟悲非業詩書求心性者之所為也

願學編上

聖一

鳥鼠山房

曾子之絜矩帝堯之執中也子思之篤恭伯禹之祇承也而天下有不帝不王者哉
遡羲軒堯舜禹湯文武周孔道學之源者程伯子導末世禪學之流者陸子靜

欲定朱陸之辯斷以孔子博約之訓顏子博約之學而其異同判然矣人皆曰朱子晚年之見始定愚則曰晚年之論益精人皆曰陸氏之見獨高非禪也愚則曰學者學之便入于禪

語云天不生仲尼萬古如長夜允矣是言也然顏曾思孟之後天不生周程張朱子恐亦不能萬古

如長晝也

程伯子似顏子程叔子似孟子然顏子粹與生知
鄰程伯子純出學知上孟子剛大而其氣浩然泰山巖巖之氣象也程叔子剛正而其氣儼然故學
程伯子學顏子所以學孔子學程叔子亦所以學
孟子然慙不易學

孔子顏子不用於春秋孟子不用於戰國程伯子
不用於宋其人哉其天哉

陽明以小學大學不當分然事雖若一學不有先

願學編上

四三 鳥鼠山房

後乎豈未卯之童即當盡心盡性既冠之士猶當
灑掃乎孔子有云大學之道先正有云灑掃亦是
形而上之理中庸不曰登高必自卑行遠必自
邇先正不曰小學教之以事大學教之以理

揚雄僭經謂之不知易可也王通擬經謂之不知
書可也然文中子自是儒者若雄之仕莽則學而
仕仕而叛經矣不可以儒名矣荀卿言雖有疵然
獨尊孔子故謂之大醇若列禦寇若莊周言皆出
於老子異端之傑然者歟然與揚其文皆不可及

而王更多格言

文必本之典謨訓誥而後可以言道獻必本之皋
夔稷契而後可以言德

朱子之學蓋有本於博文約禮也陸氏之學不涉
於後博文而先約禮歟朱陸之異同其在是歟
不師周孔不足以立教不友顏曾思孟周程張朱
不足以力學其教唐虞之化而堯舜之道也其學
濂洛之流而洙泗之源也登是禮殿而不知觀法
焉抑何以教何以學哉

殿在嘉定州
三戟書院

願學編上

四四

鳥鼠山房

輔弼不如周公不足以言攝保釐不如畢公不足
以言治遺愛不如召公不足以言惠戡定不如召
虎不足以言武

管仲非仁者也而曰如其仁不沒其功也一匡天
下民受其賜謂天下之人之不被髮左衽仲之賜
也然假之者仁也匡之者伯也故孔門羞稱

先皇褒章六經四書以學治道攸繫焉以
羲軒堯舜禹湯文武爲百王法以周孔爲百世師
以顏曾思孟爲繼往聖以周程張朱爲開來學信

乎如日行天如水行地迥出漢唐宋之上固千萬
世岡墜也 國初諸儒學誠正矣見誠偉矣但易
不復古易書古文未及白儀禮不列之學官詩不
附呂記春秋不錄程傳禮記不釐正漢儒之附入
者猶有遺憾耳浩欲言之未果然不亟言之恐
聖明未易逢也

心之精神是謂聖此非孔子之言也物有形類事
有真偽亦非子思之言也子思於時尚少也苟有
問不以忠信不以身心顧以事物邪是豈孔子之
家學邪孔子苟有荅不以誠明不以中正願以精
神邪亦非孔子之家教也伯魚趨庭長矣且未及
詩禮子思間居遽及事物邪不必考書之非真而
已知問荅之皆非真也六物之形類可以理推事
之真偽可以理察賢者自能喻之而何假於聖邪
然所謂聖生知安行之謂也大而化之之謂也無
思無不通之謂也而以心之精神遂謂之聖也則
凡人之聰睿者皆可謂之聖矣心之精神虛靈不
昧也身之精神一團和氣也然亦不得謂之聖也

願學編上

四五

鳥鼠山房

朱子不曰孔叢子是後來白撰出者理既無足取
辭亦不足觀乃宋咸偽作者夫家語孝經中多名
言格言尚不取信而謂孔叢子可信邪慈湖楊氏
不達聖人之學之教勦其說以爲主動以立論以
聳人之聽然於性命之學無與焉祇自趨於禪定
耳吁可哂也

古禮之存于今者鄉射鄉飲二者而已鄉飲禮天
下遵行鄉射禮 國初今有司月朔望行之今不
行久矣然鄉飲禮郡縣率以爲故事湯行之而不
足以範俗也夫鄉飲養高年尊有德也今預飲者
未必皆杖于鄉而稱鄉先生甚者不止無德無行
且有過有失多親信者舉之耳而 國家養老尊
賢之意失之遠且悖矣此恐不可不一釐正也噫
然其遵非實也非主也禮記云鄉人仕至大夫可
約而遵法者也又曰介所以輔主遵所以輔賓也
今郡縣每以佐貳官充之或以鄉官充之皆非也
蓋若主者請以陪賓者也故遵之爵與大賓之爵
主之爵皆莫于堂中之北雖介之爵亦不得而並

願學編上

四六

鳥鼠山房

焉其赴飲也贊者報遵至而王與賓及衆賓皆迴於門既拜揖遵入賓次之衆賓又次之升堂而後分請入位蓋鄉官之猶在仕版偶至其家或暫居其鄉尋當復出而其德位與大賓相上下可以陪者乃請之尔三遵亦然但爵稍亞於遵賓者亦可至於吳偶倣古鄉飲禮行之賓與遵與主揖讓竟其間者如堵焉而今皆不之考也夫豈

子有請

夫子詩經集傳學者今誦服矣然呂氏讀詩記不

類學編二

四七

鳥鼠山房

可不讀蓋伯恭之記朱子謂真有意於溫柔醇厚之教矣學者讀之可羣可怨之旨其庶乎故是記不可不讀也竊恐詩人之旨其傳與記未必盡得其微與故曰以意逆志然必於傳記涵泳焉

屈子行吟澤畔顏色憔悴怨也怨已之不得乎君而思慕也申生不得於其親繼之以經孝也屈乎不得於其君繼之以沉忠也無論過不過而其心盡矣於戲此非終其身思慕其君者邪

老子勞攘列子迂誕莊子荒唐去楊墨不遠老子

譙冲列子平曠莊子跌蕩於楊墨差強

老子曾爲柱下史而知禮之節文故孔子見而問之如入太廟每事問耳夫一代之禮其節文之在朝廷者或創自武王或制自周公皆所當問故雖知亦問禮也亦入國而問之敬也而遂以爲尊老子然則問津問卜者亦遂以爲尊其人邪是老子之徒之張大之也

老子五千言既名以道德又名以經然道德非吾所謂道也德彼德非吾所謂德也天道非人所

類學編上

四八

鳥鼠山房

共出不得謂之道不謂之道不可與入堯舜之門德非人所同得不得謂之德不謂之德不可與望周孔之牆且曰失道後德失德後仁其旨自與吾道頤殊顧可以道德以經名哉不曰老子竊弄閭闔者也

今夫海其水瀾瀾其受灝灝吾知與日月並長矣今夫嶽其石巖巖其藏穆穆吾知與天地同大矣今夫人其德巍巍其頤融融吾知與海嶽同造矣稽之義軒乎其惟堯舜乎其道悠久矣

玩辭而知得失玩占而知吉凶故有得亡失而理昭矣有吉亡凶而道泰矣謂易專爲卜筮而作豈其然與子貢見兩君執圭高卑而知修短亦何專於卜筮程子曰盡天理便是易

是心也從夫人則爲人心從夫道則爲道心

儀禮多闕文周禮多錯簡然聖人之宏綱大用微辭奧義即此亦可仰觀其精蘊使有成周之風化昇倫具節文法度未必不可行於今日意安石何人替何心漢末宋季何時

願學編上

四十九

鳥鼠山房

卦爻作而卜筮生卜筮生而吉凶見吉凶見而嫌疑決三皇時風氣噩噩民生伉伉伏羲何爲特爲卜筮以作易夫羲皇之易先天之學也先天之學廣大悉備是以有聖人之道四焉何止於卜筮不曰繼天立極開物成務不曰順性命之理通幽明之故盡事物之情觀去

三禮之文皆古也而禮記則有非古者矣因吳氏考註而釐正之敢有望於今日朱子玉六經之道同歸而禮樂之用爲急

謂學大學以敬爲贅者豈以敬爲他物學者當別作一段工夫而非當務邪曾子不曰君子必誠其意君子先慎乎德夫意欲誠敬不主於心邪德欲慎敬不持於身邪

夷齊叩馬而諫伐商義也蓋非其君不事之心也傷商祀之不歆因不食周粟不屑就已也義也武王伐無道紂仁也蓋拯斯民於塗炭之中之心也不期而會之諸侯有八百焉人心之歸之也仁也皆是也

願學編上

五十

鳥鼠山房

伊尹對湯曰三公之事在道以言乎其行也九卿之事在德以言乎其體也大夫之事在仁以言乎其政也列士之事在義以言乎其事也疑道據德居仁由義其秩雖有四其忠則一尔如其道如其德如其仁如其義是故明君臣而不臣

不以爲臣而以爲師者聖是故有聖君有聖臣不以爲臣而以爲友者賢是故有賢君有賢臣漢以公孫弘爲賢夫武帝果賢乎宋以王安石爲聖夫理宗果聖乎然龍逢死桀比干死紂師邪友邪臣

邪桀是以被放紂是以被伐

晉獻將殺申生重耳曰子盍辭曰吾君老矣賊父之變以取免吾忍以恨終哉子盍去曰是惡吾君也彰父之過而取美誰復納吾哉乃自殺夫是之謂恭也或責以泰伯之節豈欲立奚齊之事覺既

賦云亦遯矣

晉文返國賞亡有不及者讀宮門之書其何以應介之推誦酒酣之辭其何以答舟之僑召之不來推竟與死求之不得僑卒遁去可以考晉侯矣介

願學編上

五二 鳥鼠山房

曰下義其罪上賞其奸身將隱焉用文舟曰請而得賞廉者不受言盡名至仁者不為可以觀介舟氏矣

趙襄子之賞高赫也以禮晉文侯之賞叔狐也以

襄子其後功乎文侯其先德乎

宓子罕單父陽晝送之以釣道子賤蒞邑於陽橋之欲拔綸欲投餌者驅之於魴之若食若不食者取之而單父治蓋陽橋薄魴厚夫釣道奚止於宰

家兒不知罵曾子家兒不知路教於襦襦者豫爾

孔雀愛羽虎豹愛瓜君子不愛身乎視尔明聽尔聰言尔慎行尔謹心尔廣體尔胖斯愛身矣

豐牆境下必崩危木風上必拔為政者不培其本一旦不支其將何以為力故三百篇之治化皆原於周南召南

柯之會要盟可負而不負拔劍可讎而不讎管仲之著信天下也而能南摧強楚北闢山戎三存亡

願學編上

五二 鳥鼠山房

國一繼絕世九合諸侯一匡天下而王室尊其功不為不大也

漢高之封雍齒晉文之赦里鳧須也故漢將曰雍

齒且封吾屬無患矣晉國曰鳧須且赦虜皆翕然

安矣

傳有之鴻鵠高飛遠舉者以掖有六翮也背毛腹毳不備尺寸無之飛不或卑有之飛不或高國家取士也將取其翮乎抑取其毛與毳乎

焚林而田無餘禽矣然有放麋者焉乾澤無魚

餘魚矣然有故龜者焉故龜未余魚鮒不入澤龜而組豆未聞也媽不化鷹咬不設罾羅而賓客未聞格也

終日言不遺已之憂非禮弗言矢終日行不遺已之患非禮弗動矣

樂記雖係于禮其古之遺經乎王制雖撰于漢其古之遺典乎

陸子靜議朱晦翁蓋所入之門填殊蘇子瞻詆程伊川蓋所趨之途迥異是宜其不相下也然子靜

乃墮于禪耳若子瞻不流於禪乎
願學編上 五三 鳥鼠山房

申包胥因秦而請師以救楚伍子胥因蔡而典師以伐楚皆激於義也春秋予之予其也

五岳十二牧之服大舜其治聖治也七十二子之服孔子其教聖教也

讀論語鄉黨篇具見孔子之教七十子也無非聖教七十子之學孔子也無非聖學

謂周禮而非周公所制然則孰所制乎不惑乎謂小辭而非孔子所贊然則孰所贊乎不侭乎

馬背旋文龜甲折象數也前二七後一六左三八右四九中五其文圓前九後一左三右七前左四前右二後左八後右六中一其象方位也龍所呈圖也龜所獻書也拭圖而畫之卦也援書而陳之疇也義受之文傳之易也禹法之箕衍之範也天出之聖人則之理也

麥丘人對齊桓曰君得罪於臣謂桀得罪於湯紂得罪於武莫為謝故至不赦予謂桀得罪於夏臣民湯得而放之紂得罪於商臣民武得而伐之夫

誰謝故至不赦
願學編上 五四 鳥鼠山房

學解牛而得養生學舞劍而得草書先正云格物之功用也然曰得心得之也牛劍雖在外所得則在內謂格物非心學邪

人謂齊桓之霸在得管仲仲齊桓之霸在得鮑叔

王莽而行周禮辟之賤丈夫而入廟學何有誠正實學謙恭實行王安石而行周禮辟之小人而服冠裳何有廣大心曾禮讓法度

漢不識公孫弘而以為名相宋不識王安石而以為名賢人君擇輔臣不難矣哉蓋君子難說小人易說

宋理宗不為故太子審處使之失所罪將焉歸人因以為篡也宜矣

相府而有申屠嘉陸敬輿銓部而有范希文司馬君實御史臺而有汲長孺傳休奕本兵而有趙翁孫諸葛孔明天下有不治平者哉

石中取火陰生陽也爐中取水陽生陰也

願學編上 五十五 烏鼠山房

高皇之得劉基其猶漢高之得張良乎不曰吾子房也

子登岱嶽而見其雄觀華嶽而見其奇對嵩嶽而見其高望吳嶽而見其秀躋瀟嶽而見其麗臨江濱而見其長涉河濱而見其遠俯東海而見其涵濱北海而見其濤汎震澤而見其沃而知天地之動靜陰陽之剛柔何巍然邪天下之山亡不依附焉何泯然邪天下之水亡不朝宗焉而皆原於太

孔子大聖也聖以堯舜文孔為至夷惠尹且不得並況其下者乎而韓子一則曰孔墨二則曰孔墨韓子豈不知孔子乎而曰孔子亦上同兼愛上賢明鬼韓子果知孔子乎讀墨子莊韓尔矣申商尔矣而曰孔墨必相用韓子果不知墨子乎夫和則不流同則流一於流不遷於比乎聖大矣且不能同天而欲顓蒙百姓皆同天乎博施濟眾愛也然不有差等乎不親親乎不親仁乎天地覆載且偏愛可兼乎賢當上也上賢遵德重道也而可以富貴

願學編上 五十六 烏鼠山房

貴而可以喜懼要之乎果賢者而可賈乎可要乎祭如在不與如不祭誠也以爲有則不見不聞以爲無則在左在右蓋陰陽之屈信也如所明不涉於怪流於誕乎嗟夫言近乎僞行近乎誣似是實非似同實異而可使之愚天下惑後世哉同是堯舜同非桀紂夫人皆然也亦豈獨墨氏哉翟宋大夫也大夫亦尊矣然于宋未聞其能同能愛能賢能明也而可與孔子並稱哉不惑哉

已之明德之當明民之明德之欲明物也已之明

德當明而明民之明德欲明而使之明事也然有本未有始終焉知其先後而明之也於已之明德於天下之民之明德皆底於明止至善矣

觀子與易簪子路結纓子游弦歌子賤鳴琴而知孔門之教如時雨之化物而物無不化是故顏子有是夫曾子竟得之而孔子之道傳蓋成德德成達材材達入則聖出則王於是可使治賦者有可使爲邦者有可使南面者而其英才莫不閭閻侃侃名聞天下於時而使夫子在位七十子在職

願學編上

五十五

鳥鼠山房

咸視時中以爲準視大成以爲的則緩來動和于上居敬行簡于下而其所至未必不稟夔稷契若也史不云孔門七十子皆異能之士

延平令學者觀喜怒哀樂未發前景象愚以爲存養得嚴密則方寸之間渾然無欲廓然無私

曰春王正月尊主也曰春帝正月尊帝乎蓋所本者歷代史也非列國史也而復曰帝可哉 阮氏註則與春秋義異矣而何以曰帝哉

曰冲漠無朕萬象森然已具即無極而太極也

今夫山雲雨興焉仁也草木森焉義也

宜嶽鎮別

焉禮也豐稊判焉知也鳥獸萃焉博也嚴洞闢焉厚也梁棟共焉恭也樵牧歸焉惠也禾稼殖焉富也寶玉出焉貴也是故君子有取於山也今天水膏沃資焉仁也清濁析焉義也高下循焉禮也淵渚鑑焉知也潮汐刻焉信也湯湯沛焉勇也瀾漪渙焉文也汙潦納焉裕也波濤平焉正也窪下就焉謙也是故君子有取於水也

願學編上

五十六

鳥鼠山房

喜怒哀樂未發也如鑑之空如衡之平發也如禮之序如樂之和未發性之本然也已發情之當然也曰不是先不是後內外一致爾然不曰仁義禮智而曰喜怒哀樂者曰仁義禮智孟子自其善端明之尔然理隱而情見也理微而情顯也即喜怒哀樂之皆中節而觀之則惻隱羞惡辭讓是非之皆中度也不言而喻矣故是理之在人純然者仁也截然者義也秩然者禮也粲然者智也性也二帝時如春三王時如夏若五霸時不止如秋且其景象蕭索如何得生長意思來

堯庭而有舜禹稷契孔門而有顏魯思孟君臣都
俞而聖道行師弟子授受而聖道明然道之行明
也道之明行也萬世所允賴也

論語所載聖學時也一貫也大成也仁也著而爲
事業可以爲唐虞孟子所載性善也浩然之氣也
仁義也措而爲事業可以爲夏商周 聖學

文行學也尼父恐弟子趨末而忽本故曰行有餘
力則以學文然了得此則博約有其地矣

先正成曰當喜而當怒而怒當哀而哀當樂而

願學編二

五十九

鳥鼠山房

樂然恐情之發也出於卒然似不可言當予欲曰
喜當其可怒當其可哀當其可樂當其可斯中節
矣斯可以言和矣

曰天下一治一亂則知易者莫如孟子曰以意逆
志則知詩者莫如孟子曰春秋天子之事也則知
春秋者莫如孟子於戲孟子其戰國之仲尼乎
韓子云孟氏醇乎醇孟子功衅禹下揚子云楊墨
塞路孟子辭而闕之廓如也程子云孟學已到至
處孔子之後使無孟子其葛繼往開來邪

讀周禮具見文武之所以王周公之所以相者皆
本於闕雝麟趾讀繫辭具見伏羲之所以作孔子
之所以贊者皆原於先天太極其謂非周公孔子
作者豈不知周公孔子邪殆不知化不知易邪但
周禮多錯且闕此無從考訂爾

語云丘之禱久矣非禱也蓋與之契合矣曰禱就
其事而答之尔

或以良知爲天理既辨之矣及讀整菴先生此以
知覺爲性之明驗也之訓則其說不待辨而其繆

願學編上

卒一

鳥鼠山房

莫揜矣吁不亦誕乎

太陽之下置器其間方圓大小不同特欲傾此於
彼尔然在太陽幾曾動即此則禪之誤不辨而自
破矣

宋末學者皆談禪然舉世知尊信程子朱子今理
學甚明願有一二欲援陸氏以畔程朱子者於戲
程朱之學周孔之學也舍周孔將趨明曇氏邪不
曰毫釐千里邪子靜儘高明但學之便是禪學者
可不慎所趨邪

問靜中有物否朱子曰只是知覺愚以爲人是亭亭當當徹上徹下之理

牛之耕馬之馳犬之守雉之別鴈之偶類之報物雖蠢而其性亦未爲不善

涇野呂子云樂在其中謂之安不改其樂謂之利發明孔顏之仁極有分曉

伊川晦菴皆以范氏女謂心豈有出入曰此女雖不識孟子却識心曰此女質美心定見得亦定使有學問之功於孟子引孔子之言之旨亦能識得

願學編上 六十一 鳥鼠山房

蓋其心靜也

陸子靜用心於內是已然一於內學之者不得其學鮮不墮於禪者故一傳而得楊敬仲遂溺於禪矣其繆何啻千里嗟乎不由傳約何能如有所立卓爾

整菴先生鑒別聖學禪學之不同至明至切高明之士猶不舍禪而歸聖將棄周孔而趨老釋邪將畔程朱子而取張陸邪吁亦左矣

趨禪者彼自習禪尔若無預于我而諸大儒必斥

之者非徒惡其墮於異端蓋其流於禪入於夷也入於夷始淪於禽獸矣而何以立於世哉若五胡金元寧復有人紀哉

釋氏不識性惟識心陸子靜亦然

樂軒曰儒者恬退則其心愈細禪家悟道則其心愈粗膚齋云此看得儒釋骨髓出前此以來無有也莊子手脚已粗是以不能有精一執中景象愚謂釋氏本莊子莊子本老子是何學術安敢望精一執中體段列子亦然

願學編上 六十二 鳥鼠山房

釋氏大藏經五百四十函其言皆自莊子紬繹而成卷者衲子乃借以神出鬼沒以欺世惑民則玄論迂玄立言怪誕之啓之也其責將安歸哉周其戰國之佛乎而佛以輪迴死生恐動人以致金身玉殿遍地歷世皆然周曾不得俎豆其間吁胡爲乎不本堯舜文孔之道而造端貽害至是哉甚矣古樂之難復也欲候黃鍾之氣以協元聲則遍地皆非原壤縱截竹製管築室布灰恐天地車和之音未易宣暢非達中和之極者何能與此

嗟乎泰伯虞仲南逃句吳伯夷叔齊西避首陽一
不登庸有商一不甄錄有周千載而下有遺德焉
短髮交身示不爲君其德至矣耻食周粟示不爲
臣其節至矣而商不聞微周不聞訪卒遂其高蹈
以天下讓求仁而得仁垂之萬世自令人興起商
未之君不足望武王不忘遠也知訪箕子矣何不
訪夷齊或其時已棄首山矣然泰伯伯夷亦豈屑
就己者哉蓋泰伯之讓聖而讓也伯夷之清聖而
清也是以孔孟亟稱之

一願學編上

六十三 鳥鼠山房

自唐宋季世君曰可臣亦曰可君曰否臣亦曰否
未見有獻可替否克艱厥臣者是故世不皆熙
熙如唐虞民不皆皞皞如夏商周然天下屬望則
舜嘗傲堯矣禹嘗誡舜矣而益嘗訓禹矣周嘗戒
成矣乃皆都俞吁咈于一堂而上下二德也有志
於五臣九人者其尙論焉

漢三綱正以有文帝唐萬目舉以有太宗漢止於
漢亦以有文帝唐止於唐亦以有太宗吁漢霸矣
唐夷矣

知行合一之說更思之不能旁通宜曰仁諸子辨
之不能決也曰大學指一箇真知行與人看曰不
是知行的本體其見卓矣然真知行乃好仁者無
以尙之惡不仁者不使不仁者加乎其身之謂也
知行本體乃真知者必實行實行者必真知之謂
也夫莫不好好色也然未與比也曰已自好了謂
吾好已行也豈以一見遂爲行乎尙與其人比也
豈與好了者先後踐乎莫不惡惡臭也然與汗也
曰已自惡了謂吾惡已行也豈以一間遂爲行乎

一願學編上

六十四 鳥鼠山房

倘不與其物汙也豈與惡了者反復屏乎目眇者
見色不真然亦好矣亦謂之已自好乎鼻塞者聞
臭不真然亦惡矣亦謂之已自惡乎孩提之童無
不知愛親敬長也良知也知也無不愛親敬長也
良能也行也謂知行不可分良知良能亦不可分
乎豈只須良知不須良能乎曰只說一箇知已自
有行在吁親當孝我知之也然未溫清未定省行
孝其何時乎力已未竭乎君當忠我知之也然未
服官未立朝盡忠其何所乎身已未致乎推之觀

名山之畫一展玩間已悉其峰巒矣遂謂之已登其岑乎臨深淵之圖一披閱間已悉其瀾漪矣遂謂之涉其涯乎曰已自寒了然寒猶在體未衣也豈一呼之而體遂暖乎已自饑了然饑猶在腹未食也豈一吸之而腹遂飽乎夫苟好善也即謂之好已行矣而仁義未見其如何由之也好果行乎苟惡惡也即謂之惡已惡矣而私欲未見如何克之也惡果行乎曰知好好了知惡惡了謂爲緊切工夫蓋知好知也好了行也然知心知之也心好之也內也好之而后行行躬行也外也行仁行義是也知惡知也惡了行也亦心知之也心惡之也內也惡之而后行行實踐也外也懲忿窒慾是也此之謂喫緊工夫然知知也行行也豈降衷之好之惡即行乎豈中心好之惡之即已乎談虎神色獨變知之真也謂已自有行在却謂之方攫虎怒復搏虎乎皆不得而知也敢質之知知行者明明德我明之也親民我親之也止至善我止之也明親止我之心也明欲其無不明親欲其無不

願學編上

六十五 鳴鼠山房

親止欲其無不止之謂至是大人之學而大學之道也此便是即乎天理之安絕乎人欲之私心之德也何曾於事物上求何須於節文上求格致求所以明所以親所以止之理豈儀節哉學問思辨亦求是尔曰格致蓋舉之矣若止是明理則止至善亦若無難者然止至善之不可能即中庸之不可能也夫豈易哉其舜之事親堯之治民哉古今神聖相傳之道中也精也一也純也不已也時也一貫也敬也誠也神也太極也未及乎良知倘無庸良能特標良知雖與孟子不同則良知者列聖所不能道也何子然邪整菴先生曰此以明覺爲性之明驗也然則性不本之於未發之中乎將主之於已發之知乎成之者性乎知乎統之者心乎知乎知不大於行乎曰學問之道無他求其放心而已矣是故博學學此也審問問此也慎思思此也明辨辨此也篤行行此也愚則以爲學問之道求放心也博學也審問也慎思也明辨也篤行也然孟子之求放心子

願學編上

六十六 鳴鼠山房

思之慎思義不相通乎而顏子之學問博文也約禮也抑將曰博博此也約約此也豈義亦相通乎吁顏子子思孟子之學之理一也或欲於求放心下添集義亦得或以良知爲天下之大本以致良知爲天下之達道夫大本謂是理未發亭亭當當宋然不動中也良知則知己發動矣心已明覺矣會謂既發之知亦爲性爲中爲大本乎達道謂是理已發各當其可人所共由和也致知知也非行也端未履也形未踐也曾謂欲致之知遂爲情爲和爲達道乎豈

願學編上 六十七 烏鼠山房

子思子不識良知乎不識致良知乎

陽明先生曰學問之道一言以蔽之曰求放心愚亦曰學問之道一言以蔽之曰博約

致知云者推極其知而明明德親民止至善之所以然無不知爾今一則曰致良知二則曰致良知然知之真莫良知若也盡存吾良知使不失赤子之心充吾良知使克立大人之體則天理常存人欲不肆似無庸於致之云尔也况知既良矣無俟於致之矣豈孩童之良知亦復致之也乎

知愛知敬良知也及其長也私欲蔽之而愛敬不如初矣復其初其擴天理哉愛之敬之良能也及其壯也物我特之而親長不如前矣踐其前其遏人欲哉夫知知此也能能此也知當存養能不當省察哉不曰其要只在慎獨

聖人之所不能知恐亦當求知之如天地之大猶有所憾天地之至必有所察亦不當測知之乎禮樂名物聖人未必生知也孔子亦嘗問禮問樂問官矣非學乎何以曰夫子焉不學乎曰不如丘之

願學編上 六十八 烏鼠山房

好學乎但聖人之學與衆人之學不同禮樂名物之義之理無不精明也一問即洞然矣於作聖何戾乎蓋精一堯舜之學也純文之學也時孔之學也中也而其禮樂名物無不章章也

涇野先生曰中庸明人而尊祖也愚亦曰中庸明道而昭祖也

或謂存養省察爲兩箇工夫愚以爲非謂存養了才去省察非謂未存養先去省察蓋靜以存養動以省察同是率性同是慎獨却似一箇工夫

子思論性原之於天也夫子論性究之於人也先
後語意若一正一反耳孟子論性本之繫辭也程
子論性契之中庸也理一也性斯明矣氣在其中
矣而才不與焉

涇野子以顏子怒不遷樂不改為已到發而中節
地位善觀顏子矣

靜而存養動而省察是率性工夫皆自家心上身
上事理欲之所攸分也可不戒不懼不憤欤

無事無中無時無中無處無中之義大矣哉

頤學編

卷九一鳥鼠山房

飲食自有恰好中和之味非謂美惡豐儉濃淡也

人所不知而已所獨知處便是獨斯不可慎乎

曰夫子問禮於老聃豈不知禮乎曰問樂於萇公

豈不知樂乎曰問官於郊子豈不知官乎天夫子

嘗定周禮矣正周樂矣修周官矣蓋道至大也而

聖人之心亦至大也故舜嘗好問

堯妻二女于舜事九男于舜為天下也為舜也仁

之至義之盡也故以天下為己憂以不得舜為己

憂是故前有帝後有虞

原缺第七十、七十一葉

謂三代而下之不肖也夫堯欽明舜溫恭朱商何
能企及但日親堯日親舜而不學堯舜便謂之
不肖尔故史典中不見朱商不肖之迹若象則不
弟顯然矣

誠者自成成字須體認得分曉涇野子曰在心曰
誠在行曰道在身行其誠也在心存其誠也此可

以體認矣然成者成也物之所以成也

人之德性本自廣大也如天一為私欲所累便不

廣大致之使必廣大而後可以言尊本自高明也

頤學編上

卷九一鳥鼠山房

如月一為私欲所蔽便不高明極之使必高明而

後可以言尊何以致之極之故必道問學倘是等

德性則子曰苟欲充其道也除是禪

孔門子路為親遠道召米孝矣毋卒猶以不得

米告于尼父則生事死事惓惓在母也非視於無

形聽於無聲者歟是孔門之教也

論語孔門之學之教而二帝三王之道也讀得一

部精則唐虞可躋夏商周可復不獨致太平也其

曰半部猶云用得一半尔而非趙普所能也觀其

在宋蕭曹之僑尔至於太祖太宗授受間雖謂之

不曾讀論語亦可也

程公宋受命考亦各有見並存之使後有攷焉

曾子曰省非不及君長即其事親孝可知其事長矣即其爲人謀而忠可知其事君矣況傳習者一貫之道也故於孔子之教獨得其宗

夏商之文獻不足徵也雖能言之亦其宏經大略尔至周而其文郁郁曰從周尼父周人也云從周不有感於夏之質商之忠乎曰郁郁則其文盛矣或以易簡或以太極比一貫愚謂易簡一貫之道

——願學編上

七十三鳥鼠山房

也太極一貫之理也行得易簡便知得一貫明得

太極便通得一貫其致一爾

仲尼於晏與齊見其善交不見其沮封乃知聖人之量之大如天

涇野子以顏子不遷怒不貳過從格物致知誠意

正心來而後能博文約禮而後能仰鑽瞻忽所立

卓尔此便是孔門之教大學之學也

定性書云觀理忘怒可以制怒然情之發也須中節須當理則其怒始不遷却強制不得

若識得見其大則心泰便知得顏子之樂苟以爲道可樂也便不知顏子之樂所樂者何尔然則顏子之樂不可尋乎試於其下改處求之

季文子三思於周公之思以待旦若何曰迥不同也文子之思事也情也周公之思理也道也思事與情外也私意易起思理與道內也精義益暢

聞之吕子柳曰七情惟怒爲甚能不遷則喜哀樂惡皆正矣愚謂皆中節矣曰五性惟過爲害能不貳則仁義禮智皆善矣愚謂皆中道矣此便見顏

——願學編上

七十四鳥鼠山房

子作聖之學之大而其仁不遠也

曾子啓手足非徒手足也若曰啓予手予予父

母之手也予未嘗不恭以辱吾手啓予足予足

父母之足也予未嘗不重以忝吾足而予克終矣

蓋敬其身以無或毀傷云尔故於手足發之而其

孝至矣而其德全矣

夫子之道高也其如天也堅也其如金也前也其

若近也後也其若遠也或弥高或弥堅或在前或

在後是以仰鑽瞻忽工夫非顏子至健至廉不能

卓尔也然學者學之不外乎博約

逝者如斯夫不舍晝夜斯道之不息也天不息聖人不息學者學之安得息蓋斯道何嘗息

顏子語之不惜蓋深有契於夫子之旨不但如時雨之化也不患不到如有所立卓尔地位

先正云鄉黨一篇分明畫出一箇聖人又云非曾子不能作信然然學者於篇中先當識其精神命脉始可於步趨學之於動容周旋中禮上下一於敬處求之或得之矣

願學編上

七十五 鳥鼠山房

四科蓋因其從陳蔡而各擬其所長然亦各得其近似夫孔門諸賢衆矣若子賤子羽伯玉子若子容子思原子羔子華其賢豈下於諸子哉顏子可以言發言悅不可以言助子貢子夏可以言助不可以言發言悅

天下歸仁謂心同理同固也然一旦已已克禮已復已到仁者地位天下如何不歸仁然周嘗以至德歸泰伯歸文王矣辟之太宰已履天官之任已坐吏部之堂天下雖大便知某爲太宰矣不以太

宰歸之而何

顏冉問仁夫子答之不同然理一也顏子能克能復而不見人已便是仁冉子能敬能恕而不分人已亦是仁其不同就二子所至言之尔故回也可使爲邦雍也可使南面及其至也子淵之仁可以覆天下仲弓之仁可以臨天下

文質彬彬云者辟之木焉幹其質也挺然而出而豐而直也葉其文也鬱然而布而暢而茂也苟幹勝而枝不榮則文不足矣枝勝而根不腴則質亦

願學編上

七十六 鳥鼠山房

不足矣故未有根厚而枝不條達者亦未有枝繁而根不膏腴者故質與文乎文與質兼夫是之謂彬彬然質其本也文其末也

紀綱立教化行禮樂興政刑平之謂有成覆轍如天照臨如日無聲無色不識不知黎民於變四方風動之謂仁三年夫子自言尔仁度其時然也王者即聖人然夫子存神過化綏來動知恐不待三年不俟世即夾谷之會可見矣非謂俄頃乎或以多學而識之稱夫子此未審門地之見故於

子貢欲無言於顏子欲終日言而其學高堅矣
欲速盡從容中道見小利盡見大心泰觀之人事
曷嘗見行急而不蹶者曷嘗見圖近利而不訕
居處恭則問居渾是一團謹篤執事敬則臨事渾
是一段端嚴與人忠則交友渾是一片誠恪如何
不爲仁如何不可行於華夷

剛易立毅易守木易莊訥易忍故近仁須識得剛
不是強毅不是執木不是野訥不是鈍始得
仁者無勝人心如何克無勝己心如何伐無一點

一願學編上

七十七 鳥鼠山房

憾如何怨無一毫私如何欲

邦有道危言危行夫有道矣言行不危可也然聖
賢之心廣大也於時於言必曰吾非堯舜之言不
敢陳於王前而所言皆聖謨於行必曰吾非唐虞
之政不敢行於天下而所行皆聖治言必欲其聽
政必欲其行危何如之其言孫非謂不言也但須
存心納牖時可與言而言尔若危行則舍之即遠
逝去之即高蹈尔

昔人曰知分則不克知止則不伐知命則不怨知

足則不欲愚謂不克勝私也不伐爲已也不怨居
易也不欲順理也不難矣哉然亦可學仁矣

初管鮑忽從亡也倖不及爲後入計及入鮑見小
白長也因薦管管知桓可長也因臣白然糾已殺
矣則忽之死死主也非死君也仲之臣臣長也非
臣讎也故仲尼不重忽之死不責仲之生

夫子沐浴請討陳恒欲見諸行事也上爲周中爲
魯下爲孟仲季三氏夫亂臣賊子接迹當世恒倘
被誅則三綱正九伐宣周自天子魯自諸侯三家

一願學編上

七十八 鳥鼠山房

恐將不得爲大夫矣豈不欲見諸行事乎意不在
三家乎曰臣不敢不告撥亂反正之心無日不汲
汲於天下也

如其仁猶云如九合如一匡亦其仁亦其仁云尔
功也非仁也故曰如

一貫之一即惟一之一即得一之一故精可以言
一純可以言一盖理也學至於一則無私無欲不
二不三如何不貫邇得萬事然立之則中也主之
則本也達之則道也原之則天也

也比于仁也豫讓忠矣晏嬰亦忠也然紂知比干
智伯知豫讓而齊景不知晏嬰

夫子非不欲隱也而終不隱非不欲仕也而終未
仕是豈接與荷篠長沮桀溺所知也哉

觀因樂廢而去之八賢一母四乳而生之八士及
接與荷篠諸隱者周雖衰亦多賢矣况有夫子有
顏曾子有七十子而竟不能興周也其天哉

知酒掃應對是形而上者是一貫知精義入神是
形而上者是一貫則子游之駁子夏不知本末子

願學編上

八十一鳥鼠山房

夏之譏子游不知始終皆失也不曰堯舜之道幸
弟而已矣夫子之道忠恕而已矣

夫子天也不可升也日月也不可踰也况其牆數
仞得入者顏子尔未達一間也曾子尔獨得其宗

也毀夫子者祇自絕於天於日月於天於月何損
堯舜揖讓者此也湯武征伐者此也孔子著述者

此也何也中也精也一也時也門人記是於前未
見列聖相承至孔子益明尔五美四惡其聖政之

餘乎知命知禮知言其聖學之餘乎

越椒之必滅其氏羊食我之必滅其族人先知之
者聞其聲而知之也而聲則氣之發也所稟之氣
薄甚濁甚故其聲遂惡人是以知之耳然聲之出
氣也氣之發情也非性也人見其情之惡也遂以
爲性亦惡而不知非性之本然也是下愚之不移
者也

鄉射禮吾師遂翁嘗行之而闕隴學宮恪遵焉予
行於皖郡而觀者肅容如入太廟行於吳郡而觀
者起敬如見大賓行於海岱亦然然禮義之心莫

願學編一

八十一鳥鼠山房

不油然而生禮能序樂能和於此可見矣孰謂古
禮古樂不可行於今哉

人言秋天高天露下霜至月朗星稀水落石出人
之仰之如見其高也蓋歲將成氣自肅耳天豈高

下哉

火一也噓之則然吹之則滅噓之若助若扶也陽
斯生矣吹之若撲若閉也陽乃伏尔陽生其春乎
陽伏其夏乎

日初出也辟之鏡未作器而才出爐其光若熾日

既中也辟之鍊已成器而復在函其光若戰時乎
初出人平視之如掩如映其色滄滄時乎既高人
仰視之如射如刺其色皜皜然陽精之凝合其廣
千畝其陸固有南北其度固有寒暑而其照臨容
有大小遠近也邪

一日於荒郊行見空中鷓鴣千群或引而成行
或列而成隊或圍而成圓或局而成方或大而成
城或小而成圃久而後散於吳邑谿行見水邊之
草花其英其葉莫不成章亦莫不爛然之

願學編上

全二 鳥鼠山房

鳥之獸之蟲其羽其膚其毛莫不成質亦莫不煥
然乃知道之昭著不獨鳶飛魚躍尔已也

春少雨夏大雨秋多雨冬微雨春生萬物其氣初
出故雨少夏長萬物其氣已克故雨大秋成萬物
其氣欲翕故雨多冬藏萬物其氣漸收故雨微然
或春大雨夏秋不雨冬有雨無雪者變也皆不得
其正也故堯欽若昊天

願學編卷之一終

天水鄭珩錄

願學編卷之下

鳥鼠山人胡績宗學

錦屏山人梁高校勘

樞密楊希仁贈予金人圖曰子其常目此予謝之
而爲之箴曰我思金人彼豈無言言苟弗中默不
獲吞支誕何爲惟禱之門緘默何心乃德之原天
何言哉日往月來地何言哉冬閉春開曰尔胡不
默默者心休尔胡不重重者身厚尔胡不簡簡者
性逸尔胡不靜靜者神守我緘我口君子篤恭

願學編下

鳥鼠山房

告金人惟君是從

薛敬軒語錄皆從踐履中來胡敬齋語錄皆從淹
貫中來

胡敬齋指斥禪學甚力高明之士聞其說必翻然
改圖矣恍惚之論當從整菴公

格物良知之辯整菴先生之記詳矣明矣不知習
爲其說者復何爲辭也吁立異以求勝焉若平心
以求進謂格物爲正物將謂正心爲格心邪謂良
知爲天理將謂良知能爲天道邪豈古先聖賢止知

格理而不知格心邪止知天理而不知良知邪

有以多學擬朱子者夫子貢嘗以多學疑孔子矣及聞性與天道乃知孔子之道之教曰一貫曰博約其準的也朱子不學孔子邪而必以六經爲注脚則注脚將不讀邪不讀經書抑何以博文邪不博文即可爲聖爲賢邪即可爲孔爲顏邪

或以列聖才力不同爲問其師引精金爲喻而答之曰聖人才力有大小猶金分兩有輕重然皆足色堯舜猶萬鎰文孔猶九千鎰禹湯武猶八千鎰

願學編下

二

鳥鼠山房

夷尹猶五千鎰夫人之至者曰聖物之精者曰金然金何可以喻聖也苟以金喻聖也則列聖皆足色金也堯舜文孔其猶華山所產之金也其色赤製爲器其光如日之初出禹湯武周其猶麗水所產之金也其色赤黃製爲器其光如日之既高尹夷惠其猶涪水所產之金也其色黃製爲器其光如日之將戾質之市人皆曰皆足色金也驗之工人皆曰皆足色金也但光與色若有差耳是即聖人之無優劣也如其所荅將較其輕重邪抑量其

多寡邪天聖同天請揆之天夫春歲之首也在天

爲元在人爲仁堯舜其猶春雨乎潤萬物者也而物無不生夏禹周公其猶春風乎動萬物者也而物無不和文王孔子其猶春日乎照萬物者也而物無不光湯武其猶春雷乎鼓萬物者也而物無不起尹夷惠其猶春露乎亦潤萬物者也而物亦無不滋原其命天道也觀其象天文也其所以然天也而人之見之也若有差殊焉其聖一也夫堯舜精也一也中也禹無間然也湯執中也文純也不已也武不測也周兼三王施孔時也一貫也皆聖人也無不盛也尹任也夷清也惠和也亦聖人也蓋反之也是惟化之安之處有不同耳而可以輕重多寡秤量邪

願學編下

三

鳥鼠山房

不識朱子之學期于博約而以爲標末不識陸氏之學期于高遠而以爲空宗然學者不善學朱子鮮不趨于標末者不善學陸氏鮮不墮于空宗者蓋晦菴邃密象山英邁皆非人所及惜象山不識性

天何言哉四時行焉百物生焉聖人何心哉天地位焉萬物育焉

吾循吾理吾擴吾公吾胸中自尔泰然豈以貧富貴賤而動豈以窮達榮辱而移

孔子言性近習遠無理與氣而言也孟子言性善言理而氣在其中也蓋未有有理而無氣者特目為氣質之性似貳之矣似非孔孟言性之本旨矣孔子曰繼之者善孟子曰善理也非謂氣質也天之德元為大人之德仁為大

願學編下

四

鳥鼠山房

或問博學篤志切問近思仁何以在其中曰心在於學而學必其博心在於志而志必其篤心在於問而問必其切心在於思而思必其近則心不待操而存矣理勝乎欲公勝乎私收斂不容一物矣仁不在其中乎

欽明文思安安允恭克讓克也濬哲文明溫恭允塞舜也祇台德先舜倫攸叙禹也緝熙敬止徽柔懿恭文王也思無三王以施四事仰思坐待周公也上律下襲仕止久速各當其可孔子也吾師也

不遷不貳一簞一瓢不改其樂顏子也求其放心

善養其浩然之氣孟子也一為要定之以中正仁

義而主靜周子也忠貫金石孝通神明龍德正中

混然天成寬而有制和而不流程子也若友也寔

師也何以師之法之如天焉何以友之依之如日

焉記不云思無邪毋不敬

玩伏羲卦交而不識先天不可與言易按黃帝律

呂而不違黃鐘不可與言樂

天於穆不已聖人同天亦不已學者有得於逝者

願學編下

五

鳥鼠山房

如斯夫則其學自拳拳服膺而弗失之矣

有義乃有易有舜乃有韶有孔子乃有春秋

八卦六十四卦宓義之文也上彖下象文王之文

也上爻下交周公之文也上繫下繫孔子之文也

而文在茲矣詩書禮樂皆其所從出也

泰伯虞仲紹后稷之業承大王之志啓王季之嗣

遜位而之勾吳而其至德莫殫以起季札子游一

以節讓一以禮讓不止文武興于周泰虞先亦興

于吳矣農師之澤何遠大若是哉

讀我

伏讀 實錄無不仰觀天之高日之明者

高皇之勅旨之文義迴見其不世出有非劉宋諸臣所能贊者固一今代之湯武也

讀

聖祖訓武錄作而嘆曰人謂吾

皇之令如雷霆臣謂如冬日人謂吾

皇之政如霜露臣謂如春雨夫日暴之雷鼓之而

後成材雨沃之霜殺之而後成歲故四時行萬物

育則天地位故於春見其仁焉於秋見其義焉而

願學編下

八 烏鼠山房

後知 天地之廣之大也大哉

皇言箴之於未然玉之於已然不與天地同高厚

哉

國朝治化盛於我

孝皇如天之仁如日之明達邁乎殷高宗周宣王

其澤固非一二世所能斬加之以年當與

堯舜比隆唐虞媲美而致治不足言矣故升遐之

日民間如喪考妣哀動海宇雖愚夫愚婦無不哭

至

內哭臨無不哭至其家者諸吏疇日哭辦于官而

農工商賈巷哭不絕皆續宗所目覩者續宗隨諸

臣工祖送北郊

梓宮將起臣民攀號遍野其哭動地其聲徹天望

梓宮不見而後入城視堯舜何殊焉何也立賢湯

也卹民文也納言禹也右文武也世不幾唐虞邪

或謂弘治間上有

堯舜之君而下無禹稷契之臣是以澤尚不及

唐虞然龍不有雲邪虎不有風邪若王 恕劉 大夏

願學編下

九 烏鼠山房

戴 珊 張 叔 華 諸公 能 悉 皆 不 可 及 然 未 獲 專 任 間

有問之者然則澤豈不浹洽海陬邪

武皇英明不易得嘗斥內使云若輩俟吾醉將有

所爲而諸內使竟以酒中之以售其私於戲

先帝豈不武不毅邪觀誅逆瑾逆璉逆濠可見

矣而乃爲諸群小所蔽蓋浮雲障日日何能照皆

巖邪然賴有

高皇之成法

敬皇之深仁在諸司庶府得遵行之

弘治年京師偶遇天變諸臺諫欲去兩京大臣之不職者以荅天意疏既上 旨未及下

敬皇帝特御文華殿召 內閣三學士冷去大臣可否劉少師曰大臣尸素不止一守一令而已請亟去其不職者

上若曰

先帝作養人材甚難可去其甚者少師曰恐天變未易回也

上若曰朕亦不能無失爾李少傅首劉曰承旨承

願學編下

十

鳥鳳山房

旨於是皆頭首應之因 賜以茶三學士出

上命內使隨之劉出 文華門手按帽紗奮然曰

先去劉某內使具以

聞一中貴從後密云少爾一人邪

上聞之即令執出杖而謫之乃止去二三大臣之

甚者於戲此非 堯舜之君之明禹皋之臣之良

邪此非都俞吁咈之景象邪不可以占

敬皇如天之仁邪其子謝少保

太皇太后之族有犯法者法司坐以謫成族人求

勅於

太皇太后太后詢之

敬皇敬皇召太司寇白圭問故白對以法應坐

敬皇若曰可未減否對曰此

高皇之令而

陛下之法也臣不敢蔽司寇退

敬皇召太司馬劉大夏語以故劉對曰刑部尚書

言是是

高皇之令而

願學編下

十一

鳥鳳山房

陛下之法也

敬皇曰何也劉曰傳云瞽叟殺人舜竊而逃諸海

濱况貴戚之族乎

敬皇曰見何書劉曰見孟子乃取其書於

內閣講讀之

敬皇曰刑部尚書執之是也是法也乃以其故復

太后而贖其人以發戍焉

敬皇之聖政遠邁殷高宗周成王者不一而足加

之以年不與唐堯虞舜比隆邪

夫丞相君天下之阿衡也國家治亂係焉天下安危係焉然房杜丙魏姚宋不易得我

太祖特旨不置而事托之六卿權歸之

一人迥出漢唐宋之上我

成祖以代王言特取七翰林在閣因事浴諷焉乃

後翰林在閣亦因事啓沃焉乃後

列聖特置三公皆大學士然六官之建立政事進

退人材酌量國是未有不質之三公者若文貞

文敏文清文達諸公亦不可得此

願學編下

十二

鳥鼠山房

明天子慎選重任獨此國家重務也蓋有

高宗自有傳說矣有宣王自有申甫矣

正德間權臣接迹而逆瑾逆璉逆彬尤著然皆伏

誅矣時六部諸大臣守

敬皇帝成法有不阿附者有調停者於時士風頗

正輿論頗公此非天理之在人心者不泯邪故都

下有淫自涇渭自渭之謹然奔趨决裂者亦多矣

乃有拜爲親者有結爲昏者有倚爲山岳者

進諫古今稱難傳曰獻可替否曰披肝瀝膽難易

寓乎其中然有愛

君報國之誠而遇事之或常或變宜無可爲者繼

宗近迎送

乘輿河上適汴中大饑大疫死者枕藉道傍里人

不及盡掩經行中貴皆目覩之繼宗亦當抗言願

以供億類繁汲汲如不勝而撫按二臺藩臬二司

俱已得罪避不敢言比見三五元老大臣日侍

行宮顧問移時始出內外臣工賴之欲因是進諫

復遂巡而止傳聞

願學編下

十三

鳥鼠山房

常寧欲發賑不果亡敢驟言者乃未及言既

變輿回京繼宗草疏約巡按陶侍御極言之乃荷

溫旨下戶部即議行汴中得大賑焉而後知進諫

之不易也於時

膚藻聖明日侍左右者獎順欽承之恐後中有獻

納外人不及知尔蓋

昊天廣大固非芹曝所能感格而

皇鑒淵澄亦非涓滴所能贊揚也進諫不難邪

正德初中貴瑾彬永成大用八人以

春官侍從微勞欲擅權以盡

敬皇聖政大司徒韓忠宣公達之

內閣三公明旦乃帥九卿具劾其姦期翦除之韓

公九卿待罪

東閣前

上屢遣內使和解之欲寬其誅而韓公九卿執不

退者二三日內使三復婉切大臣有拉韓公出者

明日事遂變八中貴皆據要地分執其權而

內閣劉公洛陽謝公餘姚人及韓公洪洞人皆罷去獨

願學編下

十四

鳥鼠山房

李公長沙人與吏禮兵刑工尚書存

孝皇仁政盡廢閑矣逆瑾緝知草疏者街之諸縉

紳致怨拉韓者而亦末之何也

章疏戶部郎中李夢陽也

頃在吏局而見西涯李公沉而介震澤王公敦而

格厚齋梁公和而厚敬所蔣公真而裕熊峰石公

毅而端野亭劉公直而亮繼在留都而見整菴羅

公貞而肅東川劉公質而純而知翰苑作人雖於

民情世故未必皆諳而其所養所就自非俗吏所

能及也

秘閣輔弼佐佑臣必一二多學士必一二曾作郡

縣士而又皆忠貞中正溫厚和平而職又不皆在

部尚書上倘代

王言則言之出也不但如綸如綍殆如日如星也

然勢未能也臺諫秩不甚崇重臺諫也代

王言者秩可復崇邪獨不鑒之古乎擬之臺諫乎

觀殿閣院大學士學士階皆五品

高皇之創制其見卓矣然論道必三公代言必學

士不識可兼任否

願學編下

十五

鳥鼠山房

正德戊辰進士登科聞將選吉士同年時舉子庚

乾叔性之虞佐仲實君卿仲齊子委聖之用賓書

夫養和伯順惟新時行用先子惇于中思抑鳴和

景熙汝厲興行思道德徵時庸崇教仲鵬汝慶及

續宗各備卷於

宗人府前伺考俄有傳每科選改吉士有私充門

牆桃李者當路白之逆瑾欲二甲首點廿人三甲

首點十人以釐革之明日果得

旨止點二甲五人三甲三人蓋瑾不欲選復不德

多遂不選改矣既蘊德則又與續宗於一甲授官
疏內同批授檢討而思抑仲實廷惠遜卿希哲皆
內批授庶吉士瑾既誅乃竟俱以此與續宗俱外
補有編簪者而其事益著然選吉士衆因擬

傳臚後即命自學士至贊善擇五人於禁中就

廷試卷分地方覆閱即選之亦糊或欲令各鄉之

仕于朝者自行人以上公舉三四人復試之而

又兼察其問學訪其性行或得其人矣似亦急務

然恐未易舉行也是日予未報名謝恩次日始

謝璋亦不之問然得罪准潰矣

國家冠裳梁冠蔽膝漢制也烏帽曲領唐制也幘

頭大帶宋制也節令朝會則服漢制正月上旬月

朔望謝

恩朝辭百官上任則服宋制口趨朝及視事

則服唐制而獨謂之便服云使作事也於漢曰朝

服於宋曰公服蓋公私皆具矣正德初俗儒俗子

紛紛著坡巾廿四氣衣或曰衣服之變也縉紳

欲正之此與莊渠先生擬卿大夫士當著章甫冠

服深衣以便燕居而復古之禮冠禮服則其變自

正張學士乃創忠諫冠服以問問高

允行之而衣冠之變未盡革也今武弁舉子驛史

倉曹皆戴三品忠諫冠始儒俗莫分尊卑莫別如

法服何然大帽半袖胡服亦未盡革也

從祀先師廟孔門七十子宋四子外非董韓不得

預近歲稍釐正之皆得其宜矣而猶有未盡然者

龜山楊氏即雖稱程門高第然晚年之出已失况

復流于禪耶以將樂一闕姓楊周旋其間而獲入

焉其體也然程門高第可入者其唯和靜尹氏焄

乎次則劉氏釋耳西山蔡氏元定朱子稱為老友

所當入也却以其子仲默在列乃列之啓聖祠夫

仲默豈季通比雖曾撰書傳子也季通得聞性與

天道之妙父也宜以季通從于庭而以仲默列于

祠可耳歐陽氏修宋文人也雖嘗比之唐韓退之

然未問道乃亦得從祀其文况非游夏比苟論宋

人物當入者其唯文正范氏仲淹乎

爲政者不以愛憎榮辱人不以好惡進退人政斯

平矣

唐太宗貞觀之治超越於漢然兄弟之倫乖夫婦之倫悖唐玄宗開元之治增重李唐然夫婦之倫乖父子之倫疎何也無本也

觀司馬子長救李陵之疏答任安之書可以亮陵之心矣然漢使招之可以歸矣既不歸亦當對漢使一死以白其心而猶不死陵不惟負漢且負遷矣隴西士夫所以耻之尔

主之于官猶女子之于身也無則不之配而政之滅否而守其本也

願學編下

十八 鳥鼠山房

人皆曰國有諫則治愚則曰國無諫則治人皆曰國無諫則亂愚則曰國有諫則亂蓋君不得臣則諫臣不得君則諫有諫果治乎君得臣則不諫臣得君則不諫無諫果亂乎

諫而不納約自牖其諫必不納不曰信而後諫鸚鵡巢于高山之木之顛鸚鵡集于深林之木之叢於人無忤也人取而殺之語焉皆能啾啾如人呼叫繫于簷日悠悠也仰視山顛林叢不可復得矣此豈非能言之累多言之害邪

遇也者遇也其道合也達也者達也其道行也伊尹之於成湯呂望之於文王遇也時也傳說之於高宗周公之於成王達也命也訓以先覺佐以再造其道奈矣遇矣輔以中興相以無逸其道亨矣達矣然不以其遇非遇也不以其達非達也

王室欲以愛易世子齊桓懼大扶小以翼戴之伯主之職也或以不諫責桓然周弱齊強宜無難于諫者事或不可諫幾或不及諫不得已乃會諸侯以寧之定之若曰王世子以事出伯主列侯不得

願學編下

十九 鳥鼠山房

不會問言及廢易與否而天下皆知世子者既立之嫡也國之本也內有父命上有君命亡得而易之也而太子踐祚矣事定矣心盡矣故聖筆于會盟對子之漢張良四皓與太子遊放是耳挾君云乎哉挾父云乎哉殺梁子曰變之正也而管仲之器小不在是也安得起淫野子道之

季札出聘越廿有八年而吳始亂而以辭國生亂責札呼廷矣然札不出吳或不亂故以吳使札札

鳥

多道者也

桀以不仁而天下湯興伊尹不放以拯之不得謂之仁紂以不仁而天下武王興太公不伐以救之亦不得謂之仁桀放而商代商代而民免於塗炭矣紂伐而周興周興而民出乎水火矣

原典學編下

鳥鼠山房

齊公子糾稱糾稱子糾春秋時稱謂或然尔子同
生孫子同初生也若以子糾不稱子爲不當立則
小白當立何以不稱子小白且有以糾爲兄者又
何說焉我納糾當稱伐齊白入當稱齊小白倘曰
伐齊納齊糾曰齊小白入恐非聖筆也曰伐曰納
不當納明矣曰小白入于齊當入明矣

原缺第二十一葉

原
以
爲

烏鼠山房

非常道之學

中之

不可傳然見

而克安安而文

何自得乎而

於義哉其謂至道

即無狀之狀

之旨而非文王

上天之載無

道也夫造物雖無迹

然終而復始者何聖人斷之者何苟大得則無值

有見斯至矣何事於論何事於辨於聞哉其謂化

即侯王若能守萬物將自化之義而非聖門唯至

誠爲能化之化也六經孔子及魯以剛定者乃在

願學編下

鳥鼠山房

會老子後而曰老子云六經先王之陳迹也其謬

可按矣夫文字迹也義理履也履道也豈非所以

迹哉聖人之於物豈將不與化哉不化人哉而何

以令自化哉易神化也書治化也詩風化也禮樂

德化也春秋聖化也迹云乎哉陳迹云乎哉孔子

大聖也耳老雖年高位尊不當輒稱名乃稱名者

若曰亦嘗師之云爾也其治其仁義其道其化論

語繫辭論之精矣至矣夫何問而不可然不然

之言之類與論語繫辭絕不類則問者復者皆出

於周而答者可者亦不出於耳聞卷了然辭雖不

逮却和類然異端之於吾道何啻千里夫軒帝帝

堯帝舜亦抵之且假設漁父盜跖以侮孔子而况

下上老子哉周固伯陽之達磨也故宣大冊老以

裁抑宣聖其書可火也其人可屏也

夫上下交而德業成昔漢高帝之臣張良昭烈之

於諸葛亮可以言交矣昔唐太宗之於魏徵宋太

祖之於趙普亦可以言交也蓋明良氣合而后可

以言交聖賢道合而后可言交

願學編下

鳥鼠山房

漢唐宋皆設丞相夫有丞相則責專責專則任重

然魏丙房杜姚宋不易得斯歎林甫杞似道侂冑

檢不難得而公孫弘王安石亦不難得

國朝不設丞相也殆以是哉然無若其秩有若其

位而其責有不可得而辭焉者是故

堯舜之德之施唐虞之澤之被其屬望則有歸也

屬望若何若舜之密堯禹之密舜也若益之成禹

商公之成成王也則都俞吁咈之道協而責難之

恭焉矣否則奚止於尸素爾曠已哉

諫垣於封駁不避憲臺於對仗彈劾不廢則

王言皆如二典臣疏皆如三策君子皆將進用小人皆將退伏矣天下有不治平也哉

大家宰佐王以治邦國統百官均四海者也而猶聽命於人其何以進君子退小人邪其何以倡九牧阜兆民其何以是哉

高皇以事主是六部之職邪夫宰猶相也昔周公約誓而武王王為相而成王王使相而如周則君德宗宰而如周則君治平其係宜淺小哉經前經

領學編下

廿五

鳥鼠山房

古與彭公序書曰惟今之時辟之人或染疾而將瘳也蓋醫者未敢服以峻劑進以攝食惟徐徐以調良之藥平淡之饌調攝之培養之培既厚養既壯元氣既復於時或勸以遠與或期其大振則既壯之身固非風寒之所能侵而既厚之體亦非聲色之所能入而其疾痼疾苟不供其平復而驟欲其一舉萬仞一飛千里竊恐力不支而行不速則毀者將至於是其有議醫者矣醫曰遠哉日衆又恐疾或復作藥將無効醫亦無功矣寒水

周以仁興秦以不仁敗周八百仁之澤遠矣秦二世不仁之報亦邇矣哉

古之政多實行今之政多虛文古之學多實德今之學多虛譽

身通九經四書旁及子史百家斯謂之學文苟治一經猶未貫徹焉與不學等可與言春夏習詩書秋冬習禮樂也哉

湛元明古本小學得古小學教人之實要要亦本朱子小學所上之本

原學編下

共 鳥鼠山房

古之政一今之政式古之政思今之政敦

古邨民則獲上今邨民則不獲上古獲上則邨民今獲上則不邨民

都御史行臺御史行臺苟不悅藩臬郡縣之極力趨奉承順則循吏斯得能吏斯遠矣

莫不曰揚雄附莽故曰莽大夫雄然馬融嘗附冀矣蔡邕嘗附卓矣夫融邕皆工文學而以儒稱是皆何心哉然則殺李固杜喬者非融邪而王允被於邑亦不能無憾焉但視融小有間爾

唐以前祀周公爲先聖孔子爲先師後止祀孔子
國朝亦止祀孔子而以顏曾思孟周程張朱子配
之夫祀孔子報德報功也顏曾思孟以下諸賢傳
道於孔門亦皆有著述者也然周公有大勲勞於
周室固也其所著述有易又辭有無逸諸書有雅
頌諸詩有儀禮有周禮顧不得與孔子並祀邪夫
義文帝王也不可待而祀也周公不與孔子並祀
顧不得專祀於鳳郡於岐邑於兗郡於阜邑邪然
岐山曲阜皆有廟乃皆荒落未若孔廟之專而恪
典也哉幾欲疏于

願學

廿七 鳥鼠山房

朝而未果也吁此非 國家一盛典邪
國朝祀典孔廟外又祀名宦鄉賢於諸學宮蓋名
宦所以厲居官者鄉賢所以厲居鄉者夫諸葛武
侯陸宣公范文正公韓魏公且不得從祀孔廟則
諸名宦鄉賢夫豈得盡如葛陸范韓諸君子者哉
亦豈政與德有似葛陸范韓諸君子者哉且聞名
宦有私於所厚者鄉賢有私於所親者而祀非其

祀矣蓋名宦須不媿韓范鄉賢須不媿葛陸始得
歲池韶濩是爲雅樂康衢擊壤是爲雅歌商彝
鼎是爲雅制陶匏土鼓是爲雅音回琴點瑟是爲
雅操故樂以雅爲則文以雅爲至古今譚詩文者
一則曰爾雅一則曰大雅而雅其體也

邵文莊公繪諸葛武侯陸宣公韓魏公范文正公
司馬文正公小像而請涯翁題小傳於上蓋倣
君而景仰焉爾予欲益以狄梁公考之而藻豈
其人更欲益以董廣川是皆百世可景仰者

願學

廿八 鳥鼠山房

程門之有尹氏猶孔門之有曾子也
湛元明二業合一訓傳示後學愚不敢以爲
業一也已岐而二之又合而一之學者之爲
也理也顧可二二之乎蓋舉業學者餘事不
廉耻不立則風俗不美風俗不美則海宇
在內而皆阿大夫在外而不皆即墨大夫
交征而公私漁獵矣故曰不奪不廢
天之文粹于日星地之文粹于可徵聖人之文粹
于易書詩禮樂春秋夫文之粹本之天也

本之聖也是文也道也然本之天文之所從出也
不作於聖執而已矣天地之文道之昭也聖人之
文昭大道也若秦漢唐之文求昭乎道而道未易
昭也然則文不可學乎讀易而求義文周孔之畫
訓之語讀詩與禮與樂而求文武周公之味嘆之
制作讀春秋而求孔子之筆之削則文作而理著
理著而道昭道昭而化成文不在茲乎

仙下

廿九

鳥鼠山房

詩自沈宋興而漢魏之調變矣字自顏柳作而魏
晉之體變矣文自柳蘇出而董賈之致變矣象自
徐程起而韓斯之格變矣而況傳心之至德扶世
之要道邪而況有陽學乎儒陰附乎禪者邪
漢詩李少卿魏詩陳思王可以言詩矣蓋少卿出
於三百篇心主得於十九首也

元楊伯謙選唐音其主於調乎 國朝高棟選唐
聲其主於格乎漢詩無調與格而調雅而格渾厚
詩有調與格而調適而格雋五代而下調不協而

格不逸未見其有詩也

今觀唐詩楊王盧駱辟之曰初升月初出其光煜
煜其色溶溶陳杜沈宋李杜王孟高岑儲李王常
辟之日既高月既復其光皜皜其色盈盈劉錢韋
柳辟之日未戾月未虧其光渾渾其色耿耿皆可
仰而不可及唐之世代固可考而見而其文獻亦
可按而知也求唐詩者蓋於是活泳也哉

漢魏詩不工晉詩稍工唐詩工陶詩不工謝詩工
李詩不工杜詩工故漢魏詩不易學唐詩可學陶

願學編下

卅

鳥鼠山房

詩不易學謝詩可學李杜詩俱不易學然杜亦可
學試取其集而玩索之當自見也

之學詩者規規於摹倣求必其似曰吾學

欲拙欲麓顛顛以擬其餘譬曰吾學初唐

唐也似工矣而實未工也然則詩不可

求工而自工斯爲工工矣而若不工斯

難于工而尤難于不工也詩豈易工

後之詩一曰漢二曰魏而已矣三曰晉

而已矣風雅頌辟之天也蘇李其日光乎
月華乎陶謝其玉色乎李杜其金聲乎然
篇猶有遺韻若齊梁陳隋不可與言魏矣
尤不可與言唐矣三百篇不逾邈邪故曰刪
詩

讀漢詩當求其渾樸讀魏詩當求其沉厚讀晉詩
當求其雋永讀唐詩當求其精到讀李詩少當求
其委婉讀曹詩建當求其典則讀阮詩當求其深
奧讀陶詩當求其古淡讀謝詩當求其典麗讀李
願學編 卷下 三

詩太當求其飄逸讀杜詩當求其沉鬱讀韋詩當
求其冲澹讀柳詩當求其蕭散詩豈易讀哉然得
其肯綮亦不難探求也
右丞視淵明猶孔門視伯夷也摩詰浩然不得其
化裁乎應物子厚不得其風致乎然深粹精援質
而綺靡而腴尤不可及其蕭散冲澹則在堂階間
矣

魏詩冲澹者阮嗣宗晉詩冲澹者陶元亮後之工
詩忤心 不能及而陶猶不煩繩削若謝玄

暉亦平淡然有濫觴乎唐者矣
朱子解夢同塾齋猶註楚辭耳其意固有在焉校
陰符經正韓文則其餘力尔

讀左傳當得其宣麗讀史記當得其宏放讀漢書
當得其典實讀說苑當得其博讀漢紀當得其
其嚴簡是故事該而文暢高古云乎哉

讀皇明文而面知今之文不古若也 國初文學
博求量雖劉伯溫蘇平仲王子克然皆元之逸也
稍方遜志楊文貞及讀其文歐曾氏且不及况程

願學編下

卅一

鳥鼠山房

張子邪三復之安得有大極圖說西銘易春秋序
邪若詩則上可企晉唐而宋元不足言矣蓋不止
李獻吉何仲默尔也然文衡選止國初者尔後必
有興起者

清邑孔廟及學既改遷之立其上高而明無復卑
下矣行其中廣而大無復狹隘矣繼自今苟進修
其中極高明焉中庸斯道也致廣大焉精微斯盡
也及其至也動必體乎乾蓋巍然麗皜然朗矣靜
必龜乎坤蓋現然壯廓然宏矣是之謂尊孔子是

之謂學孔子

文至於蘇去昌黎遠矣况秦漢乎詩至於白去彭澤遠矣况漢魏乎文法韓柳然可與言典謨訓誥乎詩宗李杜然可與言風雅頌乎

夫詩樂府司馬相如古體四言曹孟德子桓子建稽叔夜陶淵明五言李少卿班婕妤曹子建阮嗣宗陶靖節謝靈運陳伯玉七言張平子蔡文姬曹子桓李太白杜子美近體五言王摩詰孟浩然杜子美七言杜工部王右丞絕句五言李翰林王輞

類學編

廿二

鳥鼠山房

川七言李謫仙王少伯長篇李太白杜子美知此而學三百篇其庶幾乎

國朝奏議戶部稱周文端公兵部稱王晉溪公而吏部王端毅公馬端肅公所建白皆為精神推重文雖不及漢唐賈陸固

昭代之讜言也然端毅公所言無不可行者故與端肅公者皆刻傳焉比亦欲梓文端晉溪公者而未能也

今選舉外有歲貢三元山席文襄公云此揆也非

貢也夫下貢上必琳瑯箇籥也苟非琳瑯箇籥敢

貢乎然郡縣所貢不惟其人惟其年未必岷王珍

帛也近學上張君變今於常貢者選之然亦選以

文耳愚欲於常貢者選之以行不以文也或云人

心不古矯為莫辭也愚欲於立身行已無過中求

之而不之學校參之郡縣或得其一二耳然孝弟

忠信此本也或欲行程明道學校養士法充善

守公體認得父母字牧字斯父母得一郡一邑牧

得一郡一邑

類學編下

廿三

鳥鼠山房

天下生民以十分計之官一分吏一分閭一分商

一分工一分僧一分道一分游手人一分餘三二

分人力農以供八分不耕之人欲民不窮且盜也

不難矣哉商與工雖亦營為然逐末者也此不可

抑乎游手人蠶食僧道蠹食此皆袖手者獨不可

除乎大抵敦本務實惟在乎重農耳此可告之父

母斯民者知稼穡之艱難者

邊卒之功難報也故市之人邊吏之功易報也故

註之已

志發於言之謂詩詩發於聲容之謂樂府

峻山魏先生好嘗云惟聖人之言皆當於理故可以訓若賢人之言當於理者固多然亦有不當於理者可樂以訓乎且有陷於禪而不自知其溺者學者其可忽諸

讀整菴先生與陽明先生論格物良知之書是非判然始不容措一辭倘猶惑焉斯惑矣

尊崇孔廟知報師矣盡知所以師乎師之道無也時而已尔一貫而已尔修輯泮宮知學矣盡知所

願學編下

卅五

鳥鼠山房

以學乎學之道無他忠恕而已尔求放心而已尔陽明先生昔平逆濠恭侯

乘輿艤舟皖口者七日予嘗請益矣公謂格物爲

正物予謂如正心何公又謂格物而知朱子所訓

知初學何予謂如公所論欲求之心也正唯初學

所未能也公亦以爲然予又謂格之致之雖在物

在知然所以格所以致却在心公亦以爲然至論

天理人欲之判鑿鑿分明予領其義而知公聰明

才辨不獨文章事業高出於人也却未言及良知

或謂公繼象山恐公知之亦不以爲然也逆濠既平

武皇兵駐留都諸權閹日以

天威臨之公屹然弗撓弗動有千萬人吾往矣之

氣諸權閹亦屈服不阻抑矣固

聖代之豪傑士也夫何可及哉

公謂四十五十而無聞爲聞道予亦爲然公謂陸

氏非專尊德性予謂朱子非專道問學然顏子不

曰博我以文約我以禮邪公亦以爲然予又謂象

願學編下

三六

鳥鼠山房

山元不學禪學象山便是禪公亦以爲然而涇野

呂子渭厓霍子則曰象山正是禪

隴川九逸燕集約曰悅尔親諧尔昆弟迪尔子姓

以篤尔友朋又曰毋以進榮毋以退辱毋傲世毋

絕俗毋滿毋放

楊簿体乾陳丞敬之蔡簿致遠張倅濟民孫倅世美李丞于郊王守

厲云與續宗共九人

薛文清公其有得於敬乎讀讀書錄數過而心自

警身自省未敢肆然放失也薛子其有得於敬乎

朱子集諸儒之大成謂呂東萊張南軒劉屏山蔡

西山諸子也非謂周程張四子也朱子於太極圖說通書西銘蓋註之矣於定性書克己四箴並錄之矣近思錄夫朱子繼程子而立教者也其造詣與程叔子同

事父母幾諫而其諫易入也事君不可幾諫乎然惟三五股肱大臣斯可爾蓋群臣去君之地遠倘有建白非疏不能達若大臣或坐論或

召問或集議皆其平心易氣進言時也然其人必如汲董必如諸葛司馬必如房魏必如韓范而其

願學編下

三七

鳥鼠山房

言始公其諫始正否則不諛則佞不阿則罔不如無諫也王端毅公以爲言易亂道疏難亂道亦不爲無見

鄉舉里選行而人尚德行科舉行而人尚文藝此古今所以不同而今之人才逾不逮古也

古選舉以里以鄉今選舉以校以學古選舉以行以人今選舉以文以地蓋辭章之學日盛而心學日微性命之學日湮而俗學日著苟求董仲舒賈誼韓愈歐陽修何可得也

騶虞仁獸也烏孝鳥也可以觀性善矣

某儒以客佛吾不知其何心不有孟子楊墨何由闢不有韓子佛老何由闢不有程朱子禪何由闢國朝羅湛崔霍四先生闢佛與老直自其底裏而辯禪學明似是而非之言尤力誠無媿於孟子程朱子真有功於聖門矣

今夫犬馬非物之貴且靈者也而知報主今夫人物之靈且貴者也而不知報主犬馬知報其所發者真爾人不知報其所操者僞矣

願學編下

卅六

鳥鼠山房

國朝文襲宋方孝儒其傑然者自康德涵出而人擬司馬子長矣詩襲元高李迪其傑然者自李獻吉出而人人擬杜子美矣時海內學者雖翕然相從而崆峒對山因得罪於世之君子矣然漢文唐詩豈宋元比邪夫學必學孔也學詩與文不當自太史公工部入邪

整菴先生困知記二泉先生簡端錄發明格物之學明矣至矣舍是則大學之道不明而異端之說肆出矣

呂仲木朱子抄釋只於楊與立語錄中抄來似不曾檢朱子大全朱子可抄之語恐不止是而周程張子之抄却抄得七八分夫近思錄學者所當先讀者也然邵康節司馬涑水呂東萊張南軒之語亦當抄而釋之蓋四公亦宋大儒語多可法者自今合作而古樂府漸靡矣自近體工而古詩漸微矣自楷書行而大小篆漸蕪矣自小說興而聖經賢傳漸踈矣噫今不如古者豈獨小令近體楷書小說已哉

戲學編下

廿九

鳥鼠山房

諛諛成風天下無正人矣誅未成風天下無庶吏矣噫

人類以刻爲嚴是刻也非嚴也類以姑息爲恕是姑息也非恕也嚴法也刻則入矣入則深矣豈法哉恕情也姑息則出矣出則淺矣豈情哉

舉關判語於文藝無補於律法不相涉徒令舉子滂遑五浮辭耳然於古判語亦不類愚欲改擬漢唐宋奏議一道以觀諸士子入官事君之端幾欲奏請之而竟未也

每過華嶽仰其奇拔非他岳比近清晨過之馬上瞻觀之則是東西群峯皆東拱迤東數峰皆西拱其峰或高或附或盤或擎無不秀麗乃知天地之化之妙一至於此而天下山嶽之奇者恐不獨太華也然太華獨雄

鄉飲禮太賓位于西北邊位于東北皆南面主位于東西面介位于西東面三邊邊一席三賓邊大賓一席在皆南向衆賓位于西壁東面司正位于南邊主一席北向衆賓位于東壁西面此鄉飲

戲學編下

卅一

鳥鼠山房

之席也其義則著於高堂生之記其式則列于揚復之圖行古禮者考之

今之舉業差強於唐宋然今之學者專攻舉業而不求之身心雖謂之未嘗學可也

古之學者學道今之學者學文古之學文者未必不貫道今之學文者未必載道

古無文今有文古有文今無文古書契未造故無文今增典既生故有文古圖書編出故有文今辭賦策作故無文伏羲之文其卦爻乎黃帝之文其

律呂乎唐虞夏商周之文其典謨訓誥乎其象
繫辭乎其風雅頌乎其禮樂乎其春秋乎然皆聖
人之言也經也下此則左傳矣國語矣世本矣皆
賢人之言也傳也

讀九經四書以培其德性讀老列莊荀楊王左傳
國語史記漢書以修其文辭旁及諸子百家以廣
識見由此以博文其庶乎然文之以禮樂教化
湛甘泉古文小學深得晦翁本旨當與朱子小學
並行雖蒙

願學編下

聖

馬鳳山房

聖明嘉納備獲下之學宮使初學之士皆身體而
力行之則小學根本既立及八大學便能尋向上
達可為而為賢矣

程朱子語錄固多格言然皆出於門弟子之編錄
恐有不盡出程朱子所授者此在學者詳之耳揆
之定性書易傳顏學論易學啓蒙集注可以類求
矣

孝經家語孔門遺書也然有未可盡信者是故讀
孝經家語之虞其讀家語標準之魯論

列子宗老子者也窺測其說以欺天下後世而不
知其墮於迂虛莊子嗣列子者也掀翻其說以愚
天下後世而不知其流於浮誕

工古文辭世以韓柳歐蘇王曾稱七大家夫文至
蘇極矣苟志於古文辭其惟韓乎然尚不及左馬
班荀况懷弓乎

淇澳之詩咏備武之力學也蓋古之學者不安於
小成如此備武年已九十矣

朱子門人似不及程子門人然季通豈易得哉

願學編下

聖

馬鳳山房

典郡而如文翁當崇其化而知朱邑當厲其廉而
如黃魯直當尚其節而知蔣定夫當立其教而知
黃直卿當修其政爾為皖守知守皖乎文翁蜀人黃魯直黃直卿

也願學焉然未能也

國朝理學之傳其唯薛子朝臣屢以從祀孔廟請
至今尚未得請或以為著述少夫顏子程伯子
著述亦不多而顏子之學之粹程子之學之純皆
去聖人不遠於道統獨得孔門之傳而皆從祀宜
矣若薛子讀書錄原於性本於聖固多名言且俱

從踐後中來規。魯論弗畔。豈世儒之所能及而
立。朝行已有光。聖門從祀固宜。續宗幾綏。申請
之許。太宰延美。司馬子惇。皆云少俟。可請之時。
而今猶未請也。或欲以胡敬齋叔心配之。續宗不
能定此。姑俟。高田再訂爾。

直讀南宮疏略云。議薛瑄從祀。言當耶祀者廿
有二人。言俟後舉者二人。然皆文學士。宗伯請從
聖。然議者曰。以身衛聖。道非徒托之空言。曰山處
言論。鮮不合於聖人之道。曰誠似董仲舒。焉過韓

頤學編下

四三 鳥鼠山房

愈。薛師程頤曰。篤實。偽中正。律偏純粹。訂雜曰
言行似許衡。出處過楊時。曰潛心孔顏。抗志程朱。
曰性理如彼。醇綱常如彼。正曰純粹以正。偏篤行
以破。澆廉介以厲。貪吝退以黜。浮憚大以裕。淺田
不折節於程。刻不謝恩於松室。不由法於貴近。不
不。志於臨刑。不濡言於相位。曰言必底績。行不
愧心。如瑄實聖人之徒也。曰體認精詳。造詣深粹。
昭代之上。曾無玷若。曰卓越自信。之為。

本朝理學。稱首曰國家真儒。宜以瑄為第一。此皆

其大槩也。諸諸皆實錄百禩之下。可以想見其人。

諸諫垣曰。三八占則從二人之言。是以薛子為必
可祀也。其云不可者。豈謂持敬復性。非孔門之教。
邪。學聖學主於祭于誓。宗之典不合邪。或有以為
著述少者。夫顏子程子學孔子者也。而著述亦
無多。聖人之所以聖。豈專於立言。從祀之列。有流
於禪者。有墮於禪者。有贍於文者。顧不疑而疑理
學之薛子。不惑邪。嘉靖初。以薛子從祀。請者五人。
禮部覆以瑄自幼學。即以居敬窮理。法程子以復

頤學編下

四四 鳥鼠山房

性。師孟子。又云。自瑄沒。言者頌其學術德行。凡數
十上。而今昔皆未行。豈數十人五人廿有三人與
諸諫臣與諸臺臣敢溢美冒干。

聖明邪。董王韓名儒也。皆議而後從祀。夫從祀大
典也。可弗議乎。議公議也。可弗衆乎。禮部今茲之
議公矣。衆矣。惟侯。

大聖人裁定焉。愚以為學曰性理行曰誠敬。言曰
忠信教曰道德。在孔門可期。曾子在程門可方。尹
子而立朝中正。持身純篤。讀書錄十卷要論也。况

夢所發明亦著述也固一代之真儒也豪傑之
哉列之孔廟俎豆之間夫復何愧而頌二三之也
於戲像章迄今和靖當祀也龜山象山六一且祀
之頌於三子及河汾闕焉不有毫於高明元老秩
宗哉覆邪斯文不有賴乎

崔宗伯子鐘以詩聲軒輊陳克菴選章楓山懋實
醫國欽然康齋清為

聖代純儒夫 國朝理學其明上宣之下達其
學甚正名儒也

一節編下

馬鼠山房

吳康齋子傳陳石齋公甫胡敬齋廷心皆隱居力
學而學皆著已康齋石齋皆膺聘一不受職一受
職而仍歸隱意各有在也敬齋終身不出三子聲
聞動海宇舉世高之固一代之豪傑也而或比之
种放林逋魏野夫三子學皆向上其立言亦各有
得但不知於孔孟正脉何如然居業錄中多名言
且分別禪學亦暢蓋子傳公甫似有志於康節廷
心似有志於晦菴倘用之

廟廷其建立不知上能如伊傳下 能如薛否

漢董仲舒唐韓愈皆一代之英才也讀天人策讀
原道當知其卓越使在孔門而聞道也當不下子
游子夏

李廣趙克國非止西漢名將蓋隴西賢者也廣一
將耳而亡之日無聞識不識皆為流涕贊曰桃李
不言下自成蹊可考其賢矣克國史稱漢良將第
一觀屯田三奏諸羌欵服西北賴以無警其識量
始可以作相而賢可徵也

一節編下

馬鼠山房

惜蜀漢者曰關張無命夫雲長翼德皆蜀漢虎臣
命以當一面可耳若欲誅曹復漢其惟武侯使將
星不殞昭烈不棄永安宮諸葛不背五丈原而吳
不撓荊州蜀必能誅曹復漢以光高光如命何如
命何然昭烈對客雲長翼德能侍立終日斯不易
得也

嗟嗟南宋其相有李綱趙鼎而又有張九成胡銓
虞允文胡安國尹焞胡寅洪皓晏敦等其將有宗
澤韓世忠岳飛劉錡吳玠吳玠劉子羽胡世將楊

師中王德而又有張浚張俊張憲張子蓋張雲等而中原卒不能復金元卒不能驅者何哉高宗為之君縮於上愚於上潛彥之虜檜之賊蠱於下奸於下亦復孰咎哉不患其不蹈於海也

人謂秦檜殺岳武穆予謂宋高宗殺飛檜以和議許虜是以得歸高宗慮恐虜強我弱戰或不勝萬一如徽欽二帝橫遭北狩恒惴惴焉賊檜揣知其意故力主之且張俊助之張浚傾之而止知報國不知下人之鵬舉與其子乃將安得不被害哉故

韻學編下

四十七

鳥鼠山房

韓世忠諸公亦莫能救也皆徒有精忠字亦奚以哉噫

賀知章吳貞節儒而老者也張子壽王摩詰儒而釋者也陳希夷老而儒者也賈島釋而儒者也若楊敬仲則儒不儒老不老其釋乎且有以為高過陸子靜者夫不諳大學不識曾子不知性不識程子果非儒邪果儒邪

甘泉湛先生立言不文乎然文矣後渠崔先生立論不工乎曰工矣

唐前有房杜乃有貞觀之治後有姚宋乃有開元之治宰相於人國所係不大哉

久任為下為民也而循吏出焉超遷為上為國也而宏才大略用矣故當並行蓋不久任則不能久安長治始則四暮三矣不超遷則不能拔尤絕群殆隨行逐隊爾矣欲求政事之善人材之美恐不易得也有志平治天下者其加意哉

鄙夫小人也大人君子也小人不止於不可事君君子不止於可事君

韻學編下

四十七

鳥鼠山房

康齋日記似學曰省但恐徒事標記或實踐故曰見道於風日花鳥百齋閉戶陽春臺穴壁進餐而教學者誦佛經不涉於面壁禪定乎敬齋答門人湯武並出之問曰以功多年長者為君不涉於教湯武不以天下爭乎夫三先生既談道而子傳知樂公甫知靜寂心知敬然敬齋不墮禪

敬齋云白沙說物有盡而我無盡分明是釋氏妄想不生不滅語然既不知生死亦不知始終何以倡道而以堯舜文孔之道教天下後世哉

翰林古士教養之也然給事中御史

朝廷耳目之司也其責不在宰相下顧不可慎選

其人而養以器識教以德行乎即諸進士觀政中

屬諸卿佐教養之必徵其才識廉其行檢逾三載

而後因其材而選之或待其一二也

夫下藩封官屬不下數百員雖自選部銓注然

苟徇俗隨時左右史未見其匡國審理正副未見

其卹刑典儀引禮未見其循度殆優游竊祿散漫

卒歲蹉跎待年尔矣蓋賢能者不薦不肖者不劾

類學編下

四十八

鳥鼠山房

能者不遷不德者不絀

侯國何由如東平官屬何由如賈生故未聞其賢

爲善未見其皆崇礼也今吏部每稱閹人盡以

諸藩官屬咸視有司三載考効一二考黜陟於賢

否賢者轉之藩臬郡縣否者罷之則

諸藩官屬自尔靖共厥職不復徒耗月俸歲薪而

通藩服未有不痛加勸懲者敢告之進

進人才統百官者伏讀

會典皆無徵然不知定自何

寇子惇司馬能道端毅王公于瑩中中丞能道忠

宣劉公立朝體國扶世匡時諸事業甚悉令人

喜聞樂道自躍然欣慕相與議擬端毅公今代司

馬溫公也忠宣公今代韓魏公也周侍御德威以

爲然吾師中丞虎谷公謂端毅公類汲長孺中丞

萬汝信謂忠宣公類蘧伯玉崔宗伯予鍾以爲然

或曰使端毅公理學淵微忠宣公道範精粹皆當

從祀孔庭

王端毅公劉忠宣公立朝備績殊多而端毅公

類學編下

四十八

鳥鼠山房

之効滇南鎮守內使之懇直効江左花石勅使

之剴切鞠留部巡視臺史之屈服其氣巖巖然忠

宣公之遏止南征之婉曲敷揚司寇部之明允推

遜邊職方之謙厚其幾渾渾然皆人所不能及他

可類求也

滇南鎮守中貴橫征公計獲其賊千金發其姦

百端疏上即蒙逮問而其姦郭英自經滇人大

悅江南奉勅內使橫索玳瑁花石無狀公密

察其盜金數備開其花石數因極言古之明王

不貴異物而務節財疏入即蒙逮問而其姦王
臣伏誅東南人傳頌至今 南京何侍御坐巡
城科罰事發下南京法司提問何巡城如故乃
屬錦衣指揮會公收問侍御猶冠帶以見錦衣
怒公曰毋及問所罰金云俱貯應天官帑公出
示凡被罰者各執狀赴領而具領之數三倍于
所貯侍御乃愧服 有中貴獻征安南策者
命司馬部檢舊劄以 聞司馬錫公檢之公令四
司吏三復檢之無獲竟奪郎署之俸兩月而安

類學編下

四十九

島見山房

南之征遂寢然卷乃在他所 某貴戚之族坐
不法司寇部判以謫戍

上咨之公公引瞽史之訓解之竟發戍 職方部
事劇司馬公特取公偕邊郎中協若戍務每具
草司馬稱善曰邊郎乃諸若籌公曰邊郎自昔
多才邊遷官辭司馬公公勞曰兵務累君君固
多才邊曰盡劉郎中所撰也諸老併嘆賞焉

孰謂

敬皇朝不多君子邪臺省豪俊彬彬臺諫英傑侃

侃願治之士罔不需用敢諫之臣無不盡言

帝謂廷臣曰天下何時太平朕幾時得如古之帝
王於戲此 堯舜之聖禹湯文武之仁也是故海
宇皆重廉讓士類皆尚忠貞十八年間民康物阜
卓有熙皞之風華夷歌頌百世也若端毅王公之
忠正端肅馬公之忠鯁惠安彭公之醇正忠宣劉
公之忠貞恭簡戴公之廉慎簡肅張公之端介庶
乎三代之英文恪耿公之忠允文端周公之亮直
司徒秦公之廉貞司寇何公之剖介司空黃公之

類學編下

五十一

島見山房

副直文毅倪公之端方文安林公之明達卓哉一
代之豪然皆未盡其才若文懿章公之忠純忠定
韓公之鯁直中丞王公之嚴毅文莊王公之誠確
給事賀公之高尚祭酒蔡公之端介吉士鄒公之
正直允矣間世之才然皆未及於用孰謂

孝皇朝不多賢俊邪且洞知王劉戴張之必為君
子預識其御史某_{某官}之必為小人此其見卓越
三代矣薄海內外仰觀

日月之明天地之大天假之年斯四三王三帝

矣於時諸君子亦將以稷契皋夔自期以魏丙韓
范自任矣商高周宣云乎哉漢饒唐俊云乎哉秦
紉黃公孔昭王公雲鳳賀公欽鄒公智皆未及
用者右皆素所知聞者其所不知者俟再考云

忠宣劉公簡肅張公皆選翰林吉士皆不欲居吏
職而拜省郎然皆位尚書而為名臣可以觀其志
欽其人矣

虎谷先生今代正人也其抗疏有千萬人吾往矣
之氣其作士及其至也有泰山巖巖之象其赴

名銓曹薦之也然猶以古道迪國士於權奸無染

類學編下

五十一

鳥鼠山房

也權奸雖不悅亦不能以他事中傷以受知於少

師涯公尔初以禮部郎中抗疏惓惓以扶正抑邪

為體而事切時弊辭涉權奸

上亦采納焉其教以主敬窮理為學而秦風不憂

士皆知向上近裏人人慕橫渠藍田矣其蒞政吏

不撓法道不拾遺所至有整齊嚴肅之風而政舉

民服名臣錄謂先生廉靖方剛得之矣或以出非

其時議先生然瑾在則以素履拜祭酒瑾去則以

輿論改通政尋以時望進僉都御史遷副都御史

公堅以不就可想見其人也其亟去而堅不出有
看不得做不得之言

陽明先生禹穴之麟鳳也弱冠以文鳴銓衡以器

鳴外補以節鳴撫綏以略鳴討叛以武鳴保釐以

勳鳴薄海內外亡不景仰陽明公者而公亦以第

一流人自任其諸師弟子傳習自以為直接孟子

不知於孔子顏子之傳受何如也然或稱南方夫

子或稱今代聖徒或稱自立門牆或稱高視寰宇

愚皆不能明於戲其明時之游揚也哉至論理

微之分鑿鑿分明若南軒義利之別也而學如昌

類學編下

五十二

鳥鼠山房

黎文如廬陵勳如淮蔡績宗敬服焉載之名臣言

行錄中不表表矣哉

吾師遂菴公其風流人豪乎初以奇童入翰林為

秀才弱冠即以舉業為士子師在中書以古文辭

與西涯學士友善視學關中亦以古文辭啓發諸

士子諸士子皆勃然興起嘗語人曰吾於秦中得

李獻吉詩不媿李杜得康德涵文不媿馬班西涯

公稱善然文學純似六一政事敏似穉圭器度豁

似令公而發逆瑾之奸則所以報

毅皇者大矣復欲有所匡正而乃未遂惜哉

雍之文獻足徵乎關以內隴以西天傾西北地俯東南有華吳之嶽有江河漢之瀆有西傾終南太白少華惇物岐隴嶠冢崆峒朱圉鳥鼠仇池岷積石金門龍門之山有渭洮涇沔洛澠灃沮汧漳漳隴之水有義皇軒帝文王武王成王康王宣王后妃邑姜有倉頡岐伯伊尹后稷泰伯仲雍大王周公太公召公之聖之賢有張子厚天祺呂晉伯和叔與叔蘇季明之儒之學賢相則魏相杜如晦

學編下

五十三

鳥鼠山房

寇準諸人賢將則趙充國郭子儀韓世忠諸人循吏則魯恭廉范辛公義諸人節義則蘇武段秀實馬莒諸人隱逸則梁鴻鄭子真皇甫謐諸人文學則文如王充王符班彪班固杜預傳玄摯虞杜佑權德輿李翱張橫渠呂正字如干人詩如李陵班婕妤蘇子卿秦嘉徐淑傳毅傳咸陰鏗唐太宗玄宗蘇頲楊炯令狐德棻李太白王維杜甫李益韋應物李賀杜牧如干人聖聖如天賢賢如雲獻不彬彬矣乎有八卦六十四卦先天圖六律六呂黃鐘

家辭後天圖丹書又辭周書三十篇洪範費誓秦誓

四詩周禮儀禮乾鑿度坤鑿度尚書古文樞易

書詩三禮論語孝經註春秋說春秋考記易

傳旺春秋釋訓賈春秋義章明春秋左傳解子

論語註五經異義春秋三傳註易疏

書詩春秋禮記大義孟子章句易書詩春秋

禮記正義易書詩春秋說孟子解五經解注

易章句春秋解大學中庸解孟子註克已銘

孟子註易古經防禮記解喪禮纂要論語解

中庸說漢書吳書魏書陳書晉書

太南北史唐書帝範新書陸論衡充潛

六論符白虎通王命論西銘正蒙理窟典

林玄左氏傳國語解通典鄉約氏璿璣圖

蘇蕙漢李班詩晉樂府隋鏗詩唐李杜章詩經

載道史載事文華國詩風世文不穢穢矣乎於戲

聖賢嗣續經史流傳前哲傳習後學仰止垂之無

窮雍之文獻不足徵乎

若班昭之女戒權文公之辨亡論李文公之幽賦張邵伯之鞠歌呂正字之擬招皆不能悉載云

關隴人物如張太宰統景中丞清皆死之節操段

太守堅呂宗伯相之醇正南陽金城皆擬段以伊

伊川尊如橫渠近李司徒昶李參伯崙張司寇撫

已祀之正學祠矣之廉介楊參伯仕敏不以官至今藉藉

也薛郡丞敬之惠愛劉司徒璣王司徒承裕之厚

重與薛皆潛雍司寇泰之剛直諫垣薦其有敢死

不附送周隱士桂李邵丞錦姚太僕顯之理學周

潛德進修秦之學姚言行以聖賢為法皆無愧於王司馬

王太宰恕而不易得關隴輿論耿耿然西北無多

願學編下 五十四 鳥鼠山房

傳記是以東南少傳倘采而列之 國朝名臣之

次夫名豈不稱情也哉劉司徒有惠政於郡邑

王莊毅公忠臣也王端毅公良臣也段容齋公循

吏也君子謂為秦中三傑益以呂宗伯涇野蓋四

俊也然關中豪傑殆不止是劉司徒近山不亞於

容齋王司徒平川有光於端毅關輔理學賴以傳

習謂非秦中不待文王而興之豪傑歟

關中理學太宰王端毅公太守段容思公倡之而

其學乃續周徵君桂姚太僕顯李郡丞錦薛郡丞

敬之行之而其學益著近山劉司徒公平川王康

僖公闡之而其學益明宗伯呂涇野公與光祿馬

谿田公加意沉潛焉而其學益遠夫端毅翁貞恪

而公天下比之司馬君實所著有石渠容思翁劉

正而惠南陽阜蘭皆以伊川擬之廷芳真純微之

廉明顯思端恪皆有著述在中孝友近山翁厚重

如山而學淵微所著有正蒙平川翁端嚴如嶽而

學博浹所著有論語涇野翁正如伊川弘如橫

渠而學該博與槐先生近列之正學祠橫渠蓋田

願學編下 五十五 鳥鼠山房

之次矣云當接郡伯所著有易說翼內書說要

宋四子谿田公年雖高而造詣未艾然真精力久

當更有待也

阜蘭段公堅守南陽以學迪民以身教民民戴之

不啻如父母學者仰其治行每以伊川擬之而南

陽頌之至今京兆劉公璣尹曲沃以身先民以德

子民與百姓處如家人父子百姓懷之不啻如慈

母而曲沃大治近時所未見也南陽曲沃皆特祠

祀之若考妣然久而不替蓋

國朝之循吏而闢隴之儒行也

隆師親友所以修業進德也力學而不賴師友吾未見其有得也予以道德而師虎谷先生整菴先生然望其牆未窺其堂而長栢齋釋夫莊渠子才矯亭時舉虛菴秀卿谿田伯循涇野仲木涂水子惇而友中川子學方山林夫然歷其階未入其域以文學而師遂菴先生東川先生然造其堂未入其室而長嶢峒獻吉漢陂敬夫華泉庭實許西德源微山子淵崦西子容甫川常甫頤山克學鈞谿仲實前溪伯時藻潭全之白閣壽夫而友石江崇教棠陵思道五泉汝慶高峰續約雅宜履吉少玄子安王筍永之然咀其華未飫其實以政事而師栢山先生東湖先生靜齋先生然揚其輝未底其極而長石泉希周毅菴德夫素齋瑩中安厓伯隣而友方塘希古南海子魚淩川希準前川伯倫肅齋惟敬震軒叔仁舜澤允吉然飭其治未修其化是以謙薄無似紕繆無成今雖衰老然猶有志於衛武公而力不逮也

頤學編下

五十六

鳥鼠山房

讀易而見天人之理一讀書而見帝王之道大讀詩而見岐鄴之化深讀周禮而見文周之制精讀儀禮而見節文之儀和讀春秋而見鄒魯之教遠讀記而見禮樂之用急讀論語而見孔子之大成讀大學而見曾子之明明德讀中庸而見子思之篤恭讀七篇而見孟子之性善則聖賢爲吾道立極爲斯文垂憲其明如日月其行如四時萬古彪炳有非秦火所能燔者歷代本此總統諸儒本此經世是故堯舜禹湯文武周孔授於前顏曾思孟

頤學編下

五十七

鳥鼠山房

周程張朱傳於後而百世之太平可臻也

虎谷先生整菴先生予師事之見素林公靜齋陳公子尊事之栢齋何子虛菴陳子甘泉湛子莊渠魏子矯亭方子谿田馬子涇野呂子涂水魁子予長事之方岩陳子中川陳子鈍軒周子方山余子子友事之然不能脫去凡近徒企慕焉尔是以猶夫人也余舉子
宋名臣言行凡三帙嘉言善行多可觀法然各取其所長略其所短蓋責已嚴責人恕也攷其言皆

夫臺所以明刑也與其明孰若慎慎則無訟矣兵所以禦侮也與其禦孰若拊拊則無侮矣慎之維何曰誠而已矣平吾心以求若情弗得其情弗已也拊之維何亦誠而已矣致吾治以求若心弗得其心弗已也而形容有不卹兵容有不戢者哉郡有守邑有令也夫守令民之主而士之宗也守令視民如赤子則民視守令如慈母守令視士如弟子則士視守令如業師而政教立矣皆郡也皆可牧下而翰上也嗟乎今之論者必曰

頓學編下

五元

鳥鼠山房

其郡遠其郡近其郡大其郡小其郡難其郡易其郡富其郡貧苟若此是有所樂與惡矣有所樂與惡將有所取與舍矣是豈守之道哉然不獨守也縣令亦然丞倅簿亦然

自命都御史巡撫而保釐有所倚矣自命御史巡按而澄清有所托矣都御史撫綏也其漢遣御史中丞外督諸州刺史之遺乎其薰風甘雨乎而高明正大其體也御史激揚也其漢遣御史按行風俗之遺乎其嚴霜烈日乎而忠厚正直其體也

今之行省行臺其分陝之責乎而列郡列縣則子民之任也然臺省尊其位而已矣重其祿而已矣其孰若名伯其孰若畢公國家且紛布焉然澤不獲及民未必於人必有濟也守令切近民者也恐不獲上惟趨上是圖恐不獲下惟繩下是務孰爲成都孰爲武城國家且輕以授焉然澤易及民夫何可不重不選邪敢告之志在安民者久任治世之良法也不久任則潤澤無日浹洽無期欲其政之善何可得哉蓋久任則治人者之心不外馳洽於人者之心不它望政有不允者不驟施俗有不協者不輕變語云居官長子孫而循良吏之所由出也

頓學編下

卒

鳥鼠山房

國朝成化間遷轉猶遲考功部內外臣工猶有六年考績者正德初選部張綏乘逆瑾欲扇動仕版乃行轉遷法則自丞簿而至藩臬才三年悉轉遷之以售其私市其恩由是天下丞簿而上藩臬而下亡不奔走當路之門啓入檄出朝更夕改卒之仕途人皆桃李士皆絲蘿而廉退之風索然矣吁

可慨也縣簿而上郡丞而下猶郎吏耳若藩臬使
參副僉皆臺臣也未及三年即遞遷之然席不及
暖而送迎紛紛供億擾擾而政有不墮民有不窮
吾不信也如是信宿縱令韓范臨之雖戶曉之未
必上安下懷如三代時也甚至不識其面不知其
名而已他之矣政之悖戾民之疾苦或付之不開
故望三載而冀一遷者皆是也惟夫立德樹勲之
人之心亦未必不憚煩焉視馮唐易老李廣難封
復何如哉吁可慨也

項學編下

李一

鳥鼠山房

國初參政參議皆與布政使寅恭經濟後分令循
行各道分守其地以經畫其政如分巡僉事然故
錢穀兵戎無一不當理者歲更一人焉與分巡君
歲紀一新更不敢玩民不敢愒正德初選部張綬
奏改守巡各道分駐其地之要害處若鎮服焉者
意未必不善乃後率自視若有司而吏民亦視之
若有司不問民便不便而制非成法其諸旬宣
貞肅之風間有振揚者而歲一聿新之令徵矣萬
一其人不皆趙抃張綱民受其疾苦不止守令丞

卒尔也

今之藩臬諸使宋之監司也居守令上而不近民
民尊視之國初未命御史巡按而諸外臺猶得
徑達自御史至外臺與行省率尊意禮敬御史臺
而於民之疾苦有加意者有不加意者吁豈國家
設官分職之初意也哉愚嘗曰自巡撫都御史出
而藩司未有不宣越於都御史臺者矣自巡按御
史出而某司未聞自按察越於御史臺者矣
國朝重內輕外也因如是哉

項學編上

六士

鳥鼠山房

人皆曰仕途畏途也予不以為然爰入仕始知之
吁可畏也夫中貴可畏也然以義喻之彼亦趨於
義矣武弁可畏也苟以禮遇之彼亦達於禮矣士
之入仕也君子固多小人亦不能無而君子之與
小人處也有誰以得失曲直爭者是以治日常少
亂日常多世治常重豪俊世亂常右奸究故斬尚
諍節平而楚滅絳灌諸貴宦公孫弘嫉汲黯徙董
仲舒宮主父偃張禹孔光附王莽而漢移楊再思
殺張昌宗張昌宗助就欽明武三思誅五王薛文

遇徒石敬瑭而唐義興德趙融曹彬王欽若丁謂
貶寇準王安石比呂惠卿蔡京復王安石毀司馬
君實諸公沈繼祖傾朱元晦竄蔡元定而宋弱此
蓋昭昭顯著者其他陽排陰擠公奪竊傾不谿田
奪牛即擠井下石者不可勝紀吁可畏也然則如
之何寅亮者當以進君子退小人為急明哲者當
以親君子遠小人為切

守令主牧也牧主愛也如牧牛羊者然斯愛矣

夫守郡之父母也夫令邑之父母也守令而賢良

頓學編下

卷三 鳥鼠山房

焉士斯沐其教民斯被其澤蓋士民父母之而守
令亦父母之也故一言善也即作福矣一言惡也
即作慝矣守於郡令於邑所係不重且切哉且庶
官之難勝厥任莫守令若也然

君相輕視之臺省下視之以故士之仕也惟遷守
與令稱難焉於御史臺於行省稱屬吏固也然不
頓首道左則獲罪不稽首階下則獲罪視漢二千
石賜璽書賜車蓋入為三公奚啻百倍邪夫郡守
皆自臺諫郎署出補者今却俯伏臺諫郎署下其

禮與體不翻覆邪近有言守令不當輕視者苟
明旨不合郡守作屈抑拜坐得其體矣然行不踰
時而竟不行諸御史臺諸行省外臺視

勅旨何如邪然亦俗吏執之耳故遂有郡守以不
拜坐獲譴者噫豈其然哉豈其然哉邑令出自科
甲稱良者什八外此者什二而監司之視守令也
或以能或以諛甚則以賄且邑多才少是故不酷
而罷不贏則漁甚則墨矣愚欲於臺諫郎署拜郡
守也必令部尚書御史大夫歲疏其屬堪為守者

頓學編下

卷四 鳥鼠山房

以
聞於拜邑令也必令諸郡守歲疏其郡中科貢堪
為令者以

聞皆下太宰酌用之以重若選則守與令未必不
得人也更欲下吏部於郡守轉遷準諸按察副使
於邑令轉遷準諸選取臺諫上焉者授臺諫郎署
次焉者授大理之屬大僕之佐又下次焉者遷州
守郡倅則郡守縱不及文成郡邑令縱不及言武
城亦未必不賢且良也成化間端毅王公自揚州

守而擢布政使楊城揚公自嘉興守而擢按察使
正德間黃伯固自司馬郎而擢大理丞冠子惇自
寧波守而擢京兆丞猶得萊公却簿之意合也則
亡矣

書視民如傷于座側見孺子入井之心也仁也
守令親民者也而皆輕視之其諸守令視之亦輕
夫何從得良守令哉

不以應誅求悅上不以適奸慝繩下不以悅上苦
下不以繩下媚上可以言政矣

顧學編下

六十五

鳥鼠山房

需求輒應之則獲上過爲屈抑事事謹則獲上文
虛應若如流則獲上厚誅求則獲上峻刑則獲上
復以此繩獲下吾未之信也

令郡守古侯伯也於吏有君臣之道焉於民有父
母之道焉故守明則吏不能作慝守公則民康又
吏不能作慝則守有令聞民康又則守樂審法作
則霽功簡能承廉察實者智也明也膏沃其主
袴其人者公也仁也

國家設國學以成諸士子令見其循班也孰爲執

經問難者設郡縣學以作諸士子今見其課文也
孰爲傳道解惑者

凡今之人仕者衆止者寡進者易退者難夫仕順
于止故衆進樂于退故易不有達於義鮮有止者
故寡未達於道罔有知退者故難是故觀人者不
于其衆于其寡取人者不于其易于其難

所貴乎君子者德無弗立文無弗章政無弗舉是
故德立而行崇文章而身華政舉而志達躬行有
得而德立矣詩書郁郁而文章矣禮樂雍雍而政

顧學編下

六十六

鳥鼠山房

舉矣

守御乎吏也故吏莫不視守以爲準守牧乎民也
故民莫不視守以爲生故守莊則吏肅守恕則吏
惠守公則吏明守廉則吏威守爲唐虞之治則民
爲堯舜之風守爲孔孟之學則民鄒魯之化
兵食皆以防邊而食爲重兵馬皆以禦虜而馬爲
急兵國國之本而將充民之司命也然未納靈於
下既納漁於上而食不足不問丁之強否惟數是
補不計馬之健否惟數是充而兵與馬不足其將

多膏粱之子不識兵略不諳武韜營一
將一軍以奉已者皆是也甚者不以
進而將亦非其將也噫使食皆充皆如
惜馬皆健皆如虜之調習兵皆壯皆如手
目則食不乏馬不羸兵不疲而將得如
趙充國如李牧夫何不足以却虜不足以
哉噫

國家舉劾百司屬撫按二臺公矣然有以
者有以才爲悅者又其下則私矣其有私者

顧學編下

六十七 鳥鼠山房

京臺諫仍論之屬考功部識之以備而

舉劾始公夫鄉大夫士才不才知之之

若也蓋體漢里選之法屬守令每三歲或一考

郡縣之已仕未仕之賢良者孝廉者方正者恬

者舉之以觀其所識其有不公者仍屬

劾之屬選部覈以連坐之則朝無倖位野無遺賢

矣

守令視里甲父兄視子弟也而日科之

如萊邑吁父兄於子弟忍以是如

原缺第六十八、六十九葉

難哉噫豈獨膏粱之子然也

甚矣貪風之不可不斥也有奮欲行漢法於貪必
誅者或以爲太甚然綠林非人也而猶屠而懸鬚
乘夜伺空今聞貪者峻刑迫之嚴法苦之或於
夜或於屋漏甚者明於廳事恬然受會無忌憚
視綠林似已無媿心矣吁可慨也夫守已猶女
守身也使女子而如士子所爲也不見譏於其父
兄邪子於貪乎何誅

舉世重廉耻重節義而後貪墨之風息

顧學編下

半 鳥鼠山房

聽訟亦難矣辨者騁其辭懦者拙其辭狡者巧其

辭譎者詭其辭非至明其孰能體察且官尊則辭

或不能盡官卑則辭或不能折南方之人柔見不

順或順而諛北方之人剛見不順或執而梗而訟

豈易平也哉

審力役曰均徭然卒未均也戶有大小貧富馬里

隣所不能悉豈三九之則所能齊門有強弱貧富

焉里隣所能詳豈三九之等所能一倘詢之里老

斯開一騙局矣蓋準之其丁與地斯平乎如某處

抑所處之時異邪豈所遇之勢殊邪豈有其心無其聞邪抑有其人無其任邪

今之驛傳古之置郵也其在水陸猶血脈然宣上達下不可一日緩者然其賊民之弊則有不可勝言者在在傾產人人鬻子言之寒心有司坐視之而莫之能採夫傳

命其分也報警其事也而法當入驛者十無二三法不當入驛者十每八九陸行皆非水行尤甚偽者紛至借者沓來暴者狼吞墨者犬噬力不支則

願學編下

七十一

鳥鼠山房

卒遇再不支則吏遇再不支官亦遇矣即今海內民窮財盡日不聊生大抵驛傳之致之也愚欲於當入驛者司馬部一一欸開之不遺極言其苦而聞之干

上必欸欸所開者始得入驛欸所不開者不得入驛獨司空部刊其欸如書驛發一冊極力禁之革之而後民獲少甦也如欲平治天下不於驛傳整頓之民何所措手足邪此今日之急務也敢告之加忘於窮民者

國家權商於舟於筏歲罰司徒郎司空郎監之下十餘所此蓋裁抑營營遂末者爾有分權於浙者歲稅不及往歲之數部尚書詰之對曰此與民爭利爾所權者此也主事不能多也而使浙中貴不敢他求矣工部主事朝邑韓公印站他求常例

生民塗炭莫驛傳若也驛傳日熾則閭閻日困矣苟不整頓而拯救之民將不聊生矣夫民國之本也王者之所天也有志於郵民其亟於驛傳極力殫慮焉然郡邑里甲困亦不下驛傳苟得賢守令

願學編下

七十二

鳥鼠山房

民亦不為所苦矣非若驛傳之莫紓也

國家設巡檢以緝盜然十無一能緝者設訓科以醫人然百無一能醫者巡檢多不力訓科多不習爾訓科可以有無其諸巡檢非備員邪

僧道設官目

國朝始末但令某官提點某官觀耳夫僧坐于寺何以覺何以綱邪道坐于觀何以典何以紀邪且僧不下億萬道不下萬千費民財而耗民食夫何止萬億邪元月云乎哉

釋氏以虛無爲心心果虛無乎以靈覺爲性性果靈覺乎心虛無也何以明乎性靈覺也何以見乎心無形乎性有形乎

莊周其戰國之釋乎昌大其說以貽釋氏而惑百世而佛又以輪迴死生恐動人以致金身玉殿遍地歷世皆然誣妄甚矣莊恐不能辭其責也

達摩高僧也窺見身心當守因傍儒教倡爲明心見性而神其說而不知其非是也使得聞吾義時堯舜禹湯文武周孔精一時中之旨之與未必不

願學錄下

七五鳥鼠山房

棄其說以歸于是而爲西方大賢其謂佛爲西方聖人不知王仲淹何以言之蓋善人也亦自善其身爾謂爲西方大賢而爲達摩先覺可也何得爲聖人果聖人也肯背君臣棄父子絕夫婦而爲天地間一獨夫邪三綱既論三統亦數矣其何以爲聖人邪使人皆如佛也何以爲上下何以爲親疎何以爲內外邪人道不歸於熄邪

更不理會下學如何八道

故容易錯

也每言舍然實取也老氏每

言子然實奪也每言遜然實爭也

此樹枝折却轉投彼樹生枝此枝花落却轉投彼枝生花有是理否釋氏輪迴之說無稽矣

釋氏以摩訶自大以般若自覺以波羅自達以蜜多自極要之談空幻虛耳於戲天地在上至高至厚果孰爲大聖神在前至誠至明果孰爲覺陰陽升降至理攸存果孰爲達至若地位莫探底衷果孰爲極心經若此他可類推矣

臣於君子於父猶人於天也夫於婦猶室於家也

願學編下

七五鳥鼠山房

兄於弟弟於兄猶手足也皆性分之所必具而倫理之所必全者釋氏忍於背君棄父強於絕夫婦甘於離兄弟三綱淪五倫數已不得爲人何以言覺言悟邪何以言心言性邪却拜其師爲父拜其長爲兄惑其世人之賢賢愚愚爲禪悲其路人之生生死死爲慈抑何爲哉抑何爲哉

佛者覺也覺之爲言悟也蓋悟則爲佛迷則非佛然悟乃此心之知覺虛靈耳非性也佛氏每以明心見性誘人者誤以心爲性而人不知也故曰釋

氏本心所見不同所入自殊安得云儒或同哉然
儒生談道而詖墮于禪者其失亦同彼援以為儒
釋同耳夫何同

釋氏以勸善引動人彼辟深山遊遠方不顧父母
之養至不省其存亡其心善邪惡邪且有彼為法
師而以其父為師徒問憐其志免晚參而彼且善
談禪其人善邪惡邪此於彼勸善之習不相背邪
又有設為地獄之說謂其母入獄受罪彼每救之
然罪之者何人救之者何術況地獄乃誣妄也何
彼母獨多罪戾邪此於彼獨善之教不相左邪彼
每言有善男子有善女人不知彼父母何偏不善
若是邪

願學編下

七十五鳥鼠山房

釋氏云和尚者云和於衆尚於君父也夫君至尊
也父至親也人仰之如天事之亦如天因敢或忒
而敢云尚之不知何以尚之也不臣不予其矣有
明王作當途之四裔無赦也

讀致堂胡先生崇正辯洞見釋氏之空之宗讀整
菴羅先生因知記洞知佛氏之偽之偏二先生即

佛書中語與之論辯非臆說非泛論使達摩仁贊
見之亦當屈服

致堂先生於仁贊佛說述其事段斷之以理以道
整菴先生於達摩佛經擇其言亦段斷之以心以
性而釋氏之空之宗之繆之妄舉不能遜矣
高僧有能呼風喚雨降龍伏虎者此皆幻術耳彼
自謂驚世駭俗而不知祇能欺愚昧者尔賢聖固
不能幻也

願學編下

七十七鳥鼠山房

者以其教能降伏諸僧衆此則其俗尙尔 國家
不即廢者蓋以夷俗治夷種也非取其教也

終南上人誦說藏經若有得焉堯我中丞書以訛
子曰此可與談禪者因號以大覺今住持麥積山
寺子遂以覺之義與談之爾之覺明邪暗邪已覺
邪人覺邪有覺邪無覺邪無覺邪有覺邪蓋明則
通暗則塞矣覺則悟弗覺則迷矣而尔之覺佛覺
邪菩薩覺邪三乘覺邪衆生覺邪其覺同邪不同
邪因聞而覺邪因教而覺邪有覺無覺而成人見

初宿 而度大隴循太白揖終南瞻華嶽

而俯黃河既入官而謁

天壽眺西山厥觀亦既備矣及外補而依太行緣吳嶽下嘉陵行劍閣而入蠶叢弔浣溪汎岷江略中巖對峨眉等九項乘金華抵蒙山而憩雲臺厥觀不奇哉既

召入而道錦屏走籌筆啓潼關渡揚子拜鍾陵燕鷄鳴典玄武湖倚觀音閣繼充

勅使而凭采石玩白嶽陟金山酌第一泉涉焦山

頤學編下

七九 鳥鼠山房

游九華踏齊山而棹牛渚及 奏復而游寶應踰

呂梁厥觀亦壯矣復守郡而躋潞嶽駐山谷瞰小

孤佇北固咏黃山汲二泉裏震澤略浮度方洞庭

域林屋帆石湖衍三江而坐虎丘凌大石翫天平

而趨玄莫厥觀不侈哉肆進行臺而次靈巖登岱

嶽指華不注欸大明湖揚淮水盤西湖探禹穴而

覽千巖萬壑浮錢唐據積巖翹天台席招寶而望

東海復沿龍門臨霍嶽躋五臺而探滹源揚汾水

厥觀亦勝矣既進蘭臺而訪少室觀嵩嶽按圭臺

三觀而巡

夜城跨蓬萊閣而指秦關漢柱開新河厥觀不遐

哉及總河而灌南旺濟運漕七十二泉掬川上列

泉疏濟水而激鈞突既歸田而延伊闕觴興慶浴

湯泉而濯渭水厥觀不博哉夫皆山也而鎮爲嵩

嶽爲大皆水也而湖爲廣濟爲長海爲大是故氣

通元漠神洞幽明山不可樂乎清瀾澄濬妙質柔

明水不可樂乎山如干無不鬱鬱恢恢水如干無

不淵淵潏潏而亭臺樓觀不與焉厥觀亦云大矣

頤學編下

平 鳥鼠山房

然山莫測靈水莫發秀題咏雖勤探討殊闕亦徒

延覽焉爾雖然入而觀光

清廟穆穆出而觀物品彙熙熙行而觀風康衢蒼

莽放而觀世中古茫茫及而觀心太一胚胎而其

觀猶我也

頤學編卷之下終

成紀鄭珩錄

小景圖

願學編二卷

陝西巡撫
孫進本

明胡纘宗撰纘宗有安慶府志已著錄此編乃其
講學之語成於嘉靖甲寅時纘宗已七十五矣闕
中之學大抵源出河東三原無矜奇弔詭之習纘
宗又師羅欽順而友魏校湛若水何瑋呂柟馬理
故所論頗爲篤實其解大學雖用古本而不廢朱
子格物之說雖與王守仁異趨而稱其如程門之
有游楊亦無門戶詬爭之習然核其全書大抵皆
先儒所已言也

海樵子一卷

〔明〕王崇慶撰

南京圖書館藏明嘉靖十七年呂景蒙刻本

附《四庫全書總目·海樵子一卷》

提要

刻海樵子序

海樵子者海樵先生著也先生鴻偉博達莊嚴毅亮節古心會精履實究道德之廣微探性命之淵懿達古今之大觀洞出處之時義爲政有叔向子產之才而絕良加之著爲文詞宏辭大雅唐韓愈柳宗元不能過也詩書言德又其哲其先生歟嘉靖甲申先生持憲山西行冀南者澤潞遼沁汾汾且劇故先生駐汾日多

一時剔蠹作明闢邪恢正章采樹風昭道啓學之功皆百年所未有焉是時學宮諸弟子員始相邀勵嚮風日昌成章而予小子乃得舉進士上第服官明時夫德施化光教弘士興信哉其年先生以母老乞歸田園尋徵拜大卿復三上疏請告歸養退畊澶淵之野築室講道著海樵子七篇論說道器相臣化醇知理潛孚交際執中之理皆闡揚幽眇極際廣崇豈前聖之精蘊

後賢所未宣者待先生發抒乃爾邪夫道以神會神以心一一以靜凝是固可以悟學可以觀道可以達天不謂之訓典矣乎古之君子乘明亮采則德惟樹勛道大莫容則著書立言以垂世亦有委世遺榮甘心丘壑而不悔者道固無弗存焉不然以先生之道陳之而垂訓世之言達之而茂匡時之業固天下爲公也乃今不樂於仕而爲之言何哉余讀是書輒有感云書得

海樵子

唐末

上

之行人史文直予刻之祁州麗齋中成之嘉靖乙未六月望日

賜進士及第知祁州前陝西按察司提督學校

僉事汾州門人孔天胤序

重刊海樵子序

海樵子七篇爲澶淵王端溪先生所著政所謂如彼耒耜陶冶一不制則生人之道有不足矣豈無用贅言者比哉自夫六經孔孟之文出昭如日月星辰列如山川草木千有餘年斯道中晦至於有宋有濂洛關閩之學出邇流窮源而斯道始復明於世焉迨至我

海樵子

唐末

上

傳者于是古聖人之經始爲完書其餘著述又皆擴前聖所未發厥功大矣端溪爲甘泉門人造詣宏深及乞休林下安貧樂道若將終身焉筆瓢屢空之後在今一人而已故其心胸高濶表裏洞然發而爲文精華炳著誠爲理之不可闕而器之所當制亦不得已而有言者也若以先生事業而論則立朝稱直居官稱明居鄉稱孝而風俗由之移易焉古語曰隱居以求其志

行義以達其道先生有焉是書汾陽孔文公先生已嘗刻之祁州既而先生復有新得文公得之命予增入時予由潁判轉知汲縣乃重加校正復刻於汲使同志者有所觀感而興起焉不徒泛泛然以廣其傳而已也予不佞故推其師友淵源所自以為序云

嘉靖戊戌春三月庚寅象郡呂景蒙序

海樵子

序文

別

海樵子目錄

道器

相臣

化醇

知理

潛孚

交際

執中

海樵子

目錄

五

海樵子目錄終

海樵子

澶淵王崇慶著

道器第一

道器有顯微無先後

神而會之存乎默故默者道之門

天地主也萬物賓也主一而容殊可以觀道矣

體有具而缺用情有生而不累其造化之微權與是

故瞽人缺視聵人缺聽瘡人缺言跛人缺動惟缺視

故天下之美色無施焉惟缺聽故天下之淫聲無入

海樵子

一

焉惟缺於言動故天下之利口無效焉天下之快四

肢者無伸焉

天上地下迭爲寒暑是爲道之升降

苦於情者未理性乎膠於形者未達命乎汨沒於昏

畫者未出範圍乎

故君子不達觀於萬物則志弗通也不動心於世故

則道弗定也不察識於事變則德弗精也

復之一陽曰朋來无咎憂孤立也姤之一陰曰女壯

勿取防漸長也

陽行則陰受之故陽之道樂與陰之道樂取

天地有自然之聲聲諧其自然則和矣是故君子和

德而後樂作

天子建中和之極可論治道不可論封禪夫封禪非

古也自秦人始也

五行之傳未必道也然而志可與也故人臣言事當

以劉向爲正

或問黃叔度可比顏子信乎曰東漢之世吾必以叔

度爲美人雖然叔度安能顏充叔度之學則大而後

海樵子

二

可者也

言吾心也心吾道也是故言吾之言心吾之心道吾

之道即吾猶人也苟知吾猶人也則吾可以常視矣

天包形外而不已地處氣中而乘化是謂動以含靜

靜以養動

或問日行遲於天月行遲於日海樵子曰凡氣天也

日月氣之象也夫氣之全體其動也速故日月未可

與天而較遲速

潮之消長氣之升降也彼曰地之喘息吾恐其說之

離乎。

仁者天之道也。性恒而員。義者地之道也。行辯以方。居喪讀喪禮。所以養其哀痛也。既葬讀祭禮。所以養其思慕也。是故孝子莫大乎以禮自養。

變者物也不變者道也。故君子會一達變以全中也。午靜觀動以復正也。

君子無往而不見道。

一氣而有屈伸。是謂陰陽。陰陽非二也。合而言之者也。

海樓子

三

莫非氣也。燥而爲火。濕而爲水。夫水火其五行之大用。天地之至寶與。

大而無外。神而不測。其天之道乎。君子知所以畏天。則知所以成人矣。

天道動動而無靜。斯歇地道靜靜而無動。斯滅。是故動靜相乘。其斯以爲無窮乎。

物莫大於人。人莫大於道。故學道則明明。則通通。則變變。則有爲。是謂天下至學。彼不知者。方以道學。歸之迂。流曲士而不揣者。又從而輒以道學。自任。哀哉。

昔嘗語門人小子。士莫大乎天分學。加非天分不高。非學力不熟。

學莫急於格物。格物莫急於知人。是故有人之君子。有君之之君子。有人之小人有小人之小人。而又有小人之君子。君子之小人。小人之小人。易知。君子之小人。難察。故說曰。而後物可格。人可知。

夫道隱而覓之。使人失。即顯而誦之。使人失。聽相古先哲。預名曰道。道有以識此矣。嗚呼玄哉。

道不大。不足以有容。學不深。不足以反應。故子思謂

海樓子

四

之如天如淵。

吾夢自書乾坤得六子之貴。夫乾坤而並六子。則八卦矣。八卦伏羲所以先天而立教也。若文王則知之。若周公則知之。若孔子則知之。慶也。生晚而昧於道。未之心領也。如之何。神會乎。吾將學諸易矣。

古先群聖。莫不力任乎道。天聖人任道以弘化也。孟子獨歸之伊尹。其偶感乎。

有理而後有象。故三畫以象乾。六畫以象坤。引而伸之。六十四卦。其繫於斯乎。

六十四卦各一其畫其自然之數與雖先聖亦加焉
雖後聖亦加焉理定故也

氣化者先天之道也形化者後天之道也

察萬物之情必本其動會萬物之理必自其靜故動
靜者千所同致學也

見三氣然不動感而遂通其善言道與是故方其寂
也何莫非無及至感也何莫非有故有無之間通焉
盡矣

夫謙其爲道也損損故益其爲事也退退故進其爲

海樵子

五

禮也下下故上其爲用也晦晦故顯故謙之六爻皆
吉君子之所以大居謙與

志而後立不惑而後知命耳順而後不踰矩道之序
如此夫

親者情也情者服也窮斯理矣故合族以謙

君子辭以昭意意以達道辭不可訓則意不可得而
義也意不可義則道不可得而會也故君子慎辭而
藏意

力善而禮天志可雋也忘私而制欲心不外也古之

賢乎古之賢也

仁道愛愛以宜惠惠以容衆故君子立仁政則民俗
慈良義道辨辨以示宜宜以定志故君子立義政則
民俗庶禮道肅肅以廣敬敬以振褻故君子立禮政
則民俗不懈智道通通以致明明以窮變故君子立
智政則民俗不蔽信道實實以致德德以孚頑故君
子立信政則民俗不詭

相臣贊第二

相臣之道五曰德曰才曰識曰量曰公德足以成身

海樵子

六

才足以蒞事識足以察微量足以容物公足以服人
神而變之其奇乎一而合之其正乎故奇正所以制
敵而統衆

夫聖天下之至化也德行恒神以效天夫賢天下之
至大也德行恒美以法地

古之人臨大事決大議主之以忠濟之以智而又終
之以用入執斯道也以往鮮不克矣

我好衆惡我憂衆樂故天道常孤

天下之變以人而致以人而平昧而不知謂之愚知

而不爲謂之懦故學以達變爲至

天地交而萬物生賢人出而萬化行故大易以天地閉賢人隱爲恐

人知勞於求賢爲圖治之要而不知默於修德爲動天之本故修德動天萬物無敵

夫變常之反也古也處變以權今也處變以經嗟乎無古人之忠而欲效軀於匹夫無古人之智而欲逞身於虎口難矣哉

夾谷之會以司馬從單騎之行以兩翼附知此則知

海樵子

七

所以處變矣

死天下之事易成天下之事難故忠可用也智不可外也古之人知此道者其留侯武侯與

用兵之道相幾度時乘便擊虛知神會變至矣故兵也者死道也不可試也聖人之所懼有國之所慎也故古以喪禮處焉

戰陳之法攻心爲上其知道乎故三軍氣必十倍斯可言勇術必萬全斯可言智夫勇而智天下無敵焉知此而操之不失其良將與

方其法之立也自我爲之及其法之行也我亦制於法矣方其教之推也自我明之及其教之定也我亦安於教矣

古之善戰者曰我善爲正我善爲奇異乎君子之誠剛與是故惟誠也故足以振天下之動也故足以神天下之變或以君子不取爵祿而取道若乖諸人情應之曰君子重世之所輕輕世之重是謂復命於天以爲衆情何以知君子

化天下者仁以啓慈義以護儒禮以折驕智以破愚

海樵子

八

信以決偽其致一也

天命弗僭責若草木成湯心學之驗乎

萬法皆空非道也然而可以釋躁心矣清靜無爲非道也然而可以得養生矣故學至於無往非補然後爲極

學十年而始得凡考於行者必誠必忠勿之有缺焉又十年而少進凡考於心者必誠必忠勿之有缺焉學終身以爲準至則弗之悔矣故君子有終身之學無一朝之憂

或問戰守曰天動而勞地靜而逸以靜制動則戰不如守所謂制人而不制於人者也

其遇不困則其發不猛其身不窮則其辭不暢

牛山之沾衣峴山之垂泣雍門之流涕宋之達命也

與是故仲尼之將亡也曳杖而歌庶幾者堯夫乎

有虞氏用璿璣示民知天也殷人尚鬼示民知祖先

也周人酌古尚文示民知變也

天之數九地之數十人之生也必以十月數從偶也

陽之道奇奇則寡而無助陰之道偶偶則多而常勝

海樵子

九

天者人也合天者心也養之者靜也君子正心於內

遇事而敬存而不失是以行而有準也

道渾而事變經約而史奢經史非二也

君子憂勤惕厲常若有所不足夫惟其常不足是以

常足

士有五善曰崇謙也尚默也履實也信道也思永也

聖人無我而曰知我者天故我忘而後可以入道

之得失係我之有無我之有無係道之得失是故知

我者鮮

蓋有不情而譽人忍心而毀人者我無是也據其實而稱之畧其不善而掩之如是而已矣

交淺而望厚人微而論危才劣而責重鮮不失矣

言而有章謂之文行而有常謂之德合而光之謂之

事業故君子文以飾之德以實之事業以顯之君子

哉

知潛心於道有時而復馳騁焉知退藏於密有時而

復騰口焉知和謙於履有時而復矜忿焉則可謂知

行合一乎

海樵子

十

天地之道往來而已矣往之者退也來之者進也

鬼道之盛其人道之衰乎

陽之體員用方故其動也直陰之體方用員故其靜

也闢

惟義理微如秋毫故心不可粗惟義理昭如日星故

心不可昧惟義理坦如道路故心不可險

慢以行民不敬也詐以交民不信也無德而動民不

與也

萬物皆其素位而行乎是故蛟龍不脫於淵虎豹不

於山日月不脫於天此自所以恒其居而一變也人或不然獨何與

絜矩則無事故絜矩有爲之術無事之道也

積誠苦行莫大乎志人而不爲積誠苦行難乎其言學矣氣必其聚則作事可力也志必其剛則入道可久也學必其不雜則歸宿可終也

由始學而至今道有進乎曰未之能也然而吾已定其志矣由今日而將來道有得乎曰未之必也然而吾已得其序矣

海樵子

十二

人之性莫不可大而可化可大則賢可化則聖

古之君子處己以道而愛人以禮處己以道故其心公愛人以禮故其情厚後之君子才高而地顯則凌忽當世忌賢而藏怨則厭棄故舊所謂心公而情厚鮮矣嗚呼其諸古今之大較乎

昔嘗與王公濟學見其文日工也而知吾賦才之拙見其神日玄也而知吾用力之淺見其事日密也而知吾宅心之粗然而麗澤未究夫人已矣悲乎

或問才難之說應之曰夫才莫大乎陰陽矣故陰陽

者理之用也人得之而爲才以行德也是故陽之用奇雖九人鮮焉陰之用偶雖一婦人多焉其斯以爲才難乎

夫儒將之用兵能以少擊衆能以靜使動能以志喻人故少可擊衆則亢倉無益矣靜可使動則機會無失矣志可喻人則緩急無虞矣故相臣莫先於論將矣

儒將不世出故奇功不世聞是故有張良之楚歌則項羽之魂自視有諸葛之雲鳥則南人之反自定矣

海樵子

十三

變不出於常惟知常故能達變奇不離乎正惟守正故能設奇握造化而行鬼神非儒將其孰能與於此奇者體也理之一而二也偶者用也理之二而一也正人之聰明其神乎邪人之聰明其鬼乎

物始諸靜形諸動

古人顛沛而存敬所以驗吾學也故敬者吉之道也天道無偽無懈無昧故君子靜而敦誠以含天默動而必恭以協天肅明德於幽暗以篤天顯

古人所謂氣機言鼓舞人心之道也是故渡江之擊

揖陽門之吊卒睢陽之哭像其諸知此道與

化醇第三

夫陽不固不施陰不充不化易所謂萬物化醇

我觀大道功利傷之吾舍學何因是故學外性情非

道也古教其棄矣

或問咸陽三月之火其焚書之烈乎曰是或一道也

然而無窮之戒可鑒也已

聖人形制於人心體乎天形制人未離其類也心體

天未忘其性也其斯以爲聖人乎

海樵子

十三

夫允執厥中允授舜也執中無權孟子戒子莫也大

哉中乎權在矣夫論中以權自孟子始也

吾欲學天道是故其動而未之中也吾得其象思焉

吾欲察地道是故其靜而未之專也吾得其形觀焉

郊天而以始祖配重本始也不享神之有主也周之

道也是故禮至周而備

古之政也憂之以大保之以中撫之以慈據之以德

教終之以義是故君子舉政皆知其德之全

惟天生仁普萬物而無不愛惟天生禮普萬物

不敬聖人體此以爲教君子修此以成德

即而至近探而無窮其甘泉之教乎或問教何要

曰體認天理何以體認曰學問思辯篤行皆其事也

故體認天理學斯至矣

天地之大德曰生彼曰天發發幾地發發幾其無乃

衆言也與故衆言淆亂折諸聖

吾之人以道德爲本以孝弟爲端以庶耻爲紀以時

中爲柄以道德爲本故事可推也以孝弟爲端故心

可盡也以庶耻爲紀故行可修也以時中爲柄故教

海樵子

十四

可作也

未達於事則練之然而知理之用矣未明於理則窮

之然而知事之本矣未合於人則孚之然而知人之

不外已矣

始吾於學也勞心而泥辭今吾於學也因文而實

讀易而至乾坤曰嗟乎是伏羲所以陽陽而陰陰也

淵乎吳矣讀書而至二典曰嗟乎是堯舜所以君君

而臣臣也道自此章矣讀詩而至二南其周之所以

興與性情之至也文王之德也讀春秋而至昭若

其微哉魯之元氣亡矣雖有王教其誰行之吾乃知
尼父之悼不俟獲麟也讀禮而至樂記曰和而寧
而雅大而中曲而不隱易而不辟廣而不散深而有
本先王之化神哉圖治者執此以往而已
家常患鼠子設機穢俠焉既而果斃一鼠海樵子
曰嘻物膠欲而亡其生人見利而忍於殺其求鑑哉
夫忘生而徇欲天下之至暗也天下之至弱也先哲
以爲深耻庶幾剛而明乎
和光同塵曰吾效聖人之時中嫉賢妬能曰吾效君

海樵子

十五

子之惡惡卑汚苟賤曰吾效仁人之無我是大亂之
道也

朝陽出而清明其一日之開闢乎夕陽沉而晦其
一日之混沌乎故一日者一元之象也十二時者十
二會之象也朝夕者古今之象也

凡爲天下國家有三道消患於未萌者上也臨機應
變者次也頑而自專勞而自用道斯下矣

知荒淫者可以履勤儉矣知貧賤者可以處富貴矣
吾觀於有司而知王道之甚易也是故作乃勤戒乃

避逸敦乃俗持是道也以往然而不底於治則吾不
知也

或問三代而下官多曠職士多廢業如之何應之曰
考課莫如唐虞造主莫如成周振而舉之存乎其人
出而告於人曰畏天入而省諸己曰畏天然則畏天
者體道之本與

孝子之事親也愛而不已則繼以思思而不已則求
所以托親於無窮仁人之事天也敬而不已則繼以
反身反身不已則求所以合道夫學至於仁孝俯仰

海樵子

十六

其無愧乎

千百年必有大人興故大人之相契常間世而至道
相傳必神會

皇王之道不外乎性情性情之正不外乎天理宋之
張齊賢奈何以此而誇真宗乎雖然今之道古之道
也吾又何齊賢之尤

退而無怨其進無玷憂而不忘其樂有常古之大中
與

或謂聖人之彌綸六合鼓舞百世其道奈何吾對曰

不過此實心而已。曰養實心之道。奈何。吾對曰。不遇虛以存性。敬以防欲而已。是故性存而後情正。欲防而後理出。其斯聖人之學乎。

聖學之講。以真儒為急。真儒之道。以守正不泥為本。氣不能不聚。而為萬物。萬物不能不散。而為太虛。張子知言也。誠是哉。氣其聚也。殊其散也。一惟聚散。故君子慎道於感。惟散一故。君子會道於寂。

治道莫大乎兵力財賦。然而將吏有責焉。是故庸將之病。四俗吏之病。二禍急自用。則乖姑息自保。則弛。

海樵子

七

誠不足愛物。則缺養明不足察微。則缺教。則兵之日敝。固宜。若夫俗吏守已無應。必不能導民務本也。御下無嚴。必不能致人節用也。則夫財之日耗。亦宜。海樵子聞居而嘆。門人請焉。曰。吾願華夷之相率。使兵革藏矣。吾願君子薦君子。使讒夫往矣。吾願男女安厥室。使古教彰矣。吾願生民保厥性命。使年穀昌矣。吾願人人而向道。使周公仲尼之志。莫之荒矣。大君有為。而紀綱出於一。相臣無我。而天下忘其化。是為君相合德。古之極也。

氣之所至。物必生焉。是故知上帝好生。仁者見之為仁心。王者見之為仁政。

志寧於虛。故君子以靜致學。道集於實。故君子以誠心御物。

君子之精神命脉。存乎言。考言而責實。存乎行。故君子之德之華也。不可偽也。夫德偽而言傳者鮮矣。是故君子慎言。先慎其德。

知理第四

人皆曰道。陷身於人欲。而莫之知理也。人皆曰義。惟

海樵子

七

利之趨。而莫之知有耻也。

帝王以扶持綱常為主。以奠安生民為急。以講明心學為要。

古之人貴王而賤伯。今之人貴伯而賤王。貴伯者貴其所賤矣。賤王者賤其所貴矣。噫。王伯之弗辨久矣哉。

理也者。天德之美名。伯也者。王道之蟲賊。是故造理者無我。忘伯者廣業。

封子國雷子也。侍海樵子曰。二子聞學之道乎。夫學

必會道而聚德也。私忘而後道會。敬立而後德聚。古之學也。

陳子治功請學焉。曰：子知博約矣乎？夫物之生，長，博，約之道也。其收藏也，約之道也。不博何殊？不約何一？子是之務，其殆幾矣。

修辭藻德章實也。振文道志，發用也。紹訓正人，公心也。

古之人深沉而有智，蓋誠而明焉。異乎後世之深情厚貌矣。

潛輝子

九

古之學也，出必慎，入必恭。所交必有常，所趨必有定。恒言不稱利，德學倍已，則師事之。才足有聞，則友取之。

百姓其聖王之舟乎？風教以行之，左右以鼓之，四維以繫之，充實其中以用之，可以濟民於險矣。

五常誠之至性之德也。合人物之道也。或以誠為五常之本，是將謂五常為弗誠乎？夫本者對枝葉而言者也。以誠為五常之本，則將以五常為枝葉乎？

聖人教以盡道法，以盡情，合而一之，以盡理，揚之抑之。

之以盡化。

何飛非潛，何潛非飛？夫龍之飛潛，其道之隱見，非躁德悔也，妄誠厚也。

陰陽莫大乎氣，氣莫大乎燮理。人知聖人之燮理，不知天地未嘗不自燮理也。是故氣之幽昧，得日月而始照；氣之鬱結，得雷霆而始破；氣之枯槁，得雨露而始潤；氣之滿盈，得霜雪而始斂。誰謂天地不自燮理乎？

順應履常，逆觀察變。

潛輝子

十

宏其量，不粗其心；平其政，不忽其動。其寡過矣乎？寵辱不驚，似也；然而未之忘也，必也。寵辱皆忘，其庶幾道乎？

萬物成形，道在其中矣。因而裁之，教在其中矣。觀物焉而識之，學在其中矣。

聖人之道，曰性，曰人，曰教。曰義，何以振義？曰刑，何以率性？曰中，立身弘化，示民有終，曰誠。

自堯舜而下，全德全福，其文王乎？自文王而下，全德如仲尼，則有之矣。全福如孔子，則有之矣。然則道統無窮。

謂仲尼不得為全福與

聖人之情見乎辭著乎人倫流通乎六合洋溢乎後世充塞乎鬼神萬物

仲尼之三戒皆以血氣言故血氣之制學之極功也

吾聞兵家有言始如處女敵人開戶終如脫兔故下及拒言守之者專則動之者神也善夫

君子行而不忘藏太而不忘否是以道大而天地可準

人未有不本於艱貞而達者也故授之散幽所以靜

海樓子

三

其觀也置之於困悴所以弘其用也假之歲年所以

精其識也故君子利艱貞

草木之根苗花實鳥獸之孕育飛走男女之耕織服

食行其性也

樂之律猶所謂法有律也書曰律和聲言聲有律也

有準則和矣

忠莫如堯舜質莫如堯舜文莫如堯舜三代各得其

一而已

文而教之知武武而教之知文故文武一

君子之心如溫泉。小人之心如堅冰。是故授堅冰於溫泉。鮮不化矣。

心之靈氣常與天通。故心誠而格天。

良友之益。莫大乎相規以道。

思有所蔽。事有所遺。亦學之未至乎。

人之言曰。聖遠言湮。其有感與。夫聖存。夫性言存乎。

道其聖爾性也。其言爾教也。人皆有之。人皆能之者。

也。故謂聖遠言湮。其有感與。

天元氣也。人形氣也。惟元氣故公而易感。惟形氣故

海樓子

三

私而難格。是故匹夫激霜。孀婦致雨。言感通易也。若

乃鬼方之伐。曰三年。苗民之逆。命曰三旬。則感化難

矣。故公易感。私難格也。

予常驗人之薄於喪也。斬衰無三日。哭功表無一日。

哭朋友不為哭。噫。甚哉。

立天下之命存乎農。決天下之疑存乎卜。審天下之

死生存乎醫。夫三者天下之大端也。先王之所不敢

後世子夏所謂小道。豈真謂是也哉。

父兄門祚子弟之不幸也。是故史有陶呂之戒。書有

世祿之訓然則奈何曰積學力行以求無愧而已不然吾見其難免也

始之以嚴終之以寬則人心悅矣始之以寬終之以嚴則人心怨矣嗚呼寬嚴之先後為政者可以觀矣仲尼所謂臨事而懼未臨事可知矣其曰好謀而成謀之以正而歸諸實用可知矣不然荒怠於平俗等度於私忿吾未見其為可也曾謂聖人之自處而有是哉

或問文章以潤身致遠有道乎曰有其道奈何思芬

海樓子 三

欲以充氣充氣以完神完神以致用是故氣養而天下之道得矣天下之道得而文行乎其中矣

索隱行怪後世有述焉依乎中庸斯避世不見知矣甚哉人之好異也其仲尼衰世之悲邪

或問大山裂地而徙何說曰是為游氣運矣夫一升一降氣之常縱橫有時而變者氣之遊山之徙其以

是夫

常存不滅者道也士不聞道亡斯滅矣苟聞道而死亦道也我亦道則安可滅也此仲尼所謂朝聞夕死

之可者也

矯而懷姪福而自用譎而不情吾不欲斯人之也

潛學第五

潛而學也成也然而含神格也範而圍民治也口之聰而不與者與

或問潛學焉天有心乎曰未也夫善陽之屬也然而福自從矣又問淫者福天之心乎曰未也夫淫陰之屬也然而禍自應矣所謂各從其類者也

海樓子 三

君子先大乎心大則有容有容則有量有量則有仁有仁則有義仁者體也業者用也體立戶行示民至極

氣化盛衰人事得失吾嘗聞之雖然維天之命於穆不已故反亂為治者人於天何尤嗚呼此義行合示

足恃矣

夫心本無偽矣然而鮮有誠心者也夫道本無曲矣然而鮮有直道者也

言則思其必有後也行則履其必有終也夫然後可

以有爲。

夫求道者不患不猛而患不恒。不患不入而患無悔。蓋恒則久。漸則入。

君子之學有三憂。迫而求之。理或未究。憂心之粗。及其用也。體或未宏。憂心之離。及其久也。心或少定。憂守之衰。

若昔古人履剛而和。建中以行。今予小子罔順於理。永懷兢業。惟日不足。

不知變無以爲常也。不知哀無以爲樂也。不知藏無

海樵子

三十五

以爲行也。

動慎其所之。靜無失其所存。可謂善道也已。

予常觀事變而悼焉。當其感於因循而矯之以激烈。則或至於過及其陷於危亂而救之以委曲。則復失之弱。然則柰何曰。事忌於乖常。人敗於自用。是故君子虛心以順時。克己而受人。

誠者聖人所恃以出治。一日而無誠。是無治也。法者治之具也。是故無誠不立。無法不行。

天下之大可畏。莫甚乎不情之交。而其至可惡。莫如

無根之毀。始之交也以不情。終之毀也以無根。而之朋友之道。或幾乎息矣。

我心之憂。歲月其道中。惕以悲。惟及時圖免。厥愆用對揚先覺之訓。

天地無心而有主。無心者其道也。有主者其命也。

無象者象。無聲者聲。故君子見神於糟粕。

我言匪中。不可發也。我色匪平。不可逞也。

古之君子其難進也。有三道。乖乎流俗。則人幸其藏。學準乎先王。則世病其泥。志果於自守。則衆惡其異。

海樵子

三十六

言心之上衣也。君子之心本乎天。故其言與天終。小人之言違乎天。故其言與物朽。

君子發蘊所以伸道也。昌辭所以成物也。卓行所以範邦也。

德茂而言暢。人定而天孚。其君子自得之時乎。

伊訓蘊蘊耕莘邪。悅命發揮版築邪。然後知古人之積學非後世比也。

蓋至於口不能以狀吾心。心不能以喻吾樂。夫然。謬

知甘泉之酒而落矣。

夫衛古之大國也。自季札入衛。人始知多君子。周禮古之大典也。自宣子適魯。世始盛傳周禮矣。乎君子不易達。名物不易章與。

夫帝王之治。心同而時異。是故吾觀夏忠而後知。參允塞焉。吾觀商質而後知克儉焉。吾觀周文而後知首若草木焉。

氣爲骨。血爲肉。氣聚則形附。陽統陰也。合人物而一之者也。

志有所不通。則學之未至也。道有所不信。則誠之未

海樵子

二十七

積也。功有所不常。則養之未弘也。故君子志以力學。誠以入道。弘以立功。可以爲則矣。

一日克己復禮。則天下歸仁。所謂篤恭而天下平也。

是故分有尊卑。化無大小。人有窮達。道無隱顯。時有

古今。學無先後。苟非聰明達天德者。其孰能信之。

實而不能賤。貴而不能薦。賢以富貴爲貴。

交際第六

交際之道五。所以行之者一。是故仁之交際主乎愛。義之交際主乎嚴。禮之交際主乎敬。智之交際主乎

通。信之交際主乎誠。夫五者之行。時爲大。

門人有惑於狐者。始而懼然。繼而感然。方振衣起而擊之。狐則亡矣。海樵子曰。學其先定志乎。吾聞明理足以治懼。小子識之。

或問。沒而有知。理與曰。物之受氣以生。靈莫大焉。及其歸根不昧。則其有知固宜。然而靈隨氣散。故輪迴終未可信也。

誠貫乎動靜。神妙於顯微。幾察乎是非。可以入聖矣。人皆曰。君子可好也。及其見君子而疾之。鮮知好矣。

海樵子

二十八

人皆曰。小人可惡也。及其見小人而悅之。鮮知惡矣。人之精力以寡。欲而完。識見以窮。理而博。功業以盡。性而弘。

帝王版圖以載民。天地紀綱以統物。

言有似是而非。事有似順而逆。人有似忠而詐。

道之崇也。則問學以爲本。明不生。則心疑。心疑則智

壅。智壅則終愚。是以君子學而不已也。

誠者。實理之統名。五常者。實理之各專其一。

夫仁淵矣。弘矣。以言乎已。則不私。以言乎人。則感而

應以言乎萬物之間則貫矣

夫仁其體也。神其用也。神是以化乘焉。夫義其質也。斷其分也。嚴是以教立焉。

春溫冬寒四時定矣。洪纖以遂萬物成矣。升降有恒。氣化正矣。事以物異。情以類感。吉凶出矣。在已成仁。在物成智。體用著矣。是故循環相持。萬變相動。動以不窮。乘之以錯綜。治亂運行。一今一古。

九德亡。而身言書判之法出。

剛而寡謀。直而無溫。君子相與朋而無助。是以道不

海樵子

三十九

得而行也。

利也者。小人之也。義也者。君子之事也。小人而行君子之事。教斯與之矣。

夫六經者。聖人以正天下之志。以禁天下之欲。以開天下之業。詩易春秋之教員。而神書禮之教方。以實聖人以此治心。藏諸淵默。

聯屬衆志。莫善於保甲。有先生之遺意焉。嗚呼。此法行而弭盜。國可理也。雖然。未也。方其創是也。宜莫如秦。未幾且有土崩者至矣。而又何保甲之足言哉。故

論法終不若論人

必振邁德行而後本立。必貫通事物而後智融。必歸宿聖人而後道成。

夫道修而德立。行章也。愆遠而罪消。毀亡也。

知人難。是以知已難。

書之民之所欲。天必從之。欲之正也。所謂欲而不貪者也。不然。天且厭之。而又安望其從。

人之其所剛大而疾焉。之其所忠諒而忌焉。之其所便佞而喜焉。之其所驕詐而信焉。故善而泯其實。惡

海樵子

三十

而逃其誅。天下廣矣。

或問人情不能無毀譽存亡之累。奈何應之曰。誠哉

問也。昔者吾常即是而質諸甘泉。若曰。斯道也。無毀譽無存亡。吾又何情之累。然而情未易理也。情未易理。曰我未常累於是。幾何其不妄也。

彼方視吾所爲以爲不足屑也。而且因循其然。然後知天下古今宜有沒世不相知矣。宜有始同終大異矣。

夢得詩而忘其半中有句云。白鶴何時來海上。青牛

終是化山中。嗟乎玩其辭究其道其風塵物表乎。方修吾之所謂道也。強而附會其說未之能也。書之示厭常喜異者。

始而觀諸物繼而驗諸人終而求之吾心然後知道孤而無朋然則道終無與曰德不孤必有隣。

民生之無良有棄君背父有毀天忍恩於是乎不知豺獺蜂蟻故莫靈者人莫舛者人。

海樵子使童僕入市而問菜焉。粥菜者必反復擇價而後已。童子以告海樵子曰若是乎人之惑也。愛心

海樵子

三

不若菜價。

天文之學言未之能也。吾知盡人事而已矣。必欲指

某星出曰當某事應則有筮史術家在吾誠不誤。此

陽道多吉陰道多凶是故有陰陽則有吉凶。言非

外也。然則聖人教天下取吉舍凶非與。曰陽不可不

長陰不可不消。知此而後聖人之本心得矣。

先天而天弗違。靜以道也。體也。後天而奉天時。動以

道也。用也。聖人之易備矣。

唐之六典其法周官乎。然而其事屑其文濫矣。是故

事屑則匪要。文濫則匪經。如之何其比周官也。或曰李林甫成之。

常觀魚於釜蓋之謂浮者八潛者上謂門弟子曰。是

於是而得養生焉。潛其生浮其死未達曰潛。潛藏

氣揚。

沸湯於釜其氣勃然。是孰使之噫火歟。則水寒養

者可以猛而省矣。

君子自考其德莫大乎仁智勇。是故仁則人不怨。知

則人不能欺。勇則人不敵。故有一於斯皆德也。惟

海樵子

三

也。

君子文而弗工德而弗懋已之耻也。文而工德而

懋世莫我與人之耻也。故不知不愠。

古之名也。釋情今之名也。過情。

執中第七

執其中。抱其同。發天下蒙其伏羲氏乎。

春氣盛於肝。夏氣盛於心。秋氣盛於脾。冬氣盛於腎。

四時氣盛於脾。當其盛也不可弗之慎也。故明者

盛以防衰也。嗚呼知天人合一之旨其神醫乎。

一月之日奇偶相參其數各十有五。一歲之月各六。

少常神仙乎。慕及行年五十乃喟然感焉。彼一此我。吾一其道。吾何以神仙為。

源源而來。莫之能窮。天理之樂也。忡忡而焦。莫之能脫。人欲之累也。擇之而已。

士有五思有三懼。言而思其行也。事而思其繼也。喜而思其溢也。怒而思其濫也。學而思其差也。懼道之未明而或限於力。懼業之未廣而或限於命。懼後世

海樵子

三

之不吾同而或泯其志。其庶乎可以為士矣哉。道之行也。陽剛通也。進得正往有功也。其行康化光也。

君子以聰明為窮理之資。以果斷為進德之助。以謙讓為交人之本。以誠實為終身之地。故善用聰明莫如君子。

楊雄太玄新室之罪章與徐幹中論魏武之墓書與故君子道修而後立言。

天之六陽藏於九地。人之六陽藏於二腎。故雷地曰

復精腎曰命門。

聖人視於無形。然後知人之累於有形也。聽於無聲。然後知人之累於有聲也。非天下之聰明其孰能與於此。

陽動而開。故能藏往。陰靜而翕。故能知來。是故藏往者健也。知來者順也。

喘息不獨通於親。亦通於天。故仁孝同條。共貫氣無止息。而有依附。

人之有為厥惟藏修。故友觀者直施也。內省者宏用

海樵子

三

也。默而會之。不欲其眩者。崇業也。

若昔唐虞道見乎揖遜。厥後殷周道見乎放伐。春秋戰國道見乎著述。道豈殊乎哉。人豈異乎哉。時則然也。故君子學道以中。會中以時。

飛騰變幻之術。不足以濟世。茫昧怪奇之物。不足以利用。故聖人以常道教民。明王以用物成治。

大道之藏。萬物茫茫。大道之章。萬物洋洋。吾聞之君子。

見人之美而過稱。吾亦知其濫也。然而吾之性然也。

見人之厄而過閔吾亦知其僻也。然而吾之性然也。履道而要暢於行矣。畜和而發暢於辭矣。致實而光暢於業矣。

辭受取予其道之大端乎。故君子有可辭之官。無濫受之祿。有破吝之予。無窮廉之取。

將肆辯以逞乎。將含和而默乎。將用機行乎。將復正順乎。脩身者蓋必有擇矣。

故君子語不可盡。機不可或露。語盡則人得以乘其會。機露則物得以探其蘊。易曰。幾事不密則害成。曰。

海樵子

三五

括囊無悔。

夫民譬則魚也。法譬則網也。是故絕流而魚民斯病矣。然則如之何。曰。君子法立而不繁。政順而不擾。而後民忘其化矣。語曰。子釣而不綱。其此之謂乎。

君子立身有不易之道。聖人處世有不泥之權。守之不易。參之不已。其幾乎。

悔用之於善則善。用之於惡則惡。是故君子慎悔。橫渠聽驢鳴而會道。其善學與。夫驢之鳴猶吾之言也。聲出焉。性之動也。人物一也。橫渠善學者之者與。

夫善學之者何物非道。何道非物。故物物者。滯於器道。道者。膠於虛。滯於器。知物而不知道。膠於器。而學莫先於定志。莫大乎擇術。莫要於敦誠。定其志而後成。擇其術而後審。敦其誠而後一。

止而有方者。法達而無間者。意故。君子莫善於推王之意。莫不善於泥先王之法。

夫聖學之會也。知道之未嘗亡。可以知聖人死而不亡矣。

或問人固有幼而慧。長而愚者。奈何。曰。始而渾會其

海樵子

三六

清也。終而散達其靈也。故小學大學不可缺一。

聖人何莫不知。而曰有不知焉。何莫不能。而曰有不能焉。吾以是知道無窮。力有限與。雖然。惟不知故知。

惟不能故能。

夫事有經緯於造化。物有權衡於鬼神。故經而緯之。常變之所以相尋也。權而衡之。輕重之所以互出也。

心之虛靈。合晝夜而一之。心其人之天地乎。故君子操其心。而後與天地並存。

管蔡之於周公。是同姓之毀也。武叔之於仲尼。是異

姓之毀也是故聖人不以親疎而易其道

或問漢時有女恃親而不賂盡王海樵子曰女恃其親士守其身其致一也不賂盡王正也僧之不枉已也嗟乎昭君女子耳有君子之道而不以善終聞宜士之不過者衆也

夫和光以同塵士之耻也特立而獨行衆之怨也故君子和而不流群而不黨

才不能立事量不能容物心不能達變是吾之至憂也

海樵子

三七

愈探而愈無窮者學也君子以有限究無窮奈何曰惜時

立志舉其要而已矣

聖人所亡者形也所不亡者道也不然文王在上於昭於天無亦恠甚也乎

五行之生也各一其性然而有相生焉有相克焉體物而不可遺者也所謂命也是故君子樂天必先知命

天道晝夜而光明其陽之所爲乎是故晝之日夜之

星未始昧也惟人心亦然晝爾事事夜爾夢夢而謂其獨昧可哉是故乾之九三不獨終日而又繼之以夕豈亦合晝夜而一之者邪噫君子之體道至矣甚哉色之禍人也不火而能焚也不水而能溺也刃而能殺也甚哉色之禍人也

見而知之者上也見而不知斯下矣聞而知之者上也聞而不知斯下矣

斯道也我未之聞也我未之見也嗟乎哲人遠矣皆天下其孰教予

海樵子

三八

君子之道莫大乎進退進退之正莫大乎伊尹傳說是故成湯之聘高宗之夢古未有也若夫道衆而進隨衆而退風斯下矣然則進退必欲如伊傳乎曰不如是不足以見道之大雖然伊傳吾不得而見之矣得見進退分明者亦可矣

海樵子一卷

編修程晉
芳家藏本

明王崇慶撰崇慶有周易議卦已著錄是編僅二十六則多摹仿王通中說周子通書張子正蒙之體大抵老生常談末一條論爲將必用儒者謂有張良之楚歌則項羽之覓白襖有諸葛之雲鳥則南人之反自定夫渡瀘之役未必徒恃陣圖至於四面楚歌出自張良史記漢書皆不載不知其何所本矣

大儒心學語錄二十七卷

〔明〕王蒙輯

清華大學圖書館藏明嘉靖二十八年刻本

附《四庫全書總目·大儒心學語錄

二十七卷》提要

大儒心學語錄序

陳石子曰心學其至矣乎夫天以二氣化生萬物而一理流行乎其間於穆不已焉此蓋天之所以為心也天之心即天之學也聖人者不自以為聖也而學焉體乎天之所以為心者而無斯瀆之或息故曰聖人之學心學也使聖人之心一息其學焉奚以同天亦奚以為聖矣然聖人亦人耳同類而為人者其心之得天之心亦與聖人同也惟夫氣拘物蔽習又移之始失其心而與聖人異矣與天不相似矣然而有學焉果能從事于學以全其心之本體則希聖希天能事畢矣此心學也者所以為天下之同為是人而同有是心者之所可共學焉而非天之所獨厚於聖人而亦非聖人之所獨得於己而不以望乎天下之人焉者也夫堯舜禹湯文武周公大聖人也其心學一也達焉而以心學推之治無心學無堯舜禹湯文武周公矣孔子大聖人也其心學與數聖人一也窮焉而以心學託之言無心學無孔子矣

嗟乎不得吾孔子以心學而記之言則數聖人者之心
學與治焉俱泯矣六經四書其孰成之顏曾思孟其孰
啟之雖欲傳萬世以心學可得哉嗟乎孟氏既沒千數
百年之間或以訓詁或以老佛或以詞章貿貿焉莫知
所之心學幾乎絕矣逮于有宋及我

皇明大儒迭興此脉復續宋則周濂溪而下得二十人焉
明則薛敬軒而下得四人焉其學壹以心爲本以聖爲宗
其所論著於六經四書之肯多所發明譬如日星在天

大儒心學語錄序

昭不可掩焉者以莫之愚陋僭不自揆各采其闡揚心
學至精至要之語輯爲是錄學以終身焉既則喟然嘆
曰共之天下不亦可爲學道者入門之一助已乎天之
養斯文也歟其將遇矣

中丞印臺傳公撫臨江右神化大行尤懋懋以崇儒翊
道爲任遂亟從莫請下其錄于撫郡梓之郡守顧公秉
心好懿不日而告成焉僊之既廣心學益明天下後世
之學者曉然知此學之爲正而其學之爲聖人傳心之

緒其得之無疆也已矣嘻絃中丞表章之德其大矣乎
其大矣乎

嘉靖二十七年戊申夏四月望日後學金鑑王寅謹序

大儒心學語錄序

新刊大儒心學語錄序

金谿東石王先生晦養潛修久矣研精覃思莫繁舉要粹宋與我

朝諸儒論學切要之言凡若干卷題曰大儒心學語錄

中丞安州應臺傳公見而悅之屬吾郡太守嘉禾橫山

顧侯刻置郡齋便傳布也既成侯以公命徵予序序曰

心學者道學也昔者夫子刪詩書定禮樂作十翼以明

易修春秋以寓王法其覺天下後世心學之言明且備

大儒心學語錄序

四

矣至其講學於洙泗之間七十子皆身通六藝繼志述

肖之英也然自論語孝經之外可見之言無幾自顏曾

有若游夏數子之外得聞其言者亦無幾是亦可謂含

章括囊不易其出矣乃猶以爲未足而曰予欲無言何

其與他日刪述之意異耶蓋嘗聞之道卽心也心卽道

也窮萬有之物盡萬變之時究極乎往古來今天地人

物感應屈信生生不已之妙用以至於一塵之微一息

之頃無往非道則無往非心無大可外矣無小可內矣

然高可過矣無深可遺矣是豈待現而後章言而後

哉故曰天何言哉四時行焉百物生焉天何言哉又曰

天有四時春秋冬夏風雨霜露無非教也地載神氣神

氣風霆風霆流形庶物露生無非教也聖人所以欲無

言者職此故也然惟聖人爲能合天地萬物內外遠近

精粗而一之以心而人不皆聖人也大賢具體而未化

故入聖域而不優小賢得之而未備故或謂之仁或謂

之智其下則日用而不知爾然則雖顏曾之賢苟微四

大儒心學語錄序

五

勿一貫之訓備或不免望洋之嘆也况其下者而無言

焉將不胥而蕞贅乎是故以天而言者至聖之事也六

經論語孝經所以體天地之撰以德而言者大賢之事

也大學中庸孟子所以發聖人之蘊天力強而途轍專

神明生而法象著由是而言焉者賢人君子之事濂洛

以來諸儒所以建圖屬書探淵源議瑕疾拯枉天衷老

死而不倦者也而東石先生尊信表章不遺餘力中丞

公與太守又錫梓以惠多士其用心與孔孟諸儒之心

一尔拱壁駟馬詎足為多哉雖然嬴政坑焚之餘自
 六籍寄命於山岩屋壁之間迨後挾書除禁寫書置官
 卑卑齊魯諸儒乃始噓烟吹爐掇拾而補綴之于時
 書籀篆之文僅存十一於千百然而天精聖諦驟見端
 倪薦紳之徒交相慶忭以為至寶增修潤色惟恐其未
 至欽崇珍護惟恐其不周師專此以名其家弟專此以
 世其業太常博士專此以教人郡國朝廷專此以擇士
 廷謀集議專此以決疑莫或慢而不尊侮而不信也今
 六經四書之外稱述道德之書盈天下自國都以及閭
 巷雖學究之微拊播視嚙之童語及夫子所謂性與天
 道往往累牘連篇捷於倒囊然耳聞之而未必得諸心
 口誦之而未必研諸慮嘗試為之而未必欲守之以終
 身見之於行事其卒歸於借資假道衡文華鈞聲利而
 已此其侮聖言而竊道術豈特聖賢之罪人亦漢儒之
 罪人也然則無言之喟其為後世慮至深遠矣讀是錄
 者尚無蹈覆轍中之轍哉尚思所以稱蒐輯刊布之

不然豈曰負人亦自負者大也是為序
 嘉靖己酉孟夏朔旦

賜進士出身中憲大夫奉

勅提督學校陝西按察司副使臨川章袞汝明撰

大儒心學語錄序

金谿王東石先生銳志好學日以杜門著書爲事究明諸儒之旨夫聖人之學出於心至微而易絕昔之儒者欲究其理皆有以著明其說先生取其語之粹而正者爲錄刻焉載籍儒者之語非止於是而是特取其宋元以迄於今謂其有資於學耳自百氏之言興而後有六經自文辭博物之習盛而後有取於語錄蓋自宋元而下諸大儒輩出始復講明心學之理而盡泐漢唐而上

大儒心學語錄序

之雜陋抽深闢微閑言鉅論有以定其衆說之紛撓而不詭於六經之旨先秦漢唐之間百氏之言具在焉非無鴻詞奧旨通博之義而無取焉非心學也夫聖人之學本在於心而亦在於言人心喪溺百家繁興言各人殊學術擾亂必得吾儒爲之講明其說而後千載不傳之緒賴以不泯聖人所不能遠也夫心學之源始於危微精一之旨精則無所遺一則無所雜斯極吾心本然全體之妙而典謨之所以爲重珍崇而不可忽堯舜之

爲天下國家由此而治此六經所以爲語錄之序則也

歟後世不師聖人之言不繹先儒之義貿然不知其心而學之世儒務於外而不得乎心佛老徇於內而遺棄其事是以後之學者皆陷溺於百家雜術而其學不成偏倚不全意必相踵疑謬常萌稿灰不返是心之慝也夫離以外索助長以襲義任法以繩物離智以自私是學之蔽也以之應天下之務於是焚然差謬而不能察乎是非理欲之際以矯訐爲正直以慈柔爲仁惠以苛

大儒心學語錄序

九

察爲明決以疎闊爲寬大以詭隨爲通時以拘泥爲貞固以紛更爲忠幹以廢棄爲行簡百弊胥此焉出而不可以成務致治是皆心之不精不明乎學之害也諸儒之錄詳而易明六經之語渾而無迹讀經者必以語錄爲助學之善也顧不足備歟

大中丞印臺翁之刻是錄蓋才明學鉅洞契胸中固將以諸儒望於江省之士夫子之與顏淵曰語之而不惰者其回也歟斯刻豈惟詔其告示之語亦將勗之以下

情之行其理與之觀斯語者徒以為博聞口誦之資

衡奸飾行之具是誣其語也博聞口誦者是棄其心也

卷諸儒凡二十四人其書原分各本今采而合於一錄

省其繁統其散出覽者尤便於融會云

嘉靖己酉孟夏朔旦

賜進士第撫州府知府後學吳中顧憲謹撰

十

大儒心學語錄首記

大儒心學語錄首記

江西撫州府金谿縣原任浙江按察司提學副

使王寅呈為表章大儒心學以振揚風教事竊

惟聖人之學心焉而已自精一之旨既闡而心

學之源以開堯舜禹之授受湯文武周公之相

傳不外乎此而已然非得孔子顏曾思孟相繼

而作六經四書昭明其道則何以垂教萬世傳

之無窮也哉故萬世之心學孔子實為之宗而

顏曾思孟蓋承其嫡統者也慨夫孟氏既歿漢

唐之儒醇疵夾雜莫續其傳猗惟有宋逮我

皇明文運光隆大儒踵出在宋則周濂溪程明道程

伊川張橫渠邵康節楊龜山謝上蔡呂藍田尹

和靜羅豫章李延平胡五峯朱晦菴陸象山張

南軒呂東萊黃勉齋蔡九峯陳北溪真西山在

我

明則薛敬軒吳康齋陳白沙胡敬齋之二十四子者

其躬行實踐卓乎咸立于中其著書立言粹然

悉出于正真足以紹聖門之統緒為後學之依

歸者也顧其遺書浩瀚學者艱於究研間有采

摘為編又多缺遺精要有志之士每用病之蒙

雖不敏願學前修秉歸田侍養之隙加探索融會之功各手錄其精粹切要之語聞乎心學之蘊與六經四書相為發明者分為二十七卷合之為一書博焉而不泛約焉而不遺誠聖學之真傳斯文之正脉也謹題其端曰大儒心學錄本諸座右朝夕觀省以為治心復性之助竊念私淑於一身孰若公共於天下久尼錢梓之無資深冀流傳之有待茲者幸遇

聖天子簡命股肱賢臣畀以保釐重任鉞臨江省威德普洽之餘尤惓惓以崇重儒先扶植道學為

大儒心學諸錄首記

已任時匪偶然義肅敢隱理合呈乞特垂

台察寵賜表章批行 本縣將所輯大儒心學錄謄正刊刻轉送 本府收貯印行布諸海內則大儒傳心之學燦然一編之易尋居然一貫之可悟人心以淑正學以興而振揚風教之功莫此為大矣等因呈奉

欽差巡撫江西等處地方都察院右僉都御史傅

批纂脩諸儒遺書有關于心學性理有裨于六經四書者精粹切要之言萃為一書以便睹其其曰博而不泛約而不遺具見本官神契諸儒

之神學貫諸儒之學杜門靜養謝却祿仕平生精力固自有在乃今欲壽梓以嘉惠後學其公已公人公物利治之良有非謏陋所能窺識仰府行取前書閱如所謂真足以光前烈啟後學焉查支本院項下紙贖或無碍銀兩鳩工買梨刊刻成書印行以淑斯人仍定委府學教官一員生員二名督理翻寫登木以祛魚魯脫遺之累及禮請本官序首與能文鄉官并序以昭盛舉速成勿負委託申報繳

大儒心學諸錄首記

撫州府儒學訓導楊演

生員高應乾

吳朝楨校刊

大儒心學語錄總目

宋

卷之一

濂溪周先生語

諱序順

卷之二

明道程先生語

諱顥

卷之三

伊川程先生語

諱願

卷之四

明道伊川二先生語

卷之五

橫渠張先生語

諱載

卷之六

康節邵先生語

諱雍

卷之七

龜山楊先生語

諱特

卷之八

上蔡謝先生語

諱良生

卷之九

藍田呂先生語

諱大臨

卷之十

和靜尹先生語

諱煊

卷之十一

豫章羅先生語

諱從彥

卷之十二

延平李先生語

諱假

卷之十三

五峯胡先生語

諱宏

卷之十四

晦菴朱先生語

諱熹

卷之十五

晦菴朱先生語

卷之十六

象山陸先生語

諱九淵

卷之十七

象山陸先生語

卷之十八

南軒張先生語

諱栻

卷之十九

東萊呂先生語

諱祖謙

卷之二十

勉齋黃先生語

薛幹

卷之二十一

九峯蔡先生語

薛光

卷之二十二

北溪陳先生語

薛淳

卷之二十三

西山真先生語

薛德秀

皇明

卷之二十四

敬軒薛先生語

薛瑞

卷之二十五

康齋吳先生語

薛興

卷之二十六

白沙陳先生語

薛獻章

卷之二十七

敬齋胡先生語

薛居仁

大儒心學語錄卷之一

後學金鑑王堂輯

濂溪周先生語

無極而太極太極動而生陽動極而靜靜而生陰靜

極復動一動一靜互為其根分陰分陽兩儀立焉

陽變陰合而生水火木金土五氣順布四時行焉

五行一陰陽也陰陽一太極也太極本無極也五

行之生也各一其性無極之真二五之精妙合而

凝乾道成男坤道成女二氣交感化生萬物萬物

生生而變化無窮焉惟人也得其秀而最靈形既

生矣神發知矣五性感動而善惡分萬事出矣聖

人定之以中正仁義本註云聖人之道仁義中正

而已矣而主靜本註云無欲故靜立人極焉故聖

人與天地合其德日月合其明四時合其序鬼神

合其吉凶君子脩之吉小人悖之凶故曰立天之

道曰陰與陽立地之道曰柔與剛立人之道曰仁

與義又曰原始反終故知死生之說大哉易也斯

其至矣

誠者聖人之本大哉乾元萬物資始誠之源也乾道
變化各正性命誠斯立焉純粹至善者也故曰一

陰一陽之謂道繼之者善也成之者性也元亨誠

之通利貞誠之復大哉易也性命之源乎

誠無爲幾善惡德愛曰仁宜曰義理曰禮通曰智守

曰信性焉安焉之謂聖復焉執焉之謂賢發微不

可見克周不可窮之謂神

寂然不動者誠也感而遂通者神也動而未形有無

之間者幾也誠精故明神應故妙幾微故幽誠神

幾曰聖人

聖誠而已矣誠五常之本百行之源也靜無而動有

至正而明達也五常百行非誠非也邪暗塞也故

大儒心學語錄卷之二

通溪

二

誠則無事矣至易而行難果而確無難焉故曰一

日克己復禮天下歸仁焉

動而無靜靜而無動物也動而無動靜而無靜神也

動而無動靜而無靜非不動不靜也物則不通神

妙萬物水陰根陽大陽根陰五行陰陽陰陽太極

四時運行萬物終始混兮闢兮其無窮兮

厥彰厥微匪靈弗瑩剛善剛惡柔亦如之中焉止矣

二氣五行化生萬物五殊二實二本則一是萬爲

一一實萬分萬一各正小大有定

聖人之道至公而已矣或曰何謂也曰天地至公而

已矣

聖人之道仁義中正而已矣守之貴行之利靡之配

天地豈不易簡宜爲難知不守不行不靡耳

聖可學乎曰可曰有要乎曰有請聞焉曰一爲要一

者無欲也無欲則靜虛動直靜虛則明明則通動

直則公公則溥明通公溥庶矣乎

洪範曰思曰睿睿作聖無思本也思通用也幾動於

彼誠動於此無思而無不通爲聖人不思則不能

通微不睿則不能無不通是則無不通生於通微

通微生於思故思者聖功之本而吉凶之機也易

大儒心學語錄卷之二

通溪

三

曰君子見幾而作不俟終日又曰知幾其神乎

春秋正王道明大法也孔子爲後世王者而脩也亂

臣賊子諱死者於前所以懼生者於後也宜乎萬

世無窮王祀夫子報德報功之無盡焉

道德高厚教化無窮實與天地參而四時同其推孔

子乎

不憤不啓不悱不發舉一隅不以三隅反則不復也

子曰予欲無棄天行有常四時行焉百物生焉然

則聖人之德薄乎天覆地載而不可及也聖人之德教萬

世無窮者於乎也哉夫天不奪聖人而聖人亦不奪天

夫恐人不速知其有也急人知而名也薄亦甚矣
顏子一簞食一瓢飲在陋巷人不思其憂而不改其
樂夫富貴人所愛也顏子不愛不來而樂乎貧者
獨何心哉天地間有至貴至富可愛可求而異乎
彼者見其大而忘其小焉爾見其大則心泰心泰
則無不足無不足則富貴貧賤處之一也處之一
則能化而齊故顏子亞聖

聖希天賢希聖士希賢伊尹顏淵大賢也伊尹耻其
君不為堯舜一夫不得其所若撻于市顏淵不遷
怒不貳過三月不違仁志伊尹之所志學顏淵之

所學過則聖及則賢不及則亦不失於今名

仲由喜聞過令名無窮焉今人有過不喜人規如護
疾而忌醫寧滅其身而無悟也噫

童蒙求我我正果行如筮馬筮叩神也再三則瀆矣
瀆則不告也山下出泉靜而清也汨則亂亂不決
也慎哉其惟時中乎艮其背背非見也靜則止止
非為也為不止矣其道也深乎

聖人之精畫卦以示聖人之蘊因卦以發卦不盡聖
人之精不可得而見微卦聖人之蘊殆不可悉得
而聞易何止五經之源其天地鬼神之奧乎

動而正曰道用而和曰德匪仁匪義匪禮匪智匪信
悉邪也邪動辱也志焉害也故君子慎動

君子乾乾不息於誠然必懲忿窒欲遷善改過而後
至乾之用其善是損益之大莫是過聖人之占深
哉吉凶悔吝生乎動噫吉一而已動可不慎乎

實勝善也名勝耻也故君子進德脩業華而不實務
實勝也德業有未著則恐恐然畏人知遠耻也
人則偽而已故君子日休小人日憂

有善不及曰不及則學焉問曰有不善曰不善則去
之不善且勸曰庶幾有改乎斯為君子有善一不

善二則學其一而勸其二有語曰斯人有是之不
善非大惡也則曰孰無過焉知其不能改改則為

君子矣不改為惡惡者天惡之彼豈無畏耶為知
其不能改故君子悉有衆善無弗愛且敬焉

君子以道充為貴身安為富故常泰無不足而銖視
軒冕塵視金玉其重無加焉爾

文所以載道也輪轅飾而弗庸徒飾也况虛車乎文
辭華也道德實也篤其實而華者書之美則愛愛

則傳焉賢者得以學而至之是為教故曰言之無
文行之不遠然不賢者雖父兄臨之師保勉之不

學也強之不從也不知務道德而第以文辭爲能者藝焉而已噫弊也久矣

聖人之道入乎耳存乎心蘊之爲德行行之爲事業彼以文辭而已者陋矣

天地間至尊者道至貴者德而已矣至難得者人人而至難得者道德有於身而已矣求人至難得者有於身非師友則不可得也已

道義者身有之則貴且尊人生而蒙長無師友則愚是道義由師友有之而得貴且尊其義不亦重乎其聚不亦樂乎

人之生不幸不聞過大不幸無耻必有耻則可教聞過則可賢

公於己者公於人未有不公於己而能公於人也明不至則疑生明無疑也謂能疑爲明何啻千里

先生名張宗範之亭曰養心而爲之說曰孟子曰養心莫善於寡欲其爲人也寡欲雖有不存焉者寡

矣其爲人也多欲雖有存焉者寡矣予謂養心不止於寡而存爾蓋寡焉以至於無則誠立明通誠

立賢也明通聖也是聖賢非性生必養心而至之養心之善有大焉如此存乎其人而已

荀子曰養心莫善於誠先生曰荀子元不識誠

或問曰曷爲天下善曰師曰何謂也曰性者剛柔善

惡中而已矣不達曰剛善爲義爲直爲斷爲嚴毅

爲幹固惡爲猛爲隘爲疆梁柔善爲慈爲順爲異

惡爲懦弱爲無斷爲邪佞惟中也者和也中節也

天下之達道也聖人之事也故聖人立教俾人自

易其惡自至其中而止矣故先覺覺後覺闇者求

於明而師道立矣師道立則善人多善人多則朝

廷正而天下治矣

治天下有本身之謂也治天下有則家之謂也本必

端端本誠心而已矣則必善善則和親而已矣家

難而天下易家親而天下疎也家人離必起於婦

人故睽次家人以二女同居而志不同行也堯所

以釐降二女于媯汭舜可禪乎吾茲試矣是治天

下觀于家治家觀身而已矣身端心誠之謂也誠

心復其不善之動而已矣不善之動妄也妄復則

無妄矣無妄則誠矣故無妄次復而曰先王以茂

對時育萬物深哉

十室之邑人人提耳而教且不及况天下之廣兆民

之衆哉曰純其心而已矣仁義禮智四者動靜言

貌視聽無遠之謂純心純則賢才輔賢才輔則天下治純心要矣用賢急焉

天以陽生萬物以陰成萬物生仁也成義也故聖人在上以仁育萬物以義正萬民天道行而萬物順聖德脩而萬民化大順大化不見其迹莫知其然之謂神故天下之衆本在一人道豈遠乎哉術豈多乎哉

禮理也樂和也陰陽理而後和君君臣臣父子兄弟第弟夫夫婦婦萬物各得其理然後和故禮先而樂後

大儒心學卷之一

禮記

古者聖王制禮法脩教化三綱正九疇叙百姓太和萬物咸若乃作樂以宣八風之氣以平天下之情故樂聲淡而不傷和不滯入其耳感其心莫不淡且和焉淡則欲心平和則躁心釋優柔平中德之盛也天下化中治之至也是謂道配天地古之極也後世禮法不脩政刑苛索縱欲敗度下民困若謂古樂不足聽也代變新聲妖淫愁怨導欲增悲不能自止故有賊君棄父輕生敗倫不可禁者矣嗚呼樂者古以平心今以助欲古以宣化今以長怨不復古禮不棄今樂而欲至治者遠矣

樂者本乎政也政善民安則天下之心和故聖人作樂以宣暢其和心達于天地天地之氣感而大和焉天地和則萬物順故神祇格鳥獸馴

樂聲淡則聽心平樂辭善則歌者慕故風移而俗易矣妖聲豔辭之化也亦然

天以春生萬物止之以秋物之生也既成矣不止則過焉故得秋以成聖人之法天以政養萬民肅之以刑民之盛也欲動情勝利害相攻不止則賊滅無倫焉故得刑以治情偽微曉其變千狀苟非中正明達果斷者不能治也訟卦曰利見大人以剛

大儒心學卷之一

禮記

得中也噬嗑曰利用獄以動而明也嗚呼天下之廣主刑者民之司命也任用可不慎乎

右四十一條

書濂溪先生語後

由堯舜禹湯文武周公以至于孔子顏曾思孟之所傳其心學一而已矣蓋天地之所以生人而使之得以並立為三才者無他惟與之以心而已也人之心即天地之心天地有是心而不能以自成其能不能無賴於人人之所以能盡人盡物以參贊乎天地以成其能焉者亦皆由

蓋其所得於天地之心而已矣斯則千聖相傳之心學所以爲天地立心爲斯人立極亘古亘今歷諸萬世而無所終窮焉者也自孟子既歿去聖益遠而斯道之傳浸以晦蝕于天下爲學者不知學之不可以不本諸心爲治者不知治之不可以不本諸學故學其所學非吾所謂學治其所治非吾所謂治人欲橫流而天理以滅霸功競熾而王道以泯世俗壞一至此極可勝嘆哉天祐斯文終不可喪逮夫有宋之世瀛溪周先生崛起而作去孟氏之歿千有五百餘年矣乃獨超然有所自得於其心而筆之於書使由堯舜以至於孔孟之所傳之心學已晦而復明已絕而復續然則先生其真得孟氏之統者哉今考先生之學妙在太極一圖而開示萬世心學之樞要則其所謂聖人定之以中正仁義而主靜者實爲一言以蔽之矣復自註其下曰聖人之道仁義中正而已矣又曰無欲故靜所以覺悟斯人者殆無餘蘊蓋聖人舉一心措之天下其所運用設施以立夫脩道之教者不越乎中正仁義而所以一天下之動定天下之

志者在茲愚其曰仁義者立人之道仁義足以盡之其曰中正者即仁義之無過不及無偏無倚止於至善之謂也非仁義之外別有所謂中正也並以爲言互以爲序明乎其致一而已矣其曰主靜者即中正仁義全備於心天理渾然而無一毫人欲之雜是即未發之中寂然不動者也以是爲主本則其定之以中正仁義者即已發之和感而遂通焉耳是故主靜者妙太極於一心即太極之靜也靜而靜也定之以中正仁義者運太極於萬化即太極之動也動亦靜也是聖人即太極也是故人極由此而立天地由此而位萬物由此而育所以參爲三才而成位乎中者不外乎此而得之矣此之謂一貫之學此之謂易簡之學此之謂全體大用之學此之謂千聖相傳萬古不磨之心學自非先生體道之至見道之精其孰能以此一言而盡發心學之秘也哉此學一明使天下萬世爲學者知乎此而求之則天理以明而非人欲之所可亂爲治者知乎此而求之則王道以純而非霸功之所可雜安知堯舜禹湯文武周公之治終不

可復見孔子顏曾思孟之學終不可幾及也
故曰先生之功於是為大莫也不敏竊慕先生
之學乃手錄太極一篇及通書切要之語復開
明其至精至約之旨俾學者知所從事云嘉靖
甲午五月朔日寅謹書

大儒心學語錄卷之二

後學金谿王真輯

明道程先生語

道即性也若道外尋性性外尋道便不是聖賢論天
德蓋謂自家元是天然完全自足之物若無所污
壞即當直而行之若小有污壞即敬以治之使復
如舊所以能使如舊者蓋謂自家本質元是完足
之物若合脩治而脩治之是義也若不消脩治而
不脩治亦是義也故常簡易明白而易行

孔子道如日星之明猶患門人未能盡曉故曰子欲

大儒心學語錄卷之二

明道

無言如顏子則便默識其他未免疑問故曰小子
何述又曰天何言哉四時行焉百物生焉可謂明
白矣

脩辭立其誠不可不子細理會言辭便是要立誠若
只是脩飾言辭為心只是為偽也若脩其言辭正
為立己之誠意乃是體當自家敬以直內義以方
外之實事道之浩浩何處下手惟立誠才有可居
之處有可居之處則可以脩業也終日乾乾大小
大事却只是忠信所以進德為實下手處脩辭立
其誠為實脩業處

古人見道分明故曰吾斯之未信無是餒也立之

斯立

天地生物各無不足之理常思天下君臣父子兄弟

夫婦有多少不盡分處

心迹一也豈有迹非而心是者也

上下本末內外都是一理也

莊子曰遊方之內遊方之外者方何嘗有內外如此

則是道有間斷內面是一處外面又別是一處豈

有此理

天地之間非獨人爲至靈自家便是草木鳥獸之心

大德心學語錄卷之二

明道

也但人受天地之中以生耳

人與物但氣有偏正耳得陰陽之偏者爲鳥獸草木

夷狄受正氣者人也

忠信所以進德終日乾乾君子當終日對越在天也

蓋上天之載無聲無臭其體則謂之易其理則謂

之道其用則謂之神其命于人則謂之性率性則

謂之道脩道則謂之教孟子去其中又發揮出浩

然之氣可謂盡矣故說神如在其上如在其左右

大小大事而只口誠之不可掩如此夫徹上徹下

不過如此形而上爲道形而下爲器湏著如此說

器亦道道亦器但得道在不繫今與後已與人

義理與客氣常相勝只看消長分數多少爲君子小

人之別義理所得漸多則自然知得客氣消散得

漸少消盡者是大賢

興於詩立於禮自然見有着力處成於樂自然見無

所用力

若不能存養只是說話

予天民之先覺者謂我乃天生此民中盡得民道而

先覺者也既爲先覺之民豈可不覺未覺者及彼

之覺亦非分我之所有以予之皆彼自有此義理

大德心學語錄卷之二

明道

我但能覺之而已

聖賢千言萬語只是教人將已放之心約之使反復

入身來自能尋向上去下學而上達也

嘗語王介甫曰公之談道正如說十三級塔上相輪

對望而談曰相輪者如此如此極是分明如某則

顛直不能如此直入塔中上尋相輪辛勤登攀遷

迤而上直至十三級時雖猶未見相輪如公之言

然某却實在塔中去相輪漸近要之頃可以至也

至相輪中坐時依舊見公對塔談說相輪如此如

此介甫只是說道云我知有箇道如此如此只佗

說道時已與道離他不知道只說道時便不是道
也有道者亦自分明只作尋常本分事說了孟子
言堯舜性之舜由仁義行豈不是尋常說話至於
易只是箇立人之道曰仁與義則和性字由字也
不消道自己分明陰陽剛柔仁義只是此一箇道
理

李顥問每常遇事即能知操存之意無事時如何存
養得孰曰古之人耳之於樂目之於禮左右起居
盤盂几杖有銘有戒動息皆有所養今皆廢此獨
有義理之養心耳但存此涵養意久則自熟矣敬

人儒心學語錄卷之二

明道

四

以直內是涵養意言不莊不敬則鄙詐之心生矣
貌不莊不敬則怠慢之心生矣

呂與叔嘗言患思慮多不能驅除曰此正如破屋中
禦寇東面一人來未逐得又西面一人至矣左右
前後驅逐不暇蓋其四面空疎益固易入無緣作
得主定又如虛器入水水自然入若以一器實之
以水置之水中水何能入來蓋中有主則實實則
外患不能入自然無事

與吳師禮談介甫之學錯處謂師禮曰爲我盡達諸
介甫我亦未敢自以爲是如有說願往復此天下

公理無攸我果能明辯不有益于介甫則必有益
于我

射中鵠舞中節御中度皆誠也古人教人以射御象

夕所養之意如此

誠者合內外之道不誠無物

人於外物奉身者事事要好只有自家一箇身與心
却不要好苟得外面物好時却不知道自家身與
心却已先不好了也

生之謂性性即氣氣即性生之謂也人生氣稟理有
善惡然不是性中元有此兩物相對而生也有自

人儒心學語錄卷之二

明道

五

幼而善有自幼而惡是氣稟有然也善因性也然
惡亦不可不謂之性也蓋生之謂性人生而靜以
上不容說才說性時便已不是性也凡人說性只
是說繼之者善也孟子言人性善是也夫所謂繼
之者善也者猶水流而漸下也皆水也有流而至
海終無所汚此何煩人力之爲也有流而未遠
已漸濁有出而甚遠方有所濁有濁之多者有
之少者清濁之不同然不可以濁者不爲水也
此則人不可以不加澄治之功故用力敏勇則疾
清用力緩怠則遲清及其清也則只是元初水

亦不是將清來換却濁亦不是取出濁來置在一隅也水之性則性善之謂也故不是善與惡在性中爲兩物相對各自出來此理天命也順而循之則道也循此而脩之各得其分則教也自天命以至於教我無加損焉此舜有天下而不與焉者也天下善惡皆天理謂之惡者非本惡但或過或不及便如此如楊墨之類

事有善有惡皆天理也天理中物須有美惡蓋物之不齊物之情也但當察之不可自入於惡流於一物

浩然之氣天地之正氣大則無所不在剛則無所屈

以直道順理而養則充塞於天地之間配義與道氣皆主於義而無不在道一置私意則餒矣是集義所生事事有理而在義也非自外襲而取之也告子外之者蓋不知義也

必有事者主養氣而言故必主於敬勿正勿作爲也心勿忘必有事也助長乃正也

人患乎懾怯者蓋氣不充不素養故也

忿懣怒也治怒爲難治懼而難克已可以治怒明理可以治懼

子夏篤志力行者也曾子明理守約者也居處恭執事敬與人忠此是徹上徹下語聖人元無二語

聖人用意深處全在繫辭詩書乃格言

訂頑一篇意極完備乃仁之體也學者其體此意令有諸已其地位已高到此地位自別有見處不可窮高極遠恐於道無補也

學者須先識仁仁者渾然與物同體義禮智信皆仁也識得此理以誠敬存之而已不須防檢不須窮索若心懈則有防心苟不懈何妨之有理有未得

故須窮索存又自明安待窮索此道與物無對大

不足以名之天地之用皆我之用孟子言萬物皆備於我須反身而誠乃爲大樂若反身未誠則猶是二物有對以已合彼終未有之又安得樂訂頑意思乃備言此體以此意存之更有何事必有事焉而勿正心勿忘勿助長未嘗致纖毫之力此其存之道若存得便合有得益良知良能元不喪

失以昔日習心未除却須存習此心久則可奪舊習此理至約惟患不能守既體體之而樂亦不患不能守也

勿忘勿助長之間正當處也

昔見上稱介甫之學對曰王安石之學不是上愕然問曰何故對曰臣不敢遠引止以近事明之臣嘗讀詩言周公之德云公孫碩膚赤鳥几几周公盛德形容如是之盛如王安石其身猶不能自治何足以及此○上又嘗稱介甫對曰王安石博學多文則有之守約則未也

言體天地之化已剩一體字只此便是天地之化不可對此箇別有天地

大學乃孔子遺書須從此學則不差

克已則私心去自然能復禮雖不學文而禮意已得孟子才高學之無可依據學者當學顏子入聖人為近有用力處

學者不必遠求近取諸身只明人理敬而已矣便是約處易之乾卦言聖人之學坤卦言賢人之學惟言敬以直內義以方外敬義立而德不孤至于聖人亦止如是更無別途穿鑿緊要自非道理故有道有理天人一也更不分別浩然之氣乃吾氣也養而不害則塞乎天地一為私心所蔽則欲然而餒知其小也

且省外事但明乎善惟進誠心其文豈雖不中不遠矣所守不約則無功

學者須守下學上達之語乃學之要

言西銘孟子已後未有人及此要之仁孝之理備于此須更而不於此則便不仁不孝也

為飛戾天魚躍于淵言其上下察也此一段子思與緊為人處與必有事焉而勿正心之意同活潑潑地會得時活潑潑地不會得時只是弄精神

切脉最可體仁

觀雞雖此可觀仁

射法具而不滿者無志者也

尸居却龍見淵默却雷聲

須是合內外之道一天人齊上下下學而上達極高

明而道中庸

既得後便須放開不然却只是守

某自再見茂叔後吟風弄月以歸有吾與點也之意

古人互相點檢如今之學射者亦然

琴心不在便不成聲所謂琴者禁也禁人之邪心

其字時甚緊非是要字好只此是學

其字時甚緊非是要字好只此是學

本註續道云其錄古人善行別作一冊浴中見此
云是玩物喪志蓋言心中不宜容絲毫事

周茂叔瞻前草不除去問之云與自家意思一般子

厚觀驢鳴亦謂如此

張子厚邵堯夫善自開大者也

張子厚聞生皇子甚喜見餓等者食便不美

邢恕曰三點檢謂亦可哀也何時不點檢

顏子合下完具只是小要漸漸恢廓孟子合下大只

是未粹索學以充之

學者要學得不錯須是學顏子有準的

參也竟以魯得之

子路亦百世之師人生之

孟子知一言正如人在堂上方能辯堂下人曲直若自

下去堂下則却辯不得

自舜發於畎畝之中至孫叔敖舉於海若要熟也須

從這裏過

有人疑伊尹出處合於孔子可以仕則仕可以止則

止不得為聖之時何也曰終是任的意思在

一行豈所以名聖人至於聖則自不可見何嘗道聖

人孝聖人廉

大山為高矣然太山頂上已不屬太山堯舜之事

亦只是如太虛中一點浮雲過目

眾人安則不恭恭則不安

學射者互相點檢病痛朋友攸攝以威儀

禮樂只在進反之間便得性情之正

毛猶有倫八毫釐然忽終不盡

滿腔子是惻隱之心

執事須是敬又不可矜持太過

士不可以不弘毅任重而道遠重擔子須是硬脊梁

漢方擔得

須是執事上學盡振民育德然有所知後方能如此

何必讀書然後為學

與善人處壞了人須是與不善人處方成就得人佗

山之石可以攻玉

不哭底孩兒誰抱不得

一日將許之西湖在石壇上坐少頃脚踏處便濕舉

起云便是天地升降道理

一日見火邊燒湯瓶指之曰此便是陰陽消長之氣

為飛戾天向上更有天魚躍上淵更有地在

註顯道云非是地以上而下而意實有見得

此世正是子思子與道與人處若從此解悟

問鬼神有無曰待說與賢道浸時古人却因甚如此

道待說與賢道有時又却恐賢問甚尋

人必有仁義之心然後仁與義之氣粹然達於外故

不得於心勿求於氣可也

微自謂今無此好周茂叔曰何言之易也但此心潛

隱未發一日萌動復如前矣後十二年因見果知

未也本註明道年十六七時好田獵十二年暮歸

在田野間見田獵者不覺有喜心

母不敬儼若思安定辭安民哉君德也君德即天德

也

道一本也或謂以心包誠不若以誠包心以至誠參

天地不若以至誠體人物是二本也知不二本便

是篤敬而天下平之道

形而上者謂之道形而下者謂之器若如或者以清

虛一大為天道則乃以器言而非道也

天地設位而易行乎其中只是敬也敬則無間斷體

物而不可遺者誠敬而已矣不誠則無物也詩曰

維天之命於穆不已於乎不顯文王之德之純純

亦不已純則無間斷

母不敬可以對越上帝

敬以直內義以方外合內外之道也釋氏內外之道

不備者也

克勤小物最難

自下而達上者惟造次必於是顛沛必於是

鼓萬物而不與聖人同憂聖人入人也故不能無憂天

則不為堯存不為桀亡者也

咸恒體用也體用無先後

顏子默識曾子篤信得聖人之道者二人也

理則極高明行之只是中庸也

中庸言誠便是神

天人無間斷

耳目能視聽而不能遠者氣有限耳心則無遠近也

學在誠知誠養

學要信與熟

正已而物正大人之事學湏如此

敬勝百邪

欲當大任須是篤實

大人者與天地合其德與日月合其明非在外也

失之毫釐繆以千里深可戒懼

孟子曰仁也者人也合而言之道也中庸所謂率性之謂道是也仁者人此者也敬以直內義以方外仁也若以敬直內則便不直矣行仁義豈有直乎必有事焉而勿正則直也夫能敬以直內義以方外則與物同矣故曰敬義立而德不孤是以仁者無對放之東海而準放之西海而準放之南海而準放之北海而準

醫家言四體不仁最能體仁之名也

天地之大德曰生天地絪縕萬物化醇生之謂性告

子此言是而謂犬之性猶牛之性牛之性猶人之性則非也

萬物之生意最可觀此元者善之長也斯所謂仁也人與天地一物也而人特自小之何耶

人賢不肖國家治亂不可以言命至誠可以贊化育者可以回造化

惟神也故不疾而速不行而至神無速亦無至須如此言者不如是不足以形容故也

天地萬物之理無獨必有對皆自然而然而非有安排也每中夜以思不知手之舞之足之蹈之也

冬寒夏暑陰陽也所以運動變化者神也神無方故易無體若如或者別立一天謂人不可以包天則有方矣是二本也

窮神知變化之妙者神也

窮理盡性以至於命一物也

天地只是設位易行乎其中者神也

氣外無神神外無氣或者謂清者神則濁者非神乎

大抵學不言而自得者乃自得也有安排布置者皆非自得也

非自得也

言有無則多有字言無無則多無字有無與動靜同

如冬至之前天地閉可謂靜矣而日月星辰亦自

運行而不息謂之無動可乎但人不識有無動靜

耳

忠信者以人言之要之則實理也

天下雷行物與无妄天下雷行付與无妄天性豈有

妄耶聖人以茂對時育萬物使各得其性也无妄

則一毫不可加安可往也往則妄矣无妄震下乾

上動以天安有妄乎動以人則有妄矣

犯而不校則私非樂天者也犯有當報者則是循

理而已

中之理至矣獨陰不成獨陽不生偏則為禽獸為夷
狄中則為人中則不偏常則不易惟中乃足以盡
之故曰中庸

日月薄蝕而後復者不能奪其常也

時者聖人所不能為然人之智愚世之治亂聖人必
示可易之道豈徒為教哉蓋亦有其理故也

學要不自得

語成人之名自非聖人誰能當之孟子曰惟聖人然
後可以踐形如此方足以稱成人之名

詩曰天生蒸民有物有則民之秉彜好是懿德故有

不偏不倚之理

明道

十六

物必有則民之秉彜也故好是懿德萬物皆有理

順之則功遠之則難各循其理何勞於己力哉

人心莫不有知惟蔽於人欲則亡天德也

皆實理也人知而信者為難孔子曰朝聞道夕死可

矣死生亦大矣非誠知道則豈以夕死為可乎

萬物莫不有對一陰一陽一善一惡陽長則陰消善

增則惡減斯理也推之其遠乎人只要知此耳

以己及物仁也推己及物恕也達道不忠恕一以貫

之忠者天理恕者人道忠者無妄恕者所以行正

中也忠者體恕者用大本達道也此與達道不

異者動以天耳

必有事焉而勿正事者事心勿忘勿助長養氣之道

當如此

大凡出義則入利出利則入義天下之事惟義利而

已

湯武反之身之者學而復者也

人心不得有所繫

以物待物不以已待物則無我也

志可方氣勝則憤亂矣今之人以恐懼而勝氣者

多矣而以義理勝氣者鮮也

不偏不倚之理

明道

十五

樂天知命通上下之言也聖人樂天則不須言知命

知命者知有命而信之者爾不知命無以為君子

是矣命者所以輔義一循於義則何庸斷之以命

哉若夫聖人之知天命則異於此

仁者不直樂天者也

仁者不直知者不惑勇者不懼德之序也知者不惑

仁者不憂勇者不懼學之序也知以知之仁以中

之勇以行之

知之明信之篤行之果知仁勇也

知仁勇三者天下之達德學之要也

致知格物

子貢之知亞於顏子知至而未至之也

致知在格物格至也或以格爲正物是二本矣

人最可貴者是便做要在燭理

知至則知意誠若有知而不誠者皆知未至耳知至

而至之者知至而往至之乃吉之先見故曰可與

幾也知終而終之則可與存義也知至至之主知

知終終之主終

大學之道在明明德明此理也在止於至善反已守

約是也

持國曰若有人便明得了者伯淳信乎曰若有人則

豈不信蓋必有生知者然未之見也凡云爲學者

皆爲此以下論孟子曰盡其心者知其性也知性

則知天矣存其心養其性所以事天便是至言

中庸之言放之則彌六合卷之則退藏於密

中庸始言一理中散爲萬書末復合爲一理

中庸曰大哉聖人之道洋洋乎發育萬物峻極于天

優優大哉禮儀三百威儀三千待其人而後行故

曰苟不至德至道不凝焉皆是一貫

德性者言性之可貴與言性善其實一也性之德者

言性所有如卦之德乃卦之繼也

自明而誠雖多由致曲然亦有自大體中便誠者雖

亦是自明而誠謂之致曲則不可

中者天下之大本天地之間亭亭當當直上直下之

正理出則不是惟攸而無失最盡

且喚做中若以四方之中爲中則四邊無中乎若以

中外之中爲中則外而無中乎如生生之謂易天

地設位而易行乎其中豈可只以今之易書爲易

乎中者且謂之中不可捉一箇中來爲中

民受天地之中以生天命之謂性也人之生也直意

亦如此

或問繫辭自天道言中庸自人事言似不同曰同繫

辭雖始從天理陰陽鬼神言之然卒曰然而成之

不言而信存乎德行中庸亦曰鬼神之爲德其盛

矣乎視之而不見聽之而不聞體物而不可遺使

天下之人齊明盛服以承祭祀洋洋乎如在焉上

如在其左右詩曰神之格思不可度思矧可射思

夫微之顯誠之不可掩如此夫是豈不同

純亦不已天德也遠矣必於是顛沛必於是三月

違仁之氣象也又其次則日月至焉者也

子曰語之而不惰者其回也歟顏子之不惰者敬也人須學顏子有顏子之德則孟子之事功自有孟子者禹稷之事功也

顏子在陋巷人不堪其憂回也不改其樂簞食陋巷非可樂蓋自有其樂耳其字當玩味自有深意

顏子曰仰之彌高鑽之彌堅則是深知道之無窮也瞻之在前忽焉在後他人見孔子甚遠顏子瞻之只在前後但只未在中間耳若孔子乃在其中焉此未達一間也

先妄震下乾上聖人之動以天賢人之動以人若顏

子之有不善豈如衆人哉惟只在於此間耳蓋猶有已焉至於無我則聖人也顏子切於聖人未達一息耳不遷怒不貳過無伐善無施勞三月不違仁者此意也

顏子不動聲氣孟子則動聲氣矣

動乎血氣者其怒必遷若鑑之照物妍媸在彼隨物以應之怒不在此何遷之有

孔子謂顏淵曰用之則行舍之則藏惟我與爾有是夫君子所性雖大行不加焉雖窮居不損焉不爲堯存不爲桀亡者也用之則行舍之則藏皆不累

於已耳

學只要鞭辟近裏著己而已故切問而近思則仁在其中矣言忠信行篤敬雖蠻貊之邦行矣言不忠信行不篤敬雖州里行乎哉立則見其參於前也在與則見其倚於衡也夫然後行只此是學苟美者明得盡查滓便渾化却與天地同體其次性莊敬持養及其至則一也

君子坦蕩蕩心廣體胖

爲政須要有綱紀文章先有司卿官讀法平價謹權量皆不可闕也人各親其親然後能不獨親其親

仲弓曰焉知賢才而舉之子曰舉爾所知爾所不知人其舍諸使見仲弓與聖人用心之大小推此義則一心可以喪邦一心可以興邦只在公私之間耳

有實則有名名實一物也若夫好名者則狗名為虛矣如君子疾沒世而名不稱謂無善可稱耳非狗名也

學至於樂則成矣篤信好學未如自得之爲樂造道好之者如遊他人園圃樂之者則已物耳然人只能信道亦是人之難能也

克己最難

學之興起莫先於詩詩有美刺歌誦之以知善惡治亂廢典禮者所以立也不學禮無以立樂者所以成德樂則生矣生則惡可已也惡可已則不知手之舞之足之蹈之也若夫樂則安安則久久則天天則神天則不言而信神則不怒而威至於如此則又非手舞足蹈之事也

聖人言忠信者多矣人道只在忠信不誠則無物出入無時莫知其鄉者人心也若無忠信豈復有物乎

盡已之謂忠以實之謂信發已自盡為忠循物無違

為信秉衷之義也

人之相愛者相告戒必曰凡事當善處然只在仗忠信只不忠信便是不善處也

孔子與點蓋與聖人之志同便是堯舜氣象也誠異

三子者之撰特行有不掩焉者真所謂狂矣子路等所見者小子路只為不達為國以禮道理所以為夫子笑若知為國以禮之道便知這氣象也人之學當以大人為標準然上面更有化爾人言學

顏子之學

子貢曰夫子之文章可將而聞也夫子之言性與天

道不可得而聞也子貢蓋於是有所得而嘆之矣以子貢之才從夫子如此之久方嘆不可得而聞亦可謂之鈍矣觀其夫子沒祭室於場六年然後歸則子貢之志亦可見矣他人如子貢之才六年中待作多少事豈肯如此

博學而篤志切問而近思何以言仁在其中矣學者要思得之于此便是徹上徹下之道

學要在敬也誠也中間便有箇仁博學而篤志切問而近思仁在其中矣之意

魯子曰士不可以不弘毅任重而道遠弘而不毅則

難立毅而不弘則無以居之

魯子易箚之意心是理理是心聲為律身為度也

灑掃應對便是形而上者理無大小故也故君子只在慎獨

敬以直內則義以方外

和順於道德而理於義者體用也

服牛乘馬比其性而為之胡不乘牛而服焉此理之所不可

生生之謂易生生之用則神也

乾陽也不動則不剛其靜也車其動也直不專一則不能直遂坤氣也不靜則不柔其靜也翕其動也闢不翕聚則不能舒散

天地日月一艮月受日光而日不為之虧然月之光乃日之光也地氣不上騰則天氣不下降天氣降而至於地地中生物者皆天氣也惟無成而代有終者地之道也

介于石理素定也理素定故見幾而作何俟終日其成性存存道義之門道無體義無方也

易要玩索齊戒以神明其盛夫

艮其止止其所也各止其所父子止於恩君臣止於

義之謂艮其背止於所不見也

忠信所以進德脩辭立其誠所以居業者乾道也敬以直內義以方外者坤道也

息訓為生者蓋息則生矣一事息則一事生矣丁無問斷碩果不食則便為復也寒往則暑來暑往則寒來寒暑相推而歲成焉

日新之謂盛德生生之謂易陰陽不測之謂道要思而得之

一陰一陽之謂道自然之道也繼之者善也道則

有用元者善之長也成之者却只是性各正性命者也故曰仁者見之謂之仁知者見之謂之知百姓日用而不知故君子之道鮮矣如此則亦無始亦無終亦無因甚有亦無因甚無亦無有處有亦無無處無

窮理盡性矣曰以至於命則全無着力處

生生之謂易天地設位而易行乎其中乾坤毀則無以見易易不可見乾坤或幾乎息矣易畢竟是甚又指而言曰聖人以此洗心退藏於密聖人示人

之意至此深且明矣終無人理會易也此也密也

是甚物人能至此深思當自得之

彖之象君子以振民育德君子之事惟有此二者餘無他為二者為己為人之道也

樂則行之憂則違之樂與憂皆道也非己之私也

繫辭曰形而上者謂之道形而下者謂之器又曰立天之道曰陰與陽立地之道曰柔與剛立人之道曰仁與義又曰一陰一陽之謂道陰陽亦形而下者也而曰道者惟此語截得上下最分明元來只此是道要在人默而識之也

言天之自然者謂之天道言天之付與萬物者謂之

大傳

人心惟危人欲也通心惟微天理也惟精惟微所以至之見執厥中所以行之

樞約者微而已矣

誠者天之隨啟者人事之本誠者則誠

學者通誠聖賢之體聖人化工也賢人巧工也

居仁由義守禮寡欲

聖人之言中和之氣也貫徹上下

人須知自勉之道自勉者無不足也若有所不足

張子厚所謂有外之心不足以合天心者也

視聽思慮動作皆天也人但於其中要識得真與妄耳

居之以正行之以和

凡人才學便須知着力處既學便須知得力處

人之學不進只是不勇

人多言廣心浩大然未見其人也

平康正直

讀書要玩味

其為氣也配義與道道有冲漠之氣象

理義體用也

孟子謂必有事焉而勿正心勿忘勿助長正是着意

忘則無物

所見所期不可不遠且大然行之亦須量力有漸志大心勞力小任重恐終敗事

楊墨之害甚於申韓佛老之害甚於楊墨楊氏為我

疑於仁墨氏兼愛疑於義申韓則淺陋易見故孟子只闢楊墨為其惑世之甚也佛老其言近理又

非楊墨之比此所以害尤甚楊墨之害亦經孟子

闢之所以廓如也

艮其止止其所也八元有善而舉之四凶有罪而誅

之各止其所也釋氏只曰止安知止乎

釋氏無實

釋氏無實

釋氏說道譬之以管窺天只務直上去惟見一偏不

見四旁故皆不能處事聖人之道則如在平野之

中四方莫不見也

釋氏本怖死生為利豈是公道惟務上達而無下學

然則其上達處豈有是也元不相連屬但有間斷

非道也孟子曰盡其心者知其性也彼所謂識心

見性也若心養性存一段事則無矣彼故曰出家

獨善便於道體已非矣或曰釋氏地獄之類皆是

為下根之人設此怖令為善先生曰至誠貫天地

人尚有不化豈有立偽教而人可化乎

佛氏不識陰陽晝夜死生古今安得謂形而上者與聖人同乎

佛言前後際斷純亦不已是也彼安知此哉予在川上曰逝者如斯夫不舍晝夜自漢以來儒者皆不識此義此見聖人之心純亦不已也詩曰維天之命於穆不已蓋曰天之所以爲天也於乎不顯文王之德之純蓋曰文王之所以爲文也純亦不已此乃天德也有天德便可語王道其要只在慎獨聖人致公心盡天地萬物之理各得其分佛氏總爲

大儒學語解卷之二

明道

子大

一己之私是安得同乎聖人循理故平直而易行異端造作大小大費力非自然也故失之遠

伊尹曰天之生斯民也使先知覺後知使先覺覺後覺予天民之先覺者也予將以斯道覺斯民也釋氏之云覺甚底是覺斯道甚底是覺斯民

性靜者可以爲學

學在知其所有又養其所有

忠信爲基本所以進德也辭脩誠意立所以居業也

此乃乾道由此二句可至聖人事也

心得之然後可以爲己物

畏天則可以不夫付井之重

聞道知所以爲人也夕死可久是不虛生也

聖與天道非自得之則不知故曰不可得而聞

私廣也設會然也弘而不毅則無規矩毅而不弘則隘陋

仇思各專其一

吾斯之未能信不先自信何以治人

先難克已也

能近取譬反身之謂也

君子爲善只有上達小人爲不善只有下達

古之學者爲己爲己在己也

明道

子大

不怨天不尤人在理當如此

知性善以忠信爲本此先立其大者

北宮黝之勇氣亦不知守也孟施舍之勇知守氣而

不知守約也曾子之所謂勇乃守約守約乃義也

與孟子之勇同

所存者神在己也所過者化及物也

驪虞有所造爲而然豈能久也耕田鑿井帝力何有

於我哉知天之自然乃王者之政

君子所不可及者其惟人之所不見乎詩曰相在爾

室尚不愧於屋漏君子慎獨

敬則自然儼若思安定辭其德可以安民

君子而時中無時不中

孟子曰孰不為事事親事之本也孰不為守身守

之本也不失其身而事親乃誠孝也推此亦可以

知為仁之本

行有餘力者當先立其本也有本而後學文則文自

至矣

人而不仁君子當教養之不盡教養而惟疾之甚必

至於亂

才高者過過則一出入卑者不及則怠惰廢弛

人之為學志先立標準若循循不已自有所至矣

或謂如何斯可謂之恕曰充擴得去則為恕心如何

是充擴得去底氣象曰天地變化草木蕃充擴不

去時如何曰天也閑賢人隱

吾學雖有所受天理二字却是自家體貼出來

橫渠嘗言吾十五年學箇恭而安不成明道曰可知

是學不成有多少病在

忠恕兩字要除一箇除不得

別人喫飯從脊皮上過我喫飯從肚裏去

學者不可以不看詩看書便使人長一格價

必有關唯麟趾之意然後可行周官法度

問如何是道曰於君臣父子兄弟朋友夫婦上求

緩之斯來動之斯和聖人之神化上下與天地同流

者乎

治道在於立志責任求賢

若三代之治後世決可復不以三代為治者終苟道

也

惠迪吉從逆凶常行之理也

三代之治順理者也兩漢以下皆把持天下者也

游酢得西銘讀之即渙然不逆於心先生曰此中庸

之理也能求於言語之外者也

持國嘗論克己復禮以謂克己却不是道伯淳言克便

是克之道持國又言道則不須克伯淳言道則不

消克却不是持國事在聖人則無事可克今日持

國須克得已便然後復禮

醫書言手足痿痺不仁此言最善名狀仁者以天地

萬物為一體莫非已也認得為已何所不至若不

有諸已自不與已相干如手足不仁氣已不貫皆

不屬已故博施濟眾聖人之功用仁至難言故

止曰已欲立而立人已欲達而達人能近取譬可謂仁之方也已欲令如是觀仁可以得仁之體

謝顯道云昔伯淳教誨只管著他言語伯淳曰與賢說話却似扶醉漢攪了一邊倒了一邊只怕人執著一邊

橫渠先生問於明道先生曰定性未能不動猶累於外物何如明道先生曰所謂定者動亦定靜亦定無將迎無內外苟以外物為外牽已而從之是以已性為有內外也且以性為隨物於外則當其在

大儒心學語錄卷之十一

明道

王三

外時何者為在內是有意於絕外誘而不知性之無內外也既以內外為二本則又烏可遽語定哉夫天地之常以其心普萬物而無心聖人之常以其情順萬事而無情故君子之學莫若廓然而大公物來而順應易曰貞吉悔亡憧憧往來朋從爾思苟規規於外誘之除將見戒於東而生於西也非惟口之不足顧其端無窮不可得而除也人之情各有所蔽故不能適道大率患在於自私而用智自私則不能以有為為應迹用智則不能以明覺為自然今以惡外物之心而求照無物之地是反鑑而索照也易曰艮其背不獲其身行其庭不

見其人孟子亦曰所惡於智者為其鑿也與其非

外而是內不若內外之兩忘也兩忘則澄然無事矣無事則定定則明明則尚何應物之為累哉聖人之喜以物之當喜聖人之怒以物之當怒是聖人之喜怒不係於心而係於物也是則聖人豈不應於物哉為得以從外者為非而更求在內者為是也今以自私用智之喜怒而視聖人喜怒之正為如何哉夫人之情易發而難制者惟怒為其第能於怒時處亡其怒而觀理之是非亦可見外誘之不足惡而於道亦思過半矣

大儒心學語錄卷之十二

明道

王三

堯夫解他山之石可以攻玉玉者溫潤之物若將兩塊玉來相磨必磨不成湏是得他箇粗厲底物方磨得出譬如君子與小人處為小人侵陵則脩省畏避動心忍性增益預防如此便道理出來

九德最好

明道先生言於神宗曰得天理之正極人倫之至者堯舜之道也用其私心依仁義之偏者霸者之事也王道如砥本乎人情出乎禮義若履大路而行無所回曲霸者崎嶇反側於曲徑之中而卒不可與入堯舜之道故誠心而王則王矣假之而霸

則霸矣二者其道不同在審其初而已易所謂差
若毫釐繆以千里者其初不可不審也惟陛下
稽先聖之言察人事之理知堯舜之道備於已反
身而誠之推之以及四海則萬世幸甚

治天下以正風俗得賢才為本

一命之士苟存心於愛物於人必有所濟

因論口將言而囁嚅云若合開口時要他頭湏開口

湏是聽其言也厲

安定之門人往往知稽古愛民矣則於為政也何有

職事不可以巧免

明道

王四

居是邦不非其大夫此理最好

凡為人言者理勝則事明氣忿則招拂

感慨殺身者易從容就義者難

若今之時不安今之法令非義也若論為治湏於今

之法度內處得其當方為合義

劉安禮問臨民明道先生曰使民各得輸其情問御

吏白正己以格物

富貴驕人固不善學問驕人害亦不細

人以料事為明便駸駸入逆詐億不信去也

巽以行權義理所順處所以行權

謝顯道言嘗習忘以養生明道先生曰施之養生

可於道則有言習忘可以養生者以其不留情也

學道則異於是必有事焉而勿正何謂乎且出入

起居寧無事者正心待之則先事而迎忘則涉手

去念助則近於留情故聖人心如鑑孟子所以異

於釋氏此也

祖考來格惟至誠為有感必通

窮理盡性以至於命三事一時並了元無次序不可

將窮理作知之事若實窮得理即性命亦可了

問我於辭命則不能曰孔子無之而自謂不能者使

學者務本而已

神也者妙萬物而為言若上竿弄繩至于斲輪誠至

則不可得而知上竿初習數尺而後至於百尺習

化其高矧聖人誠至之事豈可得而知

天下之士亦有志在朝廷而才不足才可以為而誠

不足今日正湏才與至誠合一方有濟又曰才而

不誠猶不是也若非至誠雖有忠義功業亦出於

事為浮氣幾何時而不盡也又曰才與誠一物則

周天下之治

天下事只是感應應耳

黃通先生受學志甚篤先生一日謂之曰

爾輩在此相從只是學某言語故其學心口不相應蓋若行之請問焉曰且靜坐

孔子曰天之將喪斯文也後死者不得與於斯文也天之未喪斯文也匡人其如予何於天之將喪斯文下便言後死者不得與於斯文則是文之興喪在孔子與天爲一矣蓋聖人德盛與天爲一出此等語自不覺耳孟子地位未能到此故曰天未欲平治天下也如欲平治天下當今之世舍我其誰聽天所命未能合一

法儒學語卷之二

明道

三六

極高明而道中庸非二事中庸天理也天理固高明不極乎高明不足以道中庸中庸乃高明之極思無邪毋不敬只此二句循而行之安得有差有差者皆由不敬不正也

佛有一箇覺之理可以教以直內矣然無義以方外其直內者要之亦不是

先王之世以道治天下後世只是以法把持天下人有四百四病皆不由自家則是心須教由自家學者要思得之

明道先生澶州日脩橋少一長從曾博求之民間

後因出入見林木之佳者必起計度之心因語以戒學者心不可有一事

明道先生作縣凡坐處皆書視民如傷四字常曰顯常愧此四字

王荊公執政議法改令言者攻之甚力明道先生常被旨赴中書議事荊公方怒言者厲色待之先生徐曰天下之事非一家私議願公平議以荊公爲之愧屈

右三百一十五條

法儒學語卷之二

明道

三七

大儒心學語錄卷之三

伊川程先生語

後學金



一人之心即天地之心一物之理即萬物之理一日之運即一歲之運

志道懇切固是誠意若迫切不中理則反為不誠蓋實理中自有緩急不容如是之迫觀天地之化乃可知

仁則一不仁則二

仁道難名惟公近之非以公便為仁

氣形而下者

性不可以內外言

未有不能體道而能無患者故坐忘即是坐馳有忘之心乃思也

見一學老忙迫問其故曰欲了幾處人事曰某非不欲周旋人事者曷嘗似賢急迫

忘物與累物之弊等

聖人之心未嘗有在亦無不在蓋其道合內外體萬物

謝顯道嘗問先生其有知之原當俱稟得先生謂

曾稟得何處交割得來又語及太虛曰亦無太虛

遂指虛曰皆是理安得謂之虛天下無實於理者

罪已責躬不可無然亦不當長留在心曾為悔

有恐懼心亦是燭理不明亦是氣不足

入道莫如敬未有能致知而不敬者

當知天下無一物是合少得者不可惡也

須是識在所行之先譬如行路須得先照

語學者以所見未到之理不惟所聞不深徹又將理

低看了

知知仁守勇決

涵養吾一

主一無適敬以直內便有浩然之氣浩然須要實識

得他剛大直不習無不利

大而化則已與理一一則無已

致知則有知有知則能擇

道無精粗言無高下

物即事也凡事上窮極其理則無不通

有主則虛無主則實必有所事

如舜之誅四凶四凶已作惡從而誅之舜何與焉物

各賦物則是役物為物所役則是役於物

禮聽言動非理不爲即是禮禮即是理也不是天理便是私欲人雖有意於爲善亦是非禮無人欲即皆天理

公則一私則萬殊至當歸一精義無二人心不同如面只是私心

人不能祛私意只是吝吝故無浩然之氣

古之學者優柔厭飫有先後次序今之學者却只做

一場話說務高而已常愛杜元凱語若江海之浸

膏澤之潤渙然冰釋怡然理順然後爲得也今之

學者往往以游夏爲小不足學然游夏一言一事

却總是實如子路公西赤亦言志如此聖人許之亦

以此自是實事後之學者好高如人游心於千里

之外然自身却只在此

合而聽之則聖公則自同若有私心便不同同即是

天心

曾子傳聖人學其德後來不可測如言吾得正而斃

只看他氣象極好被他所見處大

養心莫善於寡欲不欲則不惑所欲不必沉溺只有

所向便是欲

要息思慮便是不息思慮

小德川流大德敦化只是言孔子川流是日用處大德是存主處

禮時爲本須當損益

要所補大可以風後世却只是明道

信而後諫爲能信便發得人志

學者患心慮紛亂不能寧靜此則天下公病學者只

要立箇心此上頭儘有商量

得之於心謂之有德自然晬然見於面盎於背施於

四體四體不言而喻豈待勉強也

凡物有本末不可分本末爲兩段事灑掃應對是其

然必有所以然

動容親整思慮則自然生敬敬只是主一也存此則

自然天理明學者須是敬以直內涵養此意直內

是本

天地之化雖廓然無窮然而陰陽之度日月寒暑晝

夜之變莫不有常此道之所以爲中庸

聖人盡道以其身所行率天下是欲天下皆至於聖

人佛以其所賤者教天下是悞天下也人愈才明

往往所陷溺愈深

人苟有朝聞道夕死可矣之意則不可一日安於

不安也何止一日須臾不能如魯子易實須臾
此乃安人不能若此者只為不見實理實理者實
見得是實見得非凡實理得之於心自別若耳聞
口道者心實不見若見得必不肯安於所不安至
如執卷者莫不知說理義又如王公大人皆能言
軒冕外物及其臨利害則不知就義理却說富貴
如此者只是說得不實見及其蹈水火則人皆避
之是實見得須是有見不善如探湯之心則自然
別若若經傷於虎者他人語虎則雖三尺童子皆
知虎之可畏終不似曾經傷者神色懾懼至誠畏
之是實見得也得之於心是謂有得不待勉強古
人有捐軀殞命者若不實見得則烏能如此須是
實見得生不重於義生不安於死也故有殺身成
仁只是成就一箇是而已

道則自然生萬物又曰道則自然生生不息

敬以直內有主於內則虛自然無非僻之心如是則
安得不虛必有事焉須把敬來做件事著此道最
是簡最是易又省工夫然持之久必別

君子宜獲祐然而有貧悴短天以至無繼者天意如
何氣鍾於賢者固有所不周也

一者只是整齊嚴肅則心便一一則自是無非
僻之干此意但涵養久之則天理自然明
必有事焉有事於此勿正者若思此而曰善然後為
之是正也勿忘則是必有事也勿助長則是勿正
也須默識取主一之意事於此之此一作敬
大德敦化於化育處敦本也小德川流日用處也此
言仲尼與天地同德

操則存舍則亡出入無時莫知其鄉只是有操而已
操之道教以直內也

顏孟之於聖人其知之深淺同只是顏子尤溫淳淵

懿於道得之更淵粹近聖人氣象

率氣者在志養志者在直內

率性之謂道率循也若言道不消先立名義則茫茫
也何處下手何處着心

天地之間只有一箇感與應而已更有甚事

人於天地間並無窒礙處大小快活

聖人之道更無精粗從灑掃應對至精義入神通貫

只一理雖灑掃應對只看所以然者如何

切要之道無如敬以直內

冲漠無朕萬象森然已具未應不是先已應不是後

如百尺之木自根本至枝葉皆是一貫不可道上
面一段事無形無兆却待人旋安排引入來教人
塗轍既是塗轍却只是一箇塗轍

仁之道要之只消道一公字公只是仁之理不可將
公便喚做仁公而以仁體之故為仁只為公則物
我無照故仁所以能恕所以能愛恕則仁之施愛
則仁之用也

出門如見大賓使民如承大祭只是敬也敬則是不
私之說也不敬便私欲萬端害於仁

寂然不動萬物森然已具在感而遂通感則只是自

內感不是外面將一件物來感於此也

孔子自十五至七十進德直有許多節次聖人未必
然然亦是為學者立下一法盈科而後進須是成
章乃達

學者為氣所勝習所奪只可責志

有謂因苦學而至失心者學本是治心豈有反為心
害

大而化之只是謂理於己一其未化者知人操尺度
量物用之尚不免有差若至於化者則已便是尺
度尺度便是已顏子正在此若化則便是仲尼也

在前是不及在後是過之此過不及甚微惟顏子
自知他人不與卓爾是聖人立處顏子見之但未
至耳

敬則自虛靜不可把虛靜喚做敬居敬則自然行簡
居簡而行簡却是不簡只是所居已剩一簡字
退藏於密密是用之源聖人之妙處

所謂日月至焉與久而不息者所見規模雖畧相似
其意味氣象迥別須心潛默識玩索久之庶幾自
得學者不學聖人則已欲學之須熟玩味聖人之
氣象不可只於名上理會如此只是講論文宇

中庸之書是孔門傳授成於子思孟子其書雖是雜
記更不分精粗一來說了今人語道多說高便遺
却卑說本便遺却末

知至則當至之知終則當終之須以知為本知之深
則行之必至無有知之而不能行者知而不能行
只是知得淺飢而不食鳥喙人不蹈水火只是知
人為不善只為不知知至而至之知幾之事故可
與幾知終而終之故可與存義知至是致知博學
明辯審問慎思皆致知知至之事篤行便是終之
如始條理終條理因其始條理故能終條理猶知

至即能終之

治道即有從本而言亦有從事而言從本而言惟從格君心之非正心以正朝廷正朝廷以正百官若從事而言不救則已須救之必須變大變則大益小變則小益

以物待物不可以已待物

古之士者自十五入學至四十方仕中間自有二十年學又無利可趨則所志可知須去趨善便自此成德後之人自童稚間已有汲汲趨利之意何由得向善故古人必使四十而仕然後志定只營

衣食却無害惟利祿之誘最害人

學者須是潛心積慮優游涵養使之自得

學者先務固在心志有謂欲屏去聞見之思則是絕聖棄志有欲屏去思慮患其紛亂則是須坐禪入定如明鑑在此萬物畢照是鑑之常難為使之不照人心不能不交感萬物亦難為使之不思慮惟是心有主如何為主敬而已矣有主則虛虛則邪不能入無主則實實謂物來奪之主一之謂敬易所謂敬以直內義以方外須是直內乃主一之義至於不敢欺不敢慢尚不愧於屋漏皆是敬之事

也但存此涵養久之自然天理明

閑邪存誠閑邪則誠自存如人有室垣牆不脩不能防寇寇從東來逐之則復有自西入逐得一人一人復至不如脩其垣牆則寇自不至故欲閑邪也浩然之氣難識須要認得當行不憚於心之時自然有此氣象

嚴威儼恪非敬之道但致敬須自此入

若未接物如何為善只是主於敬便是為善也

大凡於道擇之則在乎智守之則在乎仁斷之則在

乎勇

必有事焉謂必有所事是敬也勿正正之為言輕勿

忘是敬也正之之甚遂至於助長

楊子為我亦是義墨子兼愛亦是仁惟差之毫釐繆

以千里直至無父無君如此之甚

約敬是

康仲問人之學非願有差只為不知之故遂流於不

同不知如何持守先生言且未說到持守持守甚

事須先在致知致知盡知也窮理格物便是致知

只歸之自然則無可觀更無可玩索

義之精者須是自求得之如此則善求義也

薄中庸者只得此一卷書終身用不盡也

致知在格物格物之理不若察之於身其得尤切且須於學上格物不可不詣理也

大抵儒者潛心正道不容有差其始甚微其終則不可救如師也過商也不及於聖人中道師只是過於厚此商只是不及此然而厚則漸至於蕪愛不及則便至於為我其過不及同出於儒者其末遂至楊墨至如楊墨亦未至於無父無君孟子推之便至於此蓋其差必至於於是也

孟子辯舜蹠之分只在義利之間言間者謂相去不甚遠所爭毫末耳義與利只是箇公與私也總出義便是利害也

聖人之學若非子思孟子則幾乎息矣道何嘗息只是人不由之道非亡也幽厲不由也

聖人之語因人而變化語雖有淺近處却無包含不盡處如樊遲於聖門最是學之淺者及其問仁曰愛人問知曰知人且看此語有甚包含不盡處他人之語語近則遺遠語遠則不知近惟聖人之言則遠近皆盡

今之為學者如登山麓方其迤邐莫不謂步及到峻

處便逡巡只是要測決果敢以進

學莫大於致知養心莫大於禮義

或謂人莫不知和柔寬緩然臨事反至於暴厲曰只是志不勝氣氣反動其心也

學者所貴聞道執經而問但廣聞見而已

一切事皆所當為不必得着意做統着意做是有箇私心這一點意氣能得幾時了

楊子援一毛不為墨子又摩頂放踵為之此皆是不

得中至如子莫執中欲執此二者之中不知怎麼執得誠得則事事物物上皆天然有箇中在那上

不待人安排也安排着則不中矣

知之必好之好之必求之求之必得之古人此箇學是終身之事果能顛沛造次必於是豈有不得道理

立則見其參於前所見者何事

道一也豈人道自是人道天道自是天道

天地人只一道也

大抵盡人道者即是聖人非聖人則不能盡得人道問人有專務敬以直內下務方外何如曰有諸中者必形諸外惟恐不直內內直則外必方

學何以至有覺悟處曰莫先致知能致知則思一日愈明一日久而後有覺也思曰齊肅作聖總思便齊以至作聖亦是一箇思

古之學者一今之學者三異端不與焉一曰詞章之學二曰訓詁之學三曰儒者之學欲趨道舍儒者之學不可

今之學者有三弊一溺於文章二牽於訓詁三惑於異端苟無此三者則將何歸必趨於道矣

或曰人問某以學者當先識道之大本如何求某告之以君臣父子夫婦兄弟朋友於此五者上行樂

處便是曰此固是然怎生地樂勉強樂不得須是知得了方能樂得故人力行先須要知非特行難

知亦難也書曰知之非艱行之惟艱此固是也然知之亦自艱譬如人欲往京師必知是出那門行

那路然後可往如不知雖有欲往之心其將何之

故古非無美材能力行者然鮮能明道以此見知之亦難也

到底須是知了方行得

未致知便欲誠意是躐等也學者固當勉強然不致知怎生行得勉強行者安能持久除非燭理明白

然樂簡理

學者須要具知識知得是便於然行持去也

學者須要自信斷自信怎生拿亦不得

逐養須用敬進學則在致知

問人有志於學然知識微因力量不至則如之何曰

只是致知若致知則知識當自漸明不曾見人有

一件事終思不到也知識明則功業自進問何以

致知曰在明理

學者言入手耳必須著手心見其行事如只聽他人

言却似說他人事已無所處也

且莫說道將第一等義與別人去做第二等才如此

說便是自棄言學便以道為志言人便以聖為志

自謂不能者自賊者也謂其君不能者賊其君者

也

為士者當知道已不知道可耻也

學欲速不得然亦不可怠緩有欲速之心便不是學

學是致廣大事豈可以迫切之心為之

問敬還用意否曰其始安付不用意若能不用意却

是都無事又問敬是靜否曰終說靜便入

釋氏之說也不用靜字只用敬字終說着靜字便

是忘也孟子曰必有事焉而勿正心勿忘勿助長也必有事焉便是心勿忘勿正便是勿助也

或問獨坐一室或行闔中多有驚懼何也曰只是燭理不明若能燭理則知所懼者妄又何懼焉有人雖知此然不免懼心者只是氣不充湏是湏養久則氣充自然物動不得然有懼心亦是敬不足

人語言緊急莫是氣不定否曰此亦當習習到言語自然緩時便是氣質變也學至氣質變方是有功人只是一箇習某嘗進說欲令上於一日之中親賢士大夫之時多親宦官宮人之時少所以涵

養氣質薰陶德性

或問人或倦怠豈志不立乎曰若是氣體勞後湏倦若是志怎生倦得人只是氣勝志故多為氣所使為人少而勇老而怯少而廉老而貪此為氣所使者也若是志勝氣時志既一定更不可易如曾子易簣之際其氣之微可知只為他志已定故雖死生大事亦動他不得蓋有一絲髮氣在則志猶在也

昔呂與叔嘗問為思慮紛擾其答以但為心無主若主於敬則自然不紛擾譬如以一壺水投於水中

壺中既實雖江湖之水不能入矣曰若思慮果出於正亦無害否曰且如在宗廟則主敬朝廷主莊軍旅主嚴此是也如發不以時紛然無度雖正亦邪

惟理可進除是積學既久能變得氣質則愚必明柔必強

江海之量亦大矣然有涯有涯亦有時而滿惟天地之量則無滿故聖人者天地之量也聖人之量道也常人之有量者天資也天資有量者湏有限然惟知道者量自然宏大不勉強而成

人絕有意於為公便是私心

問觀物察己還因見物反求諸身否曰不必如此說物我一理總明彼即曉此合內外之道也

窮理盡性至命只是一事才窮理便盡性才盡性便至命

孔子曰不知命無以為君子人苟不知命見患難必避遇得喪必動見利必趨其何以為君子欲聖人言命蓋為中人以下者設非為上智者言也中人以上於得喪之際不能不惑故有命之說然後能安若上智之人更不言命惟安於義借使求而得

然非義則不求此樂天者之事也上智之人安
我中人以上安於命乃若聞命而不能安之者
其每下者也

世所謂隱者或守一節或敦一行然不知有知
否曰若知道則不肯守一節一行也

物如何曰是不知道者也物也惡釋氏之
學又如釋氏要屏事不問這事是合有取合無
取是合有又安可屏彼方外者苟且務靜乃遠
心之問蓋非理明者也世方以為高惑矣
釋氏有出家出世之說家本不可出却為他不父其

父不母其母自逃去固可也至於世則怎生出得
既道出世除是不戴皇天不履后土始得然又却
渴飲而飢食戴天而履地

釋氏言成住壞空便是不知道只有成壞無住空

問釋八理障之說曰釋氏有此說謂既明此理而又
先去是理故為障此錯看了理字也天下只有一
箇理既明此理夫復何障若以理為障則是已與
理為二

今之學禪者平居高談妙法然世事往往直
有都不曉者此只是守靜明障

問西銘何如曰此橫渠文之粹者也曰克得盡時如

何曰聖人也橫渠能克盡否曰言有多端有有德
之言有造道之言有德之言謂曰己事如聖人言
聖人言也造道之言則知足以知此如賢人說聖
人事也造道儘高言儘難自孟子後儒者都無
他見識

孟子曰實紆只是中間有此氣象纔有英氣便有主
角英氣其害事如顏子便厚不同顏子去聖人
一毫髮之間孟子大賢亞聖之次也或問氣象於
其言元曰但以孔子之言比之便見如水與水晶
此不尤比之王自是有

耀之
天下才多少才只為道不

故不得有所成
如今人怎生會

得古人志詩知今人歌

舞喬去重雅皆習

聞其說而要其義故詩興起
於詩後世若師宿儒
尚不能曉其義意生書學
有是不得與於詩也

古禮既廢人倫不明以上治
不皆無法度是不得

立於禮也古人有政以養其
性情聲音以養其

耳聲所以養其血脈
一是不成於樂也

古之成材也易今之成材也難

今習俗如此不義然人却不至大故薄惡者只是為善在人心中者不可亡也魏鄭公言使民澆漓不復近朴當為鬼為魅此言甚是只為素養在人難俗甚惡亦成不得

問呂學士言當求喜怒哀樂未發之前曰若言存養於喜怒哀樂未發之時則可若求中於喜怒哀樂未發之前則不可於喜怒哀樂未發之前更怎生求只平日涵養便是涵養也則喜怒哀樂發自中節發而中節固是得中只將中和來分說便是和也

觀於四者未發之時靜時自有一般氣象及至接事時又自別何也曰善觀者不如此却於喜怒哀樂已發之際觀之

然說復其見天地之心皆以謂至靜能見天地之心非也復之卦下面一畫便是動也爻得謂之靜自占儒者皆言靜見天地之心惟某言動見天地之心或曰莫是於動上求靜不曰固是然最難或曰先生於喜怒哀樂未發之前下動字下靜字謂之靜則可然靜中須有物始得這裏便是

處學者莫若且先理會得敬能敬則自知此矣或曰敬何以用功曰莫若主一

李明曰啗嘗患思慮不定或思一事未了他事如麻又生如何曰不可此不誠之本也須是習習能專

一時便好不拘思慮與應事皆要求一

或問思一事或沉及他事莫是心不專否曰心專怎生解及別事

或曰當靜坐時物之過前而者還見不見曰看事如何若是大事如祭祀賓客明難纏及耳見物之

過者不見不聞也若無事時目須見耳須聞或曰當敬時雖見聞莫過焉而下面曰不說道非禮勿視勿聽勿言若禁止之辭總說弗字便不得也

問雜說中以赤子之心為已發是否曰已發而去道未遠也曰大人不失赤子之心若何曰取其純一

近道也曰赤子之心與聖人之心若何曰聖人之心如明鏡如止水

聖人無毫氣清也人於夢寐間亦可以卜自家所學之淺深如夢寐顛倒即是心志不定然存不固

問家貧親老應舉求仕不免有得失之慮倘備可以

免此曰此只是志不勝氣若志勝自無此累家貧親老須用祿仕然得之不得為有命曰在已固可為親奈何曰為已為親也只是是一事若不得其如命何

問心有有限量否曰以有限之形有限之氣苟不通之以道安得無限量孟子曰盡其心知其性心即性也在天為命在人為性論其所主為心其實只是一箇道苟能通之以道又豈有限量天下更無性外之物若云有限量除是性外有物始得

問心有善惡否曰在天為命在物為理在人為性主於身為心其實一也心本善發於思慮則有善有不善若既發則可謂之情不可謂之心譬如水只謂之水至如源而為派或行於東或行於西却謂之流也

問喜怒哀出於性否曰有性便有情無性安得情又問喜怒哀出於外如何曰非出於外感於外而發於中也問性之有喜怒哀猶水之有波否曰然湛然平靜如鏡者水之性也及過沙石或地勢不平便有湍激或風行其上便為波濤洶洶豈水之性也哉人性中只有四端又豈有許多不善底事然無水安

得波浪無性安得情也

聖人之言自有近處自有深遠處如近處怎生強要鑿教深遠得楊子曰聖人之言遠如天賢人之言近如地某與改之曰聖人之言其遠如天其近如地

持其志無暴其氣內外交相養也

性即是理

放心謂心本善而流於不善是放也

問出辭氣莫是於言語上用工夫否曰洎是養乎中自然言語順理今人熟底事說得便分明若是生

大學章句卷之三

伊川 主一

事便說得蹇澁洎是涵養久便得自然若是慎言語不妄發此却可着力

問博我以文約我以禮曰此是顏子稱聖人最切當處聖人教人只此兩字博是博學多識多聞多見之謂約只是使之知要也

如舜之誅四凶怒在四凶舜何與焉蓋因是人有所怒之事而怒之聖人之心本無怒也譬如明鏡好物來時便見是好惡物來時便見是惡鏡何嘗有好惡也

君子役物小人役於物今人見有可喜可怒之事目

家者一分陪奉他此亦勞矣聖人心如止水

問顏子勇乎曰孰勇於顏子觀其言曰舜何人也子

何人也有為者亦若是孰勇於顏子如有若無實

若虛犯而不撓之類抑可謂大勇者矣

曾子傳聖人之道只是一箇誠篤語曰參也魯如聖

人之門子游子夏之言語子張子貢之才辯聰明

者甚多卒傳聖人之道者乃曾魯之人人只要一

箇誠實聖人說忠信處甚多曾子孔子在時

後來所學不可測且易言之事非大賢以上作不

得曾子之後有子思便可見

金聲而玉振之此孟子為學者言終始之義也始於

致知智之事也行所知而至其極聖之事也易曰

知至至之知終終之是也

惟聖人然後踐形言聖人盡得人道也得天地之正

氣而生與萬物不同既為人須盡得人理衆人有

之而不知賢人踐之而未盡能踐形者惟聖人也

問君子時中莫是隨時否曰是也且試言一聽則中

與為中一家則聽中非中而堂中為中言一國則

室中非中而國之中為中推此類可見矣凡如初

寒時則薄裘為中如在盛寒而用初寒之裘則非

中如三過其門不入在禹稷之世為中若禹

禹稷不中矣居陋巷在顏子之時為中若三

其門入則非中也

問堯舜為武事迹雖不同其德有間否曰無間

生知湯武學而知之及其成功一也

人只有箇天理却不能存得更微甚人也人只

一箇天理

學者須是務實不要近名方是有意近名則大

失更學何事為名而學則是偽也今之學者大抵

為名為名與為利清濁雖不同然其利心一也如

孔子言疾沒世而名不稱只是言君子惟患無善

之可稱當沒沒為善非是使人求名也

仲尼當周衰職環天下顏子何以不仕曰此仲尼之

任也使孔子得行其道顏子不仕可矣然孔子既

當此任則顏子足可閉戶為學也

孟子有功於聖門不可言如仲尼只說一箇仁義立

人之道曰仁與義孟子開口便說仁義仲尼只說

一箇志孟子便說許多氣來只此二事其功甚多

未知道者如醉人方其醉時無所不至及其醒也

不愧耻人之末知學者自是以為無缺及既知

反思前日所為則駭且懼矣

聖人六經皆不得已而作如未邦陶冶一不制則生

人之用想後世之言無之不為缺有之徒為贅雖

多何益也聖人言雖約無有包含不盡處

中庸之書其味無窮極索玩味

君子之道本諸身發諸心豈遠乎哉

權只是經所不及者權量輕重使之合義總合義便

是經也

問作文害道否曰害也凡為文不專意則不工若專

意而志局於此又安能與天地同其大也書曰玩

不歸學而歸之

伊川 王五

物喪志為文亦玩物也呂與叔有詩云學如元凱

方成僻文似相如始類俳獨立孔門無一事只論

顏氏得心齋此詩甚好古之學者惟務養情性其

他則不學今為文者專務章句悅人耳目既務悅

人非俳優而何曰古者學為文否曰人見六經便

以謂聖人亦作文不知聖人只憑發習中所蘊自

成文耳所謂有德者必有言也曰游夏稱文學何

也曰游夏亦何嘗秉筆學為詞章也且如觀乎天

文以察世變觀乎人文以化成天下此豈詞章之

文也

聖人文章自歐與學為文者不同如繫辭之文使人

學不得譬之化工生物且如生出一枝花二

事我為之者或有繪畫為之者看時雖似相類

不若化工所生自有一般生意

人倚身刑家最急總脩身便到刑家上也

守身守之本心不能守身更說甚道義

問日新有進意抑只是無弊意曰有進意學者未有

益須是日新

伊川 王六

問有所忿懣恐懼憂患心不得其正是要無此數者

心乃正乎曰非是謂無只是不以此動其心學者

未列不動處須是執持其志

知至至之如今學者且先知有至處便從此至之是

可與幾也非知幾者安能先識至處知終終之知

學之終處而終之然後可與守義又云知至至之

只是至其道也

問生而知之要學否先生曰生而知固不待學然聖

人必須學

人心法欲也道心正心也危言不安欲言精微惟其

如此所以一惟精惟一者專要精一之也

之一之於能充中是極至處

臣子身上沒分外過當底事凡言舜言禹子為孝不

可謂曾子舜過於孝也

凡有血氣之類皆具五常但不知充而已矣

理也性也命也三者未嘗有異窮理則盡性盡性則

知天矣天命猶天道也以其用而言之則謂之

命命者造化之謂也

氣有善不善性則無不善也人之所以不知善者氣

昏而塞之耳孟子所以養氣者養之至則清明純

全而昏塞之患去矣

心生道也有是心斯具是形以生惻隱之心人之

道也雖稟賦不能無是以生但成賊之以滅天耳

始則不知愛物俄而至於忍安之以至於殺克之

以至於好殺豈人理也哉

智出於人之性人之智或入於巧偽而老莊之徒

欲棄智是豈性之罪也哉善乎孟子之言所惡於

智者為其鑿也

人心惟危道心惟微心道之所在微道之

道雖微一毫對放其良心者官之則謂之道

心

其良心則危矣惟精一所以行道也

問如何是格物曰格至也言窮至物理也問如何可

以格物曰但立誠意去格物其遲速却在人明暗

也明者格物速暗者格物遲

名分正則天下定

問心術最難如何執持曰敬

問夫子賢於堯舜曰此是說功堯舜治天下孔子又

推堯舜之道垂教萬世問堯舜非孔子其道能傳

後世否曰無孔子有甚憑據處

唐棣問使孔孟同時將與孔子金駕其說於天下耶

將學孔子耶曰安能金駕雖顏子亦未達一間耳

顏孟雖無大優劣觀其立言孟子終未及顏子

道未始有天人之別但在天則為天道在地則為地

道在人則為人道

凡人不可一日不見父母國君不可一歲不祭天以形體言之謂之天以主者言之謂之帝以功用言之謂之鬼神以妙用言之謂之神以性情言之謂之乾

問夜氣如何曰此只是言休息時氣清耳至平旦之氣未與事接亦清只如小兒讀書早晨便記得也凡人血氣須要理義勝之

問天道如何曰只是理理便是天道也且如說皇天震怒終不是有人在上震怒只是理如此

孟子言性之善是性之本孔子言性相近謂其稟受

處不相遠也人性皆善所以善者以四端之情可見故孟子曰是豈人之情也哉至於不能順其情而悖天理則流而至於惡故曰乃若其情則可以為善矣若順也

若夫學而知之氣無清濁皆可至於善而復性之本問性如何曰性即理也所謂理性是也天下之理原其所自未有不善喜怒哀樂未發何嘗不善發而中節則無往而不善

天下豈有二理

居敬則心中無物是乃簡也

周伯溫見先生先生曰學者要自得問如何可以自得曰思思曰睿睿作聖須是於思慮間得之大抵只是一箇明理

問孟子言心性天只是一理否曰然自理言之謂之天稟受言之謂之性自存諸人言之謂之心

守死善道人非不知終不肯為者只是知之淺信之未篤

志不可不篤亦不可助長志不篤則忘廢助長反不得杜預云優而柔之使自求之厭而飲之使自趣之若江海之浸膏澤之潤渙然冰釋怡然理順然後為得也此數句煞好

小人之怒在己君子之怒在物

聖人與理為一故無過無不及中而已矣其他皆以心處這箇道理故賢者常失之過不肖者常失之不及

夫民合而聽之則聖散而聽之則愚合而聽之則大同之中有箇秉彝在前是是非非無不當理故聖散而聽之則各任私意是非顛倒故愚蓋公義在私欲必不能勝也

天下雷行物與无妄先天後天皆合於天理者也人

欲則偽矣

脩身當學大學之序大學聖人之完書也其間先後

失次者已正之矣

人心私欲故危殆道心天理故精微滅私欲則天理明矣

看書須要見二帝三王之道如二典即求堯所以治民舜所以事君

人思如湧泉浚之愈新

信者無偽而已於天性有所損益則為偽矣易无妄曰天下雷行物與无妄動以天理故也

聖人無優劣有則非聖人也

主一者謂之敬一者謂之誠主則有意在

大學曰物有本末事有終始知所先後則近道矣人之學莫大於知本末終始致知在格物則所謂本也始也治天下國家則所謂末也終也治天下國家必本諸身其身不正而能治天下國家者無之格猶窮也物猶理也猶曰窮其理而已也窮其理然後足以致知不窮則不能致也格物者適道之始欲思格物則固已近道矣是何也以收其心而不放也

知者吾之所固有然不致則不得之而致知必有道故曰致知在格物

自格物而充之然後可以至聖人不知格物而先欲意誠心正身修者未有能中於理者

致知在格物非由外鑠我也我固有之也因物有遷迷而不知則天理滅矣故聖人欲格之

君子之學將以反躬而已矣反躬在致知致知在格物

學莫貴於自得非得非外也故曰自得

今世之人樂其所不當樂不樂其所當樂慕其所不當慕不慕其所當慕皆由不思輕重之分也

有學不至而言至者循其言亦可以入道荀子曰真

積力久則入杜預曰優而柔之使自求之厭而飲之使自趣之管子曰思之思之又重思之思之而不通鬼神將通之非鬼神之力也精神之極也此

三者循其言皆可以入道而荀子管子杜預初不能及此

聞見之知非德性之知物交物則知之非內也今之所謂博物多能者是也德性之知不假聞見

孔子曰梟也慾焉得剛甚矣慾之害人也人之為不

善欲誘之也誘之而弗知則至於天理滅而不知反故目則欲色耳則欲聲以至鼻則欲香口則欲味體則欲安此皆有以使之也然則何以窒其欲曰思而已矣學莫貴於思惟思為能窒欲曾子之三省窒欲之道也

喜怒哀樂之未發謂之中中也者言寂然不動者也故曰天下之大本發而皆中節謂之和和也者言感而遂通者也故曰天下之達道

學也者使人求於內也不求於內而求於外非聖人之學也何謂不求於內而求於外以文為主者是

大儒學錄卷之三

伊川

三十一

也學也者使人求於本也不求於本而求於末非聖人之學也何謂不求於本而求於末考詳備揀同異者是也是二者皆無益於身君子弗學

君子以識為本行次之今有人焉力能行之而識不

足以知之則有異端者出彼將流宕而不知反內不知好惡外不知是非雖有尾生之信曾參之孝

吾非貴矣

問顏子在陋巷而不改其樂與貧賤而在陋巷者何以異乎曰貧賤而在陋巷者處富貴則失乎本心顏子在陋巷猶是處富貴猶是

夜氣之所存者良知也良能也苟擴而充之化曰書

之所害為夜氣之所存然後可以至於聖人

孟子曰盡其心者知其性也知其性則知天矣心也性也天也非有異也

人皆有是道惟君子為能體而用之不能體而用之

者皆自棄也故孟子曰苟能充之足以保四海苟

不充之不足以事父母夫充與不充皆在我而已德盛者物不能擾而形不能病形不能病以物不能

擾也故善學者臨死生而色不變疾痛慘戚而心

不動由養之有素也非一朝一夕之力也

大儒學錄卷之三

伊川

三十二

知之非難也體而得之為難

事理一致微顯一源

學者必求其師記問文章不足以為人師以所學者

外也故求師不可不慎所謂師者何也曰理也義

也

君子之學貴乎一一則明明則有功

為學之道必本於思思則得之不思則不得也故書

曰思曰睿睿作聖思所以睿睿所以聖也

學以知為本

君子之學必日新日新者日進也不日新者必日退

也未有不進而不退者惟聖人之道無所進退以其所造者極也

孔子沒曾子之道日益廣大孔子沒傳孔子之道者

曾子而已曾子傳之子思子思傳之孟子孟子死不得其傳至孟子而聖人之道益尊

必井田必封建必肉刑非聖人之道也善治者放井

田而行之而民不病放封建而使之而民不勞放肉刑而用之而民不怨故善學者得聖人之意而不取其迹也迹也者聖人因一時之利而制之也

無好學之志則雖有聖人復出亦無益矣

六經卷之三

卷之三

三十五

有求為聖人之志然後可與其學學而善思然後可

與適道思而有得則可與立立而化之則可與權

實是實非能辨則循實是天下之事歸於一是是乃

理也循此理乃可進學至形而上者也

凡下學人事便是上達天理

古之學者為己其終至於成物今之學者為人其終

至於喪己

知之者在彼而我知之也好之者雖篤而未能有之

至於樂之則為己之所有

人心人欲道心天理

知既至自然意誠顏子有不善未嘗不知知之至也

知之至故未嘗復行他人復行知之不至也

致知在格物格至也物事也事皆有理至其理乃格

物也然致知在所養養知莫過於寡欲二字

正其理則萬事一一以貫之也

人安重則學堅固

學而不思則無得故罔思而不學則不進故殆博學

之審問之慎思之明辯之篤行之五者廢其一非

學也

泰伯三以天下讓者立文王則道被天下故泰伯以

六經卷之三

卷之三

三十五

天下之故而讓之也不必革命使紂賢文王為三

公矣

師商過不及其弊為楊墨楊出於義墨出於仁仁義

雖天下之美然如此者失之毫釐繆以千里

知言之善惡是非乃可以知人孟子所謂知言是也

必有諸已然後知言知之則能格物而窮理

恕者入仁之門

仁理也人物也以仁合在人身言之乃是人之道也

不當以體會為非心以體會為非心故有心小性大

之說聖人之神與天為一安得有二至于不勉

中不思而得莫不在此此心即與天地無異不可
小了也不可將心滯在知識上

和叔常言及相見則不復有疑既相別則不能無疑
然亦未知果能終不疑不知他既已不疑而終復
有疑何故伯淳言何不問他疑甚不如劇論

伯淳昔在長安倉中閑坐後見長廊柱以意數之已
尚不疑再數之不合不免令人一一聲言而數之
乃與初數者無差則知越着心把捉越不定

許渤與其子隔一牕而寢乃不聞其子讀書與不讀
書先生謂此人持敬如此曷嘗有如此聖人

根本須是先培養然後可立趨向也趨向既正所造
有淺深則由勉與不勉也

君子則所見者大小人則所見者小且近君子之志
所慮者豈止其一身直慮及天下千萬世小人之
慮一朝之忿曾不遑恤其身

中庸乃孔門傳授心法

陳經正問曰據貴一所見盈天地間皆我之性更不
復知我身之為我伊川笑曰他人食飽公無餒乎
楊子曰觀乎天地則見聖人伊川曰不然觀乎聖人
則見天地

雖多只是本領不是一齊差却

孟子曰養心莫善於寡欲伊川曰此一句不如理義
之悅我心猶芻豢之悅我口最親切有滋味然須
是體察得理義之悅我心真箇猶芻豢始得

暇日靜坐尹和靖孟敦夫張思叔侍伊川指面前水
盆語曰清靜中一物不可着才着物便搖動
顏子猶視聽言動不敢非禮乃所以事天也

致有為之事故憂

聖則無大小至於仁無上下大小而言之博施濟眾
亦仁也愛人亦仁也堯舜其猶病諸者猶難之也

博則廣而無極眾則多而無窮聖人必欲使天下
無一人之惡無一物不得其所然亦不能故曰病
諸脩己以安百姓亦猶是也

凡人有所計校者皆私意也孟子曰惟仁者為能以
大事小仁者欲人之善而矜人之惡不計校小大
強弱而事之故能保天下犯而不校亦樂天順
者也

君仁莫不仁君義莫不義天下之治亂係乎人君仁

不仁耳離是非則生於其心必害於其政豈待
乎作之於外哉昔者孟子三見齊王而不言事門
人疑之孟子曰我先攻其邪心心既正然後天下
之事可從而理也夫政事之失用人之非知者能
更之直者能諫之然非心存焉則一事之失救而
正之後之失者將不勝救矣格其非心使無不正
非大人其孰能之

論魯子易簪事曰是禮也君子所以貴乎禮者為其
以之而生以之而死如此其明也

若謂自得尤難其人謂之得者便是已有也豈不難

哉

尹彥明云初見伊川時教某看敬字某請益伊川曰

主一則是敬有趙承議從伊川學伊川亦今看敬

字趙請益伊川整衣冠容貌而已

問如何是道曰行處是

大凡學者學處患難貧賤

學者要先會疑

可以仕則仕可以止則止可以久則久可以速則速

此皆時也未嘗不合中故曰君子而時中

有人說無心伊川曰無心便不是只當云無私心

天心所以至仁者惟公爾人能至公便是仁

至敬者理也至著者象也體用一源顯微無間

只有義命兩字當行不當行者義也得失禍福命也

君子所處只視我如何耳

或謂科舉事業奪人之功是不然且一月之中以十

日為舉業餘日足可為學然人不志此必志于彼

故科舉之事不患妨功惟患奪志

伊川每見人靜坐便嘆其善學

先生甚愛表記中說君子莊敬日強安肆日偷蓋常

人之情才放肆則日就曠蕩自檢束則日就規矩

尹彥明言先生教人只是專令用敬以直內若用此

理則百事不敢輕為不敢妄作不愧屋漏矣習之

既久自然有所得也

先生教人專以敬以直內為本

顏淵問克己復禮之目夫子曰非禮勿視非禮勿聽

非禮勿言非禮勿動四者身之用也由乎中而應

外制於外所以養其中也顏淵請事斯語所以進

於聖人後之學聖人者宜服膺而勿失也因箴以

自警視箴曰心者本虛應物無迹操之有要視為

之則蔽交於前其中則遷制之於外以安其內克

已復禮久而誠矣聽箴曰人有秉彝本乎天性也
諸物化遂亡其正卓欲先覺知止有定閑邪存誠
非禮勿聽言箴曰人心之動因言以宣發禁躁妄
內斯靜專矧是樞機與戎出好吉凶榮辱惟其所
召傷易則誕傷煩則支已肆物忤出悖來違非
不道欽哉訓辭動箴曰哲人知幾誠之於思忘
勵行守之於為順理則裕從欲惟危遠次克念
兢自持習與性成聖賢同歸

心一也有指體而言者寂然不動是也有指用而言
者感而遂通天下之故是也惟觀其所見如何耳

四德之元猶五常之仁偏言則一事專言則包四者
天所賦為命物所受為性

一陽復於下乃天地生物之心也先儒皆以靜為見
天地之心蓋不知動之端乃天地之心也非知道
者孰能識之

仁者天下之公善之本也

人性本善有不可革者何也曰語其性則皆善也
其才則有下愚之不移所謂下愚有二焉自暴
自棄也人苟以善自治則無不可移者雖下愚
至皆可漸磨而進惟自暴者拒之以不信自棄

絕之以不為雖聖人與居不能化而入也仲尼
所謂下愚也然天下自暴自棄者非必皆昏愚
往往強戾而才力有過人者尚幸是也聖人以其
自絕於善謂之下愚然考其歸則誠愚也
在物為理處物為義

動靜無端陰陽無始非知道者孰能識之
仁者天下之正理失正理則無序而不和

孟子曰惻隱之心仁也後人遂以愛為仁愛自是
仁自是性豈可專以愛為仁孟子言惻隱之心
之端也既曰仁之端則不可便謂之仁

心譬如穀種生之性便是仁陽氣發處乃情也
性者自然完具信只是有此者也故四端不言信一

心通乎道然後能辨是非如持權衡以較輕重
所謂知言是也

或讀書講明義理或論古今別其是非或處事物
而處其當皆窮理也

思曰庸思慮久後庸自然生

思曰庸庸作聖致思如掘井初有泉水後有
得清者出來人思慮始皆濁濁後自明
問如何是近思曰以類推之

或問聖人之門其能三千獨稱顏子為好學於
六藝三千子非不習而通也然則顏子所學
何學也曰學以至聖人之道也聖人可學而至
曰然學之道如何曰天地絪縕五行之秀者
人其本也真而靜其未發也五性為曰仁義
智信形既生矣外物觸其形而動其中夫其
而七情出焉曰喜怒哀樂愛惡欲情既熾而
其性鑿矣是故覺者約其情使合於中正其
其性愚者則不知制之縱其情而至於邪僻
性而亡之然學之道必先明諸心知所養
行以求至所謂自明而誠也誠之之道在乎
篤信道篤則行之果行之果則守之固仁義
不離乎心造次必於是顛沛必於是出處
於是久而勿失則居之安動容周旋中禮
之心無自生矣故顏子所事則曰非禮勿
勿聽非禮勿言非禮勿動仲尼稱之則曰
則拳拳服膺而弗失之矣又曰不遷怒不
不善未嘗不知知之未嘗徇行也此其好
之道也然聖人則不思而得中顏子則
必思而後得必勉而後中其與聖人相去一

如寒暑雨暘無不通無不應者亦貞而已矣貞者
虛中無我之謂也
非明則動無所之非動則明無所用
經所以載道也誦其言辭解其訓詁而不及道乃無
用之糟粕耳
古之學者為己欲得之於己也今之學者為人欲見
知於人也
仁者先難後獲有為而作皆先獲也古人惟知為人
而已今人皆先獲也
張思叔請問其論或太高伊川不荅良久曰累高必
自下
尹彥明見伊川後半年方得大學西銘看
謝顯道見伊川伊川曰近日事如何對曰天下何思
何慮伊川曰是則是有此理賢却發却太早在伊
川直是會煖煉得人說了又道恰好着工夫也
橫渠學堂雙牖右書訂頑左書砭愚伊川曰是起爭
端改訂頑曰西銘砭愚曰東銘
楊中立問曰西銘言體而不及用恐其流遂至於蕪
愛何如伊川先生曰橫渠立言誠有過者乃在正
蒙西銘之書推此理以存義擴前聖所未發與孟

子性善養氣之論同功豈墨氏之比哉西銘明理一而分殊墨氏則二本而無分分殊之蔽私勝而失仁無分之罪兼愛而無義分立而推理一以止私勝之流仁之方也無別而迷兼愛以至於無父之極義之賊也子比而同之過矣且彼欲使人推而行之本為用也反謂不及不亦異乎本註云老

子在川上曰逝者如斯夫言道之體如此這重須是自見得張繹曰此便是無窮先生曰固是道無窮然怎生一箇無窮便道了得他

如讀論語舊時未讀是這箇人及讀了後來又只是這箇人便是不曾讀也

須是將聖人言語玩味入心記着然後力去行之自有所得

興於詩者吟咏情性淫暢道德之中而欲動之有吾與點之氣象又云興於詩是興起人之善意汪洋浩大皆是此意

天下之理莫善於中

人之所以不能安其止者動於欲也欲牽於前而求其止不可得也故艮之道當艮其背所見者在內

而背乃背之是所不見也止於所不見也謂我亂其心而止乃安不獲其身不見其身也謂我無我則止矣不能無我無可止之道行其庭不見其人庭除之間至近也在背則雖至近不見謂不交於物也外物不接內欲不萌如是而止乃得止之道於止為無咎也

人心須要定使他思時方思乃是今人都由心曰心誰使之曰以心使心則可人心自由便放下也

問人之燕居形體怠惰心不慢可否曰安有箕踞而心不慢者昔呂與叔六月中來緱氏閑居中見其

儼然危坐可謂敦篤矣學者須恭敬但不令拘迫拘迫則難久

顏子無形顯之過夫子謂其庶幾乃無祗悔也既未能不勉而中所欲不踰矩是有過也然其明而剛

故一有不善未嘗不知既知未嘗不遽改故不至於悔乃不遠復也學問之道無他也惟其知不善則速改以從善而已

夫人心正意誠乃能極中正之道而克實光輝

人心一有所欲則離道遠矣

人而無欲則怨欲惟仁者能之有之而能制其情不

行焉斯亦能也謂之仁則未可也

謝子與伊川別一年往見之伊川曰相別一年做得甚工夫謝曰也只去箇矜字曰何故曰子細檢點得來病痛盡在這裏若按伏得這箇罪過方有向進處伊川點頭因語在坐同志者曰此人為學切問近思者也

張思叔詬詈僕夫伊川曰何不動心忍性思叔慙謝見賢便思齊有為者亦若是見不賢而內自省蓋莫不在已

孟子曰事親若曾子可也未嘗以曾子之孝為有餘

大儒心學語錄卷之三

伊川

四十八

也蓋子之身所能為者皆所當為也

正倫理篤恩義家人之道也

人之處家在骨肉父子之間大率以情勝理以恩奪義惟剛立之人則能不以私愛失其正理故家人卦大要以剛為善

君子思不出其位位者所處之分也萬事各有其所得其所則止而安若當行而止當速而久或過或不及皆出其位也况踰分非據乎

人之止難於久終故節或移於晚守或失於終事或廢於父人之所同患也敦厚於終止道之至善也

賢者惟知義而已命在其中中人以下乃以命廢義

知言求之有道得之有命是求無益於得知命之不可求故自處以不求若賢者則求之以道得之以義不必言命

門人有居太學而欲歸應鄉舉者問其故曰蔡人勸習戴記決科之利也先生曰汝之是心已不可入於堯舜之道矣夫子貢之高識易嘗規規於貨利哉特於豐約之間不能無留情耳且貧富有命彼乃留情於其間多見其不信道也故聖人謂之不受命有志於道者要當去此心而後可語也

公孫赤語錄卷之三

伊川

四十九

人皆知趨利而避害聖人則更不論利害惟看義當為不當為便是命在其中也

問子罕言利所謂利者何利曰不獨財利之利凡有利心便不可如作一事須尋自家穩便處皆利心也聖人以義為利義安處便是利如釋氏之學皆本於利故便不是

問邢恕久從先生想都無知識後來極狠狠先生曰謂之全無知則不可只是義理不能勝利欲之心便至如此

謝湜自蜀之京師過洛而見程子子曰爾將何之曰

將試教官子弗荅湜曰何如子曰吾嘗買婢試之其母怒而弗許曰吾女非可試者也今爾求爲人師而試之必爲此媼笑也湜遂不行

漢策賢良猶是人舉之如公孫弘者猶強起之乃就對至如後世賢良乃自求舉耳若果有心曰我有望廷對欲直言天下事則亦可尚已若志在富貴則得志便驕縱失志則便放曠與悲愁而已

當世之務所尤先者有三一曰立志二曰責任三曰求賢今雖納嘉謀陳善箴非君志先立其能聽而用之乎君欲用之非責任宰輔其孰承而行之乎

大學章句卷之三

手十

君相協心非賢者任職其能施於天下乎此三者本也制於事者用也三者之中復以立志爲本所謂立志者至誠一心以道自任以聖人之訓爲可必信先王之治爲可必行不徂滯於近規不遷惑於衆口必期致天下如三代之世也

夫有物必有則父止於慈子止於孝君止於仁臣止於敬萬物庶事莫不各有其所得其所則安失其所則恃聖人所以能使天下順治非能爲物作則也惟止之各於其所而已

治身齊家以至平天下者治之道也建立紀綱分正

百職順天時以制事至於創制立度盡天下之事者治之法也聖人治天下之道惟此二端而已防小人之道正己爲先

人惡多事或人憫之世事雖多盡是人事人事不教人做更責誰做

問人於議論多欲直己無含容之氣是氣不平否曰固是氣不平亦是量狹

古人生子能食能言而教之大學之法以豫爲先人之幼也知思未有所主便當以格言至論日陳於前雖未曉知且當薰聒使盈耳充腹久自安習若

大學章句卷之三

手十

固有之難以他言惑之不能入也若爲之不預及乎稍長私意偏好生於內衆口辯言鑠於外欲其純完不可得也

學者須是潛心積慮優游涵養使之自得

人君致危亡之道非一而以豫爲多

大率以說而動安有不失正者男女有尊卑之序夫婦有倡隨之理此常理也若徇情肆欲惟說是動男率欲而失其剛婦徇說而忘其順則凶而無所利矣

人有欲則無剛剛則不屈於欲

人無遠慮必有近憂思慮當在事外

學者不可不通世務天下事譬如一家非我為則彼為非甲為則乙為

疑事者未有事至時先有疑端在心周羅事者先有周事之端在心皆病也

較事大小其弊為枉尺直尋之病

問量可學否曰可學進則識進識進則量進

造道深後雖聞常人語言至淺近事莫非義理

人必有仁義之心然後有仁義之氣粹然見於面

有人勞先生曰先生謹於禮四五十年應甚勞告先

生曰吾日履安地何勞何告他人日踐危地此乃

勞告也

人或勸先生以加禮近貴先生曰何不見責以盡禮而責之以加禮禮盡則已豈有加也

右三百八十八條

大儒心學語錄卷之四

後學金谿王萱輯

明道伊川二先生語

有德者得天理而用之既有諸已所用莫非中理

學者全體此心學雖未盡若事物之來不可不應但隨分限應之雖不中不遠矣

學者雖敬守此心不可急迫當栽培深厚涵泳於其

間然後可以自得但急迫求之只是私已終不足

以達道

學者全要識時若不識時不足以言學顏子陋巷自

樂以有孔子在焉若孟子之時世既無人安可不

以道自任

嘗謂以心知天猶居京師往長安但知出西門便可

到長安此猶是言作兩處若要誠實只在京師便

是到長安更不可別求長安只心便是天盡之便

知性知性便知天當處便認取更不可外求

學者識得仁體實有諸已只要義理栽培如求經義

皆栽培之意

昔受學於周茂叔每令尋仲尼顏子樂處所樂何事

真知與常知異嘗見一田夫曾被虎傷有人說虎傷

人衆莫不驚獨田夫色動異於衆若虎能傷人
三尺童子莫不知之然未嘗真知真知須如田夫
乃是故人知不善而猶爲不善是亦未嘗真知若
真知決不爲矣

今天赤子未能言其志意嗜欲人所未知其母必不
能知之然不至誤認其意者何也誠心愛敬而已
若使愛敬其民如其赤子何錯繆之有故心誠求
之雖不中不遠矣

欲知得與不得於心氣上驗之思慮有得中心悅豫
沛然有裕者實得也思慮有得心氣勞耗者實未
得也強揣度耳常有人言比因學道思慮心虛曰

人之血氣固有虛實疾病之來聖賢所不免然未
聞自古聖賢因學而致心疾者

聖人即天地也天地中何物不有天地豈嘗有心揀
別善惡一切涵容覆載但處之有道耳若善者親
之不善者遠之則物不與者多矣安得爲天地故
聖人之志止欲老者安之朋友信之少者懷之
晬面盎背皆積盛致然四體不言而喻惟有德者能
之

孟子言養心莫善於誠誠者天之道也思誠者人之道也

心莫善於誠誠既誠又何養此已不識誠又不知所
以養

詩書載道之文春秋聖人之用詩書如藥方春秋如
用藥治疾聖人之用全在此書所謂不如載之行
事深切著明者也

知仁勇三者天下之達德所以行之者一一則誠也
止是誠實此三者之外更別無誠

良能良知皆無所由乃出於天不繫於人

知道者進德而已有德則不習無不利如心得之則
施於四體四體不言而喻譬如學書者未得者須

心手相演而學苟得矣下筆便能書不必猜學
立清虛一大爲萬物之源恐未安須兼清濁虛實乃

可言神道體物不遺不應有方所
致知在格物格至也窮理而至於物則物理盡

得而後動與慮而後動異得在已如自使手舉物無
不從慮則未在意如手中持物以取物知其不利

鼓萬物不與聖人同憂此天與人異處聖人有不
爲天之所爲處

行禮不可全泥古須當視時之風氣自不同故所處
不得不與古異如今人面貌自與古人不同若

用古物亦不相稱雖重人作須有損益

訂頑之言極純無雜漢以來學者所未到

子厚以禮教學者最善學者先有所執守

凡學之難者終只死未有所止內不自足也譬之

物懸在空中苟無所倚着則不之東則之西故須

着摸他別道理只為自家不內足也譬之家貧民

金不索外求貧者見人說金須借他底者

朋友講習更莫如相觀而善工夫多

以書傳道與口相傳然不相干相見而言因事發明

則并意思一時傳了書須言多其實不盡

蓋人活物也又安得為槁木死灰既活則須有動作

須有思慮心欲為槁木死灰除是死也

只着一箇私意便是餒便是缺了他浩然之氣處誠

者物之終始不誠無物這裏缺了他則便這裏沒

這物浩然之氣又不待外至是集義所生者這一

箇道理不為善不為惡只是人不到他這裏

知此便是明善

生生之謂易是天之所以為道也天只是以生為道

繼此生理者即是善也善便有一箇元底意思元

者善之長萬物皆有春氣便是繼之者善也成之

者性也成却待他萬物自成其性須得

萬物皆只是一箇天理已何與焉至如言天討有罪

五刑五用哉天命有德五服五章哉此都只是天

理自然當如此人幾時與與則便是私意有善有

惡善則理當好五服自有一箇次第以章顯之惡

則理當惡彼自絕於理故五刑五用曷嘗容心喜

怒於其間哉舜舉十六相堯豈不知只以他善未

着故不自舉舜誅四凶堯豈不察只為他惡未著

那誅得他舉與誅曷嘗有毫髮厠於其間哉只有

一箇義理義之與比

人能將這一箇身公共放在天地萬物中一般者則

有甚妨礙雖萬身曾何傷乃知釋氏苦根塵者皆

是自私者也

要脩持他這天理則在德須有不言而信者言難為

形狀養之則須直不愧屋漏與慎獨這是箇持養

底氣象也

知止則自定萬物撓不動非是別將箇定來助知上

也

如天理底意思誠只是誠此者也敬只是敬此者也

非是別有一箇誠更有一箇敬也

天理云者這一箇道理更有甚窮已不為堯存不為桀亡人得之者故大行不加窮居不損這上頭來更怎生說得存亡加減是他原無少欠百理具備養心者且須是教他寡欲又差有功

中心斯須不和不樂則鄙詐之心入之矣此與敬以直內同理謂敬為和樂則不可然敬須和樂只是中心沒事也

天民之先覺譬之皆睡他人未覺來以我先覺故搖擺其未覺者亦使之覺及其覺也元無少欠蓋亦未嘗有所增加也適一般耳

大儒先生語錄卷之四
可欲之謂善便與元者善之長同理

禮樂不可斯須去身

不能反躬天理滅矣天理云者有理具備元無少欠故反身而誠只是言得已上更不可道甚道

觀天理亦須放開意思開闊得心寬便可見打撲了習心兩漏三漏子今如此混然說做一體猶二本那堪更二本三本今雖知可欲之為善亦須實有諸已便可言誠誠便合內外之道

須是大其心使開闊譬如為九層之臺須大做脚須得

醫家以不忍痛癢謂之不仁人以不知覺不認義理為不仁譬最近

所以謂萬物一體者皆有此理只為從那裏來生生之謂易生則一時生皆完此理人則能推物則氣昏推不得不可道他物不與有也人只為自私將自家軀殼上頭起意故看得道理小了他底放這身來都在萬物中一例看大小快活釋氏以不知此去他身上起意思奈何那身不得故却厭惡要得去盡根塵為心源不定故要得如枯木死灰然沒此理要有此理除是死也釋氏其實是愛身放不得故說許多譬如負販之蟲已載不起猶自更取物在身又如抱石沉河以其重愈沉終不道放下石頭惟嫌重也

萬物皆備於我不獨人耳物皆然都自這裏出去只是物不能推人則能推之雖能推之幾時添得一分不能推之幾時減得一分百理具在平鋪放着幾時道盡盡君道添得些君道多舜盡子道添得些孝道多原來依舊

孟子論四端處則欲擴而克之說約處則博學詳論而反約此内外交相養之道也

橫渠教人本只是謂世學膠固故說一箇清虛一大
只圖得人稍損得沒去就道理來然而人又更別
處走今日且只道敬

聖人之德行固不可得而名狀若顏子底一箇氣象
吾曹亦心知之欲學聖人且須學顏子後來曾子
子夏煞學得到上面也

今學主敬而不見得又不安者只是心生亦是太以
敬來做事得重此恭而無禮則勞也禮者是自然
底道理也只恭而不為自然底道理故不自在也
須是恭而安今容貌必端言語必正者只是天理

合如此本無私意只是箇循理而已

古人雖胎教與保傅之教猶勝今日庠序鄉黨之教
古人自幼學耳目游處所見皆善至長而不見異
物故易以成就今人自少所見皆不善才能言便
習穢惡日日消鑠更有甚天理須人理皆盡然尚
以此秉彜消鑠盡不得故且恁過一日之中起多
少巧偽萌多少機穽據此箇薰蒸以氣動氣宜乎
聖賢之不生和氣之不兆也尋常間或有些時和
歲豐亦出於幸也不然何以古者或同時或同家
金生聖人及至後世乃數千歲寂寥

講學本不消得理會然每與別撥出只是如今雜亂
膠固須着說破

理則天下只是一箇理故推至四海而準須是質諸
天地考諸三王不易之理故敬則只是敬此者也
仁是仁此者也信是信此者也又曰顛沛造次必
於是又言吾斯之未能信只是道得如此更難為
名狀

人之於患難只有一箇處置盡人謀之後却須泰然
處之有人過一事則心心念念不肯捨畢竟何益
若不會處置了放下便是無義無命也

物理最好玩

堯與舜更無優劣及至湯武便別孟子言性之反之
自古無人如此說只孟子分別出來便知得堯舜
是生而知之湯武是學而能之文王之德則似堯
舜禹之德則似湯武要之皆是聖人

維天之命於穆不已蓋曰天之所以為天也文王之
德之純蓋曰文王之所以為文也然則文王之德
直是似天昊天曰明及爾出王昊天曰旦及爾游
行只為常是這箇道理此箇亦須待他心熟便自
然別

外則生生則惡可已也須是熟方能如此苟爲不熟

不如稗裨

今志于義理而心不安樂者何也此則正是剝一箇
助之長雖則心操之則存舍之則亡然而持之太
甚便是必有事焉而正之也亦須且焦去如此者
只是德孤德不孤必有隣到德感後自無窒礙左
右逢其原也

得此義理在此甚事不盡更有甚事出得視世之功
名事業甚譬如閑視世之仁義者甚煦煦子子如
匹夫匹婦之爲諒也自是天來大事處以此理又

大儒學語卷之四

明道集

十

會何足論若知得這箇義便有進處若不知得則
何緣仰高鑽堅在前在後也竭吾才則又見其卓
爾

德者得也須是實到這裏須得

人於天理昏者是只爲嗜欲亂著他莊子言其嗜欲
深者其天機淺此言却最是

這箇義理仁者又看做仁了也知者又看做知了也

百姓又日用而不知此所以君子之道鮮矣此箇
亦不少亦不刺只是人看他不見

寂然不動感而遂通者天理之常元氣之微少不

存不爲桀亡父子君臣常理不易何曾動木石不

動故言寂然雖不動感便動感非自外也

若不一本則安得先天而又不違後天而奉天
天地安有内外言天地之心便是天識天地也人
在天地如魚在水不知有不直待出而方知動不
得

不愧屋漏便是箇持養氣象

孔孟之分只是要別箇聖人賢人如孟子若爲孔子
事業則儘做得只是難似聖人譬如剪絲以爲花
花則無不似處只是無他造化功綏斯來動斯和

大儒學語卷之四

明道集

十一

此是不可及處

敬而無失便是喜怒哀樂未發之謂中也敬不可謂
之中但敬而無失即所以中也

司馬子微嘗作坐忘論是所謂坐馳也

目畏尖物此事不得放過便與克下室中率置尖物
須以理勝他尖必不刺人也何畏之有

今日雜信鬼怪異說者只是不先燭理若於事上一

一理會則有甚盡期須只於學上理會

人心作主不定正如一箇翻車流轉動搖無頃更停
所感萬端又如懸鏡空中無物不入其中有甚定

形不學則却都不察及有所學便覺察得是為害
心若不倣一箇主怎生奈何有人胷中常若有兩
人焉欲為善如有惡以為之間欲為不善又若有
羞惡之心者本無二人此正交戰之驗也持其志
使氣不能亂此大可驗

人心緣境出入無時人亦不覺

使人謂之啞御史猶可且只是格君心

孟子將四端便為四體仁便是一箇木氣象惻隱之
心便是一箇生物春底氣象羞惡之心便是一箇
秋底氣象只有一箇去就斷割底氣象便是義也

六節心學講義卷之四

明道伊川 十二

推之四端皆然此箇事又看箇甚安排得也此箇
道理雖牛馬血氣之類亦然都恁備具只是流形
不同各隨形氣後便昏了然而惟人氣最清可以
輔相裁成天地設位聖人成能直行乎天地之中
所以為三才天地本一物地亦天也只是人為天
地心是心之動則分了天為上地為下兼三才而
兩之故六也

心所感通者只是理也無古今前後

萬物皆備於我此通人物而言禽獸與人絕相似只
是不能推然禽獸之性却自欲不待學不待教

養蒙養子之類是也人雖是靈却虧於後天多只
有一件嬰兒飲乳是自然非學也其他皆誘之也
欲得人家嬰兒善且自小不要引他留他真性特
他自然亦須完得此本性須別也

勿謂小兒無記性所歷事皆能不忘故善養子者當
其嬰孩鞠之使得所養全其和氣乃至長而性美
教之示以好惡有常至如養犬者不欲其升堂則
時其升堂而朴之若既朴其升堂又復食之於堂
則使孰從雖日撻而求其不升不可得也養異類
且爾況人乎故養正者聖人也

大儒心學講義卷之四

明道伊川 十三

世有以讀書為文為藝者曰為文謂之藝猶之可也

讀書謂之藝則求讀書者淺矣

君子之遇事無巨細一於敬而已簡細故以自崇非
敬也飾私智以為奇非敬也要之無敢慢而已語
曰居處恭執事敬雖之夷狄不可棄也然則執事
敬者固為仁之端也推是心而成之則篤敬而天
下平矣

道之外無物物之外無道是天地之間無適而非道
也即父子而父子在所親即君臣而君臣在所
以至為夫婦為長幼為朋友無所為而非道此道

所以不可須臾離也然則毀人倫去四大者其離於道也遠矣故君子之於天下也無適也無莫也義之與比若有適有莫則於道爲有間非天地之全也

釋氏之學滯固者入於枯槁䟽通者歸於肆恣五道則不然率性而已

仲尼言仁未嘗兼義獨於易曰立人之道曰仁與義而孟子言仁必以義配蓋仁者體也義者用也知義之爲用而不外焉者可與語道矣世之所論於義者多外之不然則混而無別非知仁義之說者也

大儒心學語錄卷之四

明道伊川 古

剛毅木訥質之近乎仁也力行學之近乎仁也若夫至仁則天地爲一身而天地之間品物萬形爲四肢百體夫人豈有視四肢百體而不愛者哉聖人仁之至也獨能體是心而已曷嘗支離多端而求之自外乎故能近取譬者仲尼所以示子貢以爲仁之方也醫書以手足風頑謂之四體不仁爲其疾痛不以累其心故也夫手足在我而疾痛不知焉非不仁而何世之忍心無恩者其自棄其體是而已

一物不該非中也一事不爲非中也一息不存非中也何忒爲其偏而已矣故曰道也者不可須臾離也可離非道也脩此道者戒慎乎其所不睹恐懼乎其所不聞而已由是而不息焉則上天之載無聲無臭可以馴致矣

君子之於中庸也無適而不中則其心與中庸無異體矣小人之於中庸無所忌憚則與戒慎恐懼者異矣是其所所以反中庸也

責善之道要使誠有餘而言不足則於人有益而我者無自辱矣

大儒心學語錄卷之四

明道伊川 五

門人有曰吾與人居視其有過而不告則於心有所不安告之而人不受則奈何曰與之處而不告其過非忠也要使誠意之交通在於未言之前則言出而人信矣

理與心一而人不能會之爲一

仲尼元氣也顏子春生也孟子并秋殺盡見仲尼無所不包顏子示不違如愚之學於後世有自然之和氣不言而化者也孟子則露其才蓋亦時然而已仲尼天地也顏子和風慶雲也孟子泰山巖巖之氣象也觀其言皆可以見之矣仲尼無迹顏子

微有迹孟子其迹着

人心常要活則周流無窮而不帶於一隅

孔子言語句句是自然孟子句句是實事

論學便要明理論治便須識體

孟子有功於道為萬世之師其才雄只見雄才便是

不及孔子處人須當學顏子便入聖人氣象

父子君臣天下之定理無所逃於天地之間安得天

分不有私心則行一不義殺一不辜有所不為有

分毫私便不是王者事

訂頑立心便達得天德

責上責下而中自恕已豈可任職分

萬物無一物失所便是天理時中

為君盡君道為臣盡臣道過此則無理

坤作成物是積學處乾知大始是成德處

雖公天下事若用私意為之便是私

惟上智與下愚不移移則不可知上之為聖下之為

狂在人一身念不念為進退耳

居處恭執事敬與人忠充此便辟面盎背有諸中必

形諸外觀其氣象便見得

不能動人只是誠不至於事厭倦皆是無誠處

氣直養而無害使然乎天地之間有少私意即是氣

虧無不義便是集義有私意便是餒

心具天德心有不盡處便是天德處未能盡何緣知

性知天盡已心則能盡人盡物與天地參贊化育

贊則直養之而已

敬義夾持直上達天德自此

雖射便見人誠古之教人莫非使之成已

自灑掃應對上便到聖人事

樂莫大焉樂亦在其中不改其樂須知所樂者何事

夷惠有異於聖人大成處然行一不義雖得天下不

為與孔子同者以其誠一也

惟善變通便是聖人

學原於思

孔子言仁只說出門如見大賓使民如承大祭看其

氣象便須心廣體胖動容周旋中禮自然惟慎獨

便是守之之法聖人脩己以敬以安百姓篤恭而

天下平惟上下一於恭敬則天地自位萬物自育

氣無不和四靈何有不至此體信達順之道聰明

睿知皆由此出以此事天饗帝中庸言鬼神之德

盛而絃之以微之顯誠之不可掩如此

繞塔說相輪不如便入塔登之始登時雖不見及上
到頂相輪為我有

天人本無二不必言合

論性不論氣不備論氣不論性不明二之則不是

人自孩提聖人之質已完只先於偏勝處發或仁或

義或孝或弟

覺悟便是信

自幼子常視無誑以上便是教以聖人事

人知思因神以發

怒驚皆是主心不定

大儒遺語錄卷之四

明道伊川 六

去氣偏處發便是致曲去性上脩便是直養然同歸

于誠

不有躬無攸利不立已後雖向好事猶為化物不得

以天下萬物撓己已立後自能了當得天下萬物

飢食渴飲冬裘夏葛若致些私吝心在便是廢天職

日月陰陽發見盛處

凡有氣莫非天凡有形莫非地

二氣五行剛柔萬殊聖人所由惟一理人須要復其

初

誠九四言貞吉悔亡言感之不可以心也

得養熟後泰然行將去便有進

百官萬務金鼓百萬之衆飲水曲肱樂在其中萬變

皆在人其實無一事

只是一箇誠天地萬物鬼神本無二

觀天地生物氣象

懈意一生便是自暴自棄

勿忘勿助長必有事焉只中道上行

忠信而入忠信而出

涵養着樂處養心便到清明高遠

疑然不動便是聖人

大儒遺語錄卷之四

明道伊川 九

多驚多怒多憂只去一事所偏處自克克得一件其

餘自正

人少長須激昂自進中年已後自至成德者事方可

自安

致知在格物物來則知起物各付物不役其知則意

誠不動意誠自定則心正始學之事也

明德新民豈分人我是成德者事

靜後見萬物自然皆有春意

和平依磬聲玉磬聲之最和平者養心

明善在明守善在誠

復卦非天地之心復則見天地之心聖人無復故未嘗見其心

忿欲忍與不忍便見有德無德

孔子所遇而安無所擇自子路觀孔子孔子為不恭

自孔子觀吾輩吾輩便隘惟其與萬物同流便能與天地同流

不應為總是罪過

小人小丈夫不合小了他本不是惡

語默猶晝夜晝夜猶生死死猶古今消息

鉛鍊性殊點化為金則不辨鉛鍊之性

以爲心語錄卷之四

息止也生也止則生不止則不生良始終萬物

曾點漆雕開已見大意故聖人與之

顏子所言不及孔子無伐善勿施勞是他顏子性分

上事孔子言安之信之懷之是天理上事

人雖睡着其識知各完只是人與喚覺便是他自然

理會得

誠則自然無累不誠便有累

人多昏其心聖賢則去其昏

聞見如登九層之臺

楊墨皆學仁義而流者也

古之學者為己今之學者為人古之仕者為人今之

仕者為己古之強有力者將以行禮今之強有力

者將以為亂

聖人於憂勞中其心則安靜中却有至憂

射則觀其至誠而已

不愧屋漏則心安而體舒

經所以載道也器所以適用也學經而不知道治器

而不適用奚益哉

讀論語孟子而不知道所謂雖多亦奚以為

今之學者岐而為三能文者謂之文士談經者謂之

大儒學錄卷之四

講師惟知道者乃儒學也

夫內之得有淺深外之來有輕重內重則可以勝

之輕得深則可以見誘之小

堯舜知他幾千年其心至今在

心要在腔子裏

體道少能體即賢盡能體即聖

只外面有些隙罅便走了

只學顏子不貳過

只是論得規矩準繩巧則在人

終生濁處不離居廣居處天下為難

君子之動動中自有靜

不覺便老而衰

不覺其大便大

致知但知止於至善為人子止於孝為人父止於慈

之類不須外面只務觀物而致知

也

仁者公也人此者也義者宜也權量輕重之權宜也

別也分定知者知也信者有此者也萬物皆有信

五常性也若夫惻隱之類皆情也凡動者謂之

仁者已欲立而立人已欲達而達人能近取譬曰

仁之方也已孔子之語仁以教人者惟此為望

之不出於公也

思無邪誠也

默而識之乃所謂學也惟顏子能之故孔子曰吾

回言終日不違如愚退而省其私者言顏子退而

省其在己者亦足以發此故仲尼知其不愚所謂

善學者也

董仲舒謂正其義不謀其利明其道不計其功孫思

邈曰膽欲大而心欲小智欲圓而行欲方可以法

矣今人皆反之者也○如臨深淵如履薄冰謂小

心也心也糾糾武夫公侯干城謂大膽也不為利回不

為義改行之方也是幾而作不俟終日智之固也

舍已從人最為難事已者我之所有雖痛舍之猶懼

守已者固而從人者輕也

參也魯然顏子沒後終得聖人之道者曾子也觀其

格手足之時之言可以見矣所傳者子思孟子皆

其學也

心風人力倍平常將死者識能預知只是他不着別

事雜亂無昏氣人須致一如此

君子欲以直內義以方外為學本

默而識之吾不得而見之矣得見善問者斯可矣

治其器必求其用學道者當如何爾

學始於不欺聞室

學者多蔽於解釋註疏不須用功添

大率把握不定皆是不仕

去不仁則仁存

仁載此四事由行而宜之謂義履此之謂禮知此之

謂智誠此之謂信

人必以忠信為本人無忠信則不可以為學

仁者在己何憂之有凡不任己逐物在外皆憂也

大知命故不憂此之謂也若顏子簞歎在他人則憂而顏子獨樂者仁而已

信之不篤執德無由弘

立則見其參於前也在輿則見其倚於衡也然後可以祈益

聖人無過湯武反之也其始未必無過所謂如日月之食乃君子之過

三月不違仁言其久過此則從心不踰矩聖人也聖人則渾然無間斷故不言三月此孔子所以惜其未上也

聖人天地之用也

由孟子可以觀易

後其見天地之心一言以蔽之天地以生物為心

克者勝也難勝莫如己勝己之私則能有諸己是反

身而誠者也凡言仁者能有諸己也必誠之在己

然後為克己禮亦理也有諸己則無不中於理君

子真儒教以直內義以方外所以為克己復禮也

克己復禮則事皆仁故曰天下歸仁人之視最

先非禮而視則所謂開目便錯了次聽次言次動

有先後之序人能克己則心廣體胖仰不愧俯不

作其樂可知有息則餒矣

君子有義有命求則得之舍則失之是求有益於得也求在我者也此言義也求之有道得之有命是求無益於得也求在外者也此言命也至於聖人則惟有義而無命行一不義殺一不辜而得天下不為也此言義不言命也

人心惟危人欲也道心惟微天理也

聖人所以應萬變而不窮者事各止當其所也若鑑

在此而物之妍媸自見於彼也聖人不與焉

孔子生而知之者也自十五以下事皆學而知之者

大德者謂之四

明道

三

所以教人也三十有所立四十能不惑五十知天

命而未至命六十聞一以知百耳順心通也凡人

聞一言則滯於一言一事則滯於一事不能貫通

耳順者聞言則喻無所不通七十從心然後至於

命

儒者只合言人事不合言有數直到不得已處然後

歸之於命可也

顏子有不善未嘗不知知之未嘗後行如顏子地位

豈有不善所謂不善者只是微有差失絕差失便

能知之知之便更不萌作顏子大率與聖人皆同

只這便有分別若無則便是聖人孟子子三省只是緊約束顏子便能三月之久到這地位工夫尤

難直是峻絕又大段着力不得

善學者要不為文字所格故文義雖錯而道理可

通行者不害也

心敬則內自直

匹夫悍卒見難而能死者有之矣惟情慾之牽妻孥之愛斷而不惑者鮮矣

思慮不得至於苦

合天人通義命此大賢以上事

人之多聞識却似藥物須要博識是所切用也

為天下安可求近效才計較着利害便不是

風竹便是感應無心如人怒我勿留留中須如風動

竹

聖人凡一言便全體用

君子而時中謂即時而中如禹稷當顏子之時不為

顏子所為非中也顏子亦然

學者必知所以入德不知所以入德未見其能進也

故孟子曰不明乎善不誠其身易曰知至至之

古人善推其所為而已矣此特告齊宣王聖人則

不待推

後者反本也本有而去之今來復乃見天地之心也乃天理也此賢人之事也

學者有所得不必在談經論道間當於行事動容周旋中禮得之

致知在格物格至也窮理而至於物則物理盡

天下寧無魏公之忠亮而不可無忠臣之義昔事建

成而今事太宗可乎

天地何意於仁鼓舞萬物而不與聖人同憂聖人則

仁此其為能弘道也

學者今日無可添惟有可減減盡便無事

窮理盡性至命一事也才窮理便盡性盡性便至命

因指柱曰此木可以為柱理也其曲直者性也其

所以曲直者命也理性命一而已

或問忠恕之別曰猶形影也無忠則不能為恕矣

王道與儒道同皆通貫天地學純則純王純儒也

德至於無我者雖善言美行無非所過之化也

教人者養其善心而惡自消治民者導之敬讓而無

自息

善學者取諸身而已自一身以觀天地

或問孝天之經何也曰本乎天者親上輕清者是也
本乎地者親下重濁者是也天地之常莫不反本
人之孝亦反本之謂也

盡心之性不假存養其惟聖人乎

或問涵養曰若造得到更說甚涵養

心定者其言重以舒不定者其言輕以疾

或言絕筆後王者可革命大非也孔子時惟可尊周

孟子時方可革命時變然也前一日不可後一日

不可

或謂孔子尊周孟子欲齊王行王政何也曰譬如一

大儒家語卷之四

明道伊川

樹有可栽培之則栽培之不然須別種賢聖何心

視天命之改與未改耳

釋氏談道非不上一貫觀其用處便作兩截

精一便是執中底道理

內直則其氣浩然養之則為大人

鼓萬物而不與聖人同憂聖人有為之功天地不幸

之功

聖人責已感也處多責人應也處少

聖人之責人也常緩便見只欲事正無顯人過惡之

意

瞻之在前過也忽然在後不及也如有所立卓爾聖
人之中也

聖人之量與天地並故至多不盈至少不虛

人有篤志力行而不知道者

古之學者必先學詩學詩則誦讀其善惡是非勸戒

有以起發其意故曰興人無禮以為規矩則身無

所處故曰立此禮之文也中心斯須不和不樂則

鄙詐之心入之不和樂則無所自得故曰成此樂

之本也古者玉不去身無故不撤琴瑟自成童入

學四十而出仕所以教養之者備矣理義以養其

大儒家語卷之四

明道伊川

心禮樂以養其血氣故其才高者為聖賢下者亦

為吉士由養之至也

欲有名而為之之類皆是以為利也

有天下國家者以知人為難以親賢為急

右二百五十五條

書明道伊川二先生語後

二程先生之學實得諸周子之傳以上承乎孔

孟者也孔子之道傳之顏子曾子子思以及孟

子孟子既歿其傳泯焉者千有五百餘年矣周

子始得其傳故其心學之情蘊見諸太極圖

之所論說者粹然一出於正然當時未有知其
學者惟程大中知之故二程子年方十五六倍
受學焉而主靜無欲之旨得諸授受之間者蓋
發其源正其本矣故二程子之學一以誠敬爲
主以全其心之本體之正而所以訓誨學者必
提挈誠敬以爲之標準與夫定性有書好學有
論易春秋有傳發心有主無主之說斥佛老二
氏似是之非有功於聖門有功於天下後世者
甚大當時門人記錄其語今悉備於遺書尋其
言而得其心則知二先生之學真足以傳周子
之心傳顏魯思孟之心傳孔子之心也是故其
道之中正其學之精純一而已矣故伊川之言
曰我昔狀明道先生之行我之道蓋與明道同
異時欲知我者求之此文可也若夫兩夫子之
所不同者語其天質則一溫醇一英發語其氣
象則一從容一嚴毅語其待物則一以敬引成
就爲心一以尊立師道自任一則如顏子之和
風慶雲一則如孟子之泰山巖巖若此者雖曰
不同何害其爲道之同哉明道之教於吾學爲
多而伊川之功本嘗不盡伊川之教於吾學爲

多而涵養之實未嘗不篤遺書具在昭然可考
世之論者徇一偏之私見反疑其不同而有獨
尊明道之說非惟不知伊川抑亦不知明道矣
真竊嘗潛心深有所見謹備錄其語之切于心
學者僭論于末以明二先生之道之學其致一
而已矣嗚呼俟諸百世其將不惑矣
嘉靖甲午六月初日黃謹書



太儒心學語錄卷之九

後學金鑑王堯輯

橫渠張先生語

先生作西銘曰乾稱父坤稱母予茲藐焉乃混然中
與故天地之塞五其體天地之帥吾其性民吾同
胞物吾與也大君者吾父母宗子其大臣宗子之
家相也尊高年所以長其長慈孤弱所以幼吾幼
聖其合德賢其秀也凡天下疲癯殘疾惻獨鰥寡
皆吾兄弟之顛連而無告者也于時保之子之翼
也樂且不憂純乎孝者也遠曰悖德害仁曰賊濟

大儒心學語錄卷之九

橫渠

惡者不才其戕形惟肖者也知化則善述其事窮
神則善繼其志不愧屋漏為無忝存心養性為匪
懈惡旨酒崇伯子之顧養育英才穎封人之錫類
不弛勞而底豫舜其功也無所逃而待烹申生其
恭也體其受而歸全者參乎勇於從而順令者伯
奇也富貴福澤將厚吾之生也貧賤憂戚庸玉女
於成也存吾順事沒吾寧也

又作東銘曰戲言出於思也戲動作於謀也發於聲
見乎四支謂非已心不明也欲人無已疑不能也
過言非心也過動非誠也失於聲繆迷其四體謂

已當然自誣也欲他人已從誣人也或者謂出於
心者歸咎為已戲失於思者自誣為已誠不知戒
其出汝者歸咎其不出汝者長傲且遂非不知孰
甚焉

精義入神事豫吾內求利吾外也利用安身素利吾
外致養吾內也窮神知化乃泰盛自致非思勉之
能強故崇德而外君子未或致知也

形而後有氣質之性善反之則天地之性存焉故氣
質之性君子有弗性者焉

德不勝氣性命於氣德勝其氣性命於德窮理盡性

大儒心學語錄卷之九

橫渠

則性天德命天理氣之不可變者獨死生脩大而
已

莫非天也陽明勝則德性用陰濁勝則物欲行領惡
而全好者其必由學乎

大其心則能體天下之物物有未體則心為有外世
人之心止於見聞之狹聖人盡性不以見聞梏其
心其視天下無一物非我孟子謂盡心則知性知
天以此天大無外故有外之心不足以合天心見
聞之知乃物交而知非德性所知德性所知不萌
於見聞

仲尼絕四自始學至成德竭兩端之教也意有思也
必有待也固不化也我有方也四者有一焉則與
天地為不相似矣

上達反天理下達徇人欲者歟

知崇天也形而上也通晝夜而知其知崇矣知及之
而不以禮性之非已有也故知禮成性而道義出
如天地位而易行

困之進人也為德辯為感速孟子謂人有德慧術智
者常存乎疾疾以此

言有教動有法晝有為宵有得息有養瞬有存

六經學記卷之五

橫渠

王

將脩已必先厚重以自持厚重知學德乃進而固
矣忠信進德惟尚友而急賢欲勝已者親無如改
過之不吝

先生謂范異之曰吾輩不及古人病源何在異之請

問先生曰此非難悟設此語者蓋欲學者存意之

不忘庶游心浸熟有一日脫然如大寐之得醒耳

未知立心惡思多之致疑既知所立惡講治之不

精講治之思莫非術內雖勤而何厭所以急於可

欲者求立吾心於不疑之地然後若決江河以利

吾往遂此志務時敏厥脩乃來故雖仲尼之才之

其自適非所關也

明者為本固執之乃立則大易視之則小在

人能弘之而已今且只學德性而道問學為心

日自求於問學者有所著否於德性有所懈否此

義亦是博文的禮下學上達以此警策一年安得

不長每日須求多少為益知所亡改得少不善此

德性上之益讀書求義理編書須理會有所歸著

勿徒寫過又多識前言從行此問學上益也勿使

有俄頃閑度逐日似此三年庶幾有進

六經學記卷之五

橫渠

四

為天地立心為生民立道為去聖繼絕學為萬世開

太平

載所以使學者先學禮者口為學禮則便除去了世

俗一副當習熟纏繞盤旋之延蔓之物解纏繞即上

去苟能除去了一副當世習便自然脫洒也又學

禮則可以守得定

須放心寬快公平以求之乃可見道況德性自廣大

易曰窮神知化德之盛也豈淺心可得

人多以老成則不肯下問故終身不知又為人以

義先覺處之不可復謂有所不知故亦不肯下

從不肯問遂生百端終身不知

多聞不足以盡天下之故苟以多聞而待天下之變則道足以酬其所嘗知若劫之不測則遂窮矣

為學大益在自求變化氣質不爾皆為人之弊卒無所發明不得見聖人之與故學者先須變化氣質變化氣質與虛心相表裏

文要密察心要洪放

不知疑者只是不便實作既實作則須有疑必有不

行處是疑也

心大則百物皆通心小則百物皆病

五

人雖有功不及於學心亦不宜忘心苟不忘則雖接人事即是實行莫非道也心若忘之則終身由之

只是俗事

合內外平物我此見道之大端

既學而先有以功業為意者於學便相害既有意必穿鑿創意作起事端也德未成而先以功業為事是代大匠斲希不傷手也

竊嘗病孔孟既沒諸儒囂然不知反約窮源勇於苟作持不逮之資而急知後世明者一覽如見肺腑然多見其不知量也方且創艾其弊默養吾誠

所患日力不足而未果他為也

學未至而好語變者必知終有患蓋變不可輕議若驟然語變則知操術已不正

凡事蔽蓋不見底只是不求益有人不肯言其道義所得所至不見得底又非於吾言無所不說

耳目役於外攬外事者其實是自墮不肯自洽只言短長不能反躬者也

學者大不宜志小氣輕志小則易足易足則無由進氣輕則以未知為已知未學為已學

吞范異之曰所訪物惟神姦此非難語顧語未必信

六

耳孟子所論知性知天學至於知天物所從出當源源自見知所從出則物之當有當無莫不心喻

亦不待語而後知諸公所論但守之不失不為異端所劫進進不已則物惟不須辯異端不必攻不

逾期年吾道勝矣若欲委之無窮付之以不可知則學為疑撓智為物皆交求無間卒無以自存而溺於恠妄必矣

子貢謂夫子之言性與天道不可得而聞既言夫子之言則是居常語之矣聖門學者以仁為己任不以苟知為得必以了悟為聞因有是說

義理之學亦須深沉方有造非淺易輕浮之可得也
學不能推究事理只是心籠至如顏子未至於聖人
處猶是心籠

博學必文者只要得習坎心亨蓋人經歷險阻艱難
然後其心亨通

義理有疑則濯去舊見以求新意心中有所開即便
割記不思則還塞之矣

更須得朋友之助一日間意思全別須日日如此講
論文則自覺進也

凡致思到說不得處始復審思明辯乃為善學也若
大儒學語錄卷之五

告子則到說不得處遂已更不復求

始學之要當知三月不違與日月至焉內外賓主之
辨使心意勉勉循循而不能已過此幾非在我者

心清時少亂時常多其清時視明聰聰四體不待
束而自然恭謹其亂時反是如此何也蓋用心未

熟客慮多而常心少也習俗之心未去而實心未
完也

久又要得剛大柔則入於不立亦有人生無喜怒哀
則又要得剛剛則守得定不回進道勇敢戰則此
他人自是勇處事

戲謔不惟害事志亦為氣所流不戲謔亦是持氣之
一端

正心之始當以已心為嚴師凡所動作則知所懼如
此一二年間守得牢固則自然心正矣

定然後始有光明若常移易不定何求光明易大抵
以良為止止乃光明故大學定而至於能慮人心
多則無由光明

動靜不失其時其道光明學者必時其動靜則其道
乃不蔽昧而明白今人從學之久不見進長正以

莫識動靜見他人擾擾非干已事而所脩亦廢由
大儒學語錄卷之五

聖學觀之真真悠悠以是終身謂之光明可乎

敦篤虛靜者仁之本不輕妄則是敦厚也無所繫聞
昏塞則是虛靜也此難以頓悟苟知之須必於道

實體之方知其味夫仁亦在乎熟之而已
湛一氣之本攻取氣之欲口腹於飲食鼻口於臭味

皆攻取之性也知德者屬厭而已不以嗜欲累其
心不以小害大未喪本焉爾

纖惡必除善斯成性矣察惡未盡雖善必粗矣
惡不仁故不善未嘗不知徒好仁而不惡不仁則
一不察行不名是故徒善未必盡美徒是未公也

好仁而惡不仁然後盡仁義之道

責己者當知無天下國家皆非之理故學至於不尤人學之至也

有潛心於道忽忽為他慮引去者此氣也舊習纏繞未能脫洒畢竟無益但樂於舊習耳

古人欲得朋友與琴瑟簡編常使心在於此惟聖人知朋友之取益為多故樂得朋友之來

矯輕警惰

仁之難成久矣人人失其所好蓋人人有利欲之心

與學正相背馳故學者要寡欲

大學章句卷之五

學

九

君子不必避他人之言以為太柔太弱至於瞻視亦

有節視有上下視高則氣高視下則心柔故視國

君者不離紳帶之中學者先須去其客氣其為人

剛行終不肯進堂堂乎張也難與金為仁矣蓋目

者人之所常用心且當託之視之上下且試之已

之敬傲必見於視所以欲下其視者欲柔其心也

柔其心則聽言敬且信人之有朋友不為燕安所

以輔佐其仁今之朋友擇其善柔以相與拍有執

袂以為氣合一言不合怒氣相加朋友之際欲其

相下不倦故於朋友之間士其敬者日相親與得

效最速仲尼嘗曰吾見其居於位也與先生並行

也非求益者欲速成者則學者先須溫柔則可以

進學詩曰溫溫恭人惟德之基蓋其所益之多

世學不講男女從幼便驕惰壞了到長益兇狠只為

未嘗為子弟之事則於其親已有物我不肯屈下

病根常存又隨所居而長至死只依舊為子弟則

不能安灑掃應對在朋友則不能下朋友有官長

則不能下官長為宰相則不能下天下之賢甚則

至於徇私意義理都喪也只為病根不去隨所居

所接而長人須一事事消了病則義理常勝

大學章句卷之五

學

十

坎維心亨故行有尚外雖積陰苟處之心亨不疑則

雖難必濟而往有功也今水臨萬仞之山要下即

下無復凝滯之在前惟知有義理而已則復何回

避所以心通

法立而能守則德可久業可大鄭聲佞人能使為邦

者喪其所守故放遠之

鄭衛之音悲哀令人意思留連又生怠惰之意從而

致驕淫之心雖珍玩奇貨其始感人也亦不如是

切從而生無限嗜好故孔子曰必放之亦是聖人

經歷過但聖人能不為物所移耳

人多言安於貧賤其實只是計窮力屈才短不能營
畫耳若稍動得恐未肯安之湏是誠知義理之樂
於利欲也乃能

天下事大患只是畏人非笑不養車馬食麤衣惡居
貧賤皆恐人非笑不知當生則生當死則死今日
萬鍾明日棄之今日富貴明日饑餓亦不恤惟義
所在

人所以不能行已者於其所難者則惰其異俗者雖
易而羞縮惟心弘則不顧人之非笑所趨義理耳
視天下莫能移其道然為之人亦未必惟正以在

已者義理不勝情與羞縮之病消則有長不消則
病常在意思齷齪無由作事在古氣節之士冒死
以有為於義未必中然非有志縣者莫能況吾於
義理已明何為不為

恭敬樽節退讓以明禮仁之至也愛道之極也
已不勉明則人無從倡道無從弘教無從成矣
學者捨禮義則飽食終日無所猷為與下民一致所
事不踰衣食之間燕遊之樂耳

誠明所知乃天德良知非聞見小知而已
天人異用不足以言誠天人異知不足以盡明所謂

誠明者性與天道不見乎小大之別也

生直理順則吉凶莫非正也不直其生者非幸福於
回則免難於苟也

中正然後貫天下之道此君子之所以大居正也蓋
得正則得所止得所止則可以弘而至於大樂正
子顏淵知欲仁矣樂正子不致其學足以為善人
信人志於仁無惡而已顏子好學不倦合仁與智
具體聖人獨未至聖人之止耳

有受教之心雖蠻貊可教為道既異雖黨類難相為
謀

能通天下之志者為能感人心聖人同乎人而無我
故和平天下莫盛於感人心

天道四時行百物生無非至教聖人之動無非至德
夫何言哉

默而成之存乎德行學者常存德性則自然默成而
信矣

人有是心在隱微必乘間而見故君子雖處幽獨防
亦不懈

精義入神豫之至也

徇物喪心人化物而滅天理者乎存神過化忘物累

而順性命者乎

大可爲也大而化不可爲也在熟而已

天所以長久不已之道乃所謂誠仁人孝子所以事

天誠身不過不已於仁孝而已故君子誠之爲貴

自明誠由窮理而盡性也自誠明由盡性而窮理也

天良能本吾良能顧爲有所喪耳明天人之本無二

心能盡性人能弘道也性不知檢其心非道弘人也

性於人無不善繫其善反不善反而已過天地之化

不善反者也命於人無不正繫其順與不順而已

行險以僥倖不順命者也

在帝左右察天理而左右也天理者時義而已君子

教人舉天理以示之而已其行已也述天理而時

措之也

天之不禦莫大於太虛故心知廓之莫究其極也人

病其以耳目見聞累其心而不務盡其心故思盡

其心者必知心所從來而後能

身而體道其爲人也太矣道能物身故大不能物身

而累於身則藐乎其卑矣

成心忘然後可與進於道成心者私意也

以我視物則我大以道體物我則道大故君子之大

也大於人於我者客不免狂而已

燭天如日月無所隱窮人欲如東顧影聞

區區一物之中爾

知德以大中爲極可謂知至矣擇中庸而固執之乃

至之之漸也惟知學然後能勉勉然後日進而

不息可期矣

不德性則學問從而不得致廣大則精微無所

立其誠不極高明則擇乎中庸失時措之宜矣

不得已當爲而爲之雖殺人皆義也有心爲之雖善

皆意也有意爲善利之也假之也無意爲善性之

也由之也

天地一貫則無意必固我之鑒意必固我一物存焉

非誠也四者盡去則直養而無害矣

大人所存蓋必以天下爲度故孟子教人雖形色之

欲親長之私建諸天下而後已

天下何思何慮行其所無事斯可矣

精舍舍已者也與人爲善舜也聞善言則拜也聞

人惟已改過不吝湯也不聞亦式不諫亦入文王

也皆虛其心以爲天下也

君子寧言之下顧不規規於非義之信寧之誠固

不向人以非禮之恭此之無助不失

困辱非憂取困辱為憂非樂忘榮利為樂

敬斯有立有立斯有為

敬禮之興也不敬則禮不行

由太虛有天之名由氣化有道之名合虛與氣有性

之名合性與知覺有心之名

求大中不可不知權

仁統天下之善禮嘉天下之會義公天下之利信一

天下之動

德主天下之善善原天下之一善同歸治故王心一

言必主德故王言大

天授於人則為人受於天則為性

富貴貧賤者皆命也今有人均為勤苦有富貴者有

終身窮餓者其富貴者即是幸會也求而有不得

則是求無益於得也道義則不可言命是求在我

者也人一已百人十已千如此不至者猶難罪性

語氣可也同行報異猶難語命語遇可也氣與遇

性與命切近氣猶未易言也

問智愚之說雖於有性善惡之根差疑於有命

性通極於無氣其一物爾命稟同於性過乃適然

兩

虛心然後能盡心

虛心則無外以為累

心既虛則公平公平則是非較然易見當為不當為

之事自知

有性則有情

道所以可父可大以其肖天地而不雜也與天地不

相似其違道也遠矣

天地之道無非以至虛為實人須於虛中未出實聖

人虛之至故擇善自精

太虛者自然之道行之要在思故又曰思誠

所謂天理也者能說諸心能通天下之志之理也

接物處皆是小德統會處便是大德

富貴之得不得天也至於道德則在已求之而無不

得也

循天下之理之謂道得天下之理之謂德故曰易簡

之善配至德

虛則生仁仁在理以成之

誠則實也太虛者天之實也萬物取足於太虛人亦

出於太虛太虛者心之實也

誠者虛中求出實

賢人當為天下知聖人當受命雖不受知不受命然

為聖為賢乃吾性分當勉爾

洪鍾未嘗有聲由扣乃有聲聖人未嘗有知由問乃

有知或謂聖人無知則當不問之時其猶木石乎

曰有不知則有知無不知則無知故曰聖人未嘗

有知由問乃有知也聖人無私無我故功高天下

而無一介累於其心蓋有一介存焉未免乎私已

也

大學章句卷之五

顏子知當至而至焉故見其進也不極善則不處焉

故未見其止也知必至者如志於道致廣大極高

明此則儘遠大所處則直是精約極善者須以中

道方謂極善蓋過則便非善不及亦非善此極善

是顏子所求也所以瞻之在前忽焉在後夫子高

遠處又要求精約處又要至顏子之分必是入神

處又未能精義處又未至然顏子雅意則直要做

聖人

孟子於聖人猶是麓者

在始學者得一義須固執從粗入精也如孝事親忠

事君一種是義然其中有多少義理也

聞見之善謂之學則可謂之道則不可須是自求已

能尋見義理則自有旨趣自得之則居之安矣

學者只是於義理中求蓋求之則須有得發源端本

處既不誤則義可以自求

人欲得正已而物正大抵道義雖不可緩又不欲急

迫在人固須求之有漸於已亦然蓋精思索慮以

求太切則其心隘惟是得心弘放得如天地易簡

易簡然後能應物皆平正

玩心未熟可求之平易勿迂也若始求太深恐自致

愈遠

為學所益在於正心求益若求之不已無有不獲惟

勉勉不忘為要耳

人若志趣不遠心不在焉雖學無成人情於進道無

自得達日非成德君子必勉勉至從心所欲不踰

矩方可放下德薄者終學不成也

慕學之始猶聞都會盛麗未見其美而知其有美不

疑步步進則漸到盡則自棄也

觀書解大義非聞也必以了悟為聞

學然後知不足有若無實若虛此顏子之所以進也

變化氣質孟子曰居移氣養移體況居天下之廣居者乎居仁由義自然心而體正更要約時但拂去舊日所為使動作皆中禮則氣質自然全好禮曰心廣體胖心既弘廣則自然舒泰而樂也若心但能弘廣不謹敬則不立若但能謹敬而心不弘廣則入于隘須寬而敬大抵有諸中者必形諸外故君子心和則氣和心正則氣正其始也固亦須矜持古之為冠者以重其首為履者以重其足至於盤盂几杖為銘皆所以慎戒之

人之氣質美惡與貴賤天壽之理皆有所受分定如

氣質惡者學即能移今人所以多為氣所使而不得為賢者蓋不知為學

天資美不足為功惟矯惡為善矯情為勤方足為功有志於功者都更不論氣之美惡只看志如何匹夫不可奪志也惟患學者不能堅勇

吾學不振非強有力者不能自奮惟信篤持敬何患不至

人之有耻於就問只是病在不知求是為心故學者當毋我

任私意以求是未必是虚心以求是方為是夫道

與不仁是與不是而已

人必不能便無是心是思慮但使常游心於義理

之間立本處以易簡而天下之理得

仲尼一以貫之蓋只並義理都貫却學者但養心

識明靜自然可見

大中天地之道也得大中陰陽鬼神莫不盡之矣

求心之始如有所得久思則茫然復失何也夫求心

不得其要鑽研太甚則惑心之要只是欲平曠孰

後無心如天簡易不已今有心以求其虚心則是

已起一心無由得虛切不得令心煩求之太切則

反昏惑孟子所謂助長也孟子亦只言存養而已

此非可以聰明思慮力所能致也

學者欲其進須敬其事則有立有立則有成未有不

敬而能立不立則安可望有成

靜有言得大處有小處如仁者靜大也靜而能慮則

小也始學者亦要靜以入德至成德亦只是靜

尊其所聞則高明行其所知則光大凡未理會至實

處如空中立終不曾踏着實地

盡得天下之物方要窮理窮得理又須要實到孟子

曰萬物皆備於我矣反身而誠樂莫大焉實到其間方可言知未知者方且言識之而已既知之又行之惟艱萬物皆備於我矣又却要強恕而行求仁爲近

凡所事當爲一事意不過則推類如此善也一事意得過以爲且休則百事廢其病常在謂之病者爲其不虛心也病根不去隨所居所接而長人須一事事消了病則常勝故要克己克己下學也下學上達交相養蓋不行則成何德行哉

人當平物我合內外如是以身鑒物便偏見以天理

中庸卷之五

精義

王

中鑒則人與己皆見猶持鏡在此但可鑒彼於己莫能見也以鏡居中則盡照只爲天理常在身與物均見則自不私己亦是一物人常脫去己身則自明然身與心常相隨不柰何有此身假以接物則舉措須要是今見人意我固必以爲當絕於己乃不能絕即是私己是以大人正己而物正須待自己者皆是著見於人物自然而正以誠而明者既實而行之明也明則民斯信矣己未正而正人便是有意我固必鑒己與物皆見則自然心洪公平意我固必只爲有身便有此

欲事立須是心立心不敬則怠惰事無由立况聖人誠立故事無不立也道義之功甚大又極是尊貴之事

其平生於公勇於私怯於公道有義真是無所懼大凡事不惟於法有不得更有義之不可才所當避天下之富貴假外者皆有窮己蓋人欲無廢而外物有限惟道義則無窮而貴取之無窮矣

利利於民則可謂利利於身利於國皆非利也聖人設教便是人人可以至此人人可以爲堯舜若是言且要設教在人人有所不可到則聖人之語虛設耳

中庸卷之五

精義

王

教之而不受則雖強告之無益莊子謂內無受者不入外無主者不行

近臣守和和平也和其心以備顧對不可徇其喜怒好惡

禮所以持性蓋本出於性持性反本也凡未成性須禮以持之能守禮已不畔道矣禮即天地之德也如顏子者方勉勉於非禮勿言非禮勿動勉勉者勉勉以成性也禮非止著見於外亦有無體之禮蓋禮之原在心禮者聖人之成法也除了禮天下

之道

學者且須觀禮蓋禮者滋養人德性又使人有常業
守得定又可學便可行又可集得義

進人之速無如禮學

已德性充實人自化矣正已而物正也

古樂所以養人德性中和之氣

有所不為而後可以有為不為不仁則可以為仁不

為不義則可以為義

存心養性以事天盡人道則可以事天

必有事焉四字更求之

更無道矣五常出於凡人之常情五典人日日為

但不知耳時措之宜便是禮禮即時措時中見之

事業者非禮之禮非義之義但非時中者皆是也

時中之義甚大須是精義入神以致所觀其會通

以行典禮此則具義理也行其典禮而不達會通

則有非時中者矣禮亦有不須變者如天叙天秩

如何可變天地之禮自然而有天之生物便有尊

卑大小之象人順之而已此所以為禮也學者有

專以禮出於人而不知禮本天之自然告子專以

義為外而不知所以行義由內皆非也當合內外

自明誠者須是要窮理

氣者在性習之間性猶有氣之惡者為病氣又有習
以害之此所以要鞭辟至於齊強學以勝其氣質

苟志于學則可以勝其氣質

以聞見為心則不足以盡心

萬事只一天理

天無心心都在人之心一人私見固不足盡至於衆

人之心同一則却是義總之則却是天

書稱天應如影響大抵天道不可得而見惟占之於

民人所悅則天必悅之所惡則天必惡之只為人

心至公也至衆也民雖至愚無知惟於私已然後昏而不明至於事不干礙處則自是公明大抵衆所向者必是理也理則天道存焉故欲知天者占之於人可也

今之人自少見其父祖從仕或見其鄉閭仕者其心正欲得利祿縱欲於義理更不留意有天生性美則或能孝友廉節者不美者縱惡而已性元不魯識磨礪

但學至於成性則氣無由勝

必學至於如天則能成性

人須當存此心若能常存而不失則就上一日進立得此心方是學不錯然後要學此心之約到無去處也

仁人則須索做始則須勉勉終則復自然多識前言往行以畜其德是亦從此而辨非亦從此而辨矣

須是考前言往行觀音人制節如此以行其事而已故動焉而無不中理

當畏聖人之言考前言往行以畜其德度義擇善而行之致文於事業而能盡義者只是要學曉夕

論比較所以盡義惟博學然後有得以參校琢磨學博則轉密察鑽之彌堅於實處轉爲實轉誠轉信故只是要博學學愈博則義愈精微舜好問好察適言皆所以盡精微也

學者惡其自足足則不復進

學者所志至大猶恐所得淺况可便志其小

存心之始須明知天德天德即是虛虛上更有何說也

也

君子莊敬日強始則須拳拳服膺出於牽勉至於中禮却從容如此方是爲己之學鄉黨說孔子之形色之謹亦是欽此皆變化氣質之道也

學者有息時一如木偶人牽搖則動舍之則息一日而萬生萬死學者有息時亦與死無異是心死也

身雖生身亦物也天下之物多矣學者本以道爲生道息則死也終是爲物當以木偶人爲譬以自戒知息爲大不善因設惡譬如此只欲不息

尋取善者雖於不若已采取亦有益心苟不末益則雖與仲尼處何益

大人不失其赤子之心赤子之心今可知也以其處

也

學者須得中道乃可守

今欲功及天下故必多栽培學則道可傳矣

道德性命是長在不死之物也已身則死此則長在
今之性滅天理而窮人欲今後以歸其天理之學

者便立天理孔孟而後其心不傳苟楊皆不能知
學貴心悟守舊無功

天下義理只容有一箇是無兩箇是

若要成德須是速行之

易曰一致而百慮既得一致之理雖不百慮亦何妨

集義然後可以得浩然之氣集義者克己也

集義猶言積善也義須是常集勿使有息故能生浩

然之氣

如太和中容萬物任其自然

凡經義不過取證明而已

六經直是少一不得

要見聖人無如論孟為要論孟二書於學者大足只

是須誣詠

中庸大學出於聖門無可疑者

戲謔出於無敬心不惟害事志亦為氣所流不誠謹

亦是持氣之一端

閑邪則誠自存如何是閑邪非禮而勿視聽言動邪
斯閑矣

耳不可以聞道夫子之言性與天道子貢以為不聞
是耳之聞未可以為聞也

非禮勿言非禮勿動即是養心之術

在可疑而不疑者不曾學學則須疑譬之行道者將
之南山須問道路之出自若安坐則何嘗有疑

但起一意必因我便是助長也

惟智則最處先不智則不知不知則安能為故要知

及之仁能守之

人言必善聽乃能取益知德斯知言

知德斯知言已嘗自知其德然後能識言也

人雖言之已未嘗知其德豈識其言須是已知是德

然後能識是言猶曰知孝之德則知孝之言也

謀人如己謀眾如家則民自信

顏子所謂有不善者必只是以常意有迹處便為不

善而知之此知幾也於聖人則無之矣

只為心不大心大則做得大

二程解窮理盡性以至於命只窮理便是至於命亦

是失於大快此義儘有次序須是窮理便能盡得

己之性則推類又盡人之性既盡得人之性須是并萬物之性一齊盡得如此然後至天道也其間煞有事豈有當下理會了學者須是窮理為先如此則方有學今言知命與至於命儘有近遠豈可以知便謂之至也

虛者仁之原

吾學既得於心則脩其辭命辭無差然後斷事斷事無失吾乃沛然

此道自孟子後千有餘歲若天不歆此道復明則不使今人有知者既使人有知者則必有復明之理

大學章句卷之五

精義

子五

性性為能存神物物為能過化

可欲之謂善志仁則無惡也誠善於心之謂信

孟子言反經特於鄉原之後者以鄉原大者不先立心中初無作是左右看順人。情不欲適一生如此

釋氏錙銖天地可謂至大然不嘗為大則為事不得若畀之一錢則必亂矣

釋氏妄意天性而不知範圍天用反以六根之微因緣天地明不能盡則誣天地日月為幻妄蔽其用於一身之小溺其志於虛空之大此所以語大語

小流遁失中其過於大也塵芥六合其蔽於小也夢幻人世謂之窮理可乎不知窮理而謂之盡性可乎謂之無不知可乎塵芥六合謂天地為有窮也夢幻人世明不能究其所從也

浮圖明鬼謂有識之死受生循環遂厭若求免可謂知鬼乎以人生為妄見可謂知人乎天人一物輒生取舍可謂知大乎孔孟所謂天彼所謂道惑者指遊魂為變為輪迴未之思也大學當先知天德知天德則知聖人知鬼神今浮圖劇論要歸必謂死生流轉非得道不免謂之悟道可乎自其說

大學章句卷之五

精義

子五

傳中國儒者未容窺聖學門墻已為引取淪胥其間指為大道乃其俗達之天下誠善惡知愚男女臧獲人人著信使英才間氣生則溺耳目悟習之事長則師世儒崇尚之言遂冥然被驅因謂聖人可不脩而至大道可不學而知故未識聖人心已謂不必求其迹未見君子志已謂不必事其文此人倫所以不察庶物所以不明治所以忽德所以亂異言入耳上無禮以防其偽下無學以稽其弊自古詖淫邪遁之辭翕然金與一出於佛氏之門者已五百年向非獨立不懼精一自信有大過人

之才何以正立其間與之較是非計得失哉
大易不言有無言有無諸子之陋也

釋氏不知天命而以心法起滅天地以小緣大以末緣本其不能窮而謂之幻妄真所謂疑冰者歟
儒者窮理故率性可以謂之道浮圖不知窮理而自謂之性故其說不可推而行

語寂滅者往而不反徇生執有者物而不化二者雖有間矣以言乎失道則均焉

此道不明正由憊者畧知體虛空為性不知本天道為用反以人見之小因緣天地明有不盡則誣世

大儒論語錄卷之五

性理

卅一

界乾坤為幻化幽明不能舉其要遂躡等妄意而然不悟一陰一陽範圍天地通乎晝夜三極大中之矩遂使儒佛老莊混然一途語天道性命者不罔於恍惚夢幻則定以有生於無為窮高極微之論入德之途不知擇術而求多見其蔽於詖而陷於淫矣

中庸曰至誠為能化孟子曰大而化之皆以其德合陰陽與天地同而無不通也世人取釋氏銷礙空學者合惡趨善以為化此直可為始學道累者薄乎云爾豈天道神化所同語也哉

釋氏語實際乃知道者所謂誠也天德也其語到實際則以人生為幻妄有為為疣贅以世界為陰濁

遂厭而不有遣而弗存就使得之乃誠而惡明者也儒者則因明致誠因誠致明故天人合一致學而可以成聖得天而未始遣人易所謂不遺不流不過也彼語雖似是觀其發本要歸與吾儒二本殊歸矣道一而已此是則彼非此非則彼是固不當同日而語其言流遁失守窮大則淫推行則詖致曲則邪求之一卷之中此弊數數有之大率知晝夜陰陽則能一性命能知性命則能知聖人知鬼神彼欲直語太虛不以晝夜陰陽累其心則是未始見易未始見易則雖欲免陰陽晝夜之累未由也已易且不見又烏能更語真際捨真際而談鬼神妄也所謂實際彼徒能語之而已未始心解也

釋氏之學言以心役物使物不役心周孔之道豈是物能役心虛室生白

學記曰進而不顧其安使人不由其誠教人不盡其材人未安之又進之未喻之又告之徒使人生此節目不盡材不顧安不由誠皆是施之妄也教人

至難必盡人之材乃不誤人觀可及處然後告之
聖人之教直若庖丁之解牛皆知其隙乃投餘地
無全牛矣人之材足以有為但以其不由於誠則
不盡其材若曰勉率而為之則豈有由誠哉

古之小兒便能敬事長者與之提携則兩手奉長者
之手問之掩口而對蓋稍不敬事便不忠信故教
小兒且先安詳恭敬

孟子曰人不足與適也政不足與間也惟大人為能
格君心之非非惟君心至于朋遊學者之際彼雖
議論異同未欲深較惟整理其心使歸之正豈小

補哉

人教小童亦可取益絳已不出一一益也授人數數
已亦了此文義二益也對之以正衣冠尊瞻視三
益也常以因已而壞人之材為憂則不敢惰四益
也

古者有東宮有西宮有南宮有北宮異宮而同財此
禮亦可行古人慮遠目下雖似相踈其實如此乃
能久相親蓋數十百口之家自是飲食衣服難為
得一又異宮乃容子得伸其私所以避子之私也
子不私其父則不成為子古之人曲盡人情必也

同宮有叔父伯父則為子者何以獨厚於其父為
父者又烏得而當之父子異宮為命士以上愈貴
則愈嚴故異宮猶今世有逐位非如異居也
事親奉祭豈可使人為之

舜之事親有不悅者為父頑母嚚不近人情若中人
之性其愛惡畧無害理姑必順之親之故舊所喜
者當極力招致以悅其親凡於父母賓客之奉必
極力營辦亦不計家之有無然為養又須使不知
其勉強勞苦苟使見其為而不易則亦不安矣

斯干詩言兄及弟矣式相好矣無相猶矣言兄弟宜

相好不要斷學猶似也人情大抵患在施之不見
報則輟故恩不能終不要相學已施之而已

人不為周南召南其猶正牆面而立常深思此言誠
是不從此行甚隔看事向前推不去蓋至親至近
莫甚於此故須從此始

婢僕始至本懷勉勉敬心若到所提掇更謹則加謹

慢則棄其本心便習以成性故仕者入治朝則德
日進入亂朝則德日退只觀在上者有可學無可

學耳

氣決然太虛升降飛揚未嘗止息此虛實動靜之機

陰陽剛柔之始浮而上者陽之清降而下者陰之濁其感遇聚結為風雨為霜雪萬品之流形山川之融結糟粕煨燼無非教也

游氣紛擾合而成質者生人物之萬殊其陰陽兩端循環不已者立天地之大義

天體物不遺猶仁體事而無不在也禮儀三百威儀三千無一物而非仁也昊天曰明及爾出王昊天曰旦及爾游衍無一物之不體也

鬼神者二氣之良能也

物之初生氣日至而滋息物生既盈氣日反而游散

大儒筆語卷之五

橫渠

五

至之謂神以其伸也反之為鬼以其歸也

一故神譬之人身四體皆一物故觸之而無不覺不待心使至此而後覺也此所謂感而遂通不行而至不疾而速也

性者萬物之一源非有我之得私也惟大人為能盡

其道是故立必俱立知必周知愛必兼愛成不獨成彼自蔽塞而不知順吾理者則亦未如之何矣

心統性情者也

凡物莫不有是性由通蔽開塞所以有人物之別由蔽有厚薄故有智愚之別塞者不可開厚者可

以開而開之也難薄者開之也易開則達于天道與聖人一

世祿之榮所以錄有功尊有德愛之厚之示恩遇之不窮也為人後者所宜樂職勸功以服勤事任長廉遠利以似述世風而近代公卿子孫方且不比布衣工聲病售有司不知求仕非義而反盡循理為無能不知蔭襲為榮而反以虛名為善繼誠何心哉

不資其力而利其有則能忘人之勢

凡人為上則易為下則難然不能為下亦未能使下

大儒筆語卷之五

橫渠

五

不盡其情偽也大抵使人常在其前已嘗為之則能使人

殆初六羸豕孚蹢躅豕方羸時力未能動然至誠在於蹢躅得伸則伸矣如李德裕處置閹官徒知其帖息威伏而忽於志不忘是照察少不至則失其幾也

序卦不可謂非聖人之緼今欲安置一物猶求審處

況聖人之於易其間雖無極至精義大槩皆有音思觀聖人之書須遍布細密如是大匠豈以一個可知哉

古人能知詩者惟孟子為其以意逆志也夫詩人之志至平易不必為艱險求之今以艱險求詩則已喪其本心何見詩人之志

詩人之情性溫厚平易老成本平地上道着言語今須以崎嶇求之先其心已狹隘了則無由見得詩人之情本樂易只為時事拂着他樂易之性故以詩道其志

尚書難看蓋難得曾臆如此之大只欲解義則無難也

春秋之書在古無有乃仲尼所作惟孟子能知之

非理明義精殆未可學先儒未及此而治之故其

說多鑿

天官之職須襟懷洪大方看得蓋其規模至大若不

得此心欲事事上致曲窮究湊合此心如是之大

必不能得也

太宰之職難看蓋無許大心曾包羅記得此後忘後

其混混天下之事當如捕龍蛇搏虎豹用心力看

方可其他五官便易看止一職也

六經須循環理會義理儘無窮待自家心得一格則

又見得別

如中庸文字筆直須句句理會過使其言互相發明讀書少則無由考校得義精蓋書以維持此心不放下則一時德性有懈讀書則此心常在不讀書則終焉義理不見

書須成誦精思多在夜中或靜坐得之不記則思不起但通貫得大原後書亦易記

所以觀書者釋己之疑明己之未達每見每知新益則學進矣於不疑處有疑方是進矣

荅范巽之書曰朝廷以道學政術為二事此正自古之可憂者巽之謂孔孟可作將推其所得而施諸

天下耶將以其所不為而強施之於天下歟大都

君相以父母天下為王道不能推父母之心於百姓謂之王道可乎所謂父母之心非徒見於言必

須說四海之民如己之子設使四海之內皆為己之子則講治之術必不為秦漢之少恩必不為五

伯之假名巽之為朝廷言人不足與適政不足與

間能使吾君愛天下之人如赤子則治德必日新

人之進者必良士帝王之道不必改途而成學與

政不殊心而得矣

道千乘之國不及禮樂刑政而云節用而愛人使民

以時言能如是則法行不能如是則法不修

刑政亦制數而已耳
兵謀師律聖人不得已而用之其術見三王於策歷
代簡書惟志士仁人為能識其遠者大者素求預
備而不敢忽忘

肉辟於今世死刑中取之亦足寬民之死過此當念
其散之之久

治八下不由井地終無由得平周道止是均平
井田卒歸於封建乃定

右二百八十二條

大儒心學語錄卷之五

橫渠

三十九

書橫渠先生語後

橫渠先生起於關中一見二程共語道學之要
即渙然自信以求聖人之道以為知人而不知
天求為賢人而不求為聖人此秦漢以來學者
大蔽也故其志必欲如聖人而後已其學以
為宗以中庸為體極性命窮神化一天人
本發明聖人之意不異學而正人心若其西銘
一書則其心之精蘊之所發焉者也是故其
父乾母坤民胞物與之旨則理一以為仁分殊
以為義而仁義一以貫之矣推其保之匪懈

歸全之旨則事天以盡仁事親以盡孝而仁孝

之道一以貫之矣推其吾體吾性踐形惟肖之

旨則道之原於天者弘之在人而天人之妙一

以貫之矣故程子稱其擴前聖所未發與孟子

性善養氣之論同功又謂其極醇無雜秦漢以

來學者未到又謂其克得盡時便是聖人朱子

稱其微上徹下體周無備然則先生之學之至

其殆以其所自得於心者而盡發之於西銘矣

乎真不敏竊慕先生之學遂手錄西銘一篇及

於正蒙理窟語錄中擇其切近精粹之語有闡

心學語錄卷之五

橫渠

四十

心學者彙而錄之將以為振卑起陋之助且與

天下之志學者共之嘉靖甲午七月朔日黃謹

書

大儒心學語錄卷之六

後學金契王登輯

康節邵先生語

心為太極又曰道為太極

心一而不一則能應萬變此君子所以虛心而不動

也

君子之學以潤身為本其治人應物皆歸焉也

學不際天人不以謂之學

學不至於樂不可謂之學

學以人事為大今之經典古之人事也

凡人為學失於自張主太過

為學養心患在不由直道去利欲由直道至誠

無所通天地之道直而已當以直求之若用智

由逕以求之是屈天地而徇人欲也不為學

記問之學未足以為事業

學在不止故王通云沒身而已

至理之學非至誠則不至

人患乎自滿滿則止也故禹不自滿假所以長

學亦當常若不足不可臨終然也

性者天之理也情者性之動也

性者天之理也情者性之動也

性者天

有性得之天也學問得之人也資性由內出者也學

問由外入者也自誠明性也自明誠學也顏子不

遷怒不貳過遷怒貳過皆情也非性也不至於性

命不以謂之好學

一國一家一身皆同能處一身則能處一家能處一

家則能處一國能處一國則能處天下心為身本

家為國本國為天下本心能運身苟心所欲身

能行乎

思慮一萌鬼神得而知之矣故君子不惑不懼

人之神則天地之神人之自欺所以欺天地可不慎

哉

凡人之善惡形于言發乎行人始得而知之但萌善

心發于慮鬼神已得而知之矣此君子所以慎獨

也

人之貴無乎萬類自重而得其貴所以能用萬類

惟人蕪乎萬物而為萬物之靈如禽獸之聲以其類

而各能得其一無所不能者人也推之他事亦莫

不然惟人得天地日月交之用他類則不能也人

之生真可謂貴矣天地與其貴而不自貴是

之生真可謂貴矣天地與其貴而不自貴是

天地之理不祥莫大焉

仁配天地謂之人惟仁者真可謂之人矣

自然而然者天也惟聖人能索之效法者人也若時行時止雖人也亦天

天下之事皆以道致之則休戚不能至矣

時然後言乃應變而言言不在我也

發于性則見于情發于情則見于色以類而應也有形則有體有性則有情

人之類備乎萬物之性

能循天理動者造化在我也

大學章句卷之六

康節

三

理窮而後知性性盡而後知命命知而後知至

人必內重內重則外輕苟內輕必外重好利好名無所不至

義重則內重利重則外重

得天理者不獨潤身亦能潤心不獨潤心至於性命亦潤

天下言讀書者不少能讀書者少若得天理真樂何書不可讀何堅不可破何理不可精

言發于真誠則心不勞而逸人久而信之作偽任數一時或可以欺人持久必敗

習數或能施于一朝蓋有時而窮惟至誠與天地同

久天地無則至誠可息苟天地不能無則至誠亦不息也

天地日月悠久而已故人當存乎遠不可見其近

事必量力量力故能久

所行之路不可不寬寬則少礙

事無大小皆有道在其間能安分則謂之道不能安分謂之非道

循理則為常理之外則為異矣

人之為道當至於鬼神不能窺處是為至矣

大學章句卷之六

康節

天使我有是之謂命命之在我之謂性性之在物之謂理

誠者主性之具無端無方者也

順理則無為強則有為也

問無為曰時然後言人不厭其言樂然後笑人不厭其笑義然後取人不厭其取此所謂無為也

無思無為者神妙致一之地也所謂一以貫之聖人以此洗心退藏於密

經綸天地之謂才遠舉必至之謂志并包含容之謂量

或問才難何謂也曰臨大事然後見才之難也曰何
獨言才曰才者天之良質也學者所以成其才也
曰古人有不由學問而能立功業者何必曰學曰
周勃霍光能成大事惟其無學故未盡善也人而
無學則不能燭理不能燭理則固執而不通人有
出人之才必以剛克中剛則足以立事業處患難
若用於他反為邪惡故孔子以申張為焉得剛既
有慾心必無剛也

聖人之難在不失仁義忠信而成事業何如則可在
於絕四

母意母必母固母我合而言之則一分而言之則二

合而言之則二分而言之則四始於有意成於有
我有意然後有必必生於意有固然後有我我生
於固意有心必先期固不化我有已也

聖人知天下萬物之理而一以貫之
當仁不讓於師者進人之道也

魯國之儒一人者謂孔子也

事無巨細皆有天人之理脩身人也遇不遇天也得
失不動心所以順天也行險僥倖是逆天也求之
者人也得之與否天也得失不動心所以順天也

強取必得是逆天理也逆天理者患禍必至

天下之事始過於重猶卒於輕始過於厚猶卒於薄
况始以輕始以薄者乎故鮮失之重多失之輕鮮
失之厚多失之薄是以君子不患過手重常患過
乎輕不患過手厚常患過乎薄也

君子處畎畝則行畎畝之事居廟堂則行廟堂之事
故無入不自得

剝削者才力也明辯者智識也寬弘者德器也三者
不可闕一

人必有德器然後喜怒皆不妄為卿相為匹夫以至

學問高天下亦若無有也

人貴有德小人有才者有之矣故才不可恃德不可
無

人苟用心必有所得獨有多寡之異智識之有淺深
也

人之精神貴藏而用之苟銜於外則鮮有不敗者如
利刃物本則剝之若恃刃之利而求割乎初則刃
與物俱傷矣

室中造車天下可行執轍合故也苟順義理合人
日月所照皆可行也

中庸非天降地出揆物之理度人之情行其所安是為得矣

金須百鍊然後精人亦如此

中庸之法自中者天也自外者人也

聖人利物而無我

天之孽十之一不可違人之孽十之九不可違

任我則情情則蔽蔽則昏矣因物則性性則神神則

明矣

變從時而便天下之事不失禮之大經變從時而順

天下之理不失義之大權者君子之道也

中庸卷之六

中庸

人得中和之氣則剛柔均陽多則偏剛陰多則偏柔

佛氏棄君臣父子夫婦之道豈自然之理哉

以物觀物性也以我觀物情也性公而明情偏而暗

不我物則能物物

以物喜物以物悲物此發而中節者也

天地生萬物聖人生萬民

以天地生萬物則以萬物為萬物以道生天地則天

地亦萬物也

人積善而陽多鬼益畏之矣積惡而陰多鬼弗畏之

矣

漢儒以反經合道為權得一端者也權所以平物之

輕重聖人行權酌其輕重而行之合其宜而已故

執中無權者猶為偏也王通言春秋王道之權非

王通莫能及此故權在一身則有一身之權在一

鄉則有一鄉之權以至於天下則有天下之權用

雖不同其權一也

君子畏義而有所不為小人直不畏耳聖人則動不

論矩何義之畏乎

道無聲無形不可得而見者也故假道路之道而為

名人之有行必由乎道

中庸卷之六

中庸

一陰一陽天地之道也物由是而生由是而成者也

顯諸仁者天地生萬物之功則人可得而見也所以

造萬物則人不可得而見是藏諸用也

天地之心者生萬物之本也

天地之本其起於中乎是以乾坤交變而不離乎中

人居天地之中心居人之中日中則盛月中則盈

故君子貴中也

天道之變王道之權也

不知乾無以知性命之理

圖雖無文也天不言終日言而未嘗離乎是蓋天地萬

物之理盡在其中矣

寂然不動反本復靜坤之時也感而遂通天下之故陽動于中間不容髮復之義也

兌說也其他說皆有所害惟朋友講習無說於此故言其極者也

夫易者聖人長君子消小人之具也及其長也闢之於未然及其消也闢之於未然一消一長一闢一

闢渾渾然無跡非天下之至神其孰能與於此

先天學心法也故圖皆自中起萬化萬事生乎心也先天學王手誠至誠可以通神明不誠則不可以得

道

復次剥明治生於亂乎姤始夫明亂生於治乎時哉

時哉未有利而不復未有夫而不始者防乎其防邦家其長子孫其昌是以聖人貴未然之防是謂

易之大綱

知易者不必引用講解是為知易孟子之言未嘗及

易其間易道存焉但人見之者鮮耳人能周易是

為知易如孟子可謂善用易者也

顯諸仁藏諸用孟子善藏其用乎

夫聖人六經渾渾然無迹如天道焉故春秋錄實事而

善惡形于其中矣

五霸者功之首罪之魁也春秋者孔子之刑書也功過不相掩聖人先褒其功後貶其罪故罪人有功亦必錄之不可不恕也

春秋為君弱臣強而作故謂之名分之書

易始于三皇書始于二帝詩始于三王春秋始于五

霸

人言春秋非性命書非也至于書郊牛之口傷改卜

牛又死猶三望此因魯事而貶之也聖人何容心哉無我故也豈非由性命而發言也又曰春秋皆

因事而褒貶豈容人特立私意哉人但知春秋聖人之筆削為天下之至公不知聖人之所以為公

也如因牛傷則知魯之僭郊因初獻六羽則知魯僭八佾因新作雉門則知魯無雉門皆非聖人有

意於其間故曰春秋盡性之書也

欽天下之智為智欽天下之善為善則廣矣自用則

小

譬殺殺人舜視天下猶棄敝屣也竊負而逃遵海濱

而處終身訖然樂而忘天下聖人雖天下之大不

能易天性之愛

湯放桀武王伐紂而不以為弑者若孟子言男女授受不親禮也嫂溺則援之以手權也故孔子既尊夷齊亦與湯武夷齊仁也湯武義也惟湯武則可非湯武是篡也

仲弓可使南面可使從政也

性者道之形體心者性之郭郭身者心之區宇

天得地而萬物生君得臣而萬化行父得子夫得婦而家道成

為治之道必通其變不可以膠柱猶春之時不可行

冬之令也

備論書卷之六

康節

士

用兵之道必待人民富倉庫實府庫充兵強名正天

時順地利得然後可舉

天下將治則人必尚行也天下將亂則人必尚言也

尚行則篤實之風行焉尚言則詭譎之風行焉天

下將治則人必尚義也天下將亂則人必尚利也

尚義則謙讓之風行焉尚利則操奪之風行焉

者也尚行者必入于義也尚言者必入于利也義

利相去一何遠之如是耶是知言之于口不若行

之于身行之于身不若盡之于心言之于口人得

而聞之行之于身人得而見之盡之于心神得而

知之人之聰明猶不可欺况神之聰明乎是知無愧于口不若無愧于身無愧于身不若無愧于心無口過易無身過難無身過易無心過難既無心過何難之有吁安得無心過之人而與之語心哉是故知聖人所以能立于無過之地者謂其善事于心者也

夫所以謂之觀物者非以目觀之也非觀之以目而觀之以心也非觀之以心而觀之以理也天下之物莫不有理焉莫不有性焉莫不有命焉所以謂之理者窮之而可知也此三知者天下之真知也

不觀心論卷之六

康節

二

雖聖人無以過之也而過之者非所以謂之聖人也夫鑑之所以能為明者謂其能不隱萬物之形也雖然鑑之能不隱萬物之形未若水之能一萬物之形也雖然水之能一萬物之形又未若聖人能一萬物之情也聖人之所以能一萬物之情者謂其至人之能反觀也所以謂之反觀者不以我觀物也不以我觀物者以物觀物之謂也既能以物觀物又安有我於其間哉是知我亦人也人亦我也我與人皆物也此所以能用天下之目為己之目其目無所不觀矣用天下之耳為己之耳其

耳無所不聽矣用天下之口爲己之口其口無所
不言矣用天下之心爲己之心其心無所不謀矣
夫天下之觀其于見也不亦廣乎天下之聽其于
聞也不亦遠乎天下之言其于論也不亦高乎天
下之謀其于樂也不亦大乎夫其見至廣其聞至
遠其論至高其樂至大能爲至廣至遠至高至大
之事而中無一爲焉豈不謂至神至聖者乎非惟
吾謂之至神至聖者乎而天下謂之至神至聖者
乎非惟一時之天下謂之至神至聖者乎而千萬
世之天下謂之至神至聖者乎過此以往未之或
知也已

聖也者人之至者也何哉謂其能以一心觀萬心一
身觀萬身一物觀萬物一世觀萬世者焉又謂其
能以心代天意口代天言手代天工身代天事者
焉又謂其能上識天時下盡地理中盡物情通照
人事者焉又謂其能以彌綸天地出入造化進退
今古表裏人物者焉噫聖人者吾不得而目見之
也雖然察其心觀其迹探其體潛其用雖億萬千
年亦可以理知之也
人皆知仲尼之爲仲尼不知仲尼之所以爲仲尼

其必欲知仲尼之所以爲仲尼則捨天地將奚之
焉人皆知天地之爲天地不知天地之所以爲天
地如其必欲知天地之所以爲天地則捨動靜將
奚之焉夫一動一靜者天地之至妙者歟一動一
靜之間者天地人之至妙至妙者歟是知仲尼之
所以盡三才之道者謂其行無轍迹也故有言曰
予欲無言又曰天何言哉四時行焉百物生焉其
此之謂歟

道爲天地之本天地爲萬物之本以天地觀萬物則
萬物爲萬物以道觀天地則天地亦爲萬物道之
道盡之于天矣天之道盡之于地矣天地之道盡
之于物矣天地萬物之道盡之于人矣人能知其
天地萬物之道所以盡于人者然後能盡民也天
之能盡物則謂之曰昊天人之能盡民則謂之曰
聖人謂昊天能異乎萬物則非所以謂之昊天也
謂聖人能異乎萬民則非所以謂之聖人也萬民
與萬物同則聖人固不異乎昊天者矣然則聖人
與昊天爲一道聖人與昊天爲一道則萬民與萬
物亦可以爲一道也一世之萬民與一世之萬物
既可以爲一道則萬世之萬民與萬世之萬物

可爲一道也明矣

大自自然者無爲無有之謂也無爲者非不爲也不用

爲者也故能廣應有者非不有也不固有者也故

能人廣大悉備而不因爲固有者其惟三皇手

以天下授人而不爲輕若素無之也受人之天下而

不爲重若素有之也若素無素有者謂不已無已

有之也若已無已有則舉一毛以取與乎人猶有

貪鄙之心生焉而況天下者乎能知其天下之天

下非已之天下者其惟五帝乎

可以因則因可以革則革者萬世之事業也萬世之

事業者非仲尼之道而何仲尼者不世之謂也

仲尼以萬世爲主

積功累行君子常分非有求而然也有求而然者所

謂累乎仁者也君子安有餘事于其間哉

邪正之由繫乎上之所好也上好德則民用正上好

佞則民用邪

與其死于不正孰若生于正與其生于不正孰若死

于正在乎忠與智者之一擇焉

天由道而生地由道而成物由道而形人由道而行

天地人物則異也其于由道一也夫道也者道也

道無形行之則見于事矣如道路之道坦然使于

億萬年行之人知其歸者也

君行君事臣行臣事父行父事子行子事夫行夫事

妻行妻事君子行君子事小人行小人事中國行

中國事夷狄行夷狄事謂之正道君行臣事臣行

君事父行子事子行父事夫行妻事妻行夫事君

子行小人事小人行君子事中國行夷狄事夷狄

行中國事謂之邪道至于三代之世治未有不治

人倫之爲道也三代之世亂未有不亂人倫之爲

道也後世之慕三代之治世者未有不慕三代之

也後世之慕三代之亂世者未有不亂人倫者也

自三代而下漢唐爲盛未始不由治而亂亂而亡

況其不盛于漢唐者乎其興也又未始不由君道

盛父道盛夫道盛君子之道盛中國之道盛其一

也又未始不由臣道盛子道盛妻道盛小人之道

盛夷狄之道盛

人者物之至靈者也人亦物也以其至靈故特謂之

人也

備天地萬物者人之謂也

以無心致天地萬物之方曰無心者無意之謂也

意之意不我物也不我物然後能物物曰何謂我
何謂物曰以我拘物則我亦物也以物拘我則物
亦我也我物皆致意由是明天地亦萬物也何天
地之有焉萬物亦天地也何萬物之有焉萬物亦
我也何萬物之有焉我亦萬物也何我之有焉何
物不我何我不物如是則可以宰天地可以司鬼
神而況於人乎況於物乎

天何依曰依乎地地何附曰附乎天然則天地何依
何附曰自相依附天依形地附氣其形也有涯其
氣也無涯有無之相生形氣之相息終則有始終

始之間天地之所存乎

有為善而遇禍有為惡而獲福者何也曰有幸與不
幸也幸不幸命也當不當分也一命一分人其逃
乎曰何謂分何謂命曰小人之遇福非分也有命
也當禍分也非命也君子之遇禍非分也有命也
當福分也非命也

君子常行勝言小人當言勝行

有才之正者有才之不正者才之正者利乎人而及
乎身者也才之不正者利乎身而害乎人者也曰
不正則安得謂之才曰人所不能而能之安得不

謂之才聖人所以惜乎才之難者謂其能成天下
之事而歸之正者寡也若不能歸之以正才則才
矣難乎語其仁也

有堯舜之君必有堯舜之臣有桀紂之君必有桀紂
之臣堯舜之臣生乎桀紂之世猶桀紂之臣生乎
堯舜之世必非其所用也雖欲為禍為福其能行
乎

夫治世何嘗無小人亂世何嘗無君子不用則善惡
何由而行也

君子見義則遷見利則止小人見義則止見利則遷

遷義則利人遷利則害人利人與害人相去一何
遠耶

大哉權之與變乎非聖人無以盡之變然後知天地
之消長權然後知天下之輕重消長時也輕重事
也時有否泰事有損益聖人不知隨時否泰之道
矣由知變之所為乎聖人不知隨時損益之道矣
由知權之所為乎運消長者變也處輕重者權也
是知權之與變聖人之一道耳

能造萬物者天地也能造天地者

右一百三十四條

大儒心學語錄卷之七

龜山楊先生語

後學金



性天命也命天理也道則性命之理而已孟子道性善蓋原於此

人所資稟固有不同者若論其本則無不善然而善者其常也亦有時而惡矣猶人之生也氣得其和則為安樂人及其有疾也以氣不和而然也然氣不和非其常治之而使其和則反常矣其常者性也此孟子所以言性善也橫渠說氣質之主亦云

人之性有剛柔緩急強弱昏明而已非謂天地之性然也今夫水之清者其常然也至於暫濁則沙泥渾之矣沙泥既去其清者自若也是故君子於氣質之性必有以變之其澄濁而求清之義歟六經不言無心惟佛氏言之亦不言脩性惟楊雄言正心尊德性孟子言存心養性

仁義而足乎已斯謂之德
論語言仁處皆仁之方也要道得親切惟孟子言仁人心也最為親切

李似祖問何以知仁曰孟子以惻隱之心為仁之端
五居但以此體究久久自見因問似祖尋常如何
說隱似祖云如有隱憂動恤民隱皆疾痛之謂也
曰孺子將入井而人見之者必有惻隱之心疾痛
非在已也而為之疾痛何也似祖曰出於自然不
可已也曰安得自然如此若體究此理知其所從
來則仁之道不遠矣

道之不行久矣自周衰以來處士橫議儒墨異同之
辨起而是非相勝非一日也孟子以齊智剛明之
材出於道學陵夷之後非堯舜之道不陳於王前
非孔子之行不行於身思以道援天下紹復先王
之令緒其自任可謂至矣方世衰道微使儒墨之
辨息而姦言詖行不得逞其志無君無父之教不
行於天下而民免於禽獸則其為功非小矣古人
謂孟子之功不在禹下亦足為知言也

或問孔子許子路升堂其品第甚高何以見曰觀其
死猶不忘結纓非其所養素定何能爾耶苟非其
人則遑遽急迫之際方寸亂矣
今之學者只為不知為學之方又不知學成要何用
此事體大須是曾著力來方知不易夫學者學

賢之所為也。然則聖賢之所為，須是聞聖賢所傳之道，若只要傳道古今，是文章作忠信，愈不為非義之士而亡。則古之聖賢，人不少，然以為聞道則不可，且如東漢之末，徒士遠人，與夫名節之士，有聞當世者，多矣。然其作文章，乏以古聖賢之道，則畧無毫髮，變其辭，以於道，初無所聞。故也。今時學士，則曰：吾當為古人之所為，纔有一事到手，便覺不為。其所學，以博通古今為文章，或志於忠信，而不為非義而亡。而不聞道，是聞道故應如此。由是觀之，學而不聞道，猶不學也。

為己之學，正猶飢渴之於飲食，非有悅乎外也。以為弗飲食，則飢渴之病，必至於死。人而不學，則失其本心，不足以為人。其病必至於死。此固學之不可已也。然古之聖賢，先知所止，然後可以漸進，俟然莫知所之，而欲望聖賢之域，多見其難矣。此理宜切求之，不可忽也。

六經之義，驗之於心，而然施之於行事，而順然後為得驗之於心，而不然施之於行事，而不順，則非所謂經義今之治經者，為無用之文，徵幸科第而已。

果何益哉

學者必以孔孟為師學，而不求諸孔孟之言，亦未矣。易曰：君子多識前言往行，以畜其德。孟子曰：博學而詳說之，將以反說約也。世之學者，欲以雕繪組織為工，誇多鬬靡，以資見聞，而已。故據其華，不茹其實，未嘗蓄德，而反約也。彼亦焉用學為哉。

自孟子沒，聖學失傳，荀卿而下，皆未得其門而入者也。七篇之書，具在，始終考之，不過道性善而已。知此則天下之理得，而諸子之失，其傳皆可見也。夫學道者，捨先聖之書，何求哉。譬之過九達之衢，未

知所之，六經能指其攸趣而已。因其所指而之焉，則庶乎其有至也。徒弊精神於章句之間，則末矣。

古之學者，以聖人為師，其學有不至，故其德有差焉。人見聖人之難為也，故九學者，以聖人為可至，則必以為為狂而竊笑之。夫聖人固未易至，若舍聖人而學，是將何所取則乎。以聖人為師，猶學射而立，的然立於彼，然後射者可視之，而求中。若其中不中，則在人而已，不立之的，以何為準。

顏淵請問其目學也，請事斯語，則習矣。學而不習，徒學也。譬之學射，而志於毅，則知所學矣。若夫承

而目不瞬貫風而懸不絕由是而求盡其妙非習不能也習而察故說久而性成之則說不足道也學者當有所疑乃能進德然亦須著力深方有疑今之士讀書爲學蓋自以爲無有疑者故其學莫能相尚如孔子門人所疑皆後世所謂不必疑者也子貢問政子曰足食足兵民信之矣子貢疑所可去者之以去兵於食與信猶有疑矣故能發孔子民無信不立之說若今之人問政答之足食與兵何疑之有樊遲問仁子曰愛人問知子曰知人是蓋甚明白而遲猶曰未達故孔子以舉直錯諸枉能使枉者直教之由是而行之於知之道不其庶矣乎然遲退而見子夏猶再問舉直錯諸枉之義於是又得舜舉皋陶湯舉伊尹之事爲證故仁知兼盡其說如使今之學者方得其初問之答便不復疑矣蓋嘗謂古人以爲疑者今人不知疑也學何以進

古之學也視聽言動無非禮所以操心也至於無故不徹琴瑟行則聞佩玉登車則聞和鸞蓋皆欲收其放心也不使惰慢邪僻之氣得而入焉學者以致知格物爲先知之未至雖欲擇善而罔就

之未必當於道也夫鼎鑊陷阱之不可蹈人皆知之也世之人未有蹈鼎鑊陷阱者以其知之審故也致身下流天下之惡皆歸焉固無異於鼎鑊陷阱也而士或蹈之而莫之避以其未嘗真知故也使其真知爲不善如蹈鼎鑊陷阱則人孰有爲不善耶若夫物格而知至則目無全牛游刃自餘地矣

物有圭角多刺人眼目亦易玷缺故君子處世當渾然天成則人不厭棄矣

士不患無名而患實之不至不患無位而患德之不

乎

方太公釣於渭不遇文王特一老漁父耳及一朝用之乃有鷹揚之勇非文王有獨見之明誰能知之學者須體此意然後進退隱顯各得其當

正叔云古之學者四十而仕未仕以前二十餘年得盡力於學問無他營也故人之成材可用今之士十四五以上便學綴文覓官豈嘗有意爲己之學夫以不學之人一旦授之官而使之事君長民治事宜其效不如古也故今之在仕路者人物多而

下不足道以此

仕道與祿仕不同常夷甫家貧既召入朝神宗欲優厚之令羨數局如登聞鼓染院之類庶幾得給可贍其家夷甫一切受之不辭及正叔以白衣擢爲勸講之官朝廷亦使之兼他職則固辭蓋前日所以不仕者爲道也則今日之仕須其官足以行道乃可受不然是苟祿也然後世道學不明君子之辭受取令人鮮能知之故常公之不辭人不以爲非而程公之辭人亦不以爲是

語羅仲素曰某嘗有數句教學者讀書之法云以自體之以心驗之從容默會於幽閑靜一之中超然自得於書言象意之表此蓋某所自爲者如此

君子之所養要令暴慢和辟之氣不設於身

私意去盡然後可以應世也

楊雄云多聞則守之以約多見則守之以卓某言終

有病不如孟子言博學而詳說之將以反說約也爲無病蓋博學詳說所以趨約至於約則其道得矣謂守之以約卓於多聞多見之中將何守見得此理分明然後知孟子之後其道不傳

孟子一部書只是要正人心教人存心養性存其放心至論仁義禮智則以惻隱羞惡辭讓是非之心

爲之端論邪說之害則曰生於其心害於其政論事君則欲格君心之非千變萬化只說從心上來人能正心則事無足爲者矣大學之脩身齊家治國平天下其本只是正心誠意而已心得其正然後知性之善孟子遇人便道性善求叔却言聖人之教人性非所先未叔論別是非利害文字上儘去得但於性分之內全無見處更說不行人性上不可添一物堯舜所以爲萬物世法亦只率性而已所謂率性循天理是也外邊用計用數假使立得功業只是人欲之私與聖賢作處天地懸隔

舜在側微堯舉而試之慎微五典則五典克從納于百揆則百揆時叙賓于四門則四門穆穆以至以天下授之而不疑觀其所施設舜之所以爲舜其才其德可謂大矣宜非深山之中所能久處而爲舜者當堯未之知方且飯糗茹草若將終身若使今人有才氣者雖不得時其能自已其功名之心乎以此見人必能不爲然後能有爲也非有爲之難其不爲尤難矣

古之君子自重其身常若不得已而後進非固要君也蓋天下重器不可易爲之王業之大必遲久而

後成故人君非有至誠不倦之心則不足以爲也
其尊德樂義一有不至則引而去之萬鍾於我何
加焉非忘天下道固然也

自孟子沒王道不傳故世無王佐之才既無王佐之
才故其治效終不如古若要行道纔說做計較要
行便不是何故自家先負一箇不誠了安得事成
問或謂人主之權當自主持是否曰不爲臣下奪其
威柄此固是也書稱湯曰用人惟已而孟子亦曰
見賢焉然後用之則人君之權豈可爲人所分然
孟子之論用人去人殺人雖不聽左右諸大夫亦

不聽國人因國人之公是非吾從而察之必有見
焉而後行如此則權常在我矣若初無所見姑信
已意爲之亦終必爲人所惑不能固執矣

古之聖人固宜莫如舜也舜之在側微與木石俱鹿
豕遊固無異於深山之野人也是豈以文采過人
耶伏羲畫八卦書斷自堯典當是時六經蓋未有
也而舜之所以聖者果何自哉然則聖人之所以
爲聖其學必有在矣

人主無仁心則不足以得人故人臣能使其君視民
如傷則王道行矣

問以匹夫一日而見天子天子問焉盡所懷而陳之
則事必有窒礙者不盡則爲不忠如何曰事亦須
量深淺孔子曰信而後諫未信則以爲謗已也易
之恒曰浚恒凶此恒之初也故當以漸而不可以
浚浚則凶矣假如問人臣之忠邪其親信者誰歟
遽與之辨別是非則有失身之悔君子於此但不
可以忠爲邪以邪爲忠語言之間故不無委曲也
至於論理則不然如惠王問孟子何以利吾國則
當言何必曰利宣王問孟子卿不同則當以正對
蓋不直則道不見故也

書曰德惟善政孔子曰爲政以德離道德而爲政事
非先王之政事也

天保以上治內采薇以下治外先王經綸之迹也其
效博矣然觀其作處豈嘗費力本之誠意而已今
鹿鳴四牡諸詩皆在先王所歌以燕群臣勞使臣
者也若使取而歌之其有效乎然則先王之用心
蓋有在矣

正心一事人自未嘗深知之若深知而體之自有其
效觀後世治天下者皆未嘗識此
君臣相與之際尤當以誠意爲主一有不誠則任賢

不能勿去和不能勿疑忠和不分鮮克以濟
道心之微非精一其孰能執之惟道心之微而驗之
於喜怒哀樂未發之際則其義自見非言論所及
也堯咨舜舜命禹三聖相授惟此而已矣
通止於中而已矣出手中則過未至則不及故惟中
為至夫中也者道之至極故中又謂之極屋極亦
謂之極蓋中而高故也極高明而不道手中庸則
賢管者過之也道中庸而不極乎高明則愚不肖
者之不及也世儒以高明中庸折為二致非知中
庸也以謂聖人以高明處已中庸待人則聖人處
已常過之道終不明不行與愚不肖者無以異矣
夫道若大路行之則至故孟子曰堯舜之道孝弟
而已矣其為孝弟乃在乎行止疾徐之間非有甚
高難行之事皆夫婦之愚所與知者雖舜顏不能
離此而為聖賢也百姓特日用而不知耳
聖人所謂性與天道者亦豈嘗離夫灑掃應對之間
執其始也即此而為學其卒也非離此以為道
學始於致知終於知止而止焉致知在格物物固不
可勝窮也反身而誠則舉天下之物在我矣
孟子曰萬物皆備於我反身而誠樂莫大焉知萬物

皆備於我則數雖多反而求之於吾身可也故曰
盡已之性則能盡人之性盡人之性則能盡物之
性以已與人物性無二故也
學者若不以為敬為事便無用心處致一之謂敬無道
之謂一
君子於義所謂喻於義則惟義而已自義之外非
君子之所當務也夫然後所守者約如孟施舍知
守氣可謂約矣所以不及魯子者以魯子惟義之
從故也
知合內外之道則顏子禹稷之所同可見蓋自誠意
正心推之至於可以平天下此內外之道所以合
也故觀其意誠心正則知天下由是而平觀其天
下平則知非意誠心正不可也茲乃禹稷顏回之
所以同也
舜跖之分利與善之間也利善之間相去甚微學者
不可不知
志學之士當知天下無不可為之理無不可見之道
思之宜深無使心支而易昏守之宜篤無使力淺
而多奪當以身體之以心驗之則天地之心日呈
露於目前而古人之大體已在我矣不然是未也

荀卿所謂口耳之學也

學者當知聖人知聖人然後知所以學舜在深山中與木石俱鹿豕遊無以異於深山之野人也而四岳知其可以託天下顏淵在陋巷終日如愚然而孟子稱其與禹稷同道夫豈苟言哉其中必有誠然不可掩者夫舜之可以託天下顏淵之可以爲禹稷其必有在矣學者不可不知也知此則知所以學矣

伊尹耕于有莘之野以樂堯舜之道夫堯舜之道豈有物可玩而樂之乎即耕于有莘之野是已此農夫田父之所日用者而伊尹之樂有在乎是所謂知之者也

子思之學惟孟子之傳得其宗

自堯舜以前載籍未具世所有者獨宓戲所畫八卦耳當是之時聖賢如彼其多也自孔子刪定繫作之後更歷秦漢以迄于今其書至不可勝紀人所資以爲學者必易於古然其間千數百年求一人如古之聖賢卒不易得何哉豈道之所傳固不在於文字之多寡乎夫堯舜禹皋陶皆稱若稽古非無待於學也其學果何以乎由是觀之聖賢之所

以爲聖賢其用心必有在矣學者不可不察之也
伏義畫八卦書斷自堯典是時雖六經之文本有也况他書乎舜在深山與草木俱鹿豕遊無以異深山之野人固非有誦記操筆泚墨爲文詞也其學果安自乎夫舜聖人也生而知之無事乎學可也二十有二人相與共成帝業者豈皆生知耶然則聖人之所以爲聖賢人之所以爲賢其學必有在矣

易曰君子敬以直內義以方外夫盡其誠心而無偽焉所謂直也若施之於事則厚薄隆殺一定而不可易爲有方矣敬與義本無二所主者敬而義則自此出焉故有內外之辨其實義亦敬也故孟子之言義曰行吾敬而已矣

易於咸卦初六言咸其拇六二言咸其腓九三言咸其股九五言咸其脢上六言咸其輔頰舌至於九四一爻由一身觀之則心是也獨不言心其說以謂有心以感物則其應必狹矣惟忘心而待物之感故能無所不應其辭曰貞吉悔亡憧憧往來朋從爾思夫思皆緣其類而已不能周也所謂朋從者以類而應故也故孔子繫辭曰天下何思何

夫心猶鏡也。居其所而物自以形來。則所鑑者廣矣。若鏡隨物以變其形。其照幾何？人各有心。勝心去盡。而惟天理之循。則機巧變詐。不待若懷其勝心。施之於事。必以一己之是非為標準。間不能無窒礙處。又固執之不移。此機巧變詐所由生也。孔子曰：不知命。無以為君子。知命。則事天理而已。循天理。則於事無固必。無所計較。無所用。忠信為進德之基本。無忠信。則如在虛空中。德何以進？孟子與人君言。皆所以擴其善心。而格其非心。不止就事論事。如論齊王之愛牛。而曰：是心足以王。論王之好樂。而使之與百姓同樂。論王之好貨好色。好勇而陳。周之元王之事。若使為人臣者論事。每如此。而具君肯聽。豈不能成其君？古之七雖一介之賤。則於齊民之問。短褐不完。全被飲水。而無有餘。而不知王公之為尊。與夫富貴。深文飾之。為美也。三旌之位。非其道也。有弗屑也。萬金之寶。非其義也。有弗受也。為人如是。上之人雖

貴自尊。以輕天下之士。其可得乎？劉之彖曰：不利有攸往。小人長也。順而止之。觀象上。君子尚消息盈虛。天行也。夫君子之於小人。方其進也。不可以驟去。觀剝之象。斯可見矣。剝坤下而艮上。坤順也。艮止也。天理之不可易者也。順而止之。其漸而非暴。之謂乎。陰陽之氣。消息盈虛。必以其漸。君子所尚。蓋在於此。復之時。群陰在上。而陽始復焉。陰猶盛也。非一陽在下。所能勝。小人衆而君子獨。豈一人一日之力。所能制哉？故必朋來而後無咎。然動而不以順行。則出入不能無疾。則害之者至。如是身之不能保。尚何朋來之有？故於復曰：動而以順行。於剝曰：順而止之。其道一也。故剝之彖曰：順而止之。觀象也。蓋艮上而坤下。剝之成象也。觀剝之象。則知所以治剝矣。東漢之君子。不知出此欲以力勝之。卒至於俱傷。兩敗而國隨以亡。有以取之也。復之成卦。坤上而震下。動以順行。亦猶是耳。觀四時陰陽之運。寒暑之變。天且不能暴為之。況於人乎？故豫之彖曰：豫順以動。故天地如之。正謂此也。易之始。十曰：女壯勿用。女六始一陰生。未壯也。而

曰壯者生而不已固有壯之理也取女則引而與之齊也引而與之齊則難制矣陰者小人之象也小人固當制之於漸也故當陰之生則知其有壯之理其有壯之理則勿用取女可也是以姤之初爻曰繫于金柅貞吉有攸往見凶金柅止車之行也陰之初動必有以柅之其制之於漸乎蓋小人之惡制之於未成則易制之於已成則難

亂世不能無君子治世不能無小人特其消長異耳此天地之義陰陽之理也故治世能使小人不為惡而已不能絕之使無也

周官之書先王經世之務也不可不講若有意於世須是事理明了胸中無疑方能濟務

西銘只是發明一箇事天底道理所謂事天者循乎天理而已矣

問萬物與我為一其仁之體乎曰然

自致知至於慮而後得進德之序也譬之過四方者未知所之必問道所從出所謂致知也知其所之則知止矣語至則未也知止而至之在學者力行而已非教者所及也

非禮勿視勿聽勿言勿動此則士之所以修身慎行

者無遺力矣特之曰禮而已此一言足以盡之約而易守也不窒其源而杜其末流雖曰先之遇事發矣不可不知也

大聖人所謂毋意者毋私意而已誠意固不可毋也毋誠意是偽也

忘與助長所趨雖異而其為害則同矣循其自然而順養之則無二者之害矣

知中則知權不知權是不知中也故權以中行中因

權立中庸不言權其曰君子而時中蓋所謂權也天地萬物一性耳無聖賢知愚之異故學者必以聖

人為師

周公驅猛獸蕪夷狄滅國者五十何嘗不殺亦去不

仁以行其仁耳

博學詳說所以趨約至於約則其道得矣

忘機則非其類可親機心一萌鷗鳥舞而不下矣

無誠意以用禮則所謂繁文末節者偽而已

吾從周非從其文也從其損益之意而已

問操心曰以禮制心所謂操也如顏子克己復禮最

學者之要若聖人則不必操而常存

君子之治心養氣接物應事惟直而已直則無所

夫廉耻在常人足道君子更自矜其廉耻亦淺矣
庶耻自君子所當為者如人守官曰我固不受職
不受職豈分外事乎

君子無所往而不以誠但至誠惻怛則人自感動蓋
誠動於此物應於彼速於影響豈必在久
消息盈虛天且不能暴為之去小人亦不可驟

物只是物所以為物之道乃道也
性則具足固成本無虧欠

萬物所以賦得偏者自氣稟之異非性之偏也孔子

曰天地之性人為貴人之性特貴於萬物耳何嘗
與物是兩般性

行其所無事不亦易乎一以貫之不亦簡乎如是則
天下之理得矣又曰行其所無事一以貫之只是一箇自然之理

心之為物明白洞達廣大靜一若理會得了然分明
然後可以言盡未理會得心盡箇甚大抵須先理

會仁之為道知仁則知心心則知性是三者初
無異也橫渠作西銘亦只是要學者求仁而已
此心一念之間毫髮有差便是不正

須是於喜怒哀樂未發之際能體所謂中於喜怒哀
樂之後能得所謂和致中和則天地可位萬物可
育其於天下何有

正心到寂然不動處方是極致以此感而遂通天下
之故其於平天下也何有

如六經中自有妙理却不深思曾不知聖人將妙理
只於尋常事說了

行無隱而不彰雖幽闇深僻之中人亦可以知其詳
也人之為惡多以人莫之知而密為之然終不能

掩密為之者其初心也至於不能掩蓋已無知之
何耳豈其所欲哉此君子所以戒慎乎其所不睹

恐懼乎其所不聞也

人之有是四端也猶其有四體也夫四體與生俱生
四體不備謂之不成人闕一不可亦無先後之次

或問人當無利心然後為君子曰以此自為可也
此責人不勝責矣人但能於所得處知辨義理亦

自難得故孔子以見利思義稱成人而以見得思
義稱士焉此其辨也

世之君子其平居談道甚明論議可聽至其出立朝
廷之上則其行事多與所言相戾至有國王而實

伯行義而規利者蓋以其學得之文字之中而未嘗以心驗之故也是故心迹常判而為二心迹既判而為二故事事違其所學

以術行道未免枉已與其自枉不若不得行之愈也道一而已矣人心之所同然無二致也聖人先得人心之所同然者故伊尹曰予矢民之先覺者也衆人特夢而未始覺耳而伊尹以斯道覺斯民非外襲而取之以與民也特覺之而已矣

天下之物理一而分殊知其理一所以為仁知其分殊所以為義權其分之輕重無銖分之差則精矣

夫為仁由已耳何力不足之有顏淵之克己復禮仲弓之出門如見大賓使民如承大祭若此皆用力處也但以身體之當自知耳

夫通天下一氣也人受天地之中以生其盈虛常與天地流通寧非剛大乎人惟自惜於形體故不見其至大不知集義所生故不見其至剛善養氣者無加損焉勿暴之而已乃所謂直也用意以養之皆握苗者也曲孰甚焉

六經先聖所以明天道正人倫致治之成法也其文自堯舜歷夏周之季興衰治亂成敗之迹故學者

變因時損益之理皆煥然可考綱維天地之大物理象器幽明之故死生終始之變莫不詳論曲譬較然如數一二宜乎後世高明超卓之士一撫卷而盡得之也

六經雖聖人遺言而道之所存蓋有言不能傳者則經雖具猶不能論人之弗達也然則聖之所以為聖賢之所以為賢其必有在矣雖然士之去聖遠矣合六經亦何以求聖人哉要當精思之力行之超然默會於言意之表則庶乎有得矣若夫過其藩籬望其門牆足未踰闕而輒妄意其室中之藏則達其中也難哉

大學一篇聖學之門戶其取道至徑故二程多令初學讀之蓋大學自正心誠意至治國平天下只一理此中庸所謂合內外之道也若內外之道不合則所守與所行自判而為二矣孔子曰子帥以正孰敢不正子思曰君子篤恭而天下平孟子曰其身正而天下歸之皆明此也

論西銘曰程先生言理一而分殊知其理一所以為仁知其分殊所以為義所謂分殊猶孟子言親親而仁民仁民而愛物其分不同故所施不能無

等或曰如是則休用果離而為二矣曰用未嘗離體也且以一身觀之四肢百骸皆具所謂體也至其用則屢不可加之於首冠不可納之於足則即休而言用在其中矣

學者之視聖人其猶射之於正鵠乎雖巧力所及有遠近中否之不齊然未有不志乎正鵠而可以言射也士之去聖人或相倍蓰或相什百所造固不同然未有不志乎聖人而可以言學也道廢千有餘年百家之言盈天下學者將安取正乎質諸聖人而已矣

世之學者皆言窮達有命特信之未篤其竊謂其知之未至也知之斯信之矣今告人曰水火不可蹈人必信之以其知之也告人曰富貴在天不可求亦必曰然而未有信而不求者以其知之不若蹈水火之著明也

周道之衰庠序之法廢故家遺俗隨以燠滅幸而有孔子出焉振先王已墜之教駕說於當世而從之將者若夢之魯師之僻由之嘯師之過商之不及其材固非有大過人也然其間所未聞見所未見而餘言遺行有後世宿儒皓首而不能窮者則士

之得所依歸豈曰小補之哉自秦漢迄于魏晉隋唐之間明智之士見於其時不無人矣問有一節一義可稱於世者槩以聖人中道非過則不及豈其材皆不逮古耶徒以學無師承不知所以裁之故也以今較古則學之難易又可知已且三代而上道德明而異端熄邪說詖行不作於下士之朝夕蹈習者無非禮樂之間則其學豈不易致耶末世以來諸子百家異端並起是非紛錯無所考正士之始學者如適九達之衢從橫曲折眩然莫知所之非有導其前則終身未見其至也嗚呼師道廢久矣後世之士不能望見古人之萬一者豈不以此歟

謂不可以脩身而可以救世恐無是理顏子不遷怒非無怒也不遷而已是謂中節此顏子所以脩身也而孟子以禹稷之事與之謂之易地則皆然蓋脩身救世本無二道故也夫物我異觀不能通天下為一正今日學者之失此弊尤當救之不可緩也

反身者反求諸身也蓋萬物皆備於我非自外得反諸身而已反身而至於誠則和仁者不足道也

問仁義聖人猶有隘何也曰此自氣稟不同耳
其石世之下聞其風者頑夫廉懦夫有立志此其
甚力量

天命之謂性性即天命也又豈二物哉如云在天為
命在人為性此語似無病然亦不須如此說性命
初無二理第所由之者異耳

天命之謂性人欲非性也天命之善本是無人欲
夫道止於中而已故堯舜禹三聖相授皆曰允執厥
中

聖人經世立法非固敗損以中人為制道固然也蓋
立法失中其過與不及皆非聖人之道也

當禹之時烝民未粒故菲飲食水土未平故卑宮室
過門不入聖人之以天下為心者蓋如此

右一百一十五條

大儒心學語錄卷之八

後學金鑑王堯輯

上蔡謝先生語

或問人有智愚之品不同何也曰氣稟異耳聖人不
忿疾于頑者憫其所遇氣稟偏駁不足疾也然則
可變歟曰其性本一何不可變之有

心本一支離而去者乃意耳

問思可去否曰思如何去思曰膚脊作聖思豈可去
問遇事出言每思而發是否曰雖不中不遠矣

聖人之道無顯微無內外由洒掃應對進退而上達

天道本末一以貫之

天理也人亦理也循理則與天為一與天為一我非
我也理也理非理也天也惟文王有純德故曰在
帝左右在謂文王帝是天之作用處或曰意必固
我有一焉則與天地不相似矣曰然理上怎安得

簡字

德可以易言耶動容周旋中禮聖人之事也止曰盛
德之至具天下之至善止曰有德為天下之大惡

止曰失德故禮樂皆得謂之有德
心者何也仁是已仁者何也活者為仁死者為不仁

今人方體一痺不知痛癢謂之不仁桃杏之類
種而生者謂之桃仁杏仁言有生之意推此仁可
見矣

問一日靜坐見一切事平等皆在我和氣中此是仁
否曰此只是靜中工夫只是心虛氣平也湏是應
事時有此氣象方好

仁者天之理也天理當然而已矣當然而為之是為
天之所為也聖門學者大要以克己為本克己復
禮無私心焉則天矣

誠是實理不是專一如惡惡臭如好好色不是安排
來

昔人有問明道先生云如何斯可謂之恕心明道曰
克廣得去則為恕心如何是克廣得去底氣象曰
天地變化草木蕃曰克廣不去時如何曰天地閉
賢人隱察此可以見盡不盡矣

忠恕猶形影也無忠做恕不出來

孔子曰事君盡禮人以為誦當時諸國君相怎生當
得聖人恁地禮數是他只管行禮又不與你計較
長短與上大夫言便閤閤如也與下大夫言便侃
侃如也冕者魯者兄之便作過之便趨蓋其德也

盛自然到此不是勉強做出來氣象與孟子渾別
孟子說大人則藐之勿視其巍巍然猶自參較彼
我未有合一底氣象

人之氣稟不同顏子似弱孟子似強顏子具體而微
所謂具體者合下來有恁地氣象但未彰著耳微
如易知微知彰微顯闡幽之微孟子強勇以身任
道後車數十乘從者數百人所至王侯分庭抗禮
壁立萬仞誰敢正覲著非孟子恁地手脚也撐拄
此事不去雖然猶有大底氣象未能消磨得盡不
然貌大人等語言不說出來所以見他未至聖人

地位

顏子克擴其學孟子能為其大孟子之才甚高顏子
之學粹美

學湏是天人合一始得

學湏是熟講學不講用盡工夫只是舊時人學之不
講是吾憂也仁亦在乎熟而已

今之學湏是如飢之湏食寒之湏衣始得若只欲彼
善於此則不得

人湏先立志立則有根本譬如樹木湏先有箇根
本然後培養能成合抱之木若無根本又培養箇

甚

顏子工夫真百世軌範舍此應無入路無住宅

敬是常惺惺法心齊是事事放下其理不同

問敬之貌如何曰於儼若思時可見問學爲敬不免

有矜持如何曰矜持過當却不是尋常作事用心

過當便有失要在勿忘勿助長之間耳曰初學莫

未能和樂否曰雖不能便和樂亦須以和樂養之

問敬慎有異否曰執輕如不克執虛如執盈慎之至

也敬則慎在其中矣敬則外物不能易學者須去

却不合做底事則於敬有功敬換不得方其敬也

德華書卷六

上卷

甚物事換得因指所坐亭子曰這箇亭子須只喚

做白岡院亭子却着甚底換得曰學者未能便窮

理莫須先省事否曰非事上做不得工夫也須就

事上做工夫如或人說動中有靜靜中有動有此

理然靜而動者多動而靜者少故多著靜不妨人

須是卓立中塗不得執一邊

或問正其衣冠端坐儼然自有一般氣象此是敬否

曰不如執事上尋便更分明事思敬居處恭執事

敬若只是靜坐時有之却只是坐如尸也

近道莫如靜齋戒以神明其德天下之至靜也

時

聞見之知非真知也知水火自然不蹈真知故也真

知自然行之不難不真知而行未免有意意有盡

學者須是窮理物物皆有窮理則能知天之所爲

知天之所爲則與天爲一與天爲一無往而非理

也窮理則是尋箇是處

問天下多少事如何見得是處曰窮理便見得事不

勝窮理則一也

金華書卷六

上卷

所謂有知識須是窮物理只如黃金天下至寶先須

辨認得他體性始得不然被人將鎗石來喚作黃

金辨認不過便生疑惑便執不定故經曰物格而

後知至知至而後意誠

人須識其真心見孺子將入井時是真心也非思而

得也非勉而中也

子嘗學射到一把處難去半把處尤難去則恁地放

了底多昔有一人學射摸得鏃與把齊然後放學

者終有些所得便住人多易住惟顏子善學故孔

子有見其進未見其止之嘆須是百尺竿頭更須

進步始得

某與伊川別一年往見之伊川曰別又一年故得甚

工夫曰也只是箇矜字曰何故曰仔細點檢得來病痛盡在這裏若按伏得這箇罪過方有向進處伊川點頭因語在坐同志者曰此人爲學切問近思者也或問矜字罪過何故恁地大曰今人做事只管要誇耀別人耳目渾不關自家受用事有底人食前方丈便向人前喫只蔬食菜羹却去房裏喫爲甚恁地

懷固蔽自欺之心長虛驕自大之氣皆好名之故

格物窮理須是識得天理始得所謂天理者自然底道理今人乍見孺子將入井皆有怵惕惻隱之心

方乍見時其心怵惕所謂天理也要譽於鄉黨朋

友內交於孺子父母惡其聲而然即人欲耳天理與人欲相對有一分人欲即滅却一分天理存一分天理即勝得一分人欲人欲繞肆天理滅矣

橫渠教人以禮爲先大要欲得正容謹節其意謂世

人汗漫無守便當以禮爲地教他就上面做工夫

然其門人下稍頭溺於刑名度数之間故其學無傳之者明道先生則不然先使學者有知識却從

敬入

或問橫渠教人以禮爲先與明道使學者從敬入

不同曰既有知識窮得物理却從敬上涵養出來自然是別正容謹節外面威儀非禮之本曰端渠以禮教人明道以忠信爲先

學者先學文鮮有能至道至如博觀泛覽亦自爲害故明道先生教子嘗曰賢讀書慎不要尋行數墨帝王之功聖人之餘事有內聖之德必有外王之業其所以存心一言以蔽之曰公而已

透得名利關方是小歇處今之士大夫何足道能言

直如鸚鵡也

九恭謹必勉強不安安肆必放縱不恭恭如勿忘安

如勿助長正當勿忘勿助長之間須子細體認取

或問呂與叔問常惠思慮紛擾程夫子答以心主於敬則自然不紛擾何謂敬謝子曰事至應之不與之往非敬乎萬變而此常存奚紛擾之有夫子曰

事思敬正謂此耳

或問或曰我初學問事必不當人必笑然我未有所

得須直情言之若掩蔽畏人笑徒自欺耳此言何如曰是也謂同坐諸子曰亦須切記此語

知命雖淺近也要信得及將來做田地就上面下工

夫萬事真實有命人力計較不得吾平生未嘗

人在書局亦不調執政或勸之吾對曰他能陶鑄我自有命若信不及風吹草動便生恐懼憂喜枉做却開工夫枉用却開心力信得命及便養得氣不折挫

默而識之與書紳者異矣

自孟子沒天下學者向外馳求不識自家寶藏

大而化之合於自然

顏子學得親切仰之彌高鑽之彌堅無限量也以見

聖人之道大瞻之在前即不及忽焉在後又蹉却

以見聖人之道中觀此一跌即知顏子看得來親

切博我以文使知識廣約我以禮歸宿處也

勿忘又勿助長正當恁地時自家看取天理見矣所

謂天者理而已只如視聽動作一切是天學者直

湏明天理為是自然底道理移易不得識得天理

然後能為天之所為聖門學者為天之所為故敢

以天自處

學者須是胸懷擺脫得開始得

自然不可易底便喚做道體在我身上便喚做德有

知覺識痛癢便喚做仁運用處皆是當便喚做義

大都只是一事

堯舜湯武做底事業只是與天理合一他見做出許多掀天動地蓋世底功業如大空中一點雲相似他把做甚麼

或問公於外物一切放得下否曰實向他道就上而

做工夫來曰如何做工夫曰凡事湏有根屋柱無

根拆却便倒樹木有根雖剪枝條相次又發如人

要富貴要他做甚必須有用處尋討要用處病根

將來斬斷便沒事

問於勢利如何曰打透此關十餘年矣當初大故做

工夫揀難捨底棄却後來漸漸輕至今日於器物

之類置之只為合要用却並無健羨底心

道湏是下學而上達始得不見古人就灑掃應對上

做起灑掃不着此心怎灑掃得應對不着此心怎

應對得古人湏要就灑掃應對上養取誠意出來

不從心中出便是不識痛癢但存得出門如見大賓

使民如承大祭底心在便是識痛癢

子路百世之師揀難割捨底要不做便是不做故孟

子將來與舜禹作一般舉揚

敏於事則如天運而不息

吾儒以名利關為難透

必有事而勿正出入起居寧無事者正心以待之則
先事而迎忘則涉乎去念助則近於留情故聖人
之心如鑑

凡事只是積其誠意自然動得

申顏自謂不可一日無侯無可或問其故曰無可
攻人之過一日不見則吾不得聞吾過矣
人不可與不勝己者處鈍滯了人

或問劉子進乎曰未見他有進處所以不進者何只
爲未有根因指庭前蒼蘚曰此花只爲有根故一
年長盛如一年

君子而持中無往而非中也須權輕重以取中如此
又却是權執中無權猶執一也今人以變詐爲權

便是壞了權字

問靜時悠悠思多如何去得曰能敬則悠悠思住不
得自去

吾儒下學而上達窮理之至自然見道與天爲一故

孔子曰知我者其天乎以天爲我也故自理去則
見得牢亦自信得及

循理便是復禮以斯視以斯聽自然合理合這箇理
字便合禮文禮理之不可易者也只是一箇義字

問言有物而行有常如何是有物曰妄則無物是不
誠也不誠無物誠者物之終始終始者有常之謂
也物則是箇實存誠則有物問敬是存誠之道否
曰須是體便見得

學須先從理上學盡人之理斯盡天之理學斯達矣
下學而上達其意如此故曰知我者其天乎人心
與天地一般只爲私心自小了任理因物而已無
與焉天而已豈止與天地一般只便是天地

今人有明知此事義理有不可尚吝惜不肯捨去只
是不勇與月攘一鷄何異天下之達道三智仁勇

如斯而已

有所偏且克將去尚恐不恰好不須慮恐過甚
爲飛戾天魚躍于淵無此私意上下察以明道體無

所不在非指爲魚而言也知勿忘勿助長則知此
黜知夫子與點之意

舜傳位與禹是大小大事只稱他不矜不伐若無矜

伐更有甚事夸勝爲矜有其善爲伐矜伐然言事
欲以意氣加人亦是夸心有人做作說話張筋弩脉

皆爲有己立己與物幾時到得與天爲一處須是
克己終覺時便克將去從偏勝處克己者勝之一

謂也

子路衣敝緼袍許大子路却只以此稱他只為心下無此等事打疊得過

問獨處無事時未必有此心纔遇事逢人此心便出不能忘我曰亦須就事上做工夫不怕此心因事出來正好處置與心自為賞罰不見可欲却無下工夫處

聽其言也厲須是有力其尋常纔覺心不在時語便無力

喜怒哀樂失其節皆是病

伊川才料大使了大事指顧而集不動聲色

邵堯夫直是豪才

王龜公平生養得氣完為他不好做官職作宰相只啖魚羹飯得受用底不受用緣省便去就自在平生不屈也奇特

世人說仁只管着愛上忽生見得仁只如力行近乎仁力行關愛甚事何故却近乎仁推此類此言之子思之意言上下察也猶孟子所謂必有事焉而勿正察見天理不用他意也

問為政如何曰吾為政之道以不之貽時事知吾信

既立今則簡矣

任意喜怒都是人欲須察見天理涵養始得

夫子之得邦家者所謂立之斯立道之斯行綏之斯求動之斯和須還這老子始得為他與天合一變化在手便做得恁地事如二南麟趾駉虞之應須是他文王始得

禮者攝心之規矩循理而天則動作語默無非天也內外如一則視聽言動無非我也

問事父母有輕重否曰無輕重曰父母所見不同從父而母不悅順母而父不悅則如之何曰九人子

之所欲固有父母制之不得者矣苟欲兩順之無方便乎若不以親之心為心非孝也曰親之心

或有逆於義理則亦以親之心為心乎曰未論到此但只盡自家愛親之心苟盡矣或得罪於鄉黨州閭則歸之無可奈何且所以從兄者為愛親也故從此推去至於兼愛萬物

不知禮無以立使人皆能有立天下有治而無亂能窮理則便盡性性盡便知命理性命一而已

這箇入與這箇仁相合為一便是道

如今只是學箇依本分

義重於生則告生取義生重於義則當舍義取生
要臨時權輕重以取中

學者不可着一事在胸中繞着此事便不得其正
知言是智養氣是仁

要識浩然之氣於心得其正誠取

問養氣只是集義所生亦須壯其氣盛氣以作事否

曰亦須壯着氣

浩然是無虧欠時

克已須是從性偏難克去處克將去克已之私則心

虛見理矣

一日克已復禮天下歸仁焉只就性上看

隱公欲為休老之計或勸之即真公以誠告之其人

不自安反見殺隱公失之不早決斷耳推此類可

以見其餘

石一百一條

大儒心學語錄卷之九

後學金路三

蓋田呂先生語

人受天地之中其生也具有天地之德柔強

質雖異其心之所然者皆同特故有淺深故別而

為昏明稟有多寡故分而為強柔至於理之同

然雖聖愚有所不異蓋已之性則天下之性皆然

故能盡人之性故有淺深故為昏明故有強柔故

為人物稟有多寡故為強柔稟有偏正故為人物

故物之性與人異者幾希惟塞而不聞故知不若

人之明偏而不正故才不若人之美然人有近物

之性者物有近人之性者亦繫乎此於人之性開

塞偏正無所不盡則物之性未有不能盡也已也

人也物也莫不盡其性則天地之化成矣

赤子之心良心也天之所以降衷民之所以受天地

之中也寂然不動虛明純一與天地相似與神明

為一傳曰喜怒哀樂之未發謂之中其謂此歟此

心自正不待人而後正而賢者能勿喪不為物欲

之所遷動如衡之平不加以物如鑑之明不蔽以

垢乃所謂正也惟先立乎大者則小者不能奪

使念懷恐懼好惡憂患一奪其良心則視聽食息
從而失守欲區區脩身以正其外難矣

我心所同然即天理天德孟子言同然者恐人有私
意蔽之苟無私意我心即天心

人受天地之中以生良心所發莫非道也在我者惻
隱羞惡辭遜是非皆道也在彼者君臣父子夫婦
昆弟朋友之交亦道也在物之分有彼我之殊在
性之分則合乎內外一體而已是皆人心所同然
乃吾性之所固有也

誠者理之實然一而不可易者也

實理不二則其體無雜不雜則其行無間故至誠無
息

辭受有義得不得有命皆理之所必然有命有義是
有可得可受之理故舜可以受堯之天下無命無
義是無可得可受之理故孔子不主彌子以受衛
卿二者義命有自合之理無從而間焉有義無命
雖有可受之理而無可得之命究其理安得而受
之是謂義合於命故益避啓而不受禹之天下有
命無義雖有可得之命而無可受之義亦安得而
受之是謂命合於義故中國受室養弟子以節

為孟子之所辭二者義命有正合之理時中而已
焉

白洒掃應對上達乎天道性命聖人未嘗不竭以教
人但人所造有淺深故所得亦有小大也仲尼曰
吾無隱乎爾又曰有鄙夫問於我我叩其兩端而
竭焉然子貢高弟猶未聞乎性與天道非聖人之
有隱而人自不能盡耳如天降時雨百果草木皆
甲拆其盛衰小大之不齊膏澤豈私於物哉

橫渠張子教學者多告以知禮成性變化氣質之道
學必如聖人而後已聞者莫不動心有自得之者

君子之道莫大乎孝孝之本莫大乎順義故仁人孝
子欲順乎親必先乎妻子不失其好兄弟不失其

和室家宜之妻孥樂之致家道成然後可以養父
母之志而無違也故身不行道不行於妻子文王
刑于寡妻至于兄弟則治家之道必自妻子始

君子所以學者為能變化氣質而已德勝氣質則愚
者可進於明柔者可進於強不能勝之則雖有志
於學亦愚不能明柔不能立而已矣蓋均善而無
惡者性也人所同也氣明強弱之稟不齊者才也
人皆其已而之者所以其具也失也

不美之質求變而美非百倍其功不足以教之今
以凶莽滅裂之學或作或輟以變其不美之質及
不能變則曰天性不美非學所能變是果於自棄
其為不仁甚矣

性一也流形之分有剛柔昏明者非性也有三人焉
皆一目而別乎色一居乎密室一居乎帷箔之下
一居乎廣庭之中三人所見昏明各異豈目不同
乎隨其所居蔽有厚薄耳

物之性有近人之性者人之性有近物之性者
未發時心體昭昭

克己銘曰凡厥有生均氣同體胡為不仁我則有己
立已與物私為町畦勝心橫生擾擾不齊大人有
誠心見帝則初無吝驕作我蠢賊志以為帥氣為
卒徒奉辭于天誰敢侮予且戰且陳勝私室慾言
焉寇讎今則臣僕方其未克寤我室廬婦姑勃
安取其餘亦既克之皇皇四達洞然八荒皆在
闔孰曰天下不歸吾仁痒病疾痛舉切吾身一
至之莫非吾事顏何人執晞之則是

右堂拾伍條

大儒心學語錄卷之十

後學金谿王冀輯

和靖尹先生語

寂然不動感而遂通天下之故若只寂然不動與木

石等也只為感而遂通便是知覺知覺即心也

吾道甚平易明白須行到無內外無思慮方得

鮑某嘗問伊川仁者愛人便是仁乎伊川云愛人仁

之事耳焞時侍坐歸因取論語中說仁事致思久

之忽有所得遂見伊川請益曰某以仁惟公可盡

之伊川沉思久之云思而至此學者所難及也天

心所以至仁者惟公爾人能至公便是仁

謝收嘗問學於伊川伊川云學之大無如仁汝謂仁

是如何謝久之無入處一日再問愛人是仁否伊

川云愛人乃仁之端非仁也謝收去焞因曰某謂

仁者公而已伊川云何謂也焞曰能好人能惡人

伊川云善涵養不易見得此

或問古來誰好學曰惟孔子好學曰孔子猶好學乎

曰孔子言我非生而知之好古斂以求之又曰十

室之邑必有忠信如丘者焉不如丘之好學也豈

不是惟孔子好學孔子又非妄言以欺天下後世

者其次莫如顏子

凡學問切忌間斷便不是學一日暴之十日寒之奚可哉

學問不可有私心私心人欲也人欲去天理還

問如何仕而優則學曰學豈有休時書曰念終始典

于學荀子曰學至死乃已也

某初見伊川時教某看敬字某請益伊川曰主一則

是敬當時雖領此語然不若近時看得甚親切初

寬問如何是主一曰敬有甚形影只收斂身心便

是主一且如人到神祠中致敬時其心收斂更著

不得毫髮事非主一而何

學貴力行不貴空言

克已惟在克其所好便是下手處然人未有不

自知所好處而能克之者若不自知却克箇甚如好財

即於財上克好酒即於酒上克今人只爲事事皆

好便沒下手處然須擇其偏好甚處先克

後世人臨事多錯只爲不知道若知道了臨事安得

錯

人有避事欲不爲者曰事當爲者豈可不爲廢事便

是廢人道莊子猶曰匿而不可不爲者事也

君子之心不係於利害惟其是而已

君子或出或處歸潔其身而已矣人之行已各有其

志出處去就雖有不同要看所存如何耳

問昔人教人必因其材之可而教之不以其所不

可而強之近時師匠不論人材所可只一律以其

所見教之是以有不得盡其材者曰固是初學之

人豈可便說與十分話然亦不可以逆料其才之

不可而不以盡告只看他志趣所向氣質如何隨

量而得也大率人未有箇入處便語以高者大者

徒令驚疑以止其進學之心固非善教者然謂其

才不可而不以教之得爲善教歟又曰聖人只是

引得他只顏子便會此意謂夫子循循然善誘人

也

學問雖是要從師然賴朋友相成處甚多師只是開

其大端又體貌嚴重若於從容閑暇之際委曲論

難須是朋友便發明得子細

讀書須是看聖人用心處自家臨事時一一要使

伊川嘗言讀得一尺不如行得一寸行得便是會讀

書

莫大之禍起於須臾之不忍不可不謹

尹子每赴經筵前夕必沐浴更衣設香案以來口所
當講書置案上朝服再拜拈香又再拜齋于燕室
學者問焉曰必欲以所言感悟君父安得不盡敬
人君其尊如天必湏盡已之誠意又曰以吾所言
得入則天下蒙其利不能入則反之安敢不盡誠
敬

見伊川後半年方得大學西銘看

人本與天地一般大只爲人自小了若能自處以天
地之心爲心便是與天地同體西銘備載此意願
子克已便是能盡此道

學者所以學爲人也學而至於聖人亦不過盡爲人
之道而已

右二十四條

大學心學語錄卷之十一

後學金谿王實

豫章羅先生語

聖人無欲君子寡欲衆人多欲

世俗之人莫不害人同乎已而惡人異於已也同於
已而欲之異於已而不欲者以出乎衆爲心也以
出乎衆爲心則以其不大故也惟大爲能有容善
者共說之不善者共改之宜無後已之異故舜曰
大舜禹曰大禹皆明乎此而已矣若能存心至公
而樂與人爲善不以必出於已爲勝其舜禹之疾
歟詩云惟其有之是以似之此之謂也

成湯處心過於武王成湯放桀于南巢惟有慙德
子恐來世以台爲口實武王以受罪浮于桀曰
朕必往則豈復有慙德哉又湯誓湯誥數桀之惡
蔑而恭誓數紂之惡深善乎古人謂紂雖無道不
如是之甚者誠知武王之心歟

正者天下之所同好邪者天下之所同惡而聖賢不
當致憂於其間而正已明故也至於邪正未明
則聖賢憂之觀少正卯言僞而辯行僻而堅孔子
則誅之楊墨一則爲我一則爲孟子則誅之

邪正未明而惑人者衆此孔孟之所以汲汲也

春秋聖人之用也雍容自盡於燕閑靜一之中遲之以歲月積之以力久優而游之使自求之廢而餒之使自趨之則於春秋之學其庶幾乎

昔季氏伐顓臾孔子曰吾恐季孫之憂不在顓臾而在蕭牆之內也其後陽虎果囚季桓子聖人之言可不為萬世法哉自三代而下人主不師孔子之言不戒季氏之事而被蕭牆之害者多矣

繼志述事禮記獨指武王周公不可執此而行使宣王繼厲王志述厲王事可乎

大儒集卷之二

豫章

古者君臣之間禮義廢耻而已矣上知有禮而不慢其臣而下知廢耻以事其君上下交脩則天下不足為也

可愛非君可畏非民後世荒淫之君所為不善故君不知民可畏而知民可廢耻不知君可愛而知君可怨是君民為讐也安得無顛覆之禍

王者富民伯者富國富民三代之世是也富國齊晉是也

君明君之福臣忠臣之福君明臣忠則朝廷治安得不謂之福乎父慈父之福子孝子之福父慈子孝

則家道隆盛得不謂之福乎俗人以富貴為福陋哉

人主知賢而不能用未若不知之為善知佞而不能去未若不知之為愈苟知賢而不能用則善無所勸知佞而不能去則惡無所懲

人主欲明而不察仁而不懦蓋察常累明而懦反害仁也

祖宗法度不可廢德澤不可恃廢法度則變亂之事起恃德澤則驕佚之心生

人君納諫之本先於虛己禹拜昌言故能納諫

大儒集卷之三

豫章

仁義者人主之術也一於仁天下愛之而不知畏一於義天下畏之而不知愛三代之主仁義兼隆所以享國至於長久

人主讀經則師其意讀史則師其迹然讀經以尚書為先讀史以唐史為首蓋尚書論人主善惡為多唐書論朝廷變故最盛

士之立身要以名節忠義為本有名節則不枉道以求進有忠義則不固寵以欺君矣

士之立朝要以正直忠厚為本正直則朝廷無過失忠厚則天下無嗟怨二者不可偏也一於正直而

不忠厚則漸入於刻一於忠厚而不正直則流入於懦

立朝之士當愛君如愛父愛國如愛家愛民如愛子然三者未嘗不相須也九人愛君則必愛國愛國則必愛民未有以君爲心而不以民爲心者三代之治在道而不在法三代之法貴實而不貴名後世反之此享國與治安所以不同

教化者朝廷之先務廉耻者士人之名節風俗者天下之大事朝廷有教化則士人有廉耻士人有廉耻則天下有風俗或朝廷不務教化而責士人之

廉耻士人不尚廉耻而望風俗之美其可得乎

天下之變不起於四方而起於朝廷譬如人之傷氣則寒暑易侵木之傷心則風雨易折故內有李林甫之姦則外有祿山之亂內有盧杞之邪則外有朱泚之叛易曰負且乘致寇至不虛言也

名器之貴賤以其人何則授於君子則貴授於小人則賤名器之所貴則君子勇於行道而小人甘於下僚名器之所賤則小人勇於浮競而君子恥於求進以此觀之人君之名器可輕授人乎

君子在朝則天下必治蓋君子進則常有亂世之害

使人主多憂而善心生故天下所以必治小人在朝則天下必亂蓋小人進則常有治世之言使人主多樂而怠心生故天下所以必亂

朝廷立法不可不嚴有司行法不可不恕不嚴則不足禁天下之惡不恕則不足以通天下之情

石守道採摭唐史中女后姦臣宦官事各以其類作三卷目之曰唐監而言曰巍巍巨唐女后亂之於前姦臣壞之於中宦官覆之於後考其所論可爲萬世監惜乎不推其本而言之故人主欲懲三者之患其本不過有二以內則清心以外則知人能

清心則女后不能亂之能知人則姦臣不能壞之

宦官不能覆之請以明皇一君而論開元能清心矣能知人矣武惠妃蕭嵩楊思勉豈能易其志及天寶之際不能清心矣不能知人矣而楊貴妃李林甫高力士遂亂其心清心知人其人主致治之本歟

朝廷大姦不可容朋友小過不可不容若容大姦必亂天下不容小過則無全人

三代法度泰盡變之然獨不去肉刑以此用心安得不遽滅

天下無不是底父母

人臣見幾而能諫人君聞善而能從然後君臣兩盡其道

其道

古之人固有刻諸盤盂銘諸几杖置金人以戒多言

置欬器以戒自滿聖人皆有取焉

聖人之誠感無不通故所過者化所存者神其感人

也不見聲色而其應之也捷於影響此堯舜孔子

之道也

孔子道既不行懼人之溺於禽獸中國之亂於夷狄

於是作春秋故春秋獨謹嚴

春秋

卷六

君子之所為皆理之所必然世之所常行者然不可

以求近功圖近利非如世間小有才者一旦得君

暴露其器能以釣一時之譽彼其設施當亦有可

觀者要之非能致遠者也

人主讀經則師其意讀史則師其迹然讀經以尚書

為先讀史以唐書為首蓋尚書論人主善惡為多

唐書論朝廷變故為盛

德與威不可偏廢

問訓子孫之術曰入孝出弟文行忠信閨門之內

肅如也閨門之外雍雍如也

事固有始發而終合失之於始

有之若周成王楚文王秦穆公

右三十九條

大儒心學語錄卷之十二

後學金谿王黃輯

延平李先生語

天下之理無異道也天下之人無異性也性惟不可
現孟子始以善形之惟能自性而觀則其致可求
苟自善而觀則理一而見二

動靜真偽善惡皆對而言之是世之所謂動靜真偽
善惡非性之所謂動靜真偽善惡也惟求靜於未
動有動之先而性之靜可見矣求真於未始有偽
先而性之真可見矣求善於未始有惡之先而

之善可見矣

虛而靜心方實則物秉之物秉之則動心方動則
氣秉之氣秉之則惑惑斯不一矣則喜怒哀樂皆
不中節矣

道可以治心僅食之充饑衣之禦寒也自有迫於
寒之患者違違焉為衣食之謀造次顛沛未始
也至於心之不治有沒世不知慮者豈愛心不
也體哉弗思甚矣然飢而思食不過乎救果之
寒而求衣不過乎緇布之溫道之所可貴亦不
君臣父子夫婦長幼朋友之間行之以仁義

信而已耳捨此不之務而求夫誣詭譎怪可以欺
人耳目者而學之是猶饑寒切身者不知救藥
布之為要而必期乎珍異侈靡之奉焉求之難得
享之難安終亦必亡而已矣

答朱元晦書曰仁字難說論語一部只是說與門弟
子求仁之方知所以用心庶幾私欲沉天理見則
知仁矣如顏子仲弓之問聖人所以答之之語皆
其切要用力處也孟子曰仁人心也體通有無貫
幽明無不包括與人指示於發用處求之也又曰
仁者人也人之一體便是天理無所不備且若合

而言之仁與仁之名亡則渾是道理也來論以謂
仁是心之正理能發能用底一箇端緒如胎育包
注其中生氣無不純備而流動發生自然之機又
無頃刻停息實發洩觸處貫通體用相循初無
間斷此說推擴得好但又云人之所以為人而異
乎禽獸者以是而已若犬之性牛之性則不得而
與焉若如此說恐有礙蓋天地中所生物本源則
一理秀而最靈五常中和之氣所聚禽獸得其獨
而此其所以異也若謂流動發生自然之機

夫無頃刻停息間斷即禽獸之體亦自如此若以爲此理惟人獨得之即恐推測體認處未精於他處便有差也又云須體認純一不雜處方見渾然與物同體氣象一段語却無病又云從此推出分殊合宜處便是義以下數句莫不由此而仁一以貫之蓋五常百行無往而非仁也此說大槩是然細推之却似不曾體認得伊尹所謂理一而分殊龜山云知其理一所以爲仁知其分殊所以爲義之意蓋全在知字上用著力也謝上蔡語錄云不便是死漢不識痛癢了仁字只是知覺了了之體

延平

三

段若於此不下工夫令透徹即何緣見得本源毫髮之分殊哉若於此不了了即體用不能兼舉矣此正是本源體用兼舉處人道之立正在於此仁之一字正四德之元而仁義二字正如立天道之陰陽立地道之柔剛皆包攝在此二字耳大抵學者多爲私欲所昏故用力不精不見其效若欲於此進步須把斷諸路頭靜坐默識使之泥滓漸漸消去方可不然亦只是說也更熟思之

講學切在深潛緝密然後氣味長蹊徑不差若槩以理一而不察乎其分之殊此學者所以流於泛濫

亂真之說而不自知也

學問之道不在多言但默坐澄心體認天理若真有所見雖一毫私欲之發亦退聽矣久久用力於此庶幾漸明講學始有力耳

學者之病在於未有洒然冰釋凍解處縱有力持守不過苟免顯然悔尤而已若此者恐未足道也

大率今人與古學不同如孔門諸子群居終日交相切磨又得夫子爲之依歸日用之間觀感而化者多矣恐於融釋而脫落處非言說所及也不然子貢何以言夫子之言性與天道不可得而聞耶

大學

卷五

四

大率有疑處須靜坐體究人倫必明天理必察於日用處著力可見端緒在勉之耳

朱元晦書曰常存此心爲他事所勝即欲慮非僻之念自不作矣孟子有夜氣之說更熟味之當見涵養用力處也於涵養處著力正是學者之要若不如是存養終不爲己物也

今之學者雖能存養知有此理然旦晝之間一有懈焉遇事應接處不覺打發機械即離間而生矣惟存養熟道理明習氣漸爾消滅道理油然而生然後可進亦不易也

答朱元晦書曰某幾時從羅先生學問終日相對靜坐只說文字未嘗及一雜語先生極好靜坐某時未有知退入室中亦只靜坐而已先生令靜中看喜怒哀樂未發之謂中未發時作何氣象此意不惟於進學有力兼亦是養心之要

古之德人言句皆自曾襟流出非從領頰拾來如人平居談話不慮而發後之學者譬如鸚鵡學人語言所不學者則不能耳

受形天地各有定數治亂窮通斷非人力惟當守吾之正而已然而愛身明道脩己俟時則不可一日忘於心此聖賢傳心之要法或者放肆自逸惟責之人不責之已非也

天下有三本焉父生之師教之君治之闕其一則本不立古之聖賢莫不有師其肄業之勤惰涉道之淺深求益之先後若存若亡其詳不可得而考惟洙泗之間七十二弟子之徒議論問答具在方冊有足稽焉是得夫子而益明也孟子之後道失所傳枝分派別自立門戶天下真儒不復見於世其聚徒成群所以相傳授者句讀文義而已耳謂之熄焉可也夫巫醫樂師百工之人其術淺其能小

猶且莫不有師儒者之道可以善一身可以理天下可以配神明而參造化一失其傳而無所師可不為之大哀耶

讀書者知其所言莫非吾事而即吾身以求之則凡聖賢所至而吾所未至者皆可勉而進矣若直以文字求之說其詞義以資誦說其不為玩物喪志者幾希

九淵危者慮深而獲全居安者患生於所忽

治道必以明天理正人心崇節義厲廉恥為先本末備具可舉而行

人之念慮若是於顯然過惡萌動此却易見易除却

怕於疑似閑底事爆起來纏繞思念將去不能除此尤害事

仁字極難講說只看天理統體便是心字亦難指說

惟認取發用處是心二字湏體認得極分明方可下工夫

道無玄妙只在日用間著實做工夫處理會便自見得

道理雖是日中理會夜裏却去靜處坐地思量方始有得

理到紛亂窒塞決是一切掃去放教習

空蕩焉也了却舉起一看便自覺得有下落處

聖賢言語但一踴看過便見道理者却是真意思

纏著心去看便蹉過了多

問學有未愜適處只求諸心若反身而誠清通和樂

之象見即是自得處

處事擾擾便似內外離絕不相該貫此病可於靜坐

時收攝將來看是如何便如此就偏看處理會久

之知覺即漸漸可就道理矣

卷之三

延平

七

嘗受黃魯直作漁溪詩序云春陵周茂叔人品甚高

胸中灑落如光風霽月此句形容有道者氣象絕

佳胸中洒落即作為盡洒落矣學者至此雖甚遠

亦不可不常存此體段在胸中庶幾遇事廓然於

道理方少進顧更存養如此

見到心廣體胖遇事一一洒落處方是道理

思索有窒碍及於日用動靜之間有喘戾處便於此

致思求其所以然者久之自循理耳

同嘗以謂遇事若能無毫髮固滯便是洒落即此心

無礙大公無彼己之偏倚庶幾於理道一貫若見

事不徹中心未免微有偏倚即涉固滯皆不可也

大凡人理義之心何嘗無惟持守之即在爾若於旦

晝間不至耗亡則夜氣存矣夜氣存則平旦之氣

未與物接之時湛然虛明氣象自可見此孟子發

此夜氣之說於學者極有力若欲涵養須於此持

守可爾

為學之初且當常存此心勿為他事所勝凡遇一事

即當且就此事反復推尋以究其理待此一事融

釋脫落然後循序少進而別窮一事如此既久積

累之多胸中自富有灑然處非文字言語之所及

也

吾儕在今日若欲進此學須是盡放棄平日習氣更

鞭撻所不及處此之脫然有自得處始是

五十知天命一句竊以謂人之生也自少壯至於老

耄血氣盛衰消息自不同學者若循其理不為其

所使則聖人之言自可以馴致但聖賢所至處淺

深之不同耳若五十矣尚昧於所為即大不可也

聖人之道中庸立言常以中人為說必十年乃一進

者若使困而知學積十年之久日孳孳而不倦是

亦可以變化氣質而必一進也若以鹵莽成製之

學而不用心焉雖十年亦只是如此則是自暴自棄之人爾言十年之漸次所以學乎學者雖中才於夫子之道皆可積習勉學而至焉聖人非不可及也

聖人渾是道理不見有身世之礙故不知老之將至焉

涵晦一事嘗驗之極難自非大段涵養深潛定不能如此遇事輒發矣

要見一視同仁氣象却不難湏是理會分殊雖毫髮不可失方是儒者氣象

吾儒之學所以異於異端者理一分殊也理不患其不一所難者分殊耳

孟子曰仁之實事親是也義之實從兄是也禮之實節文斯二者是也禮之道雖以和為貴然必順體其源流之所自來而即文之則不失矣若小大由之而無隆殺之辨知和而和於節文不明是皆不可行則禮之體用失矣世之君子有用禮之嚴至拘礙者和而失其節者皆非知禮者也

古人干祿之意非後世之干祿也蓋賢中有所蘊亦欲發泄而見諸事耳此為己之學也然求之有道

苟未見所以求之之道一萌意焉則外馳矣故夫子以多見聞而闕疑殆告之又使之慎其餘則又求諸己也切矣故孟子有經德不回非以干祿之語苟能深體得此則馳外之心不作矣

顏子深潛淳粹於聖人體段已具故聞夫子之言即默識心融觸處洞然自有條理故終日言但見其不違如愚而已退省其私則於語默日用動容之間皆足以發明夫子之道坦然由之而無疑也

詩人興刺雖有曲折達心之精微然必止乎禮義夫子刪而取之者以此耳

春秋一事各是發明一例但以今人之心求聖人之意未到聖人灑然處不能無失耳

今日三綱不振義利不分緣三綱不振故人心邪僻不堪用是致上下之氣間隔如中國之道衰夷狄盛皆由此來也義利不分自王安石用事陷溺人心至今不自知覺人趨利而不知義則工勢日孤人主當於此留意不爾則是所謂雖有粟吾得而食諸也

若大段排遣不去只思古人所遭患難有大不可堪者持以自比則亦可以少安矣

少從師友幸有所聞中間無講習之助幾成廢墮然

賴天之靈此箇道理時常在心目間未嘗敢忘

與羅惇文書曰元晦別無他事一味潛心於此初講

學時頗爲道理所縛今漸能融釋於日用處一意

下工夫若於此漸熟則體用合矣此道理全在日

用處熟若靜處有而動處無則非矣

靜中體認大本未發時氣象分明即處事應物自然

中節

大率吾輩立志已定若看文字心慮一澄然之時畧

綽一見與心會處便是正理若更疑即恐滯礙

養氣大槩是要得心與氣合不然心是心氣是氣不

見所謂集義處終不能合一也

心氣合一之象更用體察令分曉路陌方是

孟子所謂養氣者自有一端緒俱從知言處養來乃

不差於知言處下工夫儘用熟也

先體認令精審認取心與氣合之時不倚不偏氣象

是如何方可看易中所謂直方大不習無不利不

疑其所行皆沛然矣

語中庸曰聖門之傳是書其所以開悟後學無遺法

矣然喜怒哀樂未發之謂中者又一篇之指要也

持徒記誦而已則亦奚以爲哉必也體之於身實
見是理若顏子之嘆卓然見其爲一物而不遺乎
心目之間也然後擴充而往無所不通則庶幾可
以言中庸矣

洒落自得氣象其地位甚高學者下工由持養之久

漸漸融釋不見有制之於外持敬之心理與心爲

一底幾洒落耳

承論處事擾擾便似內外離絕不相該貫此病可以

靜坐時收攝將來看是如何便如此就於看處理

會久之知覺即漸漸可就道理矣

近日涵養必見應事脫然處否須就事兼體用下工

夫久久純熟漸漸可見渾然氣象矣

語春秋曰春秋一事各是發明一例如觀山水移步

而形勢不同不可拘以一法然所以難言者蓋以

常人之心推測聖人未到聖人洒然處豈能無失

耶

論養氣章曰若說配是襯貼起來却是兩物氣與道

義只是一滾發出來

兄弟之親天理人倫蓋有本然之愛矣雖有不令之

人做很闊闊於其間而親愛之本心則有不可得

而磨滅者惟聖人盡性故能全體此道雖遭橫逆之變幾沒其身而此心湛然不少搖動

三仁各以力量竭力以爲之非有所擇是求仁得仁者也微子義當去箕子囚奴偶不死比干即以死諫庶幾感悟存祀九疇皆後來事初無此念也後未適然耳豈可相合看致仁人之心不瑩徹耶仁只是理初無彼此之辨當理而無私心即仁矣胡明仲說三仁後來事相牽昏了仁字不可不察

孔明不如子房之從容子房不如孔明之正大

顏子於聖人根本有默契處

右六十六條

大儒心學語錄卷之十三

後學金谿王英輯

五峯胡先生語

人之生也良知良能根於天拘於已汨於事誘於物故無所不用學也學必習習則熟熟則久久則天天則神天則不慮而行神則不期而應

學貴大成不貴小用大成者參於天地之謂也小用者謀利計功之謂也

學欲博不欲雜守欲約不欲陋雜似博陋似約學者不可不察也

補遺

五峯

乙

靜觀萬物之理得吾心之悅也易動處萬物之分得吾心之樂也難是故智仁合一然後君子之學成學道者正如學射纔持弓矢必先知的然後可以積習而求中的矣若射者不求知的不求中的則何用持弓矢以射爲列聖諸經千言萬語必有大體必有要妙人自少而有志尚恐奪於世念日月蹉跎終身不見也若忘不在於的苟欲玩其辭而已是謂口耳之學曾何足云夫滯情於章句之未固遠勝於博奕戲豫者矣持以一班自喜何其小也何不忘於大體以求要妙譬如遊山必上東谷

於此頭全使天下萬峯遠岫卷門大澤悉來獻狀
豈不偉歟

以反求諸已為要法以言人不善為至戒

有之在已知之在人有人有之而人不知從而與人較者
非能有者也

脩身以寡欲為要行已以恭儉為先自天子至於庶
人一也

自反則裕責人則蔽君子不臨事而恕已然後有自
反之功自反者脩身之本也本得則用無不利

一身之利無謀也而利天下者則謀之一時之利無
謀也而利萬世者則謀之

處已有道則行艱難險危之中無所不利失其道則
有不能堪而忿怒興矣是以君子貴有德也

人欲盛則天理昏天理素明則無欲矣處富貴與天
地同其通處貧賤與天地同其否安死順生與天

地同其變化又何宮室妻妾衣服飲食存亡得喪
而以介意乎

君子畏天命順天時故不行驚駭俗之事而當之

小人不知天命以利而動肆情妄作故行而當之

俗之事必其無忌憚而然也

知人之道驗之以事而觀其辭氣從人反躬者鮮不
為君子任已蓋非者鮮不為小人

能攻人實病者至難也能受人實攻者為尤難人能
攻我實病我能受人實攻朋友之義其廢幾乎不
然其不相陷而為小人者幾希矣

天理存亡在敬肆之間耳

行紛華波動之中慢易之心不生居幽獨得肆之地

非僻之情不起上也起而以禮制焉又次也制之
而不止者昏而無勇也理不素窮勇不自任必為

小人之歸可耻之甚也

去聖既遠天下無人師學者必因書記語言以知理

義之精微知之則適理義之周道也不然則為溺

心志之大害矣

古之學者求天知今之學者求人知古之仕者行已
今之仕者求仕焉

物欲不脩志氣清明而應變無失

易書詩春秋今有其名耳其道未嘗知也知之然後

德進業備而天下可平矣

天命之謂性流行發見於日用之間患在學道者未

見全體窺見一斑半點而執認已意以為至誠

道如是如是欲發而中節與天地相似也難矣哉
求克斯弊者舍講學其可乎

學即行也非禮勿視聽言動學也行之行之而又行
之習之不已理與神會能無悅乎學行之上也言
之次也教人又其次也徒以識前言往行為學而
已揚雄何其陋之甚也此大駁也非小疵也
人雖備天道必學然後識習然後能然後用用無
不利惟樂天者能之

易書詩春秋者聖人之道也聖人之道若何曰聖人
者以一入理憶兆人之德性息其爭奪遂其生養
者也

天下莫大於心患在不能推之爾莫久於性患在不
能順之爾莫成於命患在不能信之爾不能推故
人物內外不能一也不能順故死生晝夜不能通
也不能信故富貴貧賤不能安也

觀日月之盈虛知陰陽之消息觀陰陽之消息知聖
人之進退

物之生死理也理者萬物之貞也生聚而可見則為
有死散而不可見則為無見者物之形也物之理
則未嘗有無也

貴賤命也仁義性也人固有遠跡江湖念絕於名利

者矣然世或求之而不得免人固有置身市朝心
屬於富貴者矣然世或舍之而不得進命之在人
分定于天不可變也是以君子貴知命

誠成天下之性性立天下之有情效天下之動心妙
性情之德性情之德庸人與聖人同聖人妙而庸
人之所以不妙者拘滯於有形而不能通耳今欲
通之非致知何適哉

道不能無物而自道物不能無道而自物道之有物
猶風之有動水之有流也夫孰能間之故離物求

道者妄而已矣

德有本故其行不窮孝弟也者德之本歟

聖人之應事也如水由於地中未有可止而不止可
行而不可行者也

窮則獨善其身達則兼善天下者大賢之分也達則

兼善天下窮則兼善萬世者聖人之分也

孟子生世之大弊承道之至衰蘊經綸之大業進退

辭受執極而不變用極而不亂屹然獨立於橫流
使天下後世曉然知強大威力之不可用士所以
正身大夫所以立家諸侯所以立國天王所以保

天下必本諸仁義也偉哉

皇皇天命其無息也體之而不息者聖人也是故孔子學不厭教不倦顏子晞夫子欲罷而不能孟子承先聖周旋而不舍我知其久於仁矣

學之道莫過乎繹孔子孟軻之遺文孔子定書刪詩繫易作春秋何區區於空言所以承天意下憫斯文故丁寧反覆三四不倦使人知所以正心誠意脩身齊家治國平天下之本也孟軻氏闢先聖之道慨然憂世見齊梁之君開陳理義提世大綱一掃東周五霸之弊發興衰撥亂之心其傳聖人之道純乎絕者也

二程倡久絕之學於今日其功比於孔子作春秋孟子闢楊墨

堯舜以天下與人而無人德我之望湯武有人之天下而無我取人之嫌是故天下無大事我不能大則以事為大而處之也難矣

知道者屈伸通變與天地相似功名富貴何足以病之

漢唐以來天下既定人君非因循自怠則沉溺聲色非沉溺聲色則開拓邊境非開拓邊境則崇飾虛

文其下乃有惑於神仙真空之術者曷若講明先王之道存其心正其情大其德新其政光其國為萬世之大君乎

天道至大至正者也王者正大至正奉行天道乃可謂之天之子也

養天下而享天下之謂君先天下而後天下之謂君反是者有天下危天下

人君不可不知乾道不知乾道是不知君道也天行健人君不可頃刻忘其君天下之心也如天之行一息或不繼則天道壞矣

人君盡下則聰明開而萬里之遠親於衽席偏信則昏亂而父子夫婦之間有遠於萬里者矣人君欲

救偏信之禍莫先於窮理莫要於寡欲窮理寡欲交相發者矣

人君剛健中正純粹首出庶物者也人臣柔順利貞順承乎天而時行者也

寡欲之君然後可與言王道無欲之臣然後可與言王佐

自三代之道不行君臣之義不明君誘其臣以富貴臣干其君以文行夫君臣相與之際萬化之原也

既汨於利矣末流其可禁乎此三代之治所以不復也

事物之情以成則難以毀則易足之行也亦然亦高難就卑易舟之行也亦然汨流難順流易是故雅言難入而淫言易聽正道難從而小道易用伊尹之訓太甲曰有言逆于汝心必求諸道有言遜于汝志必求諸非道蓋本天下事物之情而戒之耳非謂太甲質允而故告之以如是也英明之君能以是自戒則德業日新可以配天矣

有道德結於民心而無法制者為無用無用者亡國之類

三王正名與利者也故其利大而流長五伯假名爭利者也故其利小而流近

中原無中原之道然後夷狄入中原也中原復行中原之道則夷狄歸其地矣

養民惟恐不足此世之所以治安也取民惟恐不足此世之所以敗亡也

智不相近雖聽言而不入信不相及雖納忠而不愛是故君子必謹其所以言則不招謗誹取怨辱矣

周子患人以發策決科榮身肥家希世取寵為事也故曰志伊尹之所志患人以廣聞見工文詞矜志能暴空寂為事也故曰學顏子之所學人能志此志而學此學則知此書之包括至大而其用無窮矣

誠者命之道乎中者性之道乎仁者心

立志以定其本居敬以持其志



大儒心學語錄卷之十四

後學金谿王菴輯

晦菴朱先生語

自古聖賢皆以心地爲本

聖賢千言萬語只要人不失其本心

聖人千言萬語只是要人收拾得箇本心日用之間

着力屏去私欲扶持此心出來

自家這心自做主不成如何去接物

孟子曰人之所以異於禽獸者幾希庶民去之君子

存之去只是去着這些子存只是存得這些子

大儒心學語錄卷之十四

晦菴

聖賢教人先要求放心正爲是萬善之總處

自言無放心底聖賢一念之微所以深謹

孟子說學問之道無他求其放心而已矣此是爲學

第一義

孟子云學問之道無他求其放心而已只是此本不

立即無可下手處

每勸學者且看孟子道性善求放心兩章着實體察

收拾爲要

大抵此學以尊德性求放心爲本而講求聖賢親切
之訓以開明之此爲要切之務若通古今考世變

則亦隨力所至推廣增益以爲補助耳不當以彼

爲重而反輕凝定收斂之實少聖賢親切之訓也

學者且觀孟子道性善及求放心兩章務收斂凝定

以致克己求仁之功

孟子曰學問之道無他求其放心而已又曰存其心

養其性所以事天也學者要須識此

收拾放心乃是緊切下工夫處

放心者或心起邪思妄念耳聽邪言目觀亂色口談

不道之言以至手足動之不以禮皆是放也收者

便於邪思妄念處截斷不續耳目言動皆然此謂

大儒心學語錄卷之十四

晦菴

之收既能收其放心德性自然養得不是收放心

外又養箇德性也

爲學之道聖賢傳所以告人者已竭盡而無餘不

過欲人存此一心使自家身有主宰

勿忘勿助之間天理卓然

范氏云害其所以養心者不在於大此語尤痛切

心存養得熟後臨事省察不費力

道理無處不在但心存則理自存

只持其志便收斂只持其志便自內外肅然

古人言志帥心居心須有主張始得

得其志則氣自清明

爲學直是才要立本

學者須將身心做根抵

學最切要處在吾身心此是切實緊切處

今日學者不長進只是心不在焉

學者喫緊是理會這一箇心那紙上說底全靠不得

人之爲學不於身心上着功體認則又何益

須將操存工夫做本

人不自知其病者是未嘗去體察警省也

求放操存皆無動靜而言非塊然默守之意

爲學之要只在着實操存密切體認自己身心上理

會

人最怕陷溺其心

此心操存舍亡只在反掌之間

人心之爲天理所在用之則愈明

人心萬事之主未見心不定而能進學者

心若不存一身便無主宰

心在群妄自然退聽

只此心向外便走了

心平則氣自和

人心惟定則明

無欲故虛

心不可有物

好樂之類無留滯則此心便虛

心一放時便是斧斤之六牛半之牧一收斂在此便是日夜之息雨露之潤

只收斂此心莫令走作閑思慮則此心湛然無事白

然專一及其有事則隨事而應事已則復湛然矣

主一則此心便存心存則物來順應

人於日用間空閒時收得此心在這裏截然這便是

喜怒哀樂未發之中便是渾然天理事物之來隨

其是非便見得分曉是底便是天理非底便是逆

物

天理常常恁地收拾得這心在便如執權衡以度

物

古人只去心上理會至去治天下皆自心中流出

天下之事皆學者所當爲須先教自家身心得無欲

直得清明在躬志氣如神則天下無不可爲之事

矣

入而存者即是其心出而亡者亦此真心中爲物誘

然耳

一息不存則放僻邪侈之心生矣

居處恭執事敬與人忠便是存心之法

孟子激發人說放心良心諸處說得人却汗流

人性無不善只緣自放其心遂流於惡韓愈論孟子

之後不得其傳只為後世學者不立心上理會堯

舜相傳不過論人心道心精一執中而已

論其本然之妙則惟有天理而無人欲是以聖人之

教必欲其盡去人欲而復全天理所謂人心惟危

道心惟微惟精惟一允執厥中者是堯舜禹相傳之

密旨也夫人自有生而特於形體之私則固不能

無人心矣然而必有得乎天地之正則又不能無

道心矣日用之間二者迭為勝負而一身之是非

得失天下之治亂安危莫不係焉是以欲其擇之

精而不使人心得以雜乎道心欲其守之一而不

使天理得以流於人欲則凡其所行無一事之不

得其中而於天下國家無所處而不當

人心者人欲也道心者天理也天理人欲與他勞做

兩片自然分曉堯舜禹所傳心法只此四句

惟精是識別得人心道心惟一是常守得定

只是這箇心但一念之間是底便是道心不是底便

是人心

允執厥中這純是道心流行

平居須是儼然若思

涵養持守之久則臨事愈益精明

為學切須收斂端嚴就自家身心上做工夫自然有

所得

有一分心向裏得一分力有兩分心向裏得兩分力

若存得此心則氣常時清不特平旦時清若不存得

此心雖歇得些時氣亦不清良心亦不長

問何以養得平旦之氣終日常清曰操存得箇心使

不為事物所撓動故雖終日也似平旦雖事物恣

地煩撓此氣自清

問取舍之幾當在思慮方萌之初審察之否曰致察

於思慮固是但事上亦須照管覺得思慮處失了

便着於事上看便舍彼取此

操存者只是於應事接物之時事事中理便是存若

處事不是當便是心不在

心只放寬平便大不要先有私意隔礙

君子心大則是天心心小則如文王之翼翼

衆人之心未發時已自汨亂了至感發時如何會中

節

今人未必是應事接物時不是自是未應接時便不好了須於此處點檢使合道理始得

今人無事時又却恁昏昏地至有事時則又隨事逐物而去都無一箇主宰這須是常加省察

心不專靜純一故思慮不精明要須養得此心虛明專靜使道理從裏面流出便好

心一也操而存則義理明而謂之道心舍而亡則物欲肆而謂之人心自人心而收回便是道心自道心而放出便是人心

大儒道語錄卷之十四

晦菴

七

須是平日涵養深厚此心虛明純一自然權量精審如今要下工夫且須端莊存養獨觀昭曠之原

只是這一心更無他說與於詩興此心也立於禮立此心也成於樂成此心也

如中庸說天命之謂性即此心也率性之謂道亦此心也脩道之謂教亦此心也以至致中和贊化育亦只此心也致知即心知也格物即心格也克己即心克也非禮勿視聽言動勿與不勿只爭毫髮地耳所以明道說聖賢千言萬語只是欲人將已放之心收拾入身來自能尋向上去

如中庸所謂尊德性致廣大極高明蓋此心本自如

此廣大但為物欲隔塞故其廣大有虧本自高明但為物欲繫累故於高明有蔽若能常自省察警

覺則高明廣大者常自若非有所增損之也人心常炯炯在此則四體不待羈束而自入規矩只

為人心有散緩時故立許多規矩維持之心之為物至虛至靈神妙不測常為一身之主以提

萬事之綱而不可有頃刻之不存者也一不自覺而馳騖飛揚以徇物欲於軀壳之外則一身無主

萬事無綱雖其俯仰顧盼之間蓋已不自覺其身之所在

大儒道語錄卷之十四

晦菴

八

自古聖賢相傳只是理會一箇心心只是一箇性性只有箇仁義禮智

學問只是要存此心若不用戒謹恐懼而此理常流通者惟天地與聖人耳聖人不勉而中不思而得

從容中道亦只是此心常存理常明故能如此賢人所以異於聖人衆人所以異於賢人亦只爭這

此子境界存與不存而已常謂人無有極則處便是堯舜周孔不成說我是從容中道不要去戒謹

恐懼那工夫亦自未嘗得息

江敬守此心不可急於持守只如種得一物
在此但涵養持守之功繼續不已久而涵養深厚
如此而優游涵泳於其間則浹洽而有以自得矣
苟急迫求之則此心已自躁迫紛亂只是私已而
已終不能優游涵泳以達於道
學者常用提省此心使如日之升則群邪自息他本
自光明廣大自家只着些子力去提省照管他便
了不要苦着力着力則反不是
所謂持守者人不能不牽於物欲總覺得便收將來
久之自然成熟

但操存得心在時少間他喜怒哀樂自有一箇則在
涵養之則凡非禮勿視聽言動禮儀三百威儀三千
皆是

一動一靜無時不養

涵養本原之功誠易間斷然終覺得間斷便是相續

處只要常自提撕

若是介然之覺一日之間其發也無時無數只要人

識認得操持克養將去

發處固當察識但人自有未發時此處便合存養宜
可必待發而後察察而後存耶且從初不曾存養

便欲隨事察識竊恐浩浩茫茫無下手處而臺
之舍千里之謬將有不可勝言者

心體通有無該動靜做工夫亦通有無該動靜方無
透漏若必待其發而後察察而後存則工夫之所
不至多矣惟涵養於未發之前則其發處自然中
節者多不中節者少體察之際亦甚明審易為著
力

今人非無惻隱羞惡辭讓是非發見處只是不省察

了若於日用間試省察此四端者分明迸發出來
就此便操存涵養將去便是下手處只為從前不

省察了此端終見又被物欲汨了所以秉養不可
磨滅處雖在而終不能光明正大如其本然

問居常苦私意紛擾雖即覺悟而痛抑之然竟不能
得潔淨不起曰惟其此心無主宰故為私意所勝

若常加省察使良心常在見破了這私意只從外

面入縱饒有所發動只是以主待客以逸待勞自

家這裏亦容他不得此事須是平日着工夫若待

他起後方省察殊不濟事

學者多說持守未得其要不知持守甚底說擴克說
涵養皆是揀好底言語做箇說話必有實得力處

方可所謂要於本領上理會者蓋緣如此

道不可須臾離可離非道須是無間斷方得若有間斷此心便死了

人多於獨處間斷才不慎獨便去隱微處間斷了又曰能慎獨則無間斷而其理不窮若不慎獨便有欲來滲入裏面便間斷了如何便會如川流底意謹獨須貫動靜做工夫始得

能謹獨然後無間斷

事

朱子語類卷下

晦庵

上

微頭徹尾無時無處不下工夫

且要見一大頭腦分明便於操舍之間有用力處如實有一物把住放行在自家手裏不是漫說求其放心實却茫茫無把捉處也

但因其良心發見之微猛省提撕使心不昧則是做工夫底本領本領既立自然下學而上達矣若不察於良心發見處即渺渺茫茫恐無下手處也

所謂涵養工夫亦非是閉眉合眼如土偶人然後謂之涵養也只是應事接物處之不失此心各得其所而已

為學須是已分上做工夫有本領方不作言語說若

無存養儘說得明自成兩片亦不濟事要須發憤忘食痛切去做身分上工夫

先事後得如何可以崇德蓋做合做底事便純是天理終有一毫計較之心便是人欲若只循箇天理做將去德便自崇終有人欲這德便消削了如何德會崇聖人千言萬語只欲人來這裏看得破鞭辟近裏是要鞭督向裏去今人皆就外面做工夫切問近思言忠信行篤敬何嘗有一句說向外去

只就身上理會便是近裏着已

朱子語類卷下

晦庵

上

人心至靈其所不當為不當欲之事何嘗不知但初問自知了到計較利害却自以為不妨使自冒昧為之欲之耳今既知其所不當為不當欲者便要來這裏截斷斷然不為不欲

問論語一書未嘗說一心字至孟子拈出心說曰推是心曰求放心曰盡心曰赤子之心曰存心莫是聖門學者自知理會箇心故不待聖人苦口到孟子時世變既遠人才漸不如古故孟子極力與言要他從箇本源處理會否曰孔門雖不會說心然答弟子問仁處非理會心而何仁即心也但當時

不說箇心字耳

孟子言性善存心養性見孺子入井之心四端之發若火始然泉始達之類皆是要體認這心性下落擴而充之

孟子四端處極好思索玩味

孟子所謂集義只是一箇是字孔子所謂思無邪只是一箇正字不是便非不正便邪聖賢教人只是求箇是底道理

通書極力說箇幾字近則公私邪正遠則興廢存亡

只於此處看破便幹轉了此是日用第一親切工夫

夫精粗隱顯一時穿透堯舜所謂惟精惟一孔子所謂克己復禮便是此事

幾者動之微是欲動未動之間便有善惡便湏就這裏理會若到發出處便怎生奈何得

一念起處萬事根源尤更緊切

微動之初是非善惡於此可見一念之生不是善便是惡

幾微之間善者便是天理惡者便是人欲總覺如此便存其善去其惡可也

有天德則便是天理便做得王道無天德則便是私

意是計較人多無天德所以做王道不成

在學者身上論之凡日用常行應事接物之際終有一毫利心便非王道便是伯者之習此不可不省察也

孟子於義利間辨得毫釐不差

義利二字乃儒者第一義又曰學者做切己工夫要得不差先湏辨義利所在

正義未嘗無利明道豈必無功但不先以功利爲心耳

以學者而視天下之事以爲己事之所當然而爲之

則雖甲兵錢穀籩豆有司之事皆爲己也以爲其

可以求知於世而爲之則雖割股廬墓弊車羸馬

亦爲人耳善乎張子敬夫之言曰爲己者無所爲而然者也此其語意之深切蓋有前賢所未發者

學者以是而日自省焉則有以察乎義利之間而無毫釐之差矣

以敬義二字隨處加功夫久自當得力義利之間只得着力分明聖門只此便是終身事業

湏於日用間令所謂義了然明白或言心安處便是義亦有人安其所不當安豈可以安爲義也

君子存得此心自然喻義小人陷溺此心

只是利

為學之要須持已然後分別義利兩字今趨向

差是大節目

學者且要分別箇路頭要緊是為己為人之際

問義利之別曰只是為己為人之分

為學且須分箇內外這便是生死路頭從這邊便是

為義從那邊便是為利向裏便是入聖賢之域向

外便是趨愚不肖之途

孔子曰古之學者為己今之學者為人又曰女為君

大綱

時

十五

子儒無為小人儒此是古今學者君子小人之分

差之毫釐謬以千里

聖人教人只是為己

問古之學者為己今之學者為人曰此只是初間用

心分毫之差耳所謂上達下達者亦只是自此分

耳君子之學既無所差則工夫日進日見高明

為善底人若本意以為己事所當然無所為而為之

乃是為己

聖人教人如一條大路平平正正自此直去可以到

聖賢地位只是要人做得徹只是私意利欲淨盡

絕是天理融明耳

同行異情只如飢食渴飲等事在聖賢無非天理在

小人無非私欲

人只有箇天理人欲此勝則彼退彼勝則此退無中

立不進退之理

人能於天理人欲界分上立得脚住則儘長進在又

曰不為物欲所昏則渾然天理矣

只此一心但看天理人欲之消長如何爾以至千載

之前千載之後與天地相為始終只此一心又曰

合做底事便做此便是天理才有一毫計較之心

大綱

時

十六

便是人欲

天理人欲之分只爭些子故周先生只管說幾字然

辨之又不可不早故橫渠每說豫字

學者須是革盡人欲復盡天理方始是學

既事便有兩端是底即天理之公非底乃人欲之私

兩事與與判判極處即克治擴克工夫隨事看見

不是人欲便是天理不是天理便是人欲所以謂欲

知舜與蹠之分者無他利與善之間也所隔甚不

多但聖賢能得這界定爾又曰天理人欲相為

長克得人欲乃能復禮孟子之言只在此上

人之一心天理存則人欲亡人欲勝則天理滅

天理人欲夾雜者學者須要以此體認省察之

人欲云者正天理之反耳蓋天理中本無人欲惟其

流之有差遂生出入欲來

是底是天理非底是人欲是即守而勿失非即去而

勿留

氣不從志處乃是天理人物交戰處也

天理人欲決不兩立須得全在天理上行方見人欲

消盡

問善惡分處只是天理之公人欲之私曰須要驗之

天德

論

卷

此心真知得如何是天理如何是人欲幾微間極

索理會此心常常要省覺莫令頃刻悠悠憤憤問

此只是持敬爲要曰須是常要省覺執持令此心

常在方是能持敬

學者之於善惡要於兩夾界處攔截分曉勿使纖惡

間絕善端動靜日用時加體察持養久之自然成

熟

湯武聖人孟子猶說湯武反之反復也反復得這本

心如不邇聲色不殖貨利只爲要存此心觀旅葵

之書只受一犬而反復切諫以此見欲之可畏無

小無大皆不可忽

孔子所謂克己復禮中庸所謂致中和尊德性道問

學大學所謂明明德書曰人心惟危道心惟微惟

精惟一允執厥中聖賢千言萬語只是教人明天

理滅人欲

天理流行之際如少有私欲以間之便如水被些障

塞不得恁地滔滔流去又曰才不省察便間斷

發憤猛勇向前日用之間不得存留一毫人欲之私

在這裏此外更無別法若於此有箇奮迅興起處

方有田地可下工夫不然則是畫脂鏤冰無真實

天德

論

卷

得力處

天理有未純是以爲善常不能克其量人欲有未盡

是以除惡常不能去其根爲善而不能克其量除

惡而不能去其根是以雖於一念之頃而公私邪

正是非得失之幾未嘗不明分角立而交戰於其

中

天下只有一理此是即彼非此非即彼是不容並立

故古之聖賢心存目見只有義理都不見有利害

可計較日用之間應事接物直是判斷得直截了

明

問遇事時亦知理之是非到做處又却為人欲引去
做了却又悔曰此便是無克己工夫這樣處極要
與他掃除打疊如一條大路又有一條小路自家
也知得合行大路然被小路有箇物事引着不知
不覺走從小路去及至前面荆棘蕪穢又却生悔
此便是天理人欲交戰之機須是遇事時便與克
不得苟且放過明理以先之勇猛以行之

若是聖人底資質他不用着力自然循天理而行不
流於人欲若賈人之資先也用分別教是而後行
之若是中人之資須大段着力無一時一刻不照

管克治始得

人心本善万其見善欲為之時此是真心發見之端
然纔發便被氣稟物欲隨即蔽固之不教他發出
須是先去體察存養看來此最是一件大工夫

學者工夫只求一箇是天下之理不過是與非兩端
而已從其是則為善徇其非則為惡事親須是孝
不然則非事親之道事君須是忠不然則非事君
之道凡事皆用審箇是非擇其善而行之聖人教
人諄諄不已只是發明此理

為學只是要持守身心研究道理分別得是非善惡

直是如好好色如惡惡臭到這裏方是踏著實地
自住不得

凡一事便有是有非是底是天理非底即人欲天理
是公人欲是私是則擴而克之非則克而去之
義理身心所自有失而不知所以復之富貴身外之
物求之惟恐不得縱使得之於身心無分毫之益
況不可必得乎若義理求則得之能不喪其所有
可以為聖為賢利害甚明人心之公每為私欲所
蔽所以更放不下但常常於此兩端體察若見得
時自須猛省急擺脫出來

問水火明知所可畏自然畏之不待勉強若是人欲
只緣有愛之之意雖知之而不能不好之奈何曰
此亦未能真知而已又問真知者還當真知人欲
是不好物事否曰如克伐怨欲却不是要去克伐
怨欲上要知得到只是自就這理這邊看得透則
那許多不待除而自去若實是看得大底道理要
去求勝做甚麼要去誇誇他人做甚麼求仁而得
仁怨箇甚麼耳目口鼻四肢之欲惟分是安欲窮
甚麼見得大處分明這許多小小病痛却如水沙
凍解無有痕迹矣

須就自家身上實見得私欲萌動時如何天理發見時如何其間正有好用工夫處

天理渾是一箇善只不善便是不從天理出來不從天理出來便是出外慾了視聽言動該貫內外若以為在內自有一件工夫在外又有一件工夫則內外支離無此道理

盡性踐形只是一事

人與天地一般無些欠缺處且去看秉彝常性是如

何善須精細看來

人為萬物之靈自是與物異若迷其靈而昏之則與禽獸何別

聖賢千言萬語只是使人反其固有而復其性耳

為學大端在於求復性命之本然求造聖賢之極致

須是便立志如此便做去始得

今須思量天之所以與我者必須是光明正大必不應只如此而止就自家性分上儘做得去不到聖賢地位不休如此立志自是歇不住自是儘有工夫可做如顏子之欲罷不能若不立志終不得力

理只是自家固有之理堯舜性之此理元無失湯武

反之已有些子失但復其舊底學只是復其舊底

而已蓋向也交割得來今却失了可不汲汲自脩而反之乎

為學須是求復其初求全之所以與我者始得若要全天之所以與我者便須以聖賢為標準直做到聖賢地位方是全得本來之物而不失如此則工夫自然勇猛若無求復其初之志無必為聖賢之心只見因循荒廢了

這道理不是外來物事只是自家本來合有底只是常常檢點

古人只是日夜皇皇汲汲去理會這箇身心到得做事業時只隨自家分量以應之

人所以易得流轉立不定者只是脚跟不點地

而今只理會下手做工夫處只是是底便做不是底莫做一直做將去如此則雖愚必明雖柔必強氣習不期變而變矣

學問就自家身上切要處理會方是自家身上道理都具不曾外面添得來

今人自家一箇身心都安頓未有下落如何說功名事業

為學之道要如顏子直須就視聽言動上緊戒

禮處仲弓出門如見大賓使民如承大祭是無時而不主敬如今只將他那事就自家切已處便做他底工夫然後有益

曾子曰仁以為己任不亦重乎死而後已不亦遠乎須是如此做工夫其言曰戰戰兢兢如臨深淵如履薄冰而今而後吾知免夫小子直是焦地用功方得

凡人須以聖賢為己任聖賢稟性與常人一同既與常人一同又安得不以聖賢為己任

苟能復其本有之性為聖為賢不負天地生我

人到得堯舜地位方做得一箇人無所欠缺然也只是本分事

孟子見人即道性善稱堯舜此是第一義若於此看得透信得極直下便是聖賢便無一毫人欲之私做得病痛

或講孟子性善章先生曰須是省察我本來是有善否須子細點檢做工夫若紙上所載只有說底

天之生物便有常性方寸之間萬善皆是聖人於此不過教人保養發揮先成諸已而後及於物耳

靜時正要體察思繹道理只此便是涵養不是

喚醒提撕將道理去却那邪思妄念只自家思繹道理時自然邪念不作言忠信行篤敬立則見其參於前在與則見其倚於衡只是常常見這忠信篤敬在眼前自然邪妄無自而入非是要存這忠信篤敬去除那不忠不敬底心

動時靜便在這裏動時也有靜順理而應則雖動亦靜也

工夫若無間斷靜時固靜動時心亦不動動亦靜也若無工夫則動時固動靜時雖欲求靜亦不可得而靜靜亦動也

人身只有箇動靜靜者卷動之根動者所以行其靜動中有靜如發而皆中節處便是動中之靜

若聖人動時亦未嘗不靜至衆人動時却是膠擾亂了

問未應事接物時如何曰未應接之時只是戒謹恐懼而已

問存養多用靜否曰不必然孔子却都就用處教人做工夫

心要精一方靜時須湛然在此如鑄煉明遇事時方好

但當有此心勿令忘失則隨動隨靜無處不是用力處矣

主靜所以養其動

人心是活物當動而動當靜而靜動靜不失其時則其道光明矣

為今工夫須要靜程子曰為學須是靜又曰靜多不

動初學精神易散靜坐如何曰此亦好但不專在靜

處做工夫動時亦當體驗聖人教人要是處處着力若動若靜皆當有此

先生問童伯羽如何用功對曰且學靜坐痛抑思慮

先生曰痛抑也不得只放退可也。不可全無思慮

無邪思耳。又曰程子謂心是法底物事如何窒

定教他不思只是不可胡思。終着箇要靜底意思便是添了多少思慮。又曰要靜便是先獲便是助長便是正

問不緊要底思慮不知何以制之曰只覺得不當思

慮底便莫莫思。久久成熟自然無此等思慮矣

周思慮紛擾曰公不思慮時不識箇心是何物須

夫處

人心無不思慮之理。若當思而思。自不當苦苦排抑。却反成不靜也。

絕四是聖人事。不思不勉者也。學者則思不可無。但不可有私意耳。

無意只是要無私意。若是正意則不可無。易無思也。無為也。蓋明聖人之所謂無。非漠然無所

為也。特未嘗作為耳。

答李叔文曰。向來所說注善只是且要人識得本來。固有元無少欠。做到聖人方是恰好。終不到此即

是自棄。故孟子下文再引成覲。顏淵公明儀之言。要得人人立得此志。勇猛向前。如服眩之藥。以

除沉痾之病。直是不可悠悠耳。

聖賢教人自有成法。其間又自有至簡約極明白處。但於本源親切提撕。直便向前看實進步。自可平

行直達逆遷向上。

損益之義大矣。聖人獨有取於懲忿窒慾。遷善改過。何哉。蓋正心脩身者。學問之大端。而齊家治國平

天下之本也。古之學者。無一念不在身心之中。後之學者。無一念不在身心之外。此賢愚之所由分。

而聖賢之所為深戒也

直是先要於持守上着力方有進步處也孟子說性

善及求放心處最宜深玩之

持守亦不必着意安排但亦只且如此從容纔覺散

漫即便提撕即自常在此矣

如克己復禮工夫只是如此着實用力久之自然見

效若只如此做閑話說過則不濟事矣

要今日用之間只見本心義理都不見有他物方有

得力處耳

就自己身心上做工夫凡一念慮一動作便湏着實

不恰宜不若學者之十四

附錄

二十七

體認此是天理耶是人欲耶子細辨別勇猛斷置

勿令差誤

持守省察不令間斷則日用之間不覺自有得力處

矣

此性本善但感動之後或失其正則流於惡耳此等

處反之於身便自見得不必致疑只是自家感動

善惡之端湏常省察持守耳

凡日用間如此一病而欲去之則即此欲去之心便

是能去之樂

此事湏是自做工夫於日用間行住坐卧處方自有

見處然後從此操存以至於極方為已物爾

所謂凝聚收斂是大題目此不易之論乃工夫根本

若呂伯恭云承諭整頓收斂則入於着力從容游泳

又墮於悠悠此正學者之通患然程子嘗論之曰

亦湏且自此去到德盛後自然左右逢其原今亦

當且就整頓收斂處着力但不可用意安排等候

即成病

操存舍亡此外無着力處但常切提撕勿計功效久

當自得耳

若果見得端緒常切提撕不少自恕則氣質昏弱非

大學心學語錄卷之十四

論語

二十八

所病矣

就日用存主應接處實下工夫理會箇敬肆義利是

非得失之判

人百已千者終可必至宜若登天則終不可及

忌先立標準如孟子所謂勿正者學者固當以聖人

為標準然豈日日比企而較量之乎觀顏子喟然

之嘆不於堅高瞻忽處用工却就博文約禮上進

步則可見矣

畏天命三字好自理會得道理便謹去做不敢違便

是畏之也如非禮勿視聽言動與大戒謹恐懼皆

所以畏天命

學道做工夫湏是奮厲發憤然如有所失不尋得則不休如自家有一大光明寶藏被人偷將去此心還肯放捨否定是去追捕尋捉得了方休做工夫亦湏如此

大學在明明德一句湏常常提醒在這裏他日長進處在這裏

學者湏是爲己聖人教人只在大學第一句在明明德上

明德未嘗息時時發見於日用之間如見孺子入井而怵惕見非義而羞惡見賢人而恭敬見善事而嗟慕皆明德之發也雖至惡之人亦時有善念之發但當因其所發之端接續光明之

明德謂本有此明德也孩提之童無不知愛其親及其長也無不知敬其兄其良知良能本自有之只爲私欲所蔽故暗而不明所謂明明德者求所以明之也譬如鏡焉本是箇明底物緣爲塵昏故不明故不能照湏是磨去塵垢然後鏡復明矣

明德如明珠常自光明但要時加拂拭若爲物欲所蔽即是珠爲泥泥然光明之性依舊自在

人愛天地之中以生故人之明德非他也即天之所以命我而至善之所存也

天之所以與我便是明命我所得以爲性者便是明德命與德皆以明言是這箇物本自光明我自昏蔽了他

所謂顧諟者只是心裏常常存着此理

天之怒雷霆亦震舜誅四凶當其時亦湏怒但當怒而怒便中節事過便消了

明道嘗言凡人之情易發而難制者惟怒爲甚於怒時遽忘其怒而觀理之是非此前賢大公順應之

要法也

喜怒哀懼好惡憂患皆不能無而親愛畏敬哀矜憐愍皆惡亦有不可無者但此心不爲四者所動乃得其正而五者皆無所偏斯足以爲身之脩也

人心如一箇鏡先未有一箇影像有物事來方始照見妍醜若先有箇影像在裏面如何照得人心本是湛然虛明事物之來隨感而應自然照得高下輕重事過便當依前恁地虛方得若事未來先有一箇忿懣好樂恐懼憂患之心在這裏及忿懣好樂恐懼憂患之事到來又以這心相與契合便大

其正事了又只若留在這裏如何得正

問忿好自己事可勉強不爲憂患恐懼自外來不由自家曰便是自外來須要我有道理處之事來亦合當憂懼但只管累其本心亦濟甚事孔子畏於匡文王囚羑里死生在前聖人元不動心處之恬然

大學傳義卷之十四

時卷

三十一

四者只要從無處發出不可先有在心下須看有所二字如有所忿怒因人有罪而撻之終了其心便平是不有若此心常常不平便是有又曰所謂有所是被他爲主於內心反爲他動也又曰心總繫於物便爲所動所以繫於物者有三事未來先有箇期待之心或事已應過又留在心下不能忘或正應事時意有偏重都是爲物所繫縛便是有這箇物事到別事來到面前應之便差了如何心得其正聖人之心全然虛明看事物來若大若小四方八面莫不隨物隨應此心元不曾有這物事又曰蓋這物事終私便不去只管在胸中推盪終不消釋使此心如太虛則應接萬務各止其所而我無所與可也看此一章只是要人不可先有此

克伐怨欲須從根上除治

古人爲學大率體察自家病痛就上面克治將去問顏子地位有甚非禮處曰只心術間微有此子非禮處須用淨盡截斷了問已私有三氣質之偏一也耳目口鼻之欲二也人我忌克之類三也孰是夫子所指曰三者皆在裏面看下文非禮勿視聽言動則耳目口鼻之欲爲多

大學傳義卷之十四

時卷

三十二

克已固學者之急務亦須見得道理了了分明方見日用之間一言一動何者是正何者是邪便於此處立定脚跟凡是已私不是天理者便克將去人之爲學却是要變化氣質然極難變化如孟子道性善不言氣質只言人皆可以爲堯舜若勇猛直前氣質之偏自消功夫自成故不言氣質害來吾性既善何故不能爲聖賢却是被這氣質害如氣稟偏於剛則一向剛暴偏於柔則一向柔弱之類人一向推托道氣稟不好不向前又不得一向不察氣稟之害只昏昏地去又不得須知氣稟之害要力去用工克治裁其勝而歸於中乃可須先就氣稟偏處克治人須是逐一理會身上許多病痛都要關防

懲忿窒欲遷善改過皆是動時有這般過夫河是心
方動之時審之

動幾順理則裕從欲惟危兩句最緊要這是生死路
頭

李先生說人心中大段惡念却易制伏最是那不大
段計利害乍往乍來底念慮相續不斷難為驅除
今看來是如此

李先生教人大抵令於靜中體認大本時未發氣象
分明即處事應物自然中節

為學之序為已而後可以及人達理而後可以制事
合道理處便與果決行去勿顧慮若臨事見義方復

遲疑則又非也
今夜愧耻明日便不做方是若自愧耻後又却依舊

今夜愧耻明日便不做方是若自愧耻後又却依舊
自做何濟於事

自昔聖賢教人之法莫不使之以孝弟忠信莊敬持
養為下學之本而後博觀衆理近思審察因踐履

之實以致其知其發端啓要又皆簡易明白初若
無難解者而及其至也則有學者終身思勉而不

能至焉蓋非思慮揣度之難而躬行默契之不易
故曰夫子之文章可得而聞也夫子之言性與天

道不可得而聞也夫聖門之學所以從容積累
養成就隨其淺深無非實學者其以此歟

為學之要惟事事審求其是決去其非積集久之心
與理一自然所發皆無私曲聖人應萬事天地生
萬物直而已矣

大抵天人不無間隔而人以私意自為障礙故孟子
教人使之克盡已私即天理不期復而自復矣

問敬中有誠立明通道理曰然
問嘗學持敬只是瞑目靜坐時支遣思慮不去曰靜

坐而不能遣思慮便是靜坐時不曾敬
大儒學語卷之四

問且如持敬豈不欲純一於敬然自有不敬之念曰
邪正本不對立但恐自家胸中無箇主若有主邪

自不能入
敬則天理常明

敬字是徹頭徹尾工夫自格物至平天下皆不外此
只修斂身心整齊純一便是敬

敬則欲寡而理明寡之又寡以至於無則靜虛動直
而聖可學矣

此心操之則存而敬者所以操之道也今乃於覺
而操之之際指其覺便以為存而於操之道不

復致力此所以不惟立說之偏而於日用工夫亦有所間斷而不周也竊謂正當就此覺處敬以操之使之常存而常覺是乃乾坤易簡交相爲用之妙若便以覺爲存而不加持敬之功則恐一日之間存者無幾何而不存者什八九矣

問一向把捉待放下便覺恹衰颯不知如何曰也不須恹地把捉若要去把捉又添一箇要把捉底心熹所聞聖賢之學則見其心之所存不離乎日用尋常之近小而其遠者大者自不待於他求故曰下學而上達又曰學問之道無他求其放心而已矣

此聖賢終身事業

問顏子之四勿曾子之三省皆資外養內之事曰勿之省之亦由內要之內外不是判然兩件事也

凡自家身心上皆須體驗得一箇是非如曾子三省只管如此體驗去

孟子亦只於發處言之如言四端又言乃若其情則可以爲善之類是於發處教人識取不是本體中元來有此如何用處發得此物出來但本體無着摸處故只可於用處看便省力耳

聞道方是理會得爲人底道理從此實下工夫更有

多少事豈可便謂都無餘事但到此地即所見不妄真有廣居可居正位可立大道可行向上自然有進步處耳

學者去求道不是外面添聖人之教人亦不是強人分外做

心猶鏡也但無塵垢之蔽則本體自明物來能照才知覺義理便在此才昏便不見了

滿腔子是惻隱之心此是就人身上指出此理充塞處最爲親切若於此見得即萬物一體更無內外之別若見不得却去腔子外尋不見即莽莽蕩蕩無交涉矣

良心與私欲交戰須立定脚跟戰退他

問程子謂有主則虛又謂有主則實曰有主於中外邪不能入便是虛有主於中理義甚實便是實

孟子論四端只欲人擴而充之則仁義禮智不可勝用

洗心正謂其無蔽而光明耳非有所加益也寂然之中衆理必具而無朕可名其密之謂歟

學以知道爲本知道則學純而心正正見於行事發於言語亦無往而不得其正焉

此心操存亡只在瞬息間本不須大段着力然又不可不着力如此久之自然見效
禽飛魚躍道體無乎不在當勿忘勿助之謂天理流行正如是耳

程先生說禽飛魚躍是子思與緊要人處以其於事物中指出此理令人隨處見得活潑潑地必有事焉是孟子喫緊為人處以其教人就已分主畧歸提撕便是此理活潑潑地也

孟子云人之所以異於禽獸者幾希人物之所以異只是爭此子若更不能存得則與禽獸無異矣

大儒心學語錄卷之十四

陽春

三十七

天之所命我之所得於已只是一箇道理人只要存得此子在這裏才存得在這裏則心必會忠事親必會孝見孺子入井則怵惕之心便發見穿窬之類則羞惡之心便發合恭敬虛心自然會恭敬合辭讓處使自然會辭讓須要當存得此心則便見得此性發出底都是道理

道心惟微然非人欲亂之則亦不至甚難見惟其人心日熾是以道心愈微也

聖人之心如明鏡止水天理純全者即是存處但聖人則不操而常存耳衆人則操而存之方其存時

亦是如此但不操則不存耳存者道心也心者人心也心一也非是有此二心各爲一物不相交涉也但以存亡而異其名耳只是此心但不存便亡不亡便存中間無空隙處所以學者必汲汲於操存而雖舜禹之間亦以精一爲戒也

先聖只說操則存舍則亡出入無時莫知其鄉只此四句說得心之體用始終真妄邪正無所不備又見得此心不操即舍不出即入別無閑處可安頓之意

大儒心學語錄卷之十四

陽春

三十八

若論操存舍亡之間則只此毫釐之間便是天理人欲死生存亡之分至簡至約無許多比並較量思前算後也

近世學者多是向外走作不知此心之妙是爲萬事根本

以理爲主則此心虛明一毫私意着不得譬如一泓清水有少許沙土便見

人心活則周流無偏係即活憂患樂好皆偏係也心要活天理存則活人欲用則死

視聽感滯有方而心之神明不測故見聞之際必以心御之然後不失其正若徒耳目之欲而心不宰

焉則不為物引者鮮矣

一便是無欲今試看無欲之時心豈不一人只為有欲此心便千頭萬緒

只將自家意思體驗便見得人心虛靜自然清明絕為物欲所蔽便暗了

問如何是有外之心曰只是有私意使內外扞格只見得自家自己凡物皆不與已相關便是有外之心

必有事焉而勿正心勿忘勿助長此固是下工夫處然於此須識得箇本體始得明道飛魚躍活

潏潏地以為與此意同須要識得方有下工夫處觸事未能不為事物所奪只是未遇事時存養未熟所以如此

涵養本源而察於天理人欲之判此是日用動靜之間不可頃刻間斷底事若於此處見得分明自然不剝得流入世俗功利權謀裏去矣

此心此理隨處操存隨處體察無往而非學也只在常切警省勿令昏惰耳

答學者云人心之病不放縱即昏惰如賢者必無放縱之患但恐不免有昏惰處若日用之間務以

齊嚴肅自持常加警策即不至昏惰矣

就思慮萌處察天理人欲取此舍彼持守之要大抵只是要得此心常自整頓惺惺了了

即未發時不昏昧已發時不放縱耳人與天地一般無此欠闕處天便是箇大底人人便是箇小底天

人與天地本一體只緣渣滓未去所以有間斷若無渣滓便與天地同體如克己復禮為仁便是與天地同體處

此心曠然無一毫私意直與天地同量便有天下為一家中國為一人底意思

心無限量與天地同其大但為物欲間隔小了學者克己復禮上做工夫到私欲盡後便粹然是天地生物之心

吾之心即天地之心而今講學便要去得天地不相似處要與天地相似

人之一身便是天地只緣人為入欲隔了這道理與生俱生天賦我以如是之理則在我當盡得如是之理

人受天所賦許多道理須盡得許多道理則死時

女子之死而無愧矣

若一日未死一日要是當百年未死百年要是當這便是立命

爲學先須立志志既立則學問可次第着力立志不定終不濟事

孔子以十五歲便斷然以聖人爲志矣志字最有力要如飢渴之於飲食終悠悠便是志不立

學者大要立志所謂志者只是直截要學堯舜孟子道性善言必稱堯舜只是一箇性善可至堯舜

逐日恁地恐懼脩省方得恰好才一日放倒便都壞了

了

今日克念即可爲聖明日罔念即爲狂矣

虛心順理學者當守此四字

爲學須是專一於道理則自有得

大抵學問只要心裏見得分明從此上面做去

惟學能變化氣質

湏是看人工夫多少如何若工夫未到則氣質之性

不得不重若工夫已到則氣質豈得不聽命於義

理

學貴時時湏是心心念念在

無一事而不學無一時而不學無一處而不學事無非學

爲學要剛毅果決悠悠不濟事只如發憤忘食樂以忘憂是什麼精神是甚麼骨肋

或言學者工夫多間斷曰聖賢教人只是要救一箇間斷

爲學須是痛切懇惻去做工夫使饑忘食渴忘飲方得

爲學不進只是不勇

今之學者全不曾發憤

直須抖擞精神莫要昏鈍如救火治病然豈可悠悠

歲月

學者最怕因循

悠悠於學者最有病

學者做工夫只今便要去做去斷以不疑

大凡人學湏是見到自住不得處方有功

人之爲學只是爭箇肯不肯耳

聖賢千言萬語只是教人做人而已

或問爲學如何做工夫曰不過是切已便的當

聖賢千言萬語教人且從近處做去

學須做自家底看便切已

學者須是切已方有所得

學者之要務反求諸已而已

或問脩身之要先生曰此是難事然須是知得病痛

處便去着力若是易為則天下有無數聖賢

若不用躬行只是說得便了則七十子之從孔子只

用兩日便說盡何用許多年隨着孔子不去

講學固不可無須是更去自己分上做工夫若只管

說不過一兩日都說盡了只是工夫難

凡日用之間動止語默皆是行處且須於行處體省

須是戰戰兢兢方可

聖門所謂德業者却初不在日用之外

聖人教人大槩只是說孝弟忠信日用常行底話人

能就上面做將去則心之放者自收性之昏者自

著如心性等字到子思孟子方說得詳

聖門日用工夫甚覺淺近然惟之理無有不包無有

不貫及其充廣可與天地同其廣大故為聖為賢

位天地育萬物只此一理而已

學者實下工夫須是日日為之就事親從兄接物處

事理會取其有未能處如行如此之久則日能

而不自知遂只如常事做將去

但就實做工夫自然有得

事親從兄盡是問學

君仁臣忠父慈子孝自家欠他底便不快活反身而

誠樂莫大焉無欠闕也

夫三綱五常大倫大法有識以上即能言之而臨小

利害輒已失其所守正以學不足以全其本心之

正是以無所根着而忘之耳

聖賢說性命皆是就實事上說如言盡性便是盡得

此君臣父子三綱五常之道而無餘言養性便是

養得此道而不害至微之理至著之事一以貫之

累無餘欠非虛語也

舜之命契不過是欲使父子有親君臣有義夫婦有

別長幼有序朋友有信只是此五者至於後來聖

賢千言萬語只是欲明此而已

問建立大本經綸大經曰大本是心求放心便是建

立大本大經君臣父子夫婦長幼朋友也天下事

不出此五者不立大本以整觀此五者便紊亂

事父未能須要如舜之事父方盡得子之道事君未

能須要如周公之事君方盡得臣之道君有一

不盡便是道理有所欠問便非子與臣之道矣
問如事父母當勞苦有倦心之際却須自省覺說這箇是當然曰是如此

聖人言孝其實精粗本末只是一理人皆有良知而前此未嘗知者只為不曾推去耳

只是一箇道理在上便喚做仁在下便喚做義在父便謂之慈在子便謂之孝

只萬物皆得其分便是利君得其為君臣得其為臣父得其為父子得其為子何利如之這利字即所謂利者義之和利便是義之和處

孟子學語錄卷之十四

論孝

四十五

問堯舜不能化其子周公不能和兄弟是如如何曰聖賢是論其常堯舜周公是處其變如不將天下與其子而傳賢便是能處變得好若周公不辟管叔周如何不亂是不得不着德地而今且理會常處未論到變處

問割股事如何曰割股固自不是若誠心為之不求人知亦庶幾今有以此要譽者

問父母之於子有無窮憐愛欲其聰明欲其成立此之謂誠心耶曰父母愛其子正也愛之無窮而必欲其如此則邪矣此天理人欲之閒正當審決

問君子之道造端乎夫婦及其至也察乎天地蓋夫婦則情意密而易於陷溺不於此致謹則私欲行

於玩狎之地自欺於人所不知之境人倫大法雖講於師友之前亦未保其不壞於幽隱之處儻知造端之重隱微之際恐懼戒謹則是工夫從裏面做出以之事父兄處朋友皆易為力而有功矣曰本只是說至近處似此推說亦好

男女居室人事之至近而道行乎其間此君子之道所以費而隱也然幽闇之中衽席之上人或衆而慢之則天命有所不行矣此君子之道所以造端

孟子學語錄卷之十四

論孝

四十六

乎夫婦之微密而語其極則察乎天地之高深也然非知幾慎獨之君子其孰能體之易有於乾坤而中於咸恒禮謹大昏而詩以二南為正始之道其以此歟知言亦曰道存乎飲食男女之事而溺於流者不知其精又曰接而知有禮焉交而知有道焉惟敬者能守而不失耳亦此意也

夫婦之間隱微之際正始之道所繫尤重故觀人者於此為尤切

脩身齊家只此是學

孔明擇婦正得醜女奉身調度人所不堪彼其正大

之氣經綸之蘊固已得於天資然竊意其智慮之
所以日益精明威望之所以日益隆重者則寡欲
養心之助與為多焉

今人身上大節目只是一箇容貌言語

問九容九思曰即此便是涵養本原

心肅則容莊

平心和氣却是吾人學問根本

先聖言君子不重則不威學則不固口用之間只此

一句勿令違失則工夫已過半

容貌辭氣之間正學者持養用力之地然有意於巧

大儒心學語錄卷之十四

學養

四十七

今以悅人之觀聽則心馳於外而鮮仁矣若是就

此持養發禁躁妄動必溫恭只要體當自家直內

方外之實事乃是為己之功求仁之要復何病乎

故夫子告顏淵以克己復禮之目不過視聽言動

之間而曾子將死之善言亦不外乎容貌顏色辭

氣三者而已

持敬之說甚善但如所論則須是天資儘高低人不

甚假脩為之力方能如此若顏曾以下尤須就視

聽言動容貌辭氣上做工夫蓋人心無形出入不

定須就規矩繩墨上守定便自內外帖然豈曰

辟邪侈於內而如正容謹節於外乎曰於

正與莊整齊肅相反誠能莊整齊肅則放僻邪侈

决知其無所容矣既無放僻邪侈然後到得自然

莊整齊肅地位豈容易可及哉此日用工夫至要

約處但以一事驗儼然端莊執事恭恪時此心如

何怠惰類靡渙然不收時此心如何試於此審之

則知內外未始相離而所謂莊整齊肅者正所以

存其心也

古人於小學小事中便皆存箇大學大事底道理在

大學只是推將開闔去向來小時做底道理存其

中正似一箇坯素相似

古人設教自灑掃應對進退之節禮樂射御書數之

文必皆使之抑心下首以從事於其間而不敢忽

然後可以消磨其飛揚倔強之氣而為入德之階

古人終日只在禮中欲少自由亦不可得

損者三樂惟宴樂可畏所謂宴安鴆毒也

人不可以為惡一失其身縱有善不足以自贖

士君子之身一敗而萬事瓦裂可不戒哉

只這知悔處便是天理雖至惡人亦只患他頑然不

知省悟若心裏稍知不穩便從這裏改過亦豈不

可做好人

與其浮泛無根不如腳踏實地為有進步處耳

聖人以剛之德為君子柔為小人若有其剛矣須除去那剛之病全其為剛之德相次可以為學若不剛終是不能成

人之進德須用剛健不息

問氣質弱者如何涵養到剛勇曰只是一箇勉強然變化氣質最難

人氣須是剛方做得事如天地之氣剛故不論甚物事皆透過人氣之剛其本相亦如此若只遇着一

重薄物事便退轉去如何做得事

看來人也須是剛雖則是偏然較之柔不同若是柔弱不剛之質少間都不會振奮只會困倒了

學者須是蕪隅墻壁便可擔負得大事去

須磨礪精神去理會天下事非燕安暇豫之可得

荅呂伯豐曰今世為學不過兩種一則徑趨簡約脫畧過高一則覺得外馳支離繁碎其過高者固為

有害然猶為近本其外馳者詭譎狼狽更不可言

吾儕幸稍平正然亦覺欠却涵養本原功夫此不可不自反也又荅曰所望於伯豐者不淺更望於

本原上益加涵養收斂之功耳又荅曰上蔡先生

有言富貴利達今人少見出脫得者非是小事邇

來學者何足道能言真如鸚鵡此言深可畏耳願更於此加意須是此處立得脚定然後博文約禮之功有所施耳

上蔡先生言透得名利關方是小歇處今之士大夫

何足道能言真如鸚鵡也

窮須是忍忍到熟處自無戚戚之念矣

向見李先生說若大段排遣不去只思古人所遭患難有大不可堪者持以自比則亦可以少安矣始

者甚卑其說以為何至如此後來臨事却覺得

力處不可忽也

許多紛紛都從一我字生出來此字真是百病之根

若所不倒觸處作災恠也

志士仁人所以不求生以害仁者乃其心中自有打

不過處不忍就彼以害此所謂成仁者亦但以遂

其良心之所安而已

人若不透得上頭一關則萬事皆低

大抵吾輩於貨色兩關打不透更無話可說也

學聖人之道者須是勇猛於世間禍福利害得喪

足以動其心方能立得脚住

歿壽不貳不以生死為吾心之悅戚也

君子之仕行其義也亦不可一向滅迹山林然仕而

道不行則當去耳

後世之所以不如古人者以道義功利關不透耳

人若見得道理分明便不為利祿動

學者不於富貴貧賤上立得定則是入門便差了也

總枉其小便害其大

敬之一字真聖門之綱領存養之要法一主乎此是

無內外精粗之間

大學心法卷之十四

論

五十一

自古聖賢自堯舜以來便說箇敬字孔子曰脩己以

敬此是最緊要處

敬是徹上徹下工夫湏做得聖人田地也只放下這

敬不得如堯舜也始終是一箇敬

聖人相傳只是一箇字堯曰欽明舜曰溫恭湯曰聖

敬曰躋

脩身齊家治國平天下都少箇敬不得如湯之聖敬

曰躋文王小心翼翼之類皆是

敬字工夫乃聖門第一義徹頭徹尾不可頃刻間斷

敬天德也敬便徹上徹下與天無間

只敬而無失便不偏不倚只此便是中

成湯工夫全在敬字上如云以義以禮不邇不殖等

可見日新之功

顏子止是持敬

伊洛拈出敬字真是聖學真的要妙工夫學者只於

此處着實用功則不患不至聖賢之域矣

敬是扶策人底物事

某舊見李先生嘗教令靜坐後來看得不然只是一

箇敬字好自然該貫動靜心無時不存

心無不敬則四體自然安斂

大學心法卷之十四

論

五十二

只敬則心使一

常常存箇敬在這裏則人欲自然來不得夫子曰為

仁由己而由人乎哉緊要處正在這裏

人只是要求放心何者為心只是箇敬

人之心惟敬則常存不敬則不存

敬便是天理肆便是人欲

敬只是常求放心只管提撕莫令廢惰學者最是此

一事為要

敬只是此心自做主宰處

敬是立脚去處

能純於敬則自無邪僻其有邪僻只是敬字不純只可責教

學者須就日用間實下持敬工夫求取放心

大抵只是主敬工夫不至致得開斷但日用間常自提撕勿令昏惰則久久自長進矣

人之持敬若拘迫不和便非自然之理

日用之間所以用力循循有序不凌不躐則至於日至之時豁然貫通天人之際不待認而合矣

氣質未化偏重難反學者之通病今亦但當用力於恭敬持養之地而玩意義理以培養之不必反覆

較計惴惴然如此太厚却恐有害清明和樂之氣象亦足以妨日新之益也

若周純仁曰更須深自思省收拾身心漸令向裏令寧靜閑退之意勝而飛揚躁擾之氣消則治心養氣處世接物自然安穩一時長進無復前日内外之患矣

人之爲學當知何所爲而爲學又知其何所事而可以爲學然後循其次第勉勉而用力焉必使此心之外更無異念而舊習之能否世俗之毀譽身計之通塞自無一毫入於其心然後乃可幾耳

問人之習爲不善其弱已深者終不可復反曰初極重者不可反亦在乎識之淺深與其用力之多寡耳

雖至堯舜孔子之聖其自處常只在下學處也上達處不可着工夫更無依泊處日用動靜語默無非下學聖人豈曾離此來

問主一無適與整齊嚴肅有不同否曰如何有兩樣只是箇敬極而至於堯舜也只常常是箇敬

敬者非但是外面恭敬而已須是要裏面無一毫不

在處方是所謂敬以直內者是也

初學持敬也須勉強是後自熟曾子云戰戰兢兢如臨深淵如履薄冰此乃敬之意此心不存則常昏矣蓋心所不能已則自不至於亡中庸戒謹恐懼皆敬之意

曾子奉持遺體無時不戒謹恐懼直是容手足之時方得自免這箇身已直是頃刻不可不戒謹恐懼如所謂孝非止是尋常奉事而已當念慮之微有毫釐差錯便是悖理傷道便是不孝只看一日之間內而思慮外而應接事物是多多少少這箇

略不救黑便差失了至危者無如人之心所以曾
子常常恁地戰戰兢兢如臨深淵如履薄冰

敬以直內義以方外八箇字一生用之不窮

敬以直內義以方外此可以盡天下之事

敬以直內便能義以方外只是別有箇義

聖門之學別無要妙徹頭徹尾只是箇敬字而已

二先生所論敬字須該貫動靜者方得夫方其無事

而存主不懈者固敬也及其應物而酬酢不亂者

亦敬也故曰無不敬儼若思又曰事思敬執事敬

豈必以攝心坐禪而謂之敬哉禮樂固必相須然

禮樂皆敬之具

論語

五十五

所謂樂者亦不過謂習中無事而自和樂耳非是

着意放開一路而欲其和樂也然欲習中無事非

敬不能故程子曰敬則自然和樂而周子亦以為

禮先而樂後皆可見也既得後須放開不然却是

守者此言既自得之後則自然心與理會不為禮

法所拘而自中節也若未能如此則是未有所自

得終方是守禮法之人耳亦非謂既自得之又却

須放教開也克己復禮固非易事然顏子用力乃

在於視聽言動禮與非禮之間未敢使道是得其

本心而了無一事也此其所以先難而後獲歟

敬則內欲不萌外誘不入自其內欲不萌而外誘

虛自其外誘不入而言故曰實只是一時事不可

作兩截看

答方耕道曰願更於日用語默動靜之間自以規

深務涵養毋急近效要以氣質變化為功若程夫

子所謂敬者亦不過曰正衣冠一思慮莊整齊肅

不慢不欺而已但實下工夫時習不懈自見意味

又答曰向者妄謂自立規程正謂正衣冠一思慮

莊整齊肅不慢不欺之類耳此等雖是細微然人

有是身內外動息不過是此數事其根於秉彝各

有自然之則若

論語

五十六

則若自然之則若不於此一理會常切操持則雖

理窮玄與論極幽微於我亦有何下步乎

如敬齋銘便是做工大底節次近日相與考證古聖

所傳門庭建立此箇宗旨相與守之

以敬為主則內外肅然不助而心自有不知以

敬為主而欲存心則不免將一箇心把捉一箇心

外面未有一事時裏面已是三頭兩緒不勝其擾

擾矣就使實能把捉得住只此已是大病況未必

真能把握得住乎儒釋之異亦只於此便分了如

云常見此心光燦燦地便是有兩箇主宰了不知

尤者是真心乎見者是真心乎

聖人無一時一事而不敬

維持主宰全在敬字今但實然用力於敬則日用工夫自然有總會處

周子只說一者無欲也這話頭高卒急難湊泊常人如何便得無欲故伊川只說箇敬字教人只就敬上捱去庶幾執作得定有箇下手處

心無不敬則四體自然收斂不待着意安排而四體亦自舒通矣着意安排則難久而生病矣

程子論敬則自然和樂學者不知持敬而務為和樂

鮮不流於慢者

靜中私意橫生此學者之通患此當以敬為主深察私意之萌多為何事就其處痛加懲窒久之純熟

自當見效

敬之一字萬善根本涵養省察格物致知種種功夫皆從此出方有據依

敬之一字乃聖學始終之要本知者非敬無以知己知者非敬無以守

蒼谷亞夫曰向見意氣頗多激昂而心志未甚凝定此須更於日用之間益加持敬工夫直待於此

得本來明德之體動靜如一方是有入頭處也

敬字通貫動靜故敬義非兩截事必有事焉而勿正心勿忘勿助長則此心卓然貫通動靜敬立義行無適而非天理之正矣

身心內外初無間隔所謂心者固本乎內而凡視聽言動出處語默之見於外者亦即此心之用而未嘗離也孰若一主於敬而此心卓然內外動靜之間無一毫之雜一息之停哉

蒼周舜弼曰所喻敬字功夫於應事處用力為難此亦常理但看聖賢說行篤敬執事敬則敬字本不

為難然無為時誤須何種處力加持守庶幾動靜如一耳

敬字工夫通貫動靜而必以靜為本

問克已持敬工夫曰做處則一若不敬則此心散漫何以能克已

聖門重教之意却是受人躬行實踐直內勝私使輕浮刻薄貴我賤物之態潛消於冥冥之中而吾之本心渾厚慈良公平正大之體常存而不失便是仁處其用工着力隨人淺深各有次第要之須是力行久熟實到此地方能知此意味蓋非可以想

象臆度而知亦不待想象臆度而知也

仁者人之所固有而私或蔽之以陷於不仁故為仁者必先克己克己則公公則仁

夫子答門人為仁之問不同然大要以敬為入門處孔門教人先要學者知此道理便就身上着實踐纔到得全無私心渾是天理處方喚作仁

博學而篤志切問而近思如何却說箇仁在其中蓋自家能常常存得此心莫教走作則理自然在其

中學者為其所不得不為者至於人欲盡而天理全則

仁在是矣若云我欲以此去為仁便是先獲也

仁是箇生成意思通貫周流於四者之間

有形氣便具此生理若無私意間隔則人身上全體

皆是仁

或曰存得此心即便是仁先生曰此句甚好

有此人則具此仁

百行萬善總於五常五常又總於仁所以孔孟只教人求仁求仁只是主敬求放心若能如此道理便

在這裏

學者須是求仁所謂求仁者不放此心聖人亦是教

人求仁蓋仁義禮智四者仁足以包之若徒有

仁自然頭頭做著不用逐事安排故曰苟志於仁矣無惡也今看大學亦要識此意所謂顧諟天之

明命無他求其放心而已

雖有惻隱之心而意在於納交要譽亦是不仁了

人謹言語不妄發即求仁之端

仁者本心之全德人若本然之良心存而不失則所作為自有序而和若此心一放只是人欲私心做得出來安得有序安得和有

仁只是一箇渾然天理

仁者心之德而天之理也自非至誠盡性通貫全體

如天地一元之氣化育流行無少間息不足以名

之

渾然天理便是仁有一毫私意便是不仁

仁者之人雖動亦靜喜怒哀樂皆是動仁者豈無此

數者蓋於動中未嘗不靜靜謂無人欲之紛擾而

安於天理之自然耳

克己如誓不與賊俱生克伐怨欲不行如薄伐獯鬻

至于太原但逐出境而已又曰克己者是從心所欲

上一刀兩斷便斬絕了更不復萌不行底只

已克去已私已克去私克去私克去私

則鏡自明矣此語則室自清又曰克已便能復

禮禮是自家本有底物所以說箇復克得那一分

人欲去便復得這一分天理來克得那二分底已

去便復得這二分底禮來

人之本心無有不仁但既汨於物欲而失之便須用

功親切方可復得其本心之仁

人能克已則所行皆無私意而合天理耳

視聽言動之間所當為者皆禮也所不當為者皆非

禮也其非禮則勿以止焉則是克已之私而復於

禮矣所以用力其機特在勿與不勿之間而已自

是而反則為天理自是而流則為人欲自是而克

念則為聖自是而罔念則為狂特毫忽之間耳學

者可不謹其所操哉

問克已工夫從何面做去及說制於外如何曰制却

在內

視與看見不同聽與聞不同如非禮之色若過目便

過了不可有要視之心非禮之聲若入耳也

了不可有要聽之心

視聽言動但有些箇不循道理便是非禮

非禮勿視聽言動緊要在勿字上不可放過勿與不

勿在我而已

天千告顏子非禮勿視聽言動只是行上做工夫又

曰顏子生平只是受用克已復禮四箇字

問顏子地位有甚非禮處曰只心術間微有些子非

禮處也須盡截斷了他力量大聖人便教他索性

克去

顏子之未達一間處只是自知耳

顏子克已如紅爐上一點雪

顏子三月不違仁只是無一毫私欲耳

水自是元有只被塞了緣除了塞便流仁自是元有

只被私意隔了緣克去已私便是仁

鏡無纖塵則光明人能無一毫之私欲則仁然鏡之

明非自外求也只是元來自這光明今不為塵

所昏耳人之仁亦非自外得也只是人心元來自

有這仁今不為私欲所蔽耳

仁是此心之德才存得此心即無不仁如說克已復

禮亦只是要得私欲去後此心常存耳學者須是

此心常存方能審度事理而行其所當行也此孔

門之所以必以求仁爲先蓋此是萬理之原萬事之本且要先識認得先存養得方有下手立脚處耳

能敬能恕則仁在其中須先主於敬然後能行其恕已私既克則廓然大公皇皇四達而仁之體無所蔽矣天理無蔽則天地萬物血脉貫通而仁之用無不周矣

今人說仁如糖皆是甜不會喫着不知甜是甚滋味聖人都不說破在學者以身體之而已矣

問存得此心便是仁曰且要存得此心不爲私欲所勝過半每着精神照管不可隨物流去須要緊

緊守着若常存得此心應事接物雖不中不遠思慮於中都是不能有此心此心不存合視處也不知視合聽處也不知聽問莫在於敬否曰敬

非別是一事常喚醒此心便是人每日只鶻鶻突突過了心都不曾收拾得在裏面

問仁曰聖賢說話有說自然道理如仁人心是也有說做工夫處如克己復禮是也

仁是愛之理人皆有之然人或不公則於其所當愛者反有所不愛惟公則視天地萬物皆爲一體而

無所不愛矣

爲仁由己此語爲仁之至要蓋始終不離乎此夫其所以求師友而事之之心豈自外至哉既得師友而事之矣然不求諸己則師友自師友耳我何有焉

學聖希天惟在存誠誠存則五常百行皆自然無一不備矣

君子小人之分却在誠其意處誠於爲善便是君子不誠底便是小人

許多病痛都在誠意章一齊說了下面有些小病痛亦輕可此章論緊切若透過此一關此去做工夫便易了

中庸慎獨大學誠意毋自欺此正是最切近處最分明處

誠是實理徹上徹下都是這箇誠者合內外之道須是表裏如一

意誠如饑之必食渴之必飲無一毫不實之意反諸身是反求於心不誠是不曾實有此心如事親

孝須實有這孝之心若外面假爲孝之事裏面却無孝之心便是不誠矣

反身而誠乃躬行之至無一理不實有於吾身

所謂致中者非但只是在中而已纔有些子偏倚便不可只是箇戒謹恐懼便是工夫

天下道理不出中正兩字合當做的便是正做得恰好處便是中

大凡人心仁義禮智本都有在元只是一物發出自然成四派

君子所性只是說生來所受之性仁義禮智根於心便見得四端着在心上相離不得才有此子私意便剝斷了那根便無生意

問集義曰只是無一事不求箇是而已矣

我是吾心所處之且者見事合恁地處則隨而應之義當富貴便富貴義當貧賤便貧賤當生則生當死則死只看義理合如何

當死而死義在於死不當死而不死義在於不死無往而非義也

內外只是一理事雖見於外而實在內告子義外便錯了

一是一心貫是萬事看甚事來聖人只這心應去一以貫之只是萬事一理

忠是體恕是用只是一箇物事又曰聖人是自然底

忠恕學者是使然底忠恕

一者忠也以貫之者恕也體一而用殊

不得忠時不成恕獨說恕時忠在裏面了又曰絜矩

正是恕

忠恕只是一件事不可作兩箇看

忠在一心上恕則貫乎事物之間又曰忠只是一箇

忠一片實心做出百千箇恕來

忠恕是一貫註脚一是忠貫是恕底事

夫子言一貫曾子言忠恕子思言小德川流大德敦

問張子言理一分殊只是一箇

問如心爲恕曰如比也比自家心上推去仁之與恕

只爭些子自然底是仁比而推之便是恕

范忠宣以恕已之心恕人此語有病終恕已便已不

是蓋恕是推去底我有是善亦要他人有是善推

此及彼之心此乃恕也於己不當下恕字

忠是本體恕是枝葉非是別有枝葉乃是本根中發

出枝葉

絜矩不是外面別箇道理只便是前面正心脩身底

推而措之間絜矩之道是廣仁之用否曰此乃求

仁工夫正要着力若仁者只是舉而措之耳不待
繁矩而自無不平矣繁矩正是恕者之事

中便是大德敦化和便是小德川流只是一箇道理
問中和者性情之德也寂感者此心之體用也此心
存則寂然時皆未發之中感通時皆中節之和心
有不存則寂然木石而已大本有所不立也感通
馳騖而已達道有所不行也故動靜一主於敬戒
謹恐懼而謹之於獨則此心存而寂感無非性情
之德也曰是

靜而無不該者性之所以為中也寂然不動者也動

六十七

六十七

而無不中者情之發而得其正也感而遂通者也
靜而常覺動而常止者心之妙也寂而感感而寂
者也

經是萬世常行之道權是不得已而用之須是合義
也又曰權者濟經之所不及

問敬是就身上說簡是就事上說否曰簡也是就身
上做出來

餒則便是缺了此正氣而氣之本體常浩浩然也但
自家身上自間隔了耳

聖人不知己是聖人

聖人之心樂天如命者其常也憂世之心則有感而
後見耳

聖人也不是拍手掉臂做到那處也須學始得如孔
子所謂德之不脩學之不講聞義不能徙不善不
能改是吾憂也惟其憂之所以為聖人

聖人只是常欲扶墜這箇道理教他撐天拄地

不怨天不尤人樂天安土安於所遇無一毫之私意

聖人便是天聖人有此理天有此理故其妙處獨
與之契合

下學上達只是一件下學是事上達是理理在事中

六十八

六十八

事不在理外如大而化之之謂聖聖而不可知之
之謂神然亦不離乎人倫日用之中但恐人不能
盡所謂學耳果能學安有不上達者

聖人只是理會下學而自然上達
不怨天不尤人下學而上達知我者其大乎此見孔

子渾是天理

聖人之心曠然太空了無一物

聖人自是無一點私意物各付物如天地之生生自

然物我一體

聖人之心如鑑事物之來若小若大四方八面莫不

而應之此心元不曾

天地之心動方見聖人之心

聖人只是一箇中底道理

聖人只是一箇天理

聖人之心無時不樂如元氣

之不到無一時之或息也

有所輕重於其間哉

天只一氣流行萬物自生自

得如此聖人只是一箇大

聽自然聰色自然溫貌自

君臣則為義從大本中流

去

聖人之道時行時止

聖人便是天天是箇道理

聖人之於天地如孝子之於

聖人亦未嘗不戒謹恐懼

聖人之心常有歉然不足之意

古之聖賢戰戰兢兢過了一生

聖人雖則說是生知安行便

以不可及若有一息不慙

聖賢兢兢業業至死而後

問堯舜禹大聖人也允執厥中執字似亦大段費力

如何曰聖人固不思不勉然使聖人自有不思不

勉之意則罔念而作狂矣經言此類非一更細思

之

道體無窮聖人未嘗見其有餘也

聖人雖生知未嘗不學如十五志學便是學也

伊尹五就桀孔子行可李孫惟聖人有此作用

問顏子不遷怒不貳過曰此是顏子好學之符驗如

此却不是只學此二事顏子學處專在非禮勿視

聽言動上

問顏子所樂何事曰人之所以不樂者有私意耳克

己之私則樂矣又曰顏子私欲克盡故樂不是專

樂箇貧

問回也不改其樂與樂亦在其中矣曰不要去孔顏

身上問只去自家身上討

問孔顏之樂只是私意淨盡天理昭融自然無一毫

繫累耳曰然

樂亦在其中此樂與貧富不相干是別有樂處如氣

壯底人遇熱亦不怕遇寒亦不怕若氣虛則必為

所動矣

省其私私不專在無人獨處之地謂如人相對坐心
意默所趨向亦是私

顏子所以發聖人之蘊忍不可以一舉言蓋聖人全
體大用無不一於顏子身上發見也

孟子明則動矣未變也顏子動則變未化也

問幾於無我曰聖人全是無我顏子是不以我去歷
人却尚有箇人與我相對在聖人便和人我都無

了

曾子之學大率力行之意多

曾子啓手足易當時底心見得時便是曾子之仁

三子只就事上見得此道理曾點則去自己心性上

見得本原底道理

曾點所見乃是大根大本又曰曾點却只是見得未

必能做得堯舜事又曰曾點是他見得到日用之

間無非天理流行無虧無欠是自然如此充其見

便是孔子老者安之朋友信之少者懷之底意思

惟曾點便見得到這裏聖人便做得到此處

自孔子之後付聖人之心者惟曾子思孟子而已

曾子功夫只是戰兢恐懼定終身事

右五百九十七條

大儒心學語錄卷之十五

後學金谿王菴輯

晦菴朱先生語

聖人之教循循有序博之以文以開其講學之端約之以禮以嚴其踐履之實

古之聖賢所以教人不過使之講明天下之義理以開發其心之知識然後力行固守以終其身而凡其見之言論措之事業者莫不由是以出

夫子教顏子只是博之約禮兩事自克弊以來便自如此說惟精便是博文惟一便是約禮

凡事察之貴精守之貴一

知行常相須如日無不足不行是無日不見

聖賢千言萬語只是要知得守得

聖人教人無非講明義理以脩其身然後推以及人

涵養致知力行三者須一時全了非謂今日涵養

明日致知後日力行也要當皆以敬為本敬只是

提起這心莫教放散恁地則心便自明這裏便窮

理格物見得當如此便是不當如此便不是既見

了便行將去

方其知之而行未及之則知尚淺既親歷其域則知

之益明非前日之意味

物必格而後明倫必察而後盡

格物只是窮理物格即是理明此乃大學功夫之始

聖人教人為學須是格物致知誠意正心脩身而推

之以至於齊家治國可以平天下方是正當學問

博學審問慎思明辯篤行皆學之事

惟心麓一事乃學者之通病橫渠云顏子未至聖人

猶是心麓一息不存即為粗病要在精思明辨使

理明義精而操存涵養無須更離無毫髮間則天

理常存人欲消去其庶幾矣哉

聖賢言語似乎不同然未始不貫如夫子言非禮勿

視聽言動出門如見大賓使民如承大祭言忠信

行篤敬到孟子又却說求放心存心養性大學則

又有所謂格物致知正心誠意至程先生又專發

明一箇敬字若只恁看似似乎參差不齊其實只一

理

聖賢所說功夫都只一般只是一箇擇善固執

學者之初須是知得到方能行得末後須是行得則

方是究竟故程先生云知至至之主知知終終之

主終

似此口情文致知格物也約禮說已後禮也其

顏子所以獨得聖學之傳正謂其傳文約禮

到士愚不知學知學矣而知所擇之為難能擇之而足
足以行之內不顧於私已外不為習俗之所移也

為今日計但當窮理脩身學取聖賢之學使
以獨善其身達而有以兼善天下

一世人也

人有此身便有所為人之理與生俱在
付而非人力所能為也所以凡為人者只合

此理而謹守之不可昏棄若乃身外之事榮悴
戚即當一切聽天所為而無容心焉其自至者亦

擇其可而受之其不至者則無求之之理也此是
終身立脚地位不可分寸移易

答方平叔曰顧獨惟念自省事來聞師友之訓
人之書觀其教人不過講學脩身以全其所受

天者出為世用則隨其大小惟吾之所有以及
至於用與不用合與不合則直任之蓋未嘗以

必於人亦未嘗以是憂於已以此自信誓將終
由之而不自知其力之果足以有至焉否也

窮理功夫亦是至要識得事物當然之理積久貫通
之後自然所行不疑而實理在我隱微之間亦無
私念

世間萬事須臾變滅皆不足置胃中惟有窮理脩身
為究竟法耳

大凡人只合講明道理而謹守之以無愧於天之所
與者若乃身外榮辱休戚當一切聽命而已

夫義利之間所差毫末而舜跖之歸異焉是以在昔
君子之為學也莊敬涵養以立其本而講於義理

以發明之則其口之所誦也有正業而心之所處
也有常分矣至於希世取寵之事不惟有所愧而
不敢實亦有所急而不暇焉

答王欽之曰來書謂窮理不必泥古人言句固是也
然亦豈可盡捨古人言句哉程夫子曰窮理亦多

端或讀書講明道理或論古今人物別其是非或
應事接物求其當否皆窮理也夫講道明理別是

非而察之於應事接物之際以克去己私求天天
理循循而進無迫切陵節之弊則亦何患乎與

人皆馳也若欲盡捨去古人言句道理之下明
非之不別泛然無所決擇雖欲惟出處語默之察
譬之適越者不知東西南北之殊而僕僕然奔走
於途其不比入燕則東入齊西入秦耳

講了便將來踐履即有歸宿

大抵今日之弊務講學者多關於踐履而專踐履者
又遂以講學為無益殊不知因踐履之實以致講
學之功使所知益明則所守日固去彼區區口耳
之間者固不可同日而語矣

思慮言語躬行皆不可廢但欲實到躬行非是道

理全不可思量不可講說也

大學學以述養本原多矣講論經旨以誦此而已

學問根本在日用間持敬集義工夫直要得念念
省察讀書求義乃其間之一事耳

日用之間常切點檢氣習偏處意欲萌之與平日所
講相似與不相似就此痛着工夫庶幾有益

答呂伯恭云所論講學克己之功哀多寡正得恰

好此誠至論然學者於此須是無所不用其極然
後足目俱到無偏倚之患且中庸言問思辯而
後繼以力行程子於涵養進學亦兩言之皆未嘗

以此包彼而有所偏廢也若曰講習漸明便當痛
下克己工夫以踐其實便有以真知其意味之必
然不可只如此說過則其言為無病矣

君子之於學同將來至于古人之所至者而後已其

必以古人之事自期然後可得而至也夫古人之

學何為哉致知以明之立志以守之造之以精深

克之以光大雖至乎聖人可也

又有一種切已病痛日用工夫只在當人着實向前

自家了取本不用與人商量亦非他人言說所能

干預縱欲警覺同志只合舉起話頭令其思省其

聞之者亦只合猛省提掇向自己分上着力不當

更着言語論量應對如人有病只合急急求藥既

得藥只合急急服餌不當更着言語形容此病更

着言語贊嘆此藥也今將實踐履事却作閑言語

說了意在於說而不在於行此恐不惟無益而又

反有害也

今人但見孔子問禮問官無所不學便道學問只是

如此却不不知得他合下是甚次第大底本領方有

功夫到此

玩物喪志之戒乃為求多聞而不切已若發遺書又

有不可外面只務泛觀物理正如遊騎無所歸之說亦為此耳至於義理雖明而踐履不至者則亦多端或是知之未深或是行之不力或是氣質之偏有難化處

此理初無內外本末之問凡日用間涵泳本原酬酢事變以至講說辯論考究尋繹一動一靜無非存心養性變化氣質之實學者之病在於為人而不為己故見得其間一種稍向外者皆為外事若實有為己之心但於此顯然處嚴立規程力加持守日就月將不令退轉則便是孟子所謂添造以道

者蓋其所謂添造者乃功夫積累之深所謂道者則不外乎日用顯然之事也及其真積力久內外如一則心性之妙無不存而氣質之偏無不化矣所謂自得之而居安資深也豈離外而內惡淺而添今學問思辨力行之實而別有從事心性之妙也哉

心之本體固無不虛然而人欲已私汨沒久矣安得一日遽見此境界乎故聖人必曰正其心而後必先誠意誠意必先致知其用力太繁如此則可以得心之正而復其本體之虛亦非一蹴之力

矣今直曰心無時不虛又曰既識此心則用無不利此亦失之太快而流於異學之歸矣若儒者之言則必也精義入神而後用無不利可得而語矣孟子存亡出入之說亦欲學者潛而存之耳似不為識此心發也若能常操而存即所謂敬者純矣純則動靜如一而此心無時不存矣今也必曰動履求之則是有意求免乎靜之一偏而不知其反倚手動之一偏也

聖門之學下學之序始於格物以致其知不離乎日用事物之間別其是非審其可否由是精義入神以致其用其間曲折纖悉各有次序而一以貫通無分段無時微無方所以為精也而不離手粗以為求也而不離乎本必也優游潛玩厭飫而自得之然後為至固不可自量而緩亦不可欲速而急譬如草木自萌芽生長以至於枝葉華實不待其日至之時而擢焉以助之長豈不無益而反害之哉

精義二字所謂者宜而已矣物之有宜有不宜者之有有不可吾心處之知其各有分定而不可易所謂義也精義者精諸此而已所謂精者

之云爾精之之至而入於神則於事物所至
變曲之間無所不悉有不可容言之妙矣此所
以致用而用無不利也

有人只就或殼上用工夫於理之所以然者全無見處
為學功夫固當有先後然亦不是截然今日為此明
日為彼也且如所謂光明性之本體而敬以守之
固是如此然從初若都不敬亦何由得有見耶
所謂誠心乃欲識此心之義理精微耳

別
須是就自己實做工夫分明見得這箇道理意味自

於窮理工夫有所未至則亦只冥行終不能升堂睹
與直入聖賢之域也

古人之學以莊敬持守為先而讀書窮理以發其
就此得知處著實體驗須有自然信得及處便是
知也

致知力行論其先後固當以致知為先然論其輕重
則當以力行為重

大學所謂格物致知乃是即事物上窮得本來自然
當然之理而本心知覺之體光明洞達無所不

格物致知亦曰知此而已矣此大學一書之本指
也

窮理不深則安知所行之可否哉宰予以短喪為安
是以不可為可也子路以正名為迂是以可為不
可也彼說見聖人日聞善誘猶有是失況於餘人
恐不但如此而已窮理既明則理之所在動必由
之

理之所在即是中道惟窮之不深則無所準則而有
過不及之患易曰精義入神以致用也蓋惟如此
然後可以應務未至於此則凡所作為皆出於私
意之鑿冥行而已

未能博學便要約禮窮理處不會用功守約處豈免
有差若差之毫忽便有不可勝言之弊

問大學初說致知格物中庸首章惟言戒懼並獨工
夫規模覺得似此大學為高遠直至二章始言明
善擇善與大學所以教者同亦似二書隨學者

質為教也曰大學是通言學之初終中庸是直指
本原極致處巨細相涵精粗相貫皆不可缺非有
彼此之異也

大學繫矩在格物之後蓋須理明心正則吾之所欲
所不欲莫不皆得其正然後推以及物則其處物
亦莫不皆得其正而無物我之間

大學是聖門最初用工處格物又是大學最初用工
處

格物致知是大學第一義脩己治人之道無不從此
而出終身要得受用豈是細事

窮理之學只是識如何為是如何為非事物之來無
所疑惑耳

意雖心之所發然誠意工夫却在致知上做來若
見得道理無纖毫不盡處即意自無不誠矣

潛思默究令胸中明白見得道理都無疑礙方是於
踐履功夫有進步處

儒者之學大要以窮理為先須先明此然後心之所
發輕重長短各有準則書所謂天叙天秩天命天

討孟子所謂物皆然心為甚者皆謂此也若不於
此先致其知泛然而無所準則則其所存所發亦

何自而中於理乎

大抵學問緊要是見處要得透徹然不自主敬致知
上着工夫亦無入頭處也

存心養性便是正心誠意之事然不可謂全在致知

格物之後但必物格知至然後能盡其道耳

天生蒸民有物有則不明其物之理則無以順性命
之正而處事物之當

所學漸明則所偏亦當漸覺矣

明四端察五典者窮理之要

窮理者欲知事物之所以然與其所當然者而已知
其所以然故志不惑知其所當然故行不繆

為學之實固在踐履苟徒知而不行誠與不學無異
然欲行而未明於理則所踐履者又未知其果何

事也故大學之道雖以誠意正心為本而必以格
物致知為先

若知此心此理端的在我則參前倚衡自有不容舍
者亦不待求而得不待操而存矣格物致知亦是

因其已知者推之以及其所未知只是一本原無
兩樣工夫也

世固有忠信而不知道者如孔子所稱忠信而不好
學者伊川所譏篤學力行而不知道者是也

明道玩物喪志之說蓋是箴上蔡記誦博識而不理
會道理之病渠得此語遂一向掃蕩直要得曾來

雖無一毫所能則可謂知過其正矣

人爲學須是要知箇是處千定萬定知得這箇徹底是那箇徹底不是方是見得徹見得是則這心裏方有主

知至即便意誠善終明誠心便進

物格知至方能意誠心正身脩推而至於家齊國治天下平自然滔滔去都無障礙

不真知得如何踐履得若是真知自住不得

義理人心之固有苟得其養而無物欲之昏則自然發見明著不待別求格物致知亦因其明而明之

耳

先明諸心了方知得聖之可學有下手處方就這裏做工夫

問今之學者不是忘便是助長曰這只是見理不明

耳理是自家固有底從中而出如何忘得使他見

之之明如飢而必食渴而必飲則何忘之有如食

而至於飽則止飲而至於滿腹則止又何助長之

有此皆是見理不明之病

必有事焉却是見得此理而存養下功處

或言大學以知止爲要先生曰如君便要止於仁臣

便要止於敬子便要止於孝父便要止於慈君不

知得何緣到得那地位

根卒在脩身然脩身得力處却是知天知天是物格

知至知得箇自然道理知天是起頭處能知天則

知人事親脩身皆得其理矣聞見之知非真知也

只要知得到信得極如君之仁子之孝之類人所

共知而多不能盡者非真知故也

未能識得涵養箇甚

問踐履曰義理不明如何踐履如人行路不見如何

行

只爭箇知與不知爭箇知得切與知得不切

致知所以求爲真知也真知是要徹骨都見得透

見得徹後徹上徹下只是一箇道理須是見得實方

是

知得深便信得篤

心有不存物何可格然所謂存心者非拘執繫縛而

加桎梏焉也蓋嘗於紛擾外馳之際一念之間一

有覺焉則即此而在矣勿忘勿助長不加一毫智

力於其間則是心也其庶幾乎

謝上蔡說格物只是尋箇是處甚好

窮理且今有切已工夫若只泛窮天下萬物之理不務切已即遺書所謂遊騎無歸

道理要見得真湏是表裏首末極其透徹無有不盡

真見得是如此決然不可移易始得

善湏真見得是善方始決然必做惡湏真見得是惡方始決然必不做

湏表裏如一方是不自欺湏是見得分曉如知鳥喙

不得食水火不可蹈則自不食不蹈如寒欲衣飢

欲食則自是不能已人果見善如飢欲食寒欲衣

見惡如鳥喙不可食水火不可蹈則此意自是實

大抵窮理工夫

編卷

十五

矣又曰自欺是半知半不知底人知道善所當為

却又不十分去為善知道惡不可為却又自家舍

也不得這便是自欺不知不識不喚做自欺

知未至時雖欲誠意其道無由如人夜行雖知路從

此去但黑暗行不得所以要致知知至則道理明

白坦然行之今人知未至者也知道善當好惡當

惡然臨事不能如此者只是實未嘗見得若實見

得則行處無差

能知得到方會誠可者必為不可者決不肯為到

心正則胸中無此子私蔽洞然光明正大截然方

正而不亂此身使脩家便齊國使治而天下可平知無不至矣而後見善明察惡盡不容有所自欺而意誠

大學雖使人戒夫自欺而推其本則必其有以用力

於格物致知之地然後理明心一而所發自然莫

非真實不然則一念方萌而私意隨起亦非力之

所能制矣

問知至了如何到意誠又說毋自欺曰到這裏方可

着手下工夫不是知至了下面許多一齊掃去下

面節節有工夫在

信學語解卷之五

論語

十六

文言所謂學聚問辯中庸所謂明善擇善孟子所謂

知性知天皆在乎固守力行之先可以驗大學始

教之功為有在乎此也

致知一章是大學最初下手處若理透徹後即便容

易

體認便是致知

致知格物是窮此理誠意正心脩身是體此理齊家

治國平天下是推此理要做三節看

自格物至平天下聖人亦是畧分箇先後與人看不

成做一件淨盡無餘方做一件如此何時做得成

如今爲學而不窮天理明人倫論聖言通世教乃元然有心於草木器用之間此是何學問

君臣父子兄弟夫婦朋友皆人所不能無者但學者須要窮格得盡事父母則當盡其孝處兄弟則當盡其友如此之類須是要見得盡若有一毫不盡便是窮格不至也

知至而後意誠而程子又云格物窮理但立誠意以格之何也曰此誠字說較淺只是確定其志朴實去做工夫不要若存若亡

將致知者必先有以養其知欲養其知者惟寡欲而已矣欲寡則無紛擾之雜而知益明矣無變遷之患而得益固矣

用誠敬涵養爲格物致知之本知不善不可爲而猶或爲之是特未能真知也所以未能真知者緣於道理上只就外面理會裏面却未理會得十分瑩淨

問思慮妄發欲制之而不能曰此只是自家見理不透做主不定所以如此大學曰物格而后知至知至而后意誠意誠則自然無此病

燭理未明涵養未熟以故事物之來無以應之

若實欲求仁固莫若力行之近但不學以明之則有槌墮冥行之患故其蔽愚若主敬致知交相爲助則自無此蔽矣

今日爲學用力之初當學問思辯而力行之乃可以變化氣質而入於道顧乃先自禁切不學不思以坐待其無故忽然而有見無乃溺心於無用之地玩歲愒日而卒不見其成功乎就使僥倖於恍惚之間亦與天理人心叙秩命討之實了無交涉其所自謂有得者適足爲自私自利之資而已此其釋氏之禍橫流滔天而不可遏者有志之士所以隱憂浩嘆而欲火其書也

讀聖人書當反身而求亦須是講學不講學遇事便有崢嶸不自安處講學明則坦坦地行將去若只躬行而不講學只是鶻突底好人

有一項人去理會道理少間所做底事却與所學不相關又有依本分就所見定是要躬行也不須去講學這箇少間只是做得會差亦不至大狼狽只是如今這般人已是大了

程夫子之言曰涵養必用敬而進學則在致知此兩言者如車兩輪如鳥兩翼未有廢其一而可行

飛者也敬之與否只在當人一念操舍之間而格
物致知莫先於讀書講學之爲事

學須以躬行力踐爲極然未有不由講學窮理而後
至

夫涵養之功則非他人所得與若致知之事則正須
友朋講學之助庶有發明

荅孫吉甫曰所喻氣質過剛未能自克而欲求其所
以轉移變化之道夫知其所偏而欲勝之在吾日
用之間屢省而痛懲之耳故周子有自易其惡自
至其中之說是豈他人所得而與於其間哉然此

亦或有說焉不明其理而徒欲救其偏亦恐矯枉
之過而反失乎中也故古人之學雖莫急於自脩
而讀書講學之功有所不廢蓋不如是無以見夫
道體之全而審其是非邪正之端也

講學貴於實見義理
此心固是聖賢本領然學未講理未明亦有錯認人
欲作天理處

聖賢教人無非下學工夫

聖人言語甚實即吾身日用常行之間可見
聖賢言語何曾誤天下後世人自不至耳

天下有一箇道理若大路然聖人之言便是那引路
底

聖賢所言皆是自家原有此理却不是他鑿空撰來
聖賢著書都是要人依他做

聖賢一言一行皆當潛心玩索要識得他底蘊自家
分上一一要

日用之間無一事一物不是天真本體孔孟之言無
一字一句不是分明指訣

聖賢之言無精粗巨細無非本心天理之妙若真看
得破便成已成物更無二致內外本末一以貫之

讀書不可只就紙上求義理須反來就自家身上推
究

學者讀書先要理會自己本分上事
讀書窮理當體之於身不然恐終無益

誦說雖精而不能踐其實君子蓋深耻之
聖賢之言須是真箇躬行佩服方始有功不可只如

此說過不濟事

讀書須將聖賢言語就自家身上做工夫

聖人言語須是實體於身灼然行得方是讀書
開卷便有與聖賢不相似處豈可不自鞭策

學則就自家身上切要處理會方是讀書已足
二義自家身上道理都具不曾外面添得來然聖
人教人須要讀書蓋為自家雖有這道理須是經
歷過方得聖人說底他是曾經歷過來

聖人所說無不是這箇大本

讀書須要切已體驗不可只作文字看

學不止讀書凡做事皆是

學者當以聖人之言反求諸身一一體察須是曉然

無疑積日既久當自有見

讀書將以求道不然讀作何用今人不去這上理會

道理皆以涉獵該博為能所以有道學俗學之別

問平日讀書時似亦有所見既釋書則別是一般又

每苦思慮紛擾鉅持敬亦未免弛慢不知病根安

在曰此乃不求之於身而專求之於書固應如此

古人曰為仁由己而由人乎哉凡吾身日用之間

無非道書則所以接濟此心耳故必先求之於身

而後求之於書則讀書方有味

道之在天下若臣父子之間起居動息之際皆有一

定之明法不可頃刻而暫廢故聖賢有作立言垂

訓以著明之巨細精粗無所不備而讀其言者必

當明究索以存諸心行諸身而見諸事業然後
可以盡人之職而立乎天地之間不但玩其文辭
以為綴辭絮組之工而已也

書只是明得道理却要人做出書中所說聖賢工夫

來又曰若但入耳出口以資談說則亦何所用之

日用應接思慮隱微之間每每加察其善端之發憚

於吾心而合於聖賢之言則勉勵而力行之其邪

志之萌愧於吾心而戾於聖賢之訓則果決而速

去之

但當更於存養踐履上着力不可只考同異較詳畧

專為章句之學而已

讀書固不可廢然亦須以主敬立志為先方可就此

田地上推尋義理見諸行事若平居泛然畧無存

養之功又無實踐之志而但曉解文義說得分明

則雖盡通諸經亦何所益

學不是讀書然不讀書又不知所以為學之道聖賢

教人只是要誠意正心脩身齊家治國平天下所

謂學者學此而已

學者讀書須要將聖賢言語體之於身如克己復禮

與出門如見大賓使民如承大祭須就自家身上

體者我實能克已復禮主敬行恕否件件如此友有益

讀大學豈在他言語正欲試驗之於心如何如好好色惡惡臭果能如此乎閒居為不善是果有此乎一有不至則猛勇奮躍不已必有長進今不知如此書自書我自我何益之有

答陳叔向曰示喻學者不能身踐而驚於空言此誠今世莫大之患然亦不善讀書者之咎耳書之設豈端使然哉大抵聖賢之教無一言一句不是入德門戶如所謂禮樂不可斯須去身者尤為深切

真當佩服存省以終其身也

惟有志不立直是無着力處只如而今貪利祿而不貪道義要作貴人而不作好人皆是志不立之病直須反復思量究見病痛起處勇猛奮躍不復作此等人一躍躍出見得聖賢所說千言萬語都無一字不是實語方始立得此志就上積累工夫迤邐向上去大有事在

鄉道之勤衛道之切不若求其所謂道者而脩之於己之為本用力於文詞不若窮經觀史以求義理而措諸事業之為實也蓋人有是身則其秉養之

則初不在外與其鄉往於人孰若反求諸己與其以口舌馳說而欲其得行於世孰若得之於己而一聽其用舍於天耶至於文詞一小伎耳以言乎邇則不足以治己以言乎遠則無以治人是亦何所與於人心之存亡世道之隆替而校其利害勲譽反復至於連篇累牘而不厭耶

問為學工夫以何為先曰專在人自立志既知這道理辦得堅固心一味向前何患不進只患立志不堅只恁聽人言語看人文字終是無得於己

問今之言學者滿天下家誦中庸大學語孟之書人

習中庸大學語孟之說究觀其實、惟應事接物

與所學不相似而其為人舉足動步全不類學者所為或做些小氣象或自治一等議論專一欺人

此豈其學使然歟抑踐履不至歟抑所學之非歟

曰何足以言學某與人說學問止是說得大槩要人自去下工譬如寶藏一般其中至寶之物何所

不有某止能指與人說此處有寶若不下工夫自去討終不濟事今人為學多是為名不肯切己

世俗之學所以與聖賢不同者聖賢直是直簡去做說正心直要正心說誠意直要誠意脩身齊家

非空古今之學者說正心但將正心吟咏一節說
誠意又將誠意吟咏一節說脩身又將聖賢許多
說脩身處誦誦而已說撥拾言語綴緝時文如此
為學却於自家身上有何交涉這裏須用着意理
會今之朋友固有樂聞聖賢之學而終不能去世
俗之陋者無他只是志不立耳學者大要立志學
學便要做聖人是也

人皆有私意聖賢所以留千言萬語以掃滌人私意
使人人全得惻隱羞惡之心六經不作可也裏面
着一點私意不得又曰六經是三代以上之書聖

經聖人手全是天理

聖人作經以詔後世將使讀者誦其文思其義有以
知事理之當然見道義之全體而身體力行之以
入聖賢之域也

士之必通經正為講明聖賢之訓以為終身踐履之
資耳

大學論語中庸孟子讀之恍然如見父兄說門內事
中庸用力之端只在明善善二獨所謂明善又不過思
慮應接之間辨其孰為公私邪正而已此窮理之
實也若於此草草放過則亦無所用其存養之功

天

伊川先生多今
論語之言無所不包
卷之要七篇之旨無所不究而其所以示人者
多體驗克廣之功

但要反覆玩味記得聖賢本意道義實體不外此心
便自有受用處耳尹和靖門人贊其師曰至哉聖
謨六經之編耳順心得如誦已言要當至此地位
始是讀書人耳

孔子諸弟子只除了顏曾之外其他說話便皆有病

近見學者多是先立已見不問經文向背之勢而橫
以義理加之其說雖不悖理然非經文本意也如
此則但據已見自為一說亦可何必讀古聖賢之
書哉

理之至當不容有二若以心自己出而不蹈前人為
高則是私意而已矣

大率觀書但當虛心平意以徐觀義理之所在如其
可取雖世俗庸人之言亦有所不廢如有可疑雖古
傳以為聖賢之言亦必加審擇自然是非自平
道理明白胸中自然有據無籠罩自欺之

下可倚靠師友

師友只是發明得人若不自向前師友如何着得力此事全在當人自家着力雖日親師友亦須自做

夫不令間斷方有入處得箇入處却隨時游心自

不相妨雖應科舉亦自不為科舉所累也

跋歸師堂詩云孟子之言正為不知反求諸身而專

務求師於外者設耳夫道雖若大路然非上智生

知之質亦豈能不藉師友而獨得之共要當有以

發其端倪然後有餘師者可得而求耳

為學十分要自己着力然亦不可不資朋友之助要

大學心學錄卷之五

陸卷

二十七

在審取之耳

惟心無對

心是本來完全之物

人之所以神明其德應物而不窮者心而已

虛靈自是心之本體

心廣大如天地光明如日月

心者體用周流無不貫徹

心是貫徹上下

心是身之主宰性是心之道理

問天地之心天地之理理是道理心是主宰底意否

曰心固是主宰底意然所謂主宰者即是理也不

是心外別有箇理理外別有箇心

天下無無性之物有此物即有此性

性同氣異只此四字包涵無限道理

理未始不該於事事未始不根於理

天下須有一箇是與不是是處便是理不是處便是

弗理

道未嘗息而人自息之所謂非道亡也幽厲不由也

心貫性情

性發於情情根於性

大學心學錄卷之五

陸卷

二十八

通天下只是一箇天機活物流行發用無間容息即

夫日用之間渾然全體如川流之不息天運之不

窮耳此所以體用精粗動靜本末洞然無一息之

間而鸞飛魚躍觸處朗然也存者存此而已養者

養此而已必有事焉而勿正心勿忘勿助長也

理只是一箇渾然底人與天地渾合無間

天人無間斷

問冲漠無朕曰未有事事物之時此理已具少間應物

只是此理

天所以為天者理而已天非有此道理不能為天

天人一物內外一理流通貫徹初無間隔

天下只有一箇正當道理循理而行便是天

天下之理都著一毫私意不得

自古至今惟有一箇當然底道理

萬事只一理

天下只是這一箇道理

道不遠人理不外事

天理無外又曰理無內外

體與用元不相離

精粗一貫元無兩樣

天人一理

若理會得此意則天何嘗大人何嘗小也

此心學然全無私意是則寂然不動之本體其順理

而起順理而滅斯乃所以感而遂通天下之故者

云耳

問心該誠神備體用故能寂而感感而寂其寂然不

動者誠也體也感而遂通者神也用也體用一源

顯微無間惟心之謂歟曰甚善

問心無私主有感皆通曰無私主只是公善則好之

惡則惡之善則實之惡則刑之此是聖至公至

神之化心無私主如天地無私則偏天下皆

然則偏天下皆執便是有私皆通又問心無私主

最難曰亦是克去己私心便無私主

橫渠所謂立得心只是作得主底意思

夫天命不已回人物之所同得以生者也觀人物之

生生無窮則天命之流行不已可見矣但其所乘

之氣有偏正純駁之異是以稟而生者有人物賢

否之不一物固隔於氣而不能知衆人亦蔽於欲

而不能存是皆有以自絕于天而天命之不已者

初亦未嘗已也人能反身自求於日用之間存養

體察以去其物欲之蔽則求仁得仁本心昭著天

命流行之全體固不外乎此身矣故自昔聖賢不

獨使人盡其所以正心脩身之道則仁在其中而

性命之理得伊川先生所謂盡性至命必本於

第正謂此耳

莫見乎隱莫顯乎微是就此不睹不聞之中提起善

惡之幾而言故君子慎其獨

問大學或問中論心處每言虛言實或言虛明或

言神明孟子盡心註云心人之神明竊以爲此等

專指心之體而言又見孟子舉心之存亡出入集

註以爲心之神明不測竊以爲此無言心之神明

而盡其始終反覆之能之全夫其本體之通靈如此而其變態之神妙又如則所以爲是物者必不圖於形體而非粗淺血氣之爲竊疑是人之一身神氣所繫所以謂之神舍人而無此則身與偶人相似必有此而後有精神知覺做得箇活物恐心又是身上稍靈底物事不知可以如此看否又嘗求所以行是心者竊見伊川言人心作主不定如破屋禦寇又云如一箇翻車每每教學者做箇主或云立箇心又云人心須要定使他思時方思乃是明道云人有四百四病皆不由自家則是心須教由自家以此似見得心雖是活物神明不測然是自家身上物事所主在我收住後放去放去後又復收回自家可以自作主宰但患不自做主若自家主張着便在不主張着便走去及纔尋求着又在故學者須自爲之主使此心常有管攝方得又嘗求所以爲主之實竊見伊川論何如爲主敬而已矣又自見得要自主宰須至敬蓋敬便收束得來謹密正是着力做主處不敬便掉放疎散不復做主了其於存心工夫又粗見如此不知是否曰理固如此然須用其力不可做好話說過又

當有以培養之然後積漸純熟向上有進步處問覺是人之本心不容泯沒故衆間發見之時直是昭著不與物雜於此而自識則本心之體即得其真矣上蔡謂人須是識其真心竊恐謂此然此恐亦隨在而有蓋此心或昭著於燕閑靜一之時或發見於事物感動之際或求之文字而怡然有得或索之講論而恍然有悟凡此恐皆是覺處若素未有覺之前但以爲已有是心而求以存之恐昏隔在此不知實爲何物必至覺時方始識其所以爲心者既嘗識之則恐不肯甘心以其虛明不昧之體迷溺於卑污苟賤之中此所以及汲汲未明益不能已而其心路已開亦自有可進步處與夫茫然未識指趣者大不侔矣故其竊疑覺爲小學大學相承之機不知是否曰所論甚精但覺似少渾厚之意

答游誠之曰心一而已所謂覺者亦心也今以覺求心以覺用心紛拏迫切恐其爲病不但揠苗而已不若日用之間以敬爲主而勿忘焉則自然本心不昧隨物感通不待致覺而無不覺矣故孔子只言克己復禮而不言致覺用敬孟子只言操存舍

而不言覺有味亡謝先生節書以覺言仁然
曰心有知覺而不言知覺此心也請推此以驗之
所論得失自可見矣

性者心之理也情者心之用也心者性情之主也

未動為性已動為情心則只乎動靜而無不在焉

今先說一箇心便教人識箇情性底總腦教人知
得箇道理存着處

彌綸天地該括古今推廣得來蓋天蓋地莫不由此

此所以為人心之妙歟

五峯云心妙性情之德妙是主宰運用之意五峯此

說不是魯夫研窮深體如何直見得恁地

天下無性外之物

程子云論性不論氣不備論氣不論性不明二之則

不是所以發明千古聖賢未盡之意深為有功

氣質之性只是此性墮於氣質之中向使元無本然

之性則此氣質之性又從何處得來耶

孔孟言性之異畧而論之則夫子雜乎氣質而言之

孟子乃專言其性之理也雜乎氣質而言之故

曰同而曰近蓋以為不能無善惡之殊但求其
其所習之遠耳以理而言則上帝之降衷人

秉賦初生有二理其如此理在人有善

故孟子之告公都子但以其才與情皆明之譬如

欲觀水之必清而其源不可到則亦觀諸流之未

遠者而源之必清可知矣

天之所以命只是一般緣氣質不同遂有差殊孟子

分明是以人身上挑出天之所命者說與人要見

得本原皆善

論萬物之一原則理同而氣異觀萬物之異體則氣

猶相近而理絕不同也氣之異者粹駁之不齊理

之異者偏全之或異

生而知者氣極清而理無蔽也學知以下則氣之清

濁有多寡而理之全缺繫焉耳

理固無不善純賦於氣質便有清濁偏正剛柔緩急

之不同孟氣強而理弱管攝他不得

天地間只有一箇道理性便是理人之所以有善有

惡只緣氣質之稟各有清濁

性只是理然無那天氣地質則此理沒安頓處

氣之清明則不蔽因此理順發出來故孟子

出來人理勝後固多方則私欲勝便是得本善

則天地之性存矣故說性須兼氣質方備

人之氣稟有偏而所見亦不同如氣稟剛底人則見事剛處多而處事失之太剛柔底人見事柔處多而處事失之太柔須先克治氣稟偏處

問氣質之性曰性譬之水本皆清也以淨器盛之則清以汙濁之器盛之則臭濁然本然之清未嘗不在但既臭濁卒乍也難得他便清故雖愚必明雖柔必強也熟用氣力然後可至此

易之文言於乾九三實明學之始終而其所謂忠信所以進德者欲吾之心實明是理而真好惡之若

其好好色而惡惡臭也所謂脩辭立誠以居業者

欲吾之謹夫所發以致其實而尤先於言語之易放而難收也

艮其背是止於其所當止之地不獲其身行其庭不見其人萬物各止其所了便都絕是理也不見有己也不見有人都只是箇理問止是以心言否曰是易傳內欲不萌外物不接亦即是這止

赤子之心固無巧偽但於理義未能知覺渾然赤子之心而已大人則先有知覺擴充之功而無巧偽安排之鑿故曰不失赤子之心着箇不失字便是

不同處南軒謂從初不失此恐太拘既失而反之却到此地位亦何害其為不失乎

凡今之人營私自便得少為足種種病痛正坐心不大耳

易曰無思也無為也寂然不動感而遂通天下之故者何也曰無思慮也無作為也其寂然者無時而不感其感通者無時而不寂也是乃天命之全體人心之至正所謂體用之一源流行而不息者也疑若不可以時處分矣然於其未發也見其感通之體於其已發也見其寂然之用亦各有當而實未嘗分焉

未嘗分焉

樂記曰人生而靜天之性也感於物而動性之欲也何也曰此言性情之妙人之所生而有者也蓋人受天地之中以生其未感也純粹至善萬理具焉所謂性也然人有是性則即有是形有是形則即有是心而不能無感於物感於物而動則性之欲者出焉而善惡於是乎分矣性之欲即所謂情也又曰物至而知知而後好惡形焉何也曰上言性情之德此指情之動處為言而性在其中也物至而知知之者心之感也感也者情也形焉者

其動也所以好惡而有自然之節者性也曰好惡無節於內知誘於外不能反躬天理滅矣何也曰此言情之所以流而性之所以失也情之好惡本有自然之節惟其不自覺知無所涵養而大本不立是以天則不明於內外物又從而誘之此所以流溢放逸而不自知也苟能於此覺其所以然者而反躬以求之則其流也庶乎其可制矣不能如是而惟情是徇則人欲熾盛而天理滅息尚何難之有哉此一節正天理人欲之機間不容息處惟其反躬自省念念不忘則天理益明存養自固而外誘不能奪矣曰夫物之感人無窮而人之好惡無節則是物至而人化物也人化物也者滅天理而窮人欲何也曰上言情之所以流此以其流之甚而不反者言之也好惡之節天之所以與我也而至於無節宰制萬物人之所以為貴也而反化於物焉天理惟恐其存之不至也而反滅之人欲惟恐其制之不力也而反窮之則人之所以為人者至是盡矣然天理秉彝非可殄滅者雖化物窮欲至於此極苟能反躬以求天理之本然者則初未嘗滅也但染習之深難覺而易昧難反而易

流非屬知耻之勇而致百倍之功則不足以復其初耳中庸曰天命之謂性率性之謂道脩道之謂教何也曰天命之謂性渾然全體無所不該也率性之謂道大化流行各有條貫也脩道之謂教克己復禮日用工夫也知條理然後條貫可尋而工夫有序然求所以知之又在日用工夫下學上達而已矣又曰道也者不可須臾離也可離非道也是故君子戒慎乎其所不睹恐懼乎其所不聞莫見乎隱莫顯乎微故君子慎其獨也何也曰率性之謂道則無時而非道亦無過而非道如之何而可須臾離也可須臾離則非率性之謂矣故君子戒謹乎其所不睹恐懼乎其所不聞蓋知道之不可須臾離則隱微顯著未嘗有異所以必謹其獨而不敢以須臾離也然豈怠於顯而偏於獨哉蓋獨者致用之源而人所易忽於此而必謹焉則亦無所不謹矣又曰喜怒哀樂之未發謂之中發而皆中節謂之和中也者天下之大本也和也者天下之達道也致中和天地位焉萬物育焉何也曰天命之性渾然而已以其體而言之則曰中以其用而言之

之則曰和中者天地之所以立也。和者化育之所
以行也。此天命之所全也。人之所受蓋亦莫非此
理之全。喜怒哀樂未發是則所謂中也。發而莫不
中節是則所謂和也。然人爲物誘而不能自定則
大本有所不立。發而或不中節則達道有所不行。
其在我者或幾乎息矣。惟君子知道之不可湏臾
離者其體用在是。則必有以致之以極其至焉。蓋
敬以直內而喜怒哀樂無所偏倚。所以致乎中也。
義以方外而喜怒哀樂各得其正。所以致夫和也。
敬義夾持。涵養省察。無所不用其戒謹恐懼。是以
當其未發而品節已具。隨所發用而本體卓然以
至寂然感通。無少間斷。則中和在我。天人無間而
天地之所以位萬物之所以育。其不外是矣。
思慮未萌。事物未至之時爲喜怒哀樂之未發。當此
之時即是心體流行寂然不動之處。而天命之性
體段具焉。以其無過不及不偏不倚。故謂之中。
已是就心體流行處見。故直謂之性。則不可未發
之中。本體自然不須窮索。但當此之時敬以持之。
使此氣象常存而不失。則自此而發者其必中節。

矣。此日用之際本領工夫。其曰却於已發之處觀
之者。所以察其端倪之動而致擴充之功也。一
中則非性之本然而心之道或幾乎息矣。故程子
於此每以敬而無失爲言。以事言之則有動有靜
以心言之則周流貫徹。其工夫初無間斷也。但以
靜爲本耳。
程子曰存養於未發之前則可。又曰善觀者却於已
發之際觀之。何也。曰此持敬之功貫通乎動靜之
際者也。就程子此章論之。方其未發必有事焉。是
乃所謂靜中之知覺。復之所以見天地之心也。及
其已發。隨事觀省。是乃所謂動上求靜。良之所以
止其所也。然則靜中之動非敬其孰能形之。動中
之靜非敬其孰能察之。故又曰學者莫若先理會
敬。則自知此矣。然則學者豈可舍是而他求哉。
人主而靜天之性者。言人生之初未有感時便是渾
然天理也。感物而動性之欲者。言及其有感便是
此理之發也。
人生而靜天之性。未嘗不善感物而動性之欲。此亦
未是不善。至於物至知知然後好惡形焉。好惡無
節於內。知誘於外。不能反躬。天理滅矣。方是惡故

論語集注卷之五

靜字乃指未感本然言蓋人生之初未感於物一性之真湛然而已

所謂靜者亦指未感時言耳當此之時心之所存渾是大理未有人欲之偽故曰天之性及其感物而動則是非真妄自此分矣然非性則亦無自而發故曰性之欲動字與中庸發字無異而其是非真妄特決於有節與無節中節與不中節之間耳性無不該動靜之理具焉若專以靜字形容則反偏却性字矣既以靜為天性只謂感物之前私欲未萌渾是天理耳不必以靜字為性之妙也

大學章句

卷之五

四十一

伊川所謂其本真而靜者真靜兩字亦自不同蓋真則指本體而言靜但言其初未感乎物明道云人生而靜之上不容說終說性時便已不是性矣蓋

人生而靜只是靜之未發但於此可見天性之全非真以靜狀性也

如論性無不該不可專以靜言此固是也然當云性之分雖屬乎靜而其蘊則該動靜而不偏故樂記以靜言性則可如廣仲遂以靜字形容天性之妙則不可如論程子真靜之說以真為本體靜為未

感此亦是也然當云下文所謂未發即靜之謂也所謂五性即真之謂也然則仁義禮智信云者乃所謂未發之蘊而性之真也歟

程子云人生而靜以上不容說終說性時便已不是性也人生而靜以上即是人物未生時人物未生時只可謂之理說性未得終說性時便已不是性者言總謂之性便是人生以後此理已墮在形氣之中不全是性之本體矣

大學章句

卷之五

四十二

人生而靜是未發時以上即是人物未生之時不可謂性才謂之性便是人生以後此理墮在形氣之中不全是性之本體矣然其本體又未嘗外此要人即此而見得其不雜於此者耳易大傳言繼善是指未生之前孟子言性善是指已生之後雖曰已生然其本體初不相雜也

與張敬夫曰某謂感於物者心也其動者情也情根乎性而宰乎心心為之宰則其動也無不中節矣何人欲之有惟心不宰而情自動是以流於人欲而每不得其正也然則天理人欲之判中節不中節之分特在乎心之宰與不宰而非情能病之亦已明矣蓋雖曰中節然是亦情也但其所以中節

者乃心爾今夫乍見孺子入井此心之感也必有怵惕惻隱之心此情之動也內交要譽惡其聲者心不宰而情之失其正也怵惕惻隱乃仁之端又可以其情之動而遽謂之人欲乎大抵未感物時心雖為已發然苗裔發見却未嘗不在動處必舍是而別求却恐無下功處也

人生而靜靜字指未感物而言耳蓋當此之時此心渾然天理全具所謂中者狀性之體正於此見之但中庸樂記之言有疎密之異中庸徹頭徹尾說箇謹獨工夫即所謂敬而無失平日涵養之功樂

大學心學編卷之三

陽明

四三

記却直到好惡無節處方說不能反躬天理滅矣殊不知未感物時若無主宰則亦不能安且靜只此便自昏了天性不待交物之引然後差也蓋中和二字道之體用以人言之則未發已發之謂但不能慎獨則雖事物未至固已紛紛膠擾無復未發之時既無以致夫所謂中而其發必乖又無以致夫所謂和惟其戒謹恐懼不敢須臾離然後中和可致而大本達道乃在我矣

情之未發者性也是乃所謂中也天下之大本也性之已發者情也其皆中節則所謂和也天下之達

道也皆天理之自然也妙性情之德者心也所以致中和立大本而行達道者也天理之主宰也靜而無不該者性之所以為中也寂然不動者也動而無不中者情之發而得其正也感而遂通者也靜而常覺動而常止者心之妙也寂而感感而寂者也

喜怒哀樂之未發謂之中性也發而皆中節謂之和情也子思之為此言欲學者於此識得心也心也者其妙性情之德者歟

人之一身知覺運用莫非心之所為心者所以主於

大學心學編卷之三

陽明

四四

身而無動靜之間者也方其靜也事物未至思慮未萌而一性渾然道義全具其所謂中是乃心之所以為體而寂然不動者也及其動也事物交至思慮萌焉則七情迭用各有攸當其所謂和是乃心之為用感而遂通者也心之寂然感通周流貫徹而體用未始相離也是以君子之於敬亦無動靜而不用其力焉未發之前是敬也固已主乎存養之實已發之際是敬也又常行於省察之間方其存也思慮未萌而知覺不昧是則靜中之動復之所以見天地之心也及其察也事物紛紜而品

節不差是則動中之靜長之所以不獲其身不見
其入也有以主乎靜中之動是以寂而未嘗不感
有以察乎動中之靜是以感而未嘗不寂寂而常
感感而常寂此心之所以周流貫徹而無一息之
不仁也然則君子之所以致中和而天地位萬物
育者在此而已蓋主於身而無動靜之間者心也
仁則心之道而敬則心之貞也此徹上徹下之道
聖學之本統明乎此則性情之德中和之妙可一
言而盡矣

來教謂言靜則溺於虛無然此二字如佛者之論則

卷之五

論

四十五

誠有此患若以天理觀之則動之不能無靜猶靜
之不能無動也靜之不能無動猶動之不可不察
也但見得一動一靜互為其根敬義夾持不容間
斷之意則雖下靜字原非死物至靜之中蓋有動
之端焉是乃所以見天地之心者而先王之所以
至日閉關蓋當此之時則安靜以養乎此爾固非
遠事絕物閉目兀坐而偏於靜之謂但未接物時
便有敬以主乎其中則事至物來善端昭著而
以察之者益精明耳伊川先生所謂却於已發之
際觀之者正謂未發則只有存養而已發則方有

可觀也

此卷第

所謂在中之義者言喜怒哀樂之未發渾然在中亭
亭當當未有箇偏倚過不及處其謂之中者蓋所
以狀性之體段也所謂在中之義猶曰在裏面底
道理云爾非以在中二字解未發之中也

既言未發時在中則是對已發時在外矣但發而中
節即此在中之理發形於外如所謂即事即物無
不有箇恰好底道理是也一不中節則在中之理
雖曰天命之秉彜而當此之時亦且漂蕩淪胥而
不知其所存矣但能反之則未嘗不在於此此程

卷之五

論

四十六

子所以謂以道言之則無時而不中以事言之則
有時而不中也夫此心廓然初豈有中外之限但
以已發未發分之則須如此亦若操舍存亡出入
之云耳

性情一物其所以分只為未發已發之不同耳

入心是箇靈底物如日間未應接之前是寂然未發
於未發中常恁地惺不恁然不省

易無思也無為也寂然不動忠也敬也立大本也感
而遂通天下之故怨也義也行達道也

所謂動上求靜亦只是各止其所皆中其節則其動

者乃理之當然而不害其本心之正耳

答吳伯豐曰學問臨事不得力固是靜中欠却功夫然欲舍動求靜又無此理蓋人之身心動靜二字循環反復無時不然但常存此心勿令忘失則隨動隨靜無處不是用力處矣且更着實用功不可只於文字上作活計也

答孫敬甫曰所論才說存養即是動了此恐未然人之一心本自光明不是死物所謂存養非要安排造作只是不動着他即此知覺炯然不昧但無喜怒哀樂之偏思慮云為之擾耳當此之時何嘗不

靜不可必待冥然都無知覺然後謂之靜也

論語

四十七

衆人之動則流於動而無靜衆人之靜則淪於靜而

無動此周子所謂物則不通也惟聖人無人欲之私而合乎天理是以其動也靜之理未嘗亡其靜也動之機未嘗息此周子所謂神妙萬物也

無事靜坐有事應酬隨時隨處無非自己身心運用但常自提撕不與俱往便是工夫事物之來豈以漠然不應為是耶

問習靜坐以立其本而於思慮應事專一以致其用以此為主一之法如何曰明道教人靜坐蓋為是

時諸人相從只在學中無甚外事故教之如此人若無事固是只得靜坐若特地將靜坐做一件工夫則却是釋子坐禪矣但只看一敬字通貫動靜則於二者之間自無間斷處不須如此分別也

如明道亦說靜坐可以為學謝上蔡亦言多着靜不妨此說終是小偏才偏便做病道理自有動時自有靜時學者只是敬以直內義以方外見得世間無處不是道理雖至微至小處亦有道理便以道理處之不可專要去靜處求所以伊川謂只用敬不用靜便說得平也是他經歷多故見得佳地正

論語

論語

四十八

而不偏若以世之大段紛擾人觀之若會靜得固好若講學則不可有毫髮之偏也如天雄附子冷

底人喫得也好如要通天下喫便不可伊川亦有時教人靜坐然孔孟以上却無此說

有養之功亦不當專在靜坐時須於日用動靜之間無處不下工夫乃無間斷耳

中正仁義這四箇物事常在這裏流轉然常靠着箇靜底做本若無夜則做晝不分曉無秋冬則春夏不長茂且如人終日應接歸來歇霎時却出去則便分外精神如春夏生長若一向恁地去却有甚

了期元氣也須解竭所謂復其見天地之心乎
主靜有夜氣一章可見

以事言之則有動有靜以心言之則周流貫徹其功
夫初無間斷也但以靜為本耳周子所謂主靜者
亦是此意但言靜則偏故程子只說敬

濂溪言主靜靜字只好作敬字看故又言無欲故靜
若以為虛靜則恐入釋老去

凡聖賢之言皆貫動靜如云求其放心亦不是閉眉
合眼死守此心不令放出也只是要得識此心之
正如惻隱羞惡之類於動靜間都無走失耳

川流不息天運也純亦不已聖人之心也謹獨所以
為不已學者之事也

無事之時涵養本原便是全體隨事應接各得其所
便是時中養到極中而不失處便是致中推得時
中而不差處便是致和

有此性自是因物有感見於君臣父子日用事物當
然處皆感也所謂感而遂通是也

感固是心所以感者亦是此心中有此理方能感
情根乎性而宰乎心心為之宰則其動也無不中節
矣何人欲之有惟心不宰而情自動是以流於人

欲而無不得其正者則其心已偏矣
中節之分特在乎心之主宰

只一主宰不從天理上自然發見
只此這此計較全體是天理流行

非所欲受之際所以謂人心私欲者非意人乎謂
私欲者也

道心之發也必有一毫把捉底意
是顏子之有不善正在此間者是也

非私欲而何須思此意思自然從欲中道才
分純是道心也

然全不肯亦常醒在這裏不怠地困
但平日莊敬涵養之功至而無人欲之私以亂之則

其未發也鏡明水止而其發也無不中節矣此是
日用本領工夫至於隨事省察則物推明亦必以

是為本而於已發之際觀之則其具於未發之前
者固可默識
君子戒謹所不能忘者所不能便自然常存顏子非
禮勿視聽言動正是如此
莫見乎隱莫顯乎微是就此不睹不聞之中提

惡之機而言以子慎其獨

只是虛着此心隨動隨靜無時無處不致其戒謹

懼之力則自然主宰分明義理昭著矣

幾是動之微是欲動未動之間使有善惡須就這處

理會若至於發著之甚則亦不濟事矣所以聖賢

說戒慎乎其所不睹恐懼乎其所不聞又說慎其

獨都是要得且於日用處理會蓋幾微之際大是

要切

幾是要得且於日用處省察善便存放這裏惡便去

而不為便是自家切已處

若果見得分明則天性人心未發已發渾然一致更

無別物由是而克已居敬以終其業則日用之間

亦無過而非此事矣

根本枝葉本是一貫身心內外元無間隔今曰專存

諸內而畧夫外則是自為間隔易若動靜語默

中及外無一事之不敬使心之全體流行周浹

無一物之不備無一息之不存哉

橫渠有意於絕外物而定其內明道意以為須是內

外合一動亦定靜亦定則應物之際自然不累於

物苟已靜時能定則動時亦定矣

無事之持尤是本根所在不可昏惰雜擾故欲就

便加持養之箇主宰其實只是一箇提撕整頓

貫動靜但是無事時只是一直如此持養有事時

便有是非取舍所以有直內方外之別

義利之際固當察明而力辨然伊洛發明未接物時

主敬為善一段工夫更須精進乃佳不爾幾無所

據以審乎義利之分也

定性者存養之功至而得性之本然也性定則動靜

如一而內外無間矣天地之所以為天地聖人之

所以為聖人不以其定乎君子之學亦以求定而

已矣故庸然而大公者仁之所以為體也物來而

順應者義之所以為用也仁立義行則性定而天

下之動一矣所謂貞也夫豈急於外誘之際而反

為是憧憧哉然常人之所以不定者非其性之本

然也自私以賊夫仁用知以害夫義是以情有所

蔽而憧憧耳不知自反以去其所蔽顧以惡外物

為心而反求照於無物之地亦見其用力愈勞而

竭理愈昧益以憧憧而不自知也良其皆則不自

私矣行無事則不用知矣內外兩忘非忘也一箇

於理不是內而非外也不是內而非外則大公而

順應尚何事物之爲累哉聖人之喜怒大公而
應天理之極也衆人之喜怒自私而用知人欲之
戚也亡怒則公理則順二者所以爲自反而去
蔽之方也夫張氏之於道固非後學所敢議然其
其強探力取之意多滋養之功少故不能無疑於
此程子以是發之其旨深矣

有天地後此氣常運有此身後此心常發要於常運
中見太極常發中見本性離常運者而求太極離
常發者而求本性恐未免釋老之荒唐也

太極是箇大底物事四方上下曰宇古往今來曰宙

無一箇物似字樣大四方去無極上下去無極

多少大無一箇物似宙樣長遠亘古亘今往來不

窮自家心下須常認得這意思

元亨誠之通動也利貞誠之復靜也元者動之端

本乎靜貞者靜之質也著乎動一動一靜循環無

窮而貞也者萬物之所成終而成始者也故人雖

不能不動而立人極者必主乎靜惟主乎靜則其

著於動也無不中節而不失其本然之靜矣

浩浩大化之中一家自有一箇安宅正是自家安身

立命主宰知覺處所以立大本行達道之樞要

窮體用一源顯微無間者乃在於此

天地以生物爲心者也雖氣有闔闢物有盈虛

地之心則亘古亘今未始有毫釐之間斷

極於外而復生於內聖人以爲於此可以見天

之心焉蓋其復者氣也其所以復者則有自來

向非天地之心生生不息則陽之極也一絕而

復續矣尚何以復生於內而爲闔闢之無窮乎

則所論動之端者乃一陽之所以動非徒指夫

陽之已動者而爲言也夜氣固未可謂之天地

然正是氣之復處苟求其故則亦可以見天地之

心矣

三才之所以爲三才者固未嘗有二道也然天地

心而人有欲是以天地之運行無窮而在人者

時而不相似蓋義理之心頃刻不存則人道息

道息則天地之用雖未嘗已而其在人者則固

此而不行矣

天理人欲二學不必求之於古今王伯之迹但

於吾心義利邪正之間察之愈密則其見之愈

持之愈嚴則其發之愈勇孟子所謂浩然之氣

孟欽然於規矩準繩不敢失作之中而此

天下之重者雖貴育莫能奪也是豈才能血氣之所為哉

程子以孝弟為行仁之本而又謂論性則仁為孝弟之本何也曰仁之為性愛之理也其見於用則事親從兄仁民愛物皆其為仁之事也此論性而以仁為孝弟之本者然也但親者我之所自出兄弟同出而先我故事親而孝從兄而弟乃愛之先見而尤切者若君子以此為務而力行之至於行成而德立則自親親而仁民仁民而愛物其愛有差等其施有漸次而為仁之道生生而不窮矣此學

孝弟所以為仁之本也

天下豈有兼行正道邪術雜用君子小人而可以有為者

治道去泰甚誠出於黃老之意然吾儒言亦頗有近似者但在用者如何若看得準則定當不可易處然後隨其深淺而不求備焉此則儒者之去泰甚也若一切漫漶十分放倒而曰吾姑去泰甚焉則是波濤邪道之辭而非所以為訓矣聖賢惡似而非正為此也

聖人之心涵養發生真與天地同德品物或自造于

理以千天誅則夫輕重取舍之間亦自有決然不易之理如天地四時之運寒涼肅殺常居其半而涵育發生之心未始不流行乎其間

願陛下自今以往一念之頃則必謹而察之此為天理耶為人欲耶果天理也則敬以擴之而不使其少有壅闕果人欲也則敬以克之而不使其少有疑滯推而至於言語動作之間用人處事之際無不以其是裁之則聖心洞然中外融徹無一毫之私欲得以介乎其間而天下之事將惟陛下之所欲為無不如志矣

觀齊居深山之中伊尹耕有莘之野豈不是樂此以終身後來事業亦偶然耳若先有一毫安排等待之心便成病痛矣

問志伊尹之所志曰古人之學本是欲行伊尹耕於有莘之野樂堯舜之道凡所以治國平天下者無不理會但方處畝畝之時不敢言必於大用耳及三聘幡然便一向如此做去此是堯舜事業

易貴結縷未須論優劣但看古人謹於禮法不以死生之變易其所守如此便使人有行一不義殺一不辜而得天下不為之心此是緊要處又曰季康

之賜曾子之受皆為非禮或者因仍習俗嗜有是事而未能正耳但及其疾病不可以變之時一聞人言而必舉扶以易之則非大賢不能矣此事切要處正在此毫釐頃刻之間

今人只為不見天理本原而有汲汲以就功名之心故其議論見識往往卑陋多方遷就下稍頭只是成就一箇私意更有甚好事

秦漢以來隨世以就功名者未必自其本而推之是以天理不明而人欲熾道學不傳而異端起人挾其私智以馳驚於一世

古之聖賢從本根上便有惟精惟一功夫所以能執其中徹頭徹尾無不盡善後來所謂英雄則未嘗有此功夫但在利欲場中頭出頭沒其資美者乃能有所暗合而隨其分數之多少以有所立然其或中或否不能盡善則一而已

聖人之目固大心固平然於本根親切之地天理人欲之分則有毫釐必計絲髮不遺者此在後之賢所以密傳謹守以待後來惟恐其一旦舍吾道義之正以徇彼利欲之私也

程子謂為善無近名者語似是而實不然蓋聖賢之

道但教人以力於為善之實初不教人以求名亦不教人以逃名也蓋為學而求名者自非為己之學蓋不足道若畏名之累己而不敢盡其為學之力則其為心亦已不公而稍入於惡矣

既得後須放開此亦非謂須要放開但謂既有所得自然意思廣大規模開廓須字必若未能如此便是未有所得只是守耳蓋以放開與否為得與未得之驗若謂有意須放教開則大害事矣

荅潘子善曰楊敬仲其人簡淡誠慤自可愛敬而其論議見識自是一般又自信已篤不可復與辨論

正不必徒為嘵嘵也

其自少鄙拙凡事不能及人獨聞古人為己之學而心竊好之又以為是乃人之所當為而力所可勉遂委已從事焉庶幾粗以塞其受中以生之責初不敢為異以求名也

自聖學不傳為士者不知學之有本而所以求於書不越乎記誦訓詁文詞之間是以天下之書愈多而理愈昧學者之事愈勤而心愈放詞章愈麗議論愈高而其德業事功之實愈無以逮乎古人輔廣請于先生求居敬窮理四字先生曰自向裏做

二天可也何必此

大儒誠之曰諸詩亦佳但此等亦是枉費工夫不切
自己底事若論為學治已治人有多少事至如天
文地理禮樂制度軍旅刑法皆是着實有用之事
業無非自己本分內事古人六藝之教所以游其
心者正在於此其與玩意於空言以校工拙於篇
牘之間者其損益相萬萬矣

要其本原則不出六經語孟且熟讀語孟以程門諸
公之求之涵泳其間當自有得若果於此有味
則世間一種無繫處文字皆是妄言綺語自無功

夫者得矣

古之聖賢其文可謂盛矣然初豈有意學為如是之
文哉有是實於中則必有是文於外如天有是氣
則必有日月星辰之光耀地有是形則必有山川
草木之行列聖賢之心既有是精明純粹之實以
磅礴充塞乎其內則其著見於外者亦必自條理
分明光輝發越而不可掩蓋不必托於言語著於
簡冊而後謂之文但自一身接於萬物凡其言
人所可得而見者無適而非文也姑舉其最顯者
則易之卦畫書之記言詩之詠歌春秋之記事

夫禮之威儀樂之節奏皆已列為六經而垂萬世
其文之盛後世固莫能及然其所以盛而不可及
者豈無所自來而世亦莫之識已

人之才德偏有長短其或意中了了而言不足以發
之則亦不能傳於遠矣故孔子曰辭達而已矣程
子亦言西銘吾得其意但無子厚筆力不能作耳
正謂此也然言或可少而德不可無有德而有言
者常多有德而不能言者常少學者先務亦勉於
德而已矣

專做時文底人他說底都是聖賢說話且如說廉他
且會說得好說義他也會說得好待他身做處只
自不廉只自不義緣他將許多話只就紙上說都
不關自家身已此子事

非是科舉累人自是人系科舉若高見遠識之士讀
聖賢之書據吾所見而為文以應之得失利害置
之度外雖日日應舉亦不累人又曰學者須令此
外識得一用心處乃有益耳

道間人多携詩文求跋尾喜以為人之所以與天地
日月相為長久者元不在此又曰詩筆雜文不
理會

知子齊家見言其詩亦何用先生云是無意思

上二句亦謂之不幸便是這事垂少間盡被這此子

能解那闊了一生更無暇子細思量義理

聖人將那廣大底收拾向實處來教人從實處做將

去若佛之學則說向高遠處去做都無工夫了

大抵學者當循下學上達之序庶幾不錯若一向求

聖門下學上達至於窮神知化亦不過德盛仁熟而

自致耳如釋氏理須頓悟不假漸脩之云是只說

上達更不理會下學然不理會下學如何上達

問昔見遺書云釋氏於敬以直內則有之義以方外

則未也道夫於此未安先生曰前日童輩卿正論

此以為釋氏大本與吾儒同只是其末異喜與之

言正是大本不同

聖人之道彌滿充塞無少空闕若於此有一毫之空

便於道體有虧欠若佛則只說道無不在無適而

非道正使禮義有差錯處亦不妨故他於此都

會不得

論學廣大音道夫曰以為於大本不立故偏了先

曰真所謂波濤滔天適要之佛氏偏處只是虛其理

理是實理他却虛了故於大本不立

儒釋之分只爭虛實而已

佛說萬理俱空吾儒說萬理俱實

釋氏虛吾儒實釋氏二吾儒一釋氏更不理會理吾

儒必要理會理

儒釋之異正為吾以心與理為一而彼以心與理為

二耳彼見得心空而無理此見得心雖空而萬理

咸備

今學佛者云識心見性不知識是何心見是何性

釋氏之所謂心所謂性者只是箇空底物事無理

人之性本實而釋氏以性為空自家這裏面却有仁

義禮智信

佛氏最有精微動人處初見他說出自有理從他說

愈深愈害人問佛氏所以空曰劈初頭便錯了如

天命之謂性他把這箇便都做空虛說了吾儒是

得都是實

或問佛氏亦有常惺惺語曰其喚醒此心則同其道

則異吾儒喚醒此心欲他照管許多道理

此無所作爲與處在此

釋氏自謂惟明一心然實不識心體雖云心生萬法而實心外有法故無以立天下之大本而內外之道不備若聖門所謂心則天叙天秩天命天討惻隱羞惡辭讓是非莫不該備而無心外之法故孟子曰盡其心者知其性也知其性則知天矣存其心養其性所以事天也是則天人性命豈有二理哉

心不是死物須把做活物看不爾則是釋氏入室坐禪

釋氏只是說得生之謂性自家說天命之謂性便兼

道理說

儒釋之異正爲吾以心與理爲一而彼以心與理爲

二耳然近世一種學問雖說心與理一而不察乎

氣稟物欲之私故其發亦不合理却與釋氏同病

又不可不察

老莊絕滅義理未盡至佛則人倫滅盡至禪則義

滅盡

釋氏須是灼然看得他底非一出入不濟事單

作何用

佛初入中國止是說脩行未有許多禪底說話

漢明帝時佛始入中國至晉宋間其教漸盛當時文字亦只是將老莊之說來鋪張直至梁會通間達磨入來然後被他一切掃蕩不立文字直指人心人終聰明被他引誘將去

操則存舍則亡吾儒自有此等工夫然未有不操而存者今釋氏謂我有箇道理能不操而存故學者靡然從之

今之學者往往多歸異教者何故蓋爲自家這裏工夫有欠闕處他緣奈何這心不下沒理會處而禪

者之說則以爲有箇悟門說得恁地見成捷快如何不隨他去他却不知道自家這裏有箇道理不

必外求

釋氏稱其有見只是見得箇空虛寂滅不知他所謂

見者見箇甚底莫親於父子他却棄了父子莫重

於君臣他却絕了君臣以至民生靈倫之間不可

關者他一皆去之所謂見者見箇甚物

聖人親親而仁民仁民而愛物釋氏却不親親而

地要仁民愛物聖人之愛物也只是食之有時用

之有節見生不忍見死聞聲不忍食肉他則不

不棄以至投身施虎此是何理

說廢君臣父子他依舊廢不得且如今一寺
有長老之類其名分亦甚嚴如何廢得但皆

只是這道理終是去不得如佛老雖滅人倫

不得如無父子他却拜師為父以其弟子
長若諸之師兄少者謂之師弟但是他只護

教本聖賢便是存得箇真底

便只說二老氏便只說無却不知道莫實於理
人是硬地做佛氏最有精微動得人處

此儒者學道金之毫釐繆以千里楊朱本是學義

孟子本是學仁但所學者稍偏故其流遂至於無
無君孟子欲正其本故推至此

云或問佛者有觀心之說然乎曰心者人之
以王乎身者也一而二者也為主而不為客

者也命物而不命於物者也故以心觀物則物之
理得今復有物以反觀乎心則是此心之外復有

心而能管乎此心也然則所謂心者為一耶為
二耶為主耶為客耶為命物者耶為命於物者耶
亦不待俟而審其言之終矣或者曰若子之言

則聖賢所謂精一所謂操存所謂盡心知性存心

養性所謂見其於前而倚於衡者皆何謂哉應
之曰此言之相似而不同正箇莠莠紫紫之間而學

者之所當辨者也夫謂人心之危者人欲之萌也
道心之微者天理之與也心則一也以正不正而

異其名耳惟精惟一則居其正而審其舍者也
其異而反其同者也能如是則信執其中而無過

不及之偏矣非以道為一心人為一心而又有
心以精一之也夫謂操而存者非以彼操此而存

之也舍而亡者非以彼舍此而亡之也心而自操
則亡者存舍而不操則存者亡耳然其操之也亦

曰不使旦晝之所為得以牴牾亡其仁義之良心云
耳非塊然兀坐以守其炯然不昧之知覺而謂之

操存也若盡心云者則格物窮理廓然貫通而有
以極乎心之所具之理也存心云者則敬以直內

義以方外若前所謂精一操存之道也故盡其心
而可以知性知天以其體之不蔽而有以究夫理

之自然也存其心而可以養性事天以其體之不
失而有以順夫理之自然也是豈以心盡心以心

存心如兩物之相持而不合哉若於前倚衡之云

者則為忠信篤敬而發也蓋曰忠信篤敬不忘乎
心則無所適而不見其是在是也耳亦非有以見夫
心之謂也且身在此而心發於前身在此而心倚
於衡是果何理也哉大抵聖人之學本心以窮理
而順理以應物如身使臂如臂使指其道夷而通
其居窮而安其理實而行自然釋氏之學以心求
心以心使心如口說口如目視目其機危而迫其
途險而寒其理虛而其勢逆蓋其言雖若有似者
而其實之不同蓋如此也然非夫審思明辨之君
子其亦孰能無惑於斯耶

心說云維天之命於穆不已所以為生物之主者
之心也人受天命而生因全得乎天之所以生我
者以為一身之主渾然在中虛靈知覺常昭昭而
不昧生生而不可已足乃所謂人之心其體則即
所謂元亨利貞之道具而為仁義禮智之性其用
則所謂春夏秋冬之氣發而為惻隱羞惡辭讓是
非之情故體具於方寸之間而其所以為體則
與天地同其大萬物蓋無所不備而無一物不
足理之外用雖發乎方寸之間而其所以為用
則與天地同其大

行乎事之中此心之所以為妙貫動靜一顯微
表裏始終無間者也人惟拘於陰陽五行所值之
不純而又重以耳目口鼻四肢之欲為之累於是
此心始格於形器之小不能廓然大同無我而其
靈亦無以主於心矣人之所以欲全體此心而常
為一身之主者必致知之力到而主敬之功專使
胷中光明澄淨超然於氣稟物欲之上而吾本然
之體所與天地同大者皆有以周徧昭晰而無一
理之不明本然之用所與天地流通者皆無所隔
絕間斷而無一息之不生是以方其物之未感也

則此心澄然惺惺如鑑之虛如衡之平蓋其對越
乎上帝而萬理皆有定於中矣及夫物之既感也
則妍媸高下之應皆因彼之自爾而是理固周流
該貫莫不各止其所如乾道變化各正性命自無
分數之差而亦未嘗與之俱往矣靜而天地之體
存一本而萬殊動而天地之用達萬殊而一貫體
常涵用用不離體體用渾淪統是天理日常呈露
於動靜間夫然後向之所以全得於天者在我真
有以復其本而維天於穆之命亦與之為不已矣
此人之所以存乎心之大畧也所謂體與天地同

其大者以理言之耳。蓋通天地間惟一實然之理而已。爲造化之樞紐。古今人物之所同得。但人爲物之靈極。是體而全得之總會於吾心。即所謂性雖會在吾之心。爲我之性。而與天固未嘗間此心之所謂仁。即天之元。此心之所謂禮。即天之亨。此心之所謂義。即天之利。此心之所謂智。即天之貞。其實一致。非引而譬之也。天道無外。此心之理亦無外。天道無限。量此心之理亦無限。量天道無一物之不體。而萬物無一之非天。此心之理亦無一物之不體。而萬物無一之非吾心。那箇不是心

人倫萬物皆統於心

那箇道理不具於心

卷七

七

天下豈有性外之物而不統於吾心。是理之中也哉。但以理言。則爲天地公共。不見其切於已。謂之吾心之體。則即理之在我。有統屬主宰。而其端可尋也。此心所以至靈至妙。凡理之所至。其思隨之。無所不至。大極於無際。而無不通。細入於無倫。而無不貫。前乎上古。後乎萬世。而無不徹。近在跬步。遠在萬里。而無不同。雖至於位天地育萬物。亦不過充吾心體之本然。而非外爲者。此張子所謂有外之心。不足以合天心者也。所謂用與天地相流通者。以是理之流行言之耳。

人倫萬物皆統於心

那箇道理不具於心

卷七

七

蓋是理在天地間。流行圓轉。無一息之停。凡萬物萬事。小大精粗。無一非天理流行。吾心全得是理。而天理之在吾心。亦本無一息不生。生而不與天地相流行。人惟欲淨情達不隔。其所流行。然後常與天地流通耳。且如惻隱一端。近而發於親親之間。親之所以當親。是天命流行者然也。吾但與之流行。而不虧其所親者耳。一或少有虧焉。則天理隔絕於親親之間。而不流行矣。次而及於仁民之際。如老者之所以當安。少者之所以當懷。入井者之所以當怵。惕亦皆天命流行者然也。吾但與之流行。而不失其所安。所懷。所怵。惕者耳。一或少有失焉。則天理便隔絕於仁民之際。而不流行矣。又遠而及於愛物之際。如方長之所以不折。胎之所以不殺。歿之所以不夭。亦皆天命流行者然也。吾但與之流行。而不害其所長。所胎。所歿者耳。一或少有害焉。則天理便隔絕於愛物之際。而不流行矣。凡日用間四端所應。皆然。但一事不到。則天理便隔絕於一事之下一刻。不貫。則天理便隔絕於一刻之中。惟其千條萬緒。皆隨彼天則之自爾。而心爲之周流貫通。無人欲之間焉。然後與元亨利

貞流行乎天地之間者同一用矣此程子所以指
天地變化草木蕃以形容恕心之擴得去之氣象
也然亦必有是天地同人之體然後有是天地流
通之用所以有是天地流通之用由於有是天地
同大之體則其實又非兩截事也

仁說云天地以生物爲心者也而人物之生又各得
夫天地之心以爲心者也故語心之德雖其總攝
貫通無所不備然一言以蔽之則曰仁而已矣蓋
天地之心其德有四曰元亨利貞而元無不統其
運行焉則爲春夏秋冬之序而春生之氣無所不

通故人之爲心其德亦有四曰仁義禮智而仁無
不包其發用焉則爲愛恭宜別之情而惻隱之心
無所不貫故論天地之心者則曰乾元坤元則四
德之體用不待悉數而足論人心之妙者則曰仁
人心也則四德之體用亦不待遍舉而該盡仁之
爲道乃天地生物之心即物而在情之未發而此
體已具情之既發而其用不窮誠能體而存之則
衆善之源百行之本莫不在此此孔門之教所以
必使學者汲汲於求仁也其言有四克己復禮爲
仁言能克己已能遠去天理則此心之體無所不

而此心之用無不在此也曰居處恭執事敬與人
忠則亦所以存此心也又曰事親孝事兄弟
恕則亦所以行此心也又曰求仁得仁則以事
而逃諫伐而餓爲能不失乎此心也又曰殺身成

仁則以欲甚於生惡甚於死爲能不害乎此心也
此心何心也在天地則盎然生物之心在人則溫
然愛人利物之心包四德而貫四端者也或曰若
子之言則程子所謂愛情仁性不可以愛爲仁者
非歟曰不然程子之所謂以愛之發而名仁者也
吾之所論以愛之理而名仁者也蓋所謂情性者

雖其分域之不同然其脉絡之通各有攸屬者則
易嘗判然離絕而不相管共吾方病夫學者講程
子之言而不求其意遂至於判然離愛而言仁故
特論此以發明其遺意而子願以爲異乎程子之
說不亦誤哉或曰程氏之徒言仁多矣蓋有謂愛
非仁而以萬物與我爲一爲仁之體者矣亦有謂
愛非仁而以心有知覺釋仁之名者矣今子之言
若是然則彼皆非歟曰彼謂物我爲一者可以見
仁之無不受矣而非仁之所以爲體之真也彼謂
心有知覺者可以見仁之包乎智矣而非仁之

以得名之實也觀孔子答子貢博施濟衆之間與
程子所謂覺不可以訓仁者則可見矣予尚安得
復以此而論仁哉抑泛言同體者使人含糊昏緩
而無警切之功其弊或至於認物爲己者有之矣
專言知覺者使人張皇迫蹙而無沉潜之味其弊
或至於認欲爲理者有之矣一忘一助二者蓋胥
失之而知覺之云者於聖門所云樂山能守之氣
象尤不相似予尚安得復以此而論仁哉

答呂晦叔書論知行曰夫泛論知行之理而就一事
之中以觀之則知之爲先行之爲後無可疑者

大學章句卷之五

知

七十一

予所論知皆指而名之程子所謂知之類是也

然合夫知之淺深行之大小而言則非有以先成
乎小亦將何以馴致乎其大者哉蓋古人之教自
其孩幼而教之以孝弟誠敬之實及其少長而博
之以詩書禮樂之文皆所以使之即夫一事一物
之間各有以知其義理之所在而致涵養踐履之
功也此小學之事知之及十五成童學於大學
則其灑掃應對之間禮樂射御之際所以涵養踐
履之者畧已小成矣於是不離乎此而教之以格
物以致其知焉致知云者因其所已知者推而致

之以及其所未知者而極其至也是必至於衆天
地萬物之理而一以貫之然後爲知之至而所謂
誠意正心脩身齊家治國平天下者至是而無所
不盡其道焉此大學之道知之今就其一事之中
而論之則先知後行固各有其序矣誠欲因夫小
學之成以進夫大學之始則非涵養踐履之有素
亦豈能居然以夫紛糾雜亂之心而格物以致其
知哉且易之所謂忠信脩辭者聖學之實事貫始
終而言者也以其淺而小者言之則自其常視毋
詭男唯女俞之時固已知而能之矣知至至之則

大學章句卷之五

知

七十四

由行此而又知其所至也此知之深者也知終
之則由知至而又進以終之也此行之大者也故
大學之書雖似格物致知爲用力之始然非謂初
不涵養踐履而直從事於此也又非謂物未格知
未至則意可以不誠心可以不正身可以不脩家
可以不齊也但以爲必知之至然後所以治已治
人者始有以盡其道耳若曰必俟知至而後可行
則夫事親從兄承上接下乃人生之所不能一日
廢者豈可謂吾知未至而暫輟以俟其至而後行
哉抑聖賢所謂知者雖有淺深然不過如前所論

二端而已但至於廓然貫通則內外精粗自無二致也

問善惡雖相對當分賓主天理人欲雖分派必省宗
障自誠之動而之善則如木之自本而幹自幹而
未上下相達則道心之發見天理之流行此心之
本上而誠之正宗也其或旁榮側秀若寄生疣贅
者此雖亦誠之動而人心之發見私欲之流行所
謂惡也非心之固有蓋客寓也非誠之正宗蓋庶
孽也苟辨之不早擇之不精則客或乘主孽或代
宗矣學者能於幾微萌動之間而察其所發之向

皆凡只直出者為天理旁出者為人欲直出者為
善旁出者為惡直出者固有旁出者橫生直出者
有本旁出者無源直出者順旁出者逆直出者正
旁出者邪而吾於直出者判導之旁出者過絕之
功力既至則此心之發自然出於一途而係有天
命矣於此可以見未發之前有善無惡而程子所
謂不是性中元有此兩物相對而生又云凡言善
惡皆先言善而後惡蓋謂此也若以善惡為東西相
對彼此各立則天理人欲同出一源未發之前已
具此兩端所謂天命之性亦甚汗離矣此胡氏判

體異用之意也曰此說得之

白鹿洞規

父子有親君臣有義夫婦有別長幼有

序朋友有信

右五教之目堯舜使民為司徒教敷

有五焉世之序亦博學之審問之慎思之明辨之

篤行之也為學之序學問思辨四者所以窮理也

其別如左

言忠信行篤敬懲忿窒欲遷善改過

之要

右修身正其義不謀其利明其道不計其功

之要

已所不欲勿施於人行有不得反求諸已

之要

熹竊觀古昔聖賢所以教人為學之意莫非使

之講明義理以脩其身然後推以及人非徒欲其

務記時為詞章以釣聲名取利祿而已也今人之

為學也則既反是矣然聖賢所以教人之法具存

於經也志之士固當熟讀深思而問辨之苟知其

理之當然而責其身以必然則夫規矩禁防之具

豈待他人設之而後有所持循哉近世於學有規

其待學者為已淺矣而其為法又未必古人之意

也故今不復以施於此堂而特取凡聖賢所以教

人為學之大端條列如右而揭之楣間諸君其相

與明達守而責之於身焉則夫思慮云為之際

其所以戒謹而恐懼者必有嚴於彼者矣其有不

然而或出於此言之所棄則彼所謂規者必將不
之固不得而畧也諸君其亦念之共

復卦贊曰萬物職職其生不窮孰其尸之造化爲工
陰陽開一靜一動於穆無疆全體妙用奚獨於
斯潛陽壯陰而曰昭哉此天也心蓋翕無餘斯開
之始生意闡然具此全美其在于人曰性之仁歟
藏方寸包括無限有茁其萌有惻其隱于以充之
四海其準曰惟茲今眇綿之間是用齊戒掩身閑
關仰止義圖稽經協傳敢贊一辭以詔無倦

敬義齋銘曰惟坤六二其德直方君子體之爲道有

論語集注卷之五

論語

子七

常內而立心曰直是貴惟敬則直不偏以陂外而
制事曰方是宜惟義則方各當上施曰敬伊何惟
主乎一凜然自持神明在側曰義伊何惟理是循
利害之私罔汨其真靜而存養中則有主動而酬
酢莫不中矩大哉敬乎一心之主至哉義乎萬事
之綱敬義夾持不二不惑表裏洞然上達天德告
有哲王師保是詢冊書有訓西面以陳敬與怠分
義與欲對一長一消禍福斯在怠心之萌開焉沉
昏欲心之熾蕩乎狂奔惟此二端敗德之賊必壯
乃猷如敏斯克怠欲既泯敬義斯存直方以大協

德于坤一念小室視此齋扁嚴師在前永詔無休

齋銘曰物盈兩間有萬其數天理流行無一不具
維象之顯理寓乎中反而求之皆切吾躬觀天之
行其政遑息察地之勢亦厚于德天人一體物我
一源驗之義經厥旨昭然卦之有蒙內險外止止
莫如山險莫如水曷不曰水而謂之泉濫觴之初
厥流治消其生之微若未易達其行之果則不可
遏有崇茲山潤澤所鍾維靜而正出乃不窮始焉
一勺終則萬里問奚以然有本如是是以君子決
取於斯維義所在必勇于爲維行有本繫德焉出

論語集注卷之五

論語

子八

是滋是培其體乃立靜而養源渟然一心動而敏
行萬善畢陳厚化川流初豈二致溥博淵泉其用
弗匿於惟簡肅宜有此孫揭名齋扉目擊道存養
正於蒙奚必童穉終身由之作聖之地
敬齋箴曰正其衣冠尊其瞻視潛心以居對越上帝
足容必重手容必恭擇地而蹈折旋蟻封出門如
賓承事如祭戰戰兢兢罔敢或易守口如瓶防意
如城洞洞屬屬毋敢或輕不東以西不南以北當
事而存靡他其適勿貳以二勿參以三惟精惟一
萬變是監從事於斯是曰持敬動靜弗違表裏

正清更有問私欲萬端不火而熱不冰而寒臺
有登天壤易處三綱既淪九法亦斁於乎小子念

哉敬哉墨卿司戒敢告靈臺

敬齋銘曰出門如賓承事如祭以是存之敢有失
墜已所不欲勿施於人以是行之與物皆春胡世
之人恣已窮物惟我所便謂彼奚恤孰能反是欽
焉厥躬于墻于羹仲尼子弓內順于家外同于隣
無小無大罔時怨悵為仁之功曰此其極敬哉怒
哉永永無斁

尊德性齋銘曰維皇上帝降此下民何以予之曰義

德性齋銘

維

皇

曰仁維義與仁維帝之則欽斯承斯循懼勿克執
昏且強苟賤汚卑淫視傾聽惰其四肢棄天之明
慢人之紀甘此下流衆惡之妻我其監此祗栗厥
心有幽其室有赫其靈執玉奉盈湏臾顛沛任重
道悠其政或怠

求放心齋銘曰天地變化其心孔仁成之在我則主
于身其主伊何神明不測發揮萬變立此人極點
刻放之千里其奔非誠曷有非敬曷存孰放孰求
孰亡孰有屈伸在臂又復惟手防微慎獨茲守之
常切問近思曰惟以相

以古齋銘曰相古先民學以為己今也不然為人而

己為己之學先誠其身君臣之義父子之仁聚辨
居行無怠無忽至足之餘澤及萬物為人之學燁
然春華誦數是力纂組是誇結駟懷金煌煌燁燁
世俗之榮君子之鄙惟是二者其端則微眇綿不
察胡越其歸卓哉周侯克承先志日新此齋以迪
來裔此齋何有有圖有書厥裔伊何未冠進趨夜
思晝行咨詢謀度絕今不為惟古是學先難後獲
匪亟匪徐我則銘之以警厥初

自題畫像曰從容乎禮法之場沉潜乎仁義之府是

畫像

禮

法

予蓋將有意焉而力莫能與也佩先師之格言奉
前列之遺矩惟悶然而日脩或庶幾乎斯語

管訓其子曰起居坐立務要端莊不可傾倚恐至昏
怠出入步趨務要凝重不可慆輕以害德性以謙
遜自牧以和敬待人凡事切須謹飭無故不湏出
入少說閑話恐廢光陰勿觀雜書恐分精力早晚
頻自點檢所習之業每旬休日將一句內書溫習
數過勿令心少有放佚則自然漸近道理講習易
明矣

與長子受之書曰早晚受業請益隨衆例不得怠慢

日間思索有疑用冊子隨手割記候見質問不得放過所聞誨語歸安下處思省要切之言逐日割記歸日要看見好文字亦錄取歸來不得自擅出入與人往還初到問先生有合見者見之不令見則不必往人來相見亦啓稟然後往報之此外不得出入一步居處須是恭敬不得倨肆情慢言語須要諦當不得戲笑誼譁凡事謙恭不得尚氣凌人自取耻辱不得飲酒荒思廢業亦恐言語差錯失已忤人尤當深戒不可言人過惡及說人家長短是非有來告者亦勿酬答於先生之前尤不可

大學章句卷之五

論學

公士

說同學之短交游之間尤當審擇雖是同學亦不可無親疎之辯此皆當請於先生聽其所教大凡敦重忠信能攻吾過者益友也其諂諛輕薄傲慢褻狎導人為惡者損友也推此求之亦自合見得五七分更問以審之百無所失矣但恐志趣卑凡不自克己從善則益者不期踰而日遠損者不期近而日親此須痛加檢點而矯革之不可任其漸習自趨小人之域如此則雖有賢師長亦無救於自家處矣見人嘉言善行則敬慕而紀錄之見人好文字勝已者則求其熟讀或傳錄之而各問之

愚與之齊而後已不拘長少惟善是取以上數條切宜謹守其所未及亦可據此推廣大抵只是防護二字循之而上有無限好事吾雖未敢言而竊為汝願之反之而下有無限不好事吾雖不欲言而未免為汝憂之也蓋汝若好學在家足可讀書作文講明義理不待遠離膝下千里從師汝既不能如此即是自不好學已無可望之理然今遣汝者恐汝在家汨於俗務不得專意又父子之間不欲晝夜督責及無朋友聞見故令汝一行汝若到彼能奮然勇為力改故習一味勤謹則吾猶有望不然則徒勞費只與在家一般他日歸來又只是舊時伎倆人物不知汝將何而日歸見父母親戚鄉黨故舊耶念之念之夙興夜寐無忝爾所生在此一行千萬努力

右三百八十四條

書晦菴朱先生語後

晦菴朱先生之學其心學矣乎嘗考先生自十歲時讀孟子至聖人與我同類者即以聖人為易做告程洵謂學之要務求諸已則先生之學期于聖人篤于為己自勿則然矣年二十四始

見李延平先生告以道無他玄妙只在日用間
看實做工夫處便自見得先生自是爲學就平
實延平亟稱其力行可畏能於日用處一意下
工夫先生又自謂從李先生受中庸之書求喜
怒哀樂未發之旨則先生之學存心立本者有
自來矣嘗自謂在同安夜間鍾聲聽其一聲未
絕心已走作因此警懼專致其心則先生之學
固從事於孟氏之求放心者矣其論同安諸生
曰古人之學所以孳孳焉愛日不倦以至乎死
而後已者果何爲而然哉則先生任道之重進

學之勇可知矣汪端明嘗稱先生事李延平每

一去而復來則所聞必益起絕其上達日新不
已則先生之學已深造自得矣以詩答張南軒
有謂惟茲酬酢處特達見本根萬化從此流千
聖同茲源則先生之學已窮極乎本原之大者
矣見浙東士習馳騁每語學者且觀孟子通
性善及求放心兩章務收斂堅定以致克已求
仁之功又書答呂祖儉謂此學以尊德性求放
心爲本而講聖賢親切之訓以開明之則先生
之學固以心地爲本矣入對在途有戒以正心

大傳學語卷之五

詩卷

公四

誠意上所厭聞者先生曰吾平生所得惟此四
字豈可回互而欺吾君則先生之學未諸心者
固確乎其不可拔矣其筆之於書有曰孟子之
後不得其傳只爲後世學者不去心上理會又
曰心體該動靜故工夫亦該動靜方無透漏又
曰只是一箇敬該貫動靜心無時不存又曰謹
獨須貫動靜做工夫又曰工夫無間動靜則靜
固靜動亦靜凡此皆提揭此學之綱要以示萬
世學者之標準夫固先生以其心之所自得者
而盡發之也矣嗚呼茲其所以爲心學茲其所
以承道統之傳轍象山陸子初與先生之論不
合病講學著述爲支離抑不知學必講而後明
學之不講孔子之所憂也先生究極精微析衷
諸說發明六經四書之旨扶立三綱五常所謂
問極之恩萬世受之者也何得謂支離也乎近
世論者又謂舉業詞章之弊由說之太詳析之
太精之過嗚呼是何言也先生發揮聖訓至精
至詳如指諸掌正萬世學者之大幸彼詞章溺
焉者不善學者之過也豈先生之書使之然哉
先生之書如布帛菽粟之於世不可一日而無

馬者也。今有人不以衣以食而以資不經之用。顧罪布帛菽粟可乎。至若先生本程子之意。釋格物為窮格事物之理。蓋萬物皆備於我。即所謂物則民彝者也。故天下無心外之物。無物外之心。物理即吾心。吾心即物理。非有二也。明物理也者。明吾心者也。於心學何病焉。而近世之呶呶者。妄目之為外索。偏泥古本以脩身為格。物遂指格改為躬行之事。分以指一博約窮理。盡性明善。誠身博學。審問慎思。明辨篤行。盡心知性存心。養性一切。知行之說。盡驅以從已而總之以為行使聖門講學明理之功。屏棄而不用。嗚呼。學之不講。理之不明。率天下之人。徑然而務于行能。無毫釐謬千里者乎。其害道可勝言哉。彼將曰。人心皆有良知。順吾心之良知而致之行。自無不當矣。何必窮理。嗚呼。聖人脩道之教。為衆人而設。愚不肖者為物所蔽。失其良知者多矣。雖有不可泯滅介然發見之時。而蔽者以深。隨發隨塞。安望其能致良知也哉。彼所謂致良知者。即所謂心養性。雖賢知者尚未能一蹴而至也。而可遽責之愚不肖者哉。故莊

賴讀書講學以開發其本然之知。則良知不可得而致也。亦終愚不肖而已矣。故先生窮理正心之論。實得孔子博約之宗旨。質諸堯舜精一之傳。而無疑。歷諸萬世而無弊焉者。嗚呼。先生之心。即孔子之心也。先生之學。即孔子之學也。生孔子之後。明孔子之道。以教萬世無窮者。未有先生也。蓋先生也。晚不得為先生徒也。然心其心學。其學則平生所願也。用是手抄先生之言。發其心學。者輯為是帙。終身佩服。求不自絕於先生之教。且以明先生之道於萬世云。嘉靖甲午八月朔日黃謹書

象山陸先生語

復齋詩云孩提知愛良知欽古聖相傳只此心大抵有基方築室未聞無址忽成岑留情傳註翻榛塞着意精微轉陸沉珍重友朋相切琢須知至樂在于今象山和云墟墓興哀宗廟歆斯人千古不磨心治流滴到滄溟水拳石崇成泰華岑易簡工夫終久大支離事業竟浮沉欲知自下升高處真爲先須辯只今

黃曰二陸先生驚湖之詩專上尊德性而病傳註之榛塞譏著述爲支離其與晦菴先生不合始于此夫傳註之繁固不可滿而稽古學所衷求當闢聖人之道淑其身以成已開來學以成物固道問學之事而所以爲尊德性之實有在也如之何其可盡廢哉全性分之固有以踐履爲實地乃晦菴先生平生所學豈其因其著述遂以支離目之此象山之言太過也晦菴未及無我不能釋然故彼此論辯遂至于迨各至于晚年氣之激者以融心之養爲義

而後其道乃合其言乃同也噫君子之趨也如日月之食人皆見之及其更也人皆仰之其

先生之謂也夫

朱元晦曾作書與學者云陸子靜專以尊德性誨人故游其門者多踐履之士然於道問學處欠了其教人豈不是道問學處多了此子故游某之門者踐履多不及之觀此則是元晦欲去兩短合兩長然吾以爲不可既不知尊德性焉有所謂道問學黃曰觀二先生之全書攷二先生之所學其尊德性道問學未始不一貫也但其初年教誨學者

者則不能無少異耳象山欲人先從尊德性上做起而後道問學之功不至泛用晦菴欲人先從道問學上做起而後尊德性之功乃可漸進一則本之孟子先立乎大者之言一則本之孔子文行博約之訓要皆非後學之所可妄議也但二先生初年之所論既異而意氣不無不平攻辯不無過激此則其涵養之功猶有未至也至其晚年則晦菴之誨學者固倦倦然尊德性立大本之當先象山之誨學者亦淳淳以道問學明天理之當急各去其偏而會歸于一向之

才者偏迫之氣化為中正和平之心矣。皇非力之既至德行之已純而致然耶。竊以為下思子之論學以尊德性而道問學之一言為千萬世脩德凝道者之標準。曰尊德性者即存心養性事天之事。身心踐履之功也。學問思辯從事于講習格致之事者。正求以尊吾之德性而已矣。道問學而非尊德性也。則亦安在其為問學哉。尊德性而不復道問學也。則亦安能盡其所以尊之者哉。是以尊德性而道問學。子思揭之以一語而聯之以一氣。總之為一事而合之為一貫。正所以見其不可岐而二也。若此謂以尊德性為主。彼謂以道問學為主。則支離之失有害於學也多矣。而子思一貫之旨。傳心之學豈其然哉。是以朱陸二先生初年之論要皆不能無弊。而其門人各是師說。互相譏詆。此則詆彼之為禪。彼則譏此之為俗。愈失之私而重貽二先生之累矣。世之學者不詳攷二先生始異之失。終同之得。而和聲于其門人之說。紛無底止。亦獨何哉。

之際道在臯陶商周之際道在箕子之生

必有能尹明道之昔者臯陶箕子是也。箕子所以佯狂不死者。正為欲傳其道。既為武王陳洪範則

居於夷狄不食周粟。

唐虞之朝惟臯陶見道甚明。群聖所宗。

天生如伊尹之類。

夫子之言簡易。

仁自夫子發之。

夫子以仁發明斯道。其言渾無罅縫。

孔門高弟顏淵閔子騫冉伯牛仲弓曾參之外。惟南宮适安子賤漆雕開近之。惟其實實誠朴。所以近

道

克己顏子不是如今人之病。要元只是一些子未釋

然處

自曾子傳之子思子思傳之孟子乃得其傳者外此

則不可以言道

夫子之道至孟子而一光

學者至本朝而始盛。自周茂叔發之

韓退之言軻死不得其傳。固不敢誣。後世無賢者

直是至伊洛諸公得之。載不傳之學

至二程方不俗

朱元晦泰山高藏

黃曰觀此數言則知象山之遠尊周程而近仙
朱子固其心也故象山之學與周程朱子其

一而已矣

吾之深信者書

皋陶謨洪範呂刑乃傳道之書

尚書一部只是說德而知德者實難

大禹謨一篇要領只在克艱兩字上

天之一字是皋陶說起

春秋大經是存此理

大雅是綱小雅是目尚書綱目皆具

大雅多是言道小雅多是言事

易繫上下篇總是贊易只將贊易者便自分明

三百篇之詩周南為首周南之詩關雎為首關雎之

詩好善而已

孝經十八章孔子於踐履實地上說出非虛言也

觀書到文侯之命道已湮沒春秋所以作

山間朋友近多讀尚書上古道我之明有侶斯和

感不道只是家常茶飯

觀春秋易詩書經聖人手則

自古聖賢發明此理不必盡同如箕子所言有皋陶

之所未言夫子所言有文王周公之所未言孟子

所言有夫子之所未言理之無窮如此

古書有明理之言有教人用功之言如中庸首章惟

戒謹不睹恐懼不聞及謹其獨是用功處次章惟

致中和是用功處他辭皆明理之言

無他利與義之間也此是孟子見得透故如此說

孟子亦激作却不離正道

孟子登東山而小魯一章皆是言學之充廣如水

有潤日月之有光皆是本原上發得如此

牛山之木嘗美矣以下當宜諷詠

說君子之道孰先傳一段子游子夏皆非

黃曰游夏之論皆岐本末為二失聖人傳授之

心法矣象山非之蓋以聖人之道本末一貫也

伊洛文字其間多有不是

黃曰說着解書便自有出已見不得其本言

故雖伊洛弗免焉若夫論道之言則無不是

也

束書不觀遊談無根

後生精讀古書文

後生又着讀周官工記

後生好着繫辭告費嘆聖人作易

有一後生欲處郡庠先生訓之曰一擇交二隨身規

矩三讀古書論語之屬

或問讀六經先生曰須先精看古註大槩先須理會

文義分明則讀之其理自明白

後生看經書須着看註疏及先儒解釋不然執已見

議論恐入自是之域便輕視古人

於讀書只看古註聖人之言自明白且如弟子入則

孝出則弟是分明說與你入便孝出便弟何須得

傳註學者疲精神於此是以擔子越重到某這裏

只是與他減擔

今人讀書平易處不理會可以有可以起人羨慕者則着

力研究古先聖人何嘗有起人羨慕者只是此道

不行見有奇特處便生羨慕

某曰象山此語深中後之倡立異說求以凌駕

前賢煽動士人取名後世者之膏肓

前言往訓真先得我心之所同然耳引翼勉勵惟日

不足

兄讀書當求血脉

讀書固不可不曉文義然只以曉文義爲是只是記

章之學須着意旨所在

學者須是有志讀書只理會文義便是無志

讀書之法須是平平淡淡去看子細玩味不可草草

所謂優而柔之厭而飲之自然有渙然水釋怡然

理順底道理

讀書不可曉處何須苦思力索不若且放下時復涵

泳似不去理會而理會所謂優而柔之使自求之

厭而飲之使自趨之若江海之浸膏澤之潤渙然

水釋怡然理順然後爲得也

先生云學者讀書先於易曉處沉涵熟復致思則他

難曉者渙然水釋矣若先看難曉處終不能達舉

一學者詩云讀書切戒在荒忙涵泳工夫與味長

未曉莫妨權放過切身須要意思自家主宰常

精健逐外精神徒損傷寄語同遊二三子莫將言

語壞天常

讀書不必窮索平易讀之識其可識者久將自明毋

耻不知

某常令後生讀書時且精讀文義分明事節易曉者

優游涵泳使之浹洽與日用相協非但空言虛語

則向來疑惑處自當渙然冰釋矣然有未解處當

俟之不可強探力索久當自通所通必真實

伯敏云每讀書始者心甚專三五遍後往往心不在

此知其如此必欲使心在書上則又別生一心卒

之方寸擾擾先生云此是聽某言不入若聽得入

自無此患某之言打做一處吾友二三其心丁如

今讀書且平平讀未曉處且放過不必太滯

解書只是明他大義不入己見於其間得其本旨乃

為善解書

學者不自着實理會只管着人口頭言語所以不能

信學

象山

九

進且如做一文字須是反覆窮究去不得又換思

量皆發窮到窮處項項分明他日或問人或聽人

言或觀一物自有觸長底道理

學者須是打疊田地淨潔然後令他奮發植立若口

地不淨潔則奮發植立不得古人為學即讀書然

後為學可見然田地不淨潔亦讀書不得若讀書

則是假寇兵資盜糧

所謂讀書須當明物理揣事情論事勢且如讀史須

看他所以成所以敗所以是所以非處優游玩味

又自得

人謂某不教人讀書如敏求前日來問某下手處某

教他讀朱熹太甲告子牛山之才以下何嘗不讀

書來只是比他人讀得別些子

先生云後世學者溺於文義知見繳繞蔽惑愈甚不

可入道詹阜民遂盡屏諸書後來疑其不可又問

先生曰某何嘗不許人讀書不知此後曉有甚事

某皆是逐事逐物攷究練磨積日累月以至如今不

是自會亦不是等閑理會一理會便會但是理會

與他人別某從來動理會長兄必四更一點起時

只見某在看書或檢書或默坐常說與子姪以

動他人莫及今人却言某懶不曾去理會

日逐只是教他做工夫云不得只如此見在無事

是事事物物不放過磨攷其理且天下事事物物

只有一理無有二理須要到其至一處

復齋家兄一日問云吾弟今在何處做工夫某答云

在人情事勢物理上做工夫

天下之理皆以吾平生所經歷者言之真所謂伐南

山之竹不足以受我辭然其會歸總在於此

凡吾論世事皆如此必妥學其總要處

莫曰象山於事物未嘗不研究但他人之研究

只就末上象山之研究却歸在本上求其不
而會於至一也象山於書未嘗不讀但他人之
讀書只是助枝葉象山之讀書却是培根本資
之于書而得之于心也禪學之譏坐見其妄也
已

吾家合族而食每輪差子弟掌庫三年共適當其職
所學大進這方是執事教

我無事時只似一箇全無知無能底人及事至方出
來又却似箇無所不知無所不能之人

莫曰象山所以能如此者以其於天下事物無
不研究其萬殊無不統會其一本也

以藝能不如人為憂此甚非也當書論語弟子入則
孝出則弟一章并子夏賢賢易色一章於几案間

朝夕觀省以改前過此與吳願仲者

如中庸大學論語諸書不可不時讀之以聽其發揚
告教賊陷溺之餘此心之存者時時發見若火

之始燃泉之始達苟充養之功不繼而乍明乍滅
乍流乍窒則淵淵其淵浩浩其天者何時而可復

耶此與戴少望書

莫曰觀象山告戴少望不可不時讀中庸大學

論語諸書聽其發揚告教則象山之學亦何嘗
不以聖賢之訓為已導德性之助耶

前此講學者心多馳騁於外而未知自反喻如年少

子弟居一故宅棟宇宏麗寢廟堂室旋庫廡庑百
爾器用莫不備具甚安且廣而其人不自知不

能自作主宰不能汎掃堂室偷完牆屋續先世之
業而不替而日與飲博者遨遊市肆雖不能不時

時寢處於故宅亦不復能享其安且廣者矣及一
旦知飲博之非又求長生不死之藥詫妄人之言

從事於丹砂青芝煨爐山屐之間冀蓬萊瑤池可
至則亦終苦身忘家伶仃而後已惟聲色臭味富

貴利達之求而不知為學者其說由前有意為學
而不知自反者其說由後其實皆馳騁於外也昨

相聚時覺達材精神日漸收拾不甚馳散但收拾
之初未甚清明蒙然未有所向雖講切之次感而

必應此乃達材本心非由外鑠故如此耳至於蒙
而未發則是馳騁昏擾之久大體未能頓清明耳

若不寧耐復放而他馳入妄人之說以求長生不
死之術則恐蓬萊瑤池終不可至而最爾之身將

斃於煨爐山屐之間矣蒙見信之為慨止以助

脩向時曾說將孟子告子一篇及論語中庸六章
中切已分明易曉處朝夕諷詠接事時但隨力依
本分不急不執見善則遷有過則改若江海之浸
膏澤之潤久當渙然水釋怡然理順矣不知曾如
此作工夫否此與胡達材書

真曰觀象山之於胡達材教以將孟子告子一
篇及論語中庸大學中切已分明易曉處朝夕
諷詠以為日用應事接物遷善改過之助則
知象山本心之學未嘗不於往訓是資也後人
乃有欲專求之心而聖賢明訓一切指為糟粕
是則妄焉而已矣

居天下之廣居立天下之正位行天下之大道乃吾
分內事耳若不親師友汨沒於流俗驅而納諸畧
獲陷穿之中而莫之知辟豈不可憐哉孟子曰苟
得其養無物不長苟失其養無物不消今吾友既
得其本心矣繼此能養之而無害則誰得而禦之
如木有根苟有培浸而無傷戕則枝葉當日益暢
茂如水有源苟有疏浚而無壅塞則波流當日益
充積所謂源泉混混不竭晝夜盈科而後進放乎
四海言者如是夫

心讀之不必強加揣量則無非浸灌培植
之功或有不通曉處姑缺之無害且以其明白
昭晰者日加涵泳則自然日充日明後日本源深
厚則向來未曉者將亦有渙然水釋者矣告子一
篇自牛山之木常美矣以下可常讀之其浸灌培
植之益當日深口固也尚書皋陶益稷大禹謨本
甲說命旅獒洪範無逸等篇可常讀之此與胡中
真曰觀象山此言則讀書之有益於學也明矣
聖賢之書義理所在棄而不讀將何以為踐行
之標的哉但後世俗學者之讀書則異乎古人
之讀書耳

為學有講明有踐履大學致知格物中庸博學審問
謹思明辨孟子始條理者智之事此講明也大學
脩身正心中庸篤行之孟子終條理者聖之事此
踐履也欲脩其身者先正其心欲正其心者先誠
其意欲誠其意者先致其知致知在格物自大學
言之固先乎講明矣自中庸言之學之弗能問之
弗知思之弗得辯之弗明則亦何所行哉不啻學
問思辯而曰吾惟篤行之而已是冥行者也自孟
子言之則事蓋未有無始而有終者辨明之未至

而徒恃其能力行是猶射者不習於教法之巧而徒恃其有力謂吾能至百里之外而不計其未嘗中也故曰其至爾力也其中非爾力也講明有所未至則雖材質之卓異踐行之純篤如伊尹之任伯夷之清柳下惠之和不思不勉從容而然可以謂之聖矣而孟子顧有所不願學又安可以其經之必為而傲知學之士哉然必一意實學不事空言然後可以謂之講明若謂口耳之學為講明則又非聖人之徒矣

莫曰象山此章發明聖門知行之學殆無餘蘊

大觀心學錄卷之六

象山

十五

故曰象山之學聖學也彼以為禪者詎焉耳矣欲明夫理者不可以無其本本之不立而能以明夫理者吾未之見也宇宙之間典常之昭然倫類之燦然果何適而無其理也學者之為學固所以明是理也然其疇昔之日閨門之內所以慕望期嚮服習踐行者蓋泯然乎天理之萌蘗而物欲之蔽實豪據乎其中而為之主則其所以為學之本者固以廢矣然而方且汲汲於明理不知所謂理者果可以如是而明之乎苟惟得之於天者未始泯滅而所以為學之本者見諸日用而足以植乎人

則雖其統紀條目之未詳自可以切瑳窮究次第而講明之而是理亦且與吾相契而渙然釋怡然順者將不勝其衆矣

今粗有其志而實不能以自拔則其所謂講學者遂為空言以滋偽習豈惟無益其害又大矣

夫子之於顏子蓋博之以文夫博學於文豈害自得自得之說本於孟子而當世稱其好辯自謂博學而詳說之將以反說約也中庸固言力行而在學問思辯之後仁智信直勇剛皆可以力行皆可以自得然好之而不好學則各有所蔽倚於一說一

大觀心學錄卷之六

象山

十六

行而玩之孰無其味不放諸其正則人各以其私說而傳於近似之言者豈有窮已哉此與劉厚真莫曰博文正所以為約禮之地詳說正所以為反約之地學問思辯正所以為篤行之地好學正所以為仁智信直勇剛之地此君子之學知行兼盡人已相資外內互發正所以為合一正所以為一貫而聖門傳受心法不出乎此矣象山此章發明矜盡學者宜守之以為標的彼有欲以行該知而卑泥乎良知者正象山所謂倚於一說傳於近似者也安能得正而無弊哉

學之不講物未格知未至則其於聖賢之言必未能
昭晰大抵講明存養自是兩節易言知至至之可
與幾也知終終之可與存義也

此心本靈此理本明至其氣象所蒙習尚所特俗論
邪說所蔽則非加剝磨切則靈且明者曾無驗
矣

莫曰觀象山此語則知良知之已蔽者不能無
賴於講學以開明之矣

大學言格物而后知至知至而后意誠意誠而后心
正心正而后身脩孟子言始條理者智之事也終

條理者聖之事也皆是聖賢教人使之知有講學
莫曰觀象山此語則格物致知屬之知誠意正

心脩身屬之行也明矣人之於學未有知之不
明而行之得當者也格致之功奈何亦曰講學
以開之體認以精之而已矣

道之行不行罔天也命也至於講明則不可謂命也
顏淵侍側夫子無言可也楊墨交亂告子許行之徒

又各以其說肆行於天下則孟子之辯豈得已哉
顧史之不必伐衛政之必正名冉有季路不能無
夫子不得不申言之夷之陳相告子之徒必勉其

說以害正理則孟子與之反覆不得不致其詳必
曰不在多言問之弗知弗措辯之弗明弗措皆可
削也

莫曰道之不明於天下也聖賢者不有言語議
論以明之則道終不明矣學者之欲學道也非
賴明師良友相與講明求歸乎一是之地則欲
不畔乎道也難矣象山揭孔孟之遺矩以示後
之人可謂明白近世乃有以靜坐瞑默為得道
以讀書問辯為襲取嗚呼何其見之異於孔孟
而獨邁千古也哉

古之聖賢惟理是視堯舜之聖而詢于蒯蕢曹子之
易貨蓋得於執燭之童子苟當於理雖婦人孺子
之言所不棄也或乖理致雖出古書不敢盡信也
堯舜之盛詢于蒯蕢夫子之聖以子夏為啓子顏淵
為非助我孔文子之所以為文者在於不耻下問
人之取善豈有定方善之所在雖路人之言臧獲
之智皆當取之

莫曰聖至于堯舜禹盛矣而後世稱述其聖者
曰詢于蒯蕢曰舍已從人曰好問好察爾言曰
樂取諸人曰無非取諸人者曰拜昌言夫三聖

人之良知無所昏蔽其聰明睿智之所照燭無不盡焉者也顧不自以為聖而取人之善以為己之善此其所以為德之全聖之至也彼由中人之質以逮于愚不肯乃欲專專焉惟自致手良知以為求諸已務諸內而一無所藉乎人之助外之益焉則是大聖人之所為中人以下反不屑為之矣嘻有是乎哉

古人所貴於博學謹思明辯者正欲究知人情物理使之通達而無所蒙蔽窒礙小人異類無所窺其奸於其言論施設如見肺肝則彼亦安得而不熄

絕乎季悅所到其於大槩可謂明矣正當益盡精

微使蒙蔽者有所賴是所望也

此與張季悅書

學者須先立志既立却要遇明師

天下若無着實師友不是各執己見便是恣情縱欲學者要知所好此道甚淡人多不知好之朋友之相資須助其知所好者

人之精爽負於血氣其發露於五官者安得皆正不得明師良友剝剝如何得去其浮偽而歸於真實又如何得能自省自覺自剝落

王邁問學問之道何先曰親師友去己之不美也

資實有美惡得師友琢磨知己之不美而改之道非難知亦非難行患人無志耳及其有志又患無真實師友

學者不求師與求而不能虚心不能退聽此固學者之罪學者知求師矣能退聽矣所以導之者乃非其道此則師之罪也

古先聖賢無不由學伏羲尚矣猶以天地萬物為師俯仰遠近觀取備矣於是始作八卦夫子生於晚周麟遊鳳翥出類拔萃謂天縱之將聖非溢辭也然而自謂我非生而知之者好古敏以求之者也

中庸稱之亦曰祖述堯舜憲章文武堯舜相繼以

臨天下而皐陶矢謨其間曰朕言惠可底行武王

續太王王季文王之緒以有天下未及下車訪于箕子俾陳洪範高宗曰台小子舊學于甘盤既乃

遜于荒野入宅于河自河徂亳暨厥終罔顯爾惟訓于朕志若作酒醴爾為醴藥若作和羹爾為鹽

梅人生而不知學學而不求師其可乎哉古人學如不及尊德樂道親師求友之心不啻飢渴

豈虛也哉是必務實之士真知不足者然後能如此也

莫曰學不可無師友之助象山此九條言之明矣泥乎良知之說師友其廢棄矣乎

遇着真實朋友切磋之間實有苦澁處但是涼藥苦口利於病湏是如此方能有益

道廣大學之無窮古人親師求友之言亦無窮已以夫子之聖猶曰學不厭況在常人其求師友之心豈可不汲汲也然師友會聚不可必得有如未得會聚則隨已智識隨已力量親書冊就事物豈皆蒙然懵然若無毫髮開明處曾子曰尊其所聞則高明行其所知則光大非欺人也此與黃元吉書

莫曰觀象山論學以求師友親書冊就事物三者為言則其學之非禪也明矣

學者求師當惟理之是從豈可苟私門戶理乃天下之公理心乃天下之同心聖賢之所以為聖賢者不容私而已顏曾傳孔子之道不私孔子之門戶孔子亦無私門戶與人為私商也

至當歸一精義無二誠得精當則若網在綱有條而不紊故自本諸身微諸庶民至於百世俟聖人而不惑者誠精當之不容二也彼學不至道其心不能無蔽故其言支離故親師友於當世固當論其

學求師往聖尚友方冊亦當論其學

得曹立之書云晦菴報渠云包顯道猶有讀書親師友是充塞仁義之說註云乃楊丞在南豐親聞其語故晦菴與某書亦云包顯道尚持初說深所未喻某答書云此公平時好立虛論雖相聚時稍減其性近却不曾通書不知今如何也來書云叩揚丞所學只是躬行踐履讀聖賢書如此而已觀如此而已之辭則立之所報殆不妄矣不知既能躬行踐履讀聖賢書又有甚不得處今顯道之學可謂奇怪矣此與包顯道書

莫曰以讀書親師友為充塞仁義此包顯道之邪說也而象山深斥其非以楊丞躬行踐履讀聖賢書為有所不滿此包顯道之妄議也而象山直詆其恠由此觀之則知象山之學未嘗不以親師友讀聖賢書為踐行之助矣後人乃有誣象山以讀書為外襲豈非名教之罪人哉

不倚師友載籍
莫曰親師友或載籍者學之必有資也不可以自是也不倚師友載籍者學之由于已也不可以不自勉也其說相湏其意相固未嘗相悖也

請者不以辭意斯得之矣

大抵學者且當大綱思省平時雖號為士人雖讀聖賢書其實何嘗篤志於聖賢事業往往從俗浮沉適時俯仰徇情縱欲汨沒而不能以自振日月逾邁而有泯然與草木俱腐之耻到此能有愧懼大決之志乃求拯養磨礪之方若有事役未得讀書未得親師友亦可隨處自家用力檢點見善則遷有過則改所謂心誠求之不中不遠若事役有暇便可親書冊所讀書亦可隨意自擇亦可商量程度無不有益者看擬之殊未會如此着實作工夫

何遽論到一貫多學之處此等議論可且放下且本分隨自己日用中猛省自知愧怍自知下手處矣既着實作工夫後來遇師友却有日用中着實事可商量不至為此等虛論也此與曾挺之書

常俗汨沒於貧富貴賤利害得喪聲色嗜欲之闕喪其良心不顧義理極為可哀今學者但能專意一志於道理事事要略是不肯徇情縱欲識見雖未通明行事雖未中節亦不失為善人正士之徒更得師友講磨何患不進未親師友亦只得隨分自理會但得下陷於和惡亦自可貴若妄意強說

道理又無益也此與胡復仲書

夫人幼而學之壯而欲行之所謂行之者行其所學以格君心之非引其君於當道與其君論道經邦變理陰陽使斯道達乎天下也所謂學之者從師親友讀書攷古學問思辯以明此道也故少而學道壯而行道者士君子之職也

真曰觀象山此言則其所學未嘗不以從師親友讀書攷古學問思辯明理致知為務而或幾其褻妄可見矣况師友之切磋往訓之窮究正所以為吾脩德復心之助彼專泥致己之良知

而指問學之功為外襲者不亦戾哉

優而柔之使自求之磨而飲之使自趨之若江海之浸百澤之潤此教語不可不熟味於己於人皆當如此若能如此靜處應事讀書接人皆當有益優游寬容却不近委靡廢放比中至健至嚴自不費力恐詳道所謂奮迅者或不免助長之患此與包精勤不懈有游泳玩索之處此亦是平常本分事豈可以將無事之說排之如讀書接事見有理會不得處却加窮究理會亦是不分事亦豈可教他莫要窮究理會若他持此說有元無着實只是虛言

駕說立議論初無益於事實亦須窮見其底蘊只就他虛意無實處理會豈可以一說攻一說

上同

如評道來書甚見已學不明但執虛說之病如敏道

所論亦嘗至此間言之某但與說此皆是閑說話

皆緣不自就身已着實做工夫所以一向好議論

閑議論實無益於已須是自知此等說話是閑議

論方有就已向實工夫涵養講究却是本分事

上同

古人所以汲汲於師友博學審問謹思明辯之者深

懼此道之不明耳於其大端大旨知其邪正是非

形有相近而實有相遠則知精微之處亦猶是也

象山 三十五

夫子十五而志學則既得其端緒矣然必三十而

立四十而不惑五十而後知天命及其老也猶曰

我學不厭今學者誠知端緒則疊疊翼翼自致日

新之效者其能自己乎

此事何必他求此心之良本非外鑠但無斧斤之伐

牛牟之牧則當日以暢茂聖賢之形容咏嘆者皆

吾分內事日充日明誰得而禦之尊兄看到此不

須低回思索特達奮發無自沉於索廻迂曲之處

此事不待資於人人亦無着力處聖賢垂訓師友

切蹉但助鞭策耳

此與鮮元亮書

古之學者以養心今之學者以病心古之學者以成

事今之學者以敗事前言往行所當傳識古今興

亡治亂是非得失亦所當廣覽而詳究之顧其心

苟病則於此等事業奚啻聾者之想鍾鼓盲者之

測日月耗氣勞體喪其本心非徒無益所傷實多

學者之不能知至久矣非其志其誠能度越千有五

百餘年名世之士則詩書易春秋論語孟子中庸

大學之篇正為陸沉真柳子厚所謂獨遺好事者

藻繪以矜世取譽而已幸弊禹湯文武周公孔子

孟子之心將誰使屬之耶

象山

某自承父師之訓平日與朋友相切磋砥礪未嘗少避

為善之任非敢奮一日之決信不遜之意徒為無

顧忌大言誠以嚆昔親炙師友之次實深切自反

灼見善非外鑠徒以交物有蔽淪胥以亡大發愧

耻自此鞭策驚鈍不敢自棄今契丈之賢乃復猶

豫於此無乃反已未切省已未深見善未明以不

能自奮也倘一旦幡然沛然誰得而禦孟子曰自

謂不能者自賊者也幸無久自屈抑

此與諸葛受之書

中人之質戕賊之餘以講磨之力暫息斧斤浸灌於

聖賢之訓本心非外鑠當時豈不和平安泰更

艱難繼續之不善防閑之不嚴昏氣惡習乘懈而
熾喪其本心覺之而來復豈得遂無艱屯一意自
勉更無他疑則屯自解矣此頻復所以雖厲而無
咎仁者所以先難而後獲也繼續之善防閑之嚴
中人之質亦恐未能免昏氣惡習之間作然辯之
於早絕之於微則易為力也 此與諸葛誠之書
凡人之病患不能知其真知病自去矣
所以要講論者乃是辯明其未知處耳

實曰講學所以致知象山之學未嘗廢講論之
功也

古人皆是明實理做實事

乾以易知坤以簡能先生常言之云吾知此理即乾
行此理即坤知之在先故曰乾知大始行之在後
故曰坤作成物

古者十五入大學大學之道在明明德在親民在止
於至善此言大學指歸欲明明德於天下是入大
學標的格物致知是下手處中庸言博學審問謹
思明辨是格物之方讀書親師友是學思則在已
問與辨皆由人自古聖人亦因往哲之言師友
之言乃能有進况非聖人豈有任私智而能進學

者然往哲之言因時乘理其指不一方冊所載又
有正偽純疵若不能擇則是泛觀欲取決於師友
師友之言亦不一又有是非當否若不能擇則是
泛從泛觀泛從何所至止

實曰善學者亦惟理是從而已矣

如切如磋者道學也如琢如磨者自脩也骨角脆切
磋之功精細玉石堅琢磨之功龐大學問貴細密
自脩貴勇猛

先生與學者說及智聖終始條理一章忽問嚴松云

智聖是如何松曰知此之謂智盡此之謂聖又曰

智聖却有先後畢竟致知在先力行在後故曰始
終先生口是

李伯敏云無箇下手處先生云古之欲明明德於天

下者先治其國欲治其國者先齊其家欲齊其家
者先脩其身欲脩其身者先正其心欲正其心者

先誠其意欲誠其意者先致其知致知在格物格
物是下手處伯敏云如何樣格物先生云研究物

理伯敏云天下萬物不勝其繁如何盡研究得无
生云萬物皆備於我只要明理然理不解自明也

是隆師親友

真曰萬物皆備於我是萬事之理皆具於我心
即所謂天命之性天之所以與我者也大學之
格物即是格此物理也格者明之於心也格之
之功維何亦曰博學審問慎思明辯而已矣
博學是學千古訓審問明辯是隆師親友慎思
是思之千已此窮理之事也窮理者正所以明
乎所當行之理也知所當行而篤行之則無行
而不中乎道矣

象山告伯敏之言深得大學格物之旨其曰研
究物理者研究事物之理也事物之理即心之

大學章句卷之六

三十九

理也天下無心外之事無事外之理也知心也

理也事也之合而爲一也則知所以爲學矣

不是見理信得及便安不得

須是信得及乃可

一是即皆是一明即皆明

有已則忘理理明則忘已良其背不獲其身行其庭

不見其人則是任理而不以已與人參也

博學審問謹思明辯始條理也如金聲然高下隆殺

疾徐疏數自有許多節奏到力行處則無說矣如

玉振然純一而已

知至知終皆必由學然後能至之終之所以孔子學
不厭發憤忘食

只緣理明義精所以於天地之間一事一物無不著

察

人能明矣然乍縱乍警驟明忽暗必至於有諸已然
後爲得也

孔子十五而志于學是已知道時矣雖有所知未免

乍出乍入乍明乍晦或警或縱或作或輟至三十

而立則無出入明晦警縱作輟之分矣然於事物

之間未能灼然分明見得至四十始不惑不惑矣

大學章句卷之六

三十九

未必能洞然融通乎天理至五十始知天命知天

命矣然未必純熟至六十而所知已到七十而所

行已到

六十而耳順知見到矣七十而從心所欲不踰矩踐

行到矣顏子未見其止乃未能臻此也

或問吾十有五而志于學三十而立既有所立矣緣

何未到四十尚有惑在曰志于學矣不爲富貴貧

賤患難動心不爲異端邪說搖奪是下工夫至三

十然後能立既立矣然天下學術之異同人心趨

向之差別其聲訛相似似是而非之處到這裏多

少疑在是又下工夫十年然後能不惑不惑矣又
下工夫十年方渾然一片故曰五十而知天命
格物者格此者也伏羲仰象俯法亦先於此盡力焉
耳不然所謂格物未而已矣

有學者問曰如何是窮理盡性以至於命荅曰凡今
所與吾友說皆是理也窮理是窮這箇理盡性是
盡這箇性至命是至這箇命

誠意正心以至治國平天下原於致知二字

吾所明之理乃天下之正理實理常理公理所謂本

諸身徵諸庶民攷諸三王而不繇建諸天地而不

悖質諸鬼神而無疑百世以俟聖人而不惑者也

學者正要窮此理明此理

天下正理不容有二若明此理天地不能異此鬼神

不能異此千古聖人不能異此若不明此理私有

端緒即是異端

道理無奇特乃人心所固有天下所共由豈難知哉

大學言明明德之序先於致知孟子言誠身之道在

於明善

已知者則力行以終之未知者學問思辯以求之如

此則誰得而禦之

見得端的後常涵養是其次事

宇宙間自有實理所貴乎學者為能明此理耳此理

苟明則自有實行有實事實行之月所貴也

為學無他終巧但要明義精勤皆聽於義理不任

已私耳此理試明幾微不替則氣質不美者無不

變化此乃至理不言而信

義理未嘗不廣大能為義理之歸則尚何窠穴之私

哉心苟不蔽於物欲則義理其固有也亦何為而

茫然哉

江泰之問某每懲忿窒欲求其放心然能暫而不能

久荅曰學者須是明理須是知學然後說得懲窒

知學後懲窒與常人懲窒不同常人懲窒只是就

事說末

着是去非改過遷善此經語也非不去安能著是過

不改安能遷善不知其非安能去非不知其過安

能改過自謂知非而不能去非是不知非也自謂

知過而不能改過是不知過也真知非則無不能

去真知過則無不能改人之患在不知其非不知

其過而已所貴乎學者致其知改其過也

三修皆
知行

大儒學語卷之十六
三十三
莫曰所以道問學者欲以尊德性而已矣尊德性必以道問學爲之資否則無以開其端求其是而所謂尊也者不可得而盡矣若徒道問學而不求以尊德性焉則所道之問學不適口耳之學而已豈君子所務哉是故尊德性而道問學正聖門一貫之學也豈可二之而偏有所主耶是故象山之於晦菴初有不合者未免二之之失也卒歸大同者皆悟一貫之妙也觀是編之所述可以知二先生之學之同矣

學問之要得其本心而已
一性之外無餘理能盡其性者雖欲自異於天地不可得也

宇宙內事是己分內事己分內事是宇宙內事

四方上下曰宇往古來今曰宙宇宙即是吾心吾心即是宇宙

有善必有惡真如反覆手然善却自本然惡却自反了方有

既見得此理便宜自立此理即是大者

平居不與事接時切須鞭策得惘然不可昧沒對越上帝則遇事時自省力矣

惟天下之至一爲能處天下之至變惟天下之至安爲能處天下之至危

私心所隔雖思非正

李伯敏云伯敏於初心能剛制其非只是持之不久耳先生云只剛制於外而不內思其本涵養之功不至若得心下明白正當何須剛制

學者先須不可陷溺其心

縲文子云某凡事亦自持只恐到昏時自理會不得先生云見得明時何持之有人之於耳要聽即聽不要聽則否於目亦然何獨於心而不由我乎

小心翼翼昭事上帝上帝臨汝無二爾心戰戰兢兢那有閑管時候

若心在道時顛沛必於是造次必於是

人當先理會所以爲人深思痛省枉自汨沒虛過日月

要當軒昂奮發莫恁地沉埋在地陋凡下處

世不辯箇大小輕重既是埋沒在小處於大處如何理會得

此理在宇宙間何嘗有所礙是你自沉埋自蒙蔽陰地在箇陷穽中更不知所謂高遠底

誅鋤蕩滌慨然興發

激厲奮迅決破羅網焚燒荆棘蕩夷汗澤

心官不可曠職

有過而不能勇改天下之通患

人之爲學貴於有所興起

不曾過得私意一關終難入德

告學者云汝耳自聰目自明事父自能孝事兄自能

弟本無欠闕不必他求在乎自立而已

莫曰象山告學者之意蓋言耳目之聰明事父

兄之能孝弟皆天性之所固有即所謂良知良

能者也惟在乎自立以求盡其本然之性而已

爲學固不可迫切亦當有窮究處乃有長進

先生嘗問一學者若事多放過有寬大氣象若動輒

別白似若褊隘不知孰是學者云若不別白則無

長進處先生曰然

聖人與我同類此心此理誰能異之

今之論學者所用非所學所學非所用

所習不可不謹處乎其中而能自拔者非豪傑不能

臨深履薄參前倚衡儆戒無虞小心翼翼道不可

夷離也

復爲復善之義人性本善其有不善者遷於物也知

物之爲害而能自反則知善者乃吾性之固有緒

吾固有而進德則沛然無他適矣

自欺是欺其心謹獨即不自欺

人當止邪於未形絕惡於未萌

雖同師堯舜而所學之端緒與堯舜不同即是異端

傲學者曰天下之理將從其簡且易者而學之乎將

欲其繁且難者而學之乎若繁且難者果足以爲

道勞苦而爲之可也其實本不足以爲道學者何

苦於繁難之說簡且易者又易知易從又信足以

爲道學者何憚而不爲簡易之從乎

仲虺言湯之德曰以義制事以禮制心古人通體純

是道義後世學者處心處事亦非盡無禮義特其

心先十乎利害而以禮義行之耳後世所以大異

於古人者正在於此古人理會利害便是禮義後

世理會禮義却只是利害

徐仲誠請教使思孟子萬物皆備於我矣一章仲誠

處一月一日問之云思得孟子如何仲誠對曰如

鏡中觀花因說與云此事不在他求只在仲誠言

上仲誠因問中庸以何爲要語答曰我與汝多因

汝只管說外良久曰句句是要語梭山曰博學之
審問之慎思之明辯之篤行之此是要語答曰未
知博學箇什麼審問箇什麼明辯箇什麼篤行箇
什麼

苦學者如關津不可胡亂放人過

聖人教人只是就人日用處開端如孟子言徐行後
長可爲堯舜不成在長者後行便是堯舜怎生做
得堯舜樣事須是上面着工夫

此事論到着實處極是苦澁除是實有終身之大念
誠者自成也而道自道也君子以自昭明德人之有

是四端而自謂不能者自賊者也暴謂自暴棄謂

自棄侮謂自侮反謂自反得謂自得禍福無不自
已求之者聖人道一箇自字瞭好

士不可不弘毅譬如一箇檐子盡力擔去前面不柰
何却住無恠今日不近前却說道擔不起豈有此

理

學者不長進只是好已勝古人惟貴知過則改見善
則遷今各自執已是所以不如古人

不可自暴自棄自屈

志小不可以語大人事

千古聖賢只是辦一件事無兩件事

失了頭緒不是助長便是忘了所以做主不得
溺於俗見則聽正言不入

吾所發明爲學端緒乃是第一步所謂升高自下陟
遐自邇

學有本末先後其進有序不容躐等吾所發明端緒
乃第一步所謂升高自下也

真曰觀象山此語則知象山之學未嘗不循序
世之謂其頓悟謂其直截者妄焉耳矣

凡物必有本末且如就樹木觀之則其根本必差大
五之教人大槩使其本常重不爲末所累

某平時不立學規但常就本上理會有本自然有末
有根則自有枝葉

真曰觀此三條象山之意初非偏乎本而遺乎
末也蓋天下之事有本有末自有先後自有重

輕必先立乎本以及於末則本無不正而末亦
無不治矣

知道則末即是本

真曰象山非以末爲本也天下事物自有本末
曰知道則知先立乎本能先立乎本則所從事

呼其末焉者無非本之所在而無徇末之弊也
此本末合一之道也此聖門一貫之學也象山
其得之矣

人情物理上做工夫

真曰彼所謂禪學者於人情物理一切棄絕而
使其心之寂滅若稿木死灰然也象山於人情
物理上做工夫是即聖人之學所謂下學而上
達焉者也世以禪學誣之是以白為黑也豈但
以未為紫之誤已哉

須是下及物工夫則隨大隨小有濟

全集卷之十六

象山

三十九

大凡為學須要有所立卓然不為流俗所移乃為有
立須思量天之所以與我者是甚底為復是要做
人否理會得這箇明白然後方可謂之學問故孟
子云學問之道無他求其放心而已矣如博學審
問明辯謹思亦謂此也此須是有志方可孔子曰
吾十有五而志于學是這箇志

此只有兩路利欲道義不之此則之彼

人須是閒時大綱思量宇宙之間如此廣闊吾身立
於其中須大做一箇人繆文子云某常思量我是
一箇人豈可不為人却為草木禽獸先生云如此

便又細了只要大綱思且如天命之謂性天之所
以命我者不殊乎天須是放教規模廣大若尋常
思量得臨事時自省力不到得被陷溺了

人惟患無志有志無有不成者然資稟厚者必竟有
志

今天下學者惟兩途一途朴實一途議論

若果有志且須分別勢利道義兩途

先生語李伯敏云吾友每聽某之言何如伯敏曰茫
然不知所入先生云某之所言皆吾友所固有且
如聖賢垂教亦是人固有豈是外面把一件物事

全集卷之十六

象山

四十

來贈吾友但能奉為發明天之所以與我者如此
其厚如此其貴不失其所以為人者耳伯敏問云
日用常行去甚處下工夫先生云能知天之所以
與我者至貴至厚自然遠非僻惟正是守且要知
我之所固有者伯敏云非僻未嘗敢為先生云不
過是硬制在這裏其間有不可制者如此將來亦
費力所以要得知天之與我者

李伯敏問云以今年較之去年殊無寸進先生云如
何要長進若當為者有時而不能為不當為者有
時乎為之這箇却是不長進不修地理會泛然長

進不過欲以己先人此是勝心

天之所以與我者至大至剛至直至平如此私小做甚底人須是放教此心公平正直無偏無黨王道蕩蕩無黨無偏王道平平無反無側王道正直古人之學不求聲名不較勝負不恃才智不矜功能今人之學正坐反此耳

後生自立最難一人力抵當流俗不去酒是尚着眼看破流俗方可要之此豈小廉曲謹所能為哉必也豪傑之士胡文因舉晦翁語云豪傑而不聖人者有之未有聖人而不豪傑者也先生云是

大學問

卷下

四

天以是理界人而舉世莫任其責則人極殆不立矣問伯敏云吾友之志要如何伯敏云所望成人目今朱嘗散廢防閑先生云如何樣防閑伯敏云為其所當為先生云雖聖人不過如是但吾友精神近來都死却無向來奮發之意夫人學問當有日新之功死却便不是邵堯夫詩云當鍛鍊時分動挺到磨礱處發光輝磨礱鍛鍊方得此理明如川之增如木之茂自然日進無已今吾友死守定如何會為所當為博學審問謹思明辨篤行博學在先力行在後吾友學未博焉知所行者是當為是不

當為防閑古人亦有之但他底防閑與吾友別吾

友是硬把捉告子硬把捉直到不動心處豈非難事只是依舊不是某平日與兄說話從肺腑中流出是自家有底物事何嘗硬把捉伯敏云亦知自家固有根本元不待把捉只是不能久防閑稍寬便為物欲所害先生云此則罪在不常久上却如何硬把捉伯敏云却當思量不把捉無下手處先生云只此一事是當為不當為某平日與兄說話話想都忘了伯敏云先生嘗語以求放心立志皆歷歷可記先生云如今正是放其心而不知求也

大學問

卷下

四

若果能立如何到這般田地伯敏云如何立先生云立是你立却問我如何立若立得住何須把捉吾友是分明先曾知此理來後被異端壞了異端非佛老之謂異乎此理如季繹之徒便是異端孔門惟顏曾傳道他未有聞蓋顏曾從裏面出來他人外面入去今所傳者乃子夏子張之徒外入之學會子所傳至孟子不復傳矣吾友却不理會根本只理會文字實大聲宏若根本壯怕不會做文字今吾友文字自文字學問自學問若此不已豈止兩段將百碎

伯敏云此問難答。時相勉勵先生云。不。終。道。一般所至皆勉勵人。但無根者多。其意似欲移立門戶。其學為外。不為己。

真曰。條內云。博學審問。謹思明辯。為行博學在先。力行在後。學未博。焉知所行者。是常為是不當為此說。得知行甚明白。

條內云。顏曾從裏面出來。是為己。不為外。能理會根本者也。他人外面入去。是為外。不為己。徒理會枝葉者也。然外入之學。未有能入者也。惟用心於內。則自然內外合一矣。

大學章句卷之六

卷六

四十三

問近日用常行覺精健否。胸中快活否。伯敏云。近日別事不管。只理會我亦有適意時。先生云。此便是學問根本也。若能無懈怠。暗室屋漏亦如此。造次必於是。顛沛必於是。何患不成。古之學者為己。所以自昭其明德已之德已。明然後推其明以及天下。今之學者。只用心於枝葉。不求實處。孟子云。盡其心者。知其性。知其性則知天矣。心只是一箇心。某之心。吾友之心。上而千百載聖賢之心。下而千百載復有一聖賢其心。亦只如此。心之體。其大若能盡我之心。便與天地同為學。只是理會此。

大學章句卷之六

卷六

四十四

者自成也。而道自道也。何嘗勝口說。伯敏云。如何是盡心性。性情如何。分別先生云。如吾友此言。又是枝葉。雖然。此非吾友之過。蓋舉世之弊。今之學者。讀書只是解字。更不求血脉。且如性情心材。都只是。一般物。事言偶不同耳。伯敏云。莫是同出而異名否。先生曰。不湏得說。說着便不是。將來只是勝口說。為人。不為己。若理會得自家實處。他日自明。若必欲說時。則在天者為性。在人者為心。此蓋隨吾友而言。其實不湏如此。只是要盡去為心之累者。如吾友適意時。即今便是。牛山之木一段血脉。只在仁義上。以為未嘗有材焉。此豈山之性也。此豈豈人之情也。哉。是偶然說及。初不湏分別。所以令吾友讀此者。蓋欲吾友知斧斤之害其材。有以警戒其心。日夜之所息。息者。歇也。又曰。生息。若夜間得息時。則平旦好惡與常人甚相遠。惟旦晝所為。晷亡不止。到後來。夜間亦不能得息。以致淪為禽獸。人見其如此。以為未嘗有材焉。此豈人之情也。哉。只與理會實處。就心上理會。若老兄與別人說。定是說如何。樣是心。如何。樣是性情。與如此。分明說得好。則地。不。十。此。中。湏。是。血。脉。骨。髓。

心實處於凡讀書皆如此又問養氣一以先
時別事不理會時便是浩然養而無害則聖于天
地之間又云孟子之言大抵皆因當時之人處已
太卑而視聖人太高不知天之與我者其初未嘗
不同如未嘗有材焉之類皆以謂材乃聖賢所有
我之所無不敢承當着故孟子說此乃人人都有
自為斧斤所壞所以淪胥為禽獸若能涵養此心
便是聖賢讀孟子須當理會他所以立言之意血
脉不明沉溺章句何益

黃曰觀此一章則知象山之教人讀書不在乎
拘拘於文義之間惟在明其血脉得其要領反

求諸心實體諸身而已
條內云心只是一箇心某之心吾友之心上而
千百載聖賢之心下而千百載復有一聖賢其
心亦只如此心之體甚大若能盡我之心便與
天同為學只是理會此此數言正是象山得十
聖相傳之心學蓋吾之心之本體即天地之心
即聖人之心無不同也惟能學焉以盡其心
本體便與聖人合一便與天地合一

縱令知得到底亦須是奉以周旋弗敢失墜乃始能
卒終其事

平常懈怠起時或讀書史或誦詩歌或理會一事或
整肅几案筆硯借此以助精采然此是應物須要
識破因問去懈怠曰要須知道不可須臾離乃可
一實了萬虛皆碎

上是天下是地人居其間須是做得人方不枉

人要有大志常人汨沒於聲色富貴間良心善性都
蒙蔽了今人如何便解有志須先有智識始得

自得自成自道

今人將學將道看得太過了人皆有秉彝

勿無事生事

做戒無虞罔失法度罔遊于逸罔濫于樂至執其聖

人學也

把捉二字不佳不如說固執

要知尊德樂道

積思勉之功舊習自除

知非則本心即復

既知自立此心無事時須要涵養

但以此精神居廣居立正位行大道

惟一頭要常如此涵養
無事時不可忘小心翼翼昭事上帝

看是而去非捨邪而適正

收拾精神自作主宰萬物皆備於我何有欠闕

古人皆實學後人未免有議論辭說之累

學固不可以不思然思之爲道貴切近而優游切近

則不失己優游則不滯物

自家表裏內外如一

人氣稟清濁不同只自它養不逐物即隨清明纔一

逐物便昏昧了人心有翳須是剝落剝落得一番

則一番清明後隨起來又剝落又清明須是剝落

得淨盡方是

不要緊但莫懈怠緊便不是

道可謂尊可謂重可謂明可謂高可謂大人却不

重終有毫髮恣縱便是私欲與此全不相似

小心翼翼昭事上帝上帝臨汝無貳汝心此理塞宇

宙如何由人杜撰得文王敬忌若不知此敬忌

甚麼

四端皆我固有全無增添

不能變化氣質

道塞天地人以自私之身與道不相入人能進步

省自然相入

槐云着意重便驚疑云云有所重便不得舉孟子勿

忘勿動長

學者不可用心太緊

人生天地間如何不植立

內無所累外無所累自然自在總有一些子意便沉

重了徹骨徹髓見得超然於一身自然輕清自然

精神全要在內不要在外若在外一生無是處

須要一切蕩滌莫留一些方得

莫厭辛苦此學脉也

莫曰象山此語真是以發先聖賢之所未發蓋

學道則一毫恣情縱欲之事皆不得爲而克己

去私自檢自約之事皆當爲之此正謂辛苦甚

甚焉者也必也不厭辛苦自強不息以爲之至

于德盛仁熟之地則孔顏之真樂在我矣然則

有志于學道者其尚無憚乎始之辛苦而求自

得乎終之真樂哉象山之言真可謂千萬世

諸之命脉也已

近在邇而求諸遠事在易而求諸難只就近易處着
着就實無尚虛見無貪高慕遠

不專論事論末專就心上說

真曰象山此言爲專事乎末而不本諸心者發
蓋以心對事言之則心者本也事者末也若合
而言之則心事合一本末合一也事也者心之
所發者也末也者本之所措者也外心以爲事
則事非其事矣外本以爲末則末非其末矣是
故知乎此則何事非心何末非本而聖人一貫
之道其得之矣若夫偏心而遺事偏本而遺末

則將淪於空虛而無實用矣曾謂象山之達聖
學而有是乎

凡欲爲學當先識義利公私之辯今所學果何爲事
人生天地間爲人當自盡入道學者所以爲學學
爲人而已非有爲也

先生舉公都子問釣是人也一章云人有五官官有
其職頭先使心官不曠其職其因是便收此心然
惟有照物而已他日侍坐先生謂曰學者能常閑
目亦佳甚因此無事則安坐瞑目用力操存夜以
繼日如此者半月一日下樓忽覺此心已復澄瑩

中立遂見先生先生目逆而視之曰此理已顯也
某問何以知之先生曰占之眸子而已此理已顯也

真曰象山閉目之教蓋教學者於無事之時能
閉目靜坐不妄思慮不妄舉動不妄視聽不妄
言語則亦可以靜養其心凝然安定而事至物
來所以應之者自然有得矣初何嘗教人屏物
棄事一於閉目安坐如禪學之流者哉閉目之
有益於存心亦猶孟子夜氣之存息平旦之氣
之清明之意也朱子亦嘗謂無事時能休息恬
靜少間出應事更覺分外精神其意亦與閉目

之說相類世之論者曾不詳攷遽疑陸學爲禪
忙亦矮人觀場之見耳矣

爲學患無疑疑則有進小疑則小進大疑則大進
學問若得其綱則恭敬者乃保養此心也
有志於道者當造次必於是顛沛必於是凡動容周
旋應事接物讀書致古或動或靜莫不在是

此理塞宇宙所謂道外無事事外無道舍此而別有
商量別有趨向別有規模別有形迹別有行業別
有事功則與道不相干則是異端則是私欲爲之
陷溺爲之窠臼說即是邪說見即是邪見

學問若有一毫夾帶便屬私小而不正大與道不相似矣

規矩嚴整為助不少

今之學者未必有切己之志夫子曰古之學者為己

今之學者為人湏自省察

朱濟道力稱贊文王謂曰文王不可輕贊湏是識得

文王方可稱贊濟道云文王聖人誠非某所能識
曰識得朱濟道便是文王

真曰文王此心我亦此心知此心則知文王矣

先生歸自臨安子雲問近來學者先生云有一人近

來有省云一蔽既徹群疑盡亡

此理所在豈容不同不同此理則異端矣

孟子不動心是明道之力

俗諺云心堅石穿既是一箇人如何不打疊教靈利

今之學者出世俗籠絡亦不得况能居天下之廣居
要常踐道踐道則精明一不踐道便不精明便失枝

落節

理只在眼前只是被人自蔽了

自立自重不可隨人脚跟學人言語

人無好善之心便皆自私有好善之心便無私便太

之有技若已有之今人只是無志便不好善
窮究磨煉一朝自省

仁之於父子固也然以舜而有瞽叟命安在哉故舜
不委之於命必使底豫允若則有性焉豈不於此
而驗

退步思量不要驚外

有所忿懣則不足以服人有所恐懼則不足以自立
人心有消殺不得處便是私意便去牽文引義牽枝

引蔓牽今引古為證為靠

學者大病在於私心自用私心自用則不能克己不

能聽言雖使羲皇唐虞以來群聖人之言畢聞於

耳畢熟於口畢記於心祇益其私增其病耳為過

益大去道愈遠非徒無益而又害之

周伯熊來學先生問學何經對曰讀禮記曰曾有功

於九容乎曰未也曰且用功於此

晦翁云莫教心病最難醫

此道非爭競務進者能知惟靜退者可入

居處飲食適節宣之宜視聽言動嚴邪正之辯皆無

暴其氣之工也

良其背不獲其身無我行其庭不見其人無物

宇宙不曾限隔人人自限隔宇宙

人共生乎天地之間無非同氣扶其善而沮其惡義

所當然安能有彼我之意又安得有自為之意

君子役物小人役於物夫權皆在我若在物即為物

役矣

此道之明如太陽當空群陰畢伏

道在天下加之不可損之不可取之不可舍之不可

要人自理會

道外無事外無道

道在宇宙間何嘗有病但人自有病千古聖賢只去

大德論卷之十六

象山

五十三

人病如何增損得道

古人視道只如家常茶飯

道遍滿天下無些小空闊四端萬善皆天之所與不

勞人粧點但是人自有病與他間隔又云只此一

子重便是病只一些子輕亦是病

人之所以病道者一資稟二漸習

道大人自小之道公人自私之道廣人自狹之

廓然昭然坦然廣居正位大道安宅正路是其次第

却反瞞而弗居舍而弗由衷哉

典常也憲法也皆大也

典憲二字甚大惟知道者能明之

仁義者人之本心也

聖人之道有用無用便非聖人之道

千古聖賢若同堂合席必無盡合之理然此心此理

萬世一揆也

人皆可以為堯舜此性此道與堯舜元不異若其材

則有不同

人皆可以為堯舜堯舜與人同耳但恐不能為堯舜

之大也

古人於事無大小無久近其處之一也居一日亦當

大德論卷之十六

象山

五十四

盡吾道

人心至靈惟受蔽者失其靈耳

為學只要睹是不要與人較勝負

行不夫其居居不違其道是故經綸酬酢變通不窮

無須更之或離其位也

吾人所安者義理義理所在雖刀鋸鼎鑊有所不避

塞宇宙一理耳上古聖人先覺此理

聖人雖累千百載其所知所覺不容有異

以道制欲則樂而不厭以欲忘道則惑而不樂

學必無所蔽而後可

人無不知愛親敬兄及為利欲所昏便不然欲發則
其事止就彼利欲昏處指出便愛敬自在此是唐
虞三代實學後世異處在此

學固不欲速欲速固學者大患然改過遷善亦不可
遲回

苟有根本自能不懈怠不倦

孟子所謂集義者乃積善耳

人心至靈此理至明人皆有是心心皆是理

千萬世之前有聖人出焉同此心同此理也千萬世

之後有聖人出焉同此心同此理也東海有聖人

出焉同此心同此理也南海有聖人出焉同此心

同此理也西海有聖人出焉同此心同此理也北

海有聖人出焉同此心同此理也

自明然後能明人

此心此理充塞宇宙誰敢問之

邪正純雜係念慮清濁強弱係血氣

求處情求處厚求下賢欲行浮於名耻名浮於行

見人不是必推惻隱之心委曲勸諭之不可則止

凡棄人絕物之心皆不仁也未世弊俗當使憐憫挂

持救藥之心勝其憎疾嫌惡乃為近正

且之人有其可選之國家天下而無愧者不

心而已
右三百二十八條

大儒心學語錄卷之十七

後學金緒王麓輯

象山陸先生語

學苟知本六經皆我註脚

或問先生何不著書曰六經註我我註六經

黃曰此二條所云乃象山指出本心之學以示人蓋我者我心也我心先具乎六經六經所言之理即我心之理也六經也者發明我心者也苟能求諸我心以全其心之本體則謂之六經註我謂之六經皆我註脚無不可也此以我心爲主本而以六經爲證驗爲輔翼也若不能求之本心而失其心之本體則人欲錮蔽而天理牯亡其與六經所言之理殆相隔絕矣我自爲私己之我經自爲聖人之經尚何敢曰六經註我六經皆我註脚之云乎

又曰象山此數語又足以發明六經之爲心學外心以求六經則是徒求之言語文字之間而不可以得聖人傳心之學也故知六經之註我心則知六經之爲心學而以吾心之六經求聖人之六經矣其爲尊經也不亦至矣乎然非象

山大資之高學力之到亦安能道得到此或及不究其立言之深旨反以不畏聖言詆之其諸無識之甚耳矣

此天之所以與我者非由外鑠我也思則得之得此者也先立乎其大者立此者也知德者知此者也進德者進此者也同此之謂同德異此之謂異端此理本天所以與我非由外鑠明得此理即是主宰真能爲主則外物不能移邪說不能惑

心一心也理一理也至當歸一精義無二故夫子曰吾道一以貫之孟子曰夫道一而已矣又曰道二

仁與不仁而已矣如是則爲仁反是則爲不仁仁即此心此理也求則得之得此理也先知者知此理也先覺者覺此理也愛其親者此理也敬其兄者此理也見孺子入井而有怵惕惻隱之心者此理也可羞之事則羞之可惡之事則惡之者此理也是知其爲是非知其爲非者此理也宜辭而辭宜遜而遜者此理也敬此體也義亦此理也內此理也外亦此理也故曰直方大不習無不利孟子曰所不慮而知者其良知也所不學而能者其良能也此天之所與我者我固有之非由外鑠我也

故曰萬物皆備於我矣反身而誠樂莫大焉此吾之本心也所謂安宅正路者此也所謂廣居正位大道者此也古人自得之故有其實言理則是實理言事則實事德則實德行則實行

近之將墜有孔孟之生不能回天而易命然聖賢豈以其時之如此而廢其業隨其志哉

於此有志於此有勇於此有立然後能克己復禮

此心此理我固有之所謂萬物皆備於我昔之聖賢

先得我心之所同然者耳故曰周公豈欺我哉

古人之多多形容詠嘆者固皆吾分內然哉賊陷溺

六傳心學集卷之十七

象山

三

之未免則亦安得不課其進雖如顏子夫子猶曰

未見其止易知易從者實有親有功可久可大豈

若守株坐井然哉

有鞭策之力有涵養之功使德日以進業日以修而

此心日充日明

使此心之良無斧斤之伐牛羊之牧而有雨露之霑

滋風雷之鼓舞日以暢茂條達

大抵為學但當孜孜進德脩業使此心於日用間賊

賊日少光潤日著

古人不自滿假克自抑畏戒謹不貳恐懼不聞戰戰

兢兢如臨深淵如履薄冰取善求益如恐不及者乃其踐履之常也

事無大小道無淺深皆不可強探力索人患無志而世乃有有志不如無志者往往皆強探力索之病也若無此病譬如行千里自一步積之苟不已無不至但患不行耳

起居食息酬酢接對辭氣容貌顏色之間當有日明

日充之功如木之日茂如川之日增乃為善學

仁義忠信樂善不倦此夫婦之愚不肖可以與知能

行聖賢所以為聖賢亦不過充此而已學者之事

六傳心學集卷之十七

象山

四

當以此為根本

此理塞宇宙古先聖賢常在目前蓋他不曾用私智

不識不知順帝之則此理豈容識知哉

古之學者本非為人遷善改過莫不由己善在所當

遷吾自遷之非為人而遷也過在所當改吾自改

之非為人而改也故其間過則喜知過不諱改過

不憚

顏氏有不善未嘗不知知之未嘗復行豈為人哉一

聞為仁由己之言請問其目不少後既得視聽言

動之目請事斯語不少遜若顏子可謂天下之大

勇矣故其言曰舜何人也予何人也有為者亦若是

聖人所貴於訟過者以其知之必明而改之必勇也
鈞是人也雖愚可使必明雖柔可使必強困學可使
必至於知勉行可使必至於安聖人不我欺也於
是而曰我不能其為自棄也果矣

過者雖古之聖賢有所不免而聖賢之所以為聖賢
惟其改之而已

人之所以為人者惟此心而已一有不得其正則當
如救焦溺而求所以正之者

開端發是不可不謹養正涉邪則當早辨學之正而

得所養如木日茂如泉日流誰得而禦之

臨深履水此古人實處浴沂之詠曲肱陋巷之樂與
此不相悖遠

履德之基謙德之柄復德之本得罪於履得罪於謙
難以言復矣

此心之靈此理之明豈外鑠哉明其本末知所先後
雖由於學及其明也乃理之固有何加損於其間

此道充塞宇宙天地順此而動故日月不過而四時

不惑聖人順此而動故刑罰清而民服古人所以
造次必於是顛沛必於是也斯須不順是謂不敬
雖然己私之累人非大勇不能克一日克己復禮
天下歸仁焉豈直推排而已哉縱使失於警戒舊
習乘之當其思之覺之復之之時亦必大勇而後
能得其正也

道行道明則耻尚得所不行不明則耻尚失所耻得
所者本心也耻失所者非本心也聖賢所貴乎耻
者得所耻者也耻存則心存耻亡則心亡
此心之良人所均有自耳目之官不思而蔽於物流

浪展轉成賊陷溺之端不可勝窮

此理在宇宙未嘗有所隱遁天地之所以為天地者
順此理而無私焉耳人與天地並立而為三極安
得自私而不順此理哉孟子曰先立乎大者則其
小者不能奪也人惟不立乎大者故為小者所奪
以叛乎此理而與天地不相似
皇極之建彝倫之叙反是則非終古不易是極是彝
根乎人心而塞乎天地

人有實德則如疾沒世而名不稱者非疾無名疾無
德也今聞廣譽施於身者實德之發固如是也

幾夙夜以永終譽者欲其德之常久而不已也彼未嘗深致自克之功私意自為主宰方情於知德則斯言殆適以附益其好名求勝之習耳此充不可不辯

無心二字亦不經見人非木石安得無心心於五官最尊最大洪範曰思曰睿作聖孟子曰心之官則思思則得之不思則不得也又曰存乎人者豈無仁義之心哉又曰至於心獨無所同然乎又曰君子之所以異於人者以其存心也又曰非獨賢者有是心也人皆有之賢者能勿喪耳又曰人之

論語集注卷之十七

孟子

心

所以異於禽獸者幾希庶民去之君子存之去之者去此心也故曰此之謂失其本心存之者存此心也故曰大人者不失其赤子之心四端者即此心也天之所以與我者即此心也人皆有是心心皆具是理心即理也故曰理義之悅我心猶芻豢之悅我口所貴乎學者為其欲窮此理盡此心也

有所蒙蔽有所移奪有所陷溺則此心有所不靈此理為之不明是謂不得其正其見乃邪見其說乃邪說一溺於此不由講學無自而復故心當論邪正不可無也以爲吾無心此即邪說矣

莫曰性即理也自程子發之心即理也自象山發之知性之即理則性之本善明矣知性之即理則心之本體明矣

若愚不肯之不及固未得其正賢者智者之過之亦未得其正溺於聲色貨利徂於詭詐姦宄於末節細行流於高論浮說其智愚賢不肖固有間矣若是心之未得其正蔽於其私而使此道爲之不明不行則其爲病一也

論語集注卷之十七

孟子

心

若其善利之間嘗知次擇大端已明大志已立而日用踐履未能常於清明剛健一有緩懈舊習乘之捷於影響應答之際念慮之間陰流密陷不自覺益積益深或過歲藥勝心持之反加文飾因之能自還者有矣甚可畏也況其大端未嘗實頂大志未嘗實立有外強中乾之症而無心廣體胖之樂者可不深致其思以省其過求其實乎略此不察而苟爲大言以蓋繆習偷以自便罔以自勝豈惟不足以欺人平居靜慮亦寧能以自欺至是而又自欺其心則所謂下愚不移者矣

夫子所謂克己復禮爲仁誠能無毫髮已私之累則自復於禮矣禮者理也此理豈不在我使此志不

替則日明日著如川日增如木日茂矣必求外鑠
則是自堙其源自伐其根也

宵中不正則眸子眊焉所謂不正者不必有邪僻之
念凡有繫累蒙蔽使吾不能自昭自達者皆不得
其正也

狂聖之相去遠矣而罔念克念之端頃刻之分人心
之危豈不甚可畏哉有虞之朝克艱之說從逆之
戒伯禹進之微戒無虞之說逸樂怠荒之戒伯益
又進之明明穆穆聚精會神其切磋琢磨之功如
此若已汨於利欲蔽於異端逞志遂非往而不返

大儒論學卷之十七

象山

九

雖復鷄鳴而起夜分乃寐其為害益深而去道愈
遠矣奚足以言此哉

古人所以造次必於是顛沛必於是無有師保如臨
父母戰戰兢兢如臨深淵如履薄冰若平居一有
緩懈一有凝滯則精神立見凌奪事至物來固宜
有困敗之憂雖然到此若能深省痛鞭何困之有
夫子曰仁遠乎哉我欲仁斯仁至矣又曰為人由
己而由人乎哉孟子曰人病不求耳又曰亦為之
而已矣當力加省察沛然有以信聖賢為先得我
心之所同然而後可也

察宇宙一理耳學者之所以學欲明此理耳此理之

大豈有限量三極皆同此理而天為尊學者能盡
心知性則是知天存心養性則是事天

私意與公理利欲與道義直是不兩立從其大體與

從其小體亦在人耳大人之事至公至正至廣大

至平直剖蠶管之見涉其私曲則天自大地自廣

日月自昭明人之生也本直豈不樂哉

天降之衷在我久矣特達自立誰得而禦勉自奮拔

不必他求

聖人於此理不勉而中不思而得賢如顏子猶未至

大儒論學卷之十七

象山

十

於不思不勉曰三月不違則猶有時而違也曰有

不善未嘗不知知之未嘗復行則言其不遠而復

也然則雖未至於不思不勉而思勉之功益微矣

氣質益下其功益勞此聖人賢人衆人之辯也

道也者不可須臾離也可離非道也是故君子戒謹

乎其所不睹恐懼乎其所不聞學者必已聞道然

後知其不可須臾離也知其不可須臾離然後能

戒謹不睹恐懼不聞

良心正性人所均有不失其心不乖其性誰非正人

縱有乖失思而復之何遠之有不然自昧其

自誤其身耳

此心此理昭然宇宙之間誠能得其端緒所謂一日克己復禮天下歸仁焉此真吾所固有非由外鑠恐懼憂驚每每過分亦由講之未明未聞君子之大道與真書所謂儆戒無虞周書所謂克自抑畏中庸所謂戒謹乎其所不睹恐懼乎其所不聞者亦不可同年而語也蓋所謂儆戒抑畏戒謹恐懼者粹然一出於正與曲肱陋巷之樂舞雩詠歸之志不相悖違

天之所以爲天者是道也故曰惟天爲大天降衷于

大儒心學語錄卷之七

泰山

十一

人人受中以生是道固在人矣孟子曰從其大體從此者也又曰養其大體養此者也又曰養而無害無害乎此者也又曰先立乎其大者立乎此者也居之謂之廣居立之謂之正位行之謂之大道天所與我至平至直此道本日用常行當無尚虛見無貪高務遠

道之廣大悉備悠久不息而人得之於道者有多寡久暫之殊

君子所不可及者其惟人之所不見乎古之人所以大過人者無他焉善推其所爲而已人所不見此

心昭然善推所爲充足心而已

道未有不外乎其心者自可欲之善至於大而化之之聖聖而不可知之神皆吾心也心之所爲猶之能生之物得黃鐘大呂之氣能養之至於必達使瓦石有所不能厭重屋有所不能蔽則自有諸已至於大而化之者敬其本也雖然不可以不知其害也是心之根莠萌於交物之初有滋而無芟根固於怠忽未蔓於馳騁深蒙密養良苗爲之不殖實著者易拔形潛者難察從事於敬者尤不可不致其辯

大儒心學語錄卷之七

泰山

十一

人生天地間抱五常之性爲庶類之最靈者汨其靈則有罪全其靈則適其分耳誠全其靈則爲人子盡子道爲人臣盡臣道

夫王之瑕終瑕瑜終瑜人則不然學則瑕者瑜不學則瑜者瑕天之所以與我者固皆瑜也惟不思而蔽於物而後瑜者瑕

居廣居立正位行大道乃能和不流中立而不倚

此天下之至強也故曰強哉矯

仁人心也心之在人是人之所以爲人而與禽獸草木異焉者也可敬而不求哉古人之求放心不寬

如饑之於食渴之於飲焦之待救溺之待援固其
恒也學問之道蓋於是乎在下愚之人忽視玩聽
不為動心而其所謂學問者乃轉為浮文綵飾之
具甚至於假之以快其遂私縱欲之心扇之以熾
其傷善敗類之談豈不甚可歎哉

此心之良人所均有天所予我非由外鑠先立乎其
大者則其小者莫能奪信能知此則宇宙無非至
理聖賢與我同類大端既立趨向既定明善充類
以求之強力勇敢以行之如木有根如水有源達
其久也此心之靈此理之明將渙然釋怡然順真

有見夫居廣居立正位行大道皆吾分內事所謂
操存求得誠行不加窮居不損者端不我誣也

嗚呼循頂至踵皆父母之遺體俯仰乎天地之間傷
然朝夕未寡乎愧怍而懼弗能倘可以庶幾於孟
子之塞乎天地而與聞夫子人為貴之說乎

承示以所進所疑深見嗜學之誠但達材所進乃害
心之大者所謂若有神明在上在左右乃是妄見
此見不息善何由明宜其事物之擾即不相續酬
酢之繁即不相似若本心之善豈有動靜語默之
別哉今達材資質美處乃不達材所謂日用而不知

知也如前所云乃害此心者心害苟除其善自著
不勞推測絕有推測即是心害與聲色臭味利害
得喪等耳孟子所謂斧斤伐之牛羊牧之者也夫
道若大路然豈難知執道不遠人人自遠之耳若
的實自息妄見良心善性乃達材固有何須他人
模寫但養之不害可也

百人不求聲名不較勝負不恃才智不矜功能故通
體皆是道義道義之在天下在人心豈能泯滅第
今人大頭既沒於利欲不能大自奮拔則附託其
間者行或與古人同情則與古人異此不可不辯

也若真是道義則無聲名可求無勝負可較無才
智可恃無功能可矜

孟子言君子喻於義小人喻於利孟子謂欲知舜與
蹠之分無他利與義之間也讀書者多忽此故蹠
等陵節所談益高而無補於實行今子淵知致辯
於此可謂有其序矣大端既明趨向既定則明善
喻義當使日進德當日新業當日富易之學聚問
辯寬居仁行中庸之博學審問謹思明辯篤行皆
聖人之明訓苟能遵之當隨其分量有所增益凡
此皆某之所願從事而願與朋友共之者

不假推尋擬度之說殆病於向者推尋擬度之妄已
而知其非遂妄之以爲道在於是必謂不假推尋
爲道則仰而思之夜以繼日探賾索隱鉤深致遠
者爲非道耶必謂不假擬度爲道則是擬之而後
言議之而後動擬議以成其變化者爲非道耶
隳食瓢飲不改其樂夫子絕糧曾子七日不大食而
正坐弦歌歌聲若出金石夫何累之有哉子路結
纓曾子易簣乃在垂死而從容如此貧孰與死而
云爲累無乃未得爲聞道者乎右一條俱與
傳聖訓書
今時學者悠悠不進號爲知學其實未必知學號爲

有志其實未必有志若果知學有志何更悠悠不
進事業固無窮盡然古先聖賢未嘗艱難其途徑
支離其門戶夫子曰吾道一以貫之孟子曰夫道
一而已矣曰金之人可以爲禹曰人皆可以爲堯
舜曰人有四端而自謂不能者自賊者也人孰無
心道不外索患在戕賊之耳放失之耳古人教人
不過存心養心求放心此心之良人所固有惟
不知保養而反戕賊放失之耳苟知其如此而防
閑其戕賊放失之端曰夕保養進德使之暢茂條
達如手足之捍頭面則豈有艱難支離之事乎曰

向學而又艱難支離遲回不進則是未知其心未
知其戕賊放失未知所以保養灌溉此乃爲學之
門進德之地得其門不得其門有其地無其地兩
言而盡得其門有其地是謂知學是謂有志既知
學既有志豈得悠悠豈得不進尊兄朴茂無他嘆
徑苟能端的自反灼知陷溺戕賊之處特達自奮
誰得而禦不然亦未免爲不知學爲無志而已矣
此與舒
西美書

爲學不當無日新易贊乾坤之易簡曰易知易從有
親有功可久可大然則學無二事無二道根本苟

立保養不替自然日新所謂可久可大者不出易
簡而已子約書中有宜於靜未宜於動之說此其
不可動靜豈有二心既未宜於動則所謂宜於靜
者亦未宜也此與高
應朝書

此心之良戕賊至於熟爛視聖賢幾與我異類端的
自省誰實爲之改過遷善固應無難爲仁由己聖
人不我欺也直使存養至於無間亦分內事耳然
懈怠縱弛人之通患舊習乘之捷於影響慢游是
好傲虐是作遊逸淫樂之成大禹伯益猶進之於
舜盤盂几杖之銘成湯猶賴之夫子七十而從心

吾曹學者省察之功其可已乎舜之孳孳文王之翼翼夫子言主忠信又言仁能守之又言用其力於仁孟子言必有事焉又言勿忘又言存心養性以事天豈無所用其力哉此中庸之戒謹恐懼而浴沂之志曲肱陋巷之樂不外是矣此其用力自應不勞若茫然而無主泛然而無歸則將有顛頓狼狽之患聖賢樂地尚安得而至乎此與揚
易簡之善有親有功可久可大可久不懈怠廢放固當日新其德日遂和平之樂無復艱屯之意然懈怠之久為舊習所乘覺其非而求復力量未宏則未免有艱屯之意誠知求復則屯不久而解矣此理勢之常非助長者比也頻復所以雖厲而無咎仁者所以先難而後獲也若於此別生疑惑則不耘助長之患必居一於此矣當和平之時小心翼翼繼而不絕日日新又日新則艱屯之意豈復論哉顧恐力量未能至此耳同上
別紙歷述病狀可謂自知之審矣為仁由己而由人乎哉奮拔植立豈不在我若只管因循不能勇奮特立如官容奸吏家留盜虜日積憂患而不勇於一去之決誰實為之今幸尚知其為奸盜而患苦

之謾情玩愒之久復以習熟便安之未必不反以為忠良也顧精思深察致一日克己復禮之力此
以九成之質直誠能深思俗見俗習之可惡能埋沒人靈蒙蔽至理思之既明幡然而改奮然而興如出幽穽如決網羅如去荊棘而舞蹈手康莊翱翔乎青冥豈不快哉誠能於此自決則名方乃在九成肘後反而求之沛然甚足尚何事觀我朵頤云哉此與
此心之靈苟無壅蔽昧沒則痛癢無不知者國之治忽民之休戚憂樂之叙數士大夫大學問之是非心術之邪正接於耳目而冥於其心則此心之靈必有壅蔽昧沒者矣在物者亦在己之驗也何往而不可以致吾反求之功此所願與同志日切磋而不捨者道之行不行固有天命吾人之學安得而不自致哉此與
能於此深思痛省大決其私偉然特立直以古聖賢為的必居廣居立正位行大道則誰能禦之於此不具大勇却放過一着則非吾之所知也真孟子所謂終亦必亡而已矣仁者先難而後獲夫道豈

難知哉所謂難者乃已私難克習俗難度越耳
所謂深思痛省者正欲思其難以圖其易耳仁者
必有勇顏子聞一日克己復禮之言而遽能請問
其目可謂大勇矣汝能用功於此則仁智勇三德
皆備於我當知為仁由己而由人乎哉此言不我
欺也

男子生而以桑弧蓬矢射天地四方示有四方之志
此其父母教之望之第一義也誠使此心無所放
失無所陷溺全天之所與而無傷焉則千萬里之
遠無異於親膝下不然雖日用三牲之養猶為不

孝也

象山 十九

日享事實之樂而無暇辯析於言語之間則後日之
明白足以識言語之病急於辯析是學者大病雖
若詳明不知其累我多矣石稱丈董徑而寡失
錄而稱至石必謬寸寸而度至丈必差今吾但能
造次必於是顛沛必於是勿忘勿助長則不亦樂
乎又何必紛紛為大小之辯也

此與磨
子南書

蓋為不求事實而專好辯者發耳

此心至虛此理至明要亦何疑之有然又以無

知是未能無疑也事理有未明則不容不疑思索
之間辯之則疑有時而釋矣疑亦豈足煩哉今既
曰無疑矣乃以無疑為疑何哉願速更之無滋其
惑

此與磨
子南書

學所聞行所知要須本正其本不正而寧所聞行所
知只成得箇擔版自沉

來書舉程明道先生靜亦定動亦定之語此非子之
所知也定之於動靜非有二也來書自謂靜而定
亦恐未能果如是也是處靜處動不同矣子之意
豈不自謂靜時尚或能定獨難於動而定耶凡子

之所謂定者非果定也豈有定於靜而不能定於

象山

動耶至又謂近雖未能不動而於動中之定

幾焉此是擔版處

此與磨
子南書

若得平穩之地不以動靜而變若動靜不能如一

未得平穩也若未發明終然無定若自謂已

得靜中工夫又別作動中工夫恐只增其擾

適而非此心心正則動亦正動亦正心不正則

靜亦不正若動靜二心是有二心也

此與磨
子南書

昆仲為學不思無志患一好進欲速反以自病

日來愈更欲定帖

力隨分循循以進儻是吾力之所不能及而強進焉亦安能有進徒取折傷困吝而已

人之省過不可激烈激烈者必非深至多是虛作一場節目殊無良味所謂非徒無益而反害之

看來當亦自知其未始有異於初徒自生枝葉耳若是平淡中實省則自然優游寬裕體脉自活矣

此與包
用心急者多不曉了用心平者多曉了英爽者用心一緊亦且顛倒眩惑况令鈍者豈可緊用心耶

仲向學之志甚勤所甚病者是不合相推激得用

心太緊耳

人苟有志於學自應隨分有所長益所可患者有助長之病耳雖古聖賢尚不能無過所貴能改耳易稱顏子之賢曰有不善未嘗不知知之未嘗復行也由是觀之則顏子亦不能無不善處今人便欲言行無一不善恐無是理往往只是好勝每事要強人要人點檢不得不知此意已與古人背馳矣若無此意但寬平隨分去縱有過亦須易覺易改便未覺未改其過亦須輕故助長之病甚於忘季忠之意忘病自少所患有助長之病

唐子南嘗問先生之學亦有所受乎曰因讀孟子而自得之於心也

先生與路彥彬書云竊不自揆區區之學自謂孟子之後至是而始一明也

近有議吾者云除了先立乎其大者一句全無伎倆吾聞之曰誠然

吾於踐履未能純一然總自警策便與天地相似先兄復齋臨終云比來見得子靜之學甚明恨不得相與切磋見此道之大明耳

初學者能完聚得幾多精神終一霍便散了某平日

如何樣完養故有許多精神難散

平生學問惟有一實一實則萬虛皆碎

千虛不傳一實吾平生學問無他只是一實

吾之學問只是在我全無杜撰雖千言萬語只是覺得他底在我不曾添一些

或問先生之學當自何處入曰不過切己自反改過遷善

吾之言道坦然明白此所以易知易行人受天地之中以生其本心無有不善五者皆不以其本心望之

曾於百衆人前開口見瞻

吾與人言多就血脉上成移他故人之聽者易

某與人理會事便是格君心之非事

陳正己問傅子淵曰陸先生教人何先對曰辯志復

問曰何辯對曰義利之辯

伯敏嘗有詩云紛紛章句謾推尋到底根株只此心

莫笑無弦陶靖節箇中三嘆有遺音先生首肯之

有學者上執政書中間有云閣下作而待漏於金門

朝而議政於黼座退而平章於中書歸而咨訪於

府第不識是心能如畫日之昭晰而無薄蝕之者

乎能如砥柱之屹立而無淪胥之者乎先生曰此

亦可以警學者

先生教人詩詩只言辯志又言古人入學一年早知

離經辯志今人有終其身而不能自辯者是可哀

也

天位非人君所得而私

天命有德五服五章哉天討有罪五刑五用哉其實

罰皆天理所以納斯民於大中齊斯世於泰和者

也

養之所在非由外鑠根諸人心達之天下先王爲之

御文著爲訓其誰能渝之

古所謂責成者謂人君委任之道當專一不疑二而

後世臣得以展布四體以任君之事悉其心力盡

其才智而無不以其怨人主高拱於上不參以己

意不問以小人不能制之以區區之繩約使其臣

無掣肘之患然後可以責其成功故既已任之則

不肯察其所爲但責其成耳

銖銖而稱之至石必繆寸寸而度之至丈必差石稱

丈量徑而寡失後世人君亦未嘗不欲辯君子小

人然卒以君子爲小人以小人爲君子者寸寸而

度銖銖而稱之過也

銖銖而稱之至石必繆寸寸而度之至丈必差石稱

丈量徑而寡失此可爲論人之法且如其人大槩

論之在於爲國爲民爲道義此則君子人矣大槩

論之在於爲私己爲權勢而非忠於國徇於義者

則是小人矣若銖稱寸量較其一二節目而遂其

大綱則小人或得爲敗君子反被猜疑邪正賢不

未免倒置矣

蔡曰象山此言真辯君子小人之要法君天下

者知此則小人不能欺君子不見疑用舍無差

其不大矣

為政在人。取人以身。脩身以道。脩道以仁。仁人心也。人者政之本也。身者人之本也。心者身之本也。不造其本而從事其末。未不可得而治矣。

後世言寬仁者。類出於姑息。殊不知姑息之仁。而當其情。是乃寬仁也。故吾嘗曰。寬仁之仁。吾於四裔兩觀之間見之。

莫曰象山此言深中後世事。姑息而用人。害者之病。

古人所以不屑屑於間政。適人而必粉飾。以

者。蓋君心未格。則一邪黜一邪。然一黜一。如循環然。何有窮已及君心既格。則邪。若燕越邪。正是非有若蒼素大。是瑣瑣者亦何足復汗人牙頰哉。

古者道德一風俗同。至當歸一。精。三代之時。遠近上下皆講明。扶持。衆從而作。之後世。遠近上下皆無。人務此。衆反以為怪。故古之時。比屋。世雖能自立。然寡固不可。故衆非。莫曰。惟豪傑之士。則能奮興而自立。自

於道而已矣。豈世俗之所能奪哉。

後世將讓職作一禮數。古人推讓皆足實情。唐虞之朝。可見非尚虛文。以讓為美名也。

莫曰。象山此言深中後世士大夫為虛讓者之病。

有學者上一官員書云。遇惡揚善。沮姦佑良。天地之正理也。此理明則治。不明則亂。存之則為仁。不存則為不仁。先生擊節稱賞。

臨安四聖觀六月間。傾城士女咸出禱祠。請問何以致人歸鄉。如此答曰。只是賞罰不現。

風俗驅人之甚。如人心不明。如何作得主。古人正當障百川而東之。

風以動之。教以化之。風是血脉。教是條目。成孝敬。厚人倫。美教化。移風俗。

喪禮與其哀不足而禮有餘。也不若禮不足而哀有餘也。如世俗甚不經。裁之可也。

要使正言正論長明於天下。

莫曰。天下不可一日無清議。即此意也。世運之降。雖非清議之所能挽。回然所以扶綱常而植人紀。折姦邪而懼亂賊。則有不能無賴於清議。

焉者嗚呼使無清議之長明則天地閉塞而人
之類滅久矣

先生在勅局日或勸以小人關伺宜乞退先生曰吾
之未去以君也不退則去豈可以彼為去就耶
先生在勅局日或問曰先生如見用以何醫國曰任
賢使能賞功罰罪

人臣之於國猶其親也雖不吾以而問安寢門之心
所不能忘也然涉施設時欲聞之

學者問荆門之政何先生曰必也正人心乎

五皇極皇建其有極欽時五福用敷錫厥庶民惟時

厥庶民于汝極錫汝保極

皇大也極中也洪範九疇五居其中故謂之極是

極之大充塞宇宙天地以此而位萬物以此而育

古先聖王皇建其極故能參天地贊化育當此之

時凡厥庶民皆能保極比屋可封人人有士君子

之行叶氣嘉生薰為太平嚮用五福此之謂也皇

建其有極即是欽此五福以錫庶民舍極而言福

是虛言也是妄言也是不明理也惟皇上帝降衷

于下民衷即極也凡民之生均有是極但其氣稟

有清濁智識有開張天之生斯民也使先知覺後

知先覺覺後覺古先聖賢與民同類所謂天民之

先覺者也以斯道覺斯民者即皇建其有極也即

欽時五福用敷錫厥庶民也今聖天子皇建其

極無非欽此五福以錫爾庶民郡守縣令即是承

宣此福為聖天子以錫爾庶民也凡爾庶民知

有君臣知有上下知有中國夷狄知有善惡知有

是非父知慈子知孝兄知友弟知恭夫義婦順朋

友有信即惟皇上帝所降之衷令聖天子所錫

之福也身或不壽此心實壽家或不富此心實富

縱有患難心實寧康或為國死事殺身成仁亦為

考終命寧論五福但當論人一心此心若正無不

是福此心若邪無不是禍世俗不曉只將目前富

貴為福患難為禍不知富貴之人若其心邪其事

惡是逆天地逆鬼神悖聖賢之訓畔君師之教天

地鬼神所不佑聖賢君師所不與忝辱父祖自害

其身靜時回思亦有不可自欺自瞞者若於此時

更復自欺自瞞是直欲自滅其本心也縱有目前

富貴正人觀之無異在圈圖糞穢之中也患難之

人其心若正其事若善是不逆天地不逆鬼神不

悖聖賢之訓不畔君師之教天地鬼神所當佑

賢君師所當與不辱父祖不負其身仰無所愧
無所作雖在貧賤患難中心自亨通正人觀之即
是福德爾庶民能保全此心不陷邪惡即為保極
可以長享五福此則門下

凡事只看其理不要看其人是誰

莫曰象山此言深中世之論事不于其理而于
其人者之病

自養者亦須養德養人亦然自知者亦須知德知人
亦然不於其德而徒繩檢於其外行與事之間將
使人作偽

莫曰觀人者當先察其德如何然後觀其言與
事有德而言與事皆君子人也言與事可聽
可觀焉而不復察其德安知其君子者乎作偽
者乎

德則根乎其中達乎其氣不可偽為若事則有才智
之小人可偽為之

誠君子也不能不害為君子誠小人也雖能不失為
小人

朱均管蔡志不憂也非質不可變也苗格崇降聖人
有以變其志也

莫曰聖人能變苗崇之志而不能變朱均管蔡
之志何哉朱均管蔡下愚不移殆有甚於苗崇
之人者聖人亦未如之何也已矣

念慮之正不正在頃刻之間念慮之不正者頃刻而
知之即可以正念慮之正者頃刻而失之即是不
正書曰惟聖罔念作狂惟狂克念作聖然心念之
過有可以形迹指者有不可以形迹指者今人有
侮慢人之心則有侮慢之容侮慢之色侮慢之言
此可以形迹指者也真有侮慢人之心而偽為恭
敬容色言語反若莊重此則不可以形迹指者也

深情厚貌色厲而口荏者是也可以形迹指者其
淺者也不可以形迹指者其深者也必以形迹觀
人則不足以知人必以形迹繩人則不足以救人
非惟念慮之不正者有著於形迹有不著於形迹
雖念慮之正者亦有著有不著亦有事理之變而
不可以形迹觀者亦有善不善雜出者如比干之
忠則可見如箕子佯狂微子適周不可謂之不忠
如曾子之孝則可見如舜之不告而娶不可謂之不
孝此是事理之變而不可以形迹觀者如匡章
之得罪於其父乃在於責善此是善不善雜出者

通國皆稱不孝則便見匡章必得孟子乃見得他善不善處分明故與之遊又從而禮貌之

誠有其實必有其文實者本也文者末也今人之習所重在末豈惟喪本終將併其末而失之矣

文華日勝情實日薄此後世公患

使未不害本文不妨實常令文義輕而事實重於事實則不可須臾離非明實理有實事實行之人安能任重道遠自立於聖賢之門牆哉

流俗凡鄙之習謬妄之說正可哀憐傷悼當有開導

扶掖推陷廓清之功乃為進學之驗若視之如僻

方敵國苟以不為所挫為吾效驗恐未可也

後世言學者須要立箇門戶此理所在安有門戶可立學者又要各護門戶此尤鄙陋

此道本日用常行近日學者却把作一事張大虛聲

名過於實起人不平之心是以為進學之說者必為人深排力詆

世之人所以攻道學者亦未可全責他蓋自家驕其聲色立門戶與之為敵曉曉騰口實有所未孚自

然起人不平之心

徐子宜侍先生每有省同赴南宮試論出天地之性

人為貴試後先生曰某欲說底却被子宜道盡但

某所以自得受用底子宜却無曰雖欲自異於天地不可得也此乃某平日得力處

吾自應舉未嘗以得失為念場屋之文只是直寫胸

襟故作貴溪縣學記云不徇流俗而正學以言教

豈皆有司之所棄天命之所遺

黃曰今之應舉者能如象山先生之正學以言

而得失一聽之命則舉業何害道之有哉

今之人易為利害所動只為利害之心重如應舉視

得失為分定者能幾人性往得之則喜失之則悲

故學須當有所立免得臨時為利害所動

取人當先行義考試當先理致毋以舉業之靡者為

習為辭章從事場屋今所未免苟志於道是安能害

之哉所欲有甚於生所惡有甚於死是心之存上

帝臨汝先民重訓昭若日星坤其佔畢覆用蔽之

責有在矣

某今亦教人做時文亦教人去試亦愛好人發解要

曉此意是為公不為私

先生歸自臨安湯倉因言風俗不美先生曰此事亦由天亦由人湯云如何由天曰且如三年一科舉萬一中者篤厚之人多浮薄之人少則風俗自此而淳不然只得一半篤厚之人或三四人篤厚之人風俗猶自庶幾不幸篤厚之人無幾或全是浮薄之人則後生從而視效風俗日以敗壞湯云如何亦由人曰監司守令便是風俗之宗主只如判院在此母惟位高爵重旗旌導前騎卒擁後者是崇是敬陋巷茅茨之間有篤敬忠信好學之士不以其微賤而知崇敬之則風俗庶幾可回矣

真曰篤厚者終必成君子浮薄者終必成小人于其公進之多寡而風俗之美惡繫焉然則有風教之責者豈可不崇正學尚德行預養于士使士皆革浮薄而趨於篤厚也哉毋護之天而必盡其人斯得象山之意矣

私意未能泯絕當責夫志今時士人讀書其志在於學場屋之文以取科第安能有大志其間好事者因書而見前輩議論起為學之志者亦豈能專純不專心致志則所謂鄉學者未免悠悠一出一入以意是舉世所習乎生所習豈容以悠悠一出一入

入之學而知之哉必有大疑大懼深思痛省決去世俗之習如棄穢惡如避寇讎則此心之靈自有其仁自有其智自有其勇私意俗習如見肥之雪雖欲存之而不可得此乃謂之知至乃謂之先立乎其大者

古之時士無科舉之累朝夕所講皆吾身吾心之事而達之天下者也夫是以不喪其常心後世蔽於科舉所鄉日陋疾其驅於利欲之塗吾身吾心之事漫不復講曠安宅而弗居舍正路而弗由於是

有常心者不可以責士非豪傑特立雖其質之僅美者蓋往往波蕩於流俗而不知其所歸斯可哀也
周道之衰文貌日盛良心正理日就蕪沒其為吾道害者豈特聲色貨利而已哉揚墨皆世之英人所稱賢孟子之所排斥過絕者其用力勞於斥儀衍輩多矣所自許以承三聖者蓋在斥揚墨而不在儀衍也故正理在人心乃所謂固有易而易知簡而易從初非甚高難行之事然自失正者言之必由正學以克其私而後可言也此心未正此理不明而曰平心不知所平者何心也大學言欲正

心者先誠其意欲誠其意者先致其知致知在格
物物果已格則知自至所知既至則意自誠意誠
則心自正必然之勢非強致也孟子曰我亦欲正
人心息邪說詎誠行放淫辭以承三聖者當是時
天下之言者不歸楊則歸墨楊朱墨翟之言盈天
下自孟子出後天下方指楊墨為異端然孟子既
沒其道不傳天下之尊信者抑尊信其名耳不知
其實也指楊墨為異端者亦指其名耳不知其實
也往徃口闢楊墨而身為其道者衆矣自周衰此
道不行孟子沒此道不明今天下士皆溺於科舉
之習觀其言徃徃稱道詩書論孟綜其實特借以
為科舉之文耳誰實為真知其道者誦孔孟之
言身蹈楊墨之行者蓋其高者也其下則徃徃為
楊墨之罪人尚何言哉孟子沒此道不傳斯言不
可忽也

君子義以為質得義則重失義則輕由是為榮背義
為辱輕重榮辱惟義與否科甲名利何加損於我
豈足言哉吾人所學固如此然世俗之所謂榮辱
輕重者則異於是薰染其間小有不辨則此義為
不精矣

大抵天下事須是無場屋之累無富貴之念而實是
平居要研數天下治亂古今得失底人方該得來
有筋力五哥心志精神儘好但不要被場屋富貴
之念羈絆直截將他天下事如吾家事相似就實
論量却隨他地處自有可觀此與吳仲詩書

黃曰觀象山此言則知讀書人之苦論天下之
事皆君子之學之所不能廢焉者也不然則無
以濟天下國家之事而擴其成物贊化之功用
矣何足以為學哉

孩提之童無不知愛其親及其長也無不知敬其兄
先王之時序序之教抑申斯義以致其知使不失
其本心而已堯舜之道不過如此此非有甚高難
行之事何至遠視古俗自絕於聖賢哉取士之科
久淪古制馴至其弊于今已劇稍有識者必知患
之然不徇流俗而正學以言者豈皆有司之所垂
天命之所遣先達之士由場屋而進者既有大證
矣是固制時御俗者之責為士而託焉以自慰安
在其為士二帝三王之書先聖先師之訓炳如日
星家藏其帙人誦其言而所汲汲者顧非其事父
兄之所願欲師友之所明向實皆而馳焉而舉世

不以為非顧

有識是可以察其故得

其情而知所止

溺其俗而有以自立進

不負所學而石

豈非為士者所當然乎

何所悼懼何所維繫而餘不擇所安決所鄉哉

君子喻於義小人喻於利此章以義利判君子小人

辭旨曉白然讀之者苟不切已觀省亦恐未能有

益也某平日讀此不無所感竊謂學者於此當辯

其志人之所喻由其所習所習由其所志志乎義

則所習者必在於義所習在義斯喻於義矣志乎

利則所習者必在於利所習在利斯喻於利矣故

學者之志不可不辨也科舉取士久矣名儒鉅公

皆由此出今為士固不能免此場屋之得失顧其

其技與有司好惡如何耳非所以為君子小人之

辨也而今世以此相尚使汨沒於此而不能自拔

則終日從事者雖曰聖賢之書而要其志之所嚮

則有與聖賢背而馳者矣推而上之則又惟官資

崇卑祿厚薄是計豈能悉心力於國事民隱以

無負於任使之者哉從事其間而應之多講習之

熟安得有所喻顧恐不在於義耳誠能深思是

身不可使之為小人之歸其於利欲之習恒焉為

之痛心疾首專志乎義而日勉焉博學審問謹思

明辯而篤行之由是而進於場屋其文必皆道其

平日之學胸中之蘊而不詭於聖人由是而仕必

皆共其職勤其事心乎國心乎民而不為身計其

得不謂之君子乎

朱文公跋之有云發明敷暢懇到明白切中學

者隱微深痼之病

義理所在人心同然縱有蒙蔽移奪豈能終泯患人

之不能反求深思耳此心苟存則脩身齊家治國

平天下一也處貧賤富貴死生禍福亦一也故若

子素其位而行不顧乎其外也唐虞之時黎民於

變比屋可封之人此心存也周道之行人皆有士

君子之行免宜可以干城可以如仇可以腹心者

此心存也自戰國以降權謀功利之說盛行而先

王之澤竭此心放失陷溺而然也

堯倫在人維天所命良知之端形於愛敬擴而克之

聖哲之所以為聖哲也先知者知此而已先覺者

覺此而已氣有所蒙物有所蔽苟有所遷習有所

移往而不返迷而不解於是為愚為不肖羣倫於

是而蔽天命於是而悖此君師之所以作興焉

所以立是故先王之時風教之流行典刑之昭著
無非所以寵綏四方左右斯民使之皆有常性克
安其道者也是故鄉舉里選月書季考三年而大
比以興賢能蓋所以陶成髦俊將與共斯政同斯
事也學校庠序之間所為切磋講明者何以舍是
而他求哉所謂格物致知者格此物致此知也故
能明明德於天下易之窮理窮此理也故能盡性
至命孟子之盡心盡此心也故能知性知天學者
誠知所先後則如木有根如水有源增加馴積月
異而歲不同誰得而禦之若迷其端緒易物之本

大學章句卷之十

卷之十

三十九

末謬事之終始雜施而不遜是謂異端是謂邪說
非以致明祇以累明非以去蔽祇以爲蔽後世之
士有志於古不肯甘心流俗然而苦心勞身窮年
卒歲不爲之日休而爲之日拙者非學之罪也學
絕道喪不遇先覺迷其端緒操末爲本其所從事
者非古人之學也古人之學其時習必悅其朋來
必樂其理易知其事易從不貳於異說不牽於私
欲造次於是顛沛於是則其久大可必孟子曰原
泉混混不舍晝夜盈科而後進放乎四海此古人
之學也

吾人仕進自有大義所貴乎學者以明此義耳
居茅茨則慕棟宇衣敝衣則慕華好食糲糲則慕甘
肥此乃是世人之通病

富貴不能淫貧賤不能移威武不能屈非知道者不
能

世人只管理會利害皆自謂惺惺及他已分上事又
却只是放過曾知道名利如錦覆陷穽使人貪而
墮其中到頭只贏得一箇大不惺惺去

世間富貴何限往往與草木俱腐吾人要當求師於
往聖昔賢

大學章句卷之十

卷之十

四十

人之不可以不學猶魚不可以無水而世至視若焚
疣豈不甚可嘆哉穹壤間竊取富貴者何限惟庸
人鄙夫美之耳識者視之方深憐甚憫傷其貳人
之形而不求盡人之道至與蟻虫同其飽適好惡
虛生浪死其在高位者適足以播惡遺臭貽君子
之鑒戒而已

富貴利達之不足慕此非難知者仙佛之徒拘曲之
士亦往往優於斷棄而弗顧視之彼既自有所溺
一切斷棄亦有何難但一切斷棄則非道矣知道
之士自不溺於此耳初未嘗斷棄之也故曰素富

貴行乎富貴賤行乎貧賤素夷狄行乎夷狄
素患難行乎患難君子無入而不自得焉所謂自
得者得其道也夫子曰富與貴是人之所欲也不
以其道得之不處也然則以其道而得之焉君子
處之矣易曰君子居則遷而動則靜曰非其道
則一簞食不可受於人如其道則舜受堯之天下
不以爲泰夫君子亦惟其道而已矣所謂居天下
之廣居立天下之正位行天下之大道得志與民
由之不得志獨行其道富貴不能淫貧賤不能移
威武不能屈非虛言也學者所造縱未及此苟志
於道則當與俗趣然越矣志卿一立即無二事此
首重則彼輕其勢然也作意立說以排遣外物
者吾知其非其志於道義者矣所欲有甚於生所
惡有甚於死死生大矣而不足以易此况富貴乎
富貴之足慕不足慕豈足多較於學者之前哉
壽夭貧富貴賤皆不足多爲學者道古之聖賢如關
龍逢之誅王子比干之剖心顏閔之夭疾孔孟之
厄窮至今煌煌在宇宙間庸何傷哉
道之將行也歟命也道之將廢也歟命也公伯寮其
如命何吾之不遇魯侯天也臧氏之子焉能使

不遇哉聖賢之知命如此今之知命者幸其知
賤富貴之有定數也而無爲小人以害其心斯可
矣雖然吾所謂心天之所與我者也彼其險詖頗
側悉精畢力以遂其私而不肯以入堯舜之道宜
亦天之所與我者乎
人家之興替在義理不在富貴假令貴爲公相富等
崇愷而人無義理正爲家替若簞食瓢飲肘見纓
絕而人有義理正爲家興
此理寒宇宙誰能逃之順之則吉逆之則凶其蒙蔽
則爲昏愚通徹則爲明智昏愚者不見是理故多
逆以致凶明智者見是理故能順以致吉
爲善爲公心之正也爲惡爲私心之邪也爲善爲公
則有和協輯睦之風是之謂福爲惡爲私則有爭
爭凌犯之風是之謂禍
按山兄謂太極圖說與通書不類疑非周子所爲不
然則或是其學未成時所作不然則或是傳他人
之文後人不辨也蓋通書理性命章言中焉止矣
二氣五行化生萬物五殊二實二本則一曰一曰
中即太極也未嘗於其上加無極字動靜章言五
行陰陽陰陽太極亦無無極之文假令太極圖

是其所傳或其少時所作則作通書時不言無極
蓋已知其說之非矣此言殆未可忽也

易大傳曰易有太極聖人言有今乃言無何也

作大傳時不言無極洪範五皇極列在九疇之中不
言無極

若懼學者泥於形氣而中釋之則宜如詩言上天之

載而於下贊之曰無聲無臭可也豈宜以無極字

加於太極之上朱子發謂濂溪得太極圖於穆伯

長伯長之傳出於陳希夷其必有考希夷之學老

氏之學也無極二字出於老子知其雄章吾聖人

之書所無有也老子首章無名天地之始有名萬

物之母而卒同之此老氏之宗旨也無極而太極

即是此旨老氏學之不正見理不明所蔽在此

太極圖書以無極二字冠首而通書終篇未嘗一及

無極字二程言論文字至多亦未嘗一及無極字

假令其初實有是圖觀其後來未嘗一及無極字

可見其道之進而不自以為是也

若謂欲言其無方所無形狀則前書固言宜如詩言

上天之載而於其下贊之曰無聲無臭可也豈宜

以無極字加於太極之上繁辭言神無方矣豈可

言無神言易無體矣豈可言無易老氏以無為天

地之始以有為萬物之母以常無觀妙以常有觀

微直將無字搭在上面正是老氏之學豈可詳也

惟其所蔽在此故其流為任術數為無忌憚此理

乃宇宙之所固有豈可言無若以為無則君不君

臣不臣父不父子不子矣

莫曰無極而太極一句終是未粹蓋惟聖人之

言自然無病賢者之言則亦或有有病者若因

其賢而附會之以為是則恐濫學者之惑而亦

非賢者所望於後學相與講明窮究之心也觀

象山嘗謂學者至本朝而始感自周茂叔發之

則象山之於周子固尊崇其學矣至於無極二

字則深論其有病以為周子後來未嘗一及無

極字見其道之進而不自以為是噫象山可謂

大公之論矣蓋竊推之其或周子後來已知其

前說之病其心欲刪之而未及以歿耶又或初

本已傳于世而後來已經刪去之本未獲傳耶

是皆未可知也敢以是補象山未發之旨

讀介甫書見其凡事歸之法度此是介甫敗壞天下

處堯舜三代雖有法度亦何嘗專恃此又不知

馬青苗等法果合堯舜三代否當時謂介甫者無一人就介甫法度中言其失但云祖宗之法不可變夫堯之法舜嘗變之舜之法禹嘗變之祖宗法自有當變者使其所變果善何嫌於同惜乎無以此關之但云祖宗法不可變介甫如何便伏或言介甫不當言利夫周官一書理財者居半冢宰制國用理財正辭古人何嘗不理會利但恐三司等事非古人所謂利耳不論此而以言利過之彼豈無辭所以卒至於無奈他何處又云介甫慕堯舜二代之名不曾踏得實處故所成就王不成霸不就本原皆因不能格物摸索形似便以為堯舜三代如此而已所以學者先要窮理

學所以開人之蔽而致其知學而不知其方則反以滋其蔽諸子百家往往以仁義道德為說然而卒為異端而畔於皇極者以其不能無蔽焉耳

明德在我何必他求方士禪伯真為大祟無世俗之陷溺無二崇之迷惑所謂無偏無黨王道蕩蕩浩然宇宙之間其樂哉可量也

釋氏立教本欲脫離生死惟主於成其私耳此其病根也且如世界如此忽忽生一箇謂之禪已自

無風起浪平地起土堆了

近日學者無師法往往被邪說所惑異端惑人自吾儒敗績故能入作在唐虞之時道在天下愚夫愚婦亦皆有渾厚氣象是時便使活潑潑老子莊列出來也開口不得性隨儒不能行道如人家子孫敗壞父祖家風故釋老却倒來點檢你如莊子云以智治國國之賊惟是陋儒不能行所無事故誤他如此說若知者行其所無事如何是國之賊今之改異端者但以其名攻之初不知自家自被他點檢在他下面如何他服你須是先理會了我底是得有以使之服方可

諸子百家說得世人之病好只是他立處未是佛老亦然

定夫衆禪說正人說邪說邪說亦是正邪人說正說正說亦是邪先生曰此邪說也正則皆正邪則皆邪正人豈有邪說邪人豈有正說此儒釋之分也有中說無無中說有之類非儒說

我說一貫彼亦說一貫只是不然天秩天敘天命天討皆是實理彼豈有此

佛老高一世人只是道箇下是

老衰而後佛入

孟子沒吾道不得其傳而老氏之學始於周末盛於漢迨晉而衰矣老氏衰而佛氏之學出焉佛氏始於梁達磨盛於唐至今而衰矣有大賢者出吾道其興矣夫

釋氏謂此一物非他物故也然與吾儒不同吾儒無不該備無不備攝釋氏了此一身皆無餘事公私義利於此而分矣

有人問吾異端者吾對曰子先理會得同底一端則凡異此者皆異端

佛學論衡卷之十七

象山

四十七

其常以義利二字判儒釋試使釋氏之聖賢而繩以

春秋之法童子知其不免矣

道之不明不行佛老之徒遍天下其說皆足以動人

士大夫鮮不溺焉

儒者惟義惟公故經世釋氏惟利惟私故出世儒者

雖至於無聲無臭無方無體皆主於經世釋氏雖

盡未來際普度之皆主於出世從其教之所由起

者觀之則儒釋之辨公私義利之別判然截然有

不可同者矣

儒為大中釋為大偏以釋與其他百家論則百家為

不及釋為過之原其始要其終則私與利而已又

曰今若徒自形迹詞語間辨之乃彼所謂職業要

其為不守正道無復有毫髮之近是者矣

吾儒知道乃天下之常道豈是別有妙道謂之典常

謂之彝倫蓋天下之所共由斯民之所日用此道

一而已矣

儒者以人生天地間靈於萬物貴於萬物與天地金

而為三極天有天道地有地道人有入道人而不

盡人道不足與天地金人有五官官有其事於是

有是非得失於是有學有教其教之所從立者如

大學論語孟子

象山

四十八

此

右一百九十二條

書象山先生語後

天之生斯人也賦之以形氣之正予之以性

命之全而妙之以虛靈之心故人之為學所

以復其性踐其形者亦惟求之心焉而已矣

舍是心而不求則性不可得而復形不可得

而踐天之與我者皆失之矣此心學之所以

為大也舜之言曰人心惟危道心惟微惟精

惟一允執厥中實開萬世之心學孔子於

人告以克己復禮告以見賓承祭告以居處恭執事敬與人忠告以言忠信行篤敬雖未嘗揭心言之實則求諸心之實學也孟子得孔子之傳發明其學故一則曰良心一則曰本心使人悟其所固有的一則曰存心一則曰養心使人反己以求故曰孟子之論心視性善養氣之論其功尤大蓋但言性而不言心則不知操存之要而無以盡復性之功但言氣而不言心則不知擴充之本而無以致養氣之實其有功於聖門有功於萬世不在茲乎孟子既沒而心學之傳遂泯逮乎周程張朱之相承雖未專言乎心然主靜無欲之旨居敬存誠之旨惟肖無忝之旨立本踐實之旨亦無非心學也惟陸子不假師承直宗孟子復揭心而言之發明本心之學殆已竭盡而無復餘蘊其有功於孟子不亦大乎故其言曰吾之學得之孟子又曰孟子之道至是而一明其所以自任者不容掩矣莫生先生之鄉景仰其學雖去之數百載而思慕之切每若親見乎青田象山之間誦其

夕弗數復擬取其言之精粹者輯為一編終身服膺庶幾無負于先生之教聞又釐其鄙陋列于條下則固將以明乎先生之教之至真有窮萬古而不可磨俟千聖而無所易者若曰有功乎先生則吾豈敢嘉靖甲午八月朔日黃謹書

大儒心學語錄卷之十八

後學金穀王尊韓

南軒張先生語

人之性善然自非上智生知之資其氣稟不容無所偏學也者所以化其偏而若其善也氣稟之偏其始甚微惟夫習而不察日以滋長非用力之深末由返也

古人所以從事於學者其果何所爲而然哉天之生斯人也則有常性人之立于天地之間也則有常事在身有一身之事在家有一家之事在國有一

大儒心學語錄卷之十八

南軒

國之事其事也非人之所能爲也性之所有也弗勝其事則爲弗有其性弗有其性則爲弗克若天矣克保其性而不悖其事所以順乎天也然則舍講學其能之哉凡天下之事皆人之所當爲君臣父子兄弟夫婦朋友之際人事之大者也以至於視聽言動周旋食息至纖至悉何莫非事者一事之不貫則天性以之陷溺也然則講學其可不汲汲乎學所以明萬事而奉天職也雖然事有其理而著於吾心也者萬事之宗也惟人放其良心故事失其統紀學也者所以收其放而存其良也

夏葛而冬裘飢食而渴飲理之所固有而事之所當然者凡吾於萬事皆見其若是也而後爲當其可學者求乎此而已嘗竊怪今世之學者其所從事往往異乎是鼓篋入學抑亦思吾所謂學者果何事乎聖人之立教者果何在乎而朝延建學群聚而教養者又果何爲乎嗟夫此獨未之思而已矣使其知所思則必竦然動于中而其朝夕所接君臣父子兄弟夫婦朋友之際視聽言動之間必有不得而遁者庶乎可以知入德之門矣

大儒心學語錄卷之十八

南軒

循循善誘始學者聞之即有用力之地而至于成德亦不外是今欲求所持循而施吾弗措之功其可不深考之於夫子之遺經乎試舉一端而論夫子之言曰弟子入則孝出則弟謹而信汎愛衆而親仁行有餘力則以學文嗟乎是數言者視之若易而爲之甚難驗之不遠而測之愈深聖人之言化工也學者如果有志盡亦於所謂入孝出弟所謂謹而信所謂汎愛衆親仁者學之而弗措乎學然後知不足其間精微曲折未易盡也其亦問之而弗措乎思之未至終下爲己物盡亦思之而弗措

乎思之而有疑蓋亦辨之而非措乎思而得辨而
明之蓋行之而非措乎是五者蓋同體以相成相
資而互相發也真積力久所見益深所履益固而
所以弗措者蓋有不可以已高明博厚端可馴而
至矣噫學不可躐等也譬如燕人適越其道里之
所從城郭之所經山川之阻脩風雨之晦冥必一
一實履焉中道無盡然後越可幾也若坐環堵之
室而望越之渺茫車不發轍而欲乘雲駕風以遂
抵越有是理哉且夫為孝必自冬溫夏清昏定晨
省始為弟必自徐行後長者始故善言學者必以

灑掃應對進退為先焉惟夫弗措之為貴也

學必有序故自灑掃應對進退而往皆序也由近以
及遠自粗以至精學之方也如適千里者第少步
踏實亦須循序而進今欲闊步一蹴而至有是理
哉自欺自誤而已

近日學者論仁字多只是要見得仁字意思縱使通
真亦終非實得看論語中聖人所言只欲人下工
夫非高自下陟遐自邇循序精習自有所至存養
省察固當並進存養是本工夫固不越於敬敬則
在主一此非用力者方知其難

謂學不可以不精也毫釐之差則其弊有不可勝言
者故大專於考察則有違本弱心之患而窮於高
遠則有躐等憑虛之憂二者皆其弊也考聖人之
教固不越乎致知力行之大端患在人不知所用
力耳莫非致知也日用之間事之所遇物之所觸
思之所起以至於讀書考古苟知所用力則莫非
吾格物之妙也其為力行也豈但見於孝弟忠信
之所發形於事而後為行乎自息養瞬存以至於
三千三百之間皆合內外之實也行之力則知愈
進知之深則行愈達

如今一輩學者往往希慕高遠畢竟終無所得要之

仁之實事如是也教之實從兄是也當於事親從
兄之際踐履中體察之此最親切若升而必自下
若陟遐必自邇須是下學而上達雖灑掃應對其
中自有妙理至如經禮三百威儀三千在吾儒為
之雖若遲緩然為之不已雖至聖人可也

責己須要備人有片善皆當取之古人之學只是為
己責己而取人不惟養己之德亦與人為善也
持敬乃是切要工夫然要將箇敬來治心則不可
主一之所謂敬是敬此也

將一物治一物非惟無益而反有害乃孟子所謂
必有事焉而正之卒爲助長之病

誠者天之道敬者人事之本敬道之成則誠而天矣
然則君子之學始終乎敬者也人之有是心也其
知素具也意亂而欲汨之紛擾泉元不得湏臾以
寧而正理益以蔽塞萬事失其統矣於此有道焉
其惟敬而已乎伊川先生曰主一之謂敬又曰無
適之謂一夫所謂一者豈有可玩而執者哉無適
乃一也蓋不越乎此而已嘗試於平居暇日深體
其所謂無適者則庶乎可識於言意之表矣故嚴

若思雖非敬之道而於此可以體敬焉即是而存
之由是而察之則事事物物不得適焉涵養不舍
思慮將日以清明而其知不蔽矣知不蔽則敬之
意味無窮而功用日新矣天地之心其在茲歟學
者舍是而求入聖賢之門難矣甚至於所進有淺
深則存乎其人用力敏勇與緩急之不同耳

答潘叔昌曰所論收斂則失於拘迫從容則失於悠
緩此學者之通患於是二者之間必有事焉其惟
敬乎拘迫則非敬也悠緩則非敬也但常常存乎
此本原深厚則發見必多而發見之際察之亦必

精矣又曰所謂思慮時擾之患此最是合理會處
其要莫若主一如所謂未應事時此事先在既應
之後此事尚存正緣主一工夫未到之故

或言省克二字不可廢曰然終省了便克既克了又
省當如循環然

致知力行互相發也然知常在先博學審問慎思明
辨皆致知之道學者要當據所知使體而行之由
粗而至精由著而至微也

答吳晦叔曰所謂知之在先此固不可易之論但只
一箇知字用處不同蓋有輕重也如云知有是事

則用得輕匹夫匹婦可以與知之類是也如說知
底事則用得重知至至之之知是也在未識大體
者且當據所與知者爲之則漸有進步處工夫若
到則知至知至矣當至之知終矣當終之則工夫
愈有所施而無窮矣所示有云譬如行路須識路
頭誠是也然要識路頭親去路口尋求方得若只
端坐于室想像跋而曰吾識之矣則無是理也元
晦所論知字乃是謂知至之知要知此非躬行實
踐則莫由至但所謂躬行實踐者先須隨所見端
確爲之此謂之知常在先則可也

知有精粗行有淺深然知常在先固有知之而不能行者矣未有不知而能行者也所謂知及之仁不能守之是知而不能行者也所謂知之者不如好之者好之者不如樂之者是不知則無由能好而樂也且以考於親一事論之自其粗者知有冬溫夏清昏定晨省則當行溫清定省行之而又知其有進於此者則又從而行之知之進則行愈有所施行之力則知愈有所進以至於聖人人倫之至其等級固遠其曲折固多然亦必由是而循循可至焉耳蓋致知力行此兩者工夫互相發也尋常與朋友講論欲其據所知者而行之行而思之庶幾所踐之實而思慮之開明不然貪高慕遠莫能有之果何為哉然有所謂知之至者則其行自不能已然須致知力行工夫至到而後及此如顏子是也彼所謂欲罷不能者知之至而自不能以已也若學者以想像臆度或一知半解為知道而曰知之則無不能行是妄而已曾哲詠歸之語亦可謂見道體矣而孟子猶以其行不掩為狂而況下此者哉

問呂伯恭說近日士人只務聞見不務踐履須是

踐履上做工夫曰此言雖好只是少精神須是致知力行互相發明始得若不致知將人欲做天理亦不可知矣知所謂私而去之須是知而後能行行而後有所知互相發明方可

問聖門當學誰曰學顏子為有準的顏子為人聖人教之不過博文約禮博文所謂致知也約禮所謂力行也又問何上一節如何曰只恐不能致知力行耳果能致知力行久而不息當自知之譬如登山只說得從此處去至此山上則在人努力耳如真箇到山上則許多景致自見得不待先說也

致知力行要須自近步踏實地乃有所進不然貪慕

高遠終恐無益

學貴力行然所謂力行者然有事聖門教人循循有序始終條理一毫潦草不得工夫蓋無窮也

學者若能務實便有所得或問務實之說曰於踐履中求之仁之實事親是也義之實從兄是也日用

克己之偏之難當用大壯之力然而力貴於壯而工夫貴於密若工夫不密雖勝於暫而終不能持於久而銷其端觀諸顏子沉潛積習之功為何如

夫貴於密若工夫不密雖勝於暫而終不能持於久而銷其端觀諸顏子沉潛積習之功為何如

有不善未嘗不知知之未嘗復行非工夫篤至久且熟也其能若是乎

著是去非改過遷善此經語也非不去安能著是過不改安能遷善不知其非安能去非不知其過安能改過自謂知非而不能去非是不知非也自謂知過而不能改過是不知過也真知非則無不能去真知過則無不能改人之患在不知其非不知其過而已所貴乎學者在其致其知改過也

義之所在君子蹈之如飢之必食渴之必飲不可改也若一毫私意亂之則顧藉牽滯而卒失其正矣

六和堂語錄卷之八

南軒

九

人欲橫流強止過之未有不奔潰湍決者此餘治水也水之性無有不下禹能順而治之行其所無事也自然平治人之良心豈無發見之時引而伸之涵養而擴充之天理明人欲自消伊川所謂明得一分天理滅却一分人欲

有物必有則此天也若非其則則是人爲亂之妄而已矣

道二義與利而已矣義者亘古今天下之正遠而利者犯荆棘入險阻之私徑也人之秉彝固有然正遠之可遵而乃不由之而反犯荆棘冒

飢寒終身而不悔獨何歟血氣之動於欲也

勸懲以至於爵祿之可慕則進以求達知名之可利則銳於求名不寧惟是凡一日夕之間起居飲食遇事接物苟私已自便之事意之所向無不超之則天理滅而人道或幾乎息矣其習次營營豈得須臾寧處於斯世亦僥倖以苟免耳徒知有六尺血氣之軀而不知其體元與天地相周流也豈不可惜乎雖然義內也本其良心之不可以自己者反而求之夫豈遠哉

六和堂語錄卷之八

南軒

十

學者潛心孔孟必得其門而入愚以爲莫先於義利之辨蓋聖學無所爲而然也無所爲而然者命之所以不已性之所以不偏而教之所以無窮也凡有所爲而然者皆人欲之私而非天理之所存此義利之分也自未嘗省察者言之終日之間鮮不爲利矣非特名位貨殖而後爲利也斯須之頃意之所向一涉於有所爲雖有淺深之不同而其徇己自私則一而已如孟子所謂納交要譽聽其聲之類是也是心日滋則善端遏塞欲適聖賢之門牆以求自得豈非却行以望及前人乎使談高說妙不過渺茫臆度譬猶無根之木無本之水其何

益乎學者當立志以為先持敬以為本而精察於動靜之間毫釐之差審其為霄壤之判則有以用吾力矣學然後知不足平時未覺吾利欲之多也灼然有見於義理之辨將日救過不暇由是而不舍趣益深理益明而不可已也孔子曰古之學者為己今之學者為人為人者無適而非利為己者無適而非義嗟乎義利之辨大矣豈特學者治己之所當先施之天下國家一也王者所以建立邦本垂裕無疆以義故也而伯者所以陷溺人心貽毒後世以利故也孟子當戰國橫流之時發揮天

理遏止人欲深切著明撥亂反正之大綱也

人之所以不正大者果何由哉有所偏黨則不正矣有所係吝則不大矣是二者皆私也纖毫之萌則正大之體亡矣是當涵泳乎義理之中恭敬乎動靜之際察夫偏黨係吝而克去之則所謂正大者蓋可存其體而得其用矣

正對最是直言蓋士人初見君父此是第一步此時可欺則無往而非欺須是立得脚教是

二程先生所以教學者不越於居敬窮理二事蓋居敬有力則其所窮者愈精窮理浸明則其所居者愈

益有地二者實互相發也

謂學者曰謹飭則有餘且放教曾櫟閑閑又曰不要強自閑閑只涵泳義理便自然閑閑去

天地位而人生乎其中其所以為人之道者以其有父子之親長幼之序夫婦之別而又有君臣之義朋友之交也是五者天之所命而非人之所能為有是性則具是道初不為聖愚而加損也聖人能盡其性故為人倫之至衆人則有所蔽奪而淪失之耳然聖人有教焉所以化其欲而反其初也舜之命契曰敬敷五教在寬寬云者漸濡涵養之使

其所固有者自發也而皋陶亦曰天叙有典敎我

五典五惇哉敎云者所以正其綱而惇云者所以厚其性也降及三代庠序之敎尤詳故孟子曰學則三代共之皆所以明人倫也明云者講明之而使

之識其性之所以然也然則人之所以為聖賢與夫聖賢之敎人舍是五者其何以哉

要須動以見靜之所存靜以涵動之所本動靜相須體用不離而後為無滲漏也

已私既克則廓然大公與天地萬物血脉貫通敬有淺深

聖門之學貴於履踐隱微之際無非真實

聖人之心初無二致揖遜征伐時焉而已

君子之脩身謹於言語容貌之間乃所以體當在已

之實事是求仁之要也

鬼神之說合而言之來而不測謂之神往而不返謂

之鬼分而言之天地山川風雷之屬凡氣之可接

者皆云神祖考祠饗於廟曰鬼就人物而言之聚

而生為神散而死為鬼又就一身而言之魂氣為

神體魄為鬼凡六經所稱蓋不越是數端然一言

以蔽之莫非造化之迹而語其德則誠而已昔者

李路蓋嘗問事鬼神之說矣夫子之所以告之者

將使之致知力行而自得之故示其理而不詳語

也至於後世異說熾行譎張為幻莫可致詰流俗

眩於恠誕怵於恐懼胥靡而從之聖學不明雖聖

儒衣冠號為英才敏識亦往往習熟崇尚而不以

為異至於其說之窮則曰焉知天地間無有是事

委諸茫昧而已耳信夫事之妄而不察大理之直

於是鬼神之說淪於空虛而所為交於幽明者皆

失其理禮壞而樂廢人心不正浮偽日滋其間所

謂因其說而為善者亦莫非私利之流亂德害教

孰此為甚故河南二程子黜張子與學者反

諸論而不置夫豈好辯哉蓋有所不得已也若

程子發明感通之妙張子推極聚散之蘊所以示

來世深矣學者誠能致知以窮其理則不為衆說

所昧克己以去其私則不為血氣所動於其有無

是非之故毫分縷析了然於中各有攸當而不亂

然後昔人事鬼神之精意可得而求德可立而經

可正也不然辨之不明守之不因眩於外而休於

內一理之蔽則為一事之礙一念之差則為一物

之誘聞見雖多亦鮮不為異說所溺矣

太極動而二氣形二氣形而萬物化生人與物俱本

乎此者也原物之始亦豈有不善者哉其善者天

地之性也而孟子道性善獨歸之人者何哉蓋人

稟二氣之正而物則其稟氣也人之性善非被命

受生之後而其性旋有是善也性本善而人稟夫

氣之正初不隔其全然者耳若物則為氣所昏而

不能以自通也惟人全夫天地之性故有所主宰

而為人之心所以異乎庶物者獨在於此也

學者須是變化氣質或偏於剛或偏於柔必反之

禽獸是其氣質之偏不能反也人若不知自

去本性日以遠矣若變化得過來只是本性所有
初未嘗增添故言性者須分別出氣質之性

孟子之論才與退之上中下三品之說不同退之所

分三品只是據氣稟而言耳孟子論才曰非天之

降才爾殊也又曰若夫為不善非才之罪也蓋善

者性也人之可以為善者才也皆自不殊

道者天命之全體流行無間貫乎古今通乎萬物者

也衆人自昧之而是理也何嘗有間斷聖人盡之

而亦非有所增益也未應不是已應不是後立

則俱立達則俱達蓋公天下之理非有我之得私

此仁之道所以為大而命之理所以為微也

當其可即是道蓋事物物之間道無往而不存故

無適而不為中也

凡一飲食一起居之間莫不有其道焉賢者隨時而

循理在聖人則如影之隨形道固不離乎聖人也

問心無內外心而有內外是私心也非天理也故受

吾親而人之親亦所當愛教吾長而人之長亦所

當教今吾有親則愛焉而人之親不愛有長則教

焉而人之長不教是心有兩也是二本也且天之

生物使之一本而二本可乎曰此緊要處不可不

釐蓋蓋愛敬之心由一本而施有差等此仁義之

道所以未嘗相離也易所謂稱物平施稱物之輕

重而吾施無不平焉此吾儒所謂理一而分殊也

人之性仁義禮智四德具焉其愛之理則仁也宜之

理則義也讓之理則禮也知之理則智也是四者

雖未形見而其理固根於此則體實具於此矣性

之中只有是四者萬善皆管乎是焉而所謂愛之

理者是乃天地生物之心而其所由生者也故仁

為四德之長而又可以兼包焉惟性之中有是四

者故其發見於情則為惻隱羞惡是非辭讓之端

而所謂惻隱者亦未嘗不貫通焉此性情之所以

為體用而心之道則主乎性情者也人惟已私蔽

之以失其性之理而為不仁甚至於為忮為害

人之性也執其陷溺者深矣是以為仁莫要乎克

己己私既克則廓然大公而其愛之理素具於性

者無所蔽矣愛之理無所蔽則與天地萬物血

通貫而其用亦無不周矣故指愛以名仁則迷其

體而愛之理則仁也指公以為仁則失其貞而公

者人之所以能仁也夫靜而仁義禮智之體具焉

而惻隱羞惡辭讓是非之端達其名義位罔不

容相奪倫然而惟仁者為能推之而得其宜是義之所存者也惟仁者為能恭讓而有節文是禮之所存者也惟仁者為能知覺而不昧是智之所存者也此可見其無能而貫通者矣是以孟子於仁統言之曰仁人心也亦猶在易乾坤四德而統言乾元坤元也

盡於己為忠形於物為信要之形於物者即其盡於己者也

忠體也恕用也體立而用未嘗不存其中用之所形體亦無乎不具也

體亦無乎不具也

金溪學語卷之十八

南軒

七

顏子之所至亞於聖人孔門高第莫得而莊焉及考魯論師友之所稱有曰不遷怒不貳過而已有曰以能問於不能以多問於寡有若無實若虛犯而不校而已自學者觀之疑若近而易識然而顏子之所以為善學聖人者實在乎此則聖門之學其大畧亦可見矣

去古益遠儒學陵夷濂溪先生起於遠方乃超然有所自得於其心本乎易之太極中庸之誠以極乎天地萬物之變化其教人使之志伊尹之志學顏子之學推之於治先王之禮樂刑政可舉而行

指諸掌於是河南二程先生兄弟從而得其說推明究極之廣大精微殆無餘蘊學可以至於聖治不可以不本於學而道德性命初不外乎日用之實而詖淫邪遁之說皆無以自隱其形可謂盛矣然則先生發端之功顧不大哉

禹之為聖本由學而成皆其工夫至到者也為人主者當端其一心勿以小功淺利自惑其聰明則臣下是非之言可以坐照而挾功利之說者亦無隙之可乘矣

王道如精余美玉豈容雜也雜之則是亦伯而已矣

大德學語卷之十八

南軒

十八

王者之政其心本乎天理建立人紀施於萬事仁立義行而無偏弊不舉之處此古人之所以制治保邦而垂裕乎無疆者後世未嘗真知王道顧曰儒生之說迂闊而難行蓋亦未之思矣

人臣之立朝徇義而已利害所不當顧也功業之成不必漸出於吾身也義理之行則國家可存矣使人臣當變故之際畏死貪生不知徇義而曰吾欲用權以濟事于後此則國家何所賴焉亂臣賊子所以接踵於後世也

有天地則有三綱中國之所以異於夷狄人類之所

以別於庶物者以是故耳若汨於利害之中而亡乎天理之正則雖有天下不能一朝居

爲國有大幾大幾一失則其弊隨起而不可禁所謂大幾三綱之所存是也

昔人之事業皆非有所爲而爲之事理至前因而有成之耳若懷希慕求必之心則其私欲而已苟可以就異日之事則凡背親賊性皆可以屑爲此三綱之所由壞而弊之所由生也故伯夷叔齊不受其國夫子以爲求仁而得仁商之三臣微子不得不去箕子不得不爲奴比干不得不死皆素其位而行也

立大事者非誠與才合不足以濟

入主尤不可孤立堯舜明四目達四聰通天下爲一身若紂則爲獨夫矣

入主不可以蒼蒼者便爲天當求諸視聽言動之間

一念總是便是上帝鑒觀上帝臨汝簡在帝心一念終不是便是上帝震怒

治常生於敬而亂常起於驕肆使爲國者而每念乎稼穡之勞而其后妃又不忘乎織紉之事則心不存焉寡矣何者其必嚴恭朝夕而不敢怠也其必

懷保小民而不敢康也其必思天下之飢寒若己飢寒之也是心常存則驕矜放肆何自而生豈不治之所由興也歟

惟民之生其典有五君臣父子兄弟夫婦朋友是也而其德有四仁義禮知是也人能充其德之所固有以率夫典之所當然則必無力不足之患惟人之不能是也故聖人使之學焉自唐虞以來固莫不以是教矣于至三代之世立教人之所設官以董蒞之而其法益加詳焉然其所以爲教則一道耳故曰學則三代共之皆所以明人倫也嗟夫人倫之在天下不可一日廢廢則國隨之然則有國者之於學其可一日而忽哉

爲政須是先平其心不平其心雖好事亦錯如抑強扶弱豈不是好事往往只這裏便錯須是如明鏡然妍者自妍醜者自醜何預我事若是先以其人爲醜則相次見此人無往而非醜矣

若曾中着一寬字寬必有弊着一猛字猛必有弊吾徒處事當如持衡高者下之低者平之若聖人之秤則常平矣

學者要須先明王伯之辨而後可論治體王伯之辨

莫明於孟子大抵王者之政皆無所為而為之伯
者則莫非有為而然也無所為者天理義之公也
有所為者人欲利之私也考左氏所載齊桓晉文
之事其間豈無可喜者要莫非有所為而然考其
迹而心術之所存固不可掩也

畢公以四朝元老方且克勤小物若在吾人則合當
如此也古人未嘗不謙至周公方說謙蓋周公以
天子之叔父而又為宰相猶且自處以謙在吾人
亦合當為者也

抵於世間無所愛慕亦無所享用惟有報君愛民之
事在所當為耳

人之性不能不感物而動感物而動固性之常然而

善惡自此分萬事自此出矣五性感動動而心不
宰則情流而不知止性以陷溺矣所以為惡也譬
之水發而無泥滓之雜則固水之本然者泥滓或
參焉則汨之矣雖汨之而水之本然者自在也故
貴於澄之以復其初而已人雖流於惡其本然者
亦豈遂亡乎此聖人所以有教也

體用一源內外一致

復卦義贊曰天地之心其體則微于物之端斯以見

之其端伊何維以生生羣物是資而以日亨其在
於人純是惻隱動匪以斯則非天命曰義禮智信
雖不同揆厥所基脉絡該通曷其保之日乾夕陽
斯須不存生道或息養而無害敬立義集是為復
亨出入無疾

主一歲曰人稟天性其生也直克慎厥彛則靡有
事物之感紛綸朝夕動而無節生道或息惟學有
要持敬勿失驂厥操舍乃知出入曷為其敬妙在
主一曷為其一惟以無適居無越思事靡他及涇
泳于中匪忘匪亟斯須造次是保是積既久而精

乃會于極勉哉勿倦聖賢可則

克齋銘曰惟人之生父乾母坤允受其中天命則存
血氣之萌物欲斯誘日削月蝕噫鮮能久越其云
為匪我之自營營四馳擾擾萬事聖有誤訓克已
是宜其克伊何本乎致知其致伊何格物是期動
靜以察晨夕以思良知固有匪絲事物卓然獨見
我心皦日物格知至萬理何窮請事克己日新其
功莫險於人欲我其平之莫危於人心我其安之
我視我聽勿蔽勿流我言我動是出是由涇渭泳
游不競不綈允罔惑則靡息厥備達大此克曰人

而天悠久無疆匪然而然為仁之功於斯其至我
稽古人其性類氏於穆聖學具有始終循循不
與天同功請先致知以事克己仁遠乎執勉施吾
子

敬齋銘曰天生斯人良心則存聖愚曷異敬肆是分
事有萬變統乎心君一類其細泯焉然禁自昔先
民脩己以敬克持其身順保常性敬匪有加惟主
乎是履薄臨深不昧厥理事至理形其應若響而
實卓然不與俱往動靜不違體用無惑惟敬之功
協乎天德嗟爾君子敬之敬之用力之久其惟自

知勿憚其艱而或迫遑亦勿迫切而以不常毋忽

事物必精吾思察其所發以會于微忿欲之萌則

杜其源有過斯改見善則遷是則天命不過于躬

魚躍鸞飛仁在其中於焉有得學則不窮知至而

至知終而終嗟爾君子勉哉敬止成已成物匪曰

二致任重道遠其端伊邇毫釐有差繆則千里惟

建安公自力古義我作銘詩以諗同志

主一齋銘曰人之心一何危紛百慮走千岐惟君子

克自持正衣冠攝威儀澹以整儼若思主于一復

何之事物來審其幾應以專匪可移理在我寧彼

隨積之久昭厥微靜不偏動靡違嗟勉哉自勉
惟勿替日在茲

敦復齋銘曰惟聖作易研幾極深惟卦有復於昭天
心六爻之義各隨所乘其在於五敦復是明其敦
如何篤志允蹈順保其中而以自考我觀爻義厥
有戒辭君子體之敬戒是資人欲易萌天理難存
毫釐之間消長所分凡百君子奈何不敬祗于夙
宵以若天命惟積惟久匪俟乎外敢曰無悔庶幾
寡悔

右七十六條

大儒集語錄卷之十八

南軒

二十四

大儒心學語錄卷之十九

後學金谿王其輯

東萊呂先生語

問教小兒以何為先曰先教以恭謹不輕忽不驕等
讀書乃餘事今之有資質者父兄便教以科舉之
文不容不驕等皆緣父兄無識見至有以得一科
便為成材者

為人立基址須是堅實既堅實須是就充擴所謂仁
不可以不弘毅

培養克治殊不可緩私意之根若尚有恥忽未去異

東萊

東萊

日遇事接物助發滋養便張皇不可剪截其害非
特一身也使公着實省察令毫髮不留乃善

賢士大夫蓋有學甚正識甚明而其道終不能乎格
遠近者只為實地欠工夫耳

夫道非窮天以為高非極地以為深人之所性之中

固有之矣其體則純而不雜其用則施之無方

事有當死不死其詬有甚於死者後亦未必免死當

去不去其禍有甚於去者後亦未必得安世人至

此多惑亂失常皆不知義命輕重之分也此理非

平居熟講臨事必不能自立不可不預思古之

委質事人其父兄日夜先以此教之矣中材以下
豈臨一朝一夕所能至哉教之有素其心支焉所
謂有所養也

自古進言於君者必以責難為恭蓋宴安之適聲色
之娛樂麗之玩敗游之佚實為治之大蠹其樂難
於其惑難移忠臣義士乃冒萬死而欲奪其君之
所嗜此自古及今所謂之責難也

學者須是專心致志絕利一源凝聚停蓄方始收拾
得上

善端初發且要涵養惡念初生便須剪除

東萊

東萊

忠信所以進德也有根則苗自長

學聚問辨而又曰寬以居之何也蓋到此地位正須

涵養此理迫則失之矣

天下惟有一理

聖人與天無間

若胃中有容着善處善自然積胃中無容着惡處惡

自然不積

大抵惡念惡事最不可順他譬如忿怒若順將去必

至於殺人飲酒若順將去必至於沈湎

尋常人欲舍晦者多只去勸治驕吝陰匿名迹然

鋤愈生愈匿愈露者蓋不曾去根本上理會自
知未光大胃中淺狹終有一功一善便無安着處
雖強欲抑遏終制不住譬如瓶小水多雖抑遏固
閉終必泛溢若瓶大則水自不泛溢都不須閉費
力

心之所之只有善惡兩件於惡既不得勢不之於善
將何之乎

與天地相似故不違有毫髮不相似則已違矣

屯者物之始生也始生必屯理也善端初發困于傾

搖摧折而自盡者豈知此哉

大學章句卷之十九

東萊

三

仁人之事親如事天一毫不用其極則非事天之道
持養察識工夫正當並進

為學當真知所止

羣居以和肅為上若為學之志專則自無暇及他事

講論治道不當言主意難移但當思臣道未盡不當

言邪說難勝但當思正學未明

操存固所當用力處要須與體察之功並進乃善

切要工夫莫如就實添體力行乃知此兩字甚難而

有味也

近已嘗為子靜詳言之詳貫誦繹乃百代為學進法

學者緣此支離泛濫自是人病非是法病見此而
欲盡廢之正是因噎廢食然學者苟徒能言其非
而未能反已就實悠悠汨汨無所底止是又適所
以堅彼之自信也

大抵論致知則見不可偏論力行則進當有序並味
此兩言則無籠統零碎之病矣

大凡人資質各有利鈍規模各有大小此難以一律

齊要須所向者正

凡聖賢前輩學問操履我力雖

未能為而心向往之是謂所向者正所存者實如

已雖未免有過而不致文飾避藏又如虛觀戚朋

大學章句卷之十九

東萊

四

友間不敢不用情之類信其所當信謂以聖賢

言前輩教戒為必可信而以世俗苟且便私之論

為不可信耻其所當耻謂以問學操履不如前輩

為恥而不以官職不如人服飾資用不如人為耻

持身謙遜而不敢虛驕遇事審細而不敢容易如

此則雖所到或遠或近要是君子路上人也

學問以致知為本知不至則行必不力也

講實學者則在下移俗在上美政隨窮達皆有益正

當同致力也

知至至之知終終之階級歷然非一步可升一言可

呂與叔所謂嚴而不離寬而有閑此兩語殊有味
持養察識之功要當並進更當於事物物試驗學
力若有窒碍齟齬處即深求病源所在而鋤去之
如猶識路行猶進步

大抵胃次常令安平和豫則事至應之自皆中節心
廣體胖百疾俱除蓋養生養心同一法也

敬之一字固難形容古人所謂心莊則體舒心肅則
容敬此兩語當添體也

須令胃次開廓舒泰為佳

如事親從兄處家處衆此正學者事當日夕點檢以

求長進門路

處鄉間親戚間更須子細點檢此最親切工夫也
收斂凝聚乃是大節目至於察助長之病乃是節宣

之宜耳

大抵天下之事若能款曲停待終是少錯

知之在先然後行其所知以終之此自當剖判

自人言之則曰性自理言之則曰天道天人本無二

君子所信者此心也若顧後世之毀譽是有待於外
也

辭多於動踐履多於發用極養多於講說讀經多於
讀史工夫如此然後能可久可大

內植根本乃萬事之元若於內尚有可愧外雖舊業
振厲終亦無力

今既應事接物步步皆是體驗處若知其難而悉力
反求則日益精明若畏其難而日益偷惰則向來

意思悉冰銷瓦解矣習俗中易得汨沒須常以法
語格言時時洗滌然此猶是暫時排遣要須管下

存養克治體察工夫真知所止乃有可據依自進
進不能已也

士大夫學術須正一或不正操履皆和其為害不止
及其身殊可畏也士大夫孰不自以為正奈何其

始辨之不明講之不詳得其形迹執而不化遂有
終身之害只如教小兒自其發蒙時便須養之以

正曲禮言幼子常視毋誑亦此理

知其為小人便以小人待之則我先為小人矣

若看古人書用得處便是自家行處

教小兒當以正不可便使之情實日開

三代詩書多說天見得天人之際相近秦漢以下不
識此理

自古至說命方說學

儒者之道必始於親此非是人安排蓋天之生物使之一本天使之也譬如木根枝葉繁盛而所本者只是一根

着實工夫便是本領

無所歆羨而為善無所創艾而不為惡此天下之實德君子也

見利思義見危授命頂是當見時便思便授過後則無益

忠信所以進德忠信是朴實即是種子有此種則德

日大

乾聖人之事業坤賢人之事業坤是做工夫處

禹稷思天下飢溺由已飢溺孔子歷聘諸國以至詩人不倦自古聖人之於天下皆如此

顏子問仁孔子獨告之以克己復禮與告他人畧不同顏子欲知下手處便請問其目此顏子善問者

也孔子告之以非禮勿視非禮勿聽非禮勿言非

禮勿動惟勿字最要體認四者之中勿聽尤難非

是用功之深臨時禁止亦不得

版籍是天下大事不可不知

伊川曰人不可以不知道苟得聞道雖死可也歸美最完

詩既亡則人情不止於禮義天下無復公好惡春秋所以不得不作歟

大抵論學之難其高者其病墮於玄虛就平者其末流於章句校二者之失高者便入於異端平者浸失其傳猶為動訓故惇行義輕重不同然要皆是偏耳

若語學者聖賢門中多是指示下手處或拈出親切處

涵養之久則氣漸和察識之久則理漸明

右六十八條

大儒心學語錄卷之二十

後學金谿王真輯

勉齋黃先生語

朋友切磨固欲相觀而善然講習一事尤為至切須將聖賢言語逐一研究不可以為非切已若不自此用工則義理不明生出無限病痛

人心如火遇木即焚遇事即應惟於世間利害得喪及一切好樂見得分明則此心亦自然不為之動而所謂持守者始易為力若利欲為此心之主則雖是強加控制此心隨所重而發恐亦不易遏也大儒心學語錄卷之二十

復生矣

就險難窮困處試一過真能不動方是學者又曰人生最難克是利欲利欲之大是富貴貧賤若是此處打不過便教說得天花亂墜盡是閑話也

古先聖賢言學無非就身心上用功人心道心直內方外都未說近講學處夫子恐其識見易差於是大儒心學語錄卷之二十以博文約禮對言博文先而約禮後博文易而約禮難後來學者專務其所易而常憚其所難此道之所以無傳須是如中庸之旨戒懼慎獨為終身

事業不可須臾廢離而講學窮理所以求其明且正耳若但講學而於身心不加意恐全不成學問也

為學只要收拾身心勿令放逸如臨深淵如履薄冰如見大賓如承大祭蓋理義非由外鑠我固有之也此心放逸則固有之理先已昏惑紛擾而失其正矣便說得天花亂落亦於我何有干涉况亦未見心不純靜而能理明義精者理義無窮如登嵩華如涉溟渤且要根脚純實深厚然後可以承載初涉文義便有跳踉自喜之意又安能任重而致

大儒心學語錄卷之二十

勉齋

速耶世間固有全不識學問而能質實厚重小心謹畏者不害為君子亦有執師取友講明道義而輕儇浮薄者未免為小人此等處皆後生所當別識先以戒謹厚重為心然後可以言學也

古人為學大抵先於身心上用工如危微精一之旨制心制事之語敬勝怠義勝欲之戒無非欲人檢點身心存天理去人欲而已然學問之方難以人口授故必參之聖賢故初學之法且令格物窮理揣摩故必參之聖賢故初學之法且令格物窮理考古今者蓋欲知為學之方求義理之正使

所以居敬集義而無毫釐之差亦卒歸於檢點身心而已年來學者但見古人有格物窮理之說但馳心於辨析論講之間而不務持養省察之理所以辨析論講者又不原切問近思之意天之所以與我與吾之所以全乎天者大本大原漫不加省而尋行數墨入耳出口以為即此便是學問退而察其胸中之所有與夫應事接物無一不相背馳聖人教人決不若是

留意講習若是實體之於心見吾一身之中實具此理操而存之實有諸已則不至流於口耳之學

大學章句卷之二十
敬是束縛箇虛靈知覺住如火炬束得緊時那饒頭直上不束則散滅了

蓋嘗求其所以為學之綱領者曰致知曰力行而已大學曰物格而後知至知至而後意誠意誠而後心正心正而後身脩物格知至者知之事也意誠心正者行之事也中庸曰博學之審問之慎思之明辯之篤行之學問思辨者知之事也篤行者行之事也書之所謂惟精惟一易之所謂知崇禮卑論語之所謂知及仁守孟子所謂始終條理無非始之以致知終之以力行蓋始之以致知則天下

之理洞然於吾心而無所蔽終之以力行則天理之理渾然於吾心而無所虧知之不至則如掘坑索塗而有可南可北之疑行之不力則如弊車羸馬而有中道而廢之患然則有志於聖賢之學者致知力行之外無他道也

學問之道知與行而已自昔聖人繼天立極不曰知而曰精不曰行而曰知不精行不一猶不知不行也聖賢相傳啓悟後學言知必曰知至言意必曰意誠至則事物之理無不通誠則念慮之發無不實曰至與誠其精一之謂歟知與行者學之全

大學章句卷之二十
轍至與誠者學之歸宿有志於道者可不孳孳求止於是歟

聖賢一言一字皆可師法從之則吉違之則凶緊要一著只要信得篤行得力耳

致知乃入道之方而致知非易事須默認實體方見端的不然則只是講說文字終日說說而真實體段元不曾識故其說易差而其見不實動靜表裏有未能合一則雖曰為善而卒不免於自欺也

試以吾平日設心者思之果能事親而孝乎果能處宗族而睦乎果能交於鄉黨朋友而無所愛乎果

能視人如已乎果能視民如傷乎即是心而克之
以至於無一念之不公則仁之道盡矣果能從兄
而順乎果能事上而敬乎果能應事接物而求其
是乎果能見利不趨乎果能見害不避乎即是心
而克之以至於無一事之不宜則義之道盡矣盡
仁義之道則仰不愧俯不作而上下與天地同流
矣

人稟五行陰陽之秀氣以生而具有仁義禮智之性
所以與天地並立而為三也自其氣稟所昏物欲
所汨則惻隱者變而為殘忍矣羞惡者變而為鄙
賤矣恭敬者變而為傲慢矣是非者變而為昏愚
矣如是則雖具人之形而亦何異於禽獸哉
問學者當學顏子入聖人為近有用力處如何曰如
博文約禮克己復禮不遷怒不貳過等皆用力處
就務實切已下工所以入聖人為近
大學既言明德便言新民聖賢無一偏之學

右一十六條

大儒心學語錄卷之二十一

後學金谿王冀輯

九峯蔡先生語

人非無知也而真知為難人非無見也而真見為難
義之實人所知也而犯義者多禮之文人所見也
而越禮者眾以其知之非真知見之非真見耳真
者精之極精則明明則誠誠則為其所為不為其
所不為如水之寒火之熱亦性之而已矣

仁義禮智信者義理之公也人之所固有視聽言貌
思者形氣之私也我之所自生公者千萬人之所
同私者一人之所獨是以君子貴同而賤獨

人心至靈也虛明之頃事物之來是是非非無不明

也少則昏矣久則怠矣又久則棄之矣無他形氣
之私溺之也人能超乎形氣拔乎物欲達其初心
則天下之理得矣

人心動靜情性具焉性者理之形體情者性之發動
善其本然惡其過不及也存心莫善於敬進學莫
善於知二者不可廢一也

敬者聖學始終之要未知則敬以知之已知則敬以
行之不敬則心無管攝顛倒眩瞀安能有所知哉

所行乎

善養生者以氣而理形以理而理氣理順則氣和氣和則形和形和則天地萬物無不和矣不善養生者反是理昏於氣氣悞於形耳目口鼻徇而私欲勝好惡哀樂淫而天理亡其能苟生者禽獸而已矣

義利不可不明也不明則以利為義心雖公亦私耳天下正理若大路然一而已旁蹊曲徑皆私意也故曰遵王之道無有黨偏偏陂反側云

言天下之靜者存乎正言天下之動者存乎時正者

大儒集解卷之二十一

九

二

道之常也時者因之綱也是故君子立正以俟時人之一心實為身主其體則有仁義禮智之性其用則有惻隱羞惡辭遜是非之情方其寂也渾然在中無所偏倚與天地同體雖鬼神不能窺其幽及其感也隨觸隨應範圍造化曲成萬物雖天地不得與其能

極建則大本立極明則大用著以之齊家而家無不齊以之治國而國無不治以之平天下而天下無不平若是者天地其合鬼神其依立百世之下等百世之上而莫能違也立百世之上俟百世之下

而亦莫能違也

禮儀三百威儀三千皆天道之流行也

父子有親君臣有義夫婦有別長幼有序朋友有信五品遜而太和合皇極之世也堯舜父子之衰也湯武君臣之缺也伏羲神農日之中乎堯舜三代時之中乎

理其至妙矣乎氣之未形物之未生理無不具焉氣之既形物之既生理無不在焉渾然一體而不見其有餘物各賦命而不見其不足無形影可度也無聲臭可聞也主萬化妙萬物人知其神而不知

大儒集解卷之二十一

九

三

其所以神

六十三條

大儒心學語錄卷之二十二

後學金谿王崧輯

北溪陳先生語

道之浩浩何處下手聖門用工節目其大要亦不過曰致知力行而已致者推之而至其極之謂致其知者所以明萬理於心而使之無所疑也力者勉焉而不敢怠之謂力其行者所以復萬善於己而使之無不備也知不至則真是真非無以辨其行將何所適從必有錯認人欲作天理而不自覺者矣行不力則雖精義入神亦徒爲空言而感德至

大學章句卷之三

北溪

善竟何有於我哉此大學明明德之功必以格物致知爲先而誠意正心脩身繼其後中庸擇善固執之目必自夫博學審問慎思明辨而篤行之而顏子稱夫子循循善誘亦惟在於博我以文約我以禮而已無他說也然二者亦非截然判先後爲二事猶之行者目視足履動輒相應蓋亦交進互相發也故知之明則行愈達而行之力則所知又益精矣其所以爲致知力行之地者必以敬爲主敬者主一無適之謂所以提撕警省此心使之惺惺乃心之生道而聖學所以貫動靜徹終始之

大學章句卷之三

北溪

也能敬則中有涵養而大本清明由是而致知則心與理相涵而無頑冥之患由是而力行則身與事相安而不復有扞格之病矣雖然人性均善均可與適道而鮮有能從事於斯者由其二病一則病於安常習故而不能奮然立志以求自拔二則病於偏執私主而不能豁然虛心以求實見蓋必如孟子以舜爲法於天下而我猶未免爲鄉人者爲憂必期如舜而後已然後爲能立志必如顏子以能問於不能以多問於寡有若無實若虛然後爲能虛心既能立志而不肯自棄又能虛心而不

禮謂執虛如執盈入虛如有人只就此二句體認持

敬底工夫意象最親切且如人捧盞至盈底物心
心不在這上緣移一步便傾了惟執之拳拳心當
在這上雖行到那裏也不傾倒入虛如有人雖無
人境界此心常嚴肅如對大賓然此便是主一無
適底意

格物致知也須敬正心誠意也須敬齊家治國平天

下也須敬敬者一心之主宰萬事之根本

程子說人心做工夫處特主意此字蓋以此道理貫
動靜徹表裏一始終本無界限閑靜無事時也用
大儒學語卷之三

敬應事接物時也用敬心在裏面也如此動出外

來做事也如此初頭做事也如此做到末了也如
此此心常無間斷終間斷便不敬

聖賢學問未有妨於科舉之文理義明則文字義論

益有精神光采躬行心得者有素則形之而訂時
事敷陳治體莫非溢中肆外之餘自可用人情

中物理篤然仁義道德之言一一皆可言之實也

古人格物窮理要就事物上窮箇當然之理亦不過

只是窮到那合做恰好處而已

聖人本無私意此心豁然大公物來而順應何待然

推之者未免有私意錮於其中視物未能無偏文

之間須是用力求去方能及到那物上既推得云
則亦豁然大公矣所以子貢問一言可以終身行
之者其恕乎蓋學者須是着力推己以及物則私
意無所容而仁可得矣

自漢以來恕字義甚不明至有謂善恕己量主者而

范忠宣公亦謂以恕己之心恕人不知恕之一字

就已上着不得據他說恕字只道箇饒人底意思

如此則是自己已有過且自恕己人有過又并恕人

是相率為不肖之歸豈古人推己知心之義乎故

忠宣公謂以責人之心責己一句說得是以恕己

之心恕人一句說得不是其所謂恕恰似今人說

且恕不輕恕之意字義不明為害非輕

右一十餘

大儒心學語錄卷之二十三

後學金谿王真輯

西山真先生語

窮理以此心為主必須以敬自持欲窮理而不知持敬以養心則私慮紛紜精神昏亂於義理必無所得知持敬以養心矣而不知窮理則此心雖清明虛靜又只是箇空蕩蕩底物事而無義理以為之主其於應事接物必不能皆當釋氏禪學正是如此

一事有一事之理人能安其心順其理以應之則事既得所心亦不勞若接擾焉以私心處之則事必不得其當而其心亦無消史之寧人徒知為事之累心不知乃心之要事也

大學所謂利專指財利而言伊川先生云利不獨財利之利凡有一毫自便之心即是利此論尤有補於心術之微至南軒先生又謂無所為而為皆義也有所為而為即利也其言愈精且微學者不可不知也且如見赤子入井有惻隱之心此乃天理自然形見非有所為而然此即義也若有一毫的交要譽之心即是有所為而為即利心也二者

去聖賢之間而公私邪正之分則天淵矣故朱子謂南軒此語乃發先賢所未發有功於聖門學者所宜深味也

學者存心行事只當以義理為正義所當然雖害不恤義所不當然雖利不計如此方合乎天理之正若此心一正一入於義利之間終是為利所勝正如黑白相和黑白必掩白黃猶共器猶必掩黃立志之初不可不察也

夫之道在敬身以帥其婦婦之道在敬身以承其夫故父之醮子必曰勉帥以敬親之送女必曰敬之戒之夫婦之道盡於此矣

心之虛靈知覺者萬理具焉初豈有一毫之汙濁哉自夫汨於物欲而後有汙濁耳學者必盡去物欲之害則本然之清明自全

水不能不遇風長川巨浸泓澄無底雖大風不能使之濁心不能不應物欲盡理明表裏瑩徹雖酬酢萬變不能使之昏無風則清有風則濁者靡滓之伏于下也靜之則明動之則昏者利欲之藏于中也

有理義以養其心則雖老而神明不衰苟為不然

昏於參養敗於戕賊未老而已然矣有志之士可不戒諸

北辰常不移故能爲列宿之宗人心常不動故能應萬物之變不動非無所運用之謂也順理而應不隨物而遷雖動猶靜也

叔之使入者大本之所以立推之使出者達道之所以行不叔是謂無體不推是謂無用太極之有動靜人心之有寂感一而已矣

大舜十六字開萬世心學之源後之聖賢更相授受雖若不同然大抵教人守道心之正而遏人心之

孟子卷之二十三

西山

三

流耳孟子於仁義之心則欲其存而不放本心欲其勿喪赤子之心欲其不失凡此皆所謂守道心之正也易言懲忿窒欲孔子言克己大學言好學憂患則不得其正孟子言寡欲以小體之養爲戒以飢渴之害爲喻凡此皆所謂遏人心之流也心一而已爾由義理而發無以害之可使與天地參由形氣而發無以檢之至於達禽獸不遠始也特毫毛之間終焉有霄壤之隔此精一之功所以爲理學之要歟

今爲學須要常存此心平居省察覺得胃中盎然有

慈祥和坦之意無忮忍刻害之私此即所謂本心即所謂仁也便當存之養之使之不失則萬善皆從此而生

人得天地生物之心以爲心其心本無不仁只因有私欲便有違仁之時能克去私欲則心常仁矣

人之生也初皆全具此理惟其有形體之累則不能無物欲之私故當其惻隱之發而有以撓之則仁

不能充矣當其羞惡之發而有以奪之則義不能充矣恭敬是非之發亦然此孟子所以惓惓克之

一言由蓋善惡之發其始甚微因其善端之發保

孟子卷之二十三

西山

四

養扶持去其所以害之者若火之然因而噓之若泉之達因而導之則一念之惻隱可以澤百世一念之羞惡可以正萬民堯舜之仁湯武之義所以與天地同其大者以其能克之也

在聖人則曰誠在學者則曰忠誠是自然而然忠是須用着力在聖人則不必言恕在學者則當言恕蓋聖人不待乎推學者先盡已而後能及人故有待乎推也然學者能於忠恕二字上着力於盡已盡人之間無不極其至久之亦可以到至誠地位心經贊曰舜禹授受十有六言萬世心學此其淵源

人心伊何生於形氣有好有樂有忿有懷惟欲易
流是之謂危須臾或放衆慝從之道心伊何根於
性命曰義曰仁曰中曰正惟理無形是之謂微毫
芒或失其存幾希二者之間曾弗容隙察之必精
如辨白黑知及仁守相為始終惟精惟一惟一故
終聖賢迭興體姚法奴持綱挈維昭示來世戒懼
謹獨閑邪存誠曰忿曰慾必窒必慾上帝實臨其
散或貳屋漏雖隱寧使有愧四非常克如敵斯攻
四端既發皆擴而克意必之萌雲捲席撒子諒之
生春嘘物茁鷄犬之放欲知其求牛羊之牧濯濯
是憂一指肩背孰貴孰賤簞食萬鍾辭受必辨克
治存養交致其功舜何人哉期與之同維此道心
萬善之主天之與我此其大者欽之方寸太極在
躬散之萬事其用弗窮若寶靈龜若奉拱壁念茲
在茲其可弗力相古先民以敬相傳操約施博孰
此為先我來作州茅塞是懼爰輯格言以瀦肺腑
明隱悲几清晝爐薰開卷肅然事我天君
勿齋箴曰天命之性得之者人人之有心其孰不仁
人而不仁曰為物役耳蕩於聲日眩於色以言則
辭以動則輕人欲放紛天理晦冥於焉有道禮以

為準惟理是由匪禮勿徇曰禮伊何理之當然
雜以人一循乎天勿之為言如防止水執其尸之
曰心而已聖言十六一字其機牙能幹鈞石必
隨我乘我車駟馬交轡孰能其驅維繫在手是以
君子必正其心翼翼兢兢不顯亦臨萬夫之屯一
將之令震鉤龍馳驅敢干命衆形役之統于心官
外止弗流內守愈安其道伊何所主者敬表裏相
維動靜俱正莠盡苗長醴化醴醇方寸盎然無物
不春惟勿一言萬善自出念茲在茲其求無斁
思誠齋箴曰誠者天道本乎自然誠之者人以人合
天曰天與人其本則一云胡差殊蓋累於物心為
物誘性逐情移天理之真其存幾希豈惟與天逸
不相似形雖人斯實則物只皇皇上帝命我以人
我顧物之柳何肅仁維子思子深閔斯世指其本
源祛俗之蔽學國辨行統之以思擇善固執惟日
孜孜征聖本同其忍自棄人十已千弗正弗已雲
披霧捲太虛澄然塵掃鏡空清光自全曰人與天
既判復合渾然一真諸妄弗作孟子繼之今日思
誠更兩鉅賢其指益明大哉思乎作聖之本歸而
求之實近非遠

氣箴曰子虛觀夫冬之為氣乎木歸其根蟄蛰其封凝然寂然不見兆朕而造化發育之妙實胚胎乎其中蓋闔者闔之基貞者元之本而艮所以為物之始終夫一晝一夜者三百六旬之積故冬四時之夜而夜乃一日之冬天壤之間群動俱闔窈乎如未判之鴻濛維人之身嚮晦宴息亦當以造物而為宗必齋其心必肅其躬不敢弛然自放於床第之上使慢易非僻得以賊吾之衷雖終日乾乾靡容一息之間斷而昏冥易忽之際尤當致戒謹之功蓋安其身所以為朝聽晝訪之地而夜氣深厚則仁義之心亦浩乎其不窮本既立矣而又致察於事物周旋之頃敬義夾持動靜交養則人欲無隙之可入天理皦乎其昭融然知及之而仁弗能守之亦空言其奚庸爰作箴以自砥常惺惺手寐惺

右一十九條

大儒心學語錄卷之二十四

後學金忠宣

敬軒先生語

人心有一息之怠便與天地之化不相似

人心一息之頃不在天理便在人欲未有不在天理

入欲而中立者也

心中無一物其大浩然無涯

萬起萬滅之私亂吾心久矣今當悉皆掃去以全吾

湛然之性

心大則如天之無物不包心小則如天之無物不入

學至於心中無一物則有得矣

心靜能處事

明德指此心昭然不昧而言

敬天當自敬吾心始不能敬其心而謂能敬天者妄

也

心一操而群邪退聽一放而群邪並興

學者之心當常有所操則物欲退聽斯須少放即邪

僻之萌滋矣

無義理以養心何所不至

少欲則心靜心靜則事簡

一為外物所誘則心無須臾之寧矣

當事物叢雜之中吾心當自有所主不可因彼之抗

擾而遷易也

事未至先無一物在心則事至應之不錯若事未至
先有三端兩緒在心則先自撓雜矣應事安得不
錯乎

人心貴乎光明潔淨

常得心在內則寡過矣

心一放即悠悠蕩蕩無所歸着

心地乾淨自然寬平

大儒心學錄卷二十四

敬軒

二

一心管萬事理一分殊萬事由一心分殊理一

敬天之心瞬息不敢息

只寡欲便無事無事心便澄然矣

不為耳目口鼻所役覺得心常泰然

不以禮制心其欲無涯

心無所止則一日之間四方上下安往而不至哉

道雖未嘗遠人心有斯須不存則人自遠道矣

萬物本諸天萬事本諸心

心不錯即諸事不錯矣

思天理則心廣而明思人欲則心狹而暗

心如鏡敬如磨鏡鏡終磨則塵垢去而光彩發

敬則人欲消而天理明

人心公則如燭四方上下無所不照私則如燈只有
一面光不能徧照也

理明則心定

私欲盡而心體無量

心者氣之靈而理之樞也

守約者心自定

萬起萬滅而本體湛然有常者其心之謂歟

伎心一生而天地否良心一發而天地泰

大儒心學錄卷二十四

敬軒

三

心本寬大無邊一有已私則不為其小矣

心有毫髮所繫即不得其平

一切外事與己本無干涉而與之擾擾俱是所以

為心病也惟知止則心自定矣

人惟一心操之為君子放之為小人

自古興亡治亂之幾皆由於心之存亡

作聖作狂在此心一轉移間

理義之心不可少有間斷此所謂勿忘是也

心斯須不存即與理義背馳可不念哉

良心開而天理明猶山徑之繚介然用之而致路遠

心蔽而天理暗猶為間不用而茅塞之也
應事絕應即休不可須臾留滯為心累

蕩滌胃中無一息之私累可以言大矣

雷電風雨參錯交動於下而太虛之本體自若萬事

萬變紛紜膠擾於外而吾心之本體自如

人心無一毫私意便與天地萬物之理相合為一

為學第一工夫立心為本心存則讀書窮理躬行踐

履皆自此進

斯須心不在而動即妄矣

水清則見毫毛心清則見天理

六儒心學語錄卷十四

敬軒

四

無我則内外合而與天為一矣

外物得亦不喜失亦不怒則心定矣得失而喜怒生

焉是累於外物而心弗定也

愛外物好則心不好矣

因一事不快於心而遷怒之心妄發此學者之通病

心理欲之幾間不容髮此勝則彼負此負則彼勝

廣大虛明氣象無欲則見之

人只是箇心性靜則存動則應明白坦直本無許多

勞擾若私意一起則支節橫生而紛紜多事矣

心細密則見道心龐則行不著習不察

天誠可畏近而吾心善則室顯地無非天也誠不

畏乎

意終有向便失其正不可不察

若胃中無物殊覺寬平快樂

心虛有内外合一之氣象

平旦虛明氣象最可觀使一日之間常如平旦之時

則心無不存矣

虛明廣大氣象到人欲淨盡處自見匪言所能喻也

鍾虛則鳴心虛則靈

為學要時時提醒此心勿令昏塞

六儒心學語錄卷十四

敬軒

五

心術不正即事事不正

心無所主即動靜皆失其中

天人合一

當提醒此心勿令昏蔽妄馳即處事少錯矣

知止則心有定不知止則心不定

心切不可外馳

常主敬則心便存心存即應事不錯

凝定靜密自不外馳

不知操持此心則馳騖出入無一息之寧

一切外物放下緊繫於身心上用力斯得近裏之效

失

大要當洗滌盡此心之欲有一毫之欲未盡即本體

蔽昧而用失其當矣

心性為天下之大本必涵養純一寧靜則萬事由此

而出者皆天理之公矣

心如水之源源清則流清心正則事正

造化無一息之間人之存心亦當無一息之間

學問實自靜中有得不靜則心既雜亂何由有得

常主靜物來應之

寂而感感而寂動靜循環人心之妙也

大儒心學語錄卷二十四

秋軒

六

外物無窮不能以禮制心則心逐外物亦無窮矣

一念之差心即放終覺其差而心即正

一念不謹即作狂之端兆一念能謹即作聖之端兆

克其極則堯桀分矣

萬物不能碍天之大萬事不能碍心之虛

斯須省察不至則妄念動矣斯須心有不存則與

相離

所處之地雖靜而心飛颺於外亦不得靜也

凝定最有力

天理無內外隱顯之間

徒歸乎外偽也

天地之間時時處處皆是道之流行入之道即天之

道故當隨時隨處省察不可有一毫之間斷也

涵養深則怒已即休而心不為之動矣

當於心意言動上做工夫心必操意必誠言必謹動

必慎内外交脩之法也

一念之非即遏之一動之妄即改之

幾在心當慎所發發不以正甚害事

德性之學須要時時刻刻提撕敬省則天理常存而

人欲消熄苟有一息之間則人欲長而天理微矣

大儒心學語錄卷二十四

敬軒

七

一息不可不涵養涵養只在作止語默動靜之間

為學大抵就已分上去其本無之私欲全其固有之

天理耳

體認未至終未能與道合一

乍存乍亡者是間斷之時多也

道只在動止語默之間身外求道遠矣

斯須照管不到則外物有潛勾竊引之私不可不察

謹防外好以奪志

人欲如寇敵專以窺吾之虛實斯須防閑不密則被

乘間而入矣

為學時時處處是做工夫處雖至隱至幽處皆當存
謹畏之心而不可忽且如就枕時手是不敢妄動
心不敢亂想這便是睡時做工夫以至無時無事
不然

工夫緊貼在身心做不可斯須外離

張南軒無所為而為之之言其義甚大蓋無所為而
為者皆天理有所為而為者皆人欲如日用間大
事小事只道我合當如此做做了心下平平如無
事一般便是無所為而為若有一毫求知求利之
意雖做得十分中理十分事業總是人欲之私與

大儒心學語錄卷二十四

敬軒

八

聖人之心絕不相似

無所為而為猶正其誼不謀其利明其道不計其功
之意如乍見孺子之入井惻隱之心自然而發無
所為而為也若惡其聲納交要譽之心生即有為
而為矣

寡欲省多少勞擾

為學無別法只是心不妄思一心皆天理身不妄動

一身皆天理事不妄為事事皆天理

善皆已分之當為初與人一毫無與若終為善即有

求名之心乃人欲而非天理矣

人心皆有所安有所不安安者義理也不安者人欲

也然私意勝而不能自克則以不安者為安矣

不善之端豈待應物而後見耶如靜中一念之刻即

非仁一念之貪即非義一念之慢即非禮一念之

詐即非智此君子貴乎慎獨也

省察之功不可一時而或急詩曰夙夜匪懈其斯之

謂歟

淤泥塞流水人欲塞天理去其塞則沛然矣

掃却浮雲而太虛自清徹去蔽障而天理自著

舍而不求為忘求之太過為助長勿忘勿助長

大儒心學語錄卷二十四

敬軒

九

人欲無涯不以禮節之莫知所極矣

一念之欲不能制而禍流於滔天

曾子曰戰戰兢兢如臨深淵如履薄冰君子之守其

身可不謹乎

人只為耳目口鼻四肢百骸做得不足壞了仁義禮

智信若耳目口鼻四肢百骸做得是便是仁義禮

智信之性詩所謂有物有則孟子所謂踐形者是

也

謀利計功乃人欲之私學者之通患也

大而入倫小而言動皆理之當然終有有為之心雖

所行合理亦是人欲

學者自幼便為謀利計功而學宜其不足以入堯舜之道

絕謀利計功之念其心超然無繫

君子學道必常存戒懼之心如處至危之地斯無邪心矣苟安於怠惰放肆則無限之邪心竊從而生矣

為學只要分理欲二字

人之為學當於性情上用功尤切

聖賢千言萬語只要存天理去人欲

大儒心學語錄卷二十四

敬軒

十

時時皆道處處皆道事事皆道道不可離如此存養

省察之功不可須臾或間也

心無妄思言無妄言身無妄動安得有差故有差者

皆妄也無妄之義大矣

人動作皆以天則無妄不以天則妄矣

先儒曰欲心一萌便思義理以勝之即室欲之要也

古人有曰不見可欲使心不亂故四勿視為先

工夫切要在夙夜飲食男女衣服動靜語默應事接

物之間于此事事皆合天則則道不外是矣

君子法乾之健只無私便不息有私便息矣

無欲則所行自簡

夜氣如泉清濁之數亦不能清矣君子所以貴乎存息也

一念之善景星慶雲一念之惡烈風疾雨

不言而躬行不露而潛脩

平旦虛明之氣象有難以語人者惟無欲者能識之至大之惡由於一念之不善

挺特剛介之志常存則有以起偷情而勝人欲一有

頹靡不立之志則甘為小人流於卑污之中而不

能振拔矣

大儒心學語錄卷二十四

敬軒

十一

氣質極難變十分用力猶有變不能盡者然亦不可

以為難變而遂懈於用力也

目之逐物最能喪德四勿以視居先

人於言動事為之間不敢輕忽而事事處置合宜則

浩然之氣自生矣

為學於應事接物處尤當詳審每日不問大事小事

處置悉使合宜積久則業廣矣

人於聲色臭味之樂取快須臾真所謂過客止耳何

苦深溺其中而害吾固有之德哉

特是活法而不死執中是死法而不活

人有斯頃之不敬則怠慢之心生而非禮矣有斯
之不和則乖戾之心生而非樂矣故曰禮樂不可
斯須去身

公則一私則殊

正則大邪則小

酒色之類使人志氣昏酣荒耗傷生敗德莫此為甚
俗以為樂予不知果何樂也惟心清欲寡則氣正
體胖樂可知矣

不念不謹即有偷惰之意所謂惟聖罔念作狂者豈
虛語哉

大學心學語錄卷十四

敬軒 十二

外物至輕已德至重重其所輕輕其所重不知類也
已

無欲如至清之水秋毫必見有欲如至濁之水雖山
岳之大亦莫能鑑矣

人欲盡而天理見如水至清而寶珠露人欲深而天
理昏如水至濁而寶珠暗

中庸之理不離乎動作語默人倫之間
言要緩行要徐手要恭立要端以至作事有節皆不
暴其氣之事

暴其氣之事

約其情使合於中亦養氣之事也

怒至於過喜至於流皆暴其氣也

思索太勞而不節暴其氣也

和從中上流出來中是和之源頭

忘與助學者之通患

勿忘勿助即天理存

檢察身心只在視聽言動上用工夫

收斂檢束身心到至細至密至靜至定之極作事愈
有力

勿忘最是學者日用切要工夫誠能時時刻刻不忘
於操守省察即心常存而天理不亡矣

勿忘勿助最切於日用之功

大學心學語錄卷十四

敬軒 十三

時時刻刻緊緊於自己身心上存察用力不可一毫
懈怠

主靜以立其本慎動以審其幾

程子曰人只有箇天理不能存更做甚人蓋天理即
仁義禮智也一有失焉則非人矣

惟思天理則日進高明

無適而非道但當隨時隨處識得分明行得切實耳

日用體認仁義禮智之性於所存所發之際最是為
學之切要

中庸只說未發已發周子又指未發已發之間說幾
字乃發前聖所未發也

易言艮止書言安止欽止詩言敬止大學言知止止
之為義最精乃天理當然之極也須臾失其止即
人欲之私矣

道理不出性情二字

幾之善是天理幾之惡是人欲

言動舉止至微至粗之事皆當合理一事不可苟先
儒謂一事苟其餘皆苟矣

理盛則能勝氣氣盛亦能勝理

大學章句卷十四

敬軒

十四

事有大小理無大小大事謹而小事不謹則天理即
有欠缺間斷

一語一點一坐一行事無大小皆不可苟處之必盡
其方

學不可有為有為即人欲而非天理矣

天理本順而自逆之是故惡夫鑒者

庸是中和之理平常而不可易非中和之外別有所
謂庸也

德性則言自簡

矯輟警情只當於心志言動上用力

循理則事自簡

靜中有無限妙理皆見

惟敬足以神明其德

敬則中虛無物

斯須苟且即非敬矣

敬則都是一片公正底心不敬則無限私竊的心生
矣

易搖而難定易昏而難明者人心也惟主敬則定而
明

總敬便查滓融化而不勝其大不敬則鄙吝即萌而
不勝其小矣

大學章句卷十四

敬軒

十五

堯典以欽之辭始益稷以欽之辭終則堯舜傳心之
要可知矣

人不持敬則心無頓放處

人不主敬則此心一息之間馳騁出入莫知所止也

不主敬則嗜欲無涯馳騁不止

周公告成王曰厥亦惟我周太王王季克自抑畏蓋
抑乃檢束收斂之意畏乃恐懼兢慎之意豈惟王

者當然實為脩省之至要也

志固難持氣亦難養主敬可以持志少敬可以養氣

古語曰敬德之聚也此語最宜潛體蓋惟敬則能凝
聚得此理常在或有不敬則心君放逸而天德亡
百體懈弛而物則廢雖曰有人之形其實塊然血
肉之軀與物無以異矣此敬乃聚德之本而為踐
形盡性之要也歟

聖人教人以正容謹節即是持敬之道如告仲弓出
門如見大賓使民如承大祭之類可見

只主於敬總有卓立不然東倒西歪卒無自立之地
敬則卓然

敬則光明

太極心學語錄卷十四

敬軒

十六

從事於主敬者斯得太極之妙

敬則立急則廢

程子謂未出門時此儼若思也又謂未接物時只主

敬便是為善皆發先聖所未發

無逸書曰昔在殷王中宗嚴恭寅畏天命自度治民

祗懼不敢荒寧此數言皆主敬而言治天下之本

不外乎此

治亂之原皆原於敬急故唐虞君臣懇懇言敬而不

已三代聖人亦然

居處恭執事敬存吾心之天對越在天之天即顧諟

天之明命畏天命尊德性之謂也

不輕妄則重厚不昏塞則虛明其要在主敬

聖賢成大事業者皆從戰戰兢兢之小心來

有於一事心或不快遂於別事處置失宜此不敬之

過也

總收斂身心便是居敬

主敬則思不出位而分定矣

人只是有已故不能與天地同其大其要惟在克已

有我之私私難克貴乎明與剛而已

不力行是只學人說話

太極心學語錄卷十四

敬軒

十七

上蔡有一硯極愛之遂屏去此可為克已之法

不能克已者志不勝氣也

人之克已或能克於此不能克於彼此是克之有未

盡也推其所以及其所不能則克無不盡矣

私無大小覺即克去

制伏私意而不拔其根如蓄火於羽毛之中得風

然矣故克伐怨欲不行固為難不若克伐怨欲

盡之為至也

閑邪如城郭城郭不完則外寇入閑邪不容則外

自治寧過於剛不可過於柔顏子克己之功非至剛不能

人多於快意之事忘却道

非禮勿視聽言動便是克己視聽言動之合禮處便是復禮

念慮一毫雜妄即非仁便當克去

程子曰人能克己則仰不愧俯不忤心廣體胖其樂可知竊意顏子之樂亦如此

不遑怒功夫甚難惟嘗用力者知之然亦不可不勉復之有益於人大矣雖顏子亦由於不遠復

克己復禮為仁則盡性矣

克己復禮與天地合德

只公之一字乃見克己之效驗

人所以千病萬病只為有己為有己故計較萬端惟欲己富惟欲己貴惟欲己安惟欲己樂惟欲己生

惟欲己壽而人之貧賤危苦死亡一切不恤由是生意不屬天理滅絕雖曰有人之形實與禽獸異

若若能克去有己之病廓然大公富貴安樂生靈皆欲與人共之則生意貫徹而天理之誠有不

得而勝用者矣

莫曰此論克己以人已相形而言亦先儒所未及

私意最難去故程子謂克己最為難事惟嘗用力者知其難

欲心一動如火之熾如水之溢非用大壯之力莫能止其欲

妄安之私最難克

妄安為毒此言當深省

汨溺於聲利之中而不覺何道敢言言之適為口耳之末耳

一言不可妄發一事不可妄動

已與人物本同一理一氣而或不能公好惡於天下

者蔽於有己之私也

迷於利欲者如醉酒之人人不堪其醜而已不覺也惟無欲最高有欲則低矣

尋思千能百巧都不濟事只無欲是高處

學以靜為本

學貴乎日新

為學當謹守聖人之道雖未至是亦聖人之徒也併意一生即為自棄

學不進率由於因循
教不以道則非教學不以道則非學

古之學也一後之學也支

所以為學者只為人固有之善或蔽於氣質物欲有時而失故須學以復之及其既復則本分之外不加毫末

莊敬日強安肆日偷之語宜深體玩蓋莊敬則志以帥氣卓然有立為善壺壺不倦而不知老之將至安肆則志氣昏惰柔懦無立玩愒歲月悠悠無成矣

八儒學語錄卷十四

教軒

二十

守約者為學之至要

守約則無事矣

守約則能泛應

學至於約則有得矣

世有聞人論道學不非笑之以為狂則憎惡之以為

矯意使學不學道則所學果何事耶

謹言乃為學第一工夫言不謹而能存心者鮮矣

為學第一在變化氣質不然只是只講說耳

須是盡去舊習從新做起乃有進

安於故習則德不新

實有向道之心則道必進

發奮誠心要做好人一切舊習定須截斷

篤志此道使天下之物不能尚其庶有進乎

匹夫之志未必皆出於正而猶不可奪况君子之志

於道孰得而奪之哉

勢無兩重之理此重則彼輕此輕則彼重故道義重

則外物輕道義輕則外物重為學之士常使萬物

不能勝其道義則此日重彼日輕積久惟見道義

而不復知有外物矣

人譽已果有善但當持其善不可有自喜之心無善

八儒學語錄卷十四

教軒

二十一

則增脩焉可也人毀已果有惡即當去其惡不可

有惡聞之意無惡則加勉焉可也

學力未能勝舊習正如藥力未能除舊病頃刻學力

不至則舊習仍在一日不服藥則舊病復作學力

勝則無此病矣

學者開口皆能言道是好道理然當自體諸心果能

實好此好道理否又當體之身果能實行此好道

理否若能言之於口而體諸身心者皆不能然是

所謂自欺也

莫曰此言深中學者之病

理弱故昏明善惡皆隨氣之所為而理
制焉至或理有時而發見隨復為氣所掩終不
長久間通所謂為學者正欲變化此不美之氣質
使理常發見流行耳然非加百倍之功亦莫能致
也

莫曰氣強理弱之言發前聖所未發可以警厲
學者當加百倍之功求變其氣質而克全其天
理焉斯可矣

理只為氣所隔蔽故不明去其隔蔽則天理明矣
為善須是表裏澄徹方是真實為善有纖毫私意夾

太極學語錄卷十四

敬軒

王

雜其間即非真為善矣

聖人發無言之教以示學者當求聖人之道於一身
動靜應事接物之間不可專求聖人之道於言語
文字之際也

五事之疇貌言視聽思恭從明聰肅又哲謀聖乃
踐形盡性之學

只可潛脩默進不可求人知

為學只是學天理人倫外此便非學

切問近思最於身心有益

朱子曰詩曰衣錦尚絅如此方是為己之學

一毫求知之心即非為己之學矣

為學只是要知性復性而已

抑之詩相在爾室至不可度思五句苟能力行之可
以至天德

專用心於內則有進或出入則有間矣

有本則應之無窮

人之善端亦時有發見者但私欲盛隨復汨之耳

千古聖賢教人之法只欲人復其性而已

孔子教人多就事上用功至孟子則指出本原矣

為學能使理勝氣則可以變化氣質之性而反天地

太極學語錄卷十四

敬軒

王

之性若氣勝理則不能矣

氣質之拘最大變化之功極難然亦不可畏其難而

不加變化之功也

雜慮少則漸近道

知道則行自簡

人之威儀須臾不可不嚴整蓋有物有則也

人聞道學之名不駭以為高則笑以為迂夫為學而

不學道則無天理人倫矣果何學乎

求復仁義禮智之性即是道學

朱子曰知其性分之所固有職分之所當為而後

以盡其力千古聖賢之學只是學此而已舍此皆

是俗學

進脩皆分內事與人何所干涉而求知乎為善求人知者非為己之學也

順理則裕四字用之不盡

為學之要在於知性善知性善則知所用力矣

有人談道理浩博無窮至其心則無實得處故其行

事與所談者無一句相合

望道未見之心即求道不已之心學者以是自處則其進自不能止矣

大學章句卷第四

敬軒

子四

學須有覺方得要會處

為學不實無可據之地

無一時一事而無理故當無一時一事而不習此學

而時習之也

每日就身心言行應事接物處緊緊體認仁義禮智

四者體認得是則行不錯

仁則不間斷間斷則非仁矣

仁只是此心之理與萬物都相貫通故欣欣戚戚相間而

能愛絕不貫通便相間斷只知有己不知有物

戚不相間而不能愛矣

須知己與物皆從陰陽造化中來則知天地萬物皆

化為一體矣

禮者天理之節文孔子謂克己復禮為仁何也蓋仁

即天理也人欲熾則天理不行必克去己私事事

皆復於理則天理流行而為仁矣

仁則一不仁則殊

終有私便不能推所以為不仁

知天地萬物為一體則能愛矣

公則人已不隔私則一膜之外便為胡越

人亦有此理我亦有此理人不能全而我能之視不

大學章句卷第四

敬軒

子五

能全者憫憐之可也鄙笑之不可也引掖之可也

棄絕之不可也

黃曰此真可謂仁者之言

有一毫私欲之間雜即非仁矣

千古聖賢之心仁而已

天地之道只一元字括盡人之道只一仁字括盡

天地之德只是元聖人之德只是仁

孔顏之樂其全盡天理者歟

恕字用之不盡

有一毫伐害之心即非仁矣

常充無欲害人之心

惟誠無間斷破缺

勿起一念之妄誠可存矣

思無邪乃誠身之要

不敢有邪心漸近於誠

德不進病狂意不誠意誠則德進矣

無所為而為者誠也有所為而為者偽也

人於實之一字當念念不忘隨事隨處省察於言動

居處應事接物之間必使一念一事皆出於實斯

有進德之地

大學章句卷之四

致知

五

純則誠雜則偽天地聖人之道誠而已

誠譬之精金無銅鉄之雜金有一分銅鉄之雜則不

精德有一毫人偽之雜則不純矣

妄念邪念息則意自誠矣

千古聖人之心惟是誠而已

克盡已私為誠有一毫之私未盡則非誠矣

聖人接人惟一誠

學不至於聖賢只是有不誠處

天無不包地無不載君子法之

天地萬物惟性三字盡

教本於道道本於性性本於命命者天道之流行而

賦於物者也故曰道之大原出於天

天下無性外之物而性無不在故道不可離

人外無道道外無人見天人之合一也纔有間即非

道矣

程子性即理也之一言足以定千古論性之疑

聖人之所以教賢者之所以學性而已

千古聖賢之言一性字括盡

性外無道率性即道也

在物曰性在天曰天天也性也一原也故知性則知

大學章句卷之四

致知

五

天矣

自頂以及踵皆天之所與但當順天而已

命性道教只是一理

天賦之初本有善而無惡人而不為善是悖天也

性之本體未感物時渾是善到感物而動之初則有

善有不善周子所謂幾也

性命合一

天地人物渾合無間一本故也

聖賢相傳之道盡性而已

言心即有性言性即有心心性不相離也

聖賢萬世所傳之道只是天命之性

性之一字無所不包當時時體認而力行之孟子所

謂左右逢其原者即此性也

天賦我惟一性苟不能全是逆天也可不懼哉

論性是學問大本大原

聖人相傳之心法性而已

學問大本原在天命之性

聖人之心寂然不動隨感而應所謂神也

孔子安仁即天地之心也

聖人之心天地之理只是直

人倫心學語錄卷之四

敬軒

子大

聖人聞人毀已譽已元不少動如浮雲一過而太虛

湛然

天地之化一過而不留聖人之心一應而無迹

聖人之心應物即休元不少動

惟時惟幾聖人警戒之心易常有頃刻毫髮間斷

聖人不怨天不尤人心地多少灑落自在常人終與

人不合即尤人終不得於天即怨天其心忿忿疲勞

擾無一時之寧泰與聖人之心何啻霄壤

自有之私皆是為心累如自有其善便為善所累自

有其能便為能所累惟聖人之心廣大光明無一

毫之私累

人與天地本無二理惟無私貫之

天道天德天命天理一也

一以貫之只為理同

天之生物一本故一以貫之

天下同歸而殊途一致而百慮一以貫之

論理而不及事末流為虛無之弊

一是寂然不動貫是感而遂通天下之故

一是天下之大本貫是天下之達道

一是本貫為萬殊

人倫心學語錄卷之四

敬軒

子九

萬物定于一萬事定于一萬古定于一

聖人治人不是將自己道理分散與人只是物各賦

物

夫子之心萬世如見

夫子之道德匪言語所能盡

人皆有此理聖人與塗人同但聖人稟得氣質清粹

故能全盡此理眾人稟得氣質濁駁不能全盡耳

夫子筆歌韶箴不改其樂使達而在上則有天下而

不與矣

天下古今公共之理即所謂道也但光覺能明是道

行是道則道得其傳無其人則道失其傳矣

聖人之心天理渾全得其心斯得其傳矣

聖賢知覺運動雖不能不以氣而理則為主衆人知覺運動但氣之所為漫不知理為何物

聖賢千言萬語皆說人身心上事誠能因其言以反求諸身心猛省而擺脫盡私累則身心皆天理而大可知矣

聖人作經皆寫其身心之實耳使非寫其身心之實則人作一書皆可謂之經矣

讀書不體貼向自家身心上做工夫雖盡讀古今天

大儒心學語錄卷十四

敬軒

三十

下之書無益也

將聖賢言語作一場話說學者之通患

讀書體貼到自己身心上方有味

作詩作文寫字皆非本領上工夫惟於身心上用力

最要身心之功有餘力游焉可也

作詩作文寫字疲弊精神荒耗志氣而無得於已惟

從事於心學則氣完體胖有休休自得之趣惟親

歷者知其味殆難以語人也

用力於詞章之學者其心荒而勞用力於性情之學

者其心泰而樂

開卷即有與聖賢不相似處可不勉乎

千古聖賢未嘗不以警懼之意為勉

讀二典三謨夏商周書其明白者皆有切於學者之

身心愈讀愈有味

讀成有一德之書則知伊尹之學極其精密成湯以

元聖稱之有自矣乎

典謨仲虺成湯伊傳諸書尤切於學者

人讀書果能於聖人之言體之身心而力行之即是

顏子亦足以發之意

脩己治人始終條理詳備者無如大學

大儒心學語錄卷十四

敬軒

三十一

觀衆水之流當知其一流觀萬物之生當知其一本

觀群聖之言當知其一理

讀書貴知要只顏子四勿心不絕想口不絕念守之

勿失循之勿遺豈有差錯泛觀天下之書而不知

用力處雖多亦奚以為

嚴恭寅畏天命自度不敢荒寧乃無遠一書之要

聖賢垂世立教之意大要欲人復其性而已而後之

學者讀聖賢之書但資以為詞章之利用利祿之階

而不知一言之切於身心聖賢垂世立教之意果

何在哉

外聖賢之學便是異端機權世俗之學

讀書所以不見德崇崇廣者只是講說不曾實行如

讀書而時習章便能學而時習否讀其為人也考

第章便能考第否讀須子問仁章便能非體勿視

聽言動否若不能如此只是講說耳

四書滿天下真知實踐者蓋有之矣吾不得而識其

人矣

讀書不於身心有得憤然而已

文士學做聖賢文詞做得雖是自身却只是庸眾人

漢已謹行是脩已第一事

大學心學治錄卷二十四

致軒

三三

必使一言不妄發則庶乎寡過矣

無行可悔則德進矣

存諸心者不雜見於行者不雜措諸事業者不雜形

諸文辭者不雜斯謂真儒矣數者有一雜焉其得

為真儒乎

讀書明正理親正人存正心行正事斯無不正矣

取與是一大節其義不可不明

人為外物所動者只是淺

富貴少至窮人可不謹哉

惟正是以服人

人之自立當斷於心若實見得是當決意為之不可

因人言以前却而易其所守

識量大則毀譽欣戚不足以動其心

進將有為退必自脩君子出處惟此二事

惟精所以知之惟一所以行之

知之至則必信之篤信之篤則行之必至矣

博文是明此理約禮是行此理

學不進大病在見道不明信道不篤若見道明則知

外物之樂不如是道之樂信道篤則必使外物之

樂不得以奪是道之樂學其有不進者乎

大學心學治錄卷二十四

致軒

三三

知理而行者如白晝見路分明而行自無差錯不知

理而行者如昏夜無所見而冥行雖或偶有與路

適逢者終未免有差也

五性之用知最先如開眼作事便要見是非豈不是

知在先

不明理者冥行而已

知至至上至字是至處至之是到那至處知終終

之上終字是終處終之是終而不去

涵養本原尊德性之事思索義理道問學之事

日用之間知最為要或茫小知理之所在而應事

不差者鮮矣

孟子曰知性知天學至於知性知天則物格知至矣

大學物格而后知至知至而后意誠觀知至連意誠

說則格物致知是於身心性情上用功可知身心

性情之理既明則意可得而誠矣

知行雖是兩事然行是行其所知之理亦一也

精義入神乃知至之事致用所以行其知也

明善只是知

明善是格物致知知性知天之事誠身是誠意正心

養性事天脩身之事

心常存即默識道理

存心於義理久久漸明

孟子之知性即大學之物格盡心即知至也

窮理即知性也

始條理之事有缺則終條理之事不全

知性知天則理無不明矣

知之至信之篤則實有得於己矣

觀大學經致知格物連誠意說則格物先欲格身心

之理而後誠意之功可施故程子曰格物莫若

之於身其得之尤切

不加致知格物之功即始條理之事有缺矣

作事只是求心安然須理明則知其可安者安之理

有未明則以不當安者為安矣

致知力行惟在於實公有不實則不能造其極矣

日用間身心切要道理只是仁義禮智之性發而為

惻隱羞惡辭讓是非之情隨事而處必體認得了

了分明方為是道而無行不著習不察之患矣

四書五經周程張朱之書道統正傳舍此而他學非

學也

讀西銘知天地萬物為一體

西銘立心可以語王道

周程張朱有大功於天下萬世不可勝言於千餘年

俗學異端看亂歇離中剔撥出四書來表章發明

遂使聖學晦而復明絕而復續燦然各為全書通

布四海而俗學異端之說自不得以干正其功大

矣

孟子七篇乃洙泗之正傳經千餘載世儒例以子書

視之而無知之者獨唐之韓子謂孟氏醇乎醇焉

也又曰軻之死不得其傳焉又曰求觀聖人之

必自孟子始又曰孟氏之功不在禹下是則千載之間知孟子者韓子一人而已宋之大儒有德業聞望重於一世者猶儕孟子於法言之後尚何望於他人耶惟河南程夫子倡明絕學始表章其書發揮其旨而一時及門之士遂相與翕然服膺其說天下始曉然知其為朱泗之正傳而不敢妄議至朱子又取程氏及群賢之說會萃折衷以釋其義與論語大學中庸列為四書由是洙泗之正傳益以明備千古入道之門造道之閫無越於此矣有志者尚篤所力哉

大儒學語錄卷二十四

敬軒

二十六

幾字古聖人已言之至周子發明尤親切

朱子註四書明聖賢之道正欲學者務為己之學後世皆藉此以為進身之階梯矣夫豈朱子註書之初意哉

孔子因堯舜三代之遺典故得以刪述贊脩朱子因濂洛諸儒之遺論故得以折衷去取

堯舜之道非孔子無以明濂洛之道非朱子無以發周子程子張子之學非得朱子為之發明後世紛紛莫知所定論矣

使堯舜禹湯文武周孔顏曾思孟周程張子之道

然明于萬世而異端邪說莫能雜者朱子之功也韓子謂孟子之功不在禹下子亦謂朱子之功不在孟子下

朱子超然遠引當時小人方欲以利祿輕重之是何異鷄鷄得腐鼠而嚇鷄鷄也

西銘只是欲人存天理

伊川為講官以三代之上望其君從與否則在彼而已其肯自貶其道以徇之哉

伊川晦庵為講官時姑取以備故事資口耳而已二子即以真知力行望其君宜其不合也

大儒學語錄卷二十四

敬軒

三十七

程朱接孟氏之統有功於萬世

漢四百年識正學者董子唐三百年識止學者韓子硤磻之書萬世當法

伊川經筵疏皆格心之論

王道備於大學之書

有大學之工夫則有王佐之事業

朱子之後大儒真西山大學衍義有補於治道

程明道去聖人不遠

孟子一書皆從仁義禮智中派出所以為聖賢之言

所以為王者之道

大學經傳一明德實之

論語言仁大學言明德中庸言天命之性孟子言仁義一理也

允執厥中者性命之理也千古道學之源本於此故朱子曰堯之一言聖矣盡矣

降衷秉彝天理民彝朱子於孟子蒙傑典及聞見章酌言之千載聖賢所傳所學之道不外乎是

明道得志使萬物各得其所學者亦不可無此志

程朱之書吾竊竊敬畏之不敢慢也

堯舜克明峻德一言實千萬世君德之始

道即朱子所謂天理民彝性是也性外無道道外無性千古聖賢所知所傳者豈外於是哉

堯曰允執厥中言中自堯始聖賢相傳之道中而已矣

尚書言中最多中者天命之性書多言無過不及之中乃性之已發者至于思作中庸乃蕪言未發已發之中

伊川言顏說天之明命見天人合一之理自是而後聖賢之言天命皆皆原於此

中庸一部一性字貫之

惟聖人之言中正無過賢者之言或有過者

允言德言聖言神言心言道言中言性言天命言誠言善言一之類多見於書聖賢發明性理實皆原於書也

朱子作中庸大學序惟以二程繼孟氏之統而不及

周子張子邵子何耶蓋三子各自為書二程則表章大學中庸語孟上繼孔孟之統

劉立之謂從明道年久未嘗見其有暴厲之容宜觀

明道之氣象

明道先生先儒謂其作用近聖者言其氣象也

聖人本曾有自聖之心後世儒者未有所至即高自品置如楊雄之法言王通之續經皆以孔子自擬也二子非特不知聖人亦不自知為何如人也

莫曰此言源中世儒之病

無極立言本欲明此理之無方所無形象耳後人將作虛無之無看則失周子之意矣

烝民之詩三五之疇同一義也

周子太極圖畫出理氣示人

太極圖是天人合一之妙

太極圖如水之源流而為千丈萬丈都只是一源

水也

敬之詩口學有緝熙於光明則成王之學日進於高明矣

觀敬之詩成王真得傳心之學者也

聖賢之心扶持千萬世之綱常

三綱五常禮樂之本萬事之原

三代之學皆所以明人倫也外此便是世俗之學

論萬事皆當以三綱五常為本

天地間至大者莫過於三綱五常之道帝王之為治

聖賢之為學皆不外乎是

太儒心學語錄卷二十四

敬軒

四

學者之所講明踐履仕者之所表倡推明皆當以三綱五常為本舍此則學非所學仕非所仕也

三綱五常之道根於天命而具于人心歷萬世如一

日循之則為順天理而治悖之則為逆天理而亂

天道人倫渾合無間

君父人之大倫只當竭誠敬盡所以事之之道其合

與否有所不恤也苟慮其不合枉道以求之則所

失者多矣交朋友事官長皆然

關雎之類言夫婦蓼莪之類言父子鹿鳴之類言君

臣棠棣之類言兄弟黃鳥之類言朋友此詩於人

倫之道無不備也

男女之欲天下之至情聖人能通其情故家道正而

人倫明

真是天理民彝不可泯滅

導友善不納則當止宜體此言

人倫明則禮樂興

不欺君自不欺心始

三綱五常為萬事之本綱常立而萬事舉唐虞三代

治天下之道不外乎此

伊傳告君之辭曰德曰仁曰誠曰敬曰明命曰一曰

太儒心學語錄卷二十四

敬軒

四

道皆歸於人君之一心大臣正君之職於是可見

三綱五常立國之本循之則治違之則忽

二帝三王治天下純是天理之公無一毫人欲之私

唐虞三代之治皆自聖人一心推之無非順天理因

人心而立法也

家人卦治天下之本備焉

孟子一暴十寒之喻皆格心之學

孟子告君皆先正其心

自家一箇身心尚不能整理更論甚政治

各安其分而天下平矣

聖人論治有本有末正心脩身其本也建置立法其末也

聖人治天下公而已

無逸書後世為人君者宜厲一通置之座右

聖人篤恭而天下平二帝三王之治皆原於此

天之道公而已聖人法天為治一出於天道之公此

王道之所以為大也

王伯之分正在不謀利計功與謀利計功之分

王者所存所行皆天理之公伯者則假天理之名以

濟已私耳

大學心學語錄卷三

敬軒

四三

公王道私霸道

謂之王者自一念一慮一心一身形於妻子達之家

國天下無非仁義禮智之充周初無內外隱顯遠

近之間也程子所謂有天德者便可語王道天德

即仁義禮智之德王道即是德推之政事達之家

邦天下者是也謂之伯者形諸念慮身心者無非

人欲之私施諸政事征伐者則假大仁義之名其

內外隱顯遠近名實判然不相須矣此王霸誠偽

之所以不同也歟

皋陶謨典禮刑賞四者萬世為治之大經不出於此

聖人為治純用德而刑以輔之後人則純用法術而

已

三風十愆遵其戒則治違其戒則亂

思齊一詩脩身齊家治國平天下之道備焉讀之有

以遠想前王之盛

堯舜禹湯文武治天下皆不出性分之外

正其誼不謀其利明其道不計其功仁者之事即三

者之事

道學治道不可岐而為二道學正所以推而為治道

堯之克明峻德實萬世君天下之本

大學心學語錄卷三

敬軒

四三

王道天理也伯功人欲也天理人欲未有並立者也

誠心父母斯民為王道有一毫不誠即非王道矣

無逸書有天下者不可不斯須熟念而力行之也

書曰無教逸欲有邦逸欲者亂之源也

為治舍王道即是伯道之卑陋孔孟寧終身不遇不

自貶以徇時者為是故也

王者之心無私如天地人得而知之

孟子之後知王伯之分者董子

惇五典庸五禮章五服用五刑治天下之大本大

不出於是

三代王佐事業皆本於道德後世輔相事功多出於才氣

二帝三王公天下之心萬世可見

帝王治道治法皆實德實事豈後世無本智力之所及

士之氣節全在上之人獎勵則氣節盛苟樂軟熟之士而惡剛正之人則人務容身而氣節消矣

脩德行義之外當一聽於天若計較利達祇見其不知命也

人之出處當安於義命

若實見得雖生死猶不可異况取舍之間乎

取與是一大節其義不可不明

進將有為退必自脩君子出處惟此二事

常沉靜則涵蓄義理深而應事有方

少言沉默最妙

厚重靜定寬緩進德之基

常默可以見道又云常默最妙已心自存

欲深欲厚欲莊欲簡

人心寬平則光明狹隘則幽暗光明者君子幽暗者小人

深以刻薄為戒每事當從忠厚

惟寬大可以容人惟厚重可以載物

總舒放即當收斂總言語便思沉默

不可乘喜而多言不可乘快而多事

須有包含則有餘意發盡太盡難繼

多言最使人心志蕩流而氣亦損少言不惟養得德

源又養得氣充夢寐亦安

顏子終日不違如愚喋喋多言而能存者寡矣

一語妄發即有悔可不慎哉

戒太察太察則無含弘之氣象

經曰有容德乃大有忍事乃濟學者當添體之

忍所不能忍容所不能容惟識量過人者能之

必能忍人不能忍之觸忤斯能為人不能為之事功

英氣甚害事渾含不露圭角最好

第一要有渾厚包涵從容廣大之氣象

促迫褊窄淺率浮躁非有德之氣象

只觀其氣象便知其涵養之淺深

識高則量大氣盛則聲宏

挺特自守者必君子攀援附和者必小人

慎言語養德之大節飲食養生之人

人有才而露只是淺深則不露
方為一事即欲人知淺之尤者
疑重之人德在此福亦在此

愈收斂愈充拓愈細密愈廣大愈深妙愈高明

心定氣平而身體之委和舒泰不待言

傲則仰慙則俯邪則欺正則平

人有滿於得意而不覺形於色辭則其所養可知矣
伯宗曰怙其才而不以茂德滋益罪也此可以為後

主輕俊者之戒

節儉朴素人之美德奢侈華麗人之大惡

大儒心學語錄卷之十四

敬軒

四十六

好為怪異不經之談者不明理也

大者弗察掇拾小者以為之不知類甚矣

立得脚定須寬和以處之

輕言輕動之人不可與深計易喜易怒者亦然

聞事不喜不驚者可以當大事

心誠色柔氣和辭婉必能動人

安重深沉者能處大事輕浮淺率者不能

定見明自信篤可以處大事

物惡太過造化且然況人乎

聽言難則與之俱化故真下聽德性也

靜能制動沉能制浮寬能制褊緩能制急

輕當矯之以重急當矯之以緩褊當矯之以寬躁當

矯之以靜暴當矯之以和粗當矯之以細察其偏

而悉矯之久則氣質變矣

有欲則人得而中之惟無欲彼無自而入

大丈夫心事當如青天白日使人得而見之可也

累有與人計較長短意即是查滓消融未盡

戲謔甚則氣蕩而心亦為所移不戲謔亦存心養性

之一端

輕言戲謔最害事蓋言不妄發則言出而人信之可

大儒心學語錄卷之十四

敬軒

四十七

輕言戲謔後雖有誠實之言人亦弗之信矣

自敬則人敬之自慢則人慢之

持已得一敬字接物得一謙字

君子行有不得皆反諸己而無責人之心

自脩則人不得以非禮相加所謂不惡而嚴也

人當自信自守雖稱譽之承奉之亦不為之加喜雖

毀謗之侮慢之亦不為之加沮

和而敬敬而和處眾之道

凡與人言即當思其事之可否可則諾不可則無諾
若不思可否而輕諾之事或不可行則必不能踐

厥言矣

不可強語人以不及非惟不能入彼將易吾言矣
人未已知不可急求其知人未已知不可急與之合
覺人詐而不形於言有餘味

勿恃其不攻恃吾有所不可攻非特兵法為然蓋可
以為防小人之法

不可因小人包承而易其志

君子以莊敬自持則小人自不能近

防小人當密於自脩

內健則有必去之志外說則無悻悻之色決小人之

善道也

敬軒

四八

疾惡之心固不可無然當寬心緩思可去與否審度

時宜而處之斯無悔切不可聞惡遽怒先自煩撓

縱使即能去惡已亦病矣况傷於急暴而有過中

失宜之弊乎經曰勿念疾于頑孔子曰膚受之愬

不行皆當深味

觀人之法只觀含蓄則淺深可見

接物大宜含宏如行曠野而有展步之地不然太狹

而無以自容矣

左右之言不可輕信必審其實

鄰好問而好察適言人須體此

一字不可輕與人一言不可輕許人一笑不可輕假
人

至誠以感人猶有不服者况設詐以行之乎

不能感人皆誠之未至

誠不能動人當責諸己

誠意孚于未言之前則言出而人信之

親愛之言不可偏聽

一失人則人皆莫之與孤立而無助矣

與人言宜和氣從容氣忿則不平色厲則取怨

待左右當嚴而惠

敬軒

四九

主一則作事不差總二三則雖動作小事亦差矣况

大事乎

事已往不追最妙

事終入手便當思其發脫

作事切須謹慎仔細最不可怠忽疎畧先儒謂前輩

作事多周詳後輩作事多闊畧予覺有闊畧之失

宜謹之

處事當詳審安重為之以艱難斷之以果決事了

常若無事者不可以處得其當而有自得之心

然則反為所累矣

處事了不形之於言尤妙

處事大宜心平氣和

處事最當熟思緩處熟思則得其情緩處則得其常

事最不可輕忽雖至微至易者皆當以慎重處之

欲事之合理誠難但細微處一一能謹斯可鮮失矣

一毫省察之不至即處事失宜而悔吝隨之不可不

慎

處事當沉重詳細堅正不可輕浮忽畧故易多言利

艱貞益艱貞則不敢輕忽而必以其正所以吉也

大德曰教

敬軒

子

程子書視民如傷四字於座側予每欲與人嘗念此

意而不敢忽

接下言貴簡不可一語冗長

臨屬官公事外不可泛及他事

心不可有一毫之偏向有則人必窺而知之子嘗使

一走卒見其頗敏捷使之頗頻下人即有趨重之

意予遂逐去之以此知當官者當正大明白不可

有一毫之偏向

清心省事居官守身之要

作官者於愚夫愚婦皆當敬以臨之不可忽也

伊尹曰接下思恭夫豈人君當然哉有官君子

衆處事之際所當極其恭敬而不可有一毫傲

之心不惟臨衆處事為然退食宴息之際亦當致

其嚴肅而不可有頃刻褻慢之態臨政持已內外

一於恭敬則動靜無違人欲消而天理明矣

成王問史佚曰何德而民親其上史佚曰使之以時

而敬順之忠而愛之布令信而不食言如臨深淵

如履薄冰此名言也

丙吉深厚不伐張安世謹慎周密皆可為人臣之法

虞已接物事上使下皆當以敬為主

大德曰教

敬軒

子

為政通下情為急

愛民而民不親者皆愛之未至也書曰如保赤子哉

能以保赤子之心愛民則民豈有不親者哉

以誠感人者人亦以誠應以詐御人者人亦以詐應

正以處心應以律已忠以事君恭以事長信以接物

寬以待下敬以處事此居官之七要也

不言而自能行出則人心服

為政者自張弛張而不弛則過於嚴弛而不張則流

於廢一弛一弛為政之中道也

為官者勿不可厭煩惡事坐視民之冤抑一切不

曰我務省事則民不得其死者多矣可不戒哉
人臣巧文以避罪此非忠也

處大事識為先斷次之

處大事不宜太厲聲色付之當然可也

作官一事不可苟

為政須通經有學術不學無術雖有小能不達大體

老莊雖翻騰道理愚弄一世奇詭萬變不可摸擬卒

歸於自私與釋氏同

聖人之所以為聖人以其公天地萬物為一體屈伸

消長進退存亡一由乎理之自然而不自私也老

莊必欲外天理萬物極其智術為巧免之計其自

私也甚矣

老莊於道理非無所見但不勝其避害自私之心豈

聖人大公至正之心乎

異端欲知其得失亦不可不觀其書但吾學既明雖

觀其書不為所惑苟吾學未明而先觀之解不陷

溺其中矣

老莊之書切不可深溺若溺其說而誦習不已猶君

齊齊言居楚楚語發於心術文辭有不寔者矣

而賢之言也易知而難信之言也

佛氏之學有曰明心見性者彼既舉人倫而外之矣

安在其能明心見性乎若果明心見性則必知天

下無性外之物而性無不在必不舉人倫而外之

也今既如此則偏於空寂而不能真知心性體用

之全審矣程子謂其言為無不周徧實則外於倫

理不其信歟

釋氏極論道妙而以金玉珍寶奇怪之物侈言之何

耶

聖人之心如天物有違忤者終無私怒也釋氏極言

其神妙無方慈悲忍辱至於一有毀謗其書不尊

大德心學語錄卷二十四

其教者即報之以種種之罪又何量之小而心之

伎耶

釋老之高只是無欲無欲而滅絕天理故曰高而無

實

聖人雖澤及四海功被萬世而無一毫自滿之意釋

氏動輒言其功德無量何耶

聲香色味觸佛書所謂五欲世人之所貪彼欲滅絕

者也及其論聲香色味之盛又極人世之所無者

而誇耀之何耶

好異端者天資高則淪於空虛氣稟下則滅於淫

釋子以罪福誘人豈是公道

釋子不問賢愚善惡只順己者便是

釋氏述世滅倫以為繫正猶陳仲子辟兄離母以為

廉也是安可以其小者信其大者哉

人惟不知原始反終之理故舉俗為異端惑

韓子原道篇中欲治其心而外天下國家之語深中

異端之病老釋二家皆務繫其身清其心棄絕倫

理而不恤正韓子所謂欲治其心而外天下國家

者也

聖賢工夫步步着實如莊老之學儘說得是不着實

大儒心學語錄卷十四

敬軒

五四

滿眼皆實理而人不知信釋氏持一偏空說人為所

惑何哉

身體髮膚受之父母不敢毀傷人之大孝也夫婦配

偶所以承先世之重延悠遠之緒人之大倫也釋

氏乃使人髡其髮絕其配不孝絕倫之罪大矣

聖人順天理而盡人倫釋氏逆天理而滅人倫

雖上知不能無人心聖人所謂無欲者非若釋氏盡

去根塵但人心之得其正者即道心以其不流於

人欲之私所謂無欲也

釋氏本是自索其身紛紛之言其說附會之也

寂而感虛而實此吾儒與釋子不同處

周程張朱真儒也四子辯佛老之非至矣

聖賢惡異端為其陷人心貽害之大

金剛經只欲說形而上之道以形而下者為幻迹此

所以偏於空虛也

聖人之心廓然大公與化無累異端必求一起出陰

陽之外不生不滅之說有是理乎

程子曰謂之變則聖者腐存者亡輪迴之說何其謬

耶

釋塵芥六合然六合無窮安得塵芥之夢幻人世然

大儒心學語錄卷十四

敬軒

五十五

人世皆實理安得夢幻之

釋氏出世法天地古今陰陽皆世也而可出乎

自近古四海九州無不崇信釋氏惟今孔子闕里曲

阜一縣無佛老之居無僧道

程子曰釋氏不識陰陽晝夜死生今古愚謂惟其如

此故其言誕妄

天者萬物之祖生物而不生於物者也釋氏亦人耳

其四肢百骸固亦天之所生也豈有天所生者而

能擅造化之柄耶若如其說則天不在天而在

氏矣

萬物始終莫非陰陽合散之所為釋氏乃有輪迴之說則萬物始終不在造化而在釋氏矣寧有是理耶

吾於靜時亦頗識是理但動有與靜違者由存養省察之不至也

吾於所為之失隨即知而改之然未免再萌於心因謂有不善未嘗不知易知之未嘗復行難

嘗念顏子三月不違仁諸子或日一至焉或月一至焉吾自體驗此心一日之間不知幾出幾入也以是知聖賢之學極難而亦不可不勉

人儒心學語錄卷三十四

敬軒

五十六

氣充是難養子克治用力久矣而忽有暴發者可不勉哉二十年治一怒字尚未消磨得盡以是知克己最難

子每夜就枕必思一日所行之事所行合理則恬然安寢或有不合即展轉不能寐思有以更其失又慮始勤終怠也因筆錄以自警

嘗默念為此七尺之軀費却聖賢多少言語于此而尚不能脩其身可謂自賊之甚矣

予念已德所以不大進者正為舊習纏繞未能掉脫故為善而善未能去惡而惡未盡當自今一刮舊

習一言一行求合於道否則匪人矣

古人功名不立有憂老之將至者吾於道德無成亦憂老之將至誠心如此

往時怒覺心動近覺隨怒隨休而心不為之動矣予性偏於急且易怒因極力變化

吾奮然欲造其極而未能者其病安在得非舊習有未盡去乎

舊習最害事吾欲進彼則止吾之進吾欲新彼則沮吾之新甚可怒當剷絕之

近來誠實畏天而不敢萌一念之惡

人儒心學語錄卷三十四

敬軒

五十七

予覺前二十年之功不如近時切實而有味天地者吾之父母也凡有所行知順吾父母之命而已違恤其他

予至夕必自省曰一日所為之事合理否予近日甚覺敬與無敬之力

為學至要當於妄念起處即遏絕之予嘗用力於此故書以自勵

因讀朱文公與子受之書念之念之夙夜無忝所生之言不勝感發興起中心惻然必欲不為一事之惡以忝先人

曾自念已學矣敢望聖賢之學但願識趨向之正不為異學所惑耳

事親奉祭未盡孝為臣奉職未盡敬宗族疎戚未盡仁交友接人未盡忠讀書行已未盡誠此吾自少至老恒念有未盡也

予於坐立方向器用安頓之類稍有不正即不樂必正而後已非作意為之亦其性然

大石石二十九卷

書敬軒先生語後

本朝道學之明實自薛敬軒吳康齋始二先生同時崛起

大石石語錄卷二十四

敬軒

五八

起於倡於此吳倡於南天下翕然並宗之蓋二先生之學皆得乎斯道之傳者也康齋有文集日錄若干卷其既嘗輯其精粹之語矣敬軒有讀書錄續錄若干卷東湖吳公雖曾采錄多遺厥粹實乃儒和詳輯焉由今考之敬軒年十二一見周程張朱之書嘆曰此道學正脉也遂焚其所作詩賦而潛心焉其學以知性復性為本反求諸心而無所待乎外篤實光輝已至于樂之之地康齋年十九一見伊洛淵源錄知道學之傳心慨慕焉遂棄家業沉潛義理收斂身心視世之所尚舉不足以

其志在欲造乎聖賢之域與天地相似而後

二先生者實有此道故形於立言發於教人者切至到無非性命道德之微天人合一之妙要其所歸真足以紹洛閩而泝洙泗焉者也嗚呼以我大儒並作于一時倡道于百世實上天篤生之

我文運之盛也夫豈偶然而已哉是故合而贊之

懿焉耳矣嘉靖庚子正月望日

真

大石石語錄卷二十四

敬軒

五九

大儒心學語錄卷之二十五

後學金齋王寅輯

康齋吳先生語

須以天地之量為量聖人之德為德方得恰好

當以天地聖人為準則子思作中庸論其極致亦舉

天地之道以聖人配之嗟乎未至於天道未至於

聖人不可謂之成人

聖賢所言無非存天理去人欲聖賢所行亦然學聖

賢者舍是何以哉

文公先生與學者論躬行云若易時天下無數聖賢

大儒心學語錄卷之二十五

康齋

了意實用其力者方知其難

聖賢之必可學而學之必可至人性之本善而氣質

之可化也

學聖人無他法求諸已而已

堯舜周公孔子為我標的

聖至於堯舜周公孔子無以復加矣而其量豈自足

而心豈少息哉

期於聖人雖未至不失為大賢期於大賢雖未至不

失為賢者

凡人宜以聖賢正大光明之學為根本

動容周旋無不中理者聖隨事致省不敢違理者賢

苟一毫不盡其道即是自絕于天

然世鮮能之者不學故耳

苟一念之或失則聖人之道斯遠而習俗之溺彌深

人須自幼力學期於踐形必臻其極然後為無愧也

學焉而弗克者未誠也

聖人之心如止水無適而非坦道焉君子之學舍聖

何歸欲師乎聖其廓然而大公物來而順應乎

廓然而大公物來而順應大公仁也順應義也

大儒心學語錄卷之二十五

康齋

當順理而行情順萬物而無情可也

人須有行一不義殺一不辜而得天下不為之心方

做得堯舜事業不然鮮有不為外物所移者

此心刻刻盡利欲根苗純乎天理方可語王道

栽培自己根本一毫利心不可萌也

收斂此心不為外物所汨

心一也勝於物則靈掩於物則昏

涵養此心不為事物所勝甚切日用工夫

心是活物涵養不熟不免搖動

涵養吾一

存養此心之一

人須整理心下使教瑩淨常惺惺地方好此敬以直

內工夫也嗟夫不敬則不直不直便昏昏倒了萬

事從此瞢可不懼哉

涵養本原工夫日用間大得力

加克已復禮之功使此心湛然虛明則應事可以無

失

先哲云身心須有安頓處蓋身心無安頓處則日間

援接於利害之中而已此亦非言可盡默而識之

可也

六德學語解卷三五

康齋

三

省察四端身心自然約束此時時敬也

人之所以異於禽獸者以其備四端也四端一昧則

失其為人之實何以自異於禽獸哉然蜂蟻之君

臣虎狼之父子豺獺之報本雕鳩之有別物猶具

四端之一人而陷溺其心於利欲之私反有不如

一物者欲異於物亦曰反求吾心固有之仁義禮

智而已

靜時涵養動時省察不可須臾忽也苟本心為事物

所撓無澄清之功則心愈亂氣愈濁枯之反覆

愈遠矣

省察身心

精白一心對越神明

斬截日新

此心必半毫無愧自處必盡其分

須是以中庸自任方可無忝此生

吾人於學可不務厥本哉涵養者立本之方也

動靜語默無非自己工夫

無時無處不是工夫

於事厭倦皆是無誠

毋以妄想戕真心客氣傷元氣

六德學語解卷三五

康齋

四

人不可以不聞道道亦未嘗不可聞用一時之力則

有一時之功用一日之力則有一日之功積之

久氣質自然化矣

人能不負神明則窮通死生皆不足恤矣欲求如是

其惟慎獨乎

人當以聖賢自任

夫心虛靈神明妙古今貫穹壤主宰一身根柢萬事

本自瑩徹昭融何垢之有然氣稟拘而耳目口鼻

四肢百骸之欲為垢無窮不假浣之之功則神必

不測之體幾何不化於物哉子嘗讀先儒釋曰

之者每恨洗滌工夫未聞焉又讀夫子贊易洗心
之章聖人如用未易觀測也於是退而求諸日用
之間從事乎主一無適整齊嚴肅之功與夫利斧
之喻而日孜孜焉然後知敬義夾持實洗心之要
法聖人能事可馴而入

踐履篤實純粹君子誠難能也

古人道德著于一身而事業光于千古者不自小其
量而用心純也

誦中庸至大德必受命惕然而思舜有大德既得位
矣夫子之德雖未受命却為萬世帝王師是亦同

大儒學語錄卷十五

度齋

五

矣

明德新民雖無二致然已德未明遽欲新民不惟失
本末先後之序豈能有新民之效乎徒爾勞擾成
私意也

人之病痛不知則已知而克治不勇使其勢日甚可
乎哉

為學不可不勇日進無疆勿為外物所困
志之不立古人之深戒也

道本平誠生於欲欲消誠去道得平鋪
道理平鋪在著此意不待

天下之至賁而不可惡天下之至動而不可亂廓然
而大公物來而順應

雖萬變之紛紜而應之各有定理

不學則老而衰

日新又新則積中者日盛發外者日著

世之志于學者其所求言語文字之工功名利達之
效而已志雖益勤學雖益博竟何補於身心哉聖
人教人必先格物致知以明其心誠意正心以脩
其身脩身以及家而國而天下不難矣

善學者必本之聖人之教居敬窮理以脩其身而所

大儒學語錄卷十五

居敬

六

以參天地贊化育者其道弘矣

居敬窮理明諸體養氣集義利諸用而曰聖不可學
吾不信也

知弗致已弗克何以學為

痛省身心精察物理

靜中思繹事理每有所得

靜中觀物理隨處有得

觀湖說云觀湖之瑩靜則知不可以一私累乎吾心
之高明觀湖之不息則知委之有源而吾心不可
不加涵養之力觀湖流之必溢而行則知進脩之

有其漸而助長之病不可有焉

君子之心必兢兢於日用常行之間何者為天理而當存何者為人欲而當去涵泳乎聖賢之言體察乎聖賢之行優柔厭飫日就月將母期近效母欲速成由是以希賢聖豈殊途也

寄身於從容無競之境將心於恬澹不撓之鄉日以聖賢嘉言善行沃潤之庶幾其有進乎

無極之妙充盈宇宙而該貫吾心何可須臾離哉然事幾萬態不有精鑒以為權度難乎免於流注架空之患矣甚則差之毫釐繆將千里安求其人心

不死而天理常存也耶

康齊

七

學者所以學為聖賢也務講明義理脩身慎行為事如資口耳事浮華則非吾所知也

先賢謂學必講而後明道義由師友有之惟聖人知朋友之取益為多故樂得朋友之來也此數語雖恒能道之必親得其效然後知聖賢言語有味

文公先生謂延平先生終日無疾言遽色又云李先生初間也是豪邁底人後來也是琢磨之功觀此則李先生豈是生來便如此蓋學力所致也

貧賤能樂則富貴不憂矣

人處於貧賤思難上立得脚住克己之學暴使心不放然上不怨天下不尤人物我兩心惟知有理而人之遇患難須平心易氣以處之庶幾一生必至於怨天尤人此乃見學力不可不勉

患難中好做工夫

處困之時所得為者言忠信行篤敬而已矣

天抵學者踐履工夫從至難至危處試驗過方始知往不利若舍至難至危其他踐履不足道也

凡事須斷以義計較利害便非

吾之所為者患迫而已吉凶禍福吾安得與於其間哉

康齊

八

出處進退惟學聖賢為無弊

將氏云居易未必不得窮通皆好行險未必常得窮通皆醜非實經歷不知此味誠吾百世之師也

所得為者不敢不盡分若夫利鈍成敗非我所計也此心須常教洒然

窮通得喪死生一聽於天此心須澹然一毫無動于中可也

人為得本心隨處皆樂窮達一致此心外馳則樂不暇向能樂也

不可喜喜心之生驕侈之所由起也處逆不
厭其生怨尤之所由起也一喜一厭皆為動
心也其中不可動也聖賢之心如止水或順或
逆以理耳豈以自外至者為憂樂哉
聖賢言禍福一聽於天必不少動于中吾之所以
不能如聖賢而未免動搖於區區利害之間者察
理不精躬行不熟故也
書曰以小學四書為急次及諸經
若但隨力所到為之少倦則止惟此心不可間斷
學當日就月將優游涵泳方能持久
學過則忘之五
康齋
九
之賢之書熟讀玩味體察於身一動一靜一語一
之問必求其如聖賢者去其不如聖賢者積功
久不思不造古人門庭矣
我受書要惟在一敬字人能衣冠整肅言動端
謹以禮自持則此心自然收斂雖不讀書亦漸有
進但讀書明理以涵養之則尤佳耳苟此心常
發于外四體無所管束恣為放肆則雖日夜讀書
亦恐各無所得脫講說得紙上陳言於身心竟何
用益徒假借於過歲月甚可惜也
人讀書貴乎心致志靡下工夫庶可立根本

以向上如或作或輟雖讀書百年未見其可也
與曰讀書曰來書云嘗肆力於四書此可謂得學之
本矣雖聖賢復生教人亦豈出此又云雖能一時
理會紙上陳言於身心竟無所裨此語尤有意味
正好商量蓋人患不知反求諸已書自書我自我
所讀之書徒為口耳之資則大失矣今足下既自
知無益於心則當漸向有益惟專心於此篤信之
固守之深好之優柔厭厭於其中則日新之益自
有不期然而然者矣
天下之事公私理欲義利善惡兩端而已其勢常相
大抵學論錄卷之五
康齋
十
低昂此重則彼輕彼重則此輕智者不患彼勢之
重顧吾所以積累增益吾勢之力何如耳
凡石皆當貴已
聖人之責人也常緩便見只欲事正無顧人過惡之
意
欲責人須思吾能此事否苟能之又思曰吾學聖賢
方能此安可遽責彼未嘗用功與用功未深者乎
況責人此理吾未必皆能乎此也信哉躬自厚而
薄責於人則遠志以責人之心責己則盡道也
見人之善惡無不友諸已可也

自盡者德不進自知不足者可大受而遠到
靜坐獨處不難居廣居應天下為難

事往往急便壞了

當事之危疑見人之措置邵子之教也

人生須自重

男兒須挺然生世間

處事大須深沈詳審

讀書云人當審已如何不必恤浮議志在浮議則心
不在內不可應卒處事

胡文定公云世事當如行雲流水隨所寓而行可也

朱子云一日未死一日要是當

尚德者君子所獨

吉人為善惟日不足凶人為不善亦惟日不足

父子之適天性也其有不愛乎是以孝子之於親視
於無形聽於無聲其顯者哉

三綱五常天下元氣家亦然一身亦然

程子云五倫多少不盡分處至哉言也

世間可喜可怒之事自家著一分陪奉他可謂勞矣

誠哉是言也

程子云和樂只是心中無事誠哉是言也

康節詩云閑窓一覺從容性領當封侯與賜金亦不
必如此說朱子從容深晏養好

聖賢氣象須臾不敢不勉

不敢不以聖賢自任

日夜惟知聖人好但庸資實難企也

隨處惟嘆聖人難學

一味學聖人克其不似聖人者

夜來枕上靜思一味聖學帖然終此餘喘而已

元中庸深悟心學之要嘆此心之不易存

德性學問不敢少怠

勿忘勿助近日稍知此味

日來正心工夫稍有意思

近來身心稍靜又似進一步

近來心中閑思甚少此亦一進

日來甚悟中字之好只是工夫難然不可不勉

時時痛加持志之功務消氣質之偏

夜靜卧閣上深悟靜虛動直之旨但動時工夫尤不

易云

先儒云道理平鋪在信乎斯言也急不得慢不得平
鋪之云豈不是如此近來時時見得如此是以此

心較之往年亦稍稍向定

日夜痛自點檢且不暇豈有工夫點檢他人耶責人
家自治疎矣可不戒哉

可以力致者德而已吾何求哉求厚吾德耳

上不怨天下不尤人君子居易以俟命此不肖恒服
有效之藥也

看朱子六十後長進不多之語恍然自失

詩云戰戰兢兢如臨深淵如履薄冰七十二歲方知
此味信乎希賢之不易也

看言行錄龜山論東坡云君子之所養要令暴慢邪
僻之氣不設於身體大有所省

夜靜童子照魚靜聽流水有悟川上之嘆及朱子安
行體用之旨

夜枕省已稍有益歎大書多言害道古人之辭寡躁
人之辭多思無邪康節四妾吟於東西齋

夜卧閣思朱子云閑散不是真樂因悟程子云人於
天地間並無窒礙處大小大快活乃真樂也

思得隨寓而安之理一息尚存此志不容少懈

不怨天不尤人下學而上達當佩以終餘齒

夜讀論語深感九思之說於用功最切也書服膺

默處中庸體於心驗於事所得頗多

孟子所謂四端逐日省察體驗九所以持身所以處
家所以接物似覺有所持循

今年看四書頗覺身心粗有所得於聖賢分上用功
亦似有下手處

以大學語孟中庸熟玩一日恍然似有所見乃喟然
嘆曰聖人之道果易曉果易行也因益加力焉所

見似亦親切

溫厚和平之氣有以勝乎暴戾逼窄之心則吾學庶
幾少有進耳

日與二三子講窮理樂堯舜之道而已此外非所
敢知也

觀百卉生意可愛

觀近思錄覺得精神收斂身心檢束有歉然不敢自
恣之意有悚然奮拔向前之意

十有九歲得伊洛淵源錄乃知聖賢之學之美於是
一以周程張邵諸君子為心而自學焉

累日看遺書思二程先生之言真得聖人之傳其說
理不高不低不急不緩讀之自然令人心平氣和

萬慮俱消

謂明道先生行狀會心處不知手之舞足之蹈

或伊洛淵源錄曰永樂己丑冬姑蘇別駕李侯能白

寄此集于先君與弼聞之伏觀道統一脉之傳不

覺心醉而於明道先生獵心之說尤大悚動蓋平

昔謂聖賢任道之統者皆天實篤生非人力可勉

遂置聖賢於度外而甘於自棄及觀此事乃知所

謂程夫子者亦嘗有過亦資於學也於是思自憤

勵竊慕尚焉既而盡焚舊時舉子文字誓必至乎

聖賢而後已辛卯冬與弼歸鄉里而京師官舍被

火意此書必煨燼矣居常思一再讀而不可得今

大儒心學錄卷三十五

康齊

十五

年春齊先君遺籍於蓮塘故址忽喜無恙遂奉至

小陂茅屋日敬玩味以酬素願嗚呼與弼迷途少

改實始此文於以見朱子纂集垂惠後學之功誠

矣而李侯遠贈之勤其敢忘哉

觀伊洛開閩言行錄惕然大感于懷益思奮勵以往

不知其氣之衰病之憊也

觀晦庵文集親先生之教令人超然於世萬慮俱消

竊思當時立于其門者宜何如哉

觀晦庵先生語錄慨然於斯道不自知其年之邁氣

之衰病之多也

亦說朱子感興詩因告戒諸生無意抑揚彼此皆從

感激

觀晦庵先生年譜慨先哲之精勤愧駑輩之穢裂惻

然自失奈之何哉

朱子經濟文衡每日敬觀

少有所得渾在小學四書語畧近思錄言行錄於此

數書苟無所深得則他書易壞心術其害非淺矣

也

卧看康節詩意思佳甚

讀真西山大學衍義觀其叙堯舜三代之盛君之所

以爲君臣之所以爲臣皆本於大學格物致知誠

康齊

十六

意正心修身之功漢唐之治君之慕學雖或甚篤

臣之輔弼雖或甚切然於大學之道不明是以卒

於漢唐而已然則人之爲學而不本於大學皆非

也

聖史時見古人卓卓之行益思自奮

卧看自警編惕然自省持已不可不嚴也

讀泰議一篇令人竦然噫清議不可犯也

記宋徽宗孝思堂其畧曰帝嘗陳一獻章方張而嚴

烈森也如三遷之教中成辰乙卯進上篤恭

信復淹吾館子為大書考思題其白沙之堂而廣其意曰君子之於親跬步不忘于孝矧幽明之異侍養之曠哉然全其大必當畧其小慈顏無恙伯氏綜家正自求多福之時也及是時悉其心以立乎已先君為不亡矣陳生勉乎哉

右一百七十四條

書康齋先生語後

天地者道而已矣聖人之道與天地一而已矣人之本心全乎天地聖人之道但人自失其本心始與聖人天地相絕矣苟能學焉以反求其本心則亦與天地聖人一而已矣是故君子學之為貴康齋吳先生實我

大儒心學語錄卷三

康齋

七

明之大儒學之希聖希天者也故其言曰當以天地聖人為準則未至於天道未至於聖人不可謂之成人嗚呼此志一篤則其反躬踐實之功奚容一息之少懈而揆諸天地聖人之道一有所未合則其心豈能以自己乎哉此先生之學所以尊性畏天俛焉以終其身而舉天下之物無足以撓其志日新日進而未嘗自以為足也是故先生所見之定所立之高所養之醇所履之正

殆優入乎大賢幾聖之域而其發於論說莫非其廣大精微之所寓而真足以開來學於無窮焉者莫生先生之鄉景仰高山恒切嚮嘆謹輯其精粹之語彙為一帙時玩繹之不必懼之全書而其希聖希天之學已可盡探其妙約也已矣天下後世之慕先生之學者尚亦於此乎求之嘉靖庚子正月望日黃鍾書

大儒心學語錄卷之二十六

後學金谿王蔭乾

白沙陳先生語

為學當求諸心必得所謂虛明靜一者為之主徐取

古人緊要文字讀之庶能有所契合不為影響依

附以陷於徇外自欺之弊此心學法門也

夫士何學學以變化氣質求至于聖人而後已也

學者以聖人為師

聖人立大中以教萬世

夫人之去聖人也遠矣其可望以至聖人者亦在平

大儒心學語錄卷二十六

白沙

脩之而已苟能脩之無遠不至脩之云者治而去

之之謂也去其不如聖人者求其如聖人者今日

脩之明日脩之脩之於身脩之於家國脩之於天

下不可一日而不脩焉者也

學者進德脩業以造於聖人

夫天下之理至於中而止矣中無定體隨時處宜極

吾心之安焉耳

人一身與天地參立豈可不知自貴重

心寓於形而為主主失其主則反亂於氣

人具七尺之軀除了此心此理便無可貴

學務於誇多闢靡而不知其性為何物變化氣質為
何事人欲日肆天理日消其不陷於禽獸者幾希
矣

此心滌之則明物澆之則暗

心之害大而急者莫如忿爭

人與天地同體四時以行百物以生若滯在一處豈

能為萬化之主耶古之善學者常令此心在無物

處便運用得轉耳

夫內無攻心之疾則外不見行事之難

耳之蔽聲目之蔽色蔽口鼻以臭味蔽四肢以安逸

大儒心學語錄卷二十六

白沙

一掬之力不勝群蔽則其去禽獸不遠矣於此得

不甚恐而畏乎知其蔽而去之人欲日消天理日

明溺於蔽而不勝人欲日熾天理日晦二者之幾

間不容髮在乎思不思畏不畏之間耳

聖賢之言具在方冊取而讀之師其可者改其不可

者

六經夫子之書也學者徒誦其言而忘其味六經一

糟粕耳猶未免於玩物喪志

終日乾乾收拾此而已也斯理也干涉至大無內外

無終始無一處不到無一息不運是故會此者天

所云乃其統體該括耳

大道至無而動至近而神故藏而後發形而斯存知者能知至無於至近則無動而非神藏而後發明其幾矣形而斯存道在我矣是故善求道者求之易不善求道者求之難

此學以自然為宗者也譬之適千里者起脚不差將求必有至處今世學者務標榜門牆誦說雖多影響而已

日用間處體認天理着此一鞭何患不到古人佳處也

夫動已形者也形斯實矣其未形者虛而已虛其未也致虛所以立本也戒慎恐懼所以閑之而非以為害也然而世之學者不得其說而以用心失之者多矣

程子曰且省外事但明乎善惟盡誠心外事與誠心對言正指文為度數若以其至論之文為度數亦道之形見非可少者但求道者有先後緩急之序故以且省為辭省之言畧也此蓋為初學未知立心者言之非初學不言且也若以外事為外物累已者則當絕去豈直省之云乎

惟道何問於動靜勿助勿忘何容力惟仁與物同體惟誠敬斯存惟定性無內外惟一無欲惟元公淳公其至矣

惟至虛受道然而虛實一體矣惟休乃得然而休非休矣惟勿忘勿助學其自然矣惟無在不在心其無忘助矣

學者苟不但求之書而求諸吾心察於動靜有無之機致其在我者而勿以聞見亂之去耳目文雅之用全虛圓不測之神一聞卷盡得之矣非得之書也得自我者也蓋以我而觀書隨處得益

何則則難卷而茫然

學以自然為宗以忘已為大以無欲為至

傳曰道在邇而求諸遠事在易而求諸難又曰行之

而不著習矣而不察是以終身由之而不知其適

者衆也聖人教人多少直截分曉而人自不察索

之渺茫求諸高遠不得其門而入悲乎

知廣大高明不離乎日用求之在我毋泥見聞優游

厭欲久之然後可及也

平生問學一事極索理會不可悠悠

橫渠先生語學者必期至於聖人而後已

無所事乎畏則怠而入於忘

士必志道然後可以與之言

有蔽則暗無蔽則明

不離乎人倫日用而見為飛魚躍之機

由斯道也希賢亦賢希聖亦聖希天亦天立吾誠以

往無不可也

人不可以無志也正其誼不謀其利明其道不計其

功

學貴知疑小疑則小進大疑則大進疑者覺悟之機

也一番覺悟一番長進某初學亦是如此更無別

法也即此便是科級學者須循序而進漸至至處

耳

學無難易在自覺耳總覺退便是進也總覺病便

是藥也眼前朋友可以論覺者幾人其失在於不

自覺耳

守道而不求於人

賢者審擇內外取舍之宜

賢人屈信在道憂樂安能奪之

惟一未字此益信古人所謂自得者非虛語

為學須從靜中養出端倪乃有商量處也

吾於古聖賢之書無所不講求所以用力之方而未

得焉所謂未得謂吾此心與此理未湊泊照合處

也於是舍彼之繁求吾之約此心之體隱然呈露

日用種種應酬隨吾所欲如馬之御銜勒也體認

物理稽諸聖訓各有頭緒來歷如水之有源委也

於是渙然自信作聖之功其在茲乎

吾人以不專之學方其為之也鹵莽潦畧而不自知

又何怪乎古人之不可及也推之凡事莫不皆然

謂羅一峯曰先生欲理會著述及諸外事莫若且打

疊令找整潔淨淨先生平昔所篤信者非朱紫陽

乎非金放下終難湊泊非紫陽語乎

推之欲其高反之欲其實用心於內者如是

剛者常伸於萬物之上

賢者力行已志惟恐一事不底于道

士不明於義非士也

出處語默咸率乎自然不受變於俗斯可矣

士從事於學功深力到華落實存乃浩然自得則不

知天地之為大死生之為變而況於富貴貧賤功

利得喪屈伸予奪之間哉

士之可貴者不于其身之彰而于其志之臧

名節者道之藩籬也藩籬不守其中未有能獨存者

也

言不離乎道行不迷乎躬出處語默去就之權操而

用之必槩乎義苟如是榮辱之至自外者斯任之

而已

自古進退不決於內則其形於外依違可否之間而

欲人之不我疑不可得也

易曰天地變化草木蕃時也隨時誠信與道翔翔固

吾儒事也

謂張廷實曰求靜之意未見其可若迷行之祇益動

耳惡在其能靜耶

謂張廷實曰更完養心氣臻極和平造詣深後自然

如良金美玉畧無瑕類可指矣

自古未有足於道而不足於言者也

道脩在我

世之論人物者觀其外而遺其內以是為非以非為

是者多矣在人自審處何如

今人不必不如古但當自勉其難勿輕自恕

君子之事親也盡其在我者不必其在人者苟吾之

所為不畔乎道不愆乎義則其為孝也大矣

君子進則為君退則為親

尚友古人永矢一心進以禮退以義不受變於時俗

近之則可親遠而望之益光

以心馭氣

小學學之本也保自然之和禁未萌之欲日就月將

以馴致乎大學教之序也

君子所以報其親蓋自有其大者顧吾之所立何如

耳

古之為士者急乎實之不至今之為士者急乎名之

不若周子曰實勝善也名勝耻也

古今學者不同孔子以兩言斷之曰古之學者為己
今之學者為人古今仕者不同程子以兩言斷之
曰古之仕者為人今之仕者為己古之人人也今
之人人也一也判而兩之有其故矣學為己也其
仕也為人學為人也其仕也為己

世味之移人也不少大者文章功業然亦為道之障
為其溺也

文章功業氣節其皆自涵養中來歟三者皆實學也
惟大本不立徒以三者自名所務者小所喪者大
雖有聞於世亦其才之過人耳其志不足稱也學

大儒學語錄卷三十六

白沙

九

者能辨乎此使心常在內見理明後自然成就者

大矣

文章功業氣節世未嘗乏人在人立志大小

人所得尤陰能幾生不知愛惜漫浪虛擲卒之與物

無異造物所賦於人豈徒具形骸喘息天地間與

虫蟻並活而已耶

夫人生幾何徒以難得之歲月供身外無益之求弊

弊焉終其身而不知悔惜哉

古人處老有道處病有道處死有道夫子曰朝聞道

夕死可矣其處之之道乎

後生所急者何後生所畏者何轉瞬之間三十四十
至矣不自激昂不自鞭策他日伎倆又似拙者耳
夫道以天為至言詣乎天曰至言人詣乎天曰至人
必有至人能立至言

道無往而不在仁無時而或息

常道如菽粟布帛時而措之如冬裘夏葛不離乎人

倫日用之間

有道於此匪難匪易能者謂賢不能者耻

至誠則金石可開

同其心不同其迹

大儒學語錄卷三十六

白沙

十

時乎顯則顯矣時乎晦則晦矣語默出處惟時未出

奇哉

時乎見則見矣宜潛而見過也

重內者必輕外難進者必易退

蹈義而弗及畏利若懦夫

其晦也不久則其光也不大其屈也不甚則其伸也

不長物理固亦有然者矣

夫學以求仕之所施仕以明學之所蘊

人知己者不如己之自知

百九如人飲水冷暖自知

觀人者審於愛惡去就之間足以見之矣

忠信之人可與共學

利乃衆人所趨義則君子所獨

賢者之愛人也期於德不賢者之愛人也期於姑息
增其所未高濟其所未深

此理洞如然非涵養至極習次澄澈則必不能有見
於一動一靜之間縱百千揣度抵益口耳所謂何
思何慮同歸殊途百慮一致亦必不能深信而自
得也

顏子之壽過於彭程王公之樂不如匹夫

三傳心學語錄卷三十六

白沙 士

斬釘截鐵工夫當日益但須由其道耳由其道而往

無遠不至也

虛已其難乎若能克去有我之私當一日萬里矣

禮無所不統有不可須臾離者克已復禮是也

受朴於天勿鑿以人稟和於生勿滯以習

所貴乎作者謂其言之不妄可以傳遠

撒百氏之藩籬啓六經之關鍵

仲尼顏子之樂此心也周子程子此心也今之人亦

此心也得其心樂不遠矣

足於內者無所待乎外性於天者無所事乎人

萬感自喜貪者說金學能以此自檢其過人遠矣
進退未決譬之不立背水陣終難敵也

天下有任大責重而祿位不與者苟能勝之則至大

至通無方無體故能為天地立心為生民立極為

往聖繼絕學為萬世開太平所謂建諸天地而不

忤質諸鬼神而無疑百世以俟聖人而不惑此其

分內也宇宙無窮誰當負荷

堯舜禹湯文武周公道大行於天下孔子不得其位

澤不被當時之民於是進七十子之徒而教之擇

善力行以底於成德

三傳心學語錄卷三十六

白沙 士

孔子道高如天德厚如地教化無窮如四時民到于

今賴之

後之求聖人者顏子其的乎

堯舜周孔至矣下此顏孟大儒歟

自古賢人出處不同世多讓之此豈衆人所能識哉

需者事之賊見幾而作不俟終日可也

隨時屈信與道消息若居宋微服皆順應自然無有

凝滯

內不遺於親外不欺於君進退取舍繫於義此古人

難之

六經於取名而慧於求志薄於傲福而厚於待民進以奉身而燕及菽糲陋於希世而尚友千古黃浩

翁之所稱者非蕪溪周子乎

人出處進退去就之節不可苟也非但不可苟仕亦不可苟止

司馬公作相欲除諫官而難其人問於伊川先生不對公曰出於子口入於光耳何害伊川終不為言之語默要自有當也若不問可否惟以相與之密而責之言伊川為不忠矣

宋之君臣當其盛時無精一學問以誠其身無先王

大學語錄卷三十六

白沙

十三

政教以新天下化本不立時措莫知雖有程明道兄弟不見用於時迹其所為高不過漢唐之間南渡之後君非撥亂反正之主雖有其臣任之弗專邪議得以問之

君與親一也在君為君在親為親世寧有篤於親而遺其君者乎

讀蘇子瞻剛說想見其人其立於朝也如弁仞之壁山人處士例以不出為高故其責望於人亦止以輕富貴為第一等事

韓退之不及孟子孟子不肯枉尺直尋退之以書于

三

不可過會不可數抑情以止慢疎會以增敬終身守此然後故舊可保

廣文而多拒小訾品大遺其諸全交與待衰俗之意乎

吾人所學正欲事事點檢今處一家之中尊卑老少咸在絕然檢着便有不由己者抑之以義則拂和好之情於此處之必欲事理至當而又無所忤逆亦甚難矣

天下風俗美惡存乎人人之賢否存乎教觀今之風俗則今之人才可知矣

大學語錄卷三十六

白沙

十四

旁引善類以扶天地之元氣大明公道以壽國家之命脉

在於得已雖一錢惜之而不以病民薄者厚之卑者起之

振頹風扶世教固有位之事

善之不窮士罔攸勸

古之有國家者未始不以興學育才為務

程子曰治天下以正風俗得賢才為本論天下之治者必以復三代為至苟欲復之從何下手耶必

明道先生之言是真能復三代手段也不見用於時惜哉

國家安危所繫視用人何如耳人才有無願作典何如耳

善有勸惡有懲則公道明

夫上之治民當休戚同之父母病者不以得一日之安而棄補羸之劑病飢者不以得一飯之飽而忘終歲之憂

天下非誠不動非才不治誠之至者其動也速才之周者其治也廣才與誠合然後事可成也

夫人才大小必用之而後見不遇盤根錯節無以

別利器

習端而俗正教立而風行民樂生而好亂者息士有耻而慕義者衆則刑罰可省禮義可興國圖可空

守令之政在養民坐視其困而不救安在其養民也貪官汙吏侵漁百姓甚於盜賊此而不除雖有良法美意孰與行之

誠則不言而民信無為而化成觀於明道先生治縣則可知用智之不足貴矣

民之所好好之民之所惡惡之此得民之要道也天下之事成之惟在威信威信一立無事不可為苟無威信難乎其立政矣

每聞四方郡縣得人輒為生靈喜況且擊其人乎

予少無師友學不得其方汨沒於聲利支離於牝糠者蓋久之年幾三十始從吳聘君遊然後取向所汨沒而支離者洗之以長風蕩之以大波惴惴焉惟恐其苗之復長也

康齋論學多舉古人成法由濂洛關閩以上達洙泗尊師道勇擔荷不屈不撓如立千仞之壁蓋一代

之人豪也

與李德孚語昏娶云莫若崇儉以導之令盡去俗樣

異時資送之來白沙必勿留一塵以累吾自然

予凡於公卿之門惟知尊敬盡禮而已不敢隨衆奔走以負其初其有賜於我者既於家中拜受更不進謝

羅一峯平生念念不忘天下又曰孟子稱豪傑之士雖無文王猶興若一峯今所謂豪傑非耶無道

於前而所立卓然人莫能奪之又曰一峯才大不及忘其青天白日足稱云

大儒心學語錄卷之二十七

後學金谿王憲輯

敬齋胡先生語

夫人即那天命不已乾道變化中來底吾之性即是
 那各正性命底故天命之性盡在於我無毫髮少
 欠若存得吾心養得吾性則天命全體渾具於中
 發而應事各得其所則吾身天道亦流行而無間
 矣蓋天許多道理我盡有之但盡得吾身之理則
 天道亦盡今不來吾身做工夫豈能合天人乎
 五性感動而善惡分萬事出矣性如水之源感動是
 水之流也如源本清流出來便有清濁清者是不
 為沙塵所涸濁者為所涸也用力之道當濟其源
 澄其流也
 人心之虛是無物欲之蔽塞也若以為真空無物此
 理具在何處
 理是氣之主氣是理之具二者元不相離故曰二之
 則不是
 理乃氣之理氣乃理之氣混之則無別二之則不是
 有理而後有氣有是理必有是氣有是氣必有是
 理在氣之中所以主宰乎是氣者

滿於形者有盡妙於理者無窮故形亦生生不

之無盡亦可也

氣有盡而理無窮理無窮則氣亦生生不息

天理有善而無惡惡是過與不及上生出來人性有善而無惡惡是氣稟物欲上生出來

太極理也道理最大無以復加故曰太極凡事到理上便是極了再改移不得大是尊大之義極是至當無以加也

程子言無無對者相對處便是陰陽只有太極無對太極合得有動靜之理在內中自有對也

只是這箇道理更有甚事聖賢隨其所指分別出來

貫通只一理以其流行不息賦與萬物者謂之命萬物各有稟受而此理無不全具謂之性性中生

意粹然為衆善之長謂之仁裁度斷制處得其宜乃性中之義儀章品節天秩燦然不亂乃性中之

禮分別是非條理分明乃性中之智實有此理元無虛假謂之信見於日用各有所當行者謂之道

通天地人物莫不各有當然之理總謂之道其所以闢闢天地終始萬物無窮無盡謂之太極無非

是這道理

有理必有氣理所以為氣氣乃理之所為生

氣理在其中即為性故說性性便遺不得理與

但所指不同指其本原所由生之理則有善而無惡故仁義禮智何嘗不善惻隱羞惡之發無往而

不善矣其為不善是物欲害之也孟子意是如此物欲如何害聖賢不得衆人如何動輒便為物欲

所害是其氣質不同也故指其本然之理則為仁義禮智其善可知指其稟於氣者而謂則或清或濁或善或惡不能齊也或問氣何以不齊曰氣常

運行交錯無一息之停所以不齊也

一陰一陽之謂道繼之者善成之者性繼那天道便是善成那善便是性以此知性善無疑惡者蔽於

氣也氣從何出亦理之所為故程子又曰善惡皆天理但人自不可流於惡又曰不是善惡在性中

相對而生既曰不可流於惡不是在性中相對而生則元初只是善也

孟子言性善是指本原之理而言程子兼清濁美惡二者皆是也論太極本然之理以為生物之主宰

有不善論動靜陰陽錯綜交運安得不有清濁美惡殊不知孟子之說則知善性之本善當求復乎

此而竟舜可爲也。孟子之說則知人不善者乃氣質之偏當變惡爲美以攷克復之功其有功於聖門有功於後學非淺也。

心與理本一心雖虛理則實心中無他物只有此理全具在內。

心具是理乃氣之靈者故養得心即養得氣能養氣即養得心也理也氣也三而一者也。

天下之理雖萬殊而實一本皆具於心故感而遂通若原不曾具得此理如何通得。

因其理具於心故感着便應。

所以爲是心者理也所以具是理者心也故理是處心即安心存處理即在。

天地間道理無一時息人心不可一時不存吾之本心即天地生物之心具於我者故孟子曰仁。

人心也聖賢千言萬語皆是欲人明此理存此心天下神速莫如心天雖至健一日不過周天一度而已風雖急一日不過數千里心一思便思得幾千萬年須臾便思到幾千萬里蓋心具是理理無不在千萬年固共此理千萬人固共此理所以思無不到故氣速不如神速神速由於理一也易曰。

無方易無體心之靈如此可不知所養。

身行一日不過百里所歷不過十二時心則頃刻千萬里頃刻千萬歲蓋身則特於形心氣則通乎神也。

理無形而具於心心具是理而無迹故可謂之虛不可謂之無空則無矣心不虛不能涵具衆理所以。

心體本虛也。

人心一放道理便失一收道理便在。

心終私便是放不必逐物馳驚然後爲放心一放便是私不待縱情恣欲然後爲私這裏最難所以古。

人戰戰兢兢。

只致其恭敬則心肅然自存非是捉住一箇心來存在這裏。

覺得心放便提撕收斂再不令走便是主敬存心工夫若心不知下落茫茫蕩蕩是何工夫。

整齊嚴肅不可頃刻離則心無不存適無不在矣心常惺惺自無客慮。

中庸言戒謹恐懼程子言莊整齊肅於此用功心自無走作處。

放心是逐物於外惕然警懼則即此而在矣是知戒。

謹恐懼乃存心之要也

涵養之道須深潛篤實方能制其飛揚之心消其粗厲之氣主一工夫易施心易純也

只恭敬安詳便是存心法

孟子求放心不是捉住一箇心來存只惕然肅敬心便在此

心不操即無主放者固馳於外不放者亦入於空無

心常有主乃靜中之動事得其所乃動中之靜

心具衆理所患者紛亂放逸情慢故須主敬主一無適所以遏其紛亂放逸整齊嚴肅所以救其情慢

莊敬是保養身心底工夫

入收斂警醒則氣便清心自明絕情慢便昏瞶也

敬是箇扶持身心底物事怠惰是箇喪敗身心底物

事故曰敬勝怠者吉怠勝敬者滅

整頓得心起則學自進守得心定則德愈固

心有主雖在閑中亦靜故程子以爲金革百萬與飲

水曲肱一也然必知之深養之厚心方不動

心定則理明心躁則理昏

心沉潜則造理必深

用心不可太過只主一無適優游涵泳自然義理暢

明

自敬耳

心只是一箇心所謂操存乃自操而自存耳敬是心

整不亂

心體本全元無虧欠或爲昏氣隔塞或爲舊習斷喪

所以要涵養者只要養完此本體則天德自全

人心萬理咸備無所不有只要脩省得到

學者先當理會身心此是萬事之根本

一整齊嚴肅心便是在是能整理才情慢則心便悠

蕩無歸着是白不能整理也

心麓最害事心麓者敬未至也

人心全是天理絕違理心便不安心便愧忤

心存則理明心放則理昏

心渾是一團理理不明心便有蔽便欠缺

窮理須是心專一心有細密工夫方見得透徹若不

專一則飛猿草畧縱敏亦畧見彷彿而已

未容體謹威儀便是立敬之規模主一無適是心地

正容體謹威儀便是立敬之規模主一無適是心地

上事内外交正持養之要道也

人坐不端莊則昏惰之氣必生心因以不存而理亦昏矣

孔子只教人去忠信篤敬上徹放心有能收德性自能養

程子教人靜坐所以教學者之偏亦所以定其昏擾雜亂之心

立得志定操得心定不至移易則學自進

人心要深沉靜密方能體察道理故程子以性靜可以為學若躁動淺露則失之矣

德學語錄卷三

敬齋

八

敬則心地嚴肅精神自重理易明不敬則心事散亂

精神昏惰書愈難讀理愈難窮矣

人苟能心勿忘勿助長則無處不是道理無處不可進學

心常有所事則雜念不生故程子以必有事焉而勿

正為主一若正則反生事心反不寧勿忘勿助乃

本心有處天理妙處程子以與鳶飛魚躍同活潑

潑地

心不可放縱亦不可逼迫故程子以必有事焉而勿正心勿忘勿助長為存心之法雖借用孟子之言

其義尤精此自然之理非有毫髮私意故與鳶飛魚躍同活潑潑地

學者去得一箇計功謀利之心則心下自然坦夷安泰

其心肅然則天理即在故程子曰敬可以對越上帝若非敬如何扶得身心道理起

敬則心專一專一則精明

恭敬則非特心存又且明瑩蓋心是神明之舍存則

自明

主敬只是要得此心專一專一則內直中自有主有

大陽明語錄卷三

敬齋

九

主則事物之來自能照察斷制

程子曰有意坐忘便是坐馳又曰要息思慮便是不

息思慮朱子曰被異端說虛靜了後使學者忙得

不敢睡又曰要得坐忘便是坐馳然則若何而可

也曰必有事焉而勿正心勿忘勿助長也便是行

其所無事

入若敬時許多放蕩底心都收了許多雜擾底心都

一了

敬如何便存得天理蓋心中只是理別無物放其心

理便失敬則心存理便在

今人言心便要求見本體察見寂然不動處此皆過也古人只言涵養言操存易嘗言求見察見皆欲求察而見其心之體則內裏自相擾亂反無主矣然則古人言提撕喚醒非歟曰統統提撕喚醒則心惕然而非察見之謂也

未發之前不可無主李延平曰人固有無所喜怒哀樂之時然謂之未發則不可言無主也朱子曰未感物時若無主宰則亦不能安靜只此便自昏了天性不待外物之引然後發也朱子又曰無思時要不如死灰有思時不要邪

朱子曰靜而常覺似說重了些子只說常惺惺常精明則可說常覺便有心分爲二底意思朱子於中庸或問言至靜之時但有能知能覺者而未有所知覺也此爲至論

或曰靜時有思慮乎曰無曰有心乎曰有而未動也曰何謂之有曰操也曰操則動矣可謂之靜乎曰操只是主敬不放縱之謂事物未交思慮未萌不可謂之動曰人操其心乎心自操乎曰心身之主非身外有心人與心不可分爲二人操即心操我主一無適則心主一無適主一無適即是操也

靜不是無心又不是忘了也此心仍醒在仍有主孟子所謂操操便有主有主則自然醒朱子所謂靜中知覺此知覺不是事來感我而我覺之只是心存則醒有知覺在內未接乎外也然謂之知覺不如只說箇惺惺字謂之惺惺又不如只說箇操字謂之操又不如只下箇敬字

今人言心學者便要說靜時無心居仁問之設若無心亦須有理彼又應曰靜無而動有彼信以爲靜時真無心與理矣夫天命之性與生俱生不可須臾離故靜而未有事接之時則此心未動此理未發然此時此心寂然在內此理全具於中故戒懼恐懼以存養之若真無心無理又戒謹做甚又存養箇甚必有物在內故須主敬須存養故程子以爲靜中有物靜中雖無所知覺亦有知覺在又有因程子說靜中有物遂要察見本體看未發已前氣象此又非也靜中只有箇操存存養易嘗有看見察見或問周子言靜無而動有何也曰周子言無以未形而言非真無也乃無中含有也故朱子解之曰靜非無也以未形而謂之無無事時不教心空有事時不教心亂

退藏於密只是其心湛然無事而眾理具在也
為物欲所勝者皆是心不能做主也

今人說靜時心不可操才操便是動學之不講乃至
於此甚可懼也靜時不操持何時去操其意以為
不要惹動此心待他自存若操便要着意着意便
不得靜是欲以空寂杳冥為靜不知所謂靜者只
是以事物未至思慮未萌而言其中操持之意常
在也若不操持待其自存決無此理程子曰人心
自由便放去

靜中有物只是常有箇操持主宰無空寂昏塞之患
大學章句卷之二十七 教齋 十一

先立乎其大者便是中有主了

心無主宰靜也不是工夫動也不是工夫靜而無主
不是空了天性便是昏了天性此大本所以不立
也動而無主若不猖狂妄動便是逐物徇私此達
道所以不行也已立後自能了當得萬事是有主
也

未發時仁義禮智之性渾然在中感而遂通之時惻
隱羞惡辭讓是非之情隨應而出動靜一理體用
一源故未應不是先已應不是後

萬事有根本總領根本總領不正其餘皆不可正

一箇真實道理流行而天地萬物各得其性而
天地之所以為天地萬物之所以為萬物莫非實
理所為人之處事只當順其理之當然則自然順
治若着此子私意便是逆天違物即亂之源也

君臣父子夫婦長幼朋友皆有一定之分乃天理之
當然故曰天叙天秩有一毫不盡處便是不曾盡
得天分有一毫背戾處便是逆天

欲生於氣氣為主則滅乎理須使理為主而氣順焉
程子言善惡皆天理非言有不善之天理言善惡皆

天理中出來底是理處便是善非理處便是惡蓋
大學章句卷之二十七 教齋 十二

太極流行便有動靜陰陽是非邪正亦是理之自
然不能無者非言惡者亦可名為天理也

當然處即是天理

存其心養其性所以事天吾心之理即是天

天地聖人只一箇誠私意間處便不誠誠實理也不

可以人偽雜之

必有事焉是指學而言不可有造次終食之遠

人心宰制事物若馳逐事物是為所制也

人做得切已工夫自無許多閑思慮

學者於義理見得分明則貧賤富貴撓不得

聖人教人只教以忠信篤敬使學者便立得箇根其
本領學問可次第進

有一分利欲便蔽一分天理利欲長一分大本便虧

一分

此箇理天地間甚事出得然必知之明信之篤守之
罔養之熟行之果方是天地間正當事業博厚高
明悠久無疆自此進矣

靜中萬理具備是涵得有動之理故謂之體動時事
得其理是著乎靜之理故謂之用體用只是一物
以其在靜在動未發已發而言也

天儒學語卷三十七

敬齋

十四

大本立則達道自行故程子曰已立後自能了當萬
事

萬物各有自然之理聖人只是順之不會加得一毫
心存然後能察天下之理

心廣體胖誠意之效是天理實有諸中也

思其所當思則心亦不放若不當思而思之則此心
牽纏擾亂乃所謂放心當思慮亂時惕然自省即
自整頓而莊嚴自持則心自湛然在內

本心不純者發用必偏

涵養本原與窮索義理實交相涉入蓋人心只有

多義理更無別物涵養既至則天理自明窮理
精本心愈安也

只不愧屋漏則是吾之職分已盡若夫富貴貧賤禍
福皆當處之以義不可累吾心也

立志已定用功不差潛心積慮之久義理自當融會
雖整齊嚴肅亦要箇沉潛細密意思不可把捉太過
學無倦怠便入於自棄

志不可放倒身不可放弱程子曰懈怠一生便是自
暴自棄朱子曰才悠悠便是志不立

人之昏困是氣也持其志則昏去矣在敬

天儒學語卷三十七

敬齋

十五

正其義不謀其利明其道不計其功學者以此立心
便廣大高明克之則是純儒推而行之即純王之

政

一息尚存此志不容少懈古人云蓋棺吾事畢又曰
存吾順事沒吾寧也

做天下一箇好人須壁立千仞

今人自置身於卑污苟賤之中却要丟去外面求貴

人之所以爲人者理也苟不存得此理只營營於利

以養血肉之軀豈不愚哉

不可自恕蓋恕者求仁之方施於人之事也若施於

已則自治不嚴偷惰苟簡進脩必改過之不

見善不能勇爲見惡不能勇去雖終身從事於學

以有諸已

昔在南康何太守言當今秀才難教某對曰只有兩

箇人教不得他問是誰曰自暴自棄者

若得工夫真又無間斷學須日夜長進

學不爲己雖有顏孟之聰明亦不濟事

學者務名所學雖博自己性分全無干涉濟其事

學而善思則學便有進

學者工夫寧下而勿高寧沉而勿浮貴博而不貴雜

貴精而不貴玄寬不至慢緊不至迫

近日學者便要尋滋味尋快活此皆是未學行先學

走如何不猖狂顛倒只當教他去窮理力行見理

明力行熟自有滋味自能快活孔子教人但當先

難而後獲

上蔡記明道語言既得後須放開朱子疑之以爲既

得後心自自然開泰若有意放開反成病痛愚以

爲得後放開雖似涉安排然病痛尚小今人未得

前放開故流於莊佛又有未能克己求仁尤慢

求顏子之樂所以卒至狂妄殊不知周子令二程

尋顏子之樂處是要見得孔顏因其有此樂所樂

何事便要作顏子工夫求至乎其地豈有便來自

已身上尋樂乎故放開太早求樂太早皆流於異

端

學無他只要存得天理去得人欲天理是人所以生

底道理有生之初所稟得底道理人欲是有生之

後因氣稟之偏情欲之感事物之交利害相形而

生故天理是本然之善天所賦底人欲是失其理

動於物縱於情乃人爲之偽非人之固有也然開

邪存誠所以保養天理防閑人欲本原上工夫省

察克治所以辨明天理決去人欲發用上工夫故

操存涵養省察克治之功愈精愈密無少間斷則

天理常存物欲盡去

人貴乎有力量然當精求聖賢用力之方與理之至

當方不負此力量若理有所蔽以此力量堅執不

回則爲害尤甚

學至聖人地位方了得一生事

學計功所學雖是亦私心私必害仁故先

事後得爲仁

人皆可以為堯舜是吾心之理與聖人一也吾心之

理既與聖人一又何聖人之不可學乎

學只是盡其當然之分

學要來身上做

學者須要豎得這身子起

此道無古今無前後無小大無始終

人有才氣者老而不見用多汨沒萎弱不及少年此

無學問充養之功聖賢則老而經歷既多閱理益

精操養益熟故孔子示人以四十不惑五十知天

命六十耳順

大學心學錄卷三十七

敬齋 十八

吳草廬言三十年前好用功阻學者進路居仁三十

後功夫方親切張橫渠三十後才遇二程孔子言

三十而立則後面工夫更多

學而時習之先要學得真方可時習時習則無間斷

而所學熟矣

學不可放下須是時習必有事焉是孟子集義工夫

程子又以為持敬工夫皆是無間斷也

古人之所以善學者以其能求上於至善

後世學淺陋不濟事以其不求止於至善也至善是

天理之極不止乎此便是半上落下

今人不去學自守先要學隨時所以苟且不立

不學聖賢則學無歸宿

學知為己亦不愁你不戰兢兢

人常戒謹恐懼則物欲自來不得所以存得天理之

本然在

未發之時事物之理已具但未發耳此時不容求索

只欲以自持事物既靜思慮一動則便是已發便

當省察然其已發之理便是未發時底理體用實

一源本末實一貫

今人屏絕思慮以求靜聖賢無此法聖賢只戒謹恐

大學心學錄卷三十七

敬齋

十九

懼自無許多邪思妄念不求靜未嘗不靜也

工夫不密則外邪乘隙而入

程子曰未應不是前已應不是後蓋未應之時此理

全具於寂然不動之中當此之時敬以操存之而

未發之中天下之大本立焉已應之時此理發見

於感而遂通之際當此之時敬以省察之而發

中節之和天下之達道行焉未應靜也體也已應

動也用也體即周之所存用即體之所發非有

事也固無先後之可言亦是動靜無端陰陽無於

之意

致問存養在致知之先主致知之後曰未知之前也
存養則心昏亂義理之本原已長何以能致知既
知之後非存養則亦放逸偏情天理隨失何以保
其知先儒言未知之前非敬無以知既知之後非
敬無以守又言敬者聖學之所以成始成終者也
問存養屬知屬行曰存養乃知之本行之事此未
行之行也

主一工夫可漸至純一不已

聖賢工夫雖多莫切要如敬字敬有自畏慎底意思

敬有肅然自整頓底意思敬有卓然精明底意思

敬有湛然純一底意思故聖學就此做根本凡事

都靠着此做去存養省察皆由此

古今聖賢說敬字曰欽曰恭曰寅曰畏曰翼曰戒懼

曰戰兢曰齋莊字雖不同其實一也洪範貌曰恭

是外面之敬也至曰恭作肅則心亦敬也內外一

致也臨深淵履薄冰形容戒懼之意最切孔子言

出門如見大賓使民如承大祭又畫出一箇敬底

樣子出來與人做程子言整齊嚴肅是入敬處主

一無適是就存主處說謝氏言惺惺法是就敬之

精明處說尹氏言收斂身心不容一物又以人

神祠致敬為喻即是孔子見大賓承大祭之意也
體最親切朱子曰畏字是敬之正意敬齋說詳
全備毫釐有差便流於禪定故有三綱論九法數
之戒

敬齋箴兼內外動靜而言所以不偏

學者持敬只就衣冠容貌視聽言動上做便是實學

人若端莊靜一則天理即存大本自立極其至也篤

恭而天下平一不莊敬則百邪交侵不待形於外

而天理根原喪於內矣

人須要恭敬恭敬則情慢和僻之心不生德性常得

其養而天下之大本在我由是以窮理脩身以馴

致篤恭而天下平

人莊敬體即立大本即在不然則昏亂無本

和不樂鄙詐之心入之矣不莊不敬慢易之心入

之矣此體樂所以不可斯須去身也

古人云宴安如酖毒甚可懼也惟莊整嚴肅戰兢惕

厲可以勝之

學者之所患最是惰與輕惰則自治廢輕則物欲恣

只一敬字可以治之

敬者德之聚也敬則衆善畢集不敬則情慢放僻

孟子德政矣

敬該動靜靜坐端嚴敬也

無內外容貌莊正敬也

端莊整肅嚴威儀恪是敬之入頭處

之接續處主一無適湛然純一是敬之無間斷處

惺惺不昧精明不亂是敬之效驗處

聖學以敬為本者敬可以去昏惰正邪僻除雜亂立

大本

敬便是操非敬之外別有箇操存工夫

真能主敬自無雜慮欲屏思慮者皆是敬不至也

程子曰欲息思慮便是不息思慮有意於坐忘即是

坐馳敬則無此患

必有事焉即主一無適故程子以為敬也朱子以必

有事焉為集義因上文而言敬在義中為本也

子是本文意程子是言外意

程子發明一敬字於學者最有力而整齊嚴肅是敬

下手處或曰整齊嚴肅是外貌上做工夫夫主一無

適是心地上做工夫曰內外一致未有外面整齊

嚴肅而心不主一無適者未有心主一無適而

貌不整齊嚴肅者但當內外交致其功

非禮勿視聽言動雖在外即所以養其中蓋自中

而應乎外外不亂則內自有主內有主則外自整

齊此敬之功所以貫內外動靜分而言之則靜為

存養動為省察統而言之則動與靜工夫皆所以

存吾心養吾德也

敬以直內是必有事焉而勿正以敬直內是正也助

長也故程子曰以敬直內則反不直

程子以必有事焉為敬是發明言外意又可見敬是

義之骨干非敬無以集義

道理本原只在天命之謂性上萬事萬物之理皆在

此處流出

道理本全具未發時敬以養之莫令有偏已發時敬

以察之莫令有差內外動靜交致其力

敬以直內義以方外直內是內裏正當非僻之干無

自入矣方外是外面處置得當條理分明各有體

面各有準則移易不得

主敬不是別有一敬將心去主他只心自敬耳居敬

持敬亦是如此

聖人也專一於敬無間不敬聖人曰欽明曰溫恭曰

聖敬曰敬止是他自然不離於敬不說主敬與持

敬者主敬熟後以至不待着意便是聖人故程子
曰主一則有意在然則溫恭是不用戒謹恐懼整
齊嚴肅否曰看來聖人是自然戒謹恐懼自然整
齊嚴肅如曰變變齊慄曰齊戒以神明其德是也
如人起屋監得柱頭端正則易撐持若豎不會起柱
頭斜撐住最難按敬齊此數語以養人之為學當
立其大本尤切故斷章而錄之

程子說主一是直截在心上做工夫

程子發主一之論與易齊戒以神明其德相同書曰

惟精惟一孟子曰必有事焉而勿正心勿忘勿助

長皆此意也

記曰君子莊敬日強安肆日偷學者脚步正在此立

不一其內無以制其外不齊其外無以養其內靜而

不存則無以立其本動而不察則無以勝其私

敬以直內義以方外敬體也義用也內直則外方體

立則用行也

天地設位而易行乎其中只是敬也敬則扶得道理

在

雖離在宮肅肅在廟不顯亦臨無教亦保此聖人之

敬也

敬則可以關防外邪養本性

人之學先立持其志志一則動氣如人昏困是氣昏

也若悚然自持則志立而氣自清故持志在敬蓋

嚴肅之地昏惰不生集義養氣亦由於此

人多昏困只整齊嚴肅四字整得起

古人無時無處不用力無事之時必戒謹恐懼有事

之時必精察其是非

窮得此理須敬以存之方不失或曰未窮時如何曰

當主敬以立其本

人之大病有三一曰貪惡二曰輕浮三曰昏弱

看有才氣底人老年多不及少年是他無學問持養

工夫

容貌辭氣上做工夫便是實學謹獨是要

統覺私意起便克去此是大勇

非禮勿視聽言動勿便是克之意

古人做工夫極切實貌曰恭言曰從視曰明聽曰聰

思曰睿非禮勿視非禮勿聽非禮勿言非禮勿動

人一縱於欲德即敗雖改之又當關防謹密不使萌

於再

人有養久則氣質自變

操持要極其謹密窮理要極其精微應事要極其詳

審規模要極其宏大此君子無所不用其極也

氣質之偏皆可克治要克治氣質之偏須涵養得大

本完固則元氣壯病易除

古人老而德愈進者是持守得定不與血氣同衰也

今有才氣之人到老年便衰是無持養之功也

顏子四勿涵養省察工夫都在裏

清明剛大之氣須要養如何養只是循天理不為物

欲所屈便是

一息不存天理即便間斷

存養於未發省察於幾微力行以終之

人被私意所蔽天理即亡聖人教人操存省察所以

要存天理去人欲也

未發之前失其中故已發不能和孟子思致中和

人之學本於良知良能然全要養養則良知良能日

長不養則日消

日用間事事省察從天理上行統覺有私意便克去

此進學之要

先儒言合內外之道又曰表裏交正曰内外交養曰

本末相資曰體用一源顯微無間曰動靜相涵曰

欲義夾持此等處最宜理會此處見得破則知所

用力知所用力則功利無所誘異端不能惑矣

聖人心不離乎理所以純亦不已大賢以下必操存

省察乃能不離乎理苟不操存不省察則與理違

矣或問聖人心與理一不用操不用省乎曰聖人

固不待操而存省而知然亦無不操無不省

今之多入禪學蓋因小學大學之教不行自幼無根

本工夫長又無窮理工夫心要收又難收故厭紛

擾喜虛靜又惡思慮之多而過絕之久則必空所

以多流禪也

良知出於天致知存乎人

一者誠也主一敬也由敬入誠

主忠信便是實行知識有餘而實行不足無以有諸

己

在心無一毫不盡是忠發出在事上無不實便是信

顧誕天之明命是操存省察要事事盡理使天賦之

理不至昏失豈日常看見光光明明乎然則參前

倚衡是何物曰此指忠信篤敬而言是人做工夫

處常不離乎忠信篤敬則此心常存天之明命

不在矣

而無間斷則誠矣故程子曰未能誠者由欲以

此心存故為仁以敬為主

公私意便是仁

天下人共一箇心克已在我天下歸仁豈非同此心

只與父子君臣夫婦長幼朋友上求道便是真實道

心平氣和欲昏蔽其良知故須致知

此道學上明便信之篤存之熟行之力方有諸心

趨向不遠賢之言自相背馳如何讀得聖賢書

天下之理無無疑然後行之沛然

行在知之極子路之強勇司馬君實之篤行皆有

差使致知工夫至則二賢何可及也

天下古今事物之理皆具於吾心知者心之神明妙

此理者也故人一心足以知天下古今之理以其

元具在內涵養者所以養其知也窮理者所以致

其知也

窮理非一端所得非一處或在讀書上得之或在

論上得之或在思慮上得之或在行上得之
書得之雖多講論得之尤速思慮得之最速行
得之最實

窮理格物先從性情上窮究則見得仁義禮智渾然

全具於吾心惻隱羞惡辭讓是非隨感而發從

此力加操存省察推廣擴充此便是原頭工夫根

本學問

讀書須着實理會既曉六文義便真去做務要令此

書自我身上發如忠信為敬非禮勿視等處若實

做得來自然長進

將聖賢言語句句從自己身上體驗何患不長進若

未到此地位只是我未曾實做得工夫只管打點

做上去此為學之大法也

讀書須以身體驗則書上道理方與自家湊泊

人不曾處事只是不曾窮理理明天下無難處之事

矣

人窮理到至善處自然作事不忙不亂

天地間只是一箇理古人戰兢惕厲只是欲不失此

理而已

公生明私生昏私則有蔽有蔽便昏公則無蔽無

便明何以能公克已則公矣

入頭處最怕差將後無救處入頭處亦怕偏將來偏到底

知既真行必正

大學要緊處在致知誠意兩章故朱子以為在初學尤為當務之急蓋不致知而欲誠意則善惡未明而所誠者反非天理之真而適以為妄能致知而不誠意則所明之善終非已有自欺欺人為害大矣

孔子教人便要使人有諸已

今人多是无頭腦之學

曾子一貫工夫已有但未悟耳故夫子呼而告之一

貫即體用也蓋人之一心萬理咸備體也隨事而應無不周徧用也會子平日戰兢臨履忠信篤實

則其心之本體已立隨事精察無不詳盡則其心之太用已周所謂一貫者固在其中矣故夫子一

喚即悟不然則應之必不如此之速也其後子思發明中和以為中者天下之大本和者天下之達

道程子序易曰體用一源顯微無間皆此道也

顧認天之明命是事事不違天理顏子非禮勿視聽

言動孟子必有事焉是此等工夫

顏子最好處是得一善則拳拳服膺而弗失孟子最好處是善端之發便能擴克以至其極今人見好事不肯做故不濟事若因善端之發不肯放過直做到底真箇難及便是顏孟復生

孟子發夜氣之說於學者最有功蓋心也理也氣也一也心存則氣清氣清則理明理明則氣益清氣益清則心益存其要在操存省察於旦晝之間不為物欲所泊顏子之非禮勿視聽言動孟子之集義養氣程子之居敬窮理是工夫

人之良心天理根於秉彝之性雖小人喪滅之餘終有滅不得者但其為人欲所勝耳

人做工夫不可太過太過反成助長所以生病痛

呂與叔是箇肯做工夫底人然所謂求見未發之中執而弗失亦是過了

有所為皆是私意故張敬夫言為已者無所為而然者也朱子深取之

張橫渠言太虛不能不聚而為萬物則可言萬物不能不散而為太虛則不可聚則生散則盡物理之自然豈又散去為太虛者太虛亦不待萬物散

為也

橫渠言氣之聚散於太虛猶水之凝釋於水居仁未
敢以為然蓋氣聚則成形成則盡矣豈若未凝

之時是此水既釋又只是此初元水也

張子以太和為道體蓋太和是萬物所由生故曰
保合太和保乃利貞所以為是太和者道也

和為道體誤矣

知行兩盡此理實有諸己矣
帝王無異道是純乎天理無一毫人欲之私也

是私意縱窺測得天理來則只是假
聖賢治世是從天理上展開去所以人不可及後世

才智之士用盡氣力只見功業之甲

聖賢之學只是脩己治國平天下是從這裏出

聖人與賢人之分只是一箇生與熟間斷與不

識得如何未熟如何間斷從此勉勵不息

聖人夫父而聖可至矣

聖人有憂世之心無忿世之心

聖人只在天理上行無所損益

氣有聚散故以聚為有以散為無以聚為實以散為
虛可也若理則流行不息而形而一者無散故

不可言有無不可言虛實

天地間只是一箇消息有息必有消消則必息然息
者自息消者自消自然之理亦不是已消者再
做息故釋氏輪迴老氏歸根反元不成造化矣如
人家富而貧貧而富不是取得元財來致富是一
生出財來

形而上者謂之道形而下者謂之器雖分上下只是

一事程子所謂微顯無間也陰陽形而下者形而
上者是所以然

天地間正氣涵養養只要直直只是義

聖賢隨其事而以理處之雖萬變交於前而吾之心
未嘗不定也

謝顯道言鬼神道有便有道無便無世間無這活弄
底道理有道無不得無道有不得

朱子言不必以既致之氣為方伸之氣此可謂識造
化之妙矣

天地中和之氣都在中國故人倫正禮樂文物為海
內之地亦不甚闊不滿萬里其餘皆夷狄是只

中間許多氣最正四夷皆天地之偏故人物亦

金許多道理不得聖人之治不及四夷亦是氣

隔了然海內風氣自西北開始漸開至東南故三代以上東南為蠻夷今東南人物更盛此天地間大消息也

孟子以後若非程朱則天下貿貿焉人欲肆天理滅高者溺於老佛卑者趨於功利生民之道息矣孟子知言養氣只是箇知與行致知而至於知止則知言矣力行而至於仰不愧俯不忤則浩然之氣自生

程子體道最切如說鸞飛魚躍是見得天地之間無非此理發見充塞若只將此意思想像收放胸中

大儒學語錄卷三十七

敬齋

三十四

以為無適而非道則流於狂妄反於道二矣故引必有事焉而勿正心勿忘勿助長則吾心常存不容想像安排而道理流行無間矣故同以活潑潑地言之以見天地人物之理本相流通但吾不可以私意撓之也

朱子直是勇窮理便窮到底做事便做到底處事不容一毫私意有一毫私意便非王道

事一差心便愧心一愧氣便餒氣一餒道義便虧此是一串事只集義便無此病必有事焉是要無間斷

舍己從人方做得天下事

事雖要聽從人說亦不可為人所惑亂

有公天下之心方做得公天下之事

公天下事以私心為之亦私也

雖無邪心苟不合正理亦妄也

人要立功業亦是私意不立功業亦是私意只循理而已

君子之學只是明理應事事當為處則汲汲為之不倦不當為處則截然不為

天下縱有難處之事若順理處之不計較利害則本

心亦自泰然

人到義理貫通處處事自有要

義以制事者義有剛毅果斷之意以之制事則不牽

於私意孔子曰見得思義利義不兩立見利須思

用義以裁制之不然則必牽於私背於理矣朱子

曰義如利刀相似遇着事便劈斫

順理而行不容些子計較造作故曰行其所無事順

理則智不鑿而萬事治故曰大智

人作差了事須省察悔悟以速改之不可因循含糊若能省察悔悟以改之則後事尚可少過

大儒學語錄卷三十七

敬齋

三十五

改則終身學不長而過失愈多也

古人作事從本上作所以簡要後人作事無本受多

少煩苦費其乃作事不得

躬行雖難然常勉若不躬行則無以有諸己言為空

言知為空知何學為哉

此箇道理本然具足聖人非有加吾人非不足但人

自棄不求

不為堯存不為桀亡大行不加窮居不損須要識此

一本者無一物不是這道理若有私吝蔽固便隔斷

了成二本去故程子言放開意思打疊了心方能

大學學語錄卷二十七

敬齋

三十八

與萬物一體方能合內外之道天人又何間哉

他山之石可以攻玉者以其能生吾戒懼之心也戒

懼則德成情慢則德喪

東萊謂有事是而心非者此說固善然論其極則內

外一致本末一事未有心非而事是者五伯假仁

義事雖似是然謂之假則不是矣

天下古今只着一箇利字害了天理

聞人之謗當自脩聞人之譽當自懼

非與道為一不能樂故曰知之者不如好之者好之

者不如樂之者程子曰非樂不足以語君子

辭禮勿言即是脩辭立誠脩辭是脩省言辭去其非

禮者乃立誠也

志於道德者功名不足以累其心含道德外亦無功

名

天下事皆從我這裏做故曰大本達道

言者心之聲事者心之迹心正時言必不差事亦順

理

權與經本非二理權者稱輕之名能知輕重而處不

失當經是常法權所以濟經如一兩是一兩如十

兩是十兩不失分銖此正天理之精微處非聖賢

大學學語錄卷二十七

敬齋

三十九

不能用後世學不及此有以苟且從俗為權者以

機變處事為權者故權變權術之學興於是背乎

經非所以濟經也

如夫婦人倫重於告禮若告而得娶得以兩盡是經

也告不得娶則廢人倫而重父之過故不告而娶

所以從其重者而處不失當豈不是權

隨時不是隨俗今人錯認以隨俗為隨時古人是因

那時便做那時事無不當其可如堯舜當時便

揖讓湯武當時便征伐孔子當周末便傳道垂

訓皆隨時非隨俗也

程子說中漠無朕萬象森然已具是說未發之時只

是中漠無朕而已而天下萬物之理已具於其

中只去莊敬涵養上做工夫而心之本體以立不

用察覺安排而道之全體已渾然在中

程子說鷄雛可以觀仁切脉可以觀仁是無時無處

不體驗鷄雛是生意純粹處切脉是生理貫通處

程子用心熟方見

浮躁最害事輕儇亦然昏惰亦然

古之聖賢只要盡此道理事業則隨其所遇富貴貧

賤不足道

大儒學錄卷二十七

與人處當執謙然不可媚悅才媚悅則與天地正大

之情不相似

誠意在我人之感不感從不從不可必

物我一理人之善即己之善舍己從人有何不可人

為私意所蔽故偏執己意不能來天下之善

在佑聖觀見壁上題曰逆則處處生顛倒順則頭頭

合自然居仁加兩字曰逆理則處處生顛倒順理

則頭頭合自然

當以義制利不以利害義故程子以只營衣食無義

惟利祿之誘最害心然衣食所要合義不

賢中灑落如光風霽月雖曰形容有道氣象終帶了

些清高意思如曰心廣體胖曰粹而益皆曰克實

光輝此真有道氣象

雖昏亂之世公論猶存此見人性之善處此見秉彝

之不可泯處

諂諛二字脩己治人之大病諛人者固是小人好人

諛者自脩則不聞過治人則惡政日積

以才取人最難小人多有才也

今人只是箇好高喜奇妙憚絕檢故做出許多病

痛

大儒學錄卷二十七

不可以私意喜一人不可以私意怒一人

人苟能省察使事事合理則學大進矣此即是集義

見得道理明白利祿便不敢苟取養得此心純熟利

祿自不肯苟取

詩言明哲保身不是趨利避害以保其身聖賢道理

極明許多事業都在聖賢身上其出來必與天下

俱安道不可行事機亦先見若不識字機徒出犯

難身世俱無所益

自驕者必好人諛己小人曰此高入於口居上而

則亡

今之賢者只任他天資見識作事間有窺測此天理
來用只是所見淺終不濟事此由於學不諳故也
日月至焉亦是到那境界只是不久也

富盛之夕者自然驕奢淫情此盛之所以必衰
悔悟於後不若省察於前

祖廟所以安藏祖考神主不可不立古者禮不下庶
人非是禁之使不立廟庶人貧賤不能具禮也古
者田地居址皆君上所制僅可營生藏身故祖廟
難立但薦於寢今之富家田地基址朝廷無限制
多者數百畝固當割田以奉先推財立廟

六儒學語錄卷三十七

敬齋 四十一

春秋天理之準的使孔子得行其道必參酌百王之
法大備典制為萬世準則道既不行故寓二百四
十二年行事於魯史中乃天理之準的也
夫婦人倫之有王教之端人事之至切近者君子之
脩身齊家造端乎此故孔子錄詩錄正風於始所
以勸也又錄變風所以戒也

皇極訓大中雖不甚害理終不親切惟朱子訓皇為
君訓極為至極之義標準之名然後見人君以一
身為天下法王道根本在於此此義至精至切
箕子之旨矣

朱子謂易為卜筮而作恐不然易是模寫天地間造

化河出圖聖人則之是則其陰陽奇偶之數河圖
亦因卜筮而出乎伏羲仰觀天文俯察地理遠取
諸物近取諸身參驗得無不是此箇道理故畫出
卦畫以示人既畫之後則陰陽消長吉凶悔吝無
不在其中故因用之以筮占吉凶

文王在美里演易周公又繫彖辭是欲以此盡天下
古今之變以為專為卜筮恐不可

陰陽只是一箇消長陽消處即是陰生非是陽去生
陰陰消處陽即生非是陰生出陽來陰陽事物到

六儒學語錄卷三十七

敬齋 四十二

極處便變陽長極了便消消便變陰陰長極了亦
消消便變陽亦不是陰變成陽陽變成陰但陰變
陽即生陽變陰即生以卦爻言之老變而少不變
老陽一變便換出陰來老陰一變便換出陽來凡
事物吉凶治亂皆是如此名之曰易

陰陽上各生陰陽奇耦上各生奇耦此易之理易之
理不出於陰陽兩端變化錯綜生出六十四卦若
再錯綜疊上去生得無窮卦出來只六十四卦足
以該盡事理再疊反過乎煩故卦止六十四亦自
然之理也

下之變無窮惟易以盡之陰陽奇耦變分
無窮若天地之闔闢氣運之盛衰日月之更迭寒
暑之往來陰陽之消長人物之死生國家之興亡
世道之古今其消息盈虛升降屈伸吉凶消長進
退存亡幽明始終善惡邪正皆是此理雖萬變無
窮易足以盡之蓋易自造化中寫出來故也其餘
諸經或因時制作隨時記錄天理人事無不詳盡
所以垂世立教無不精切但天下古今之變惟易
能盡也

觀堯典見得聖人作事只是公天下之心無一毫私
意

讀春秋使人自然戒懼不敢萌一毫私意

春秋之時王道絕矣聖人作經以明王道王道即天
理也因亂世之事裁以天理如當時諸侯不王必
書王正月以正之周王不天必書天王以正之此
皆立萬世之法不但為當世而作也

春秋傳惟程子精約簡當胡氏詳備議論發越然胡
氏亦有穿鑿過當處

古今說春秋者惟孟子程子精切添得聖人作經之
意

程子言諸侯不可越國迎婦止當親迎於館是文
道詩曰韓侯迎止于蹶之里似諸侯越國親迎也
胡文定引以為證

觀三禮皆是憑天理上裁制出來蓋聖人之心理一
而分殊天下之事萬殊而一本故許多制度節文
皆自聖人胸中流出天下後世取以為法學者則
當由是以窮理

胡氏春秋傳多穿鑿只得他議論發越然緊要道理
亦發未到

春秋即人事以明天理用天理以處人事

以易為卜筮之書固不足以盡易以為非卜筮之書
亦不可蓋易是精微之書造化人事無不在內故

以之卜筮則知吉凶以之處事則無悔吝蓋文
始開即生伏羲文字未立先畫卦爻故此書雖

人所作實則天開觀龍馬負圖可見伏羲仰觀
察遠求近取圖中奇耦與天地間造化事物無

契合乃畫八卦因而重之足以盡天下古今之變
以之卜筮足以知吉凶蓋卜筮事變只一理相

而應無異術故聖人用之卜筮為多孔子發此
後天理人事顯然易知不廢典存一非

後天理人事顯然易知不廢典存一非

莫不詳盡自程子作傳多歸於人事而天道者明
易道至此無餘蘊矣

程子易傳多主事理朱子本義多主象占若專主本
義則似乎太拘必讀程傳方發明得盡

讀易者當先觀彖辭彖傳次讀程朱傳義以明之
亦然程傳又有發明到彖傳彖象意外者學者所
當體也

易之道廣大悉備程子以事理明之然事理尤切世
用

經是史之尺度斷例史是經之應驗事為經純史雜

故經不明不可看史

治世之詩言其君上憫恤之情亂世之詩錄其宣家
怨思之苦范氏此說最好

聖人德盛人肯信向就教他做工夫自能下學上達
到本原上上下下俱了子思孟子先將義理大原與

效驗都開肚破腸說了方能使人勇躍去做工夫
自古說春秋者惟程子最精其曰經世之大法皆先
儒說未到

中庸可以盡易之道

道理根源本是一貫聖賢言語如合符契

易是君子而時中之道

論孟六經之道本一

學者要得不差須從小學大學做上去

要截斷學者邪路使不入異端須教之小學上做則

基本堅實自無空虛之患

四書六經皆是吾身上有底道理但聖賢先我而覺

耳不覺所以要讀若不反躬則皆成糟粕

程子發明心有主一句真學之要此便見虛中有實

大本卓然彼拘於功利者雜擾而無主弱於空虛

者寂滅而無主只收斂專一便有主之道朱子所

謂自作主宰自操自存今有一等學問常照看一

箇心在內裏乃異教反觀內視之法其無主一也

或疑朱子言敬者一心之主宰為非以為心能主敬

豈敬能主心曰固是心去主敬敬却能做心之主

也心若不敬即放能敬即存非心之主而何問釋

氏默坐澄心亦是敬也何以心反無主曰似是而

非他只默坐澄心是死法敬則該貫動靜是活法

如居處恭執事敬以至動容周旋皆敬之事能如

此則中自有主又不合他死殺要取此心亦是

助長以其默坐澄心之又雖似見得有箇光明

思亦非真心所以無主也

儒者欲以存心其心體湛然在腔子裏如主人翁在
家便能整治家事是箇活主人釋氏雲坐忘心屏
去思慮久而至於空豁是無主人矣又有只是緊
制其心使之存者便死殺了他做主不得如人家
只得駭底主人全不會整理事業蓋緣緊制其心
蠢然如一物此則禪之下者真空無心是禪之上
者

程子謂有主於內則虛是內裏潔淨明臺無昏雜
無主而虛不同如人家主人在內雜亂人不入故

虛異端言虛只是空屋無人矣

禪家存心雖與孟子求放心操則存相似而實不同
孟子只是不敢放縱其心所謂操者只約束求收斂
使內有主而已豈如釋氏常看管一箇心光光明
明如一物在此夫既收斂有主則心體昭然遇事
時監察必精若守着一箇光明底心則只了與此
心打攪內自相持既熟剝舍不去人倫世事都不
管又以爲道無不在隨其所之只要不失此光明
之心不拘中節不中節皆是道也此其所以爲異
端

今人有過去思慮以爲心不放者有常拘制者住
在這裏以爲存者皆非聖賢存心之法所以流於
異學聖賢只說戒謹恐懼則心自存何嘗着住此
心不許他走只整齊嚴肅則心便一何嘗遏絕思
慮以求不雜

程子發心有主之說擴前聖所未言破異端空虛之
惑異端心不可謂之放謂有主則不可謂在腔子
外則不可亦不可謂在腔子裏其絕滅思慮固不
可謂放而在外其曰空寂曰無心又不可謂存而
在內雖曰無心然亦不能使截然無也故又有照

看一箇心光明常在者如此則又只了照看其心

兩相持攪如鵲蚌相似其無主亦甚矣聖賢則收
斂莊敬其心肅然在此湛然而心常有主矣
莠之亂苗紫之奪朱皆以其相似而難辨與儒道相
似莫如禪學此最害道者後之學者做存心工夫
不得其真者多流於禪所謂高者入於空虛蓋天
資高邁者多厭世事之冗而樂於虛靜又好奇妙
而忽卑近又力去做靜中工夫屏絕思慮是在內
裏先做空了不覺流於禪學
人之學易差羅仲素李延平教學者靜坐中看喜怒哀

未發以前氣象此便空却既是未發如何肯
得只存養便是昔呂與叔蘇李明求中於喜怒哀
樂未發之前程子非之朱子以為已發之際默識
其未發之前者則可愚謂求未發之中看未發氣
象則動靜爭違反致理勢危急無從容涵泳意味
故古人於靜時只下箇操存涵養字便是靜中工
夫思索省察是動上工夫然動靜二端時節界限
甚明工夫所施各有所當不可乖亂混雜所謂動
靜不失其時其道光明今世又有一等學問言靜
中不可着箇操字若操時又不是靜以何思何慮
此學所以易差也

周子有主靜之說學者遂專意靜坐多流於禪蓋靜
者體動者用靜者主動者客故曰主靜體立而用
行也亦是整理其心不使紛亂躁妄然後能制天
下之動但靜之意重於動非偏於靜也愚謂靜坐
中有箇戒謹恐懼則本體已立自不流於空寂維
靜何害

心有存主即能宰制萬物孟子未放心是本原功夫
釋氏置心於無用之地曷嘗有主

存養久則理自明蓋心無雜擾而本然之善自著曰
異端亦有存養其或絕天理何也曰異端只素淨
打坐澄心何嘗有戒謹恐懼主一無適工夫儒者
雖存養又窮理異端不窮理所以差也

離內外判心迹此二本也蓋心具衆理心與理一也
故天下事物之理雖在外統之在吾一心應事接
物之迹雖在外實吾心之所發見故聖人以一心
之理應天下之事内外一致心迹無二異端虛無

空寂此理先絕於内以何者而應天下之事哉由
其專事乎内而遺其外厭棄事物之理專求本心
之虛靈是分内外心迹為二矣内外心迹終二他
不得空則内外皆空實則内外皆實有則内外皆

有無則内外皆無是則心迹皆是非則心迹皆非
正則心迹皆正邪則心迹皆邪固未嘗不一也
心與理本不相離逐物欲則離矣異端則離聖人則
心與理一也賢者合於一也

朱子言能求放心即是仁此言最親切蓋生理渾然
具於心謂之仁而心實主統之或心為物欲所

而逐物於外謂之放則此理無所主統不能具此
生理而失之若能存此心不致放逸則身有所主
生理自具或曰禪學亦能收放心乃背理如此何
也曰聖賢是隨事敬謹以存其心心有主也禪學
絕滅物理屏除思慮以謂心存是空其心絕其理
內未嘗有主何以具天下之理其學亦有數樣
有面壁靜坐絕去人事使心不與物交以謂能存
其心者有常常照看一箇心在內裏以為不放者
有只守一箇念頭羈制其心使心不能出入以謂
存其心者皆非聖賢存心之法或曰何以謂之有

主曰在內不放即有主也有主則惺惺曰釋氏何
以無主曰釋氏空靜是滅其主矣羈制其心則做
主不得照看其心亦擾亂不能為主此儒者之學
所以內外一致體用全備釋氏則體空於內用絕
於外內外離隔矣

此心本與天地萬物同體但為私意所蔽錮則當致
其克復若欲以吾之智次包括宇宙便成狂妄流
於異端
心與理非二物釋氏離乎理以存心所以終歸空去
吾儒心與理為一釋氏心與理為二

而者用成謹思懼而心存是敬以直內萬理具在
遇事尤加敬慎故心與理不離釋氏則屏絕思慮
事理使不撓吾心以為存性無事將如此待得事
來一撓便亂了是他心存時與理離而為二故
一動便亂或謂釋氏有體無用子以為正是他無
體故無用

學一差便入異教其誤無聖賢之意者甚多此言無
為是無私意造作彼遂以為真虛靜無為矣此言
心虛者是心有主而外則不入故無事無彼遂以
為真空無物矣此言無心人寂然不動之中萬理
咸備彼遂以為真無心矣此言無適而非道是道
理無處無之所當操存省察不可廢次顛沛之
彼遂以為凡其所適無非是道致生其猖狂自恣
而不顧也

吾儒無事時心湛然在內有事時即是道當心去應
察處置所以動靜表裏皆一此心只是箇敬佛
氏只是硬把捉定這箇心方其無事時把捉緊
縛得住有事時便亂了

上一只是常要整頓非正事得箇物事未做言不失
堯曰明明只欲觀心目明未足見得此

光明如一物在此儒釋之分止在止處

辨也

子以必有事焉而勿正心勿忘助長為善是孟子
子言外之意主一即此我也於此命解則意不
容天理流行矣故與飛魚躍同一理

釋氏其實無見只是弄精神也

用此端曰不操而存曰無適而非道何也

于操只要心空無物與知不嘗見道只為心盡道
無不在以為無適而非道故猖狂妄行也

以放心只是一箇敬不主敬而欲收放心也

愈見費力縱使捉得住亦是箇死物事

卷三

三

昧所以具眾理應萬物者誤不能矣惟整齊嚴肅

主一無適則隨動隨靜自然收斂不放心則不放

則內有主自然神明不測體用不虧此釋老之學

空寂無用儒者之學所以通達萬變也

釋氏之存心有二一是習為虛靜絕滅思慮使之無

雜擾一是常照住此心不令走作殊不知聖賢教

人自洒掃應對周旋禮樂孝弟恭敬皆是存心之

具如九容九思亦是存養之法故心存理得而事

治釋氏之存心適以壞其心之體絕其心之用

害莫大焉

釋氏行住坐卧無不在道道愈鶻突是他只管想像
把住不去格物窮理

不愧屋漏雖無一事然萬理森然已具於其中此是

體也但未發耳老佛以為空無則不體已絕矣人

只言老佛有體無用吾謂正是其體先絕於內故

無用於外也

儒者養得一箇道理釋老只養得一箇精神儒者養

得一身之正氣故與天地無間釋老養得一身之

私氣故逆天悖理

敬齋

三

禪伯行住坐卧無不在道愈與道離行住坐卧無不

存心中愈無主是其未嘗隨事察理只想像一箇

道來懷放胃中未嘗莊敬嚴肅只將一箇心來求

索作弄

禪家存心有三樣一是要無心空其心一是羈制其

心一是照觀其心儒家則內存誠敬外盡義理而

心存故儒家心存而萬理森然具備禪家心存而

寂滅無理儒家心存而有主禪家心存而無主

家心存而活禪家心存而死然則禪家非是能存

其心乃是空其心死其心制其心作弄其心也

儒學心與理一而心自無不存佛學心與理難一亦不得謂之存

禪學是他捉住此心安在腔子裏及久常若見此心光燦燦在內自以爲真能存心及其遇事所存之心已靠不得遇事來心又失了存得心來事又背了故其相與亂爲私自恣蓋緣心與事兩不相照是其所存之心不足以具無理又滅衆理不足以應萬事又害萬事故禪聖之全如此殊不知心本在內之物其體足以具衆理其用足以應萬事或爲氣習所擾物欲所誘而放也惟戒謹恐

大學章句卷二十七

朱子

子四

惟齊莊恭敬若履淵冰若接賓客則固已懸然在內天下一理已通具於其中豈假拘縛爲提而後入照乎一而後存哉事物之來此懸然在內之心隨之而應之必能精察詳盡各得其理又豈有紛擾之患哉易所謂敬以直內義以方外中庸所謂入道此之謂也

釋氏是爲其心之法反觀內使心動不得屏絕思慮使心正不得動以守一箇念頭再無他念皆是制在此心及處物之反此心懸然亦不走在覺心其萬理應事反被其制一此其所以二

理人倫事物滅絕一歸於空寂

儒者存此心以應物心存則處事當理事得其理則心益存所謂內外一致心迹不分佛氏只去把持一箇心不去應事是絕了心之理當事物之來不得已而應之又要把持照看此心在腔子裏是一邊外面應事一邊內裏持心應得外面事又不曾持得內裏心持得內裏心又不曾應得外面事此其所以內外判隔顛倒猖狂而得罪於聖人也

大學章句卷二十七

朱子

五十五

老氏既說無又說杳杳冥冥其中有精混混沌其中有物則是所謂無者不能無矣釋氏既曰空又說有箇真性在天地間不生不滅超脫輪迴則是所謂空者不能空矣此老釋之學所以顛倒錯謬說空說虛說無說有皆不可信若吾儒說有則真有說無則真無說實則真實說虛則真虛蓋其見道明白精切無許多知道之辭老氏指氣之虛者道釋氏指氣之靈者爲性故言多邪遁以理論之此理流行不息此性稟賦有定豈可說空說無以氣論之則有聚散虛實之不同聚則爲有散則爲無若理則聚有聚之理散有散之理亦不可言無也氣之有形體者爲實無形體者爲虛若理則無

不實也問老氏言有生於無佛氏言死而歸真付
也曰此正以其不識理只將氣之近似者言也老
氏不識此身如何生言自無中而生佛氏不識此
身如何死言死而歸真殊不知生有主之理不可
謂無以死而歸真是以生為不真矣問佛氏說真
性不生不滅其意如何曰釋氏以知覺運動為性
是氣之靈處故又要把住死物以免輪迴愚故曰
老氏不識道妄指氣之虛者為道釋氏不識性妄
指氣之靈者為性

釋氏心亦不放只是內裏無主

釋氏要無心然無不得故在空中見出一箇假物事

以為識心見性以為不生不滅其實未嘗識心未
嘗見性也

釋氏以作用是性殊不知性是吾身之理作用是吾

身之氣釋氏認氣為理以形而下者作形而上者
釋家害道最甚緣他工夫與儒家工夫相似他坐禪

入定與儒家靜定相似他心空與儒家虛心相似

他快樂與儒家悅樂相似他性周法界與儒家萬

物一體相似他光明寂照與儒家虛靈知覺相似

儒家說從身心上做工夫他亦專要身心上做工

夫儒家說誠意他便發誠心故似是而非其過於
禪家愚謂儒釋工夫在源頭已不同矣儒家工夫
自小學灑掃應對進退詩書禮樂愛親敬長必恭
必敬無非存心養性之法非僻之心在這市已無
及長則主敬窮理並進交養戒謹恐懼惟心一事
有差則心無不存理無不在禪家只是默坐澄心
絕滅思慮直求空寂空寂之久心能靈通殊不知
空寂之中萬理滅絕那些靈通只是自己精神意
見全不是道理故他之心已與理二矣既與理二
則凡所動作任意為之以為此即是神通妙用不
用檢察自然廣大無邊又專一守此以為至玄極
妙其空豁快樂者以此性周法界者以此光明寂
照者以此若儒家存心愈熟則察理愈精又則心
與理一動靜語默酬酢舉措無非天理發見流行
所以家齊國治天下平天地位萬物育是其功效
自然之妙豈禪家顛倒錯亂所能比哉

遺書言釋氏有敬以直內無義以方外又言釋氏內

外之道不備此記者之誤程子固曰惟患不能直

內內直則外必方蓋體用無二理內外非二致豈

有能直內而不能方外體立而用不行者乎教則

中有三釋氏中無主謂之微可乎

朱子語錄言釋氏徒守空寂有體無用此記者之誤
豈有有體而無用者乎釋氏專守空寂是無體矣
猖狂自恣是無用矣

釋氏當初只是去習靜坐屏思慮靜久了精神光彩
其中了無一物遂以為真空言道理只有這箇極
玄極妙天地萬物都是這箇做出來得此則天地
萬物雖壞這物事不壞幻身雖亡此不亡所以其
妄愈甚

或問今之學者多入異教何也曰今之學者多喜玄

妙愛虛靜貪快樂

五文

不曾做博文約禮工夫如何不

入去

老氏雖背聖人之道未敢侮聖人莊子則侮聖人矣

莊子雖侮聖人未敢侮天地釋氏則侮天地矣

老佛所以多詐妄者實理先絕於內也

學老釋者多詐是他在實理上刻斷了

老子最好待人處事皆要處其下居其後非真有謙

遜自卑之心蓋見剛而居高者多危僂而居前者
多凶又見谷之卑下虛空衆流之所趨故欲為天
下谷而專一守其卑下居柔處懦其心實欲高

人先於人勝於人也其心詐其機玄其害深為害

甚酷

儒者之一一於理而不為利欲所雜老子之一一於
虛無

老佛只消空無二字天下道理一切掃盡

老氏說無終不柰這道理有何佛氏說空終不柰這
道理實何所以終歸於邪遁也

老莊之說最妄如說堯欲讓位於巢由皆假設以誇

其高必得舜之聖方能紹堯之治堯豈肯輕讓位

於巢由乎

大儒論學卷十七

敬齋

五十九

老氏談道德然以虛無玄妙為道德適足以滅夫道

德佛氏言心性然以寂靜空豁為心性適足以滅

夫心性

莊子所謂自治只是存得自己一箇神氣道理已離

了

莊子所謂自然乃棄滅道理而不為非理之自然也

天下只有一箇是非順理則是背理則非莊子却要

忘其是非不加省察儒者只尋箇是處

聖賢一循乎天理故自無累今山林隱士欲脫去塵

俗世利以求無累異端欲屏去人事思慮以求無

累山林隱士雖自遂一偏之高不足以盡天下之理然未至甚害理其清高之風猶足以教汚俗與端則天理滅絕顛倒尤甚高士一變則為異端矣若聰明人不去事體上體究只憑自己意見必喜高妙必至陷溺

天下古今繆妄以致顛倒錯亂莫甚於佛氏自其說流傳引取了多少好人陷入那誤門中去禪家素淨打坐只消一箇空字把天下道理滅迹掃盡

釋氏是見得自己一箇精神知覺在光明不昧中遂

指為心性然非真物

佛學所謂捷徑者以為身不用檢事不用察只專守此心便會悟道若悟得萬事皆了不用下學自能上達所以任其自然儒者則存心以敬又重事精察無遺所以窮理力行之功盡人倫周事物其效則三綱正萬事治

釋氏只想像這道理儒者便即事物上去窮究佛學心守向一路去更不去窮究天下道理

異端害道如莠之亂苗其害大而深功利害道如草亂苗其害小而淺

人好閑散虛靜者不於老定入於釋好事功者多入權謀順理則無病

一本而萬殊萬殊而一本學者須從萬殊上窮究然後會於一本若不於萬殊上體察而欲直探一本未有不入異端者

異教所謂存心有二也一是照看此心如有一物常在這裏一是屏除思慮絕滅事物使其心空豁無所外交其所謂道亦有二也一是想像摸索此道如一箇物事在前一是以知覺運動為性謂凡所動作無不是道常不能離故猖狂妄行

今人未曾做得下學工夫便欲貪求高妙如何不入異教去未曾識得聖賢作用便要建立功業如何不入功利權謀去

高者入於空虛卑者流於功利此二句說盡天下古今之病自古害世教只有此兩般人正學不明名教無主學者緣要身上用工便入空虛去緣有志事業便流入功利益見道不明以近似者為真故也

人清高固好然好清高太過則入於黃老人固難得廣大然好廣大太過則入於莊佛惟窮理之至一

不要受事一箇其性不生不滅

用一源非二事人言老佛有體無用

有體而無用者老佛空其體而絕其用

體不香譬如伐去其木之枝幹而專培養其根伐

之者適以速其朽壞故禪學絕滅天理最速且盡

不愧老佛之能到得不賞而民勸不怒而民威於鉄

鐵爲一平

人並治人內外之道

一則德而民化二則得賢才

治天下難六情身爲事未有身條而天下

心也

不肯用邪人此爲若之大本故曰一正

而國

致知是明德則下

了五書

循乎理乃爲正事

本世道衰百病俱生邪異蜂起或爲記誦或爲

詞章或溺於功利皆非善學者也此不爲者也

好清高剛傲者多流於高者好高者多入

於禪宗此過中者也又爲善學乎

配道與道之氣方是若之氣是天地間之氣

所養一才之氣

人小雖殊聖則一吾儒先盡人事而後天

理氏未能真見恒作弄且已精神

公便與天地萬物同體天人合一

乎天地萬物欲將天地萬物去

合天地萬物欲將天地萬物去

天地萬物本吾一體莊周付之自然

天地萬物隔絕分爲二體矣

氣則有聚散有虛實有生有死

則不可以有無言老氏以萬物生

無也故以虛爲道以無爲

氣猶有近似者佛氏言若亦言虛

亂顛倒尤甚老氏要長生不

也一則是君德既新有以感化引起他同然之心
二則是施設教條教他去做工夫三則是有政有
刑禁革其非心使之向善益固去惡益力也

忠邪不兩立盧杞等黜然後陸宣公之志方可伸其
一二而唐室之復不旋日矣

忠賢既用奸邪自息如陽春既長陰凍自消

有聖賢之君必有聖賢之佐若中才之君有聖賢之
佐亦可成王業太甲成王是也

關四門明四目達四聰此舜爲治手段後世所當法
也搜揚賢才而用之則四門闢矣得賢明忠直之

士而寄以耳目廣詢博訪以來直言極諫則四聰
達四目明矣

唐虞公天下而與賢三代家天下而與子二者皆天
理也非私也帝王無二道所遇不同也

古今敗國者皆自敗也或荒淫或遊田或暴虐或任

小人或好官室或好貨聚斂皆亡國之具也故爲
君者必兢業脩身任賢去奸愛養斯民乃保國長

久之道

小人敗天下喫緊是移惑君心又引小人來居要位
君臣不以道合而以功利相濟者鮮能保其終

上之人肯自脩則善聞過喜聞過則能來忠

忠直之士進則小人退君子進國家之治本

不自脩者則忌聞過忌聞過則必好諂諛好諂

則諂諛面諛之人進君子退矣國家之亂本

世道之所賴有二一則降秉秉彜不可泯滅二則
聖賢遺訓尚存有志之士因以感發用功無此二

者生民之道熄矣後世教化全不可恃

程朱是以道事君而不合者

脩身便是王道

正道難行如良玉難售大器難用自然之理學老

可以其難行遂變其所守如範我馳驅而不獲等
遇而得禽豈可因範我不獲而說遇乎然在未世

則然遇湯武又何難行哉

聖賢只依天理做事所以極其大與天地參伯者以

智計處事便小

事事存其當然之理而已無與焉便是王者事着些

計較便是私吝心即流於伯矣

聖人不忍生民塗炭故取伯者之功聖門明乎脩己

治人之道故羞稱五伯

人之氣貴乎剛却怕脆氣剛則才大氣龐剛才大

大而疎成少敗多故君子養其氣以至剛大完密則才德全矣

人苦無才此只是不窮理理明才自長然又須養氣以充之存心以察之

作事須要人才然人才一半是天生出來一半是聖人作興出來如伊傳周召是天生出來如曰豈弟君子遐不作人濟濟多士文王以寧是聖人在位作興出來

九正官須要才德兼全方可為佐貳官可截長補短用

縱有良法非其人而行之反成弊政雖非良法得賢才行之亦救得一半人法皆善治道成矣

道不行不可立朝職不稱不可食祿

天下之田地足以供天下之衣食天下之山澤足以

供天下之財用但力要勤用要節取要時而已

須務農重穀輕省徭役使民得以盡力耕耨去冗食

之官與坐食之兵在上者躬行節儉限貴賤之等

變奢靡之俗然後儲蓄可廣雖遇凶年民無飢困

矣

今學校之政全無可觀教養之法已廢間有些好人

出來皆是天資自美若不立德行一科學校全無

理不得朱子曰上之人曾不思量時文一件事子

集賢著急何用更要教設學校却好教他理會

分事業

程子以經義德行才能三物取士者何也德以化民

才以治事然必明經學古然後才德進而無所偏

化民全要身脩

欲君身脩在於學

女色之害甚酷小則亡身大則亡國紂嬖一妲己而

殷之宗廟社稷滅亡幽王嬖一褒姒宗周喪滅文

姜淫而殺魯桓齊襄二君宣姜淫而衛為狄滅女

色之害可勝言哉

諸葛孔明司馬懿智勇相等只是孔明公平正大之

氣非懿所能敵故懿舉中原之兵不能當偏蜀之

師那時不敢出戰軍中已喪氣孔明三年不死懿

成擒矣

隋文帝篡國之君王仲淹獻太平策可謂不知人矣

陸宣公才極精密周備三代以下罕及但德宗庸君

不能盡其才宣宣公不以格君心為先務乎

范希文之正氣不待養而剛大是天資正大非學力

也若使深造則王佐矣

人才氣雖大不可無學力如寇萊公後來因天書復相更做得甚事

范文正作事必要盡其方曰為之自我者當如是其成與否則有不在我者雖聖賢不能必吾豈苟哉此范公有胸合聖賢處故其進退出處超然無累行藏舒卷過於他人

將相一體方能成天下之務韓信李愬能成其功以有蕭何裴度協心於內宗澤岳飛不能成功是為汪黃秦檜沮撓於內也

帝王無二道一於仁義而已

帝王之心與天地萬物同體發而為用萬物各得其所上下與天地同流

君相之職最難者是知人

如孔明誤信馬謖溫公不知邢恕劉元城不知程子游定夫胡文定不知秦檜皆是大本有欠燭理不明故也是以君子大居敬而貴窮理

君子用則賢才舉德政脩安有不治小人用則姦邪進虐政多安有不亂

右五百條

書敬齋先生語後

先生隱居餘干之梅溪聞吳康齋先生倡絕學於小陂之上慨然徒步往從之既歸反求諸身心一主於敬期以聖人之域為歸宿其所著有居業錄若干卷古城張公東湖吳公皆嘗摘輯第於其闡明斯道切于心學者顧多闕遺茲每謂之乃精玩備采手錄如右俾求先生者於此乎卒業焉則不必徧讀其書而其窮理盡性之學居可盡得其精妙矣嘗考先生篤于為己不求人知而世亦無能知之者其處窮也至於窘乏之甚鵠衣簞食人所不堪而超然有自得之樂終其身而不改一切紛華權利舉不足以動其心雖在屋漏之中夫婦相對如賓甚至一揮拋篋笥之微亦區別精嚴沒齒不相淆亂嗚呼先生之道德實積于躬者有如此豈獨其言之至焉而已哉景仰高風為之歎容三子嘉靖庚子二月望日莫謹書

大儒心學語錄二十七卷

江蘇巡撫
採進本

明王莫撰是編亦其歸養之時所輯諸儒語錄凡

周子程子張子邵子楊時謝良佐呂大臨尹焞羅

從彥李侗胡宏朱子陸九淵張栻呂祖謙黃幹蔡

沈陳淳真德秀薛瑄吳與弼陳獻章胡居仁二十

四家皆論心學之語也